

NYPL RESEARCH LIBRARY



3 3433 08753631 8

**THE BEQUEST OF**


**ISAAC MYER**

**RECEIVED FEBRUARY 1904**



(Observationum

NVZ




OBSERVATIONVM  
SELECTARVM

AD

REM LITTERARIAM  
SPECTANTIVM.


*TOMVS V.*



---

*HALAE MAGDEBVRGICAE Ao. 1702.*

Prostat in officina Libraria Rengeriana.





## OBSERVATIO I.

De

### BERNARDINI OCHINI DIALOGORVM LIBRIS.

§. I. **D**e Ochini doctrina optime ex ipsius scriptis est iudicare. §. II. Præcipuum inter scripta est dialogorum liber, italicè scriptus, a Sebastianæ Castalione latine versus. §. III. Bzovius & Ræmundus notantur, qui hunc in Transylvania scriptum dicunt. §. IV. Ochinus primis dialogis probat, Iesum esse verum Messiam. §. V. quid dialogo VII. de Christi satisfactione sentiat Ochinus. §. VI. quid de regnitorum peccatis & peccato lethali sentiat. §. VII. Dialogo vndecimo & duodecimo originale peccatum & legis obedientiam explicat. §. VIII. Dialogo decimo tertio, qua ratione homo possit obedire legi agit. §. IX. dialogo decimo quarto probat solius Iesu opera nobis ignosci peccata. §. X. dialogo decimo sexto qua ratione Deus sit exorandus docet. §. XI. dialogo decimo septimo necessitatem credendi, Iesum esse verum Messiam, probat. §. XII. de peccato in Spiritum Sanctum

(5)

A

agit,

agit, & an regeñitus possit relabi. §. XIII. de Trinitate, & Christi diuinitate agit dialogo decimo nono. §. XIV. dialogo. XX. an personarum Trinitas sit creditu necessaria, agitur. §. XV. dialogo vigesimo primo de polygamia disceptatur. §. XVI. Quæ Ochini de ea sententia, §. XVII. Lutheri & Ochini sententiae de polygamia in casu necessitatis conferuntur. §. XVIII. Exemplum Philippi Hassiae Landgrauii adducitur, a Luthero aliisque Theologis & ICtis adprobatum. §. XIX. Braunsmannus Lutherum excusans notatur. §. XX. Theodorus Betza Ochinum singulari scripto notauit. §. XXI. Ioannes Gerhardus Ochino respondet. §. XXII. Quid hac in controuersia sentiendum. §. XXIII. Theophilus Alethaus inter recentiores polygamiam defendit. XXIV. Dialogus vigesimus secundus an ob adulterium fieri liceat diuortium, tractat. §. XXV. Dialogo vigesimo tertio an ob infidelitatem diuortium possit fieri, queritur, & simul quid de auctoritate Doctorum sentiendum, dicitur. §. XXVI. dialogo vigesimo quarto agitur, qua pœna adficiendi sint adulteri. §. XXVII. dialogo vigesimo quinto paparum siue deorum terrestrium sectam esse prauissimam concluditur. §. XXVIII. dialogo vigesimo sexto de ratione extruendi regni Christi & destruendi Antichristi agitur. XXIX. dialogo vigesimo septimo de criteriis verae, falsaeque ecclesiae, paedobaptismo & administratione sacrae cœne agitur. §. XXX. dialogo vigesimo octauo hereti-

*cus quis sit, an & quando interficiendus, disquiritur. §. XXXI. Hottingero idem arguenti respondetur. §. XXXII. dialogo vigesimo nono de præstantia agentis Theologiæ agitur præ contemplante. §. XXXIII. dialogo trigesimo & ultimo de humana diabolicaque arrogantia dicitur. §. XXXIV. Brevis repetitio doctrinæ Ochini, & contentorum in dialogis.*

## §. I.

**C**onsiderauimus priori obseruatione vitam & fata præcipua Bernardi n Ochini eundemq; contra calumnias variorum, qui vel atheum, vel hæreticum eundem faciunt, defendimus. Agemus nunc de doctrina, quo eum non iniuste a nobis defensum fuisse pateat. Melius id fieri non poterit, quam si ipsa eiusdem scripta examinemus, ex quibus de vera Ochini mente plenius patebit.

§. II. Præcipuum inter eius scripta mihi videtur eiusdem dialogorum liber, qui ipsi periculum attulit, Tigurinæ turbam mouit. Titulus est talis. *Bernardini Ochini Senensis dialogi XXX. in duos libros diuisi, quorum primus est de Messia, continetque dialogos XVIII. Secundus est cum de rebus variis, tum potissimum de trinitate. Basileæ 1563. apud Petrum Pernam. 8.* alicæ primum prodiit liber, post vero in lati-

nam translatus fuit linguam. Sebastianum Castalionem translatores fuisse, nullum est dubium. Quod non solum probat Thuanus \* & Bzouius, \*\* sed & Dudicius in notis MStis in hos dialogos Ochini, quas Sandio \*\*\* videre contigit; qui ad haec verba dialogi XVIII. *te Spiritus Sanctus inuadet, & supremi vis inumbrabit, itaque sanctus iste partus dicetur, hoc est, erit Dei filius*: haec in margine adnotauit: *vel hinc adparet esse Castalionis interpretationem*. Ipse quoque Castalio, cum de hac facta translatione inculparetur, se in literis ad Consulem & Senatum Basileensem, datis ita exculpat: \*\*\*\* *quod ad accusationis partem secundam attinet, videlicet quod Bernardini Ochini dialogos transtulerim, non puto id mihi fraudi esse debere. Transtuli enim, (sicuti & alia eius opera transtuleram,) non ut iudex, sed ut translator, & ex eiusmodi opera, ad alendam familiam questum facere solitus: & typographus librum se dixit obrulisse, eumque secundum Basileensia instituta fuisse censura adprobatum. Quare & dialogos istos a bono illo viro, Sebastiano Castalione, latine versos dicit Theodorus Betza...*

## §. III

\* lib. XXXV. prope finem

\*\* ad annum 1542. §. 30.

\*\*\* Bibl. Antitrip. p. 5.

\*\*\*\* Sandius c. l.

\*\*\*\*\* de polygamia p. 4.



§. III. Hos dialogos in varias alias linguas fuisse translatos testatur Bzouius; \* quod vero eos in Transyluania scripserit, vt testatur, idem, postquam iam apud Heluetos eiectus, in quo & eum sequitur Florimundus Ræmundus, \*\* maxime errant vtrique; cum anno 1563. editus fuerit liber, illo ipso anno, quo eiiciebatur, qui & causa erat exilii. Quod ipsum etiam vtrosque refutat, qui dialogum de polygamia in Polonia conscriptum, & Sigismundo II. Regi Poloniae dedicatum fuisse dicunt, cum ille horum dialogorum, coniunctim editorum partem faciat, vti infra latius patebit. Horum dialogorum exempla in loco admodum celebri esse concremata, refert Bullengerus, \*\*\* sed mallem addidisset locum & auctoritatem.

§. IV. Dedicatio libri primi directa est ad Comitem Bethfordiae, & sane pie est scripta, omne studium religionis in eo situm esse probans, cognoscere Iesum esse verum Messiam. Plenius adhuc id probat dialogo primo praefertim atque secundo. Contra Iudæos autem agit in toto hoc primo libro, quare & per dialogos, quos ipse cum Iacobo Iudæo inducit, rem explicat, Iudæorum argumenta Iacobo

A 3

cobo

\* c. 1.

\*\* *Synopsi haeres. sec. XVI. lib. III. c. V. p. 230.*\*\*\* *apud Boxhornium in hist. vniu p. 1744.*

cobo exponente, refutante Ochino. Et sane, qui penitus introspexerit, quam firmis atque grauibus argumentis contra Iudæum disputet, Christum esse verum Messiam, qui legem adimpleuit, pro mundi peccatis satisfecit, a omnibus malis nos liberauit, eum esse Mesiam spirituales; & quam fortiter Iudæi argumenta in contrarium euertat, fateri necessum habebit Ochinum vere & pie de Christo sentire. Ita vt in Ochinum non cadat, quod Ioanni Bodino, Gallo, alias imputant, in colloquio eiusdem heptaplomeri fortius argumenta Iudæorum ac Naturalistarum adstrui, quam Christianorum. In tertio, quarto, quinto & sexto dialogis, contra Iacobum Iudæum probat, qua ratione per Christum ab omnibus malis libertatem fuerimus consecuti, & in spiritualibus cognitionem peccata non imputentur, sed condonentur.

§. V. Dialogus septimus est, ex quo primum errorem hausere Tigurini. Inducitur p. 181 Ibi Iacobus Iudæus, hæc verba proferens: *at vos Mesiam satisfecisse dicentes, falsum dicitis, & quod nusquam in sacris litteris vel disertis vel idem indicantibus verbis extat: Verum quidem, si ipsius Ochini hæc esset sententia, eundem inter homines a Christo alienos haut, male referri, certum. Sed ipse in responsi-*  
oni-

onibus suis Iudæo contradicit, & Christi satisfactionem constanter adstruit, maxime vero dum ait: *licet dicere Christum in cruce morientem satisfecisse duobus modis, primum quia diuine voluntati satisfecit, cum Deo usque ad mortem crucis obedit, faciens quidquid ei Deus mandauerat, eumque facere volebat. Alio item modo satisfecit, dum pro peccatis nostris satisfacit, propterea quod eius supplicium mortemque Deus gratis acceptum habuit pro satis magna satisfactione pro peccatis nostris: quamuis ea per se ac suapte natura non talis esset, ut Deum ad ipsam pro tali accipiendam obstringeret. Itaque non nisi Dei beneficio satisfaciens fuit mors Christi. Hoc de Christi satisfactione adsertum est Ochini. Arguit quidem Hottingerus Ochinum, quod paullo post scribit: *satisfecit Christus & pro nostris peccatis, hoc est a nobis commissis: & pro suis, hoc est, sibi imputatis. Itaque ut concludam, hoc dico, quamuis in sacris litteris Christum satisfecisse non sit disertis verbis proditum, tamen eadem sententia in eis extat, quo modo iam diximus, itaque pie dici hoc potest.* Falsissimum hoc putat Hottingerus, sic, ut a pertis scripturæ testimoniis comprobari possit. Impium quidem esset dicere, Christum pro peccatis nostris non satisfecisse: impium, dicere illud scripturæ sacræ testimoniis non comprobari: satisfecisse vero disertis atque expressis verbis in-*

scripturis contineri nemo probabit. Christum sustulisse peccata nostra, suscepisse debita, passum esse ob nostra delicta, sacrificium esse factum pro peccatis & expiationem, liberasse nos a peccatis; loquuntur scripturae. Ex quo satisfactum esse DEO omnino sequitur, cum remissio peccatorum arguat satisfactionem; licet illud expressis verbis in sacris non extet. Ex quo videmus, nouam non esse hac de re doctrinam, quam in Hodego suo ad doctrinam de iustificatione probat Democritus Christianus; quin iam dudum fuerit prolata, licet & huius scriptoris spiritum, non ubique ad probemus.

§. VI. Dialogo octauo bene probat, Christum nos redemisse atque ex peccati seruis fecisse liberos; idque verum esse Messiae attributum ex Veteri Testamento docet. Dialogo nono ostendit, qua ratione Christus nos Deo reconciliauerit, iramque Dei placauerit. Dialogo decimo disputat an regeniti peccent adhuc; vbi postquam varias variorum adduxerat sententias, an & quatenus peccent, concludit: *Habere renati Dei bonitatis cognitionem, spiritualeque gustum atque sensum in Christo & per Christum: habuerunt & diuine electionis suae testimonium, arrham, sigillum sancti Spiritus.* Itaque cum restet in eis *via memoria bonitatis Dei, certaue scintilla spiritus, a quibus*

p. 222

aper-

a peccato abstineantur, superest in eis semen viui sermonis Spiritus Sancti, eorum animis tenaciter impressi: cuius sermonis opera singularem illum Dei amorem sensere: quo fit, vt aut nunquam, aut certe rarissime labantur: idque non vt saxum, sed leuiter vt plumae; non in vitium toto animo precipites effrenique impetu ferantur, sed reluctantes animique conscientia mordente, ideoque facile & cito resurgant. At impiis, qui Deum nunquam gustauerint, contra vsu venire. Vt ergo quid de regenitorum peccatis sentiat, bene explicet, in sequentibus etiam quid per lethale peccatum intelligat Ioannes \* enodat; non quidem peccatum in Spiritum Sanctum, quod nobis non ita notum esse dicit, vt id certo sciamus, quale sit; sed tale peccatum, in quo quis ad mortem vsque perseuerat, & in eo sine poenitentia moritur. Illud proprie adpellari dicit crimen, & lethale esse peccatum, ac pro huiusmodi peccatis orari non debere; videlicet postquam in eis mortuus est homo, at, quamdiu viuit, semper orari debere eius peccatorum veniam. Id quod ab Hottingero & Tigurinis non esse adnotatum miror, cum ab orthodoxorum sententia plane sit alienum; iis tamen qui post mortem aliquam adhuc animae purgationem credunt, defendendum relinquimus.

A 5

S. VII.

\* I. Iob. V.

§. VII. Undecimus dialogus totus facit, ad probandum, esse peccatum originale: id quod sacræ litteræ vocent peccatum, legem membrorum, cupiditatem. Primo quidem diuersas quindecim refert opinionēs, quibus probare contendunt aliqui, peccatum originale quid sit, qua ratione operetur & transeat in omnes homines: quas tamen omnes tanquam falsas reiicit, & suam latius probat: A morte facit initium, eam non esse naturalem adferens, sed pœnam peccati, quæ per Adamum venerit in mundum. Deinde esse, originale peccatum probare contendit, id quod variis scripturæ locis facit, quæ etiam

p. 295 singula optime explicat, & concludit. *Fecit Deus hominem rectum ac non intemperatis adfectibus præditum. Itaque cum iidem nunc sint intemperati, fatendum est, eos esse peccata, & ab Adami peccato originem traxisse. Et sane eos potuisset a nobis auferre Christus, ut sint intemperati, hoc est moderari in ordinemque cogere: sed noluit: quin eos sic reliquit ad virtutis exercitationem. Illud fateor, Christi beneficio fieri, ut electis non imputentur.* Dialogo duodecimo, qua ratione opæ Iesu legi diuinæ possimus obedire, explicat, ubi inter alia: *Dixit Paulus legem latam esse ob delictum, hoc est ut non solum per eam officium deli-*  
 p. 301 *Itaque nostra cognoscamus, legisque terminos saltem supplicii metu transgredi caueamus, verum etiam*

iam ut videntes nos ei obedire non posse, de nostri confidentia deiecti, ac de nobis desperantes, salutem in Christo queramus. Et alio loco, quid ut obediamus legi requiratur, optime exprimit, dum ait: *Paulus latam a Mose legem adpellauit spiritualem, quoniam ea a nobis non solum externa, verum etiam interna mentis & voluntatis opera exigit, & insuper renatum cor, mentemque spiritualiter reformatam, atque adeo summum lumen fidei, quo Deum summo amore prosequamur. At nos contra, sicut i scripsit Paulus, semoto Christo, carnales sumus, ideoque diuina legis ne tantum quidem exsequi possimus.*

§. VIII. Dialogo decimo tertio disputat, an Christi opera adultus homo iustus fiat obediendo legi? ubi probat, omnia nostra opera, quam bene etiam facta, sordere, & esse coram Dei oculis sicut pannum menstruatum. Exi-p. 326  
git enim, ait, *lex perfectam obedientiam, quam nos, quia prestare non possumus, peccamus, & quidem necessario, etiam si Deum supra omnia diligamus, tametsi huiusmodi peccata nobis ad aternam poenam non imputantur.* Nullum ergo hominem sua ipsius iustitia iustum esse dicit, ita ut omnia opera nostra iniusta sint & imperfecta, talia, autem si modo fides adsit in Christum, non imputari. Arguit quidem hic Hottingerus Ochinum, quod Iacobum ita inducat loquentem, quæ ipse tacendo se non improbare

bare significet. Sed male rem egit suam, Hot-  
 tingerus, \* verba Iacobi hæc sunt : *Neque vero*  
 p. 334 *verum est, quod solent dicere nonnulli, tametsi nul-*  
*lo Dei dicto docti, videlicet nobis perpetuo orandum*  
*esse Deum, ut nobis ignoscat peccata. Postquam*  
*enim nobis iam condonata sunt, nisi denuo alia*  
*committamus, nihil opus est, ut eorum veniam ab eo*  
*petamus. Nam quod Christus docuit, orare, ut*  
*peccata nobis ignoscat, id de eo tempore docuit, quo*  
*nobis venia opus est. Nusquam literis proditum*  
*est, apostolos, postquam peccatorum veniam conse-*  
*cuti sunt, orasse amplius Deum, ut sibi ignosceret :*  
*iidemque epistolas scribentes, ceteras exhortati non*  
*sunt ad orandum Deum ut ipsis ignosceret : Sed cum*  
*ipsi orarunt Deum, tum alios ad orandum incita-*  
*runt, ut sibi daret spiritum, audentiam, libertatem-*  
*que publicandi sermonis Dei, idque confidenter &*  
*impauide nullo rerum humanarum respectu. Neque*  
*vero ea mente docuit nos orare Christus, ut orantes*  
*uniuersa illa verba dicamus, sicuti multi falso opi-*  
*nantur : nec usquam litteris proditum est, vel i-*  
*psum vel apostolos orando illa verba protulisse. Sed*  
*eis proposuit eorum summam, quae Deum orantes*  
*poscerent, ut alias aliud orarent, prout res postula-*  
*ret. Itaque sic statuo eum, qui Deum supra omnia*  
*diligit, iustum esse expertemque peccati. Sed in*  
*eo malum est, quod iam dicturus sum.*  
*Vos estis plerumque fidei & caritatis expertes :*  
hinc

\* p. 483. & 486.



hinc fit, vt non solum non vere pœniteat vos commissorum peccatorum, verum etiam perpetuo noua committatis, & tamen salutem speretis, dicentes, quod diuinæ legi non obeditis, id ideo fieri, quia ei obediri nequeat: & tamen vos pro insonitibus, atque adeo pro iustis habetis: videlicet quia vobis non imputentur peccata vestra, videlicet Christo imputata. Et quoniam Christus diuinæ legi perfectissime obediuerit, ideo eum solum sua obedientia fuisse iustum: quoniamque ipse vobis iustitiam suam [sicuti vos perhibetis] impertiuit, vos quoque estis, vestro quidem iudicio, perfectissima pradiiti iustitia, quasi Christus venerit, non vt vos a peccatis liberaret, sed vt efficeret, vt vobis quamuis manentibus in peccatis, & in deterius abeuntibus, non imputentur vestra scelera; atque ita licet impii, & legi prorsus non obedientes tamen iusti sitis, quia vobis imputetur iustitia Christi. Latius deinde variis scripturæ dictis probatur, qua ratione per Christum iustificamur. Vt dicam quod res est Iacobum quidem inducit hæc verba proferentem, sed ipsa mens videtur esse Ochini. Confirmat me in eo, quod tam longa argumentorum ratione & scripturæ sacre auctoritate dicta hæc probet, vt vel inconcussa videri possit veritas. Ipse vere Ochinus, ne verbulum quidem Iacobo reponit, quod plane contra ipsius morem. Reprehendit quidem eum Hottingerus, qui per omnes Germa-

maniae Galliae atque Angliae ecclesias doceri ait, sola fide fideles absque operibus iustificari; Deum autem propter meritum Christi peccata fidelibus non imputare, imputare, autem ipsis iustitiam obedientiamque Christi; p.483 Ochinum autem dicere, necessarium esse, vt non peccemus, sed iusti simus, hominemque sine peccato posse viuere. Sed tangit hoc ipso communem hominum errorem Ochinus, qui per imputationem meriti Christi salui fieri cupiunt, nulla habita sanctitatis vitæ ratione. Quare non sufficere ait, vt nos pallio purpureo Christi vestiamus, sed hominem iustum esse debere, expertemque peccati. Non quod plane nullum committat, peccatum; sed quia Deum amat, in Christo viuit, vitæ sanctitatem seruat, ob mortem Christi non imputentur quotidiana ista, si modo redactus fuerit in statum eorum, qui pœnitentia non egent, vt ipse Christus loquitur.

§. IX. Dialogo decimo quarto late probat contra Iacobum Iudæum, solius Iesu opera nobis ignosci peccata. Et licet Iacobus obiiceret antiqui fœderis sanctos homines Iesu opera salutem obtinere non potuisse, cum Iesus in mundum nondum venisset: respondet tamen Ochinus, salutem sanctorum, qui Christum antecefferunt, non pendere a

vir-

virtute supplicii mortisque Christi, sed pendere ab eo, quod Christi mortem gratis acceptam habuerit Deus; & quia Deus acceptam habuerit, antequam ipsa esset, vt electis salutiferam, habuisse in eis vires etiamsi nondum venerat Christus. Quare etiam & in V. Testamento & ipso natiuitatis tempore, Seruator dicatur ab angelis, quamuis nondum crucifixus seruasset sua morte mundum.

§. X. Dialogo decimo quinto quoniam per Iesum salui fiant, probat, eosque non angelos esse dicit, sed homines. Culpam tamen nec Dei nec Christi esse, si quis periret, sed ipsius hominis. Dialogo decimo sexto docet, quare per Iesum orantes, exoremus Deum. Et quidem qua ratione preces operentur, quidpiam, optime exprimit, dum ait : *vult p. 368*  
*Deus vt precibus vtamur, non quia ipsi, quo in nos beneficia conferat, iis sit opus, sed ad utilitatem nostram. Et paullo post : neque vero dici potest, preces nostras si cum fide & Spiritu coniuncte sint, sua ipsarum vi necessario obtinere postulata, quia non nostra, sed Dei sunt opera : si quidem vniuersa Dei opera atque creature cum a Deo pendeant, non possunt cum ad conferendum nobis vel tantulum beneficium obstringere, aut commouere, aut flectere. Solus Deus se ipsum potest obstringere ad beneficia in nos*  
*con.*

*conferenda : dum vel gratis bene nobis facere statuit, vel etiam promittit. Vult igitur Deus, ut oremus, quo non ipsum Deum, sed nos ipsos moueamus, nos ipsos in fide Christianisque virtutibus exercentes, idque ad vtilitatem nostram.*

p.387 §. XI. Dialogo decimo septimo necessitatem credendi Iesum esse verum Messiam, commonstrat, & quo pacto nosci id possit. Postquam igitur varia scripturæ loca ad probandam hanc sententiam adduxisset, tandem pie ac iuste Iudæum ita adloquitur : *ut tibi verum dicam, vnica est ratio clare ac sine ulla dubitatione cognoscendi, Iesum fuisse Mesiam, id quod firmiter constanterque credamus, necesse est, si salvi esse volumus, videlicet ut praterquam quod animaduertas, omnibus quos iam recensuimus, modis, Iesum esse Mesiam precibus ad Deum vtaris eumq; confiderenter ores; ut per Mesiam in te illa omnia faciat, quæ se in illius aduentu facturum promissit : videlicet ut tibi lapideum cor adimat, & molle det teque vetere Adamo spoliatum Christo induat, te regeneret, te ex carnali spiritualem reddat mundetque & liberet a peccatis, illuminet & inflammet intrinsecus, faciatque ut ipsius legi obedias & animo tuo legem caritatis imprimat, tibi pacem & et mentis & conscientiae, omnesque virtutes christianas, & te omnibus spiritualibus vbertatibus felicitet. Ita fiet, ut intus illuminatus, omnibusque donis ditatus, quæ in adventu Messie adepturi sunt homines, manifesta experi-*  
entia

entia in te ipse sentias, in te comprobata esse de Iesu ea quæ de eo fuere prædicta, atque ita Iesum fuisse Messiam certum, compertum, exploratum habeas. Verba sane quæ satis arguunt, quid de Christo & statu christiano sentiat, Ochinus.

§. XII. Dialogus decimus octauus libri primi vltimus, de peccato in Spiritum sanctum agit, quid sit, & plane singularis est. Præmisit præfationem cum hisce verbis: *omnibus euangelicam veritatem oppugnantibus, verosque Christianos infestantibus Bernardinus Ochinus salutem optat.* In ipsa vero præfatione multos esse dicit, qui cum se peccasse putent in spiritum sanctum, se ipsos vltro in altum desperationis barathrum præcipites darent, nullum admittentes remedium. Tales autem homines ex isto libello posse discere, nescire se an in spiritum sanctum peccauerint, ideoque de diuina gratia cur desperent, causam non esse. Concludit tandem: *Ad hunc igitur legendum eos exhortor, ut huius opera cognitionem, aliquam spiritualemque gustum consecuti bonitatis Dei, omnem ei laudem, honorem, gloriam tribuant, per Iesum Christum Dominum nostrum.* Ita fiat. Dialogus est inter Philautum & Paracletum. Ille quidem ob innumera scelera causam se habere ait, cur de salute desperet; quare dum adhuc in vita superfit, ad effugiendos vitæ

huius cruciatus omni generi voluptatum se dedere constituit, in contrarium eius animum dirigente Paracletō. Et cum Philautus inter peccata alia innumera, & illud in Spiritum Sanctum se quoque commisisse dicat, occasionem adripit Paracletus, explicandi, quid sit peccatum in Spiritum Sanctum atque viginti duas adfert de eo opiniones, patrum maxime, singulas tamen stare non posse dicit. Mentione quoque a Philauto facta dicti Paulini, *Hebr. I. v. 4*, ubi Paulus fieri posse negat, ut qui semel collustrati cœleste donum gustarint & participes fuerint sancti spiritus, præclaraque Dei dicta & æui futuri virtutes gustauerint, & tamen relabantur, ut ii iterum vitæ correctione renouentur. Paracletus verba hæc omnium, quæ usquam extant in sacris litteris, obscurissima ac intellectu difficillima iudicat, ac eiusmodi, ut nulla magis homines peterreant, nisi rite intelligantur. Pauli hæc verba esse primum adstruit, cum auctorem dictæ epistolæ omnino spiritu sancto fuisse præditum dicat; eo quidem, quod ea epistola plena sit altissimarum sententiarum, nec a cæteris apostolis, nec ab euangelistis, tam aperte explicatarum: qualis illa est, quod Iesus sit Dei filius, & angelis & Mose superior: item de eius summo sacerdotio, de magno illo sacrificio, quo se ipsum li-

bavit.

bauit: item quod defierit Iudæorum sacerdotium, & porro eorundem omnes ritus cæremoniarum. Postquam autem varias, patrum maxime de huius dicti explicatione adduxerat sententias, concludit tandem, Paulum<sup>p. 425</sup> loqui de Iudæis illis ad Christum conuersis, qui rerum supranaturalium non nisi naturale lumen gustumque habebant, cum nonnulla participatione donorum sancti spiritus: qui de lumine illo delapsi resurgere non possent. Atque alio loco interlineari quasi paraphrasi<sup>p. 429</sup> Pauli dictum ita explicat: *qui collustrati fuerunt non ita, ut viuam habuerint Christi cognitionem, sed tantum ex audito externo sermone partem. deinde eandem sententiam impetu spiritus iterans atque amplificans variis verbis, illud subjungit, donumque cæleste gustarunt: hoc est Christum leviter manducarunt, & primoribus labris gustarunt: sed non item deglutierunt, utque suum viuam fide comprehenderunt: aut si deglutierunt, id humana & incoacta fide factum est, ita ut in eis radices non egerit, quippe citra humorem diuinae beneficentiæ. Præterea participes, inquit, fuere sancti spiritus, hoc est eius donorum, at viuæ fidei non item: eumque Dei gustum habuerunt, qui parta fide comparari potest; hi inquam si Christum relinquunt & insuper contemnendo traducunt, sicuti qui eum crucifixerunt, non iam possunt vitæ correctione instaurari, hoc est reiectaneos esse se ostendunt.*

dem Philautus, inconueniens esse, eos qui altiore lumine ac supranaturali delapsi fuerint, vtpote Petrus, posse resurgere, illos vero qui de inferiore lumine, videlicet quæsito, delabantur, non posse. Cui tamen objecto respondet paracletus, Petrum & alios qui de altiore lumine cadant, iam viuam fidem in se fuisse expertos, atque singularem Dei bonitatem iam gustasse spiritu: quare etiamsi labantur & peccent, Christum tamen amare eos non desinere, nec fidem, quæ in eis iam viua, perdere, & cum ea operetur continuo, fieri, vt tales facile iterum resurgant. Illos autem ad Christum conuersos Iudæos, de quibus meruebat Paulus, ne ad Iudaismum reuerterentur, non nisi quæsitam habuisse, facileque potuisse in priora relabi peccata, & a Iesu deficere atque hac ratione posse explanari, verba Pauli, quod nimirum sponse sua peccantibus post admissam cognitionem veritatis, nulla supersit hostia aut sacrificium: idque, quia Iesu mortem repudiauerint, vnicae hostiæ & sacrificii ad expianda peccata mundi. Addit tandem: *quod si sic explanentur verba Pauli, congruunt cum superioribus, quibus eos exhortatur, ne semper hareant in disciplina contemplantis theologiæ, quoniam, qui de quæsito illo lumine delabatur, is sepe non solum Christum relinquit, postquam eum nunquam spiritu gustauit, verum*

*rum*



*rum etiam eum clam animo depiciat derideatque, id quod non faceret, si se sancti spiritus disciplina addixisset, in qua discitur agens theologia.* Licet & Pauli mentem hanc esse dicat, non vt fieri non possit, sed vt vix possit fieri, ac tales homines raro resurgere. Subiungit quoque p.431 de peccato in Spiritum Sanctum, vbi primo probat nullum electum peccare in Spiritum Sanctum, quippe qui omnes etiam si nonnuquam peccent, resurgant ac feruentur, quia immutabiliter electi ad vitam æternam. De p.432 inde credit ad salutem non esse necessarium, certo scire, quid peccatum sit in Spiritum Sanctum: esse vero peccatum, commissum, esse, & committi posse, non vero ab electis, sed tantum a reiectaneis. Credit etiam hoc peccatum non remissum iri idque absolute. Peccatum autem in spiritum sanctum illud di p.434 cit, quando quis maledicit Deo aut Christo, aut euangelicæ veritati, post veritatem parta luce cognitam, idque ex animo. Filio vero hominis maledicere sic accipiendum esse ait, Deo aut Christo aut euangelicæ veritati maledicere ignoranter. Id quod ex Pauli verbis probat qui *I. Tim. L v. 13.* de se loquens dicit: *ego prius eram in Deum maledicus, & infestus, & contumeliosus: sed mei misertum est, quoniam ignarus feci expers fidei.* Paulus enim ignarum se fecisse dicit, ideoque veniam ade-  
B 3 ptum

ptum, alias si in spiritum sanctum peccasset, condonatum non fuisset. Requirit ergo ad peccatum in spiritum sanctum, ut quis prava voluntate maledicat. Neminem tamen de sua salute debere desperare ait, quamdiu in hac est vita, cum nemo certo sciat, nec quanta improbitate maledicendum sit Spiritui Sancto, ut peccatum condonari non possit, nec quanta improbitate ipse ei maledixerit. <sup>439</sup>concludit tandem, neminem quam graviter etiam peccasset, nos debere ad desperationem impellere, sed omnes in spem attollere, & omnia caritatis officia in eos conferre. Et, si qui essent, qui per speciem studii religionis dicerent, certum aliquem peccasse in Spiritum Sanctum nec ullum iam ei superesse remedium: eiusque conspectum fugientes eum confectentur, id nasci ex subtili quadam superbia, invidia, odio aut fastu non caritate. Eos quidem, si Christi spiritu præditi essent, ipsum quoque imitari, quia ille venit non ut, mundum damnaret, sed ut servaret.

§. XIII. Pergimus ad librum dialogorum secundum, qui duodecim continet. Dedicatio eius directa est ad Nicolaum Radziwilium: cuius rationes ipse adducit; *diversas scilicet de Trinitate sententias quas in Poloniae aqne ecclesiis emergere se audivisse dicit.* Quare semotum esse scribit, ut duos hac de re scriberet

ret dialogos, in quorū priori Trinitatem esse ostendatur, eiusque veritas ex sacris litteris probetur. In altero, Trinitatem credere, nostri esse officii. In ipsa præfatione, rationes, quibus motus, arduam hanc de Trinitate materiam explicare, plenius exponit. Dicit enim, rem arduam quidem esse, sed cognitu maxime necessariam, speciatim a nemine adhuc satis pertractatam, licet alii pauca & leuia, occasione ita ferente, scripserint. Dicit etiam, se ad scribendum adactum fuisse amicorum precibus, & quod magis est, addit: *quod nonnulli, nulla a me data occasione, incipiebant non solum suspectum habere me, verum etiam a me eam non credi, dislitare, quæ me res coegit eorum errorem ostendere. Itaque, si quis ex hoc libro fructum aliquem perceperit, debet & Deo & ipsis maledicis gratias agere.* Respondet, deinde obiecto, cur in hoc scripto non fuerit usus auctoritate conciliorum & Patrum & sanctorum reliquorumque hominum, cum rerum diuinarum & supranaturalium cognitionem non possimus adipisci, nisi ex diuina patefactione, Deique sermone, qui Deus solus natura sit verax, idcoque mentiri non possit; omnes autem homines esse mendaces, quare ad probandam veritatem vel vnicum verbum Dei nosse sufficere ait. Et licet quidem aliqui forsan dicerent non in omnibus a se esse

satisfactum, iis tamen respondet : *scit Deus me in respondendo dixisse quidquid potui, quod si ipsi plura sciunt magnam habent occasionem persequendi reliquias meas, quæ res mihi maximam afferet voluptatem.* Et si quis dicere velit, ieiune a se refutatos esse eos locos & argumenta, quæ contra Trinitatem adducantur, illi respondet : *si est, (ut est) vnus Deus & tres diuine personæ coeternæ & consubstantiales, idque insuper ex sacris literis perspicuum est, cum id credere deberemus, fatendum est, quidquid locorum & argumentorum contra adduci potest, id invalidum, fallax, debile infirmumq; esse, ita vt sua sponte concidat.* Adgreditur deinde dialogum decimum octauum de summa Trinitate, in quo uti ipse titulus monstrat, ostenditur, tres esse diuinas personas, patrem & filium, & Spiritum Sanctum, re ipsa distinctas, tametsi consubstantiales & coeternas & ad eos litterarum locos & argumenta, quæ contra adduci solent, respondetur. Collocutores sunt Spiritus & Ochinus. Ille, quid credat Ochinus, interrogat, hic respondet. Interrogat ergo an Christus ex Spiritu Sancto conceptus, Maria virgine genitus? an Dei sit filius vnigenitus? an ipse Deus? & quas alias circa Trinitatem quæstiones se credere dicit Ochinus. Et cum Spiritus varia contra Trinitatem obiiceret, quæ ratione unitas cum Trinitate possit consistere,

re, explicat Ochinus : patrem enim esse eundem Deum dicit, qui filius, sed non esse idem suppositum, quod idem & de ceteris personis ait, ita tres esse diuinas personas, vnam autem diuinam essentiam demonstrat. Pergit *p. 43.* autem Spiritus recensere varias variorum, de Trinitate opiniones vbi primo eorum adducit sententiam quos Monarchistas vocant, qui non nisi vnum Deum & patrem omnium faciunt. Qui licet filium etiam credant, non tamen ipsi æqualem, sed multo inferiorem : neque consubstantialem, sed ab eo re ipsa differentem, & ex nihilo creatum, non ab æterno, sed tempore, tamen si ante omnes creaturas. Quam sententiam patrum etiam quorundam auctoritate comprobata *p. 45.* noui. Alios inducit statuentes vnum tantum esse Deum, vnamque diuinam personam, eam tamen variis sic nominibus adpellari, ob operum quae faceret varietatem. Tertiam adducit opinionem eorum, qui dicant, tres esse diuinas personas, non solum re ipsa inter se differentes, sed etiam substantia atque essentia, quorum tamen singulorum opiniones solide refutat Ochinus. Cum autem a Spiritu petat, vt hanc de Trinitate quæstionem indiscussam, relinquat, quia conciliorum auctoritate ipsorumque ecclesiæ reformatorem Lutheri inquam & Zvvinglii fuerit adprobata, Spiritus

tus autem conciliorum auctoritatem, vtpote in multis erroneam reūciat, nec Lutheri atque Zvvinglii opiniones vtpote qui ipsi inter se dissentiant, tanquam iustam fidei regulam accipiat, ex Scriptura sacra potius hac de re in-  
 p. 50. formari cupit. Suscipit laborem Ochinus, Christi diuinitatem primum probans, idque ex eo, quod per Christum omnia dicantur, creata; quod Christum adorare dicantur angeli, adorarint homines. Persequitur dictum Ioannis: *in principio erat verbum* & 1. Ioannis V. aliaque, quibus Christus vel ab æterno fuisse, vel filius patris vnigenitus, vel patri æqualis dicitur. Et cum ad hæc omnia ex Socinianorum mente respondisset Spiritus, Christum non natura esse Dei filium, sed solius Dei beneficio atque donorum participatione; atque ea ex ratione medium extitisse inter Deum, & homines, quia & participatione fuerit Deus, & natura homo; singula eiusdem obiecta ex ipsis sacrae scripturae fontibus grauiter diluit, atque dialogum ita concludit: *restat, vt ipsi sanctissimæ Trinitati omnem honorem, laudem & gloriam tribuamus per Iesum Christum, Dominum nostrum. Ita fiat.*

§. XIV. Dialogus XX eosdem habet collocutores, ybi Spiritus contendit, si vel maxime fuerit Trinitas; eam tamen creditu non adeo esse necessariam. Respondet Ochinus,  
 &

& omnino necessarium esse probat, tres, esse personas & vnum Deum; qua ratione autem id fiat, & quomodo personæ inter se sint connectæ; creditu non esse necessarium. Hottingerus equidem \* hoc & antecedenti dialogo aduersariorum partes sceleratas contra diuinitatem Christi & Spiritus Sancti, longe melius validiusque instruxisse dicit, quam postea confregerit, diluerit ac confutarit, vt prudentioribus visus fuerit, magis commendare & insinuare impurissimam aduersariorum doctrinam, quam tueri & docere orthodoxam atque catholicam. Sed quam graviter argumenta contra Christi diuinitatem & personarum Trinitatem obiecta, dialogo XIX. euertat, cuilibet legenti patebit. Immo satis iam ex libro dialogorum primo declaratum fuit, quam pie & vere de Christi diuinitate sentiat Ochinus, & quam firmiter Christum esse verum Messiam adstruat. Dialogo XX vero, vt verum fatear, non plane damnare videtur eos, qui non adeo distincte personarum credant Trinitatem, cum multis arduis hæc sint inuoluta; si modo Christi beneficio se saluos fieri credant.

§. XV. Dialogus XXI. is est, qui turbauit Tigurinos, aliosque Theologos Heluetos. Singularem præmittit præfationem, in cuius pri-

\* p. 489.

primordio omnibus & maritis, qui de vxoribus, & vxoribus quæ de maritis conqueruntur, patientiam per Iesum Christum optat. Et quidem scripsisse se de matrimonio aliquot dialogos dicit, ea de causa, vt ostenderet, quid afflicti homines inter matrimonii molestias facere queant, vt Deo placeant, vel facere nequeant, quin Deo displiceant. Collocutores habet dialogus Telipolygamum & Ochinum. Consilium Telipolygamus ab Ochino petit, quid sibi agendum? vxorem esse sterilem & valetudinariam, haut tamen eum se esse, qui foemina carere queat, quare venire sibi in mentem, priori non repudiata, alteram superinducere, cum diuinitus ad hoc adflari ac vocari sibi videatur. Ochinus autem plures simul vxores habere non licere ait, cum ea matrimonii sit natura, & id non nisi duorum esse oporteat: cuius probationem petit Telipolygamus. Id quod primum exemplo Adami confirmat Ochinus, cui Deus vnā tantum dederit vxorem: dein, quod ex duobus fieri dicatur vna caro. Ad quæ tamen & alia respondet Telipolygamus, obiiciendo potissimum exempla sanctorum, quorum polygāmiam tolerasse potius Deum quam præcepisse ait Ochinus. Pergit dein ad verba Christi & Pauli, quæ contra polygāmiam ex nouo foedere adlegari solent, quibus tamen aliter  
ea



ea interpretando ac communiter solent, contradicit Telipolygamus. Et cum obiiceretur, polygamiam quoque per leges imperiales esse vetitam, respondet tamen Telipolygamus, concubinatum per leges Romanas fuisse licitum, velle itaque leges, quae contra polygamiam adlegari solent, solam primam vxoris titulum & imperium habere, reliquas tantum, concubinarum loco haberi debere. Nec etiam polygamiam conciliōrum canonibus satis fuisse prohibitam contendit.

§. XVI. Tangit hic Hottingerus\* Ochinum nostrum, quod tanta leuitate, imprudentia & insinceritate tractet in hoc dialogo causam sancti coniugii, vt legi ea non possint absque offensione graui. Sed potius dixerim, plura illum tribuere coniugio quam in se habet. Matrimonium enim non licitum tantum sed & sanctum dicit. Constat autem nullum sine p. 192 peccato esse coniugium. Homo enim primitus ad imaginem Dei creatus erat vir & foemina, ita vt per magicam generationem gignere ex se potuisset liberos. Hic autem cum brutorum sibi imaginaretur concubitum, & adpetitu suo nimium deprauato, ex harmonia ista in qua creatus, dilaberetur, ita vt per somnum iam in eo obdormiret imago diuina, Eva autem ex Adami dormientis corpore esset desumpta, claudebatur locus iste כשר, partibus

*tibus genitalibus.* Sentiebat quippe Deus in Adamo adpetitum deprauatum, creabat ergo ex ipsius carne sociam Euam, ne grauius forsan peccaret; exercebat etiam Adamus adpetitum atque se brutorum instar cum Eva commiscebat. Hæc prima coniugii origo, quam sancta, quilibet videat. Verbo tamen promissionis: *crescite & multiplicamini*, coniugium non solum licitum fit, sed etiam Dei institutum, licet nullum tam sanctum reperiatis coniugium, quod omnis adpetitus deprauati & carnalis sit expers. Quæ vero Ochini hac de re sit sententia, patet ex ipsius verbis, quæ sub finem dialogi habet, ubi Telipolygamus quærit. *Quid vero mihi das consilii?* Respondet Ochinus, *ut plures non ducas, sed Deum oras, ut tibi continentem esse det.* T. *quid si non dabit?* O. *dabit si fidenter oraueris.* T. *quid si nec donum mihi, nec ad id petendum fidem dabit?* O. *Tum si id feceris ad quod te Deus impellet, dummodo diuinum esse instinctum exploratum habeas, non peccabis.* Siquidem in obediendo Deo errari non potest. Aliud ego consilium tibi dare non possum. Quocirca tibi valedico & pro te oraturum esse respondes. T. & ego id te oro, ne Deum offendam, sed ei omnem honorem, gloriamque tribuam, per Iesum Christum Dominum nostrum. Amen. Ea ergo Ochini est sententia, si quis uxorem habeat, sterilem vel valetudinariam vel frigidam, ipse

ve-

vero continentiae dono non sit praeditus, Deum de eo implorare debeat; Si autem Deus nec donum, nec ad id petendum fidem dederit, tunc faciendum esse id, ad quod Deus impellat; alteram scilicet, non repudiata priori, esse superinducendam, ita tamen ut quis diuinum instinctum exploratum habeat. Diuinum enim instinctum iam antea requisierat, ubi ait: *quemadmodum Abrahamus, Iaco-p. 219 bus aliique multi ad polygamiam diuinitus vocati fuerunt, sic & nos possumus. Neque vero video, cur hoc remedio illis potius quam nobis opus fuerit.*

§. XVII. Hæc Ochini est de polygamia sententia, quam tantum sugillat Hottingerus & Tigurini. Miror tamen, qui factum fuerit, istum tam acres nactum fuisse censores, cum alii iam ante eundem, viri longe maioris auctoritatis grauitatisque, eadem publice docuerint. Singularia sunt, quæ hac de re docuit Megalander Lutherus\*, ubi de vita coniugali ita loquitur: *wenn sich eins des andern selbst beraubet und entzeucht, das es die eheliche Pflicht nicht zahlen noch bey ihm seyn wil. Als man wohl findet, so ein halsstarrig Weib, das seinen Kopf auffsetzet, und solt der Mann zehenmahl in Vnkeuschheit fallen, so fraget sie nicht darnach. Hie ist Zeit, das der Mann sage: Wiltu nicht*

\* Vom ehlichen Leben Tomo II. German. Ien. p. 156.  
ed. Christian Rodinger. Altenburg. Tom VI. p. 214.

nicht, so wil eine andere, wil Fraue nicht, so komme die Magd. So doch das der Mann ihr zuvor zwey oder dreymahl sage, und warne sie, und lasse es für andere Leute kommen, das man öffentlich ihre Halsstarrigkeit wisse, und für der Gemeine straffe. Wil sie denn nicht, so las sie von dir, und las dir eine Eßther geben um die Vasti wie der König Abasverus that. Fuere\* quidem qui hæc verba de malitiosa interpretarentur desertione, sed clara sunt, aliter non explicamus quam sonant. Quid autem magis pium: Ochinus in casu ultimæ necessitatis, omnib; adhibitis medijs & præmissis precibus ardentibus, sequendū docet instinctum diuinum: Lutherus proprium. Ochinus si vxor fuerit vel sterilis vel frigida; Lutherus si tantum refractaria. Ochinus docet aliam priori superinducere: Lutherus priori repudiata; alteram ducere. Iudicet qui velit; verba tantum refero; illud tantum dico caueat quilibet vt euitentur scandala, omnia autem dirigantur in honorem Dei. Sed cum illud, quod adlegauimus Lutheri scriptum papizare quis dicat, cum anno 1522. fit scriptum ad eam & alia. In thesibus\*\* quidem quas de polygamia anno 1528. scripsit, veteris Testamenti polygamiam.

\* Gerhard de confessione catholica in appendice artic. XIX. p. 336.

\*\* §. LXV.

miam & hodie ait esse liberam, h. e. vt ipse interpretatur, neque prohibitam, neque præceptam. Eodem anno scriptus ab eo est commentarius Germanicus in Genesin, in quo postquam diuortium Christianis nunc esse prohibitum dixerat, \* addit: *Ist aber nicht verboten, das ein Mann nicht mehr dann ein Weib dürffte haben. Ich könnte es auch heut nicht wehren, aber rathe wolte ichs nicht.* Sic & in epistola ad Clementem Vrsinum polygamiam tentari non posse ait, nisi extrema foret necessitas, aut altera coniuge separata per lepram aut simile. In dicto vero commentario in Genesin, postquam dixerat, Iacobum multis vxoribus ducendis non peccasse, diuinum æque requirit instinctum, dum ait: *wie dann wann wirs auch thäten, wäre es nicht auch recht oder ist es uns zum exempel geschrieben, das wir auch also thun sollen? Nein, dann ich habe ia oft genug gesagt, man solle nicht auff die Werck sondern auff die Person Iacob sehen. Bistu auch ein Ierckel, so thue es auch. Gott will es nicht leiden, daß wir die Werck unter die hände nehmen, darum stellet er sich so nährisch mit der heiligen Werck, uns zu wehren, das wir nicht darauff fallen.* Hæc Lutheri atque Ochini de polygamia est sententia.

§. XVIII. Neque tamen hæc polygamia exemplis in re publica Christiana destituitur

(5)

C

a Iure

\* ad cap. XXX. Tomo IV. Altenb. p. 194.

a Iureconsultis æque atque Theologis comprobatis. Sufficiet nobis iam vnicum Philippi Hassiæ Landgraviæ exemplum, de quo Thuanus \* testatur : *eum fuisse triorchin, quod post mortem compertum, inspecto a medicis corpore : itaque cum tanta esset fecunditate, ut vxor eum, quoties opus erat, admittere non posset, virum aliquin castum, & qui vagis libidinibus minime oblectabatur, tandem negotio cum pastoribus communicato, concubinam vnā superinduxisse, cujus consuetudine ardorem aliqua parte domando vxore moderatius vteretur.* Antonius Matthæus \*\* quidem a parentibus se accepisse dicit, Landgraviū solo formæ decore captum, virginem nobilem vxori deformi superinduxisse. Maiorem tamen fidem habemus Thuano, historico alias graui, quam nudæ relationi. De eo saltem disquiritur, an ipse Lutherus hanc Philippi bigamiam adprobauerit? Adprobasse omnino videmus ex consilio ab eo aliisque Theologis subscripto, quod adducit Hieronymus Brücknerus \*\*\*. In eo autem aliud esse dicunt, inducere legem, aliud vti dispensatione. Legem quidem esse laudabilem ab ecclesia acceptandam, neque legem huic contrariam statuendam, certis tamen, casu-

\* lib. XLI. p. m. 831. ad ann. 1567.

\*\* de Crimin. cap. VII. p. m. 467.

\*\*\* consil. matrim. c. XIV. p. 501.

casibus locum esse dispensationi. Si quis enim, inquiunt, apud exterarum nationes captivus, ad curam corporis & sanitatem inibi, alteram uxorem superinduceret, vel si quis haberet leprosam, his casibus alteram ducere cum consilio sui pastoris non intentione legem inducendi, sed suæ necessitati consulendi, hunc nescimus, qua ratione damnare liceat. Quare & concludunt: habet itaque celsitudo Vestra non tantum omnium nostrum testimonium in casu necessitatis, sed etiam antecedentes nostras considerationes. Hæc tamen non propalam, sese monere ait, sed in arcano tantum, pro necessitate conscientiarum, ex secreto Confessionis. Ipsa eius verba prout adducuntur a Seckendorffio\* audiamus: *Se & antea & postea diversis vicibus docuisse, reducendam non esse Legem Mosaicam, etsi clam in casu necessitatis vel etiam publice [si magistratus iubeat,] pro exemplo vii illæ liceat.* Quamvis igitur adstrictæ alicuius conscientie ex necessitate arcanum consilium daret, ut Moyses lege vel exemplo agat, non tamen ius manifestum aut exemplum statueret, sed respondisse, ut confessionarium [als einen Beichtvater] qui nihil agit publice, sed in arcano pro necessitate conscientiarum, nec procedi debere ad propalationem. Tandem etiam Landgraviū monet, ne puellam deferat, cuius coniugium, tantæ cum necessi-

C 2

ta-

\* hist. Lutheranismi lib. III. sect. XXI. §. 79. Addit. 3. p. 280. a.

tatis & conscientiae adlegatione obtinuerit; & claudit: *coram Deo defendi a se posse causam Landgrauii ex secreto confessionis & necessitate, sed coram mundo et iure nunc regente siue vsitato, nec posse se nec velle illam defendere.*

§. XIX. Ioannes Brunsmannus \* excusare quidem Lutherum conatur, quasi non ex ipsius consilio atque suffragio id gestum fuerit. In auxilium vocans duplicem Io. Friderici Electoris & Principum Protestantium, contra Henricum Brunsvicensium ducem Imperiali Camerae exhibitam\*; in qua ad ea, quod Henricus Iunior Saxoniae Electorem, atque ipsius academiam Wittebergensem inculpat, ita respondent: *so viel aber des von Braunschweig anziehen berührter Sachen halber den Churfürsten zu Sachsen anlangt: darinnen sagt der Churfürst, daß der von Braunschweig S. Churfürstl. Gnaden und ihre hohe Schule zu Wittenberg fälschlich anziehe, und andichte, wird es auch nimmer weisen noch wahr machen können.* Sed hæc facile conciliari possunt cum iis, quæ in superioribus, ipsis Lutheri verbis adduximus. Lutherus enim se adprobasse dicit ut confessionarium in arcano, non ad propalationem: immo coram mundo & iure nunc regente siue vsitato nec posse nec velle

\* monogamia victrix cap. XXIX. p. m. 244.

\*\* apud Hortlederum de causis B. German. libro IV. c. XLVIII. p. 1870.



velle se Philippi polygamiam defendere. Scilicet consilium erat, sub sigillo confessionis, non vt propaletur. Quare & Lutherus in scriptis aliis Landgrauii polygamiam non ita propalam adprobat.

§. XX. Egit autem contra dictum Ochini dialogum singulari scripto Theodorus Betza, quod Geneuæ prodiit 1576. 8. Institutum in hoc libello Betzæ est, vt primum Ochini, quem impurum adpellat apostatam, argumenta refutet, inde vero sua adstruat. Tredecim ex dicto Ochini dialogo excerpsit argumenta, quibus pro polygamia militat. Telipolygamus, quæ tamen non omnia, nec ipsam polygamiam simpliciter adprobat Ochinus, sed non nisi pro circumstantiarum ratione. Ad primum ergo argumentum, Telipolygami ab exemplis sanctorum patrum petita ita respondet Betza: multitudinem peccantium excusari non posse peccatum coram Deo, nec vlllo temporis spatio posse, contra Dei verbum præscribi. Ad alterum, quod nulla expressa lege prohibeatur polygamia, respondet, non de rebus omnibus scriptas esse leges. Ad tertium, quod in historia Dauidis Dominus dicat: dedi tibi vxores domini tui in sinum tuum: hanc formulam, potestatem tantum & imperium declarare. Ad quartum, lege esse cautum vt si cui duæ

C 3

fuerint

fuerint vxores, vna quidem dilecta, altera ex-  
osa, & exosæ natus fuerit primogenitus, non  
posse patrem filium dilectæ primogenitum,  
anteponere exosæ filio: tolerasse Deum in  
populo suo polygamiam, non adprobasse: Ad  
quintum, iuberi in lege vt frater excitet,  
fratris sine sobole defuncti semen sine  
addita exceptione, nisi iam antea vxo-  
rem habuerit: adeo vt hac lege polygamia,  
etiam præcipi videatur: istam exceptionem  
per se satis intelligi, imo casum hunc plane  
esse extraordinarium. Ad sextum, cum  
Paulus I. Tim. III. episcopum vnus vxoris  
velit esse maritum, ex eo liquere, aliquos tum  
in ecclesia fuisse polygamos: non negare se  
quidem inter gentes atque Iudæos multos il-  
lo tempore fuisse polygamos, nullos tamen  
ad Christianorum communionem admissos.  
Ad septimum, non ita crebra esse diuortia,  
si concederetur polygamia: negando, cum  
potius contrarium oriatur. Ad octauum,  
numeriosorem esse generis humani multipli-  
cationem: quærendam esse prolem legitimis  
modis. Ad nonū, admissos olim fuisse polyga-  
mos ad baptismum, quod fieri non debuisset, si  
scortatores vel adulteri essent habiti: plurimū  
interesse inter scortatorem vel adulterum,  
qui non nisi contra conscientiam peccat, &  
eum, qui aliorum exemplum secutus, plures  
alio-

alioquin honestas vxores prius duxerit quam se in ea re peccare intelligeret. Ad decimum, vxorem habere, non esse repugnans rationibus ad salutem necessariis, ergo nec vxores habere, repugnare regno Dei, ad quod admissi fuerint Abrahamus, Iacobus, Dauid & alii multi polygami: *ἀδίαφορον* esse coniugium, manendum tamen esse in verbo Dei, quod iubet vt vna vni coniungatur. Ad vndecimum, monstrosam rem non esse, vt vnicum caput habeat multa membra, sed illud plane esse monstrosum, vt vnum membrum habeat multa capita. Itaque vt in mulieribus improbetur, in viris tamen probandam esse, polygamiam: ineptam hanc esse conclusionem & contra Dei institutionem. Ad duodecimum, multos patres sic loqui de polygamia, vt eam simpliciter non condemnent: examinanda esse scripta patrum, ad verbi diuini normam. Ad decimum tertium, miris laudibus efferre Ambrosium Valentinianum Imp. qui tamen duas vxores vno simul tempore habuerit, nec de eo vsquam legatur, reprehensum fuisse ab Ambrosio: argumentum esse infirmisimum. Quæ responsiones an satis vbique rem controuersam exhauriant, quilibet ponderet.

§. XXI. Sed præter Betzam Ioanne

C 4

Ger

Gerhardus \* quoque contra Ochinum nostrum agit, eum Anabaptistarum, Turcarumque hac in re fautorem adpellans. Primo quidem polygamiam talibus argumentis quæ pro eadem communiter solent adduci, defendit; inde argumentis contradictorum, Ochini præcipue, respondet, licet paucissima tantum tangat. Ad primum quidem ab exemplo patriarcharum petitum respondet: patriarchas istos siue ex inspiratione vel dispensatione diuina, polygami fuerint facti siue ex praua temporum illorum consuetudine, posteritatis latius propagandæ desiderio, exemplum N. T. Christianis dare non posse, cum a Christo & apostolis ad primæuam institutionem simus reuocati. Ad alterum, ubi Ochinus dicit coniugium iuxta varia hominum dona moderationem recipere secundum verba Pauli *I. Cor. VII. v. 7.* respondet: Paulum loqui de coniugio contrahendo, an satius sit, coniugium inire, an vero in cœlibatus statu manere, atque ibi respondet apostolus, donum continentiae non esse omnibus commune, sed vnumquemuis proprium habere donum. Ad tertium, duos filios Abrahæ notare duo testamenta, vnum ex Sara alterum ex Agar: hanc autem non fuisse adulteram sed legitimam coniugem Abrahæ, respondet: hoc nihil

\* loco de coniugio articulo posteriori §. 20. & seqq.

nihil aliud probare, quam polygamiam in V. T. fuisse vel per diuinam dispensationem licitam, vel diuina conniuentia toleratam. Quod ad finem polygamiae, procreationem scilicet liberorum & commodum, bonum, quidem esse illum, sed debere esse legitimum.

§. XXII. Debita ergo fide, prout historicum decet, adduximus, quid de polygamia sentiat Ochinus; & qua ratione argumenta Te lipolygami euertere conetur Theod. Betza atq; Gerhardus: cuilibet integrum erit eligere quicquid velit, nos nihil decidimus. Illud tamen dicimus, aliam rationem habendam esse temporum N. Testamenti ac Veteris. Si enim pro statu rerum, qui nunc est, quo vniversus mundus ingenti hominum multitudine est refertissimus, polygamiam pro lubitu concedere velimus, mundus capiendae tantae multitudini haut sufficeret, Quod si etiam cum Ochino omnia ad instinctum diuinum limitare velimus, quilibet vel in carnali statu constitutus, pro seculi nostri corruptione, instinctum se sequi diuinum dicet; cui etiam facile, si ita lege introduceretur adsentirentur ecclesiae ministri. Cuiuslibet ergo erit, paternam Dei explorare voluntatem, probare, spiritus & instinctus, ne vel oriantur scandala, vel ipse sibi antevertat condemnationem.

§. XXIII. Nihil amplius addimus, quam nondum elapsis triginta annis, fuisse quendam Theophilum Alethæum, vel potius Ioannem Lyserum, quod verum eius nomen, qui Te- lipolygami, partim etiam Ochini argumenta recoxit, noua etiam superaddendo, in suo *de polygamia tractatu Friburgi 1676. 8.* edito. Et, in alio in Germania excuso cum titulo : *das Königliche Marck aller Länder*: in quibus poly- gamiam tanquam rem maxime naturalem di- uinam atque catholicam laudat, immo viam, vitæ, quam qui probent, vere sint illuminati. Sed non solum prohibitus hic liber publico edicto, per Christianum V. Daniæ regem, sed & ipse Lyserus omnibus ditionis Danicæ ter- ris cedere iussus est, cum antea pastoris ca- strensis officium apud Danos obiret. Ipsam quoque Lyseri doctrinam Ioannes Bruns- mannus, Theologus Danus, publico scripto, cui titulus, *monogamia victrix\**, confutauit, & or- thodoxæ ecclesiæ hac de re sententiam expli- cavit, quod & speciali tractatu fecit Ioannes Musæus. Ipse quoque Hieronymus Bruckne- rus,\*\* licet in casibus quibusdam necessitatis dispensationem contra legem monogamicā & polygamie prohibitiuam, ab his qui legisla- toriam habent potestatem, fieri posse adserat, Lyse-

\* *prodiit Francfurti 1679. 8.*

\*\* *conf. matrim. cap. XIV. §. 61.*

Lyferi argumenta pro polygynia pro futilibus atque sophismatibus habet, eaque refutanda peculiari tractationi referuat.

§. XXIV. Sed pergemus ad reliquos Ochini dialogos. Dialogus XXIIquemadmodum ob adulterium fieri liceat diuortium, tractat. Meschinus enim, alter ex collocatoribus, queritur, se vxorem cum altero coeuntem deprehendisse, cui remedium præscribit Ochinus repudium, §. quod tamen religiose se posse facere negat Meschinus; qui vero fieri possit, instruit Ochinus. Urget primum ex *I. Cor. VII.* vxorem non habere sui corporis potestatem, sed virum: similiter & virum non habere sui corporis potestatem, sed vxorem. Quod si autem datam viro fidem frangat vxor, maritus liber solutusque fit, ita vt honestum sui corporis vsum alteri sceminæ sibi matrimonio copulatæ possit concedere. E contrario obiicit, Meschins, si promissio aut donatio citra vllam conditionem fuerit facta, semper ratam eam esse etiamsi pars altera fidem fallat. Et quoniā in matrimonio tum ab vxore tum a viro promittatur plane, & nulla conditione adhibita, honestus vsus corporis, fieri, vt licet alter fidem fallat, non ideo sit alter a fide data liber. Dein obiicit Ochinus verba Christi *Matth. V.* ob

VXO-

\* *Conf. matrim. cap. XIV. §. 61.*

vxoris adulterium solui matrimonium. Et cum responderet Meschinus, in euangelio Ioannis nullam eius fieri mentionem, immo potius Marcum & Lucam ex ore Christi dicere, si quis uxorem repudiaverit, alteramque duxerit, eum fore adulterum, nulla addita vel adulterii vel alterius rei exceptione; illud quoque diluit Ochinus, quod multa sint ab aliquo ex Euangelistis prolata, ab alio omissa. Alia dein obiecta diluit, maxime vero repudium ob spirituale quod vocant coniugium, dum quis fit monachus, esse illicitum, & Papæ auctoritatem hac in re nihil valere, Christiani autem magistratus: cum illius auctoritas Christo contraria; huius a Deo ordinata.

§. XXV. Dialogus XXIII. eosdem habet collocutores, quæstionem autem tractat, an ob infidelitatem diuortium possit fieri? quod ex verbis Pauli *1. Cor. III.* concludit Ochinus. Paulum tamen ex eo Christo non esse contrarium adferit, quod Christus dicat, solius adulterii causa repudium esse licitum, cum ibidem & de carnali & spirituali adulterio, quando animæ in Deum sunt infideles, loquatur. Sed opponit Meschinus, contra interpretationem dicti Paulini a recentioribus factam, illud maxime, quod cum Paulus antea ostenderat, uxorem non debere a marito se-  
ab-



abiungere, dicat; *non ego hoc præcipio, sed Dominus*; postea vero ubi de eorum coniugio loquatur, quorum maritus aut vxor infidelis esset, dicat: *his ego dico, non Dominus*: quasi vellet dicere, mihi quidem sic videtur, sed de eo nullum oraculum habeo. Et si vel maxime, dicamus, Paulum & eo loco ex oraculo diuino fuisse locutum, non tamen præcipit, ut diuortio ab infideli facto alteram iuste ducere liceat vxorem; sed mentem talem esse, si a viro fideli abscedat vxor infidelis, non ideo peccare maritum Christianum, sic ab vxore separatum, cum non ipsius culpa facta sit, hæc separatio. Separatum itaque eum vivere liceat, non vero alteram ducere. Nec etiam communem istam sententiam a patribus adprobari, nisi ab Ambrosio solo. Et cum, reiiceret Ochinus, suffragari tamen doctores recentiores, qui sacrarum litterarum maiorem habeant cognitionem, quam antiqui, sicuti constet tum ex eorum libris, tum ex ecclesiæ reformatione, qua Deus eam per illos nostro hoc tam tenebrioso tempore collustrauerit: hac ex re occasionem adripit Meschinus, de auctoritate doctorum edisserere, cuius verba, cum ad nostra apte conveniant tempora, hic quoque libet adponere. *Mihi vero, inquit, fecisse videntur, (doctores recentiores, de quibus agit) ut solent capra, quarum ea est natu-*

ut si salit vna, præsertim quæ tinnabulum gestat, cæterisque antecedit, eam sequantur omnes, etiam si in præceptis desiliat: vnde exire nequeant, neque huic malo mederi pastor possit. Idem tuis istis recentioribus doctoribus vsu venit. Nam eorum vni venit in mentem dicere, ob infidelitatem fieri posse diuortium: in quo dicto, quamuis in magnum errorem lapsus fuerit, tamen cæteri ministri clausis oculis vtrum ita esset nec ne, & an ille verum vidisset nihil considerantes, ne displicerent, timuerunt, ideoque ipsi quoque in tam immane præceptum desilierunt: idemque porro cæcum quoque vulgus fecit, quod suos ministros tanquam deos quosdam suspicit: atque ita omnes ideo errarunt, quia primum illum qui errauerat, errasse non putarunt, quoniam is in tantis tenebris multarum rerum veritatem, quæ tanto tempore sepulta iacuerat, vidisset, & in lucem protulisset. Quod autem primus ille, itemque eum secuti reliqui, errarunt, ex eo natum est, quod Pauli præceptum non obseruarunt, qui ad Corinthios scribens, volebat, ut qui essent in ecclesia, interdum conuenirent, & ibi habendis spiritualibus colloquiis explicarentur. S. Litteræ, & minister propositam vnâ aliquam ex sacris litteris sententiam explanaret, idem facerent singillatim cæterorum peritissimi quique. Quod si loquente doctorum illorum quopiam, alicui illiterato apertius quam primariis illis fuisset patefacta veritas, tacerent illi & huic audientiam præstarent. Postremo, postquam omnes qui

il-

illius dicti cognitionem aliquam haberent, sententiam suam dixissent, iudicaret ecclesia & quod ipsa iudicasset, crederetur palamque doceretur. At nunc non ita fit, nam quod minister verum esse iudicat, docetque, id censet omnibus aliis credendum esse tanquam caput fidei, quod si quis contradicit, neque illi citra ullam conditionem fidem adbibet, is hereticus est. Denique quod noctu somniant, id caritis mandant, excudique curant, suaque scripta & verba pro oraculis haberi volunt. Neque est quod eos speres unquam recantaturos aut sese ecclesie sue subiecturos. Volunt ut ecclesia ipsorum, non ipsi ecclesie arbitrio credant, id quod nihil aliud quam se quosdam papas terrenosque deos esse velle & in hominum conscientias tyrannidem exercere, ac dominos esse fidei eorum qui sunt in ecclesia, velleque ut ipsorum arbitrata credant, contra quam ipsimet credunt, ut cum mundo consentiant, neque cum Christo infestentur. Longius hæc ce adduxi, quo exinde constet, iam a primo reformationis tempore extitisse papas istos protestantes, qui ad dogmata sua homines cogere & in eorum conscientias tyrannidem exercere voluerunt. Adsentitur interim, & in his, & in quæstione superius tractata, scilicet ob infidelitatem non licere repudium facere, Ochinus, licet vterque omnium dicto-  
rum iudicium Christi ecclesie permit-  
tat. p. 269

§. XXVI. Dialogo XXIII. disquiritur, quam pœna afficiendi sint adulteri. Collocutores autem habet Ochinum & Archozelodicum. Ochinus quidem ab initio profert, necessarium omnino esse, vt dum cœpta fuerit renouari religio, etiam ius renouetur, quod etsi & nunc optandum, vix tamen sperandum. Occasionem ita adripit de pœna adulterii disquirendi, quam apud Iudæos fuisse dicit lapidationem, vt adulteri vel adulteræ ab omni populo lapidibus obruerentur, ex

p. 281 *Ioan. VIII. Apud nos vero, concludunt vtrique vt in adulteros capitalis pœna decernatur, iustum est ob peccati gravitatem, sic tamen, vt arbitrii sit magistratuum pœnam moderare, adhibita norma æquitatis & caritatis, pro adulteriorum diuersitate & circumstantiis, dummodo æquis lancibus id fiat.*

§. XXVII. Singularis est dialogus XXV. qui illud tractat, quænam sit omnium, quæ vsquam vel fuerunt, vel sunt, vel esse possunt pessima secta hæreticorum. Præfatio directa est ad Principes & magistratus, in qua timere se dicit ne in ecclesiis Christi noui Papæ existant, exhortari itaque se cum omnes, tum in primis magnos & potentes, vt sapiant & oculos apertos habeant, neue nouum Papatum surgere permittant, addit enim: *n. m. si paruulum illud cornu quod vidit Daniel, videlicet episcopus Romanus, ecclesiam Christi demoliri,*

omnes-

*omnesque principes Christianos sibi subiicere potuit, idem posset & aliquis ministrorum nostro um facere. Quare impigros vos & vigilantes prebete, vt soli Deo, non Papis, omnis laus, honor, gloria tribuatur per Iesum Christum Dominum nostrum. Amen.*

Dialogus autem est inter Papanum & Ochinum, qui se Christianum profitetur, probare tamen doctrinam de sacra cœna Zvvingilianam, quippe Christi verbis conuenientem. Probare hic contendit, paparum siue terrestrium deorum sectam esse prauissimam, id quod ex eo patere dicit, quod sectæ omnes hæreticæ natæ sint a dijs terrestribus, qui cum Dei sermonem pro regula non haberent sed iudicii sui cœcitati fidem adhiberent, verba sua pro oraculis haberi voluerint, quamvis ignorantia & intemperantia & libidinum, & ambitionis prauitatisque plena. Istorum autem terrenorum deorum genera facit quatuor. Primos esse dicit, qui ita fuerint superbi, vt dictorum suorum maiorem, quam Dei auctoritatem esse volentes, adfererent, sacras litteras egere correctione & emendatione. Secundos, qui imperfectas dicant sacras litteras, ideoque ab ipsis augendas. Tercios, qui eas non quidem falsas aut imperfectas arguant, sed implicitas atque tectas, ideoque ab ipsis argumentando & consequen-

(5)

D

feren-

ferendas. Postremos autem adserere, sacras  
littetas nonnullis in locis esse obscuras, ipso-  
rumque interpretationibus egere. Quos au-  
tem singulos refutat, dicitque non esse papis  
patefactas res novas ad salutem necessarias,  
sed perfectam rerum cognitionem habere,  
hominem Christianum, ut percipiat, quam  
longe lateque, quam alte profundeque pa-  
teat Christi caritas. Nec enim ait ad seruan-  
dos nos requiri contemplantem speculan-  
temque illam Theologiam, quæ Theologo-  
rum est, sed oporteat, ut adsit operans theo-  
logia, quæ imperitis & illiteratis conceditur.  
Hanc autem esse claram, eertam, tutam, quip-  
pe non solum a Spiritu sancto fidelium cordi-  
bus impressam & insculptam, verum etiam,  
ab eodem Spiritu sancto enucleatam : nihil  
ergo egere theologiam cordi inscriptam e-  
mendationibus, supplementis, illationibus si-  
ve consequentiis, aut expositionibus huma-  
nis, quod dein latius probat atque monet ec-  
clesias reformatas, curent, ne similes papæ  
inter eos nascantur. Inter errores quidem  
Ochino imputatos ex hoc dialogo Hottinge-  
rus quoque numerat, quod ministros Tigu-  
rinæ ecclesiæ in cœtu sacro & cathedra sacra  
non recitare dicit Symbolum Apostolorum,  
quod tamen sit falsissimum. Sed siue reci-  
tetur, siue non, errorem nullum video.

§. XXVIII,

§. XXVIII. Dialogus XXVI. de ratione agit extruendi regni Christi & destruendi Antichristi: cui præfatio est præmissa ad omnes veros, sinceros, puros, doctos candidosque reformatæ Iesu Christi ecclesiæ ministros. Hanc autem ob causam conscripsisse se hunc dialogum ait, vt ostendat, fieri haut posse, vt Antichristi ecclesia euertatur, quin prius Christi ecclesia fundetur atque extruatur: quandoquidem Christi ecclesia esse non possit, quin eadem opera Antichristi ecclesia corruat. Collocutores habet, Christophorum atque Ochinum, qui probant ecclesiam Christi ad sui constructionem atque conseruationem non egere diabolica prudentia & mendaciis atque fraudibus, sed vt omnia pure ac in Dei fiant honorem, necesse esse.

§. XXIX. Dialogus XXVII. de eo agit, quibusnam rebus cognosci possit, quænam ecclesia vere Christi & sincera, puraque sit, aut non sit. Dicauit eam omnibus ecclesiis, quæ se Christi ecclesias esse profitentur, ea ex causa, vt in hoc quasi speculo maculas vitiaque sua videntes corrigant, & indies magis magisque crescant. Eusebius quidam in hoc Ochinum conuenit, qui se magno captum esse desiderio ait, vt bonus fieret Christianus, eamque ob causam ex Vngaria pro-

fectum, quæsiuisse omnes Christi reformatas ecclesias, eo consilio, ut in omnium sanctissima perfectissimaque sedem sibi caperet, sed in omnibus inuenisse, & quod placeat, & quod displiceat: ut ergo ipsi idem usu venerit, quod columbæ illi a Noe emissæ, quæ nusquam nacta locum ubi pedem figeret, in arcam ergo fuerit reuersa. Sic & se in Vngariam esse reuersurum, ibique constituturum ecclesiam ab omnibus iis, quæ in cæteris ecclesiis displicuerant, intaminatam. Hoc & ipsum inter errores retulerunt Tigurini, sed quam bene, videant & alii. Peragret & hodiernum Eusebius ecclesias Protestantium, certe nullam reperibit *apostolicam*; cum visibilem in terris Christus nunc non habeat, ecclesiam. Pergit autem Eusebius tradendo, quidnam ad sanctitatem ecclesiæ requiratur: Deum scilicet ex omni cordis adfectione amare supra omnia. Deinde examen instituit ecclesiæ pontificiæ, in qua sacramenta, prout a Christo instituta, non administrari ait, in quo utrique consentiunt. Quid vero de Anapabtistarum causa sentiat, inuicem Ochinus! cui respondet Eusebius, eam talem non esse, qualis communiter habeatur: licitum enim esse iterum baptizare, cum primus baptismus non fuerit verus. Ad baptismum enim requiri fidem, pueros autem dum bapti-



baptizantur, nec iudicio nec fide esse præditos, & cum se credere testari haut possint, ideo baptizari non posse, & quemadmodum infantes baptizentur, ita & iuste iis posse cœnam dari. Cui tamen fidem infantum aliaque opponi alias solita, obiicit Ochinus. Dein Eusebius communem refellit opinionem, vbi per cœnam & baptismum peccatorum adquiri venia dicitur; fidem enim ante baptismum, antequam quis sacra vtatur cœna, requiri, ait, ideoque si quis viuam fidem habeat, fatendum esse, eis condonata esse peccata. Tantum enim credenti promissum est, ait, i- p. 357  
taque si quis simulatque credidit, nondum baptizatus moreretur, saluus esset, sicut ex bono illo latrone patet, qui aqua tinctus non fuit, & tamen saluus euasit. Igitur baptizari ideo debemus, non quia a baptismo pendeat salus nostra, sed quia statuit Christus, vt qui credit baptizetur, seque credere testetur. Itaque si quis baptizari nollit, is se non credere ostenderet: si enim crederet, baptismum non contemneret, sed baptizaretur, vt Christo obediret. Baptizamur ergo non vt peccatorum veniam obtineamus, quæ baptizandis promissa sit; sed vt Christo obediamus. Tangit post hæc Eusebius corruptos ecclesiæ mores, circa sacræ cœnæ administrationem, vbi ait: *audiui vos cœnam malis æque ac bo-* p. 354

nis nullo discrimine dare: ut sicut ad concionem sic & ad cenam admittatis omnes: id quod nunquam in prisca Christi ecclesia fuit usitatum, in qua dum cena celebrabatur, etiam tyrones ex ecclesia eiciebantur. Deinde damnat morem ecclesiarum Helveticarum, qui ægrotis facram denegant communionem, sed eam in templis tantum administrari volunt. Deinde damnat simulacra in templis, venerationem nominis Iesu, dum caput aperiatur hoc appellato nomine, quem honorem soli nomini exhiberi ait. Concludit tandem, ecclesias Protestantium vix haberi posse pro Christianis, cum in iis desint viua fides, charitas & fraterna castigatio quæ ad propagandum regnum Christi, armis corporeis potius vrantur, quam spiritualibus. Obiicit contra hunc dialogum Hottingerus, eum causam anabaptistarum ita tractare, ut quiuis facile videat, ipsum non esse hostem anabaptistarum, aut certe ineptissimum disputatorem: Pædobaptismo quidem non plane subscribit, cum in baptizando fidem requirat, anabaptistarum tamen causam non in omnibus defendit Eusebius alter ex collocutoribus; illud potius innuit, non nisi adultos esse baptizandos, cui autem regerit semper Ochinus. Monachismum quidem & Theologiam Scholasticam eum quam maxime commendare.

contendit Hottingerus, sed nec illud video, cum potius dicat, in scholis scholasticis esse p. 374 errores, & plerumque occupari eas; indagandis rebus nihil ad salutem pertinentibus, licet multarum rerum veritas in iis enucleetur, quæ res non parum conducant ad mentem viamque aperiendam.

§. XXX. Dialogus XXVIII. Sigismundo II. Poloniæ Regi est dicatus, cuius rationem in præmissa præfatione adsignat, quod in regno Poloniæ apertam esse euangelio portam cognouerit, idque iam fatum edere, fructum, vereri tamen, ne Satan, ut solet, aliquam ibi seminet hæresin; libellum itaque, hunc ita dicandum putauerit, quo Rex quid sui hac in parte sit officii, cognoscat. Tractat enim quæstionem, quo pacto tractandi & quando occidendi sint hæretici, atque interlocutores habet Pium IV Pontificem, & Moronum Cardinalem. Pontifex primum Moroni Cardinalis expetit consilium, quid sui circa hæreticos putet esse officii, videre enim se, quando magis isti fuerint vexati, tanto magis eos creuisse, quo fiat, ut ipsi incesse-  
rent suspicio in eos sic sæuiri, rem esse, quæ Deo displiceat. Qua occasione Moronus, hæreticus quis sit, explicat: ubi primum hæreticum eum appellari ait, qui rem aliquam sibi constanter credendam sequendamque deligit,

eam bonam veramque esse existimans. Quod si ea res vera bonaque sit, eum bonum esse, hæreticum: atque hoc pacto veros bonosq; Christianos merito vocari hæreticos, postquam euangelicæ veritati constanter adhæreant, & tales quidem non infestandos, sed defendendos esse & favore prosequendos.

p.381 Quod si qui autem errent in re ad salutem non necessaria, eos comburi non debere, ne-

p.382 que pro Dei inimicis haberi. Nec & eum, qui in fidei fundamentis quidem erret, sed imprudens, libenter vera amplexurus, erroremque suum, si sciret, emendaturus. Itaq;

p.384 imprudenter peccantium verum unicuique remedium esse hoc, si de vetitate doceantur ac pro eis oretur. Esse enim hæresin errorem quendam in mente hominum, ideoque rem spiritualementem & indiuisibilem, quæ non Scalpris, non lanceis ac ne igne quidem auelli queat ex animo, sed duntaxat luce sermonis

p.386 Dei. Quare remedium verum nullum esse dicit, quo possint ab errore suo auocari hæretici, nisi diuinæ doctrinæ lucem atque preces, vita proba concomitante. Docere etiam, experientiam ait, ut quanto plures interficiantur hæretici, tanto eos magis propagari, p.401 ex quo perspicuum sit, non placere Deo, ut interficiantur. Veram tamen causam, cur hæreticos interfici iubeat Papa, hanc adsi-

gnat,

gnat, quod & se Antichristum & ecclesiam Romanam meretricem magnam adpellent. Quam vero tanquam spuriam reiecit Moronius. Cui tandem requisita quædam, vt hæreticus possit interfici, supponit. Principio<sup>4.406</sup> necesse esse dicit, vt qui hæreticum curet interficiendum, princeps sit & magistratus. Principis enim esse curare, vt subditi in religione Christiana instituerentur, quod ex sacris ita probat: *Moses is fuit, non Aaron, qui in* <sup>p.407</sup> *Israelitica republica religionis res instituit, quimmo Mosén voluit Deus esse Aaroni pro Deo: ei-que semper subiectus fuit Aaron. Et post Mosén incubuit cura religionis pna cum magistratu non Eleazar sacerdoti, sed Iosue, qui erat tribus non Leui sed Ephraim; David quoque curam, gessit non solum profanarum rerum, sed etiam sacrarum: itidemque Salomo, Iosaphatus, Ezechias aliique Reges. Peccant igitur, & quidem graui-ter, quicunque principes & magistratus in rebus ad religionem pietatemque Christianam pertinentibus iudicium relinquunt, aut committunt episcopis nostrisque legatis & quesitoribus & sacrificis, & monachis siue fratribus. Alterum requisitum di-* <sup>p.408</sup> *cit, vt hæreticus eius Principis magistratus-ve, a quo tollitur, sit subditus. Tertium, vt crimen hæreseos disseminauerit in Principis ditione. Quartum, vt Princeps ad tollendum hæreticum impellatur a Spiritu Sancto,*

studioque honoris Dei, quo illum sine suo peccato interficiat, non odio aut invidia, neque item quia imperium nostrum ab illis everti videas, si prauum est. Quintum, ut erret hæreticus, existere enim interdum hæreticos sanctos, qui nullam aliam ob causam, tollantur, nisi quia vero constanter adhærescant. Sextum, ut non ignorans erret. Septimum, ut in errore sit pertinax. Octauum, ut præter ea, quæ iam enumerata, ea dixerit feceritue hæreticus, quæ Dei lex capite sanxit. Interdixit enim Deus, ait, in vniuersum omnibus homicidio: exceptis quidem certis criminibus, ob quæ magistratui Principiue liceat hominem interficere: sed in iis criminibus non recensetur, ut si quis siue insciens, siue sciens errat, interficiatur. Nonum maxime necessarium ait, ut conatus quis fuetit alios a veri Dei ad falsorum, Deorum cultum pellicere, atque ita demum ex Dei præcepto talem esse interficiendum, non solum quia erret, sed quia homines, relicto vero Dei cultu, ad deastrorum cultus pellicere velit; aut ipse sit cultor alienorum deorum, deastrisque sacrificet, aut in Deum impia dicat. Ex hiscerequisitis, quæ p. 412 vix reperiuntur, facile quæ mens sit Moroni poterit cognosci. Sed decimum insuper addit, non sufficere, ut quæ falsis diis sacra fe-

fecerit, aliosque ad eos colendos inuitauerit, sed & requiri, vt Princeps idem comper- tum habeat, vel ex ipsius ore haeretici, vel certe duobus tribusue fide dignis testimoni- is. Vndecimum, vt certo sciat, eum eo crimine, cuius accusatus, meritum esse mor- tem: Idque sciat non ex verbis hominum, qui mendaces sunt, quibusque qui confi- dunt, execrables, fiunt; sed ex Dei sermo- ne, qui verax est. Quare necesse esse ait, vt Princeps ipse cognitionem habeat legis Dei & sacrarum litterarum, & ex iis exploratum habeat, eum, qui apud ipsum accusatus est hæreseos, errare, & quidem in iis errare, ob quæ eum mori iubeat diuina doctrina. Duo- decimum quoque dicit esse necessarium, vt haereticus ille, professus fuerit admittere se sacras litteras, Deumque & Christum co- gnoscere. Gentilem enim, qui ad cultum solis; Turcam qui ad cultum Mahumæti incitaret; Iudæum qui a Christo auocaret, non esse interficiendum. Concludit tan-<sup>p. 415</sup> dem, Christi & apostolorum exemplum imi- tari nos debere, qui aduersus hæreticos non vti fuerint armis corporeis, sed spiritualibus, vt sermone Dei, probis moribus, miraculis, ardentibus precibus, modestia, patientia, cha- ritate cæterisque christianis virtutibus nec etiam hæreticum plane vitare nos debere, sed

sed eundem admonere, corrigere, emendare & ad bonam frugem ducere. Hæreticorum vero libros caute & cum iudicio non nisi a viris Christianis legi debere.

§. XXXI. Ipsum hoc quoque inter errores Ochriini computat Hottingerus, quod inclinare videatur in eorum sententiam, qui hæreticos, nomen Dei blasphemantes tolerandos esse dicant, & non plectendos gladio. Sed latius eiusdem modo adduximus opinionem. Hæreticos non trucidandos dicit, sed tolerandos atque emendandos, nihil tamen commercii esse debere cum iis, qui Deum blasphemant, vel homines ad deastrorum cultum vellent ducere, sed & illos si alia accedant requisita, trucidandos. Sed error dicitur, quia contra communem erat opinionem, quam alias contra Martinum Bellium late defendit Theodorus Betza, singulari hac de re edito tractatu, hæreticos a civili magistratu esse puniendos.

§. XXXII. Dialogus XXIX de præstantia agentis Theologiae agit præ contemplante. Directus est ad omnes sacrarum litterarum studiosos, quibus veram, hoc est, agentem optat theologiam. Sacrarum quidem litterarum studium omnibus aliis esse præferendum primum ait, cum in profanis libris mortui nos adloquantur; in sacris Mo-  
ses



fes, caeterique vates & Apostoli, Christus etiam, atque adeo ipsemet Deus. Hanc autem agentem theologiam non nisi precibus disci ait, dum cum Deo familiariter, opera christi sermocinantes oramus, vt efficiat, quo adhibita actione atque experientia, animo spirituque verum illud gustemus atque sentiamus, quod aut in sacris libris legimus, aut ex iis audiuius, qui id nobis explanarunt. Quare etiam omnes sacrarum litterarum studiosos hortatur, vt cum audiendo corporis auribus externo Dei sermoni ab hominibus pronuntiato vnā horā impendant, tres precibus impendant, vt animi spiritualibus auribus interiorem sermonem, Deo ipso per Christum eiusque spiritum pronuntiante, audiant, & contemplantem Theologiam seruae, agentem vero sponsae loco habeant. Colloquuntur autem Philosophus & Ochinus. Ille primum Deum cum esse negaret, Ochinus hunc ex operibus atque miraculis editis cognosci probat. Philosophus autem cum miracula facta negaret, nec profanarum historiarum adfueret auctoritatem, Dei sermonem adhibet Ochinus, sacras producens litteras, in quibus tot descripta legantur miracula. Sed cum & harum auctoritatem reiceret Philosophus, Ochinus argumentis alias adduci so-

solitis, eandem firmare conatur, quorum tamen ultimum idemque & optimum facit internum ac nunquam fallens testimonium Spiritus Dei, qui veras illas esse testetur Spiritui suo. Neque necesse esse ait, ut quis omnia sciat, quae sacris litteris fuere mandata, sed duntaxat quae sunt ad salutem necessaria, quae sola fide viua cognoscantur. Apostolos autem ait libere, aperte, clare docuisse, solius gloriae Dei rationem habentes, atque uti Paulus dicit, euangelium suum pereuntibus esse tectum, id non vitio euangelii fieri, quippe quod sit per sese clarissimum: sed reiectaneorum vitio & coecitate, quorum mentes eccoecauerit Deus. Agentem itaque requiri theologiam atque internam sermonem, lumen, testimonium Spiritus sancti, sine quo fieri non possit, ut quisquam bonus sit Christianus.

§, XXXIII. Dialogus XXX & ultimus ad monachos fratresque pontificios est scriptus, ut exinde aliquem spirituales gustum percipiant atque utilitatem. Agit autem de humana diabolicaque arrogantia; & colloutores habet Raphaelem medicum, Nabalem fratrem. Directus potissimum est contra religiosos pontificios, qui solis operibus salutem quaerunt, quorum persuasionem

varius

variis adductis sanctorum exemplis grauitèr impugnat.

§. XXXIV. Latius haec adduximus, vt de vera Ochini mente eo melius pateat. Vidimus autem quam pie sentiat de Christi diuinitate; quam grauitèr eum esse promissum Messiam adstruat, qua ratione nos redemerit, & expiauerit; qua ratione per Iesum fiamus salui: quam bene de peccato originali, eoque in Spiritum Sanctum sentiat. In secundo libro Trinitatem contra omnium obiecta grauib. argumentis probatam videmus. Quam bene criteria verae falsaeque ecclesiae, agentis Theologiae praestantiam prae contemplante, demonstret, ex ante dictis cuilibet patebit. Vt taceam errores quos detegit, qui in reformatorum irrepserant ecclesias: quantum praesumptam illam adrogatamque ecclesiae doctorum auctoritatem destruat, aliaque moneat ad vitae morumque integritatem satis vtilia. Et licet de polygamia quibusdam secus sensisse videatur, nec tamen in eo talem meretur reprehensionem, & tanta quibus a quibusdam adficitur, conuicia; cum satis caute non solum de ea loquatur, sed etiam adsentatore habeat viros graues atque auctoritate praeditos: quid quod? ipsum Lutherum. Certe excusabit Ochinum vitae integritas, excusabit ipsa doctrina.

OBSER-

## OBSERVATIO II: DE BERNARDINI OCHINI SCRIP- PTIS RELIQVIS.

§. I. **A** Pologorum libri editiones §. II. in quin-  
que centurias est divisus §. III. ex ipsis pa-  
tet, Ochino pontificiorum superstitionem  
satis fuisse perspectam. §. IV. Sermonum Ochini  
recensio. §. V. Sermone primo quid Deus sit, di-  
citur §. VI. qua ratione Deus ex creaturis cognos-  
catur §. VII. an Philosophia ad veram condu-  
cat Theologiam §. VIII. qua ratione scriptura sa-  
cranti debeamus §. IX. an scientia humane sint  
necessariae bono Theologo. §. X. de preparatione  
mentis ad Theologiae studium. §. XI. quid sit stu-  
dendum §. XII. Christus cur nihil scripserit.  
§. XIII. Christus in rebus supra naturalibus unicuique  
noster magister §. XIV. Deus non nisi in Christo &  
per Christum cognoscitur. §. XV. Quid Christus  
sit, & cur in mundum venerit? §. XVI. Christum  
qua ratione optime contemplamur. §. XVII. an  
quis salvari possit sine Christo. §. XVIII. Spiri-  
tualium & carnalium hominum querele inter se  
conferuntur §. XIX. qua causa Christum mouerit,  
ut in cruce moreretur §. XX. meditatio passionis  
Christi quomodo instituenda §. XXI. Christi tri-  
umphus inter omnes maximus §. XXII. in adun-  
tando euangelio quis ordo sit seruandus §. XXIII.  
euangelium predicare quid sit §. XXIV. Christus  
mundo

*mundo scandalum ex hominum impietate. §. XXV. Christiani ex nulla re scandalum debent sumere. §. XXVI. Ochini sermo de iustificacione recensetur. §. XXVII. Ochini reliqua scripta referuntur. §. XXVIII. epilogus.*

## § I.

**S**uperiori observatione dialogorum libros duos recensuimus, pergimus ad alia Ochini scripta: inter quæ forsan non ultimus est eiusdem apologorum liber. Prodiit iste Italice cum addita latina Sebastiani Castellionis translatione in octavi forma, anno editionis non addito. Postea per Christophorum Wirfungium in germanicam translatus linguam, anno 1569. 4. Inde quoque Belgice versus Dordraci 1607. 8.

§. II. Quinque autem libros siue centurias apologorum continet, qui idololatriam, avaritiam, & varios abusus pontificiorum sub naso rident. Singula iucundioris lectionis gratia sub apologis proponit, ad morem veterum, quibus autem pontificiorum vitia ita detegit, ut unicuique satis pateant. Plerique apologi ipsæ sunt historiæ, quæ vel gesta Pontificum, horumque dicti profana continent: vel episcoporum aliorumque ex clero; vel politicorum quorundam, qui sedis pontificiæ & cleri Romani fastum atque superstitionem false suggillarunt.

§. III. Omnes hosce hic recensere longum foret: satis hæc arguunt, Ochino Pontificiorum superstitionem maxime fuisse cognitam, cum tam acute eorum vitia arguat. Quod nos credere facit, ei nunquam fuisse animum ad pontificiorum castra iterum transire.

§. IV. Progredimur ad eiusdem sermones, quos Italico sermone primum habuit, atque diuersis vicibus edidit. Primi sunt, quos edidit 1543. 8. anno postquam reliquisset monasterium: postea notante Gesnero, quatuor voluminibus ac dein tomis duobus, quorum prior 50. posterior 60. sermones complectitur, Italice Basileæ excusi per Isingrinium. Nobis prima vice tantum editi sermones obuenerunt, quos, cum multa contineant singularia, hic recenserebimus.

§. V. Sermone primo reprehendit communem hominum ignorantiam de Deo, cum tamen fundamentum sit veræ salutis: & licet cordibus nostris sit insitum Deum esse, nos tamen mente nostra finita, Deum qui infinitus, non posse concipere. Inde omnes nostros conceptus aliter dirigi non posse, quam ut intelligamus, quid Deus non sit, quam ut positivè dicamus quid sit. Si qui tamen fuerint conceptus positivi eos esse idola mentis æque *Exodi II.* a Deo prohibita, ac materialia. Concludit tandem, quod essentia Dei in summa

ma perfectione fit concipienda, tanquam lux spiritualis, purissima, clarissima, simplicissima, æterna, immensa, quæ mutari non possit, atq; sine passione sit, infinito alias modo perfecta & plena iustitiæ. Nostros autem conceptus ad Deum non esse nisi tenebras, oportere tamen cum Aarone intrare sanctum sanctorum, & cum Moïse in diuina resistere caligine,

§. VI. Alter sermo agit, qua ratione Deus cognosci possit ex creaturis: in quo demonstrat omnipotentem esse Deum, cognosci ex huius vniuersi machina tam constante: perfectissimam autem sapientiam ex ordine rerum admirabili.

§. VII. Tertius verò sermo plane egregius est, & de eo agit, an philosophia ad veram conducat Theologiam & quomodo. Dicit autem, vti ratio nostra per peccata nostrorum parentum infirma sit, cæca & phrenetica, ita etiam eius philosophia in naturalibus saltem ipsi relictum aliquod lumen habeat.

Quare antiquum prouerbum esse dicit: *gran philosopho gran heretico: la ragione naturale non sanata per fede e phrenetica e stolta: magnus philosophus magnus hereticus: ratio naturalis per fidem non sanata est phrenetica & stulta.* Hanc rationem semper Deo esse inimicam, dicit: esse serpentem qui primos parentes seduxerit: Abelem occiderit: turrem Baby-

lonicam ædificauerit. Pergit dein, ac dicit, ecclesiam Christi, quæ sola fide regnante fuerit paradifus, ratione humana sibi imperium, vindicante, euasiffe confufam Babylonem.

§. VIII. Sermo quartus de eo agit, quomodo scriptura sacra uti debeamus ad cognitionem Dei? Hanc autem ad cognoscendum Deum sufficientem esse negat, nisi fides, spiritus & uiuum lumen de Deo accesserit. Quare dicit: *Non hauiam adunque abauer le scripture sacre per nostro ultimo fine, ne per nostre supreme regine & imperatrici, ma per mezi & ancille, che seruano alla fede, allo spirito, & alla vera cognitione di Dio: non habeamus igitur scripturam sacram pro fine nostro ultimo, nec pro suprema regina & imperatrice, sed pro medio & ancilla, quæ seruit fidei, spiritui & veræ Dei cognitioni.* Sermo quintus de corruptelis agit, quæ natæ sunt & quotidie nascuntur vitio hominum, qui sacra scriptura uti nesciunt. Inculpat autem homines, quod rationi suæ in lectione Scripturæ sacre tantum tribuant, quæ cum sit non solum corrupta, sed etiam diuersa, varios errores, pro cuiuslibet phantasia, pariat, multisque sectis præbeat occasionem.

§. IX. Sextus sermo quæstionem indagat an scientiæ humanæ sint necessariæ bono Theologo. Et quidem communem dicit esse

le



se ertorem, doctos solos esse Theologos veros. Si enim Theologia dependeat a scientiis humanis, nec sanctos omnes, nec Mariam nec apostolos fuisse veros Theologos, qui tamen aliis vera vitæ & doctrinæ præcepta tradiderunt, immo ne Christum quidem. Scientias itaque humanas ducere quidem ad quandam scientiam, quæ tamen indigna sit, ut adpelletur Theologia, sed potius metaphysica, quæ nec habet, nec dat tantum lumen de Deo, quod sufficiat ad salutem. Veram enim & supranaturalem Theologiam esse scientiam infusam, donum quoddam & lumen supranaturale, quod a Deo venit per gratiam eius. Scientiæ inquit humanæ implent mentes nostras fumis & superbia, atque ita occupant, ut distractæ cum Martha, non sint intentæ cum Maria, ad se implendum cognitione Dei. Christus est verum fundamentum Theologiæ, non scientiæ humanæ, vnde Ioannes præcursor Christi, non Aristoteles.

§. X. Sermo septimus de mentis præparatione agit eius, qui sacris litteris studere cupit, atque Christum contemplari in se & sua cruce. Rectam in primis, sinceram & puram requirit intentionem, Deum & eiusdem summam caritatem nostramque miseriam cognoscendi, ut aecendamus diuino amore, discamus viuere Christiane, aliosque docere, &

hæc omnia ad gloriam Dei. Deinde summa reuerentia nobis id esse adgrediendum, vt mater Christi summa cum veneratione corpus Christi tangebatur: Simeon cum tenebat infan- tem in brachio; Iosephus & Nicodemus quando Christum sepeliebant; & alii quando tangebant corpus Christi. Insuper cor esse debeat mundum, limpidum, clarum, cum Spiritus Dei non habitet in mente im- pia. Nam sicuti in speculo maculato stellæ relucere nequeant, sic nec in corde vitiis ob- ruto relucere possint species rerum diuina- rum. Cum enim Deus iusserit, vt populus Israel sese mundaret per triduum ad audien- das leges, quæ puritas conueniet ad audien- dum euangelium, veram illam & coelestem Theologiam, in terris per Christum pro- mulgatam. Tandem exeundum esse ex mun- do, & ex seipso atque cum alis fidei, spei & charitatis, in Spiritu, cum Zachæo eleuandum esse iudicium, ingenium & discursus; lumen etiam naturale sub verbo Dei esse captiuan- dum. Omnia bene esse indaganda: anima- lia enim, quæ non ruminantur, in Veteri Te- stamento fuisse immunda, sic & illos, qui ver- bum Dei non intime ruminantur. Vnde, Maria omnia, quæ dixerat Christus, rumina- batur in corde, & meditabatur. Non ergo opus

opus esse studiis, nec ingenio nec laboribus, nec angelis, sed solo Christo.

§. XI. Sermo octauus modum præscribit, quid debeamus studere, vt breui tempore & modo facillimò omnia, quæ vtilia & necessaria ad salutem, sciamus. Ostendit primum, quòd ignorantia in rebus vtilibus & necessariis ad salutem sit pestilentissima, vnde mala omnia reliqua pendeant: atque vt in comuni vita qui præsumat artem quandam, vt nauigare, quam tamen nesciat, perdat vitam; sic ille, qui viuere nesciat, perdat diuinos thesauros, veram gloriam, vitam, paradysum, Deum & gratiam suam in æternum. Et postquam adduxerat varias philosophorum sententias, quid sit studendum, concludit tandem, quod breui tempore possimus euadere docti, atque vnicus liber sufficiat. Christus in sua cruce, in quo omnes veritates quæ vtilles & necessariae sunt ad salutem, reperiantur in compendio. In quo studuere angeli, patriarchæ atque prophetæ

§. XII. Sermone nono de eo agit, cur Christus scripserit nihil? Ad quod posse, præsumi ait, vt si Christus propria manu quædam scripserit, hæc omnia eius fuisse auctoritatis & tam clara, vt homines nullam male interpretationis habuerint occasionem. Quod autem non scripserit, esse inquit, quod Chri-

flus non vt homo politicus, vel alter legislator venerit, nec vt magister litterarum, sed vt magister spiritus, lucis, veritatis, vitæ, caritatis, fidei, spei, humilitatis & reliquarum virtutum Christianarum, vt hæc omnia interne doceret, & in corda imprimeret. Et quia, nec spiritus, nec lux, nec fides chartis possint inscribi, sed soli cordi, non erat Doctor litterarum, sed Spiritus inflammans & accendens animas; scribebat semper, quod per Ieremiam promisit: *dabo legem meam in visceribus eorum & cordibus scriptam*. Scripsit & in cruce, vtens pro charta cordibus, pro atramento lacrimis, sudore & sanguine; pro penna, clauis, lancea & cruce: manus eius sanctus erat spiritus.

§. XIII. Sermo decimus disquirat, quomodo in rebus supranaturalibus vnicus noster esse possit magister? vbi citat Christi verba: *vnus est vester Magister: & illa: hic est filius meus, quem audietis*. Rationem assignans hanc, quod nullus nisi Christus possit esse Magister in rebus supra naturalibus, quia ab hominibus carnalibus non possint comprehendi.

§. XIV. Sermone vndecimo agit, cur Deus non possit se cognoscendum dare, nisi in Christo & per Christum? Cuius hanc reddit rationem, quoniam Deus extra Christum  
no-

nobis est inaccessibilis atque intolerabilis, utpote in sua essentia in se ipso atque in fonte claritatis suæ est absconditus, uti Esaias nec ipsum vidit, nisi tectis alis Seraphim. Et Paulus dicit : *habitat in luce inaccessiblei*. Qui igitur Christum non habet, vitam non habet, quia Deum non habet, qui est vita nostra.

§. XV. Sermone duodecimo quærit, quid sit Christus & cur venerit in mundum? Ad quod respondet, quod sit liber, in quo comprehensi sint omnes thesauri sapientiæ & scientiæ de Deo, speculum in quo videamus omnem veritatem : fontem, ex quo hauriamus omnem dulcedinem : arcam, in qua lateant omnes thesauri; gemmam plenam omnis virtutis : & tandem diuinum obiectum nobis adæquatum ; quod impleat, satiet, fatis faciat & beet quemlibet, qui habet viam fidem.

§. XVI. Sermo decimus tertius tractat, quomodo debeamus Christum contemplari in cruce? Et quidem Deum nos in Christo contemplari debere dicit, secundum suam omnipotentiam, quæ etsi in omnibus creaturis sit deprehendenda, in omnibus tamen iis non ita sit adaperata, ac in solo Christo : Deus enim, dum crearet mundum, nihil inveniebat, quod resisteret; quod in conuertendo homine secus est. Quare in saluan-

do mundo per Christum; Deus maiorem monstravit potentiam. Deinde venerari nos debere ait, Dei summam liberalitatem, eandemque maiorem, ac si creasset infinitos mundos, & eorundem nos fecisset possessores quietos, quod scilicet Deus nobis abiectis & vilissimis, miseris, & ingratis creaturis donaverit filium in summos cruciatus, ad nos lavandos proprio sanguine ab omni iniquitate. Deinde in Deo nos posse contemplari eius summam charitatem & misericordiam maximam. In ipso vero Christo nobis licere contemplari Christi dulcedinem, quæ nec in fasciis, nec in brachiis Simeonis tanta adparet, quanta in cruce. Dein in Christo contemlemur nobilitatem animæ. Quod si enim Christus mortuus est pro anima, anima eius est soror atque sponsa, immo filia Dei. Sermone decimo quarto vero probat, quod non sit bonus Theologus, nec verus Christianus, nisi qui intrinsecus sentiat Deum in se viventem atque operantem.

§. XVII. Sermone decimo quinto disquir, an quis saluari possit sine Christo? In quo examinat illorum opinionem, qui exemplo Adami & Patriarcharum, qui sine lege vixerunt, inducti, concludunt, ipsos sine Christo esse salvatos. Eos vero tanquam hæreticos reiicit, cum contra scripturæ doceant auctori-

ri-

ritatem. Ipse neminem nisi per fidem vivam in Christum posse saluari adseuerat. Ser-mone decimo sexto optimam & securam vi-am, per quam quis ad Deum veniat, Christum esse dicit in cruce.

§. XVIII. Sermone decimo septimo carna-lium atque spiritualium hominum lamenta-tiones inter se comparat. Illos quidem ita inducit loquentes : Domine, via ad cœlum adeo est arcta, vt pauci saluentur : præcepta enim quæ dedisti, tanta sunt, vt a nobis per-fecte teneri nequeant, vt Deum diligamus toto corde & animo, abnegemus mundum, nosmetipsos & cruce nobis imposita sequa-mur Christum, & tamen qui offendit in vnum præceptum, reus est de Deo. Hi ve-ro dicunt : Domine, nullus pater est, qui di-ligit filium, nec dux, qui suum militem, quin committat ipsi opus quoddam difficile, vt in-de inclarescat : tu vero nobis leuasti omnes difficultates, vt nec difficilis nec laboriosa sit opera, etiamsi omnia præcepta tua adimplea-mus. Mandasti amare Deum : quæ vero difficultas amare summam bonitatem, sine qua nulla alia est in toto mundo : impossi-bile mihi foret, si nec præcepisses, non amare De-um. Mandasti etiam, vt tibi confidam : sed dic mihi, quæ i li laus, qui ne mergatur flu-mini, adprehendat arborem firmam, non ve-

ro eius vmbra. Prohibuisti amare mundum : sed quid difficultatis, quid gloriæ, non amare phreneticum, obstinatum, proditorem, cæcum, vti est ipse mundus ? Quæ gloria erat Israël, vt relinqueret Aegyptum, vbi passus erat ; eadem & mihi. Mandasti vt diligamus proximum, sed cum leones se mutuo diligunt, quidni nos hominem, creaturam nobilissimam ? Vis etiam vt simus humiles, quam facile illud, quam iucundum : cum inde nobis ipsis reddamur quieti, pacifici, diuites, firmi, felices, qui in superbia nil nisi timorem, anxietatem, paupertatem inuenimus. Vis, vt simus patientes, sed quid illi laudis, qui cum exspoliaretur in comœdia, æquo id ferat animo ?

§. XIX. Sermone decimo octauo agit de causa, quæ Christum mouerit, vt moreretur in cruce, non absolute, ac si Deus nullum aliud nos saluandi habuisset medium, sed quod a Deo ita determinatum erat, ad maiorem sui gloriam cum ex eo ipso summa eius bonitas, caritas & reliquæ diuinæ virtutes perfectissime eluceant. Pergit dein sermone decimo nono demonstrando, quod mors Christi verum fuerit remedium contra statum hominis deprauatum. Dicit autem fidem aliam plane observare viam ac rationem : cum enim hæc ad supranaturalia sese eleuare



velit, illa de Deo descendat ad hæc inferiora, dicendo: placuit Deo, vt Christus moreretur in cruce, ideoque fuisse verum remedium, & si tale non fuerit, Deus tamen voluit in quo sibi satisfacere potest fides.

§ XX. Sermone vigesimo Deum in Christum omnes nostras iniquitates ita collocasse dicit, ac si ipse Christus eas commisisset. Sermone vero vigesimo primo docet, quomodo Christi passionem debeamus meditari. Omnem quidem hic reiicit superbiam illorum, qui meditationes suas de passione alios docere volunt, item cogitationes de impietate Pilati, ingrata & crudeli mente Ebræorum, quin etiam, qui se ad lacrymas cogunt, & multas fictas, apocryphas, pueriles, abiectos & Christo indignas meditationes fingunt. Porro qui Deum inde crudelitatis & summi rigoris arguunt, quod filium suum vnigenitum & innocentissimum pro nostris peccatis dederit. Potius esse ait, vt viua fide consideremus, quod ille, qui patiatur, sit filius Dei vnigenitus, summe a patre dilectus, in quo sibi complacet, sit innocentissimus, qui non patiatur pro suis, sed pro nostris peccatis. Quod clauis, quos habeat in manibus suis, sint tristitia nostra opera: quos in pedibus, tristes adfectus nostri: lancea, odium erga proximum: spinæ, pessimæ nostræ cogitationes.

tionem & desideria : acetum & fel, crapula & ebrietas : sputum, nostra vanitas : crux nostræ deliciæ.

§. XXI. Sermone vigesimo secundo summe gloriosum ex omnibus rebus immo triumphis huius mundi Christi esse dicit triumphum; idque ex eo, quod solus superauerit omnes persecutiones, iniurias, calumnias, mortem, mundum, sensus, peccata, dæmonem & omnem prudentiam carnalem, idque relictus ab omnibus, ab ipso etiam patre.

§. XXII. Sermone vigesimo tertio de ordine agit, qui seruari debeat in adnuntiando euangelio. Eum quidem esse tenendum ait, ut reuocetur in mentem auditoribus summa ipsorum infirmitas; explicentur hinc leges per Moysen latæ & a Christo magis explicatæ, atque tunc demum adnuntietur euangelica promissio. Quod si pastores semper de lege verba faciant, illorum exploratorum instar eos esse, qui ad terram promissionis missi, renuntiabant, vrbes omnes summe esse munitas, nec spem adesse, ut occupari possint. Hunc quoque morem esse ait ipsius Satanæ, qui in momento mortis, non nisi legem & peccata hominum ad desperationem vsque illos excruciendo, obtrudat oculis. Qui ergo verba facere velit aliis, etiam non Moysi personam solum, sed & Christi agere debere dicit.

§. XXIII.

§. XXIII. Sermone vigesimo quarto quid sit prædicare euangelium explicat. Et quidem plures cum fuisse dicat, qui euangelium docuerint, ipsi non solum quatuor euangelistæ, sed etiam Paulus, Philippus, Bartholomæus, immo & ipsi prophetæ, Moses, David, nec tamen nisi vnum sit euangelium, vti vnus est Deus, disquirendum omnino putat, quid sit illud euangelium. Propterea adnuntiare larga, felicia, gloriosa, cœlestia, angelica & divina noua, quæ habemus a Deo per Christum: quomodo Deus per Christum nos amat amore infinito, continuo, æterno, perpetuo, stabili & gratuito, quod semper de nobis cogitet, nos elegerit; & simus eius filii, quod electi non possint perire, quod Deus peccata nostra in Christum posuerit, & ipse in cruce sua pro nobis satisfecerit, suo sanguine nos lauerit, ab omni malo liberauerit, & cum Deo reconciliauerit.

§. XXIV. Sermo vigesimus quintus agit, quod Christus etiamsi fuerit, vt semper futurus sit, scandalum ipsi mundo, nihilominus nunquam tale det, vel sit daturus. Monstrat enim, quod Christus tum vita sua, tum operibus, euangelio & prædicationibus fuerit & adhuc sit scandalum hominibus: illud tamen, non Christi culpa fieri, quippe qui sit sanctissimus & in omnibus virtutibus perfectissimus, sed

sed ex hominum impietate, cuius regnum, hoc modo destruat. Quare & Christum simplicem vitam egisse dicit, quo omnes facilius eam possint imitari.

§. XXV. Sermone vigesimp sexto & ultimo probat, Christianos ex nulla re scandalum debere sumere. Christi exemplum in hoc sequi eos debere ait, qui nunquam id fecerit, etiamsi data occasione, ita ut etiam Petrum *Matth. 16.* qui ipsum a morte retrahere volebat. de eo increparet. Idem imitari debere Christianos ait, etiamsi totus mundus plenus sit peccatis. Quod si autem hominem peccare videant, cogitent, quod is forsitan ex numero sit electorum, & Deus permiserit, ut peccet, ut eo melius se suamque infirmitatem agnoscat, & aliorum exemplum excitet, virtutem magis exercendi.

§. XXVI. Præter hosce sermones coniunctim editos alios quoque in latinum versos debemus Cœlio Secundo Curioni, de quibus unicum tantum, qui nobis obuenit, hic recensere. Adiectus est Curionis Araneo, seu de providentia Dei libro, qui Basileæ prodiit 1544. 8. atque de eo agit, quid sit, per Christum iustificari, tum qui iustificationis sit modus. Deum quidem dicit hominem iustificare non ut tyrannum, qui sæpe flagitiosum hominem, si inter suos cliente s, excusat atque

atque tuetur, nec ut bonum principem, qui innocentes tuetur & iustos pronunciat. Neque etiam ex operibus nostris, vel partim nostra, partim Christi satisfactione saluos nos fieri, sed sola Dei gratia, & Christi merito, cui nil debeat detrahi. Nec etiam opera, quæ iustificationem antecedunt, quidpiam conferre; sed & ipsa esse peccata, cum arbor mala fructus bonos ferre non possit. Postremo per Christum iustificari nos ait, non tanquam per patronum & aduocatum, qui impetret a Deo remissionem, sed quod nostra, peccata in se transtulerit, quasi ipse ea commisisset omnia, nobis e contrario dederit iustitiam sanctitatemque suam. Quam sola fide adipisci nos concludit.

§. XXVII. Alia quidem restant scripta Ochini, a Sandio atque Gesnero memorata, quæ cum ad manus nondum peruenerint, solum horum Catalogum nobis hic exhibere licebit. Prodiit enim eius expositio epistolæ Pauli ad Romanos italice, a Sebastiano Castellione latine versa, & Genevæ atque Augustæ Vindelicorum apud Philippum Vlhardum 8. edita. Commentarius in epistolam Pauli ad Galatas Italice scriptus & Germanice versus. Libellus de beneficio Christi. Sermones tres de officio Principis. Quinque declamationes sacræ, quas cum prioribus

latine vertit Cœlius Horatius Curio, Cœlii, Secundi filius, quas Operinus Basileæ 1550. edidit cum Marsilii Andreasii, de amplitudine misericordiæ Dei, oratione. De purgatorio dialogus Italicus & latinus, Thaddæo Duno interprete, Tiguri apud Gesneros 1555. 8. & gallice sub titulo: dialogue de M. Bernard. Ochin Senois, touchant le purgatoire 1562 tandem quoque Belgice versus. De Coena Domini homiliæ & contra Ioachimum Westphalum tractatus, Italice & latine, Duno interprete. Labyrinthi de prædestinatione, & libero arbitrio, Basileæ 8. Dialogus rationis & hominis, quem quidam ex sermonibus eius excerpfit, & germanice edidit. De eius catechismo anno 1591. recuso, de quo testatur Bzouius atque Ræmundus, supra iam diximus, eius non esse, cum annus editionis non conueniat eum auctoris vita, nec etiam eum adhuc videre contigit.

§. XXVIII. Hæc ergo sunt, quæ de Ochino dicenda erant. Iudicet qui velit ex vita, ex doctrina, an Ochinus talis fuerit, qualis dicitur. Per me liberum erit cui libet iudicium, si modo omnia accurate pensitet. Mihi sufficit veritas, quam sectari omnes conuenit.

# OBSE RVATIO III. NESCIRE PHILOSOPHOS ADHVC QVID SIT AER.

## SVMMARIA.

§. I. **N**escire Philosophos, quid sit aer, probatur  
ratione, & testimonio Du Hamel.  
§. II. Hebraei ignorarunt, quid sit aer, quia in V.  
T. eius non sit mentio, neque in lingua Hebraica  
extat vocabulum, quod aeris vocabulo respondeat.  
§. III. In versionibus vox aeris reperitur quidem,  
sed in fonte non item. §. IV. Rabbinii inepte voci  
Ruach notionem aeris imposuerunt. §. V. Egy-  
ptii aerem masculum & feminam agnouerunt;  
sed naturam ignorarunt. §. VI. Persae quid sen-  
serint de aeris natura, incertum est. §. VII. Graeci  
in enucleanda aeris natura, semper pueri extite-  
runt. §. VIII. Poetae de illo nihil habuerunt co-  
gnitum. §. IX. Ionici plerique aerem pro unico  
primoque elemento habuerunt, sed definire non  
potuerunt. §. X. Italici sibimetipsis contradixe-  
runt. §. XI. Eleatici & contradixerunt sibi, &  
dicta sua consulto tenebris inuoluerunt. §.  
XII. Plato hic suam professus est ignorantiam,  
quicquid etiam videatur Apuleio. §. XIII. In A-  
ristotele nulla reperitur vel aeris, vel alterius rei  
naturalis exacta definitio. §. XIV. Aristotelici  
definiunt, elementum moderate calidum, humi-  
dissimum, complens omnem locum, nullo cor-

pore repletum. §. XV. Sed hæc definitio nec vera est, nec perspicua. §. XVI. Aer enim non videtur esse corpus. §. XVII. Nec corpus simplex homogeneum. §. XVIII. Item non corpus ex quo res concreta componuntur. §. XIX. Porro non corpus calidum. §. XX. Non humidissimum. §. XXI. Non complens omnem locum. §. XXII. Non corpore nullo repletum. §. XXIII. probatur, definitionem Aristotelicam obscuram esse. §. XXIV. Pyrrhonit in Ἀπολογία farentur suam ignorantiam. §. XXV. Epicurei definire non audent. §. XXVI. Stoici obscurum per æque obscurum explicant. §. XXVII. Cartesiani sibi metipsis contradicunt mirifice. §. XXVIII. Neque clare & distincte aeris naturam percipiunt.

## §. I.

**Q**Uod Tom. IV. observat. XVI. de igne diximus, id idem de Aëre debere dici, tam manifestum est, quam quod manifestissimum. Etenim si istud elementū occultum nobis est, quod sensibus est obvium; quanto occultius erit illud, quod a sensibus percipi non potest? Sane id tam procul a cognitione nostra abest, ut Heracliti dicta citius, quam eius quidditatem intelligamus. Et recte scribit Hamelius Tr. I. c. 3. Phys. Gen. p. 83. *Naturam aeris magna ex parte (quin potius omni ex parte) nos fugere, cum nec sub oculis cadat, nec seorsim, ut cetera*



cetera elementa, spectari possit, aut vasis destillatoria contineri. Quod & ipse repetit l. 3. de consensu Vet. & Nov. Phil. c. 3. p. 723. & reliqui Philosophi volentes nolentesque consentunt.

§. II. Etenim vt ab HEBRAEIS, quorum Philosophia procul dubio est antiquissima, (1) faciamus initium, hi Aëris naturam usque adeo ignorarunt, ut ne nomen quidem habuerint cognitum. Et obseruatu profecto est dignissimum, in vniuersa Scriptura S. V. T. aëris non fieri mentionem. Nec ullum, in lingua hebraica extare vocabulum, quod *Aëris* vocabulo exacte respondeat.

§. III. Nam licet in versionibus interdum vox occurrat AERIS, vt Deut. 28. v. 22. vbi Moses Israëlitis comminatur, der Herr wird dich schlagen mit giftiger Luft. Et Ierem. 14. v. 6. das Wild schnappet nach der Luft. Tamen, in versionibus occurrit solummodo, in fonte ipso non item. Nam in priori loco extat צִדְדָּפון (tziddaphon) quod non corruptum, aërem significat, ut cum interprete vulgato Lutherus vertit, sed *συννευσμόν* seu uredinem, gine Dürre oder Verjengung vt rectius cum τοῖς ὀ transtulit Tremellius & alii ἐξεραιώτεροι. Et si in locum posteriorem inquirimus profundius, ibi vox רוּחַ Ruach reperi-

F

3

tur

(1) Clemens Alexandrinus L. 1. Stromat. p. 302.

tur, quæ communi Lexicorum consensu non aërem, sed ventum denotat, & quidem h. l. ventum eiusmodi, qui refrigerandis Draconibus & Onagris accommodatus est. Quod de aëre dici non potest, qui neque calefacere potest quemquam, neque frigefacere, nisi vento commoveatur.

§. IV. Equidem non nescio vocabulum רוּחַ (Ruach) a Rabbinis etiam usurpari pro aëre, ut quando R. Moses Maimonides c. 4. Constitut. de fundamentis legis p. m. 37. Edit. Amstelod. scribit; *quatuor corpora* אֵשׁ וְרוּחַ וּמַיִם וְאֶרֶץ (*Esch Veruach Vmaim Veeretz*) esse elementum omnium creaturarum. Sed tantum abest, ut hæc significatio sit ἄγρυπνος ut potius sit ἄγρυφος, & ab Aristotelizantibus Rabbinis demum conficta. Hi enim cum contra instituta maiorum (2) Philosophiæ Gentilium se dederent; & Aristotelem cum primis Ducem imitandum sibi proponerent, quæ scrinia Salomonis compilasse existimabant, (3) non poterant non Hebræam linguam novis terminis coinquinare, & vocibus antiquis novas significationes imponere, ut conceptibus Philosophicis exprim-

(2) vid. Zioldi *Einleitung zur gründlichen Kirchens Historie* c. 3. p. 268. seq.

(3) Hackspanii *Addamenta ad Lipmanni Nizachon* c. 3. p. 434.

mendis sufficerent. Adeoque auctoritas eorum in hac re non magis movere debet nos, quam Hieronymi vel alterius recentioris auctoris, si contra consensum antiquitatis vocis alicui latinæ significationē nouam & veteribus incognitam impertiat. Accedit quod ipsi Rabbinī suæ causæ diffidentes, pro voce רוח Ruach, subinde vocem Latinam אֵר Auer substituunt. Vid. Kabbala denud; Tom. I. p. 55.

§. V. Ægyptiī quidem teste Seneca l. 3. Quæst. Natur. c. 14. p. m. 771. QUATVOR Elementa fecere, deinde ex singulis bina, Marem & fæminam, AErēque marem iudicarunt, qua ventus est, fæminam qua nebulosus & iners; *Sed de veritate vel natura eius hominem audacter loqui non posse existimarunt, cum animal imperfectum sit membris imperfectis constans, & multis diuersisque corporibus constitutum corpus gerens*, vt clare docet Hermes Trismegistus apud Stobæum Serm. XI. de Veritate p. m. 137. Adeoque nec hoc fortassis audacter potest cum Iamblichō de Mysteriis Ægyptiorum p. m. 25. affirmari; *Quod Aër summus sit igneus*: imprimis si quis recogitet, supremam illam regionem aëris non magis esse cognitā & perlustratā Phisicis, quam terra Australis incognita nostris est Geographis.

§. VI. PERSAE quid senserint de Aëris natura, incertum est. Nam licet in Zoroastri Oraculis p. m. 30. b. supersint quædam ἀερολογίας vestigia, ut quando dicitur; *Aerem supra terram & aquam esse positam*; & quæ sunt huiusmodi: tamen γνησιότης huius libri non magis certa est, quam Zoroastri patria, quæ teste Huëtio propof. IV. Demonstr. Evangel. p. m. 151. est incertissima.

§. VII. Et quid de Græcis expectas? An eos naturam Aëris felicius rimatos esse, existimas? sane egregie hallucinaris, si ita sentis. Tantum enim abest, ut illi rem acu tetigerint; ut potius cum illo barbaro apud Clementem Alexandrinum l. 1. Stromatum p. m. 303. fatendum sit; Græcos ut in reliquis, ita & in hac re αἰὲ παῖδας id est, semper pueros extitisse.

§. VIII. Poëtæ enim licet Aëris frequentem mentionem iniiciant, eumque Iunoni dicatum fuisse tradant; tamen magis muti, quam pisces sunt, si naturam eius ab eis condiscere discupias. Quippe

Viunt Carmine Infani Poëtæ,  
Si nugas adimas, fame peribunt,  
His mendacia sunt opes & Aurum,  
Fingunt quæcunque volunt, putantque palmam  
Mentiri bene gloriosorem.

§. IX.

§. IX. Sed ii fortassis sapientiores sunt, qui reiecto hoc pallio ignorantiae mysteria, naturæ a fabulis purgare occeperunt? IONICI scilicet, ELEATICI, Italici & alii, qui titulum, σοφῶν vel φιλοσόφῶν deinceps excogitarunt? Ast falleris, mi Amice, & vana spe teipsum decipis. Etenim si IONICORVM axiomata, Physica indagas profundius, eos quidem plerosque (plerosque dico: omnes enim appellare non audeo. Et prorsus in ea opinione sum, eos procul abesse a veritate, qui sectam Ionicam vnam fuisse sectam existimant, quæ propter diuersitatem principiorum cum essendi, tum cognoscendi sectarum potius multarum farrago fuit atque congeries.) AEREM pro primo vnicoque rerum naturalium Elemento habuisseprehendes, ex quo attenuato ignis, inspissato aqua, & crassescente terra procreetur. Sed quia eos claram atque distinctam aëris definitionem tradere potuisse vix vllibi conspicies, similes videbuntur, hi homines circumforaneis, qui de virtutibus herbarum operose differunt, quas ipsi non cognoscunt, vel illis, qui multa blaterare solent de vrbibus, quas nunquam oculis vsurparunt. Atque idcirco accidit iis interdum, quod nescio cui Thrasoni eveniebat quondam, qui multa nugatus de Venetiis, interrogabatur tandem, an vnquam vidisset urbem,

elegantissimam? Et cum pudore suffusus negare non auderet, respondebat, se aliquando curru mercibus onusto per eam transiisse, **Er wäre einmahl mit einem Frachtwagen durch gefahren.** Sic enim multa de raritate & densitate Aëris expromunt IONICI, & si quidditatem eius ex iis cognoscere desideres, vel obmutescunt protinus, vel ineptissima quæque effutiunt.

§. X. Quod quidem si emendare possent Italici, facile daremus Scheffero hanc veniam, & eos tantum inter philosophos reliquos eminere adcrederemus, quantum lenta solent inter viburna Cupressi. Sed quia eos in eodem cum aliis inhærere lutoprehendimus, non equidem dispicimus, quare aliis præferre deberemus. Etenim vt de sola *Ἀερολογία* agamus in præsentī (quam Schefferus cum tota *Physiologia* Pythagorica silentio præteriit,) quid habent magnopere, quod palmam mereri possit? Aërem *ψυχρὸν αἰθέρα* a Pythagora vocatum obtendis? (4) Bene facis. Sed quæso te, quid est *Æther*? quid frigus ex mente Pythagoræ? Et si frigidus est Aër, cur Ocellus Lucanus *γνησίως* Pythagoricus (5) eundem *θερμὸν*, seu calidum appellat? An idem simul esse potest & non esse? Non puto

(4) Lærtius in vita Pythagoræ l. 8. p. 584.

(5) de vniuersi natura c. 2. p. 34.

to te illud affirmaturum. Nec te iuvabit, si dicas, Pythagoricos (6) Aëri mollitudinem, leuitatem, læuorem & tenuitatem tribuere. Hæc enim omnia eadē facilitate reſciuntur qua proponuntur, niſi ex ipſa Aëris eſſentia demonſtrata fuerint. Plane vt frigus Saturni, quod crepant magno clamore. Aſtronomi, ſed nullo idoneo argumento demonſtrare pollent, quia eſſentia huius planetæ nobis eſt ἀνόρεος.

§. XI. Et plane iisdem tricis Eleatici impediuntur. Præterquam enim quod ſibi-  
metipſis contradicunt quam maxime, dum vnus (8) Aërem Elementum eſſe affirmat, alter (9) denegat; Vnus ex igne procreatum, (10) alter ex Atomis conſlatum (11) clamat; tanta vbique eſt dictorum breuitas & obſcuritas, vt omnia ab vno Heraclito pro-  
venire videantur. Qui teſte Laertio (12) *Librum de Natura in templo Diane depoſuit, de industria obſcurius ſcriptum, vt ſoli eruditi cum legerent, ne, ſi a vulgo paſſim legeretur, contem-*  
*pti-*

(6) Lucanus l. i. p. 30.

(7) Sturmii Phil. Electiv. part. i. Exerc. 13.  
p. 635.

(8) Xenophanes apud Laertium l. 9. p. 640.

(9) Parmenides apud Laertium l. 9. p. 641.

(10) Heraclitus apud Laertium l. p. 63.

(11) Democritus apud Laertium l. p. 658.

(12) l. i. p. 630.

*ptibilis esset.* Eruditos 1) se mutuo non sub-  
sannarios existimabat (Denn wer die Kunst  
kan verräth den Meister nicht.) sed potius se  
defensuros inuicem, sicut aruspex aruspicem  
defendere solebat quondam, ne artis pretium  
vilesceret; Sed si indocta plebs arcana physi-  
ca perspiceret, videretque, quam misellis ful-  
cris inniteretur, facile putabat fore, ut o-  
mnis eruditorum honor euanesceret, & Lai-  
ciclerum philosophicum adorare desine-  
rent.

§. XII. Sed ad *Platonem* pervenio. Qui  
sicut proram & puppim philosophiæ suæ in  
ignorantiæ professione constituit; vt docet  
egregie Conringius in Hist. Vniuers. Ma-  
nuser. C. 2. Ita vel solus Stobæi locus, quem  
Tom. 4. Observ. ib. §. 11. citauimus, testari  
potest, quam parum in Aëris descriptione  
suam ἀνατάληψιν dissimulauerit. Nec ob-  
stat, quod in Timæo multa de Aëre occur-  
rant dogmatica. Nam 1) Timæi hæc sunt,  
non vero Platonis placita. 2) Timæus ipse  
p. 534. scribit: *Difficile esse, certum aliquid &*  
*firmum de IV. Element. asserere;* Et p. 528. l. 1.  
ait, esse quasdam species Aëris ἀνωρύμεις, quarum  
ne nomen quidem indicare posset. Et sane si re-  
cogitasset Apuleius, hunc Dialogum non tam  
exponere, quid Plato & Socrates, quam quid  
Timæus Pythagoricus de vniuerso statuerit;  
Non



Non tam audacter fortasse, de dogmatis  
Platonis Physicis scripsisset, dixissetque, eum  
statuisse 1) Aerem, Ignem & aquam habere  
suam originem & principium ex Trigonō.  
2) Aerem habere formam in se octangulam  
&c. Hæc enim a professione ignorantiae  
Socratica & Platonica tam procul absunt,  
quam Oriens ab Occidente distat.

§. XIII. Sed quid de Aristotele dicam? E-  
quidem si is fidem habere velimus temere,  
qui se pro γνῶσις Aristotelicis haberi vo-  
lunt, quique se inuicem tam impudenter ex-  
scribunt, ut omnem fontem amisisse videan-  
tur, dicendum esset utique, Aristotelem l. 2.  
de Gen. & Corrupt. c. 3. definitionem Aeris  
dedisse. Sed quia Tom. IV. observ. l. 6. §. 12.  
iam vidimus, quam malæ fidei testes sint hi  
homines, nolumus arenæ inædificare, sed sa-  
pere potius cum Piscatore iclo & locum cita-  
tum ipsi inspicere. Ibi autem nihil minus ha-  
betur, quam definitio Aeris. Et sane sicut,  
referente Bodino in præfatione Dæmono-  
maniae p. m. 18. Cardinalis de Aliaco *defen-  
dit rationibusque certis confirmavit, nullam exta-  
re in vniuerso Aristotele demonstrationem necessa-  
riam, præter eam, quod demonstravit, vnicum esse  
Deum*; Ita parum abest, quin credam, in vni-  
uerso Aristotele non extare definitionem  
exactam. Quippe quæ vel ipso teste l. 1. Post.

An al.

Anal. c. 8. p. m. 109. ἡ ἀρχὴ ἀποδείξεως ἢ ἀποδείξις θέσει διαφέρεισα ἢ συμπέρασμα τι ἀποδείξεως. Et si in mentem mihi reuoco quam cœcutierit in phænomenis naturæ explicandis, non equidem ineptam opinor esse imaginem, qua vereres eundem depingere consueuerunt. Denn die mahleten hinter das Contrafei des Aristotelis ein Weib/ die mit einem Schleyer das Antlitz verdeckt gehabt und Physis daß ist die Natur geheissen. Damit anzudeuten / daß Ihm das schönste von der Natur sey verdeckt geblieben / und daß er nichts denn die Euserlichkeit an Kleidern habe erblicket und gesehen. Vid. Præfat. Bodini a Iohanne Fischbach, e Gallica in Germanicam linguam translata p. 20.

§. XIV. Neque etiam *discipuli* super *MA-  
GISTRVM* sunt, nisi quod definitionibus magis abundant. Quæ tamen ita comparatæ sunt, vt vel seipfos euertant mutuo texcentis contradictionibus repletæ, vel facile ab iis euerti queant, qui verum a falso discernere didicerunt. Quæso enim te, Lector Beneuole, qualis hæc est definitio, qua *Aerem*, definiunt: *Elementum moderate calidum, humidissimum, complens omnem locum, nullo alio corpore repletum*? Sane Otum esse oportet, & ingenio plus quam Peripatetico instructum, qui eius næuos & παροράματα insulsissima non,  
per

perspiceret, quæ ita conspurcata est, ut quid primo, quid posteriori loco reprehendi in ea debeat, vix intelligam.

§. XV. Equidem non latet opus periculosa plenum esse alex, Philosophiæ Aristotelicæ tetigisse ulcera; quippe quæ tot nutritores habet adhuc, *Quot celum stellas, quot habebat Roma puellas*; Sed quia veritas non timeat mendaciorum myriades, non expauesco eorum multitudinē, nec me a confutatione communium errorum deterredi patior; Quin potius in ea constantissime persevero & asserpta veritate falsitates omnes ὁβελίζω, & in eum locum conicio, ubi mendaciorum parens habitat. Quo quidem an etiam hæc definitio aëris releganda sit, tunc quidem apparebit perspicue, si a nobis probatum erit, eam esse falsissimam & obscurissimam.

§. XVI. Ut autem a veritate capiamus auspiciū, quæ quasi definitionis est anima, quid magis alienum ab ea esse potest, quam dixisse, Aerem esse *Elementum moderate calidum & humidissimum, complens omnem locum, nullo alio corpore repletum*! Profecto Elementum si esset Aër, corpus esset simplex homogeneum, atque corpus ejusmodi, ex quo res concretæ primo componantur, & in quod ultimo resolvantur. Quæ omnia sic quadrant in Aërem, ut Anguli in Circulum &

Ro

Rosæ in hyemem. Etenim si corpus est Aër, cur Aristoteles Lib. de Sensu & Sensili c. 5. dicit, eum plane non posse *συναρτῆσθαι*? Cur reliqua permeare potest corpora? Cur solus ex omnibus corporibus maioribus humanos sensus effugit? Cur iuxta tuam hypothesein *πν* seu Spiritus in Sacris appellatur? Cur denique materiæ & formæ est expers? Nam si affirmas habere materiam & formam, dic sodes, quæ sit illius materia? quæ forma? Dic qua ratione res concretæ resolui possunt ultimo in Aërem, si ulterius resolui possunt in materiam & formam? Dic cur videri non possit Aëris materia? Cum omnis materia, si debitam habeat magnitudinem, videri queat, ut docet egregie Thomasius c. 2. *vom Wesen des Geistes* th. 7. p. 26. Dic cur spiritum concipere non possit, nisi sub forma aërea, extensum scilicet per particulas minutissimas?

§. XVII Vt vero aër corpus non est, ita nec corpus simplex esse potest, tum quia diserte docet Aristoteles l. 2. de Gen. & Corrupt. c. 3. aërem non simplicem, sed mixtum esse; tum quia omnes fere statuunt Aristotelici, aërem posse corrumpi & putrescere, quod in corpus simplex non cadit, cui accedit, quod contra naturam corporis simplicis ex alio elemento est compositus vel ipso Aristotele

tele docente l. 4. Auscult. Physf. c. 5. vbi ait, aquam esse aëris materiam. Et quoniam iudicio Hamelii Tr. 1. Physf. Gen. c. 3. p. m. 83. *Non ubique sui est similis, sed alibi purior, alibi crassior, interdum grauior aut leuior, aliquando salubrior, interdum pestilentior, adeo ut multis nihil videatur esse præter terra & aqua velut quandam lanuginem ex omnis generis effluuiis conflatam, simul cum simplicitate funeratur ejus homogeneia & absconditur.*

§, XIIIX. Quod vero dicunt, ex Aëre componi concreta omnia & deinceps resolvi rursum, id tam ieunum est & frigidum, ut pueris vix persuaderi possit. Quis enim lapides, & alia huiusmodi corpora siccissima ex elemento humidissimo constare existimet? Quis niuem, pruinam, grandinem & alia frigidissima ex moderato calido concreta dicat? Si dicis in illis prædominari terram, quæ sua siccitate humiditatem Aëris absorpserit; in his vero aquam, quæ sua frigiditate calorem ejus extinxerit: admitto hoc tuum effugiū, sed hoc insimul contendo; cum his aëris affectionibus essentiam ipsam aut esse extinctam in his adductis corporibus, aut non esse. Si non est, dabitur in iis aër nec humidissimus nec moderate calidus, quod definitioni Aëris repugnat; Si vero est, dabitur corpus concretum, quod ex Aëre non est compositum

tum, quod definitionem elementi evertit.

§. XIX. Sed satis multa de genere diximus, ad differentiam nunc accedendum, qua Aër moderate calidus, humidissimus, omnem locum complens, nulloque corpore repletus creditur. Quod æque verum est nostro iudicio, atque si appellatur elementum. Nam primo iam constat ex *observ.* 16. *Tom. 4. §. 22.* calorem non in obiecto, sed in subiecto, hoc est non affectionem esse corporis, quod nostros sensus afficit; sed sensationē ipsam per motū corporis in nostra mente excitatam. Tum si vel maxime faceremus missum hoc *πνεῦμα*, & quandam tactilem, qualitatem aëre inesse fingeremus, tamen frigus potius cum Stoicis, quam calorem cum peripateticis eidem attribuere deberemus. Partim quia ipsi docent peripateticū, eū in respiratione cor refrigerare, quod sine eo ob motum perennem caloremque immoderatum incendio absumi deberet; Partim quia Hamelius *Tr. I. Phys. Gen. c. 3. p. 87.* iuxta ac Sturmīus *Physic. Conciliatr. Part. spec. c. 2. p. 111.* de aëre ita differunt; *Cum hyeme aër infimus sit frigidissimus, & in media regione semper torpeat; de summa vero plaga aëris nihil nobis constare possit, palam est aëra, se quem habeat calorem, eum vel a lumine Solis reflexo, vel ab igneis portionibus mutuari. Cumque detracta eius puriori*  
*causa*

*causa frigidus sit, certum est, naturâ sua frigidum potius esse quam calidum.* Cum quo præter Bodinum l. 2. Theatr. Nat. p. m. 556. consentit Helmontius Tr. de Aëre, p. m. 60. seq. Vbi non inepte probat, Aërem non posse dici calidum 1) quia ignis Elementaris, a quo Scholastici putant aërem calorem suum mutuo accipere, est Non-Ens. 2) quia etiam si ab eo calorem acciperet, tamen per se non, esset calidus, sed per accidens. 3) quia si aër per se esset calidus, nulla possit reddi ratio, cur media eius regio, quæ maxima est & vastissima, frigeret. 4) Quia & Scriptura docet & experientia, niuem tempore hyemis propterea de cælo descendere, ut fruges a frigiditate aëris defendat. (Quare & ipsa videtur niue frigidior) 5) quia si calidus esset aër, animantia omnia tabescerent, ac paruo momento interirent. Quippe calor igneus in corde, conceptus nulla inspiratione aut respiratione temperari, nec a pulmonibus refrigerari posset; Neque enim vapores in nubes aut nives aut grandines vnquam concreverent, sed ab aëris calore dissiparentur.

§. XX. Quod idem de humiditate eius statuendum. Quippe tantum abest, ut aër humidissimus vocari possit, ut ne humidus quidem appellari queat. Primum quia humiditas est aquæ proprium, tum quia non hu-

meſtat corpora, ſed exſiccatur potius. Nec eſt, quod dicas, eum ſuis terminis, difficulter alienis facile contineri; hoc ipſum enim non humiditatem, ſed fluiditatem eius indicat, ut docet Anonymus apud Thom. Braun in *Pseudodoſia* Epidemica p. m. 102. quando ſcribit. Die Zenige/ ſo der Luſt deßwegen die höchſte Feuchtigkeith zuſchreiben / daß ſie ſich gar ſchwerlich in eigen/ aber gar leicht in fremden Schranken halten laßt / irren gar weit. Denn dieſes iſt eine Eigenschaft/ dünner und flüßiger/ aber nicht feuchter Körper. Und käme demnach dem Feuer und dem Himmel/ als deren Naturen noch dünner ſind/ mehr zu/ als dem Waſſer oder der Luſt/ denn die lückeru und dünnen Körper/ weil ſie gar leicht hin und wieder flieſſen können/ in ihren eignen Schranken nicht ſtehen bleiben / und müßen demnach fremdde haben. Die dicken/ und feſten Körper allein bleiben in ihren Begriffen/ und Umfang ſtehen/ welches die ſubtilen nicht thun können/ weil ſie vor Dünigkeit zergehen und ſich zertheilen/ und zwar je dünner ſie ſind/ je mehr ſie zerflieſſen/ und je weniger ſie ſtand halten. Daher folget/ daß die Luſt zwar ein ſehr dünner aber nicht ein ſehr feuchter Körper ſey. Si vero exinde aërem humidiores eſſe aqua autumas, quod ſui compreſſione & congreſſu aquam generet; probandum tibi erit antecedens, quod tantum a verita-



ritate abest, ut sclopetæ Pneumaticæ manifeste testentur contrarium. Vid. Helmontium l. c.

§. XXI. Et vereor, ne idem contingat æris omni præsentiae, quod eius Calori & humiditati euenit. Si enim omnem locum complet ær, ut Aristotelici in definitione eius iactitant; cur eum in principio loci ignis finire perhibent? cur spatia quædam inania comminiscuntur? cur reliquis elementis, cum omnibus, tum igni imprimis, locum peculiarem tribuunt? Etenim si ær omnem locum occupat, reliqua corpora omnia erunt nullibi, quia impossibile est, duo vel plura corpora in vno eodemque esse loco.

§. XXII. Neque etiam dispicio, quo sensu Aër nullo corpore repletus dici possit a Peripateticis, cum ipsorum iudicio eius intima regio omnis generis effluuiis sit refertissima, media pluuiam, niuem, grandinem & alia Meteora aquea contineat. Suprema si qua est. (Gassendus n. Tom. I. de V. & M. Epicuri p. 551. diserte negat) a nobis adhuc sit ignotissima, ut æque periculosum sit dixisse, eam corporibus repletam esse, ac non esse.

§. XXIII. Et tandem si hæc omnia ita se haberent cum Aëre, prout Aristotelici in definitione sua indicant; tamen res nondum confecta esset. Non enim sufficit, ut definitio

fit vera & conformitatem habeat cum re; sed etiam requiritur, vt si clara & perspicua. Et definitio, quæ clara non est, ne quidem nomen definitionis mereri potest, quia rei essentiam non explicat, sed implicat, eamque inuoluit magis, quam aperit. Quod hæc nostra facit, quam manifestissime. Vt enim conceptum *Caloris & humiditatis* tacitus præteream, quorum *alter* ex mente Aristotelis sic comparatus est, vt frigori etiā cōueniat, *alter* sic institutus, vt etiā ad siccitatem accommodari possit; quid potest esse obscurius & intricatius, quam notio loci & corporis? Aristoteles l. 4. *Auscult. Phys.* c. 2. text. 16. ait; χαλεπὸν εἶναι γνῶρῖσαι τί ἐστὶν ὁ τόπος, fateaturque C. 1. l. c. text. 2. eius notionem habere πολλὰς ἀπορίας. Et si definitionem corporis Aristotelicam perspicuam esse existimas, lege sis diatriben nostram *Historico-philosophicam, quam nuper publicauimus de ἀσοφία philosophorum omnium, quam in definiendo corpore naturali vel volentes confessi sunt, vel nolentes confiteri coguntur.* Non enim vacat in præfenti Cramben bis coctam recoquere.

§. XXIV. PYRRHONII vt in aliis, ita etiam in ἀηρολογία suam lubentes agnoscebant ignorantiam, adeoque cum definitionibus *Dogmaticorum* Physicis nihil quicquam habebant

bant commercii. Quatenus autem omni orationi oratio æqualis opponi potest, eate- nus etiam in Physiologicis perturbationis vacuitatem sectabantur. Vt docet Sextus Philosophus l. 1. Pyrrhon. Hypothef. c. 9.

§. XXV. EPICURÆ quoque licet Aëris frequentem mentionem iniiciant, vt in Lucretio L. I. de natura p. m. 557. & Epicuri Epistolis apud Laertium l. 10. videre est; tamen definitionem eius tradere non audent, vel quod definitiones in Philosophia naturali non adeo necessarias existimant, vel quod naturam eius esse ἀπερίληπτον arbitrantur. Quippe nec Gassendus solertissimus alias Philosophiæ Epicuræ inuestigator definitionem Aëris ex Epicuro afferre potuit, nec ipse quampiam per se formare. Et in laudato opere de V. & M. Epicuri p. m. 424. ne affirmare quidem ausus est, *an. aër speciale corpus sit, an. vtro solummodo vaporum, corpusculorumue ex terra & aqua continenter exhalatorum contextura?*

§. XXVI. STOICI in eo consentiunt cum Aristotelicis, quod Aërem Elementum esse docent, eique tres regiones attribuunt, supremam, mediam & infimam; Sed tamen in eo ab iis dissentiunt, quod Elementum frigidissimum existimant, eique quandam Spiritualitatem inesse arbitrantur. Vid. Senec. L. 2.

Nat. Qv. C. 6. seq. pag. 745. seq. Lipsii Manud. L. 2. dissert. 15. p. 110. seq. Quæ postulata, si vel maxime concedere vellemus hominibus acutissimis; tamen a scrupulis non liberamur. Nam primum Elementi definitio, quam tradunt Stoici apud Lipsium in Manud. l. 2. dissert. 11. p. m. 97. sic comparata est, ut nodos non soluat, sed nectat potius: Deinde frigoris naturam sciunt cum ignarissimis: Et tandem obscurum per æque obscurum explicant, dum interrogati, quid sit Aër, respondent; esse *Elementum frigidissimum Spiritualitate quadam præditum*. Et iterum, interrogati, quid sit Spiritus, reponunt: *Esse aërem leniter fluentem*. Vid. Senec. l. c. 13. p. 806.

§. XXVII. Sed quid nouelli nostri Philosophi, qui ex CARTESIO habent vocabulum, de aëre differunt? Sane si promachum eorum interrogaueris, quam sibi ideam de Aëre formauerit, responsi loco accipies; se eam quam clarissime & distinctissime concipere, *ut congeriem particularum tertii Elementi, tam tenuium & a se mutuo disiunctarum ut quibuslibet motibus globulorum caelestium, obsequantur, adeoque putare, esse corpus valde rarum, fluidum & pellucidum*. Vid. Cartesii princip. Part. 4. thes. 45. p. 115. Quæ verba dici non potest, quam habeant verisimilitudinem. Depingunt

gunt enim aëris materiam & formam tam dilucide & perspicue, vt audita hac definitione quasi coram spectari videatur. Sed siste gradum, Viator, & audi, quos circa hanc tuam definitionem adhuc habeamus scrupulos. Primum enim non possumus concipere, qua ratione Aër ex particulis tertii Elementi compositus dicatur a Cartesio, cum iuxta ipsum Part. 3. Princip. Phil, th. 52. p. m. 55. partes tertii elementi non pelluentes sint, quales iuxta definitionem sunt aëreae, sed relucen-tes solummodo. Tum nec istud percipimus, qui aëris particulæ figura & motu Elementi tertii carere queant, & tamen elementum, tertium constituere. Etenim si particularum motus & figura tanti est in corporibus, vt ab iis formarum & specierum dependeat, diuersitas, vt ipse Cartesius diserte docet (vid. Voyage du Monde de Cartes Part. 2. p. m. 134) vix abesse a particulis tertii Elementi poterunt, quin ipsum simul destruat. Adeoque cum aëris particulæ vel ipsis Cartesianis fatentibus [ Vid. Claubergii Phys. Contracta Part. Spec. c. 26. §. 745. p. 140. ] secundi Elementi motum sequantur, figuramque particularem elementi tertii habere nequeant; quia hæc iuxta Cartes. l. 2. th. 52, p. 54. ad motum est ineptissima; non sane ad tertium hoc elementum pertinere poterunt.

Adde quod Claubergius l. c. §. 803. dicit, aërem esse corpus mixtum ex variis particulis celestibus & terrestribus (quæ specie differunt iuxta Cartes. princip. Phil. part. 3. th. 52.) corpusculis, omnisque generis particulas ad eius constitutionem concurrere. Tandem si vel maxime concedere vellem Cartesio, aërem ex solis particulis terrestribus esse compositum; tamen nescirem adhuc, quæ particularum aërearum figura sit, quique motus, tum quia seorsim spectari nequeunt, & prorsus sunt inuisibiles, tum quia figura quam Aëri assignat Cartesius, cum eius motu, & motus cum figura non potest consistere. Habere enim figuram angulosam, & tamen moueri celerissime, sunt mera *ἀσύστατα*.

§. XXVIII. Esto tamen, hæc omnia tum inter se, tum etiā cum rebus ipsis amice conspirare, tamen imbecillitati mentis nostræ nondum est consultum. Quæ quia per P.O. amisit facultatem, res naturales clare & distincte cognoscendi; per philosophiam Cartesianam non potest in integrum restitui. Et meræ profecto sunt præstigiae, quando hi homines iactitant, se claram & distinctam cum rerum naturalium omnium, tum aëris imprimis habere ideam. Certissimus enim sum, eos æque ac reliquos Philosophos ignorare adhuc, quid

quid sit corpus, quid rarum, quid fluidum, quid pellucidum.

Quod operose probare contra eos iam possemus, nisi conceptum eorum corporis in supra citata Diatribe nostra iam deleuerimus, de raritate autem fluiditate & pelluciditate agere ex legibus Observationum nostrarum, prohibeamur in præfenti, quæ nobis latius exspatiari non sinunt. Quare hæc disquisitiones futuris observationibus, si fata sinent, reseruabuntur.

#### OBSE RVATIO IV. NESCIRE PHILOSOPHOS QVID SIT AQVA?

SVM MARIA.

§. I. **N**escire Philosophos, quid sit aqua, probatur testimonio Scharffii. §. II. Hebræorum Definitio latet, divisio autem sic comparata est, ut ignorantiam solummodo nobis exprobet. §. III. Ægyptii aquam diuidunt in marem & fæminam, sed essentiam comprehendendi non posse faterentur. §. IV. Persarum Magi & Indorum Gymnosophistæ in naturalibus fuerunt Aporematici. §. V. Sinenses naturam aque non habuerunt perspectam. §. VI. Poeta in hydrologia sibi met ipsis mirifice contradicunt. §. VII. Thales quidem aquam pro unico rerum naturalium habuit principio, sed hoc ipso suam manifestauit ignorantiam. §. VIII. Pythagorici de aque natura vix quicquam videntur tradidisse. §. IX. Eleaticorum vero sen-  
ten-

scientia de ea incerta est. §. X. Plato ut in aliis, ita etiam in doctrina de aqua fuit Eclecticus. §. XI. Aristoteles definire eam non ausus est. §. XII. Aristotelici definiunt Elementum grave, frigidum & humidum, terram undique ambiens & interfluens, sed inepte. §. XIII. Non enim elementum esse potest, quia non est corpus simplex, nec homogeneum. §. XIV. Neque omnes res concrete componuntur ex aqua primo vel resolvuntur ultimo. §. XV. Item non est corpus grave §. XVI. nec frigidum. §. XVII. vel humidum. §. XVIII. Neque terram undique ambit vel interfluit. §. XIX. Et si hæc omnia ita essent, tamen definitio inadequata & obscura est. §. XX. Epicurei etiam hic suam profitentur ignorantiam. §. XXI. Nec non Stoici. §. XXII. Cartesiani autem ridicule definiunt congeriem particularum tertii elementi &c. §. XXIII. Probatur, aquam non esse congeriem particularum tertii elementi ex particularum qualitate. §. XXIV. tum ex motu & figura. §. XXV. Ostenditur, inepte probari à Cartesio, quod particule aqueæ sint instar angvillarum, & eadem ratione posse demonstrari, eas nec glabras esse, nec te-  
retes.

## §. I.

**I**N πυρολογία & ἀερολογία cæcutire Philosophos, docuimus; nunc ad lippitudinem eorum hydrologicam accedemus. Quæ tanta est, ut Scharffius alioquin δοκησισοφώτατος



L. I. phys. spec. recognita C. 8. p. 521. & p. 160. tabul. Physic. fateri non dubitet: *formam aqua latere incognitam.* Et licet plerique ab eo dissentiant, sibi que naturam aquæ manifestam esse existiment; tamen hæc nostra *διακρίσις* ostendet, eos nimis mature suum *εὐγηνά, εὐγηνά* protulisse.


§. II. Etenim si *Hebræorum* Cryptas Philosophicas, qua fas est diligentia perreptamus, de diuisione quidem aquarum hinc atque hinc quædam vestigia deprehendimus, sed de definitione earundem, ne *γεῦ* quidem. Et ipsæ quoque diuisiones sic comparatæ sunt, vt nobis ignorantiam nostram exprobrare videantur. Vt enim de diuisione Rabbinica, & Kabbalistica nil dicam in præsentī, qua aquas in masculas & foeminas disponere consueuerunt; vid. Lib. Iezirah p. m. 201. & Kabbalæ denudatæ Part. I. p. 529. quamque ipsi Mystæ & Professores huius Philosophiæ nondum satis intelligunt; quis quæso circa diuisionem aquarum Mosaicam, qua in superiores & inferiores disponuntur, suam non aperte deprehendit ignorantiam? sane auctores hist. Eccles. Gothanæ l. I. c. I. p. 4. si ad eam perueniunt, scribere non verentur; *aquarum istarum supra cælestium naturam & usum ut ignoramus, ita easdem propter sacri textus auctoritatem negare non audemus.* Et Auctor Libri

COSRI Part. 4. p. 311. scribit; Ratiocinatio Philosophorum aquas supra cælestes non apprehendit. Ac satius omnino est profiteri id, quod nescias, quam simulare scientiam, & tamen rem ipsam scire cum ignarissimis. Quippe non pudor est, nil scire, pudor, nil discere velle.

§. III. AEGYPTII quoque ut ex singulis elementis marem fecere atque foeminam; ita & aquam virilem vocarunt mare, muliebrem omnem aliam. Vide Senecæ l. 3. quæst. natur. c. 14. p. 771. Ac licet hoc ipso non meliores videantur Rabbiniis nostris, & Kabballisticis Doctoribus; in eo tamen eosdem antecellunt, quod fatentur, *rerum naturalium essentias a nobis comprehendere non posse. Et imitationem quidem veritatis fieri, si Phantasia de super influxum habuerit, absque hac autem cælesti actione nil nisi mendacium nobis relinqui.* Vide Hermetis Trismegisti Librum de Veritate, p. 249.

§. IV. PERSÆ quid docuerint de aquæ natura, vix per nebulam videre possumus. Etenim & scripta per pauca de dogmatis eorum philosophicis superstint, & quæ superstint, ad specialia eiusmodi se vix demittunt. Interim si coniecturis locus est, ita sentimus; Persarum Magos non minus, quam Indorum Gymnosophistas fuisse Aporematicos, tum quia

quia Scepticorum parens Pyrrho ab iis institutus est, vt docet Laërtius l. 9. p. 647. Hefychius de Viris Claris p. 45. & dogmatum Parallelismus; tum quia Gymnosophistæ expresse dixerunt; eos, qui ad naturæ cognitionem animum appellant, stultos esse, vt qui factis, quam verbis malint se bonos demonstrare. Vid. Kortholti Tract. de Orig. & Progressu Philos. Barbaricæ, p. 42.

§. V. SINENSES elementa quidem quinque enumerant, *aquam, terram, ignem, lignum, & metallum*, aquamque ex imperfecto & perfecto principio constantem hac figura adumbrare solent  Vide Proœm. do-

clarat. in Confucii Phil. p. 13. Sed quia ipse Confucius in senectute sua non obscure confessus est, se Hieroglyphicâ hæc naturæ schemata non satis accurate cognoscere, vt loco citato p. 14. habetur, neque nobis erit integrum, hæc ænigmata explicuisse. Non enim minus cauti sumus, quam Confucius, qui *de quatuor rebus rarissime & breuissime loquebatur; de rebus scilicet exoticis, inusitatis, peregrinis, de monstris atque prodigiis. De factionibus atque diffidiis & perturbationibus publicis. Denique de spiritibus, quod eorum virtus, efficacia, natura usque adeo subtilis ac sublimis sit, & ab humano sensu remota, vt de illa debite loqui sit periculum.* vid.

L.C.

L. c. L. 3. §. 2. p. 41. Adde quod ipse l. c. §. 3. p. 17. sic scribit, *sciens rerum & esse & haberi desideras, o mi discipule, yeu age nunc ergo docebo te scire, siue docebo te, quis vere sciens rerum dici queat. Scis quippiam? profitere, quod id scias. Non scis? ingenue fatere, te nescire, seu sic te gere, ut qui id nescias. Hoc enim scire est & rerum scientem esse. Neque enim hoc exigitur, ut causas omnes ac naturas rerum perspectas quis habeat, cum eas nec sancti quidem exhaustire cognoscendo queant; sed ut ea, quæ officii sui sunt, intelligat ac perdiscat, incognita pro cognitis non habeat, hisque temere assentiatur, & quod deterius est, aliis errores suos venditet, tam sibi, quam aliis imponens &c.*

§. VI. GRAECI ut omnium populorum, *Φιλοσοφικώτατοι* videri gestiebant; ita & in *ὁδολογία* se punctum omne tetigisse acutumabant. Quod vereor ut confirmare queant. Enimuero si POETAS primum consulimus, quorum Philosophia putatur antiquissima, tot sane tantasque contradictiones, futilitates & ineptias deprehendimus, ut Cornelius Agrippa c. 4. de vanitate scientiarum non inepte dixisse videatur; *Poësin esse artem ideo tantum inuentam, ut lasciuientibus ryzhmis, syllabarum numeris ac ponderibus, nominumque inani strepitu, stultorum hominum aures demulciat, ac fabularum oblectamentis, mendaciorumque cento-*  
ni-

*nibus decipiat animos.* Iam enim aquam ceu elementum quoddam Veneri sacram faciunt, Natal. Comes. l. 4. c. 19. p. 352. Iam Deum, ex ea faciunt, quem Oceanum appellant, & omnia producta ab eo esse somniant. Conf. Iustin. Martyr. Orat. ad gentes p. 46. Ioh. Boccatii Genealog. Deorum c. 1. l. 7. p. 54. Iam quendam Neptunum ex ea sibi effingunt eumque ceu Numen adorandum delineant. Vid. Clem. Alexandr. Admon. ad Gentes p. 42. Natal. Comes l. c. l. 2. c. 8. p. 113. Quo sicut inconstantiam & levitatem suam produnt quam maxime, ita toto, quod aiunt, cœlo errant, qui hosce nugiperidulos solida doctrina imbutos fuisse opinantur;

*Verba misella tenent, prætereaque nihil.*

§. VII. Quam fabulam & ii luserunt postea, qui *non-fabulosi* appellari voluerunt; nam & illi ignorantiam suam infucata sapientia coloraverunt, & ἀνυπόστατα & κενὰ τῶν πραγμάτων ὀνόματα lectoribus suis apposuerunt. Cuius rei exemplum nobis præbet *Thales Milesius* sectæ Ionicæ stator & auctor celeberrimus. Hic enim licet magno verborum apparatu docuerit, *Aquam rerum omnium esse originem, orbemque terrarum hoc elemento sustineri, & vehi more navigii, mobilitateque ejus fluctuare cum tremere putetur*; Diogenes Laërt. l. 1. p. 18. Senecal. 3. Quæst. Natur. c. 13. p. 771.

tamen non magis explicare potuit, quid Aqua sit, quam cæcus, quid sit albor vel nigror. Quid quod hac ipsa hypothefi fuam in rebus naturalibus lippitudinem manifestavit quam maxime. Nam primum si aqua sola & unica est corporum naturalium principium, qui fit, ut quædam eorum sint solida? Neque enim ab aqua soliditatem habere possunt, quæ ipsis fatentibus est humida & fluida, neque ab alio principio, quia secundum illos præter hocce aliud non datur. Equidem respondent Patroni hujus Paradoxi, esse principia quædam actiua quæ materiam hanc coagulent & consolident; sed parum hæc sufficiunt. Si enim ulterius progredimur & inquirimus cuiusnam naturæ sint illa principia, an corporeæ, an vero incorporeæ, reponunt, principia illa esse quidem Entia inuisibilia, interim tamen corporea. Vnde nascitur argumentum. Si principia illa aquam condensantia & consolidantia sunt corpora, aut erunt aquea, cum secundum illos aqua sit omnium corporum materia, aut habebunt aliam materiam. Sed aquea esse non possunt, quia distincta sunt ab aqua, & aliam plane, condensantem nempe naturam, habent, quam aqua elementalis secundum illorum concessa non habet, nec habere potest, nisi statuere velint, aquam elementalem coagulare se ipsam. Ergo semina hæc

hæc vel principia erunt diuersa ab aqua. Conguntur itaque volentes nolentes concedere, præter aquam dari materiam adhuc aliam, quæ qualis sit, dicere quidem non habeo, hoc scio, aquam in tot rerum formas & species se conuertere vix posse, nisi alia quoque principia & ab ea plane diuersa agnoscimus. Vid. Du Hamel de Corp. Affect. l. 1. §. 14. p. 25. Crausii Scrutin. Physiol. §. 24.

§. VIII. Sed neque ITALICI saniora docuerunt. Nam quanquam ii Pythagoræ discipuli, qui propter naturæ contemplationem *Σωφιστικῶτατοι* vocabantur, Schefferus c. 11. p. 103. nil nisi puram aquam bibere solebant l. c. c. 14. p. 149. tamen de natura eius vix quicquam præcepisse videntur, præterquam quod Præceptor tradiderat apud Laërtium l. 8. p. 582. esse *σερεὸν σῶμα*. (Etenim *σῶμα* vocem quam habet l. c. Laërtius vix usurpasse videtur Pythagoras, tum quia Plato eam excogitauit primus, vt docet idem Laërt. l. 3. p. 201. tum quia in Ocello Luciano aliisque Pythagoræ discipulis non reperitur.) Quo conceptu si aquam illustratam esse existimas, lege quæso *Diatriben nostram Historico-Philosophicam de Asophia Philosophorum in definiendo corpore naturali* p. 6. & videbis nil definitione corporis pythagorica esse obscurius. Et sane incredibili teneor desiderio vi-

dendi M. Ioh. Iacobi Syrbii introductionem in physicam pythagoricam, cuius Catalogus Francofurtensis nuper mentionem fecit, ut tandem videam, an hūc Pythagoram extra sindonem noscendum nobis sistere & docere queat, quid Corpus, quid aqua ex mente Pythagoræ sit & qua ratione hi nodi dissolui queant, quos illi in citata Diatribe circa *σωματολογία* Pythagoricam fecimus. Equidem si Ocellum Lucanum euoluimus, hic de qualitatibus aquæ subinde inspergit quædam sed de essentia eius ne γέν quidem habet. Et qui ex Empedoclis *ύδρολογία*, qua aquam *amicitiam* vocauit, teste Plutarcho *de primo frigido* p. m. 952. naturam eius velit cognoscere, eum capite cucurbitino oporteret esse, præditum. Adeoque tamdiu putabo, Pythagoram & Pythagoricos nesciuisse naturam aquæ, donec a Syrbio probeatur contrarium.

§. IX. ELEATICI quid de aqua docuerint, difficile admodum est dictu, tum quia scripta eorum sunt deperdita, tum quia auctores tam diuersa & dissona de iis tradunt, ut ipsa elementa non magis disconuenire sibi possint. Si enim Laërtium interrogas, quid Xenophanes fancierit de principiis rerum naturalium, respondet l. 9. p. 640. eum quatuor rerum omnium elementa statuisse; si Sextum Empiricum, ait l. 5. hypothef. pyrrhonicar. c. 4.



p. 136. eum duo tantummodo enumerasse; *terram, & aquam.* Et si deinceps scire desideras, quid porro de rebus aliis tradiderit, respondet Hesychius p. m. 40. de claris viris & Sotion apud Laertium l. c. eum docuisse omnia esse incomprehensibilia. Quæ sane ita conspirant inter se & consentiunt, ut contrarius ignibus humor; atque lupis sævis hædi, vitulisque leones.

§. X. Equidem quod ad PLATONEM attinet, Apuleius de Dogmat. Plat. p. m. 8. auctor est, eum docuisse, aquam esse elementum ex Trigono ortum, figuram sphaeræ vicinalis habens; Sed quia & locus Stobæi Tom. 4. Observ. 16. §. 11. citatus & ipsa Platonis opera testantur, eum non tam dogmaticum, fuisse in rebus Physicis, quam Aporematicum, non sane maiorem fidem hæc Apuleii commenta apud nos inveniunt quam ea, quæ de Asino aureo somniauit. Sed tamen hæc condonanda esse putamus Viro Optimo, quippe qui eo seculo vixit, quo quilibet Philosophia, Platonica inescatus, Platonem Academicum transfigurare volebat in Dogmaticum.

§. XI. Sed ad summum nunc ARISTOTELEM descendimus. Qui sicut experientia didicerat, *nostrum intellectum ita se habere, ad res manifestissimas, ut Vespertilionum oculi se habent ad lumen diei percipiendum* l. 2. Metaphys.

phys. c. 1. ita definitionem aquæ vix vquam tradere ausus est. Et sycophantantur eius discipuli, quando in compendiis suis; *Physicis* prouocare ad l. 2. de Gener. & Corrupt. c. 2. solent, quasi eandem ibi, quam ipsi habent, definitionem aquæ tradidisset. Præterquam enim quod eorum definitiones tam diuersæ sunt atque *πολύμορφοι*, vt ex solo aspectu iudicari possit, non vnum habuisse parentem; in l. c. Aristotelis vix quicquam habetur aliud de aqua, quam eam esse frigidam & humidam. Quo quidem si aquæ essentia absoluitur, inepte Aristotelici hinc inde attexuerunt aliquid fin; dici non potest, Aristotelem aquam definiuisse.

§. XII. Esto tamen in hydrologia iis præluxisse & aquam vt ipsi solent l. c. definiuisse; *elementum graue, frigidum & humidum, terram undique ambiens & interfluens*. Num propterea eandem *αναμώγητον* esse autumant? toto profecto, quod aiunt, coelo errant, si hoc persuasum sibi habent. Homo enim cum, fuerit Aristoteles & quidem homo eiusmodi, qui *ambulauit in vanitate mentis sue, tenebrisque obscuratum habuit intellectum, propter ignorantiam, quæ fuit in natura eius & propter cecitatem cordis sui Ephes. 4.* non potuerunt non ipsius meditationes humanis erroribus coinquinari.

§. XIII.

§. XIII. Et quidem vt huius definitionis appareat infirmitas, recogita quæso primum, illius genus, & inquire, an aqua sit elementum, vel quod idem est, an sit corpus simplex homogeneum, ex quo res omnes concreta primum componuntur & in quod rursus resolvuntur? sane si Aristotelem audis lib. de sensu & sensili vix corpus appellari potest, quia non potest  $\sigma\omega\mu\alpha\tau\acute{\omega}\delta\epsilon\varsigma\tau\iota\ \alpha\upsilon\tau\eta\eta\sigma\alpha\theta\alpha\iota$ . Et si verum est quod scribit vir  $\Phi\upsilon\sigma\iota\kappa\acute{\omega}\tau\alpha\tau\omicron\varsigma$  Crausius in scrutin., physiol. §. 19. *aquam* *omnino pellucidam*, & prout videtur, *homogeneam*, *centies sæpiusue destillatam*, *in fundo tamen Vasis vel lateribus eiusdem terrestrem materiam relinquere*; æque fortassis verum erit, *aquam* *corpus simplex esse*, ac liquorem Alkahest, res omnes in aquam, elementalem conuertere. Etenim vt hic à Chymicis inuentus nondum est, ita aqua fortassis nondum nata est, quæ simplex vocari possit. Et recte dubitat Du Hamel l. 3. c. 4. de consens. Vet. & nov. Phil. p. 738. *an aqua in rerum natura omnino pura & ab omni alio secreta elemento inueniri possit, cum aqua pluuiatilis, quæ naturæ artificio destillatur, non modo putrescat, quod in corpus simplex non cadit, sed etiam ex se varia gignat animalia.* Quo ipso sicut eius simplicitas subruitur omnis & evertitur, ita etiam homogeneia collapsa ruit, quæ illius est consequens & quasi confectarium.

§. XIV. Et o quam puerile est, quando dicitur, ex aqua constare res concretas omnes & resolui rursus. Etenim si hoc est, & ignis & aer ex aqua constabunt non solummodo, sed & in aquam resoluentur, quoniam hæc esse corpora concreta docuimus. Et quid de pumice dicemus? an etiam hunc ex aqua humida conflatum esse statuis; qui vero fit, ut humectari non possit? An aquæ humiditatem a prædominantis terræ siccitate absorptam esse contendes? non puto, te hoc affirmaturum, alias enim respondendum tibi, denuo ad istud dilemma, quod §. 18. de aëre obiecimur, dicendumque, an cum humiditate hac deleta ipsa aquæ essentia deleta sit, quod si affirmabis, dabitur corpus concretum sine aqua, quod definitioni elementi repugnat, si negabis, dabitur aqua non humida, quod definitionem aquæ euertit.

§. XV. Sed manum de tabula, generis differentia iam adest. Quæ dici non potest quot quantisque commaculata sit vitiis. Etenim nec grauitas, nec frigiditas, nec humiditas, nec illa terram vndique ambiens fluiditas aquæ naturæ respondet. Et quidem ut a grauitate faciamus auspiciū, ipse Arist. l. 4. de cœlo c. 5. p. 679. & Aristotelici, ut Magirus l. c. fatentur, grauem esse aquam comparate tantummodo respectu aëris & ignis, quibus

quibus subiicitur; ad terram autem collatam leuem dici posse. Quo ipso sicut manifesto satis innuunt leuitatem aquæ non minus quam grauitatem συγκριτικῶς vel comparate competere; ita non possunt non concedere eandem æquo iure elementum leue ac graue dici posse. Quo sane nihil est puerilius. Accedit, quod nihil in se est graue vel leue, sed tantum respectu ad aliud. Quod tum probabimus cum Deo, si ad grauitatem ventum, fuerit. Quam ob rem grauitatis in definitione aquæ plane mentio non debuisset fieri quia ipsi extra essentialis est. Et si fas esset, ea, quæ rei non ἀπλῶς vel simpliciter competunt, sed tantum συγκριτικῶς definitioni inseruisse; licebit etiam Aristotelem definire; hominem insipientissimum. Quippe talis fuit respectu Salomonis, licet respectu asini vocari possit sapiens.

§. XVI. Neque etiam aliter de frigiditate aquæ iudicandum est. Vt enim non dicam, hanc ipsam non magis fortassis inesse aquæ, quam calorem igni, de quo iam observ. 16. Tom. 4. docuimus, eum non in obiecto, sed insubiecto esse, adeoque non tam affectionem ignis, quam sensationem quandam per ignem in nostra mente excitatam, qui quæso aquæ frigiditas cum motu eius posset consistere? sane vbi motus est, ibi etiam est

est calor, sicut posita causa ponitur effectus. Ac licet ille respectu motus in igne tam tardus sit atque remissus, ut etiam frigidulus videatur; tamen non simpliciter frigidus appellari potest; sed comparate tantummodo quia minorem calorem, quam ille excitat. Et plane assentior Gassendo de V. & mor. Epicuri Tom. I. P. 147. quando scribit: *si aqua competeret frigus ex sua natura, non facile admitteret in se extremum calorem, quod ebullit; quemadmodum, si reciproce esset calida secundum naturam, non tam facile admitteret extremum frigus, quo congelat. Neque dicas, aquam, postquam excalescens est, reducere se ad nativum frigus. Nam aqua quidem, summo igne, amittit sensim calorem ab igne conceptum, donec corpuscula caloris indita sensim exhalantur; at nunquam tamen reducet sese ad ullum frigus, nisi aer circumstantis fuerit frigidus, ipsamque frigerit. Et vis id melius percipere? considera in flumine, quando congelascit, ut glacies incipiat a superficie, sive qua parte contingitur ab aere frigido: cum si esset frigida, tota ex natura sua deberet potius ab ipso usque vel fundo vel medio aqua incipere, aut saltem non tardius, quam a superficie formari. Et, si aqua est, ut Aristoteles & ceteri volunt, summe frigida: quomodo potest ipse aer reperiri aqua frigidior, inducens nempe frigus in aquam majus frigore, quod in aqua sit?*

quomodo possunt corpuscula nitri in aquam infusi illam præter morem adeo frigidam reddere: imo & per æstatem etiam congelare; dum nitrum vivi, glacieive detrita commissum, lagena circumponitur; ipsaque præter corpus lagena penetrant in aquam contentam? eccur vero non aqua maris, non fluminum, non cetera sunt semper, aut saltem maxima ex parte durata gelu? si summum frigus est in ipsis proprium, ac plane secundum naturam, possuntne toto aëo durare præter nativam durationem, ac tam solum degere naturaliter, & per paucas quidem particulas, cum frigidus aër infrigidat ipsas? itaque videtur aqua esse humida quidem: at non calida, neque frigida ex sua natura: sed calefieri solum aut frigesieri ex corpuscularum, caloris aut frigoris introductione. Neque indignum lectu est quod habetur in Ψευδοδόξα Epidemica Braunii Part. I. §. 63. p. 99. Die Kälte liebet die Trockenheit/ &c. &c. &c. Darnenhero streitet es wieder das Geseze der Natur/ daß man dem Wasser die höchste Kälte zueignen solte.

§. XVII. Verum te expectare video quid de humiditate aquæ existimemus. Habe igitur ex mente Aristotelis, nos eam siccam potius quam humidam judicare debere. Etenim & suis terminis continetur facile & alienis non nisi difficulter contineri potest. Quod tum ex eo constat, quod flumina suas

ripas amant & aqua in vitro pleniori in tumulum malit ascendere, quam terminos præscriptos transgredi, tum etiam eo apparet manifestissime, quod firmisimis aggeribus vix ita coerceri possit ut non perfluat & rimulas elabendi conquirat. Et quid de aqua congelata putas an hanc etiam humidam affirmabis? Sane hæc neque humectat quippiam, nec suis terminis continetur difficulter. Neque est, quod dicas, eam non aquam esse, sed glaciem. Hoc enim idem est atque si dicerem Aristoteli definitionem hominis non posse tribui, eo quod non homo dicatur, sed Aristoteles, imo potius quia Aristoteles simul est homo ergo definitio hominis ipsi competit. Et quia glacies est aqua docentibus Aristotelicis vid. *Magir. L. 4. c. 1. p. 316.* definitio aquæ ipsi debet accommodari.

§. XVIII. Tandem nec illud bene dicitur, quod Terram undique ambiat & interfluat. Etenim & sensu cognoscimus, non omnem terram aquæ immerfam esse, & experientia de zona torrida & arenosis Lybiæ regionibus docet contrarium; Et ratio ostendit, aut hanc hypothesin aut definitionem terræ tollendam esse, de qua dicitur, eam simplicem esse & siccissimam. Mitto quod hoc neque omni aquæ, neque soli, neque semper possit tribui, quod debuisset maxime, si ejus essentiam ingrederetur.

§. XIX.



§ XIX. Sed finge hæc omnia, distinctionibus quibusdam Metaphysicis (quæ utramque faciunt paginam in physica Aristotelica) aboleri posse, quæ ipsi intentavimus vitia, tamen obscuritas & inadæquata ejus, ratio detergi non potest, quippe & aëri accommodari potest, quod malum est, & quod pejus, explicari nequit, quid sit elementum, quid gravitas, quid frigus, quid humiditas, quid terra. Fac enim periculum, si potes & expone alicui hæc verba, quid sibi velint, & vide an non indoctior multo ac imperitior sit futurus. Equidem quid sit aquam ex fonte petere (Wasser aus dem Brunnen holen) illiteratæ mulierculæ per se intelligunt. Si vero ancillæ tuæ dicas, Mädchen gehe hin und hole einen Eimer voll von dem Element das schwer/ kalt und naß ist/ und das die ganze Erde umgiebet und durchfließet/ Iouem iuro lapidem, eam, quid tibi velis, vix intelleturam. Et si perrexeris deinceps, & dixeris eidem, ich verstehe durch das Element einen einfachen Körper/ der aus gleichförmigen Theilen bestehet/ daraus die gemischten Dinge zu erst gezeuget/ und davon sie zuletzt wider resolviret werden. Die Schwere kenne ich eine solche qualität die aus der Kälte ihren Ursprung hat und dadurch sich ein Körper zu den Mittel/ Punct der

der Erden neiget. Die Kälte ist eine von denen vornehmsten activen qualitäten / welche gleichförmige Dinge zusammen knüpffet. Durch die Kälte bezeichne ich eine qualitatem patibilem, dadurch sich Körper in seinen Grenzen / nicht gar zu gerne in frembden Reviere auffhalten lässet &c. si inquam indotiori ancillæ vel alteri etiam Aristotelica philosophia non imbuto definitionem aquæ ita illustraveris, spondere non possum, an non te infanum sint inhabituri.

§. XX. Sed satis de Aristotelicis, ad, EPI-  
CVREOS nunc accedimus. Qui licet aquam ex atomis inter se collidentibus & immutatis fieri putauerint, ut ex Diogene Laërtio L. 10. p. 769. didicimus; tamen hoc ipso suam satis profitentur ignorantiam, quod dicunt, *atomos, ex quibus corpora concreta constant, esse incomprehensibiles; l. c. p. 734. figuramque eorum & magnitudinem & gravitatem sensu percipi non posse, l. c. p. 735.* Ac licet p. 776. dicatur, aquæ particulas interdum rotundas esse, interdum autem angulosas & acutas, hoc tamen non de atomis, sed particulis maioribus intelligendum est, quæ sub sensus cadunt. Adeoque ii operam & oleum perdunt, qui in fragmentis Epicuri definitionem aquæ inquireunt, tum quia sagacissimus hic Philosophus corporum aqueorum qualitates & ne-  
xus

xus se nescire confessus est; tum quia vana axiomata & *νομοθεσιας* philosophicas in aliis reprehendit. Vid. Diog. Laert. p. 76. Quamquam Cassendum excusare vix possumus, qui hydrologiam Epicuri in opere suo vastissimo tam tacitus præteriit, ac si nihil prorsus de ea in Laertio, Lucretio & aliis extaret. Nam, quanquam ea, quæ habet de aqua Lucretius l. 5. p. 156. vix digna lectu sunt; in epistolis tamen Epicuri, quas conseruauit Laertius, hinc inde quædam extant, quæ obseruari merentur ab eo, qui Philosophiam Epicuri ab interitu vindicare, & in lucem aspectumque proferre satagit.

§. XXI. Stoict quoque licet cum Thalete easdem fere tibiās inflauerint, & ex aqua omnia surrexisse docuerint, vt patet ex Seneca l. 5. quæst. nat. c. 13. p. 770. hoc ipso tamen & suam prodiderunt *αποφαιν*, quod eam definire non sunt ausi.

§. XXII. Ast vtinam & ii de aquæ natura, tacuissent, qui alios a præiudiciis auctoritatis abducturi ad suum CARTESIVM manu ducere consueuerunt; tum enim fortassis mansissent Philosophi, & opinionem sapientiæ apud plerosque retinuissent: sed quia in vulgus sparserunt Eleusynia sua sacra & arcana, mysteria; vereor profecto, ne clarissime & distinctissime ab ANTI-CARTESIANIS intelligatur

gatur, quam parum cum semet ipsis & phænomenis naturæ cohaereant. Sic autem hi homines naturam aquæ describunt; quod sit, *congeries particularum tertii Elementi, oblongarum, teretium, glabrarum & flexibilium instar anguillarum.* Ac licet persuasum sibi habeant, se reperisse in hac hydrologia non quod pueri in faba; tamen quia vel ipso Cartesio iudice Part. I. princip. §. *prudētia est, nunquam nimis fidere iis qui nos vel semel deceperunt,* vtile erit fortassis eandem pro dubia & falsa habuisse aliquantisper, quia Pyrologiam & Aërologiam Cartesii magis fallere & falli quam sensus ipsos deprehendimus.

§. XXIII. Primum autem hoc videntur loqui lapides, quod aqua congeries particularum tertii elementi dicitur. Cum enim teste Cartesio, c. 3. *Meteor. p. 135.* & ipsa experientia suffragante, particulae aquæ sint pellucidae; particulae autem tertii elementi iuxta eiusdem Part. 3. princ. §. 52. p. 54 non sint pellucidae, non quidem possum dispicere, qui illa ex tertii elementi particulis congesta esse queat. . Nam quod obtendere solent atque dicere, aquam reddi pellucidam a globulis secundi Elementi, quæ circa eius partes undique ferantur; id tam putidum est & ieiunum, ut horum Philosophorum non misereatur amplius, sed pudeat. Quis enim sponde-

bit

bit primum, partes aquæ non ita nexas esse, quin per illas materiæ subtilissimæ liber transitus pateat? Sane si recogitamus, aquam compressionem omnem respuere, particulas eius non distantes inter se & continuas, concipere debemus. Esto tamen inter eas intercedere quædam spatiola, quæ elementum tertium impleant. Wie denn die Cartesianer das Feuer/ Luft/ Wasser und Erde nicht anders concipiren/ als daß so genante Läuse und Flöhe zeug/ da die schwarzen Wollenen Faden mit weißen Leinewands Faden vermengt sind. Und meinen sie es wären die Particulæ secundi und tertii elementi allenthalben unter die particulas primi elementi gestreuet/ damit sie dieselbe bewegen und erleuchten möchten. Esto inquam, hoc ita se habere; tamen non omnis scrupulus exemptus nobis est. Primum enim non aquam, sed interfusum solummodo elementum tertium pellucidum esse sequeretur. Plane ut videmus in reticulis atque clathris interspersum quidem aërem, non autem lignum vel ferrum ipsum esse lucidum. Quod est contra experientiam & ipsius Cartesii confessionem qui c. 5. Meteor. p. 135. aquæ ipsi pelluciditatem tribuit. Tum non dari potest ratio, cur non terræ etiam particulæ appareant pellucidæ, cum & iis elementum secundum est inter-

persum. Et tandem sequeretur, glaciem, non posse esse pellucidam, quia ejus particulæ quiescunt. Quod fieri non posset, si interfusum sibi haberet elementum secundum & tertium, hæc enim corpora, per quorum, intervalla feruntur, agitare nunquam cessant iuxta hypothesein Cartesii.

§. XXIV. Porro si aqua ex particulis tertii elementi constat, qui sit, ut tam facile moveatur, ut tam rapide decurrat per declivia, ut tam celeriter a nobis dilatari queat? sane tertium elementum est ad motum ineptissimum fatente Cartesio l.c. & quia aqua movetur facillime, ad tertium elementum pertinere non poterit. Accedit quod particulæ elementi tertii non sunt sphaericæ iuxta Cartesium l.c. at enim particulas aqueas esse tales, tum sensus docet, qui guttulas exacte rotundas esse indicat, tum ratio, quæ istud ex facilitate motus non frustra colligit.

§. XXV. Equidem iam occlamare audio Cartesium ac dicere, particulas aqueas esse, anguillarum instar, adeoque non sphaericas, sed oblongas, sed teretes, sed glabras & flexiles; ast Hercules hic est pomarius. Præterquam enim quod hoc sensibus & rationi repugnare docuimus, argumenta queis hanc figuram anguillarem probare satagit Part. 2. Epist. 8. p. 24. tam sunt ficulnea & puerilia,

ut

vt enumerasse ea sit refutasse. Quæso enim te, Lector benevole, quæ hæc est colligendi ratio? si aqua est magis fluida & difficilius coagulatur quam oleum, indicium est, hoc ex partibus sibi inuicem facile coherentibus, quales sunt rami arborum, illam vero ex magis lubricis, quales sunt eæ, quæ habent figuras anguillarum, constare; sed experientia testatur hoc E. Item si panni aqua madefacti facilius siccantur, quam qui oleo inuncti sunt, indicium est, aque partes habere figuras anguillarum, quæ facillime panni poros egrediuntur, & partes olei habere figuras ramorum, quæ iisdem poris magis implicantur; sed experientia testatur hoc E. &c. Profecto si nihil aliud ad demonstrandam figuram particularum aquearum afferre potest Cartesius, nihil dico amplius, causa dicta est. Quippe eodem modo posset aliquis colligere, si aer magis est fluidus & difficilius cohærescit, quam aqua, indicium est, hanc ex partibus sibi inuicem facile cohærentibus quales sunt rami arborum istum vero ex magis lubricis, quales sunt eæ quæ habent figuras anguillarum, constare. Experientia testatur hoc E. Imo si fas est ex effectu de causa & e posteriori de priori ferre iudicium, particulæ aqueæ neque glabræ omnino neque teretes fortassis permanebunt. Sic enim ad modum Cartesii argumentamur: si aqua pertinaciter adhærescit

corporibus [quod in humectatione fieri conspicimus) & sordes expurgat feliciter, indicium est, eam non ex partibus glabris, quales vult esse Cartesius, sed ramosis potius & hamatis constare. Experientia testatur hoc. E. item si guttam aquæ exacte globosam esse, comperimus, indicium est, eam ex particulis oblongis vix posse constare. Experientia testatur hoc. E. Taceo, alia quæ hic afferri possent, nisi iniquis spatiis excluderemur. Interim quia nec Hebræi, nec Ægyptii, nec Persæ, nec Sinenses, nec Græci, nec Latini, nec ulli alii Philosophi naturam aquæ explicare, potuerunt; recte omnino coniecimus; Philosophos nescire, quid sit aqua: id quod erat, demonstrandum.

OBSERVATIO V.  
CONSIDERATIONES AD CLAV-  
SVLAM ARTICVLI IV. PACIS  
RYSWICENSIS.

SUMMARIA.

**V**erba Clausula. Methodus dicendorum §. I.  
Obiectum Clausula remansio religionis Ca-  
tholica. §. II. Tres illationes inde factæ §. III. Li-  
bertati religionis Evangelicæ per clausulam nihil  
detractum esse §. IV. Confirmatio dictorum. §. V.  
1. quia verba clausula sunt strictissime accipien-  
da



da §. VI. 2. quia qui legem contractui dederunt, non clarius locuti sunt. §. VII. 3. quia verba articuli tertii pacis Ryswicensis id volunt. §. VIII. 4. quia Catholici status clausulam ipsimet stricte interpretati sunt §. IX. 5. imo & ipsi Galli §. X. 6. quia idem suadet vox remansionis §. XI. 7. arg. art. 5. §. 12. Instr. Pac. Monast. §. XII. Retinent tamen Catholici templa nouiter extructa & redditus de proprio a Rege Gallie assignatos §. XIII. Subiectum Clausulae sunt loca sic restituta. §. XIV. Quenam illa loca, & cur iura restituta hic non repetantur. §. XV. An & loca, quae durante bello via facti occupata sunt? §. XVI. Clausulam non pertinere ad ducatum Bipontinum & Principatum Mompelgardensem. §. XVII. Neglectus specificationis singulorum locorum §. XVIII. Specificationis a Rege Christianissimo editae quae efficacia §. XIX. Restituta dicuntur, id est restituenda. §. XX. Restitutio presupponit possessionem §. XXI. unde eximuntur secundum articulum tertium quaedam loca cis, & trans Rhenum §. XXII. §. XXIII. Modus remansionis comprehenditur verbis: in statu, quo nunc est. §. XXIV. Status quid hic denotet? §. XXV. Quid si Religio Catholica Euangelicam durante bello plane exturbauerit? §. XXVI. Non licere hic argumentari a dispositione pacis Westphalicae, §. XXVII. ubi notantur interpretationes cauillatoriae clausulae §. XXVIII. An Catholica religio retinuerit  
I 3 etiam

etiam statum suum in aliis rebus, quam-locis, §. XXIX. & an in redditibus Ecclesiasticis? §. XXX. Obiectio contra negativam ex pace Westphalica? §. XXXI. Cui tripliciter respondetur §. XXXII. XXXIII. XXXIV. Accessit interpretatio ipsius Regis Gallie §. XXXV. Idem de templis, scholis & similibus dicendum §. XXXVI. nisi de nouiter extructis. §. XXXVII. Idem dicendum de Iurisdictione Ecclesiastica in Protestantes. §. XXXVIII. Idem de Edictis contra libertatem conscientie §. XXXIX. contra potestatem Parentum in liberos §. XL. & Tutorum in pupillos, §. XLI. de baptizatione infantum, §. XLII. de conuentis §. XLIII. Quid NVNC in clausula denotet §. XLIV. Est 30. Octobr. 1697. §. XLV. Non tamen precise intelligitur punctum noctis, ubi pax subscripta. §. XLVI. Quatenus ipsa Dies civilis intelligatur §. XLVII. XLVIII. Non confundendum esse statum Religionis Catholicae cum eius exercitio §. XLIX. nec actus continuos cum discontinuis. §. L. In modo acquisitionis & amissionis nihil interesse. §. LI. Duplex genus amissionis, §. LII. Turbatio scilicet & prohibitio, §. LIII. & derelictio aut neglectus §. LIV. Abusus duplex in interpretatione clausulae cauendus. §. LV. Per statum quo nunc, nequaquam intelligi, quacunque belli parte §. LVI. Non pertinere clausulam ad exercitium religionis Catholicae saltem pro praesidiis regis, §. LVII. Clausulam non esse extendendam

*dam §. LVIII. sed strictissime accipiendam §. LIX. LX. LXI. Summa hactenus dictorum §. LXII. & vis totius clausulae, §. LXIII. quae non diutius obligat status Imperii, quam pax cum Gal-  
lis durat. §. LXIV.*

## §. I.

**H**Æc Clausula sic habet. *Religione ta-  
men Catholica Romana in locis sic resti-  
tutis in statu, quo nunc est, remanente.*

Ubi tria imprimis consideranda sunt

I. Obiectum 2. Subiectum 3. Modus.

§. II. Obiectum est remansio Religionis Catholicæ. Sic enim ait Lex: *Religione ta-  
men Catholica remanente.*

§. III. Ex his tria deduco 1. De Religione Evangelica hic nihil esse pactum 2. Reman-  
sionem Religionis Catholicæ, seu exercitii  
eius arguere violentum & illegitimum statum,  
quem ante pacem habuit. Adeoque 3. hunc  
solum statum hac pace nunc firmari, cui ante  
eam illis locis pace Westphalica interdictum  
fuerat.

§. IV. Cum igitur Catholicæ Religioni  
nihil quicquam datum sit ultra facultatem re-  
mansionis, siue exercitii liberi, secundum sta-  
tum temporis conclusæ pacis, consequens  
est, libertati Religionis Evangelicæ cum an-  
nexis per Clausulam nihil detractum esse. In-

quo si conuenimus, de reliquis facile transactum iri confido.

§. V. Quæ nunc diximus, confirmantur sequentibus argumentis.

§. VI. Primo corrigit hæc lex aliquomodo pacem Westphalicam pro norma perpetua Status Religionum in Imperio toleratarum constitutam, cum nempe Religioni Catholicæ potestatem remansionis in iis locis facit, quam per dictam pacem non habebat: adeoque strictissime est accipienda, & ita interpretanda, in quantum per verba eorumque sensum fieri modo potest, ne per id res Euangelica incommodis oneretur. Id est, relinquenda aut restituenda sunt Euangelicis statibus & subditis omnia, sine quibus Catholica Religio remanere potest in locis ita restitutis, etsi retentione eorum commodius forte ageret. In illis enim conuentionibus, & pactis, quæ onus continent, & necessitatem alteri parti adferunt patiendi aliquid, aut præstandi, quod pati per leges vel præstare ante hac non tenebatur, intra strictissimam verborum significationem subsistitur. Præcipue cum non omnino liber ad talia consensus adhibitus est, sed extortus metu maioris mali: puta belli imminentis. Tunc enim ficti quoque non licet restitutionem ob metum nobis incussum petere, at postulare saltem

tem licebit, ne pars aduersa verbis abutatur, quæ ipsa præscripsit, ad licentiam sensus adeo enormis, de quo nec mihi cogitatum erat, & quem initio producere alterum etiam potuit.

§. VII. Deinde si Clausula hac intentione in medium allata & peruisa est, ut non modo Religioni Catholicæ ibi locorum novum statum asserat, sed & Evangelicæ vno opere suum pristinum tollat: id clarius utique dicendum fuisset. Præsertim cum penes eos solos steterit, qui ab initio illam in scenam, produxerunt, legem contractui, quam voluerunt, dicere, Nam Augustanæ Confessionis Statibus vel inuitis consentiendum in omnia fuit, quos a Catholicis derelictos Victor Gallus superbis minis, & intentato belli terrore facile consternauit. Imputent igitur sibi, quod non apertius locuti sunt, neque moleste ferant interpretationem contra se in dubiis fieri, postquam Augustanæ Confessionis Status coëgere ad præscripta verba contrahere.

§. VIII. Iuuat tertio hanc æquitatem Articulus III. Instrumenti pacis Ryswicensis, ubi pax Westphalica pro basi & fundamento nuperæ Pacis in sacris & profanis substrata est, executioni plene mandanda & posthac facta tecta conseruanda, nisi quatenus nunc a-

liter *expresse* conuentum. Iam de Religione Catholica Romana conuentum quidem, certo modo, articulo sequenti. De Evangelica autem ibi ne verbum quidem. Manet itaque huius Status sub disciplina & Regula, Pacis Westphalicæ, quatenus manere vna potest.

§. IX. Hanc iustitiam agnouere quarto ipsi Catholici, cum primo sermones in Comitibus Imperii de Clausula iniicerentur. Non modo enim testabantur publice dolorem suum, culpa iniquissimæ rei in Gallos reiecta; Verum etiam sub specie officii solari nos voluisse visi sunt modestia interpretationis, & v-sus temperantia: dum vno omnes ore clamabant, paratos se scripto etiam cauere, clausulam; quæ nunc hos motus & turbas dat, ita intelligendam esse, ne nimium abeat a sanctione pacis Westphalicæ, per quam Status Religionis per totum Imperium compositus est. Vnde interpretationi maxime restringenti, modo per eam ipsa Clausula non eludatur, hic auscultandum esse, super ipsam rationem, nos etiam aduersariorum confessio docet.

§. X. Accedunt quinto Testimonia Gallorum, qui & Ryswici, & aliis locis, quoties mentio huius rei facta, verba dederunt, Regem suum hac Clausula Catholicæ quidem.

Re-

Religioni voluisse prospectum, sed & Protestantium rebus nihil quicquam detractum cupere. Augustanæ Confessionis Consortes conseruatueros omnia, quæ ex Pace Religiosa habent; adeoque commodum, quod inde ad Catholicos redundaturum sit, rem esse parui momenti, nec paci Westphalicæ vllam afferre mutationem. Ita enim Plenipotentarii Gallici Teste Protocollo Mediatorum Hagæ Comitum, die 14 Novembr. 1697. confecto diserte testati sunt, *que les changements dans les reunions estoient de peu de consequence, & ne donnoient aucune atteinte a la paix de Westphalie.*

§. XI. Sed & Sexto *remanſio* Catholicæ religionis, quo verbo Clausula utitur, abunde indicat, exclusam in illis locis Euangelicam non esse, quæ iam per articulum III. & repetitam pacis Westphalicæ Sanctionem restituta fuerat, antequam Catholicæ cautum est, ut remanere possit. Pax igitur Westphalica basis & fundamentum Ryswicensis Religionem Euangelicam postliminio restituit, ubi per belli tempus exulabat. Clausula, vero Catholicam iuxta stabiliuit.

§. XII. Confirmantur denique dicta nostra loco prorsus parallelo Instrumenti Pacis Westphalicæ art. 5. §. 12, vers. *Hoc tamen non obstante.* Cum enim ibi sancitum fuisset, ut  
illi

illi statuum, siue Catholicorum, siue Augustanæ Confessioni addictorum Vasalli & Subditi, qui exercitium siue publicum siue priuatum suæ Religionis, a Religione Domini Territorii diuersum quacunque anni vigesimi quarti parte habuerunt, id etiam in posterum retinere cum annexis debeant, per hæc sola verba non existimatum est, templis eorum, foundationibus, Monasteriis, Hospitaliis, nec non eorum redditibus & accessionibus, quæ dicto tempore in potestate illorum constituta etiam fuere, & quatenus illa exercuerunt, satis fuisse cautum, nisi adiectum etiam esset, *nec minus maneant in possessione omnium templorum, &c.* Apparet ex hac lege non modo expresse distingui religionem ejusque exercitium a Templis, Monasteriis, redditibus, & similibus; Verum etiam a concessione unius ad alterum non valere argumentum, nisi conjuncta per legem ipsam æquo iure sint. Quare si olim Galli, & nunc Catholici nostri cum remansione suæ Religionis in locis restitutis templa etiam, monasteria, Scholas, ædes Pastorum, foundationes, redditus, & cætera, quæ forte tempore conclusæ pacis contra Religiosam & Westphalicam occupata ab illis & obsessi fuere, retenta deinceps in solidum etiam voluissent, non satis erat constituisse, ut Religio Catholica re-



*maneat*: Sed addi oportuisset, maneant etiam in possessione templorum, &c. quatenus illa dicto tempore possederunt. Hoc autem, quia hic in Clausula omissum est, intra proprietatem verborum merito subsistimus, & pro non dictis tenemus, quæ expresse conventa non sunt. De obiectione, quæ ex statu, quo possessa sunt, affertur, suo loco dicemus.

§. XIII. Interea, si qua templa reunionum aut occupationis tempore Galli suis impensis extruxerunt, vel collapsa vetera, in quibus nullum religionis Euangelicæ exercitium a pace Westphalica huc usque fuit, restaurarunt; Item si quos redditus aut salaria Rex Christianissimus de proprio Pastoribus assignarit, erogaritque, in illis Catholicis relinquendis nulla erit invidia. Cum quod hæc sola Plenipotentiarii Gallici initio exceperint: tum quia Euangelica Religio redire per pacem Ryswycensem postliminio in ea templa non potest, in quibus nullum statum exercitii Religionis suæ ante mutationem habuit. Tantum de objecto.

§. XIV. Subiectum, altera pars nostræ considerationis, *sunt loca sic restituta*. Hic primo quærendum, quænam sint illa loca? & deinde, quid sibi hæc verba velint, *in locis sic restitutis*.

§. XV.

§. XV. Loca sunt, *quæuis tam durante bello, & via facti, quam vnionum seu reunionum nomine occupata, quæ extra Alsaciam sita, & indice reunionum a Legatione Gallica exhibito expressa sunt.* Hæc locutio quo impeditiori est sensu, eo maiori attentione indiget ad eruendam veritatem voluntatis paciscentium. Ante omnia illud probe obseruandum, cum restituantur *quæuis tam durante bello & via facti, quam vnionum, seu reunionum nomine occupata loca & iura*, in clausula non repeti, nisi *loca sic restituta*, vbi Catholicæ Religioni remansionem stipulantur: iura itaque omiſſa, & eo ipso excepta. Hinc Religioni Catholicæ in iuribus restitutis nulla remansio, nullus status est reſeruatus. Quæ noua est probatio, redditus Ecclesiasticos sub Clausula non comprehendi.

§. XVI. Deinde, & si duplex hic constituatur locorum genus, & quæ durante bello & via facti occupata sunt, & quæ vnionum, seu reunionum nomine, quæritur, an in illis omnibus remanere possit Catholicæ Religionis exercitium? Equidem non ignoro, hic discrimen nonnullos facere, qui allegatis eam in rem actis Ryſwicenſibus constare, contendunt, Clausulam ad primum genus locorum non pertinere, neque id a Gallis vnquam postulatum fuisse. Enimuero cum in  
ipsis

ipsis Pacis Tabulis Articulo LV. vtrumque, locorum genus coniungatur per verba, *in locis sic restitutis*, idcirco mihi nondum liquet, quo fundamento hæc satis nitatur distinctio, quanquam neque illis qui in contraria sunt, opinione, per hæc quicquam præiudicatum velim. Quin paratum me promptumque offero in eandem sententiam, manibus pedibusque ire, ex quo hanc mentem paciscantium fuisse demonstratum fuerit. Id saltem bona fide confiteor, in ipsa Clausula me nihil inuenire; quo eiusmodi discrimen defendere aulam.

§. XVII. Quemadmodum vero hætenus Clausulam suo sensui & valori relinquimus; ita ex aduerso speramus, alios pari nobiscum æquitate & iure acturos, atque consensuros esse, excipi ab hac regula, & dispositioni Clausulæ, non subiici, quæ in articulis sequentibus excepta esse constat. Quare cum Ducatus Bipontinus & Principatus Mompelgardensis Ille art. LX. *liber & integer, cum omnibus Iuribus, quibus olim Comites Palatini & Duces Bipontini gaudi sunt, aut gaudere potuerunt, ad normam pacis Westphalica*: Hic vero Art. XIII. *in pristinum Statum, Iura & prerogativas ita restitutus sit, ut deinceps Principes Wurtembergici frui libere omnibus eodem pertinentibus redditibus, tam secularibus, quam Ecclesiasticis possint*

*sint, quibus ante pacem Neomagiensem fruebantur; ex eo concludimus, Clausulæ in his locis nullam esse auctoritatem, adeoque Regem Sueciæ, & Ducem Mompelgardensem ad tolerandam in his suis ditionibus Religionem Catholicam, nullo vinculo ex pace Ryfwicensi obstringi. Quin iniuriam potius utrique fieri, quando posthæc Galli contra claram litteram dictorum articulorum nunc ibi præsidium Catholicæ Religionis ex Clausula petere volunt. Quod si præterea vis adhibetur pervincendis postulatis, iam ipsum etiam pacem impeti non est dubium, quanquam sæpe infirmior aduersus potentiorum vexationes exiguum solamen in iuris disceptatione inueniat. Rex Sueciæ super hæc omnia peculiari adhuc prærogatiua nititur. Quia enim in Clausulam nunquam consentit, & ob eam solam causam rati habere pacem Ryfwicensem constanter recusauit, ideoque illi in Ducatu Bipontino hæc lex dici non potuisset, etsi comprehensus ille quoad cetera sub clausula, neque exceptus fuisset, quod tamen factum.*

§. XVIII. Singula loca illa sic restituta, nominatim recensere nec huius est loci, neque in nostra potestate. Ad Executores Pacis hæc res pertinet, quam tanto tempore neglectam eo magis dolemus, quo maiori contemtu

tu auctoritatis & nominis Imperii haftenus multis in locis Gallis occasio data est, Status Imperii immixtis militum cohortibus ad placitorum suorum obsequium paulatim assuefacere in conspectu Comitiorum, vbi quibus Religio, sine cura Reipublicæ, cordi est, ridet ad hæc indigna, & maiestatem Imperii nescio cui male temperato zelo immolant.

§. XIX. Interea edidit Rex Christianissimus indicem seu Catalogum a se confectum omnium locorum, quibus Clausula suo arbitratu legem dicere existimat. Sed quicquid tandem de eo sit, id pro comperto tenemus, eiusmodi recensionem ab vna parte, altera, inaudita, & forte etiam in detrimentum eius factam, pro norma seu indice tantæ litis dirimendæ esse vix posse, antequam rationibus paci Ryswicensis accommodatis, & libero in idem consensu transactum fuerit. Hoc munus esset Tractatum de pace exequenda, cuius executio articulo III. stipulata quidem, sed haftenus prauis consiliis neglecta: cum omnino ad dignitatem, & existimationem pertinuisset, tam necessario studio in quo tranquillitas publica vertitur, ad mouere manum, & exulceratos Protestantium animos moderatæ saltem Clausulæ vsu delinire. Nunc tot annos abiecta huius rei cura, desides sedemus, manibusque in sinu com-

plicatis, forsan etiam animo applaudente, e Comitibus prospectamus, qua interim auctoritate Rex Galliarum in Imperio diuersis locis Cæsarem in exequenda Clausula agit.

§. XX. Loca, ubi Clausula regnat, sunt *sic restituta*. Dicuntur autem restituta, non quod Gallia hæc, cum Tabula Pacis conficeretur, iam restituisset; Sed quod restitui post pacem conuenito tempore sine mora aut tergiversatione certo debeant, itaque *loca restituta* hic idem significant, ac restituenda, & id quidem extra dubium est positum.

§. XXI. Restitutio autem præsupponit possessionem: neque hoc loco eam, quæ animo retinetur: huius enim in bello nullus est usus, sed cui actu & corpore insistimus. Nam quod ita possessum non est; de eo restituendo frustra promittitur.

§. XXII. Omnia igitur cis Rhenum loca quæ tempore pacis conclusæ in Gallorum potestate non fuerunt, ad Clausulam non pertinent. Sed iuxta articulum III. restituenda sunt ad normam pacis Westphalicæ in Sacris & profanis.

§. XXIII. Similiter quæ trans Rhenum recuperato Ebernburgo manibus hostium erepta fuere, cum Germanus miles illo tractu terrarum præsidia Gallica late depulisset, & usque ad Wormatiensem Urbem rerum po-  
tire-

tiretur, donec inita pax fuit, eadem forte gaudent, & ad Westphalicæ pacis dictamen restitui debent. Non enim omnia a Gallis per bellum occupata: sed ea saltem, quæ sic restituantur, uti Articulo IV. conuenit, est, statum suum ex clausula æstimant; reliqua antiquum retinent.

§. XXIV. Tertium de quo quæritur, est *modus remansionis*, his verbis comprehensus: *in statu quo nunc est.*

§. XXV. *Status* hic est conditio seu habitus rei, quem factum Hominis primo contra legem introduxit, postea autem lex tranquillitatis publicæ causa confirmavit. Incipit usurpatione & mala fide, cum iniuria & læsione Status aliorum: & desinit purgatis per legem vitiis in ius & debitum usum. Talis Status cum origine sua inter odiosa numeretur, sunt enim odiosa quæ partem alteram onerant, aut de prioribus aliquid immutant, ideoque rursus interpretatione est coercendus, quantum id modo verba patiuntur, intra arctissimos huius vocis terminos. Nam manifesta æquitas est in restrictione, ut onus vitietur, quo casu aliquando etiam sermo figuratus admittitur. Adde; quod eius generis promissa, ad quæ metu maioris mali, puta belli minis, a potentiore compulsi sumus, sint strictissimi iuris, neque ultra extendenda,

K 2

quam

quam de quo verifimiliter promittens cogitavit, qui omnino nihil promittere maluiffet. Cogitavit autem verifimiliter femper de eo, quod eum quam minime grauat.

§. XXVI. Secundum hæc dicitur Status de Catholica Religione, quem in locis reftitutis obtinuit. Cum hoc Statu concurrat, Status Religionis Euangelicæ, auctoritate pacis Weftphalicæ iisdem in locis iam pridem, ftabilitus, & nunc pace Ryfwicenfis, per articulum III. reftitutus. Neque dubium eft, de locis, quibus vtraque facra tempore conclufæ pacis Statum & exercitium habuerunt. Ita enim vnusquisque retinet, quod exercuit cum hac folum differentia, vt ea religio, quæ pace Weftphalica in loco dominans fuit religio, eadem dignitate poft Ryfwicenfem præ altera porro gaudeat: quamvis medio bello vela parumper contrahere, & infulribus inimicorum concedere debuerit. Sed quid dicendum, fi occasione belli & inter turbas Catholica alteram exturbauit, occupata fede & arrepta dominatione? Mea fententia res fere eodem recidit. Illam enim Ryfwicenfis pax & Claufula defendit. Nam Status Catholicæ Religionis articulo IV. inftitutus, Statum Euangelicæ articulo III. iam plene reftitutum excludere non poteft. Res eodem modo comparata eft, ficuti in bello ciui-



li, cum inter motus animorum & certamina, partium, factio seditiosorum Senatū occupauit, & mox reducta concordia placuit, vt factiosi in Senatu maneant Statu quo sunt. Tum enim antiqui Senatores per vim & arma Senatu moti pace non erunt curia exclusi, sed Senatorium Ordinē atque honores eo Statu recuperant, quo ante bellum, fuere, imprimis, si eorum restitutio expresse pacta est.

§. XXVII. Obiicient hic forte exemplum Westphalicæ pacis, cuius dispositio de Statu vnus Religionis, quo anno vigesimo quarto fuit, est Status alterius exclusiua. Sed primo hac vti instantia Catholici non possunt, quorum diuersa circa hanc causam principio adeo nota sunt, vt si ad hominem hic disputare vellemus, aduersarios eorum plane, armis vincere in promptu esset. Enimvero secundo non opus est, vt ad infirmum adeo præsidium confugiamus. Dispar hinc & inde ratio, eaque manifesta, si diuersos etiam, producit iuris & æqui effectus, non est mirum. Scilicet pax Westphalica de Statu vtriusque Religionis tam Protestantium quam Catholicorum agit, & luculenter disponit: *Terminum restitutionis a quo esse diem primam, Ianuarii anni 1624. vel respectu subditorum, quamuis huius anni partem: respectu autem,*

rum, qui ex capite amnestiæ restituendi sunt *Statum quo ante destitutionem gauisi.* Item, *unicum solumque huius transactionis fundamentum obseruantiaque futura esse debere habitam die prima Ianuarii anno 1624. possessionem, irritis prorsus exceptionibus, que ex introducto alicubi locorum exercitio intermisico, vel anterioribus, aut secutis pactis, generalibus aut specialibus &c. &c. vel aliis quibuscunque prætexitibus & rationibus desumi possent.* Item, *Restitutionem esse faciendam plenarie & pure reductione ad Statum dicti anni dieique in omnibus facta.* Item *subditos exercitium siue publicum siue priuatum sue Religionis retinere cum annexis, QUATENVS illa dicto anno exercuerunt aut exercita fuisse probare poterunt.* Item, *nec quemquam a quouam vlla ratione turbandum.* Item, *Turbatos autem & quocunque modo destitutos sine vlla exceptione in eum statum, quo anno 1624. fuerunt, plenarie restituendos.* Item, *contra hanc transactionem vllumue eius articulum aut Clausulam nullas exceptiones, quocunque nomine aut prætectu excogitari poterunt, vnquam allegandos audiendos aut admittendos.* Denique in recessu Executionis hæc verba leguntur, daß in dem puncto restitutionis ex capite amnestiæ & grauaminum auß dem Instrumento pacis, und nach desselben gesetzter normæ Terminorum a quo vniuersali ohnpartheyisch/ohn-

auff-

auffhaltlich/ und ohne ansehung der Personen/ Religionen, Iurium petitorii, oder einiger andern exceptionen, wie sie Namen haben mögen/ nach dem bloßen facto possessionis, vsus, obseruantia, & exercitii die Casus zu förder sambster Nichtigkeit zu befördern.

Ex his locis & aliis pluribus, quæ in Tabulis Instrumenti pacis passim occurrunt, planissimum est, Statum vnius Religionis esse exclusium oppositi: nam id verborum sensus, & tot cautiones ac formulæ variæ, fere nunquam satis repetitæ, necessario euincunt. Cum ex aduerso Ryfwicensis Clausula, de solo statu Religionis Catholicæ statuens huic soli prospexerit, relicto in ceteris statu Evangelicæ Religionis sub pacis Westphalicæ sanctione, prout ille ibi dispositus, & articulo pacis Ryfwicensis III. denuo confirmatus fuit. Vt adeo Clausula, si quid multum operatur, Statum coexercitii saltem introduxerit in iis locis, quibus Religio Catholica exulabat; Statum vero Evangelicæ Religionis non abrogarit.

§. XXVIII, Ex quo intelligimus, quam sibi ipsis non consent illi, qui commoditate temporum allekti inuertunt ista contra rectam rationem & omnes iudicii affectibus vacui leges. Quod enim non hoc est ludibrium, af-

firmare, Statum vnius Religionis pace Westphalica disertis verbis statui alterius oppositum, & tot Cautelarum atque terminorum, selectibus contra omnem communionem, munitum, Domino Territorii impedimento non esse, quo minus ille suam, ab exercitio Religionis subditorum publico diuersam, & Statu atque obseruantia anni decretorii exclusam Religionem subintroducere possit. Clausulam verò pacis Ryswicensis vix decem verba complexam, & de statu solius Catholicæ Religionis loquentem hoc ipsum impedimentum Religioni Euangelicæ restituendæ afferre, quæ per turbas & bella contra ius fasque pulsa fuit. Cum nemo partium studiis liber fateri non cogatur, conuerti argumentum, & vim illam exclusionis, quam nunc Clausula affectat, in Westphalicæ pacis dispositione quæri debere.

§. XXIX. Talis igitur Status Religionis Catholicæ est *in locis restitutis*. i. e. in prouinciis, vrbibus, pagis, vbi Catholica Religio hoc tempore vixit. Sed num illa Statum etiam in aliis rebus retinuerit, non adeo liquet.

§. XXX. Maxima quæstio est de Reditibus Ecclesiasticis. Scilicet, præsupponitur, pertinuisse redditus illos pace Westphalica ad Consortes Augustanæ Confessionis, eosque in quæta illorum possessione atque perceptio-

ptione fuisse, donec contra istam pacem de-  
 iecti ab aliis fuere, quibus emolumenta illa in  
 prædam cessere. Quid igitur de his ststuen-  
 dum? Videtur cardo omnis rei in eo verti:  
 an Status Religionis Catholicæ, vti articulo  
 IV. nuperæ pacis per clausulam constituitur,  
 sit etiam Status in redditibus? posito, Catholi-  
 cos interea iis redditibus incubuisse. Ne-  
 gandum id oppido est ex duabus imprimis  
 rationibus. Vna: quod Clausula de locis  
 tantum mentionem faciat, de redditibus  
 ne verbum quidem; & altera, quia arti-  
 culo LV. pacis Ryswicensis cum restituen-  
 dorum fit mentio, Rex Galliæ Statibus Im-  
 perii restituit quævis occupata loca & IVRA.  
 Ad iura autem proprie pertinent redditus.  
 Sed Catholica religio per Clausulam *in locis*  
*saltem sic restitutis*, non item *in iuribus*, Statum  
 aliquem obtinuit. Iura igitur, & cum his  
 etiam redditus relicta sunt sub pacis West-  
 phalicæ lege, quam Ryswicensis pro basi &  
 fundamento suo substernit, statim in Sacris  
 & profanis plene executioni mandandam.  
 Iuxta hæc convenire oportet, redditus illos,  
 qui pace Westphalica Protestantibus expres-  
 se addicuntur, Clausula autem Ryswicensi  
 cum locis sic restitutis *expresse* non coniun-  
 guntur, quin nunc potius loca & iura sepa-  
 rantur, quæ paucis ante lineis, cum sermo de

restituendis secundum regulam pacis Westphalicæ fieret, coniuncta fuerant, penes dictos Protestantes manere debere.

§. XXXI. Sed forsan obiiciet hic aliquis, aliud esse Statum Religionis in locis, aliud, quo Statu Religio in locis illis esse possit: facile convenire, loca non esse reditus; sed absurdum non esse, Statum Religionis, qui tempore conclusæ pacis fuit, reditus etiam comprehendere. Exemplo pacis Westphalicæ, ubi Status anni decretorii non modo exercitio Religionis assignatur, verum etiam pro Regula est definiendi Ius & possessionem percipiendi reditus. Ad hæc respondeo.

§. XXXII. Primo, non existimo, illos hanc obiectionem serio facere, qui laudant & approbant, quæ ante annos aliquot in Palatinatu inferiori de reditibus Ecclesiasticis sunt decreta, cum abrogato Administratorum Magistratu Prouentus omnes conductoribus addicti. Inde diminuta Pastorum Evangelicorum Salaria, noua Catholicis constituta. Interea ne quicquam eius vnquam fieret, obstabant voluntates & suprema mandata Superiorum Electorum: Obstabat Instrumentum Pacis, & Status ille, quo ante motus Bohemicos administratio reddituum fuit. Obstabat transactio Hallensis. Obsta-  
bant

bant denique promissa Catholicorum Electorum, cum proxime defuncti, tum eius, qui nunc rerum potitur. Tam vniuersali mutatione contra hæc omnia facta vbi nunc est status, quo mansisse res æquum & iustum erat?

§. XXXIII. Deinde est aliqua circa hanc rem inter pacis Westphalicæ sanctionem & Clausulam nostram differentia. Ibi certus *terminus restitutionis a quo* pro norma & regula perpetua ponitur omnium controuersiarum & grauaminum in Ecclesiasticis, aut, quæ intuitu eorum in Politicis mutata sunt, Catholicos inter & Augustanæ Confessioni addictos vertentium, statuiturque restitutionem faciendam esse, plenarie & pure secundum illum terminum siue statum habitæ possessionis semper & vbique, nullis exceptionibus admissis. Hic solum de remansione Religionis Catholicæ siue eius exercitio in certis locis paucissima disponuntur. Ibi *proventus* atque *reditus Ecclesiastici* magnam partem grauaminum illorum componebant; Hic tota actione Tractatum Ryswicensium de redditibus Ecclesiasticis, Protestantibus auferendis, & in vsum Catholicorum conuertendis, ne verbum quidem. Ibi solum & vnicum fundamentum Transactionis Westphalicæ est Status possessionis certo anno habitæ

bitæ. Hic idem fundamentum & basis sub-  
sternitur pacis Ryswicensis, in sacris & pro-  
fanis plene Executioni mandandæ, & posthac  
factæ testæ conseruandæ, nisi quatenus ali-  
ter EXPRESSE conuentum fuerit. Sed  
ratione reddituum nihil expresse conuentum.  
Imo distincta potius & separata sunt *Iura a lo-  
cis sic restitutis*. Res igitur omnis relicta est  
sub Westphalicæ pacis dispensatione.

§. XXXIV. Tertio, in dicta pace West-  
phalica expressa etiam fit mentio reddituum,  
in quorum perceptione illi, quibus specia-  
tim cauetur, manere debent; in Clausula de  
eo altum silentium. Quarto denique pace  
Ryswicensi art. 46. restituantur omnes v-  
triusque partis subditi ECCLESIASTICI  
& Seculares, Corpora, Vniuersitates, & Col-  
legia non in honores modo, dignitates & be-  
neficia, sed & in omnia iura mobilia & immo-  
bilia, census quoque & REDITVS, quibus  
ante bellum gaudebant, *non obstantibus ullis  
donationibus, concessionibus, alienationibus, decla-  
rationibus, confiscationibus, &c.* Vt adeo hæc  
ipsa pax disertis verbis hoc loco redditus Ec-  
clesiasticos prioribus possessoribus restituat,  
neque vllas attendi velit mutationes belli  
tempore factas.

§. XXXV. Permouit hæc ex Status & iuris  
diuersitate resultans æquitas, omnium oculi-  
lis



lis obuia ipsum adeo Regem Christianissimum, strinxitque licet cetera non vsque, quaque causæ Protestantium æquum iudicem, vt propediem agnouerit bonam fidem, & reditus a Clausula exemerit, pollicitus, suis sumtibus erogatum iri, quæ exercitio Catholicæ Religionis illic locorum permanfuræ sufficere possunt.

§. XXXVI. De Templis, Scholis, Ædibus Pastorum, & similibus, ob rationis paritatem idem est habendum. Neque enim illa per Clausulam expresse sunt excepta, quod factum oportuisset: Neque Status Catholicæ Religionis, vel ejus exercitii in locis restitutis, status etiam est in templis & reliquis, quæ pace Westphalica Protestantium sunt propria, atque eis per Ryswicensem art. III. & IV. restituta. Quoniam vero de Templis maxima instare videtur Disceptatio, quæ vtraque pars sibi vindicat; ideoque proxima Transactione dispiciendum erit, quis Status Catholicæ Religionis in iis esse poterit. Sed quicumque tandem ille fuerit, potiores semper erunt in possessione Evangelici, neque ab illis postulari quicquam cum ratione ultra potest, quam vt exercitium Catholicæ Religionis iuxta se patiantur, temporibus horisque sibi non incommodis.

§. XXXVII. Qua occasione repeto, quod  
fu-

supra etiam n. 13. monitum est : Nimirum quæ templa Rex Christianissimus nova extruxit, aut vetera collapsa, & ab omni cultu vacua restauravit, atque de suo dotavit, illa cum fructibus ex liberalitate regia provenientibus a Catholica Religione non repeti, quanquam Solum ante hæc Augustanæ Confessionis Consortibus forte proprium fuisset. In vacua enim possessione religio Catholica hoc modo statum sibi comparavit.

§.XXXVIII. Quod Iurisdictionem Ecclesiasticam attinet, etsi per tempora belli & reunionum, Gallorum indultu factæ exercita ea in Protestantes aliquomodo fuerit, dubitare tamen non debemus, quin per hanc pacem insequentiam iam iterum suspensa sit. Statum enim quem adeptæ est Catholica Religio, ad sui saltem exercitii libertatem habet; In alienam Religionem non pertinet. Quare hic §. 16. *Ius Diœcesanum, art. 5. Instr. pac. Westph.* integer & illibatus firmitudine sua in omnibus persistit.

§.XXXIX. Idem de libertate Conscientiæ & mutandæ Religionis tenendum. Hæc libertas Conscientiæ art. 5. §. 12. vers. *Placuit porro &c.* disertis verbis cuique asseritur. Sed illam Rex Christianissimus supplicio treremium aliisque indignis suppliciis in locis quibusdam, quæ tunc in potestate habebat, sustu-

stulit, imprimis quando Catholicam Religionem semel amplexi, siue vi id fecerant, siue melioris auræ afflatu, poenitere deinceps velent. Nam in hos præcipue odio implacabili sæuitur, tanquam Relapsos. Hoc tamen non obstante reducta pace, ista omnia edicta Regia cessant, & ad Westphalicam pacem recurritur: per quam Dominis Territorii iam non licet in præiudicium huius libertatis aliquid statuere, quod Regi licuit, infracta semel illa pace, potentia & placito suo subnixo.

§. XL. Similiter Parentibus in educatione liberorum, siue ex loci consuetudine, seu pactorum dotalium conditionibus, siue denique Patriæ potestatis iure hanc sibi curam, vindicantibus, vis nulla aut impedimentum, aliud inferri, multominus liberi eam ob causam parentum suorum inspectioni subtrahi debent.

§. XLI. Ita etiam Tutoribus & Curatoribus eorumque fidei relinquendi sunt Pupilli, quibus siue testamento, siue iure agnationis delata est Tutela. Quin, ubi dato Tutore opus, is ex ea religione constituendus, in qua nati sunt Pupilli, eorumque Parentes decessere. Si quid Galli interea aliud statuerunt, id exemplum facere non potest.

§. XLII. Præterea obtinuit quibusdam,  
in

in locis sub imperio Gallorum, vt Parentes Augustanæ Confessione addicti liberos suos baptizandos alio deferre prohiberentur, iussu Catholicorum Sacerdotum opè & ceremoniis vti. Id ipsum, quia libertatem Conscientiæ coërcet, & paci Religiosæ repugnat, iam abrogatum iterum esse, rationi consentaneum est.

§, XLIII. Accidit etiam vt Pastores Evangelici vel exilio multarentur, vel pellerentur suo munere, qui ad sacram cœnam admittere conuersos a Catholica Religione ad sacra Augustanæ Confessionis. Hoc vero prorsus graue & indignum, cum non modo in potestate Pastorum non sit, eos, qui suo se cœtui aggregare, & eandem Religionem, quâ pro vera & salutifera ipse profitetur, amplecti expetunt, repellere aut eiicere; Verum etiam quia Sacerdotes Catholici & Ordines Religiosi superos inferosque mouere nihil dubitarent, si quis ad eos profugos repetere, aut ipsos Sacerdotes prohibere vellet, ne officio suo fungantur, & si nonnunquam de seruo corrupto aut fugitiuo occultato iustissima esset actio. Atqui toleranda eiusmodi licentiæ disparitas eo minus, quod Instrumentum pacis VVestph. in omnibus, *aqualitatem exactam mutuamque desideret, ita, vt quod uni parti iustum est, alteri quoque sit iustum*  
art.

art. 5. §. I. De aliis huiusce partibus idem esto iudicium.

§. XLIV. Tantum de Statu ipso. Terminus seu regula huius Status consistit in verbis sequentibus : *quo nunc est*. Ubi vis omnis recti sensus fere in hac vnica vocula, *NUNC* latet. Huius autem duplex esse interpretatio potest. Vna, quæ vsum Clausulæ legitimum docet, & altera, quæ abusum cavendum ostendit.

§. XLV. *NUNC*, est aduerbium temporis, quo tempus præsens significatur. Hoc itaque loco pro trigesima die Octobris, Styli noui, qua anno 1697. pax in Palatio Ryswicensi conclusa est, sumitur. Sed habet tamen id ipsum nonnihil ambiguitatis.

§. XLVI. Primo enim conclusa est & subscripta pax illa multa iam nocte. Quæritur ergo, an hoc punctum pro termino sit constitutum, vel tota dies civilis viginti quatuor, horis constans ? Illud nemo facile dixerit, quem cavillarum pudet. Hac enim significatione vox illa effectum post se traheret a ratione alienum, & propemodum vim omnem Clausulæ tolleretur, cum haud verisimile sit, multis in locis tam prouecta nocte sacra fuisse peracta.

§. XLVII. Deinde fac totam diem, & quidem, yti dixi, civilem, intelligi; nihilomi-

nus aliquid dubii hic rursus occurrit. Dies trigesima Octobris anni 1697. fuit dies Mercurii, quo Sacra fieri apud Catholicos in pagis & locis non adeo celebribus insolitum est. Quis vero dixerit, hæc loca sub Clausula non comprehendi, si proxime præterita die Dominica, cultus diuinus ex more celebratus fuerit ?

§. XLVIII. Interea tamen dies illa necessario retinenda pro termino est, adeo, ut si quid pridie conclusæ pacis mutatum fuisset, Religio Catholica non esset amplius illo statu, quo præsidium in clausula habet. Quemadmodum si Protestantium Sacra ante diem primam Ianuarii anni vigesimi quarti, mutationem sunt passa, ex pace Westph. petere restitutionem non possunt.

§. XLIX. Quamobrem hac de re sic habe. Aliud est Status Religionis Catholicæ, aliud sunt eius actus, sicut aliud est Status belli, aliud actus bellici.

§. L. Deinde, sicuti cuiusque professionis aut scientiæ ; ita etiam Religionis actus alii sunt continui, alii discontinui. Continui plerumque interni sunt, & habitu constant atque facultate ad exercendam artem, cum occasio adest & officium postulat. Discontinui sunt ipsum exercitium, seu actus imperati & externi, prout scholæ loquuntur, quos produ-

ducit habitus seu facultas pro exigentia rei, & qui, etsi peracta re statim temporibus cessent; durare tamen & ius continuum in certo quodam statu habere intelliguntur. Ita si conventum exempli gratia in aliqua ciuitate esset, vt ars medica, vel vt officinæ Pharmacopolarum in statu maneant, quo certa die fuerunt, non illis modo per hoc cautum erit, qui constituta die fecere medicinam, aut pharmaca miscuere; sed & quibus id facere licuit, quamuis occasio deerat. Eodem modo Religioni Catholicæ in locis restitutis cessatio officii aut functionum, tempore conclusæ pacis, fraudi esse non debet, quando statum habuit & facultatem exercendi muneris.

§. LI. Quemadmodum autem nunc nihil refert, quo titulo Catholica Religio hunc statum initio sibi comparauit: modo edictis & mandatis Regis Christianissimi in hoc incepto adiuta fuerit: ita etiam haud magis interest, qua ratione eundem interea amiserit. Dummodo probari possit, circa illud tempus, de quo Clausula loquitur, statu suo excidisse.

§. LII. Amittitur autem Status velurbatione & prohibitione exercitii; vel neglectu eiusdem & derelictione.

§. LIII. Primum fit, si forte Protestantes ante Clausulæ conditæ tempus deiectione,

aut expulſione partis aduerſæ templorum, ſuorum poſſeſſionem recuperarunt, aliove modo Catholicos prohibuerunt, ne in locis illis vacare cultui, & facere ſacra ſolito ritu poterint. De iure iniuriæ non magis quaeritur, quam ante quaſitum fuit, cum harum rerum arbitrium Catholici ſibi ſumſere in violationem Weſtphaliçæ pacis.

§. LIV. Neglectu & derelictione amiſſus intelligitur Status, cum per aliquod tempus omiſſum eſt religionis exercitium, antehac certis & ſtatis diebus celebrari ſolitum. Nec valde refert, an prohibente aliquo deſtitum ſit a faciendis ſacris; an nemine prohibente. Nam ſi nemo interceſſit aut prohibuit, templa autem per menſem aut annum clauſa fuerint, neque aliud exercitium religionis viguerit, ſuperueniente Clauſula Religio Catholica, quæ ſua culpa & pro animi ſententia ſui ſtatum priorem dereliquit, ſibi imputabit, præreptam occaſionem corrigendæ negligentiae; Sin vero prohibentium verbis aut factis ceſſit atque deſtitit, eo magis Statum ſuum perdidiffe certum eſt, cum hac ratione illi, qui ſic prohibuerunt, ſuarum etiam rerum iuriumque poſſeſſionem recuperarint, in quibus eos deinceps non modo pax Weſtphalica, ſed & Ryſwicenſis defendit.

§. LV. Hæc de uſu legitimo & recta inter-



interpretatione verborum, *Status, quo nunc*. Iam de abusu eius cauendo dispiciamus. Sed huius considerationis brevis est & plana demonstratio. Quæ enim interpretatio terminum illum vel restringit nimis, vel extendit, hoc vitio laborat; de ea, quæ restringit, iam actum est, cum horam & diem termini, *quo nunc*, non arctandam nimis esse monuimus. Par fere est ratio eius, quæ extendit, contrariorum enim contraria est natura & conditio.

§. LVI. Duo tamen sunt, quorum meminisse speciatim operæ pretium erit. Vnum est, quod inuenti quidam Cauillatores sint, qui haud erubere, sine vlla non dicam modo ratione, sed & probabilitate affirmare, in Clausula *Status quo nunc* idem significare, atque si dictum fuisset, *quacunque belli parte*. Cuius quidem sententiæ absurditatem qui saltem retulerit, refutat. Quis enim sanæ mentis huc vnquam ineptiarum venit, vt terminum aliquem a quo, aduerbio temporis præsentis, *nunc* designatum, & in articulo pacis concludendæ prolatum, pro toto tractu temporis præteriti belli decennalis explicare sit ausus?

§. LVII. Deinde quibus locis Catholica Religio *Status* pro incolis & subditis non obtinuit, sed exercita tantum fuit apud præsidia regia, locis illis pro ratione belli imposi-

ta, quibus abductis vna cessauit, ibi restaurari deinde sub prætextu Clausulæ non potest. Hoc enim iudicio statim post pacem testato, abunde apparuit manendi facultatem non suppetere. Quid enim hoc circuitu opus, ut scilicet Religio Catholica conuasata omni sacra suppellectile, & cum præsidio militari emigrans, nec non Sacella templaque, quæ ante occupauerat, vacua destituens, nullo successore relicto, nullo indicio voluntatis redeundi aut retinendi possessionem edito, postquam longo tempore sine vllius querimonia exulauit, mox recuperatoribus Gallis, & vi armata affectare reditum vellet. Non secus ac si æquitatis poeniteret eos, cuius semel publicum testimonium ipso facto præbuere. Ex hac formula Dux Mompelgardensis causam, suam iustissime agit contra eos, qui templum in Suburbio Ciuitatis Mompelgardensis occuparunt ad sacra ibi facienda. Quin & Kirnenses possessionem templi maioris iure non inferiore recte sibi vindicarent, nisi vbique locorum hodie hæc praua consuetudo inualuisset, ut supra omne ius fasque in eiusmodi occasionibus præualeret vis & fascians feruor, cuius proprium est, nunquam æquo cum aliis iure vti velle.

§. LVIII. Denique cum iubeat Clausula Religionem Catholicam in statu remanere, quo

quo tunc in locis restitutis reperta est, cum pax fieret, ideoque extendi eam vltra hunc Statum cum iniuria Protestantium satis prohibet: resultat hoc iterum cum ex natura & conditione legis correctoriæ; tum ex dispositione Instrumenti pacis Westphalicæ; denique etiam ex ipsa vi & significatione aduerbiū temporis, NVNC.

§. LIX. Lex correctoria, sicuti in materia, vbi affirmatiue disponit, arctissimo sensu, qua per verba & mentem legis licet, accipitur; ita tacitam semper cautionem in se continet, mansura cætera, & statum rerum præsentem nullo prætextu, nullo iuris titulo, mutatum deinceps iri. Quod si præterea eiusmodi quid conuentione publica, & ex pacis formula, constitutum est, talis promissionis sponsores omnes Compaciscentes esse debent, qui præstandam bona fide pacem receperunt.

§. LX. Id quod multo magis locum habet, cum lege anteriori pragmatica & fundamentalī prohibitum vbiq̃ue prorsus est, quod noua pactioriam certo modo permittit. Nam hac ratione termini strictissime sunt positi, quos mouere perpetua esse religio debet. Quin hoc etiam addo: Etsi forsan superiori lege dubia quædam circa sensum vnius alteriusue articuli fuerint, legem correctoriam superuenientem tollere ista aut explicare. Sic

exempligratia esto, de Pacis Westph. dispositione circa ius reformandi; prout illud *art. 5. §. 12.* comprehensum & definitum est, inter Status vtriusque religionis non vsque, quaque conuenire: sed de potestate introducendi coëxercitii obtentu iuris territorialis haftenus disceptatum fuisse. Certe in iis nunc locis, in quibus Clausulæ auctoritas regnat, hæc omnis disputatio antiquata est, postquam placuit, Catholicam Religionem mansuram in Statu, quo pace conclusa fuit. Quemadmodum si vniuersali lege per vniuersum Imperium id ipsum Imperator & Ordines tranquillitatis publicæ causa constitutum vellet, omnis protinus ansa superiori dubitationi præscinderetur. Cum alias sine eiusmodi effectu inanis foret & illusoria Cautio.

§. LXI. Sed planissimam rem omnem & conspicuam facit remansio Catholicæ Religionis præcise per aduerbium temporis *NUNC* definita & constricta. Iam enim incolumi pace Ryfwicensi Statum illum mutare nemo potest. Nolumus enim suspicari in verbo *remanente* diuerticulum callide quæsitum esse. Nam *remanere* in omni Latio aliud nihil significat, quam *permanere, persistere, perseverare, relinqui*. Quod infinitis auctoritatibus demonstrari posset, si opus foret.

§. LXII. Quare, vt in Compendium con-  
tra-

traham summam eorum, quæ hucusque dicta sunt, Clausula sensu constat sequenti: *Religione tamen Catholica Romana* i. e. libero exercitio Religionis Catholicæ Romanæ, pro subditis eiusdem Religionis: *in locis*, i. e. in urbibus, villis, pagis, item templis a Gallia propriis sumptibus ædificatis & fundatis: *sic restitutis*: i. e. a Gallia tempore conclusæ pacis actualiter possessis, & post ratihabitam pacem restitutis, nec quoad punctum Religionis specialiter exceptis: *in Statu, quo nunc est*. i. e. (1) *in statu*, quem sibi habuit, saluo iuxta manente Statu Religionis Euangelicæ, (2) *in Statu*, quo tempore conclusæ pacis fuit, (3) *in statu*, qui omnis extensionis sub quocunque, prætextu expers, (4) denique *in Statu*, cui mandata Gallorum, subditorum Catholicorum causa, initium præbuere: non eo qui pro tempore saltem in præsidis militaribus ad exercitium Religionis erat accommodatus: *remanente*, i. e. salvis, tamen templis Euangelicorum, Scholis, ædibus Pastorum, Hospitalis, Reditibus & aliis iuribus. Itemque suspensa utique, ut antea, iurisdictione Ecclesiastica, & actibus ab hac profluentibus.

§. LXIII. Ac proinde huius Clausulæ vis in eo omnis consistit, ut Religio Catholica Romana, in locis a Gallia restitutis, in quibus illi per pacem Religiosam & Westphalicam,

nullus status erat, in certo statu remaneat. Quæ igitur Catholica Religio sua & propria dicere potest, ea retinet. Sed quæ aliorum sunt, ex aliis transactionum aut pacificationum capitibus merito iis restituantur, qui armis possessione & usu deturbati fuere.

§. LXIV. Et hæc omnia, quod pro Conclusionem addo, non ultra obligant Status, quam hæc pax cum Gallis durat, donec inter Status ipsos Imperii ea de re etiam conventum fuerit. Neque enim Clausula, de qua agitur, per id, quod art. IV. pacis Ryswicensis intrusa est, etiam pars facta est pacis Religiosæ in Imperio velut constitutionis perpetuæ & legis fundamentalis. Sed omnis eius obligatio vertitur inter Imperium & Galliam, quam rupta pace dissolui statim oportet. Quæ Evangelicorum Statuum animi sensa eam circa rem sint, ipsi satis declararunt Ratisbonæ ante pacem ratihabitam in communi voto. Ibi spondent, pacem se cum Gallia servaturos in hoc etiam articulo. Sed negant propterea, se cum Catholicis statibus obligationem contractam cupere, vel Clausulam illam eo loco numeroque habituros, quo ipsis pax est religiosa atque Westphalica, vinculum eoncordiæ & norma perpetua Status Religionum in Imperio receptarum, tum restituendorum regula. Ex quibus tria

con-

consequuntur. Unum, quod ex hac Clausula non sit proposita formula actionis secundum pacem religiosam, *auff den Religions-Frieden*. Alterum, quod Gallo ab hoc pacto discedente, seu contraria voluntate, seu rupta pace, omnia illis locis in eum statum redeant, quo ante pacem Ryswicensem esse debebant, & quo, cur interim non fuerint, per Clausulam impedita sunt. Et tertium, ut qui Status Imperii in Clausulam non consenserunt, iis etiam integra omnia in Imperio sint circa religionis negotium, ad præscriptum pacis Westphalicæ dirigenda.

§. LXV. Hinc intelligitur, quam longe alius sit Status, de quo Clausula agit, ab eo, quem Instrumentum pacis Westphalicæ constituit. Hic enim est legis nomen & formula actionis publicæ, secundum quam, de possessione Statuque Religionum receptarum Ius dicitur. Ille vero fide unice nittitur Gallis data. Galli igitur ex hoc promisso actionem qualem qualem habent. Inter Status ipsos Imperii ea super re nihil adhuc contractum est. Vno verbo. Status Imperii inter se in negotio religionis pacem aliam non habent, quam Westphalicam: cum Gallis etiam Ryswicensem.

OBSERVATIO VI.  
MEDITATIO POLITICA DE RE-  
LIGIONE CATHOLICA ROMANA  
AD EANDEM CLAV-  
SVLAM.

S V M M A R I A.

**I**psos autores clausula appositione Romana ad religionem Catholicam fateri, prater Romanam & alias religiones Catholicas esse. §. I. Qui Catholicismo suo hodie superbiunt, similes videri veteribus Israelitis tempore Christi & Apostolorum. §. II. Examinatur Cyrilli definitio Catholicismi. §. III. Consensum Catholicum & unionem in Romanâ Ecclesia ipsi prerogativam non tribuere. §. IV. Dannhaueri definitio Catholicismi. §. V. Autoris confessio de Ecclesia Catholica §. VI. Conclusio §. VII.

§. I.

**C**orollarii loco observationem addere placet de Religione Catholica Romana, vti in Clausula appellatur: quippe res consideratione digna, quod Romanum nomen adiiciatur Catholicæ Religioni, velut demonstrationis causa, quod alio fini factum esse nequit, quam vt Religio Catholica Romana hac velut nota Characteristica a reliquis Religionibus distinguatur, quæ etsi Catholicæ etiam sint, non sunt tamen



men illa Romana Catholica. Absque hoc non intelligo, cui vsui sit illa adiectio : quia quod vni soli competit & absolute, ejusmodi designationibus non opus habet : neque magis commodus est sensus, si cum Religionem Catholicam Romanam dico, id mihi velim, solam Romanam esse Catholicam, quam si eadem ratione Francum Herbipolensem aut Suevum Augustanum nominans negare deinde vellem, nulli præterquam Herbipolensi vel Augustano Franci Sueuque appellationem conuenire : cum potius in diuersa omnia sana nos ratio abire iubeat. Eodem hercle modo, qui de Ecclesia seu Religione Catholica Romana verba facit, fatetur quidem, Romanam esse Catholicam ; sed negare cum ratione non potest, dari præter hanc alias etiam Catholicas Religiones. Nam si illa Romana sola Catholica, quid opus addidisse Romanam? Cum ab vrbe Roma hoc sit vocabulum, neque quicquid vbique est gentium aut populorum, in Romani nominis censum veniat. Sit itaque, si vtique sic lubet, religio eorum, qui Romanum Pontificem sectantur, religio Catholica. At statim, dum *Romanam* addis, non potes non affirmare, esse in orbe Christiano alias etiam Religiones, quæ hoc habent, vt sint Catholicæ, quamuis a sede Romana in quibusdam feces-

fio-

sionem fecerint, aut in ditionem eius nunquam venerint. Nam τὸ καθολικὸν complexum est quiddam seu aggregatum, partibus constans, cuius vnaquæque pars a toto nomen & appellationem genericam habet. Sicuti non Germanus tantum est Europæus, sed & Gallus, & Italus: & sic reliqui Populi. Quis Ecclesiæ Orientali detrahet Catholicæ nomen? quamquam deinde hæc non a Romana tantum separata, sed & inter se diversas in sectas diuisa sit, quarum singulæ iterum de Catholicismo illo participant. Nam in Colchide etiam siue Mingrelia, vbi tanta est de cætero tenebrarum spissitudo & ignorantia, vt populus vix conceptum aliquem de fide & Christiana Religione retinuerit, memoria tamen & reuerentia τῆ καθολικῆ remansit, & caput Cleri, seu Pontifex summus illius Religionis, se κατ' ἐξοχὴν Episcopum καθολικὸν vocat; idque nomen *Catholicos* in barbara etiam lingua superest. Vt proinde ringere haud quaquam debeant nostri Catholici Romani, si alii Christiani Populi, qui ab Ecclesia Romana ante duo circiter secula defecere, religionem suam sordibus saltem & erroribus purgatam, Catholicam appellent: quæ, cum ante factam secessionem fuerit Catholica Romana, per Reformationem quidem & dissidium Romana esse desit.

defuit : sed propterea Catholica esse non cessavit. Fuit enim procul dubio tempus, cum Religio Catholica iam erat, quando Ecclesia Romana nondum erat: Vnde sane non constat, qua ratione Pontifex Romanus de professione Catholicæ Religionis potuerit eiusmodi Monopolium facere, ut nemo eam toto Orbe exercere, nisi sub ejus auspiciis, possit.

§. II. Mihi sane, qui hodie Catholicismo suo tantopere gloriantur, & inanibus titulis superbiunt, eisque salutem suam quasi confidunt, non videntur absimiles illis veteribus Israëlitis, qui prærogativa natalium ex semine Abrahami, credidere, nascendi forte, non fide & obedientia Deo filios generari. Vnde fiducia in circumcissione ac Templo, legisque operibus, cum reliquorum omnium desipientia. Atqui contra inanes istos & gloriosos prolixè scribit Paulus, eosque monet, ne his externis nimium tribuant. Nam habuisse quidem circumcissionem, cui nunc Catholicismus vulgaris in Christianitate respondet, sua præcipua; Sed propterea non ad omnes, qui ex semine Abrahami fuere, pertinuisse etiam promissiones. Imo circumcisos illos ob incredulitatem ex olea effractus; alios vero ex præputio velut ab oleastro sumtos, oleæque contra naturam infitos

fitos participes factos esse pinguedinis ejus. Non enim is, qui in manifesto Iudeus est, nec que in manifesto, in carne, circumcisio; Sed qui in occulto Iudeus, & circumcisio cordis in spiritu non litera. i.e. traditionibus, conciliis, decretis, canonibus, bullis. Cuius laus non ex hominibus, Clero illo Catholico, sed ex Deo. Et Abrahamus Pater Circumcisionis est non ius tantum, qui sunt ex circumcissione. i.e. ex gremio Ecclesiæ Catholicæ Romanæ, sed omnibus illis, qui incedunt in vestigiis fidei Eius. Vis habere definitionem veri Christiani Catholici! Ecce iterum Paulus tibi sistit. Omnis, qui confessus fuerit ore suo Dominum Iesum, & crediderit in corde suo, quod Deus ipsum resuscitauerit, ex mortuis, saluabitur. Itemque Iohannes. Omnis Spiritus qui confitetur Iesum Christum, qui in carne venit, ex Deo est. De cætero nihil refert, siue sit in circumcissione, Ecclesia Romana, siue in præputio, alio Christianorum fidelium catu. Nam ut idem Apostolus 1. Cor. VII. 19. & 20. ait. Circumcisio nihil est, & præputium nihil est, sed observatio mandatorum Dei: quilibet in ea vocatione maneto, in qua vocatus est. Quo loco nos manifesto monet, ne in cœtu aliquo veluti quadam prærogativa fiduciam nostram collocemus: Sed unumquemque sic iubet incedere, quomodo eum vocavit Dominus. Idque plane

ia-

instantiam Ecclesiæ Romanæ confundit.

§. III. Apud Cyrillum alia est Catholicismi definitio. καθολικὸν λέγεται, inquit, διὰ τὸ διδάσκειν καθολικῶς, ἢ ἀνελπιστῶς ἅπαντα, εἰς γνῶσιν ἀνθρώπων εἰσελθεῖν ὀφείλοντα δόγματα. *Catholicum vocatur cum omnia dogmata docentur universim & indefinenter, quæ nosse homines oportet.* Quia in definitione multa desiderari possunt. Primo enim agit hoc omnis Religio, ut quæ scitu necessaria hominibus existimat, & semper doceat, & ubique, quo potest, & indefatigabili studio. Deinde quid hoc est, διδάσκειν καθολικῶς? Hoc adverbium καθολικῶς ante Patres incognitum Græcis fuisse videtur, cuius vice erat καθ' ὅλην, quod significat vel *universe & generatim*, vel *summam & breviter*; unde phrasis καθ' ὅλην εἰπεῖν i. e. ut *uno verbo aut in genere siue in summa dicam*; quo sensu iterum Romana Religio ante alias nihil habet præcipui. Sin tertio ad potestatem docendi καθολικῶς, i. e. per omnem terram, attendas, quam Christum, in coelum abiturus Ecclesiæ suæ dedit, difficilis erit probatio, hanc soli Ecclesiæ Romanæ ita mancipatam, ut nemo nisi ductu eius & sub vexillis annuli piscatorii exercere eam legitime possit. Quod Christus Petro dixit, dixit & aliis Apostolis suis, imo Christianis

quibusvis, quos Spiritus Dei agit, cuius spirationes & opera quis impediet aut circumscribet? cum flare soleat, ubi lubitum ipsi est: & quæ non hæc est vanitas imperandi in vno homine, ut imperio Orbem tenere velit, cuius nec limites nouit, nec cura in singulis partibus sufficit? Quota Africae & Americae pars adhuc incognita nobis & imperuia? In Terram vero Australem, quæ etiam incognita dicitur, quis unquam peruenit? quamvis in tanta nauigantium frequentia omnes latebræ excutiantur cupidine lucri & quæstus. Huc si quis delatus fuerit Christianorum quodam miraculo, num prædicare Euangelium non poterit nisi a Pontifice missus sit, & omnem Romanæ tabernæ mercaturam exposuerit? Quarto si τὸ διδάσκειν καθολικῶς pro doctrina accipitur quaque late disseminata ac propagata; res adhuc fit impeditiior. Nam ut taceam Ecclesiam Orientalem, multo longius latiusque prouectam & amplificatam, cum Religione Christiana sic fere est comparatum, ut nihil inter res externas sit, quod veritatem eius atque ingenuitatem magis demonstret, quam paucitas credentium. Inde querelæ de exiguo grege & contempto. Neque de eo gloriatur Ecclesia, quod potentes multos & illustres gremio foueat. Sed pauperum despecto-  
rum

rumque est perfugium & solamen. Illi temporibus cum Christus ipse in Iudæa docuit, & post discessum eius Apostoli Hierosolymis congregati erant, Ecclesia Dei procul dubio erat Catholicissima, quam vna tamen domus continebat, antequam fidelium accessione auctior facta fuerit. Synedrii magni magna auctoritate interim cum Pontifice suo maximo omnem Terram Sanctam perstreperente. Et septem illi mille, qui Eliæ Prophetæ ævo ex vniverſo populo Israelitico coram Idolo Baal, genus sua non inflexerunt, quid aliud quam Ecclesia Catholica? At quantilla portio inita ratione ad omnem gentem? Sed & occulta illa, hinc inde dispersa: nec nisi soli Deo nota, cuius membra se invicem ipsi non cognouere: Elias enim se solum relictum esse existimabat. Hæc typus sunt conditionis & factorum, quæ Ecclesiam Catholicam semper manent, vt intelligamus, eam apud nullum visibilem cœtum quærendam esse. De sanctimonia vero & miraculis quid multa dicam? Nam quod ad illam attinet, si doctrinam inspicias, hæc tot humanis traditionibus quæstui faciendo inventis corrupta adeo est, vt nec rudera seruarit antiquæ integritatis simplicitatisque; Sin vitam consideres, plerorumque vbique adeo non est Catholica, vt vix Christiano nomine

fit digna. Sed imprimis nullibi securius solutiusque vivitur, quam in ipsa illa Urbe, vnde in omnia regimen. Sane non inficiamur, in Romana etiam Ecclesia fuisse viros, probitate morum & sanctitate conspicuos; sed vti vbique hæc rara iam est avis in terris, ita eorum paucitas tanto cœtui in vniuersum corruptissimis moribus prædito magnum nomen facere non potest; neque etiam desiderabis prorsus alibi, quæ suis eodem instituto vitæ ornamento sunt & exemplo. Miraculis autem quis multum fidet? Ex quo Christus Magister noster discipulos suos monuit, vt sibi ab his caveant, prædixitque fore, vt falsi etiam Prophetæ tanta eorum sint edituri, quibus & Electi, si fieri posset, seducerentur, vt nunc plurium miraculorum falsitatem taceam, quæ adeo manifesta est, vt bonos etiam viros, in ipso Romanæ Ecclesiæ gremio viuentes, eiusque auctoritatem in cœteris maximo feruore tuentes, piarum fraudum iam diu puduerit.

§. IV. Superest denique Consensus Catholicus & vnio in Romana Ecclesia. Sed hoc iterum cuius religioni vel sectæ proprium, a qua statim eiicitur, qui diuersa a communi formula docere vult. Habet enim vnaquæque Ecclesia visibilis Symbola sua, quibus velut regula quadam mechanica aut norma ortho-



thodoxam atque Catholicam fidem æstimat & dimetitur, erroris statim hæreseosque, damnatis illis, quorum animi sensus non conveniunt illi normæ; non aliter ac si mensura quædam esset rerum credendarum, quæ commensurari mathematicè omnia possent. Et quod adhuc est stultius, dum in his vna eademque mensura non vtuntur homines, vnusquisque tamen coetus genuinam & veram regulam ita sibi superbe vindicat, vt non sua tantum placita, sed & opiniones aliorum explorari ad illam & commensurari velit. Vnde fit, vt vna pars semper alteri honorem & dignitatem *Catholici* Nominis detrahat, sibi que vnice asserat; cum interea nec omnes saluentur ab ista ascia edolati exasciatique; neque damnentur omnes qui ad hanc regulam Lebiam amussitati non sunt, sed ad aliam exsculpti. De cætero parvæ dissensiones in omni Ecclesia tolerantur aut dissimulantur, vt Romani etiam hic nihil habeant, quod nobis exprobrent. Sane enim non sunt de nihilo tot Controversiæ quæ inter Ordines religiosos maximo motu animorum vertuntur, vbi imprimis Iesuitæ cum omnibus fere aliis ferram contentionis perpetuo, & sic Catholice trahunt.

§. V. Præterea relinquitur apud Cyril- lum non exiguum dubium, quænam sint il-

la omnia dogmata, hominibus cognitu necessaria. Aliæ enim Religiones plura, aliæ pauciora habent, ex quo iterum incertus Catholicismi character. Christus sane & Apostoli pauca valde creditu necessaria exegere, de quibus fere inter omnes constat. His si fide simplici staretur, non essent tot factiones in Christiano Orbe. Sed superuenere homines *insanientes circa questiones & logomachias*, qui, dum veritate destituebantur, existimabant tamen, *negotiationem esse pietatem*. Hi, quanto magis Paulus Timotheum suum ab his profanis inanibusque clamoribus, qui non nisi ad impietatem proficiunt, cauere iussit, ne scilicet de verbis certet pro eo, quod nihil prodest, sed saltem est ἐπὶ καταστροφῇ τῶν ἀκρόντων; tanto magis illi his concertationibus & litigiis incubuere, velut salus Christianæ rei hominum opinionibus niteretur, quod malum iam Patrum ætate ingrauescens sequiori tempore Theologia Scholastica adeo accendit, & in omnes velut contagio diuulgauit, vt tantæ calamitati mederi nemo nisi Deus nunc posse videatur.

§. VI. Inuenio apud alios, qui paulo modestius agunt, neque numero se extollunt, Catholicum definiri a sensu fidei communis, catholico Prophetarum & Apostolorum suffragio firmatæ, quo uno consensu catholicis-

mum

num proprie constare volunt. Ita Danhauerus *Hodosoph. Phæn. II.* Enim vero inter tot opinionum æstus, dum singuli suffragia Prophetarum & Apostolorum diuersis interpretationibus in sua castra trahunt, neque est, qui dirimere litem inter vtrasque, cum auctoritate humana potest, irasci profecto neutri æquum est, si ambo ex hoc fundamento *Catholici* Nominis gloriam captant. Cum sub hac larua apud suos quisque efficacius agat, quam centum aliis argumentis.

§. VII. Ego itaque, vt libere & breuiter, dicam, quid de hac omni re sentiam, *Vnam, Veram, Sanctam, Catholicam Ecclesiam* non aliam noui, quam illam solam, quæ Christo efficacia spiritus sui ex omnibus Orbis partibus colligitur & fide vnitur. Sicuti autem hæc Ecclesia non coetu aliquo visibili constat, nec Symbolis & Credendorum formulis, velut militari tessera vtitur; multo minus externo regimine hominumque decretis se patitur coërceri; Ita frustra sunt, qui mihi digito eam monstrare volunt, cum Mysticum sit, corpus, cuius sæpe membra sibi inuicem etiam sint ignota, quamuis vnus spiritus omnes agat: vna fides viuificet: vnus amor dirigat: vna spes sustentet, & vnum Baptisma, internum purget & sanctificet. De hac Ec-

clesia Catholica, vnice verum est, quod de alia nulla dici potest, non modo extra eam non esse salutem; sed neque damnationem in illa. Hæc multos ex omnibus cœtibus gremio suo fouet, iisque post exantlatos labores exsoluet stipendia peracta militia, quos cœtus illi, sed imprimis Romana Ecclesia, pro degeneribus & abdicatis liberis habent. Hæc nec Sectas facit, nec factiones, sed omnes materno recipit sinu, qui simplicitate fidei, certa promissorum fiducia, & religiosa nouæ legis custodia vitam transigunt. Cum ex aduerso altera religio, intellectus & rationis corruptæ peior proles carnis cupiditatibus accommodata: atque ex contentionibus suscepta, totaque, in omnia statim exardescat & impetum faciat, quæ ad Decreta eius atque imperia fasces non submitunt, aut eadem persona Bachanalia non celebrant.

§. VIII. Atque adeo si cui visibili Christianorum cœtui licet nomen assumere Catholicæ Ecclesiæ vel Religionis, cœtus alii ab hoc ipso prohiberi non possunt, cum omnes a communi Matre idem ius ciuitatis aut familiæ habeant. Quod si nonnulli hoc se titulo abstinent, seu propria modestia id fiat, seu aduersariorum iniqua turbatione, qui velut præscripsisse hanc prærogatiuam sibi videntur, sciendum est. nec silentium meum, neque

que aliorum impudentiam & ambitum veritati posse præiudicium facere, contra quam nulla vilius temporis valet præscriptio.

# OBSERVATIO VII. ACTA CVM D. IOHANNE STOSSELIO.

## SVMMARIA.

**I**ntentio huius obseruationis §. I. Oswaldi Crellii prima Epistola ad Iohannem Cornicellum de tentatione Stösselii. §. II. Epistola eiusdem secunda ad eundem, de Stösselii tentatione secunda. §. III. Epistola eiusdem ad Concionatores Aulicos Electorales de vltiore statu morbi & tentationis Stösselii. §. IV. Relatio disputationis Stösselii cum D. Zacharia Starkio. §. V. Crellii Epistola secunda ad concionatores Aulicos §. VI. Rescriptum Electorale ad Questorem de examinando Stösselio. §. VII. §. Responsio Stösselii ad questiones ipsi propositas excepta manu Crellii §. VIII. Eadem responsio excepta manu Questoris §. IX. Questiones propositæ uxori Stösselii §. X. Crellii Epistola ad fratrem de morte Stösselii & uxoris eius §. XI.

## §. I.

**F**uit Iohannes Stösselius seculo decimo quinto controuersie Syncretisticæ immixtus, cum partes Victorini Strigelii

defenderet, fuit etiam ab aduersariis Crypto-Caluinismi accusatus. Vnde varia eiusdem fuere fata. Fuit enim Superintendens Ienensis. Postea Iena profugus ab Electore Saxoniae Pirnam vocatus est, vt ibi Superindententis officium gereret. Denique in arcem Senftenbergicam captiuus inde deductus mortem obiit, communi fabula sic referente, ac si desperatione de salute sua mortuus fuerit & se mancipium Satanæ dixerit.

*Vid. Arnoldi Histor. Eccles. Part. II. lib. 16. cap. 29.*

§. 7. & 9. Non ergo putamus iniucundum fore, si Lectori de Historia Ecclesiastica sollicito fragmentum actorum exhibeamus, quæ M. Oswaldus Crellius Pastor Senftenbergensis Anno 1576. collegit, communicatum, nobiscum ab Amico quodam Dresdeni, cui publice eam ob rem debitas referimus gratias.

§. II. Primo extat prolixior Epistola, quam Crellius ad Ioh. Cornicælium Superintendentem suum de tentatione Stösselii scripsit. Ex qua id observes velim, tentationem Stösselii in eo constituisse, quod putauerit, se blasphemiam commisisse, & propterea esse damnatum. Non ergo ob ita dictum Crypto Calvinismum, nec ob Synergismum tentationes sensit, sed quod putauerit, ex melancholia se blasphemum esse, vti postea cessante tentatio-



tionem dixit : se per nouem dies semper in mente habuisse vocem blasphemiae. Ipsa vero Epistola Crellii sic se habet ;

**S** Reuerende & Clarissime Vir, Domine & Patrone colende. Non historia tantum sacra atque Ethnicorum etiam scripta suppeditant exempla innumera tristis illius ; sed verissimae tamen comminationis diuinæ Gen. 4. Nonne, si bene egeris, recipies, sin autem male, statim in foribus aderit peccatum tuum, vt habet vetus versio, quem locum D. Praeceptor Philippus S. memoriae ita solebat explicare : nonne si bene egeris, acceptus eris, sin autem male, peccatum tuum in foribus, hoc est, in loco admodum inquieto, vbi excitari facillime potest. quiescet, donec reuelabitur ; Sed & hoc nostro seculo eiusmodi statuuntur diuinitus exempla, & quidem hoc in loco tale spectaculum diebus hisce vidimus in D. STÖSSELIO, qui quo haecenus nomine mundo vniuerso innotuerit, notius est, quam vt opus sit, id a me commemorari. Cum autem statuam, id nequaquam celandum, ad T. R. cui loci huius inspectio est demandata, de hoc ipso duxi perscribendum esse aliquid siquidem, quæ dicta sunt ac facta hoc in casu persequi ac perscribere omnia, plane videam impossibile. Id quicquid erit R. T. in partem accipiet optimam, meque fidei consilio suo

suo instituere non grauabitur.

Decubuit D. Stöffelius ex febre quartana per septimanas iam complures, eaque de causa non tantum plane contabuit, quoad corporis vires, sed & accessit nuper ad corporis debilitatem summam insomnia quædam, & ex hac ortus, (vt opinor) morbus melancholicus seu phreneticus. Ex quibus in Satanæ cribrationem ac tentationes acerrimas & periculosissimas incidit. Hæsit etiam in his, quemadmodum ipse nunc confessus est, per totos dies nouem, neque tamen per hos cuique de his manifestauit quicquam, præterquam coniugi suæ. Hesterno vero die, cum ex suo conclaui ad quæstoris tum absentis coniugem descendisset, ibique cogitabundus aliquandiu oberrasset, ac verbum nullum eloqui voluisset, ipsa me vocari iussit. Accessi itaque, eumque salutatum compellaui, sed nullum ab ipso responsum in primo congressu impetrare potui: Tandem an me agnosceret interrogauit? ad hæc cum annuisset vicissim in hanc interrogationem erupit: agnoscis etiam & me filium Satanæ? Ego in consternatione summa, in quam ob tristissimum hoc pronunciatum incidebam, fere quid respondendum esset non inueniebam. Sed recolligens me respondi tamen: me, quia baptisatus esset, agnoscere ipsum non Satanæ, sed



sed Dei filium, si peccata sua agnoscens & deplorans horum quæreret remissionem, eamque firma fide apprehendens sibi applicaret. Tum vero ipse telam prolixam exorsus de tristissimo lapsu suo, in quem Diaboli impulsu per propriam carnis malitiam ac sodalitium, prauum esset præcipitatus, declamitare incepit de sui damnatione, Iudæ sese, Ario, atque aliis horum similibus assimilans, iustoque Dei iudicio se abiici ac damnari dictitans, quod contra Deum ac Ecclesiam huius ac contra Magistratum peccasset blasphemiae peccato suo, peccato ad mortem, in quo nullam posset habere spem remissionis. His vero ipsis ego consternatus magis, quam antea, coepi tamen ipsi contradicere, atque ex verbo Dei eas ipsi proposui consolationes, de Dei misericordia immensa & infinita, de remissione peccatorum gratuita, de Sanguine filii Dei, emundante nos ab omni peccato, de Baptismo, de absolutione, de Cœna Domini, deque aliis plerisque, quæ ad erigendos & consolandos animos consternatos, & metu iræ diuinæ ac damnationis æternæ anxios, non in me ipso tantum, sed & in aliis compluribus, in iis tamen cumprimis, ad capitalia qui condemnati fuerent supplicia, expertus sum esse efficacissima. Hortatus sum etiam ipsum pluribus, ut exempli Pauli Apostoli, qui & ipse ante

te

te conuersionem blasphemus fuit, & persecutor Christi, item Exemplo Petri, Dauidis & aliorum, quorum lapsus tristissimi fuerunt, non aspernaretur ministerium; sed audiret verbum in hoc annunciatum, amplecteretur illud, vteretur Sacramentis, atque Diaboli ignitis telis opponeret preces ardentes; sed furdo, quod dicitur, canebam per horas prope modum tres, semper mihi occinebat illud Esaïæ dictum Cap. I. Principes tui infideles, focii furum &c. Et illud Psalm. 50. Peccatori vero dixit Deus; quare tu enarras iustitias meas & assumis testamentum tuum per os tuum. Tu vero odisti disciplinam & proiecisti sermones meos retrorsum, si videbas furem, currebas cum eo, & cum adulteris portionem tuam ponebas, os tuum abundabat malitia, & lingua tua concinnabat dolos &c. Et ex his atque ex sexto denique capite Apocalypsis concludebat: se, quia quæ in dictis citatis dicuntur, fecisset, vas iræ, filium perditionis ac mancipium Diaboli esse; qui alios quidem docuerit, sed ipse reprobus fiat, qui quod etiam velit, preces tamen nullas dicere posset, in quem nihil eorum, de quibus dixissem, competat, licet de aliis verissima esse, ac certissima non dubitet. Esse enim Deum non tantum misericordem, sed & iustum, & esse hoc iudicium ipsius iustissimum, vt damnetur &

& abiiciatur, qui blasphemiae peccato sit pollutus. His ego rursus opposui Pauli conuersi exemplum, de quo eo ipso pro concione aliquid dixeram ad Ecclesiam nostram, atque pulcherrimam eius exegefin, quam ipse Apostolus 1. Tim. I. ponit in sequentibus verbis: Gratias ago ei, qui confortauit me in Christo Iesu, Domino nostro, quia fidelem me existimauit, ponens in ministerio, qui prius blasphemus fui & persecutor & contumeliosus. Item superabundauit autem gratia Domini nostri cum fide & dilectione, quæ est in Christo Iesu. Fidelis sermo & omni acceptione dignus, quod Christus Iesus venit, in hunc mundum peccatores saluos facere, quorum primus ego sum, sed ideo misericordiam consecutus sum, vt in me primo ostenderet Christus Iesus omnem potestatem ad informationem eorum, qui credituri sunt. Adiunxi his denuo alia quoque Exempla Davidis, Petri & aliorum. Et hoc Ioh. dictum 1. Ioh. II. filioli mei hæc scribo, vt non peccetis, sed etsi quis peccauerit, Aduocatum habemus apud Patrem Iesum Christum, & ipse est propitiatio pro peccatis nostris, non pro nostris tantum, sed etiam totius mundi. Item Christi illud: Sic Deus dilexit mundum, vt filium suum vnigenitum daret, vt omnis, qui credit in eum, non pereat, sed habeat vitam

tam æternam. Non enim misit Deus filium suum, vt iudicet mundum, sed vt mundus salvetur per eum &c. Item non veni vocare iustos, sed peccatores ad pœnitentiam. Item venit filius hominis quærere & saluare, quod perierat. Cum quibus omnibus Symboli verba congruunt : qui propter nos homines & propter salutem nostram descendit de cœlis. In hæc exempla & dicta dulcissima, inq; alia his similia, vt intueretur, & his sese sustentaret, perque ea elideret ignita tela Diaboli mendacis, & homicidæ, ipsum sum hortatus. Ipse contra negauit, id in sua esse potestate, quod fides sit Dei donum, & ab ipso vtpote, iustissimo non detur tam atroci peccato, blasphemia polluto. Ad hæc respondi verum, quidem esse, quod donum Dei sit fides, sed tamen donari hanc & attribui per eam remissionem, peccatorum, non propter vllam dignitatem nostram, neque denegari propter, vlla peccata nostra, quantumuis ea sint atrocitas & multiplicia; dari autem ac donari non nisi audientibus, legentibus, meditantibus & amplectentibus verbum, iuxta Apostoli dictum: Fides ex auditu est, auditus per verbum. Rom. 10. & Christi Ioh. 6. qui ergo audit a patre & discit, hic venit ad me.

Secundum verbum itaque reuelatum dixi statuendum, ac pronunciandum esse de Deo  
erga

erga nos voluntate, non secundum speculationes de tabulis fatalibus Electorum, de nostra dignitate vel indignitate. Hoc quoque ipsi inculcaui compluribus, promissionem de remissione peccatorum vniuersalem esse, & non tantum remitti diuinitus ex gratuita misericordia omnia peccata, sed etiam remitti omnibus poenitentiam agentibus, & fide hanc remissionem quærentibus & accipientibus, quædam innumerabilia id comprobant testimonia, quorum pleraque allegaui. Ex hac vniuersalitate, ne vel lapsus meum, quantumuis magnum peccatorem, & vel Iuda vel Ario vel aliis quibuscunque deteriore excluderet, summopere rogavi, & vt pro impetranda remissione preces suas diceret, ea qua potui grauitate, admonui.

Quamquam autem id diu ab eo impetrare non potui, quod opponeret, Peccatores non exaudiri a Deo: & non permittere Diabolum mancipiis suis, dicturis item preces levandas esse manus sanctas, id quod ipse facere non possit: Tamen cum responderem: eos tantum peccatores non exaudiri a Deo, qui perseuerant in impoenitentia, reliquos vero qui poenitentiam agunt, exaudiri, idque rursus cum probarem Dauidis & aliorum exemplo, ac dicerem insuper de Diabolo hoc certissimum esse, quod impediret, si permit-

(5)

N

tere-

teretur diuinitus, precationem quam liberrissime in omnibus hominibus, tanquam sibi maxime exitiosam, hominibus vero summopere salutarem; sed rugitus eius non esse hoc in casu audiendos, verbū veritatis ex sinu Dei veracissime prolatum per Filium unigenitum, qui via est veritas & vita ipsa, audiendum esse, in quo nobis præcipitur: invoca me in die tribulationis, & eripiam te, & glorificabis me, cui mandato diuino obtemperandum sit: cum item dicerem porro, requirere quidem Deum, ut manus leuemus sanctas, & acceptas Deo, sanctimoniam ut ita loquar, suam non ex dignitate nostra, sed ex plenitudine illius, quem habemus apud Deum Aduocatū interpellantem pro nobis, & ex primitiis Spiritus sancti, qui Spiritus est gratiæ, testimonium perhibens Spiritui nostro, nos filios esse Dei. Qui idem, est Spiritus precum, tales in nobis motus excitans, qualis & ipse, & nos ad preces pias & sanctas impellens. Cum denique vna cum coniuge ac Quæstorissa exhortando ipsum, obtunderem, ut oraret, impetraui tandem; ut recitaret voce sua, verba Symboli & orationis Dominicæ, quibus ego adiunxi precatiunculam Germanicam ex illo Ezehielis dicto desumptam: *Vivus ego, dicit Dominus nolo mortem peccatoris &c.* Item cum signum

gnum datum esset, ea ipsa hora precandi pro pace, obtinuimus cohortationibus nostris, vt nobiscum recitaret precationem Germanicam: Erhalt uns Herr bey deinem Wort &c.

Licet autem id faceret, tamen subiungebat semper, de esse sibi applicationem, se quidem iudicare, omnia, quæ dixissem, de nobis vera esse: Er dancke auch Gott dafür / daß er sein Wort so reichlich und tröstlich hätte aufschreiben lassen / er wolte es auch gerne für sich von ihm für wahr halten / es wolte aber in sein Herz nicht / drum solten wir für ihn bitten / und Gott anrufen / daß er das Licht des Glaubens in seinem Herzen / so gar verloschen / gnädiglich wieder anzünden wolte / damit er seinem wahrhaftigen Worte auch möchte Glauben geben / er wolte iezund versuchen / dieweil er sehr matt / ob er könnte ruhen. Et ita in lectulum sese composuit ad quietem. Ego porro ipsi propheticum illud subieci: linum fumigans non extingues, calamum conquassatum non confringes; item vbi habitabit Dominus nisi in Spiritu contrito ac tremante sermones meos; item cor contritum & humiliatum Deus non despicies.

Hæc & alia similia dicta euidenter testari dixi, ipsum non abiectum, sed certo rece-

ptum iri, modo non patiatur, sibi per Satanam excuti gladium verbi & piarum precationum, sed hoc ipso aduersus eum vtatur, idque cum languido illo Patre faciat, Marci 9. his verbis ; Credo Domine , sed opem fer diffidentia meæ ; & cum Apostolis, Domine auge nobis fidem ; cum D. item Doctore Crucigero sanctæ memoriæ ; Credo Domine, fide quidem languida, sed tamen fide. Hoc quam sit necessarium intelligere ipsum posse vel ex solo illo Christi dicto, in quo inquit : Non dico quod ego rogaturus sim Patrem pro vobis, quia scit Pater vester &c. Petite & accipietis, pulsate & aperietur vobis ; item ex altero illo : quanto magis Pater vester cœlestis dabit Spiritum Sanctum petentibus.

Promissi etiā, quemadmodum petiuiſſet, id quod singulis & vniuersis de Apostolico aliqui etiam incumbat, me cum Ecclesiola nostra & scholasticis, serio & indefinenter Deum inuocaturum pro fidei suæ incremento, proque salute animæ & corporis. Et ita, dum ab ipso discessi circa vesp̄eram eius diei, petiit a Quæstoris coniuge, vt liberos suos adduceret, qui secum recitarent precationes ac decantarent cantiones sacras. Id ita tum est factum, summo mane hodierni diei idem petiit, cumque liberis ac familia Quæstoris precationes complures recitauit. Postea me



vocari iussit. Accessi denuo, atque alterum ex Collegis meis mecum duxi. Tum vero triumphabundus testatur, se Dei beneficio & auxilio in lucta ista & cribratione diabolica, in qua hæsisset integros dies nouem, superiorem fuisse, atque ex ea nunc esse eluctatum. Fatebatur etiam sese plurimum adiutum iis, quæ die præcedenti a me ipsi proposita fuissent, ex verbo Dei, sed exemplo Pauli conuersi cum primis & illa eius declaratione dulcissima, quam ex 1. Tim. I. allegassem. Denn er hat zuvor des Worts blasphemia nicht können die 9. Tage über loß werden/ und darüber hätte er den Herrn verlohren / und anders nicht gemeynet / denn er müste derhalben verlohren und verdamt seyn. Er hielt auch dafür/ da ich nicht wäre zu ihm kommen / und ihm aus Gottes Wort und S. Pauli Exempel so gewissen und beständigen Trost gewiesen/er hätte darunter müssen ver-sinken/ und dahin gehen. Er habe zuvor nicht recht gewußt/ was tentationes wären / was da wären dolores mortis, & pericula inferni, was da heißen in Paulo ira & furor Domini. - Nun habe ers gelernet / und habe des Teuffels artificia recht kennen lernen / quibus primum extenuare solet peccata nostra, postea subinflet in ea, & ex parua scintillula ingens excitet incendium. Wenn ihm

je hundt einer hundert tausend fl. ja die ganze Welt böthe/ er solte dieselben verdienen/ und noch eine solche cribrationem ausstehen/ so wolte er sahen / ich liesse dich verdammt werden/ mit deinem Gelde und Guthe. Ich dancke meinen treuen Gott / der mich seinen lieben Sohn/ den Herrn Jesum Christum / wieder hat lassen finden/ den halt ich auch für meinen Jesum/ welches mir diese Tage über nicht ist möglichen gewesen/ aber es hat das der Teuffel auch zum Vorthail gehabt/ sagt er ferner/ quod quidem non aspernatus sum ministerium vestrum, sed tamen hoc ipso non sum vsus, habe mir solche Gedancken gemacht/ ich möchte euch etwa in Gefahr/ und mich selbst/ in große Beschwehrung bringen / deswegen ich um Erklärung gen Hoffe suppliciret / ob ich zur Kirchen gehen möchte oder nicht/ und niemahls weder ja noch nein erlangen mögen. Diesen Vorthail will ich dem Teuffel immer lassen/ sagt er / cum expertus sim Deum per ministerium vestrum efficacem fuisse, will ichs in Gottes Nahmen wagen/ und wenn mir GOTT Stärke und Krafft verleihet/ dem Teuffel zu Trotz auff künfftigen Sonntag zur Kirche gehen/ und euer ministerium ehren/ ich hoffe es wird solches mir und euch ohne Gefahr seyn. His subiecit, quid mihi videretur? respondi: me nihil cer-

certi hac in re affirmare posse, sed me iudicare tamen, quia reliquis, quorum obligatio in publicum edita est, id liberum relinquitur, ipsum non admodum meo quidem iudicio peccaturum fuisse, si dudum id fecisset. Sed tamen me eo nomine alios superiores consulturum & significaturum, quid absque meo ac proprio suo periculo hoc in casu facere possit ac debeat. Ita post ardentem gratiarum actionem ad Deum & commendationem ministerii nostri, erga quod gratitudinem suam pluribus verbis pollicitus est, mecum Diacono tum dimisit, precibus nostris publicis ac priuatis sese commendans. Clementissimus Deus adsit ipsi, & hoc, quod contra Satanæ molitiones per potentiam verbi sui in ipso operari cœpit, clementer perficiat atque confirmet, & operetur in ipso porro contritionem & poenitentiam ad salutem non prænitendam.

Ad T. vero R. Vir Clariss. de tristissimo hoc casu propterea scribo, ut Reuerentia T. pro insigni sua pietate ac prudentia totam rem æstimet rectius & accuratius, ac suum fidele consilium mihi communicet, quid existimet porro faciendum aut intermittendum si absolutionem petat & ad sacram Synaxin, accedere velit. Ego pro infantia mea iudico quidem iuxta præceptum Apostolicum,

infirmum in fide assumite, me ipsi denegare, nec posse nec debere, quæ ex officio mihi & aliis ministris de mandato Christi incumbunt, si ea sibi impertiri serio petat, inque ipso signa veræ poenitentiae infallibilia existant. Sed tamen sine R. T. consilio & mandato non facile facturus quicquam, nisi summam id videro exigere necessitatem. Oro itaque debita cum subiectione & reuerentia, vt R. tua ad me diserte perscribat, quid hoc in casu sit faciendum, quid intermittendum, ac quo vti debeam processu, deinceps ne alicubi per infantiam meam impingam.

In eo R. T. lubens obtemperabo, iudicabo etiam summo me per id ipsum beneficio adfici, pro quo officiola mea qualiacunque vicissim defero, R. T. Deo clementissimo commendans. Dabantur Senfftenbergæ 27. Ian. ao. 1576.

R. T.

S.

M. OSWALDVS CRELLIVS,  
ibidem Pastor.

Post Scripta.

Pressi has literas, Vir R. & Clariss. per hoc biduum, quia vidi vim morbi in Stöffelio intendi, vt & de exitu s. Catastrophe simul aliquid

liquidat R. T. perscribere possem. Nunc vero denuo tentationes priores recurrunt, & ego iam eum accedo, vt rursus cum eo congregiar. Cum vero nihil sit, qui rigat, qui plantat, sed solus Dominus, qui dat incrementum, toto hunc eundem oro pectore, vt ipse S. S. suo mihi clementer adsit, & faciat, ne labor hic meus irritus sit, in ipso Domino factus. Tuam v. R. publicis ac priuatis precibus suis nos hoc in casu iuuabit. Iterum valeat R. T. 28. Ian.

§. III. Sequitur alia Epistola Crellii ad eundem, sed cui ipse adscripserat, quod non fuerit transmissa. Describit in ea nouam tentationem Stösselii cuius in postscripto prioris Epistolæ fecerat mentionem. Confirmabit eadem obseruationem, quam in paragrapho præcedente fecimus. Nullam tentationem sensit ob doctrinam suam Stösselius, sed vt ipse dixit: ob ingratitudinem in Deum, ob hypocrisin, qua semper aliud corde volutarit, quam docuerit, & ob nescio quam captiuitatem Diaboli. Quin potius, si per id, quod se dixit corde voluisse intelligatur doctrina Reformatorum, per id vero, quod dicitur, docuisse doctrina Lutheranorum, fuisset tentatus, quod priorem doctrinam non liberè professus fuisset. Ipse etiam Crellius nunquam cum ipso egit de dogma-

tibus, aut eorum vlllo verbo in tota actione meminit. Iam cape ipsam Epistolam:

**Q**uemadmodum R. & Clariss. Vir Satan Spiritus est malitiosus & audax, qui licet semel atque iterum superatus non tamen prorsus cessat hominem impugnare atque impetere; Ita vidimus etiam Stösselium ab eodem denuo attentari per tentationes illas acerrimas, ex quibus antea, iuvante Deo, utcumque erat eluctatus. Cum enim (veluti ad calcem literarum proximarum id adieceram) ad ipsum 28. Ian. venissem, ipsumque in summa inuenissem tristitia & consternatione, ac qua de causa id fieret, interrogassem? Respondit: se causas mihi exposuisse antea. Et iterum in praesentia Quæstoris nostri, qui aliquandiu intererat colloquio nostro, ac Collegæ mei, Georgii Nusæ, argumenta commemorare incepit, quibus demonstrare conabatur, se esse vas iræ ac mancipium Diaboli. Ac primum quidem argumentabatur in hunc modum: Deus minatur peccatori pœnas Ps. 50. Ego sum peccator talis, qualesibi describuntur. Ergo hæreo merito in pœnis his, quæ me comprehenderunt. Respondi Maiorem esse veram, Deum minitari peccatoribus omnibus in impœnitentia perseverantibus. Postea ad Minorem, licet pec-

peccator talis, qualis ibi describitur, vel eo etiam deterior esset ac maior, tamen debere ipsum poenitentiam agere, & futurum, vt Clementiss. Deus culpam omnem auferat & vel poenas vna cum hac auertat, vel certe easdem intiget, quia fidelis sit, qui neminem grauari sinat supra vires, qui quod in ira suæ misericordiæ immensæ recordetur, & non faciat nobis secundum peccata nostra, neque retribuat nobis secundum iniquitates nostras, sed sit nobis propitius propter filium vnigenitum, cuius sanguis emundat nos ab omni peccato. Ipse vicissim respondit: Est hoc ita omnino, und ich will euch wohl ein stärkeres sagen: Viuo ego, nolo mortem peccatoris, sed vt conuertatur ac viuat. Sed considera quæso, quid sibi velint hæc verba: Peccatori dixit Deus. Respondi: Si ex Ezechiele sumis, intelligo de omnibus & singulis, qui sunt peccatis polluti. Ipse contra aiebat, me loqui contra conscientiam, me longe intelligere melius. Ego vero hoc pernegavi & dixi, serias has esse preces meas, & assiduas, ne ducat me Dominus in tentationem, neue permittat, vt quid vel dicam vel faciam contra conscientiam: Omnino ita me statuere, quod de peccatoribus omnibus sit verissimum vtrumque horum. I. quod omnia peccata qualiacunque illa sint, siue atroc

cia

cia, siuè leuia, offendant Deum, iuxta Psalmi 4. dictum: non Deus volens iniquitatem tuas; & merentur poenas temporales, iuxta Decalogi conclusionem, nisi fiat remissio. 2. quod remittantur peccata ex gratuita Dei misericordia; si poenitentiam agant & convertantur. Ad hæc ille rursus opponebat: me loqui contra conscientiam, & non posse me omnia peccata iudicare paria, quia certo sciat, mihi non esse ignotum Christi dictum: Omne peccatum remittetur, etiam blasphemia, sed peccatum in S. S. non remittetur. Sed suum peccatum esse tale peccatum, propterea sibi nullam spem esse remissionis. Adiecit hoc etiam, me negare non posse, plurima iræ iustissimæ exempla diuinitus statuta esse, ideoque cum Deo iustissimo ita in ipso visum sit, me contradicere huic iusto Dei iudicio nihil quicquam posse, nec debere. Ad obiectionem hanc horrendam attonitus quasi aliquandiu conticui. Sed tandem hanc reperi responsionem; Me agnoscere Christi dictum, & iudicare hoc verissimum, perseverantibus in finali impoenitentia seu desperatione, in reliquis vero non item. Porro vero quoad minorem, *mibi ignotum esse dixi, quæ habeat in se peccata tam atrocia, quæ nomine blasphemie ac peccati in S. S. intitularet.* Ipse

econ-



*econtra, Tibi, inquit, credo equidem ea esse ignota, sed mihi notissima sunt, utpote quem conscientia propria conuincit, de qua scis, qualis sit testis, accusat me Satan etiam argumentis hisce, quæ defumit non ex se ipsa, sed ex verbo Dei. Subieci his, me in priori perseuerare proposito, nec non credere talibus ipsū peccatis pollutum esse, nisi ordine recenseat, quæ aut qualia illa sint. Ipse vero indignabundus quæsiuit an' enumerationem requirerem peccatorum omnium, & an veniret mihi in mentem Dauidicum illud: peccata quis intelligit? Respondi: me nequaquam enumerationem exigere Papisticam, sed cum tantopere peccatorum suorum conscientia angi, & Satanam hæc ipsa tantopere exagitare videam, me bono consilio (quamquam sciam, eum a cogitatione eorundem auocandum potius, quam ad hanc perducendum) inquisiuisse tamen de his, ut causa temptationum vera perspecta, tanto possit institui rectius deliberatio, de his vel leniendis per verbum Dei, vel plane, iuuante Deo, tollendis. Ad hæc ipse: cum bono studio te hanc interrogationem instituisse intelligam, fatebor equidem, quæ sint peccata ista, quæ ego peccata duco in Sp. S. horum est Ingratitudo erga Deum. Ego in tenebris, inquit, vixi Aegyptiis sub Papatu, & ex iis perductus sum, pro*

pro clementissima ipsius voluntate ad veram filii sui agnitionem, ornauit me etiam donis non contemnendis, sed fui ipsi ingratus. Respondi: Esse hoc peccatum ingens, sed quod habeat tamen commune fere cum omnibus hominibus, in quibus, proh dolor, ingratitudo sit maior, quam esse debebat. Sed malam ipsum sibi ipsi ac nobis texere consequentiam, si propter hanc ingratitudinem, blasphemiae nobis inurere velit crimen, aut persuadere nobis, nos pollutos esse propter eam ingratitudinem peccato in Sp. S. Hoc ipsum vero ne de se ipso pronunciaret, nisi haberet in se peccata alia maiora aut atrociora. Ad hæc respondit: *Supra ingratitudinem in se fuisse hypocrisin, qua semper aliud corde volutarit, quam docuerit.* Concessi ego facile, & hoc peccatum esse non postremum, sed tale tamen nequaquam, quod in agente poenitentiam nomen mereatur vel blasphemiae vel peccati in S. S. alioqui maximam generis humani partem propter peccatum hoc damnatum iri, siquidem peruersum sit cor, hominis inde usque a pueritia ac malitia tali repletum, ut nunquam facere possimus, quod nostri est officii, ea diligentia, qua debebamus. Monui ergo ipsum denuo, ut, nisi alia essent peccata atrociora in ipso, desisteret a concepta opinione, sibi que reuocaret in mentem

tem, quæ sæpius iam repetiuissem, de gratuita & vniuersali omnium peccatorum remissione. Cum responderet ad hæc: fuisse porro etiam in sese tertio loco *captiuitatem Diaboli*. Quid per hanc loquendi formam sibi vellet, dixi, me non intelligere. Ipse vero ita sese declarauit, nos ex effectibz istis, qui secuti essent, & in quibus hæreret, conuincere posse, quã diceret Diaboli captiuitatem. Id quod tamen neque intellexi, neque adhuc intelligo, sed ænigmatis loco quædam ab initio feci, adhuc habeo. Ac nisi sese explicaret rectius, an alia haberet, quæ appellaret tam atroci nomine peccata, vel quænam intelligeret, per captiuitatem Diaboli, me non iudicare, hæc ipsa, quæ commemoraret, blasphemix nomine, multo minus nomine peccati in S.S. esse digna, si agat pœnitentiam & remissionem peccatorum petat. Denuo etiam in memoriam reuocaui Pauli conuersi exemplum, & hortatus sum, vt per id rursus sese erigeret, sed per eius dulcissimam declarationem, cum primis in qua Apostolus 1. Tim. I. expresse inquit, se quamuis blasphemum persecutorem & contumeliosum, tamen consecutum misericordiam, vt in se primo ostenderet Christus Iesus omnem patientiam & informationem, seu exemplum eorum, qui credituri essent in ipso vitam æternam. His ipse

vicissim opposuit, non esse, quod suum lapsum cum Paulino conferre velim, quia ingens sit inter vtrumque discrimen, Paulum, fuisse blasphemum & contumeliosum ante conuersionem, sed statim in ipsa conuersione ac vel quam maxime posthanc exeruisse sese in ipso fructus Spiritus, quos postea enumeravit in suis Epistolis hinc inde, eumque perseverasse postea in militia conscientiae bonae &c. Suum lapsum perpetratum post conuersionem, & se nullos sentire in se S. S. effectus seu fructus; contra vero Spiritus tristitiae in se se reperire aculeos. Inde me concludere posse, quod recte argumentatus fuerit atque argumentetur etiamnum, iustum hoc Dei iudicium esse, ut condemnetur peccatis tantis pollutus, ac si non condemnaretur, Deum alioqui iustum & veracem futurum iniustum.

Ad hæc respondi, me illud discrimen, quod inter se & Paulum constituisset, nequaquam agnoscere. Quia Deus velit peccatores poenitentiam agentes quouis acceptare, tempore; Monui etiam, ut cogitaret illud Lutheti dictum: Tota vita hominis debet esse poenitentia. Et adieci, nequaquam ex sensu nostro, sed ex Dei verbo scripto iudicandum esse de ipsius erga nos voluntate, & ut maxime aliquod ex sensu faciendum sit iudicium. Ante dies non multos exeruisse sese

se in corde eius fructus illos Spiritus Sancti, pacem, lætitiā gratiarum actionem, inuocationem, denique nihil sequi, dixi, ex argumentatione, quam iterum proposuisset, si poenitentiam ageret & conuerteretur.

Ad hæc ille: quæ nuper accidissent, tantum fuisse ludificationes diabolicas, quibus fuerimus vtrinque decepti. Et me negare, non posse, quod statuta essent diuinitus exempla in valis iræ, vt in Pharaone, de quo dicitur, quod Dominus indurauerit cor ipsius, in Cain, Iuda, Saul, & aliis similibus. His sese esse annumerandum, quia decreuit Deus in se statuere exemplum, iustitiæ & veritatis suæ immotæ. Ego contra dixi, me id negare non posse, ea quæ allegasset exempla iræ & iudicii diuini iustissimi erga finaliter impoenitentes ac desperantes esse repræsentationem.. Monui, esse intelligendum, vt in memoriam sibi reuocaret, quomodo Phrasin de indurato Pharaonis corde Præceptores nostri explanare sint soliti, de permissione videlicet tantum, non de coactione. Ideoque manifestum esse causam damnationis ac reiectionis ipsorum non in Deo, sed in ipsis fuisse, quia in finali contemptu Dei, in impoentia & desperatione permanserunt & non egerunt poenitentiam. Ille: & hoc ipsum in me videtis, iam sumus in fine. Ego con-

tra vero : absit omen dicto, aiebam, dum spiras tu, non desinimus nos sperare ac confidere de Dei erga te misericordia, tuique receptione. Neque debes tu ipse etiam desperare, aut extollere peccata tua supra Dei misericordiam, quemadmodum Cain faciebat, alioqui respondeo tibi idem, quod ipsi Augustinus respondit : Mentiris Cain, maior est enim Dei misericordia, quam omnium hominum miseria. Exuberat enim gratia supra delictum, & concludit Deus omnia sub peccatum, ut omnium misereatur. His ille magis sese intricari dixit, quam extricari, quia ea, quæ attulissem, vera sint de nobis & aliis, qui sunt organa salutaria Dei, qui in timore Dei bonam militemus militiam & pœnitentiam, agamus; Et me negare non posse, quantumvis inculcem sæpe, promissiones de remissione peccatorum gratuitas esse, semper tamen addi his conditiones timoris Dei, pœnitentiæ, fidei, v. g. in illa omnium, dulcissima promissione: viuo ego, dicit Dominus, nolo mortem peccatoris; item: Sic Deus dilexit mundum, ut omnis, qui credit in eum &c. & reliquis vniuersis. Ego vero respondi, me cupere ipsum extricatum; ac nihil exoptare, magis, quam ut Deo dante & iuuante simus & fiamus organa salutaria, sed hæerere proh dolor in nobis singulis ac vniuersis peccata mul-

tiplicia, pro quorum remissione quotidie vota ardentia fundere cogeremur, & ita viuere in poenitentia assidua. In his ergo, vt nobis sese affimilaret, atque idem hoc nobiscum faceret, hortatus sum. Ille vicissim, da mihi, inquit, hoc, tu flagitas a me, quod in mea non est potestate, scis fidem Dei esse donum, & in his, qui ea donati sunt, exerere sese fructus eius. Ego vero cum eos in me non deprehendam, non possum nec debeo reprehendere iustissimum Dei iudiciũ, quo me condemnat, agens mecum non secundum misericordiam, sed secundum iustitiam ac veritatem suam. Ego contra me negare non posse confirmaui, fidem Dei donum esse, sed donari non nisi audientibus & amplectentibus verbum, propterea ne gladium verbi ac precationem abiiceret, neue diaboli ignitis telis continuo succumberet, denuo sum hortatus. Verum esse, non posse nos id, quod a nobis requiritur, eo præstare modo, quo debebamus, sed requiri tamen aliquem in nobis conatum. Vt itaque nobis obtemperaret, & conaretur legere verbum & dicere precatio- nes huiusmodi: Conuerte me Domine & conuertar, fer opem incredulitati meæ, ipsum adhortari non desii; id si faceret, nihil nos dubitare, Deum clementiss. rursus & in ipso suam exerturum potentiam ad vi-

vificandum eum, qui iam videatur sibi, hære in mortis faucibus, pro nisi etiam nos nostris precibus ipsi nequaquam defuturos. Ad hæc ipse annuens promisit, se libenter obtemperaturum & facturum, quod in ista imbecillitate possit, ac si perceperit postmodum aliquem pacis ac lætitiæ sensum, tum sese rursum in castra nostra descensurum. Rogavit etiam, ut precibus nostris priuatis ac publicis sese haberemus commendatum. Id polliciti sumus denuo, & ita tum ab ipso sumus digressi. Sub vesperam rursus ad eum veni, eumque ad huc reperi cogitabundum ac mœstissimum, & subinde iterantem, se iusto Dei iudicio comprehensum ac damnatum. Contradicens mihi ex fundamentis prioribus de pœnitentia agenda, deque petenda remissione peccatorum per precationem ardentem, respondit se omnia, ad quæ hactenus fuisset eum adhortatus, quæ ipse vicissim pollicitus esset, fecisse, se multas easque dulcissimas consolationes ac promissiones diuinas cogitasse, recitasse psalmos ac precationes complures, *Es wolte aber in seinem Herzen davon nichts hatten* / præponderare cogitationibus de misericordia cogitationes de iustitia & veritate Dei. Ego contra monui, ut cogitaret Propheticum illud: si moram fecerit Dominus, expecta eum, veniens



niens veniet & non tardabit. Item cum sedero in tenebris, Dominus erit lux mea. Item: ich will dem Herrn aushalten/ denn ich habe ihm gesündigt. Item Apostolicum illud: Wenn wir unsere Sünde bekennen/ ist Gott getreu/ daß er uns dieselbige vergebe/ und erhöhe uns/ wenn wir ihn anrufen nach seinem Willen. Hic interpellarunt ipsum coniunx cum Quæstorissa, & quidem hæc ipsum monuit, vt ipse sibi reuocaret in mentem, wie er sie und ander vfftmahls so herzhlichen getröstet/ damit soll er sich selber iezo auch trösten. illa vero adiecit; so er nicht deme/ so von mir als Pfarrhern/ und andern frommen Christen ihm fürgesaget würde/ Glauben geben wolte / so wolten sie ihm auch nicht mehr glauben; item es müste alles das/ so er zuvor andern zu Trost fürgesagt / nichtig und nicht wahr seyn/ welches er doch allezeit als Gottes wahrhaftiges Wort gerühmet hätte. Hierauf hat er geantwortet/ liebes Annelein/ es ist wahr ich habe viel Leute mit dem wahrhaftigen Worte GOTTES getröstet/ und was ich gegen denen geredet habe/ ihnen zum Trost/ so wohl/ als der Herr Pfarr gegen mir thut/ solches ist die ewige unwandelbare Wahrheit GOTTES. 1. Deum beneficium & misericordem, postea vero esse eundem veracem & iustum, desselben gerechten

und wahrhafften Gottes gerechtes Urtheil hätte ihn ergriffen/ darwieder er nicht sagen könnte noch sollte. Ego ipsum denuo monui, vt cogitaret, cominationes diuinas semper coniunctas cum conditione agenda pœnitentiæ, ideoque vt de hac agenda cogitaret, hortatus sum. Respondit se non posse. Ego dixi: licet in nostra non sit potestate, requiri tamen conatum aliquem, drum solt er sich so wohl als er könnte/ an das tröstliche Wort Gottes halten / und beten/ wir wolten dergleichen thun / und stünden in dem Gewissen Vertrauen / Gott werde uns nicht vergebens lassen beten/ sondern uns nach seiner wahrhafftigen Zusage gewißlich erhören. Promisit se id facturum. Und wenn er einigen effectum S. S. würde in seinem Herzen fühlen/ so wolte er sich alsdenn gerne wieder neben uns zufrieden geben. Also habe ich dißmahl meinen Abschied genommen.

§. IV. Sequens Epistola Crellii ad Pastores Aulicos Electorales partim hætenus dicta breuiter repetit, partim quid vltcrius in morbo illo Melancholico cum Stösselio factum sit refert. Constat autem ex hac Epistola eum sententiam Caluini de Cœnæ sacramento etiam in ipso morbo melancholico defendisse, postea lectione libelli cuiusdam sententiam, mox mutasse, quod posterius vti vix videtur

ve-

verosimile, reuera factum esse, sed Stösselium metu & tædio carceris eo esse adactum, ita, suppeditat coniecturam, ac si totus iste morbus melancholicus, cum quo tentatio fuit, coniuncta; fuerit effectus tyrannidis, quam, Theologi Saxonici per brachium Electorale in Stösselio exercuerunt.

**S** Reverendi & Clarissimi Viri, Domini & Patroni colendi. Redundat in me ex morbo D. Stösselii melancholico laborum & molestiarum onus, cui ferendo in hac mea infantia me minime parem esse agnosco ingenuæ, etiam profiteor aliorum magis intelligentium & exercitatorum me indigere consilio & subjectionibus salutaribus. Ideoque statim post conversionis Pauli diem, quo primum ad Stösselium vocatus fui, ad D. M. Cornicælium, cujus inspectioni nostra Ecclesiola subiacet, perscripsi pluribus, in quibus hæsisset eo ipso die tentationibus de sui abiectiōe & damnatione, & quas desperabundæ ipsius disputationi opposuissem ex verbo Dei commonefactiones & consolationes, quomodo item sequenti die, Deo iuvante, utcunque eluctatus esset Stösselius. Petii quoque reverenter & officiosè, ut suo me consilio instrueret, ac disertè præscriberet, quid porro mihi esset agendum in hoc casu tristissimo. Quo item Processu cense-

ret vtendum, si forte sacrosanctæ Coenæ Dominicæ a me peteret communicationem. Cum vero D. Superintendens nihil rescripserit hætenus, sed tantum iusserit mihi nunciari, censere se ad Illustriss. & Clementiss. Electorem nostrum totum hoc negotium referendum esse, & verò sciam, Quæstorem nostrum fecisse hac in causa antea, quod fui est officii, & nihil dubitem, ipsum quoque nunc facturum similiter, duxi ego quoque mei esse officii, paucis ad V. R. referre, quò in statu ab eo tempore, quo ad D. Superintendentem de initiis scripsi res Stösselii fuerint, ac sint etiamnum, ut iis cognitis, R. V. vel suo fideli consilio me non grauati in-  
struat, vel certe apud Illustriss. & Clementiss. Electorem nostrum Rescriptum impetrem tale, quo, quid in Cænæ sacrosanctæ administratione, si Stösselius eam petat, mihi agendum aut intermittendum sit, diserte mandetur. Vt autem, quod volo, expediam, quam breuissime sciat R. V. esse morbi istius in Stösselio, quem paululum ad se rediens, (id quod fit rarissime, & non durat ultra diem vnum vel alterum,) ipse appellare solet *Φρένεδιν* s. Manian, qua Satan abutatur vices varias, & ita mirabiles, vt interdum in inferni sese & mortis doloribus ac terroribus hærare dicat, interdum vero iactitet, se  
in

in cœlo esse, ac nihil curare terrenum; Interdum vero plane cogitabundus in lectulo decumbens obmutescat quasi; ac nullum, nisi interrogatus, verbum proloquatur, nullum edat signum doloris ac debilitatis illius, quæ tamen in ipso est summa, tam quoad animi, quam quoad corporis vires.

Tum autem, cum de inferni ac mortis doloribus dicit, omnium difficillimos mihi facessere solet labores, quemadmodum die conuersionis Pauli factum esse testantur literæ meæ ad D.M. Cornicælium. Idem accidit 18. Ian. quo rursus acerrime contendit, se iusto Dei iudicio, vt filium iræ iam mancipatum Satanz damnari, & abiici, quia blasphemia seu peccato in S.S. pollutus esset. Idque comprobare studuit dictis Christi Matth. 12. Marc. 3. in quibus de blasphemia; deque peccato in S. S. loquitur, item Ps. 50. Peccatori dixit Deus &c. item: hæc fecisti & tacui, existimasti inique, quod similis ero tui, arguam te, & statuam contra faciem tuam, intelligite hæc, qui obliuiscimini Deum & quando rapiat & non eripiat &c.

Ad hæc ego respondi, peccatum in S.S. non debere tribui homini adhuc in viuis existenti, & iudicandum de hoc tantum a posteriori. Confirmaui etiam, quantumuis magna ac horrenda peccata, remitti tamen

eadem omnibus, & remitti omnia agentibus poenitentiam, & fide in Christum remissionem quaerentibus. Et vt ab his desperabundis cogitationibus detraherem ipsum, dixi, nequaquam mihi sua peccata videri peccata in S. S. nisi aliis atrocioribus pollutus esset, quam iis de quibus mihi constaret. Ibi vero quibus peccatis pollutus esset, commemorauit ordine, vt primum nominaret Ingratitudinem; secundum hypocrisin, tertium captiuitatem Diaboli. Postremum eos, quos inde cernerem secutos effectus, seu fructus in quibus hæreret. Propter hæc itaque, nisi puniretur & abiiceretur diuinitus, concludebat Deum, alioqui veracem & iustum, futurum iniustum. Addidit, & hoc me negare non posse, antea quoque diuinitus statuta esse iræ exempla in Saul, Iuda & aliis, & quidem de hoc expresse dicit: Satanas intrauit in eum. Item de Pharaone, quod Deus cor eius indurauerit. Respondi: peccata, quæ commemorasset, atrocia quidem esse, sed talia tamen nequaquam, quæ blasphemiae nomine, multo minus nomine peccati in S. S. ducerem digna, quam diu ipse viuat, si scilicet ante obitum poenitentiam agat & remissionem peccatorum quaerat, ac consequatur fide. Causam vnicam ac propriissimam, propter quam dicimus Cain, Saul, Iudam, Pharaonem & similes vasa iræ, hanc fuisse & esse.

esse, quod perseverarunt, ac mortui in contemptu Dei, seu fremitu aduersus Deum & in impœnitentia ac desperatione finali: quod si non fecissent, sed ab his destitissent, & egissent pœnitentiam, futurum fuisse, vt & ipsi reciperentur. Quod enim de indurato Pharaonis corde dicitur, deq; aliis hisce loquendi modis, scire ipsum, quomodo sit intelligendum de permissione scilicet, non tam de coactione aliqua diuina seu de causa efficaci, quæ sit in Deo. Vt ergo & ipse pœnitentiam ageret, & in hac suorum peccatorum quæreret remissionem, & ne super Dei misericordiam immensam, infinitam & gratuitam suam, exemplo Cain extolleret peccata, ipsum sum hortatus cum præmonitione hac, me alioqui responsurum ipsi, quod respondet Augustinus: Mentiris Cain, maior enim est Dei misericordia, quam omnium hominum miseria. Item concludit Deus omnia sub peccatum, &c. Ad hæc obiecit ipse, se scire omnia illa, & statuerede me & aliis pœnitentiam agentibus & fide sibi beneficia Filii Dei applicantibus, verissima esse, de se non item, quia sit sine pœnitentia & fide, & nullos sentiat S. S. in sese esse effectus: subiicit etiam me flagitare, quæ non sint in potestate sua, dum cohorter ipsum ad agendam pœnitentiam. Respondi ego, cum vera esse fateatur, quæ dixissem, prius, requiri & ab ipso, ne veritati repugnet, sed

sed vt huic assentiatur, quia vera sint, non de vno vel altero tantum, sed de omnibus poenitentiam agentibus, ac licet non sit in nostra potestate, quemadmodum dixerit, agere poenitentiam, me credere tamen, Deum dare ac donare omnia ista per verbum, hoc audientibus, meditantibus, huic assentientibus. Et esse de voluntate Dei erga nos statuendum, non ex sensu nostro, sed ex verbo scripto.

Porro Pauli conuersi ipsi Exemplum subieci, quo ante dies tres sese ex similibus temptationibus retractum dictitasset; Eo vt nunc se quoque erigeret, atque id sequeretur, petii. Ibi vero discrimen inter suum & Pauli lapsum tale voluit constituere: Paulum peccasse ante conuersionem, sed post eam militasse ipsam militiam bonam, cursum consummasse; se vero peccatis istis irremissibilibus & mortalibus pollutum post conuersionem, ideo se nullam amplius ex Pauli exemplo posse habere consolationem. Respondi ego, me discrimen illud, quod inter se & Paulum constituisset, nequaquam agnoscere, quia iudicem, omnia peccata in vtroque paria esse, primum quod Deum offendunt, & poenas merentur, deinde vero quod sine personarum respectu, aut temporis certi determinatione omnia remittuntur omnibus, quocunque tempore poenitentiam agentibus iuxta dicta: viuo e-  
go



go &c. item in quacunque die &c. item si peccata nostra confitemur, fidelis &c. Ex hac vniuersalitate ne sese excludat cogitatione discriminis illius, sed vt potius cogitaret, iuxta Lutheri dictum: totam hominis vitam oportere esse pœnitentiam; atque proinde conaretur assentiri verbo veritatis, & dicere nobiscum preces pro peccatorum remissione, denuo admonui, confirmans futurum, vt exaudiretur. Id cum sese facturum pollicitus esset, quanquam difficile sibi ac pene impossibile futurum adfirmaret, ita tamen ab eo discessi. 29, Ian. rursus se colligere cœpit; & edidit de sua in Christum fide confessionem, allegans Apostolicum illud; non iam, viuo ego, sed qui viuit in me Christus. item Ps. 116. reuertere anima mea in requiem tuam, quia Dominus benefecit tibi, eripuit animam meam de morte, oculos meos a lacrymis, pedes meos a lapsu &c. Narrauit mihi etiam eo ipso die de suis studiis, quibus incubuisset per totum id tempus, quo in exilio apud nos vixit, quod videlicet scripserit commentarios breues & dialecticos in omnes Psalmos Dauidicos, & in omnes Pauli Epistolas, quos ad suos velit transmittere heredes, vt per eos, si digni iudicabuntur, per viros pios & doctos post obitum suum in lucem edantur. Petiit denique a me vt postero die

re-

redirem ad audiendam confessionem suam, & ad porrigendam Sacrosanctam Cœnam. Id promisi me facturum certis conditionibus, quas tum indicaturus essem, si me curaret vocari. Verum non est hoc factum 30. Ian. quia iactitabat tum se in cœlo esse, cumque vivendi causa ad ipsum accederem cum Collegis non vocatus, indignabundus vt discederemus & non conturbaremus S. sanctum, nobis præcepit.

Paulo melius excepit eodem die D. Zachariam Starck, qui & ipse officii causa ad eum accesserat, ac disputationem ipsi movit satis contentiosam de Calvinismo, quem & defendere tum quodammodo nitebatur. 31. Ianuarii, cum ad valedicendum ipsum denuo accessisset D. Zacharias, pauca cum ipso est locutus in sententiam priorem; me ad colloquium & disputationem conuocans, quod existimaret colloquium pridianum habitum fuisse inter me & ipsum. Post discessum Zachariæ curavit me vocari & proposuit, se aliquanto fuisse die hesterno in disputatione, mecum habita vehementiorem: si velim quid hodie opponere, se futurum mitiorem. Respondi, me nunquam cum ipso disputasse de articulo cœnæ, sed scire, me in hac causa ipsum disputaſſe cum D. Zacharia Starck. Ad hortatus sum etiam, vt abiectis iis, quæ tum

conatus fuit defendere, permaneret in sententia & confessione nostrarum Ecclesiarum, cui subscripsisset, & pulcherrimis verbis declarasset tum, cum coniugi exhiberem coenam Dominicam. Respondit, sibi obstare quædam; quæ in aliorum legisset, scriptis. Ego exhibui ipsi latinum exemplar articulorum Torgensium, cui adiuncta est quæstio fratris mei D. Pauli Crel-  
lii, & ut utrumque libellum perlegeret, rogavi, præterea promisi etiam, me cum ipso de iisdem collocuturum, nisi per lectionem hanc illa, de quibus diceret impedimenta, remota fuissent, id quod tamen certo futurum confiderem. Accepit libellum ac pollicitus est, se perlecturum, utque paulo post rursum redirem, rogavit. Id cum fecissem eodem die cum altero ex Collegis, continuo atque ad eum veni, gratias mihi egit, pro exhibito libello & mihi confessus est, esse, quæ in eo contineantur, immotam veritatem divinam, cui deinceps etiam abiectis omnibus impedimentis subscribere cogatur, licet antea & quidem nuper adeo huic contradix-  
erit. Id cum audiuissem, quæsiui, an velit hanc suam confessionem paucis consignare in eo libello ipso, cumque annuisset, porrex-  
ei calamum, & ita scripsit tum illa suæ confessionis verba, quæ nunc in responsione ad

Illu-

Illustriss. & Clementiss. Electorem nostrum repetiuit, suaque mihi voce, quemadmodum reliqua omnia dictitauit, & vt consignarem suo nomine rogauit, Quæstore nostro præfente, quod diceret, sese per languorem virium animi & corporis id præstare non posse. Petiit etiam denuo, vt postero die redire & audire confessionem suam, ac sacro sanctam Cœnam sibi exhibere vellern. Pollicitus hoc ipsum sub conditione illa, si me curaret vocari, tum quoque ab eo discessi.

Calendis Febr. non sum vocatus, ideoque non accessi, sed audiui ex aliis, quod eo ipso die iactitauit rursum, sese in cœlo esse. Die purificationis Mariæ vocatus denuo post conciones habitas accedo cum Quæstore, & tum rursus pulcherrimam edidit confessionē de sua in Christum fide, quam velit sumptione Cœnæ confirmare, quam primum senserit, se eam ad rem per valetudinem idoneum. Sub vesperam accipit Quæstor Rescriptum illustre, mihiq; quid iuxta illud peragendum sit mandat. Id exequor postero statim die, sed successu non felicissimo, quia ab eo tempore per octiduum hoc mutabilis fuit in omnes propemodum horas, sed tandem tamen eas impetraui rationes, quarum supra memini, & quas quæstor nunc ad Illustrissimum Electorem, vnā cum lictis suis trans-

transmittit. Quod si vero hæ ipsæ satis fecerint Illustrissimæ C. ipsius, habeo de quo gaudeam meo loco. Sin minus R. V. post hanc qualemunque historiæ huius enarrationem conclusionis loco reuerenter & officiose rogatas, volo, vt C. ipsius meam in negotio hoc tam arduo, & difficili excusare infantiam non dedignentur vt aliis magis idoneis & exercitatis inquisitio vltior demandetur, mihi vero perscribatur, an & quomodo ipsi exhibere cœnam Dominicam debeam, si id forte imposterum a me petat. Vbi etiam iudicabunt R. V. alicubi me Stösselio desperabundo respondisse languidius vel frigidius, ac subiicere mihi poterunt, quemadmodum possunt, rectiora ac magis efficacia ad erigendam & consolandam conscientiam ipsius anxiam metu iræ diuinæ ac damnationis æternæ, iterum oro ea, qua debeo, reuerentia, vt V. R. de iis me monere acque instruere salutaribus consiliis non grauentur. Id eo peto diligentius, quo magis vereor ex coniecturis verisimilibus, ex tentationibus supra dictis Stösselium nondum plane esse eluctatum, licet nullam hætenus mihi de iis amplius mouerit disputationem, sed tristis semper & cogitabundus in lectulo recubat, quemadmodum hoc per octiduum quotidie vidimus. Hæc si a R. V. præstita mihi fue-

rint, summo me sibi beneficio deuincient, pro quo gratitudinem sempiternam R. V. polliceor, atque idem mecum facturum certo scio Fratrem meum charissimum D. Paulum. Bene valeant. R. V. cum suis vniuersis. Dabatur Senftenbergæ 8. Febr. ao. 76.

R. V.

Studiosiss.

M. OSWALDVS CRELLIVS.

ibidem Pastor.

Reuerendis & Clarissimis Viris, pietate, virtute & doctrina excellentibus D. D. MARTINO MIRO, & D. M. GEORGIO LISTENIO docentibus Euangelium Domini nostri I. C. incorruptum in aula Illustriss. Ducis Sax. AVGVSTI ELECTORIS &c. Dnis Patronis suis reuerenter & officiose colendis &c.

§. V. In præcedenti Epistola Crellii ad Concionatores Aulicos Dresdenses mentio facta est disputationis, quam Stösselius cum D. Zacharia Starkio habuit: Et huius summam annotauerat Crellius, ex qua Lectori simul apparebit, tantum abesse vt in illo paroxysmo morbi Stössellus tentationes senserit ob violatam fidem in subscriptione Torgensi aut ob defensam sententiam Caluini, vt potius

tius illo adhuc tempore de veritate illius doctrinæ testatus fuerit, & hypocrisim suam præcedentem in aula, qua veritatem illius sententiæ occultauerit, non obscure accusauerit, ac de tyrannide in subscriptione Torgensi adhibita fuerit conquestus. Ita vero retulit, Starckius de disputatione illa:

Salutatus excepit me, gratias egit pro visitatione. Interrogatus de valetudine respondit, se non posse respondere, quia esset in paroxysmo. Interrogatus in quo? Resp. se feбри quartana diu laborasse, & accessisse alia, Symptomata, quibus pene confectus esset. Quæ illa essent? Eluctatus sum, inquit, & iam vici. Nunc sum in coelo, non viuo ego, sed viuit in me Christus, nec ego tecum loquor, sed Sp. S. per verbum Dei. Respondi lætari me toto pectore, & orare Deum optimum maximum, vt eum in vera fide & agnitione sui verbi conseruet. Tunc ipse: *Ja recht.* Cur ergo condemnatis nos? Cur vos Iuris consulti mittitis falcem in messem alienam. *Ja wenn es ein casus wäre in politicis, könnten wir euch zu arbitris und Richtern leyden /* Si ego id facerem & vellem aliquid statuere in casibus sub legibus vestris comprehensis, quomodo exploderer? *Es ist ein fein Ding.* Ego D. D. me personam priuatam, nec condemnasse quempiam, nec etiam

intelligere, de qua condemnatione loqueretur, aut de quo? Respondit vos condemnatis me, & alios Caluinisim, quid mihi cum persona Caluini, vel aliorum. Ego veritatem, verbi diuini approbo, quam approbauit, & ipse Lutherus. Et approbant omnia regna, & ditiones extra has terras, lege consensum, Lutheri & Heluetiorum cum eo in terris, da  
 habt thrs/ leset es/ und iudiciret alsdenn. Sic habes diuinam & humanam autoritatem; Si dicerem: hic habeo sententiam iuris scripti, ibi vero autoritatem alicuius Doctoris, vtra præferenda? Respondi si casus in se certus, non opus responsione, in dubiis nitimur sententiis Præceptorum & Doctorum approbantium veriora. Ille istam sententiam esse fundatam in verbo Dei mille locis, in tomis Lutheri, articulis Torgensibus & consensu cum Heluetis. Respondi, me consensum allegatum non vidisse, in Tomis Lutheri non legisse, quæ cum eius Catechesi pugnarent. Ille cur ergo sumis tibi iudicium de his, cum tantus sis asinus & non sis Theologus & hæc non legeris. Respondi me non Theologum sed Christianum, non mihi in mentem venire, Lutherum alibi contraria catechesi scripsisse. Ille: Catechesin? Quis eam reiicit, sed vos ante ponitis humana diuinis, contra Bucerii & aliorum recte sentientium consensum.



sum: Corpus Christi sumi in Sacramenti fide, & referebat disputationem Sturmii cum Marbachio Argentorati in præsentia Bucerii Crellii & aliorum Ministrorum habitam, in qua Sturmium hæc verba scripsisse recensebat, Carnem Christi esse cibum mentis non ventris. Quam sententiam ab omnibus statim acceptam assererebat & veram: ibi quæsiuit; habuitne Christus verum corpus? Respondi quod sic. Habeo ne ego verum corpus? Respondi: ita, quod hic in lecto iacet; sed ego, inquit, anima sum in coelo. Ergo Christus, und wand sich von mir/ weg pfui Schande / Lutherum non legitis & condemnatis, aut si legisse vultis, reiicitis doctrinalia, & retinetis in quibus pugnat & dimicat cum aduersariis. Ego D. D. sed & tua sententia cum Lutheri & nostra congruit, vt patet ex subscriptione Torgensi. Ille: ja ein fein Ding mit der subscriptione Torgensi, quæ vi & metu est extorta, ihr wisset nicht/ wie man mit uns ist umgangen. Ego: Hoc mihi & aliis ignotum, vine extorta sit, vel sponte facta, hanc primam esse declarationem, quam nunc audirem. Ille: qui credit in filium habet vitam æternam. His habes summam meæ confessionis. Ego nunc non sum amplius Petrus in aula, sed Petrus conuersus, Solt ihn zufrieden lassen/ ob ich was mehr hätte/ wo nicht

so hätte ich meinen Bescheid. Et iussit me aliquoties discedere &c.

§. VI. In sequenti Epistola sollicitat Crel-  
lius responsum ad præcedentes literas ab  
iisdem Concionatoribus Aulicis, & breuiter  
narrat, in quo statu sit adhuc Stösselius.

**S** Cum nullum a V. R. acceperim hætenus  
ad literas meas proximas responsum, &  
tamen hoc ipsum expetam & quam maxime,  
facere non potui, quin paucis R. V. de rebus  
Stösselii edocërem, & easdem denuo per  
Schedulam hanc de responso compellarem,  
cum præsertim audirem, ex aula Illustriss. huc  
in Stösselii causa transmissum equidem, qui  
eo esset rediturus. In spe etiam sum bona  
R. V. in partem id optimam accepturas, id-  
que vt faciant etiam atque etiam peto. Cæ-  
terum ad Illustriss. Electorem nostrum per  
Quæstorem perscribi pleraque nihil dubito,  
ideoque tanto ego ero breuior. Ab eo tem-  
pore, quo suas mihi dictitauit Stösselius re-  
sponsiones, quarum nuper etiam mentionem  
feci, res ipsius semper fere in eodem per-  
manserunt statu. Recumbit enim dies no-  
ctesque in lectulo suo tristis, cogitabundus,  
oculis subinde conuiuentibus dormituri  
similibus, & nunquam tamen dormiens. Nul-  
las plane edit querelas de vilo dolore aut mo-  
lestia vlla, præter potum nihil flagitat a suis, lo-  
qui -

quitur parum, atq; adeo nihil propemodum, nisi quod per quæstiones sæpius iteratas ipsi extorquetur. Quando ipsi propono consolationes Euangelicas cum cohortationibus ad preces pias dicendas, eumque interrogo, an his acquiescat, vel nihil plane respondet, vel certe hæc solummodo, vel alia his similia: utinam possem, faxit clementissimus Deus, ut possem id facere, semel atque iterum his verbis etiam vsus est: Valde vereor, ne nobis illudat Satan. His licet subiiciam, quibus erigi ac confirmari posset ac deberet, de dulcissimis ac verissimis promissionibus, quibus pollicetur, se adfuturum inuocantibus, ac Satanam repressurum, tamen ut plurimum obmutescit prorsus, neque permoueri potest vlllo modo ad verbum vllum perloquendum. Ex iis igitur singulis ac vniuersis colligo, ipsum ex tentationibus nondum esse eluctatum penitus, sed his adhuc torqueri atque cruciari. Quam ob causam mihi opus erit fideli tum auxilio tum consilio, quomodo, quidue cum eo sit agendum, ut ex cribratione ista & tentationibus Satanicis eripiatur. Quemadmodum itaq; nuper feci, peto reuerenter & officiose, ut R. V. suo me responso dignentur, idque prima quaque occasione ad me transmittant, pro eo omni officiorum genere gratitudinem meam declarare studebo potius, quam vobis

eandem pluribus promittere. Bene valeant  
R. V. Dabantur 21. Febr. 1576.

R. V.

Studiofiff

OSWALDVS CRELLIVS.

D. D. MARTINO MIRO, & D. M.  
GEORGIO LISTENIO concionatoribus  
aulicis.

§. VII. Patet ex dictis Stöffelium ob nil mi-  
nus, quam sententiam de coena tentationes  
sensisse. Patet Theologos Aulicos Crellio  
de salute Stöffelii sollicito nil quicquam re-  
spondisse. Idem tamen ad relationem Qua-  
storis curarunt nomine Principis rescribi ad  
hunc, vt Stöffelius corpore & animo ægro-  
tans spiritualiter adhuc torqueretur. Ver-  
ba rescripti sic se habent.

Von Gottes Gnaden/ Augustus  
Herkzog zu Sachsen/ Chur-Fürst ꝛc.

**D**eber getreuer/ Uns ist dein Bericht/  
belangend D. Stößeln / fürgetragen  
worden/ begehren darauf/ du wollest  
dem Pfarrer zu Senfftenberg unsertwegen  
auferlegen und anzeigen/dass er sich förderlich  
zu D. Stößeln verfüge/und ihn erinnere/ver-  
mahne und vorhalte/ weil er aus D. Stößels  
Reden

Reden vermerckt/ daß ihn nunmehr das Gewissen rühret / und er vielleicht seinen Irthum bekennen wolte/so wäre unser Befehl: ich/ er D. Stössel wolte eine Confession vom articul des Heil. Nachtmahls/ darauf er endlich zu beharren vermeynet / stellen und fassen/ und darinnen mit was argumenten und Gründen der Calvinismus zu widerlegen / wohl und ausführlich anzeigen/ und uns dieselbe Schrift durch dich überschicken lassen. Darneben soll ihn auch der Pfarrer sonderlichen befragen/ wie er doch in solchen Irthum gerathen/ wer ihn dazzu gebracht / oder verursacht hätte/ was für Anschläge zur propagation und Fortsetzung solcher Lehre gewesen/ und wie es allenthalben damit ergangen. Was nun D. Stössel darauf aussagen wird/ wolstu den Pfarrer aufschreiben lassen/ und uns darneben mit senden.

Wann sichs auch zutragen sollte / daß D. Stössel in dieser Kranckheit verstürbe/so wolstu die Leiche an einen bequemen Orth wohl verwahrlich hintersetzen/ und was sich für seinen tödlichen Abgang zugetragen / und mit was Bekantniß er verstorben / förderlich berichten/ und dich unsers Befehls schleunig erhohlen.

Da sichs aber mit ihm zu Verbesserung und Gesundheit anlassen und schicken würde/

so wolstu uns gleichfalls verständigen / damit wir uns auf allen Fällen wieder resolui-  
ren mögen. Daran geschicht unsere Mey-  
nung. Datum Anneburg den 30. Jan.  
1576.

S. IIX. Notauit postea Crellius, quid ad  
quæstiones ipsi a Quæstore propositas re-  
sponderit Stösselius. Facile autem quilibet  
homo sanæ mentis iudicare poterit ex præ-  
cedentibus circumstantiis; an probabile sit,  
Stösselium ea, quæ hic respondit, serio sensisse,  
quidque de modo eiusmodi conuersionum,  
a doctrina ac praxi Christi & Apostolorum  
tam alieno iudicandum sit.

## Qv. I.

**M**einer Gnädigsten Herrn / des Chur-  
Fürsten zu Sachsen / Herzogen Augu-  
sti 2c. Befehlich ist / daß ich euch soll  
erinnern / ermahnen und fürhalten / 1. Die-  
weil ich aus bißheriger Handlung vermerck /  
daß euch nunmehr das Gewißen rühre / ob  
ihr euren Irrthum bekennen wolt?

Hierauf antwortet D. Stößel.

Den Calvinismum habe ich zuvor für irrig  
und unrecht erkannt / und bekant / bey sol-  
cher Bekantnis soll und will ich noch blei-  
ben.

## Qv. II.

So ist Ihr. Chur. Fürstl. Gnaden Befehl-  
lich

lich / Ihr D. Stössel sollet eine Confession von Articul des Heil. Nachtmahls stellen und fassen / darauf Ihr endlich zu beharren vermeynet / und darinnen mit was Argumenten und Gründen der Calvinismus zuwiederlegen / wohl und ausführlich anzeigen.

Darauf giebt D. Stössel zur Antwort.

Das erkenne ich mich zu thun schuldig / ich bitte aber unterthänigst / unser Gnädigster Herr / wolle in ietziger meiner Schwachheit mein damit Gnädigst verschonen / und in des begnüget seyn / mit diesem meinem kurzẽ bekäntniß / so ich neulich in die articulos Torgenses auch geschrieben mit diesen Worten : Ich bekenne / daß ich mit Gottes Wort und fleißiger Erinnerung M. Oswaldi wiederum dahin bracht / den Calvinischen Schwarm abzulegen / und der Heil. Schrift D. Luthers, und endlichen der Torgischen Confession von Herzen und beständig / durch Gottes Gnade anzuhängen / die zu lehren und zu predigen / auch darauf zu leben und zu sterben ; Darum ich ihn dann auch um das Hochwürdige Sacrament angelanget.

Zudeme hat er auch hernach dieses zuzusetzen gebethen : Daß er nach Gottes Wort fürnehmlich hierzu bewogen / durch die Schrift

Schriſſten / ſo ich ihm zu leſen geben / darinnen etliche Epistolæ, und inſonderheit D. Pauli Crellii & Wittebergensium quæstio & responsio de verbis Pauli: Nonne panis, quem frangimus, item dux Lutheri Epistolæ verfaſſet ſind.

## Qv. III.

So wollet ihr auch anzeigen/wie ihr doch in ſolchen Irrthum gerathen / wer euch darzu gebracht oder verurſachet habe?

Darauf antwortet D. Stöſſel.

Daß er keine Perſon wiſſe nahmhafftig zu machen/ die ihn darzu gebracht/ oder verurſachet habe / ſondern allein durch fleißig durchleſen derer Bücher Caluini, und Historiarum Anglicarum & Gallicarum und allerley Streit: Schriſſten / ſey er darein gerathen.

## Qv. IV.

Was für Anſchläge zur Propagation und Fortſetzung ſolcher Lehre geweſen/und wie es allenthalben/damit ergangen.

Antwort D. Stöſſels.

Ich bekenne daß Anſchläge zur propagation und Fortſetzung dieſer Lehre geweſen/ kan mich aber nicht erinnern in ſolcher Schwachheit wie es allenthalben damit ergangen.



Als er nun ferner befragt worden / was denn für Rathschläge gewesen / oder von wem sie gehalten? Hat er geantwortet / er wüßte von keiner andern Unterrede / denn das wäre es eigentlich gewesen / nicht ein Rathschlag / die da wären gehalten worden / und da ihrer mehr wären darbey gewesen / denn die / dafür er mir auch zuvor mündlichen Bericht gethan / da D. Cracov, Peucer, und Herman, und er / auf D. Cracovii Guthe bey-sammen gewesen; Darnach seynd er und Peucer des Erzh. Canklers Gäste gewesen auf seinem Guthe / und neben ihnen Damian von Seebottendorff / und da seynd auch Unterrede / die nicht heimlich gewesen / gehalten worden. Er aber Damianus sey darin-nen gangz unschuldig / er habe die Reden als ein Gast angehört / er habe sie aber weder approbiret noch improbiret. Interrogatus rursum, was für Reden dann gefallen? Resp. de eadem materia. Worzu aber? Resp. zu Fortsetzung der Lehre / so in der Grundfeste / und Catechismo Wittebergen-si begriffen ist / weiter wüßte er nichts.

Pro conclusionem hat er mich heißen schreiben: Solches alles hab ich nochmahls auf meines Gnädigsten. Chur. Fürsten und Herrn / Gnädigstes anmahnen auch durch meine Subscription erkannt und bekant / und  
bin

bin entschlossen / durch Gottes Gnade endlich darbey zu verharren

Subscriptit den 8. Febr.

Anno 1576. circa

horam 9.

Joh. Stössel.

§. IX. Vti vero præcedentem Stösseliū responsionem Crellius calamo exceperat, ita subiunctam deprehendimus in Msc. Crellii aliam responsionem seu potius aliam relationem de responsione Stösseliū, verosimiliter ab ipso Quæstore conceptam. Hanc & potissimum ad quæstionem primam, si conferas cum responsione priore, non vnum suboritur dubium, an Crellius in ea omnia bona fide exceperit, vti Stösselius locutus est, & annon potius multa pro lubitu mutauerit, & Stösselium ad eorum subscriptionem adegerit.

I.

**A**uf die erste Frage ist D. Stössels Antwort/ daß er ihme wohl nicht bewußt einiges Irthums / daß er in öffentlichen Predigten etwa seinen Zuhörern sollte verbracht haben/ denn er stetigs bey der Form der Lehre vom Hochwürdigem Nachtmahl blieben/ so in Heil. Schrift/ in denen Schriften

ten Erw. D. Lutheri, und in andern confessionibus, so mit demselben überein kommen/ verfaßet ist. Darneben aber bekenne er/ daß wißentlicher Irrthum bey ihm mit eingerißen/ und solche lusus in religione achte er für große Sünde wider die erste Tafel Göttl. Gesetzes/ ja für eine blasphemiam oder eine Sünde in den Heil. Geist/ welcher wegen er biß daher in den schwehren Anfechtungen von sein selbst Verdamnis und Verwerffung gelegen. Er erkenne aber seinen Irrthum/ wann ihm Gdt Gnade und Gesundheit verleihen würde/ wo und wie er soll reuociren.

## II.

Antwortet er/ daß er sich dasjenige / so von ihm begehrt wird / zuthun schuldig erkenne. Diemeil er aber in ieziger seiner Schwachheit darzu nicht könne kommen/ als sey seine unterthänigste Bitte/ unser Gnädigster Herr der Chur: Fürst. zu Sachsen/ Herzog Augustus, wolle Allergnädigst mit der Confession indes zufrieden seyn/ so an Ihr Chur: Fürstl. Gnaden durch ihn überschickt worden / aus dem Schloß Senfftenberg/ biß ihm der liebe Gdt / wieder zu seiner Gesundheit/ so es sein Gnädiger Wille also/ helffe/ und er seine Bibliothecam bey einander haben möge/ alsdenn wolle er thun/ was

was der barmherzige Gott / durch sein Gnade geben und bescheren wird.

Zu deme hat er gebethen/ die kurze Confession, so er neulich in die articulos Torgenses geschrieben / unserm Gnädigsten Herrn zuzuschicken.

### III.

Auf das Dritte/ antwortet er/ daß er keine Person wiße nahmhafftig zu machen. Er sey aber in die Sachen kommen/ dadurch/ daß er mit Fleiß gelesen/ und ihme gefallen lassen die Schrifften Caluini und Historien derer/ so in Engeland und Franckreich/ ob der Lehre Bekänntnis ihr Blut vergossen haben / und sie darmit bestätiget

### IV.

Auf das Vierdte antwortet er/ daß er von keinen schriftlichen Anschlägen oder Rathschlägen wiße / so da solten zur propagation des Calvinismi seyn gestellet worden. Colloquia seynd es gewesen/ und sonderlich seynd D. Craco und Peucer und er einmahl auf D. Cracovii Guthe bey einander gewesen / und haben sich alda mit einander unterredet/ daß man hinfort die Lehre/ als die Wahrheit öffentlich bekennen soll. Daß also von Sacrament zu lehren / daß die beyde Naturen in Christo unzertrennet bleiben / und daß der ubiquitati carnis gesteuert werde.

§. X. Sed nec ipsa Stösselii vxor a tortura illa spiritali fuit immunis. Cum enim & ipsa adhuc viuente marito ægrotare inciperet, (vti & post eius mortem mox & ipsa mortua est) voluerunt & hic Inquisitores Saxonici vigilare, ne & hæc muliercula in libertate conscientiae relinqueretur. Quare curarunt, vt Superintendens Hainensis ea de re ad Crellium scriberet :

Dem Ehrwürdigen und Wohlgelahrten  
Herrn M. OSWALDO CRELLIO,  
Pfarrern zu Senfftenberg/  
Meinem besondern und günstigen  
Freunde.

**E**hrwürdiger Hr. Pfarrer / guter  
Freund / auf euer an mich gethanes  
Schreiben / ist diß mein Rath und Bes  
denken / daß ihr folgende Artickel / der D.  
Stößelin Amtshalben / und zu Reinigung  
eures Gewissens ernstlich vorhaltet.

## I.

Ob sie bekenne und gläube / daß im Nachts  
mahl des Herrn Christi allhier auf Erden /  
mit Brod und Wein wahrhaftig und ge  
genwärtig der Leib und Blut Christi ( doch  
menschlicher Vernunft unbegreiflicher  
Weise) vermöge und lauts des Worts des  
Herrn Christi ic. zu essen und zu trincken üs

(5)

Q

ber.

berreicht / gegeben / empfangen und genossen werde.

## II.

Daß im Abendmahl nicht allein ein geistliches Essen sey / sondern neben dem Geistl. eigentlich auch das leibliche und mündliche Essen verordnet.

## III.

Wann dieses geschehen / und solches hertzlich bekennet und glaubet / solt ihr sie hierauf Beichte hören / und nach Anhörung derselben / doch vor Empfangung des Herrn Nachtmahls / alsbald incontinenti einen aus euren Diaconis zu euch ziehen / und mehr gemelte articuli in eurer beyderseit Gegenwart anderweit erneuern / und wo sie diß noch also bekennet und glaubet / hierauf nach ihrem Begehren die Hochwürdigen Sacrament mit zu theilen / zu der Erden zu bestätigen / und auf ihr Bekänntniß und Verlesung dieser articuln von öffentlicher Cankel eine Christliche Leichpredigt euer Gefallens zuthun nicht unterlassen.

## IV.

Wo aber in dieser Erforschung etwas anders / oder in ihrer gethanen Beichte unserer Kirchen / wahrer Religion und Bekänntniß hochschädlich und nachtheilig / und euch ein Gewissen machend / vorfallen möchte / wollet ihr

ih

ihre in dießem dem Consistorio ferner Bericht  
 zuthun in keines Weges unterlassen / wel-  
 ches ich euch zu ferner Nachrichtung / auf eu-  
 er Schreiben nicht zu verhalten gewußt. Da-  
 rum Eilend vom Hain Dienstag nach Palma-  
 rum im Jahr 76. 11.

M. IOHAN. CORNICÆLIVS,  
 Superintendens daselbsten.

§. XI. Tandem Crellius ad fratrem suum  
 Epistolam scripsit, in qua ei narrat, figmenta  
 esse quæ iam tum temporis maleuoli & scio-  
 li de desperatione Stösselii finxerint, vbi & si-  
 mul de morte vxoris eius testatur.

**N**ihil est Reuerende & charissime frater,,  
 quod cupiam præstare magis, quam hoc  
 ipsum, quod tu Sororii nostri nomine a me  
 flagitas, si vllò id modo commode fieri posset,  
 idque non tantum propter eam, qua inuicem  
 coniuncti sumus, necessitudinem, sed & cum  
 primis propter filiolum charissimum, qui est  
 in vicinia vestra apud auiam, & propter col-  
 loquia, in quibus excusari possem. Verum,  
 cum nec per valetudinem, nec per vocatio-  
 nis officia id hoc tempore fieri possit, vt & me  
 excusatum habeas, tuo loco & nostris reli-  
 quis excules, etiam atque etiam peto. Vbi  
 vero per ea, quæ nunc mihi obstant, impedi-

mentalicuerit, quam primum, ut volente Deo conueniamus, opera a me dabitur. Et tunc eodem iuante colloquemur de reliquis Epistolæ tuæ postremæ particulis, ad quas in præsentia non respondeo.

De Stösselio & si non scribo libenter, tamen paucis nunc historiolum eius ex hac vita migrationis commemorabo. Tu in partem optimam eandem accipies. Quæ vero magis de se ipso sparguntur *duo* *scilicet* quidam fieri scio, non ex communi tantum fama, sed ex quorundam literis ad me missis, eo magis ego demiror autorum, qui talia spargunt, audaciam & temeritatem, qui in rebus ignotis non verentur non tantum pronunciare multa, sed & confingere plurima. Qua vero id faciant fronte, ipsi viderint. Ego per totum id tempus, quo decubuit Stösselius, cum coniuge, non tantum quotidie, sed & in mortis agone utriusque adfui, & tamen pro certo affirmare nec volo, nec possum, quo fine vitam in terris suam ipse Stösselius clausit, propterea quod Dominica Reminiscere, postquam hora noctis 12, de improviso expirauit, nullum neque mecum, neque cum ullo alio commutauit verbum, licet, quæ dicerentur, audiret & intelligeret. Vigilia vero prædictæ Dominicæ nouissima, quæ ex ipso audiui verba, fuerunt hæc: Ah ego vere misere affligor,  
per



per Satanam, quem admodū filia Cananæa. Ad hæc cum responderē, debere ipsū etiam cum Cananæa precari: miserere mei, fili Dauid, subiiciebat verbis germanicis: ja ich hab auch wohl verdienet, meis magnis & multiplicibus peccatis. Respondi rursus, Domine D. cum id fatearis, debes etiam in seria poenitentia tuorum peccatorum quærere & petere, remissionem. Tum vero ipse confessionem huiusmodi, ordiebatur: Tibi omnipotens Deus confiteor omnia peccata mea, & præfertim illa atrocia. Hic hæsitans aliquandiu interrogatus a me, quænam essent atrocia illa peccata, quibus tantopere angeretur atque excrucietur, respondit: illa ipsa, de quibus antea sæpe differui, & subiecit: Tibi Domine tribuo laudem iustitiæ, sed & misericordiæ laudem tribueret ac statueret certo eundem sibi quoque propitiū fore, per ac propter vnicū propitiatorem ac Saluatorem nostrum Iesum Christum, qui esset agnus Dei tollens seu gestans peccata mundi, & an id faceret, interrogaui? Respondit ad hæc vnicā voce: omnino. Ego porro ipsum admonui, vt sibi in memoriam reuocaret dulcissimum Iohannis dictum: Sanguis Iesu Christi purgat nos ab omni peccato: & Augustini illud, quod ex priore desumptum videtur: totius fiduciæ nostræ certitudo est in

pretioso sanguine Christi. Ad hæc ipse subito porrecta manu sua, in hæc erupit verba. Sit ergo, sit ergo. Et tunc mihi gratias agere coepit, pro assidua, qua ipsi præsto fuisset in morbo hac visitatione. Estque me hortatus, ut rationem etiam haberem auditorum meorum, & tempus eius diei reliquum tribuerem meditationi concionis postero die habenda.

Ego cum operam meam qualemcunque ipsi denuo obtulisset, ipse vero eadem tum, uti noluisse amplius, ita ab ipso sum digressus. Ac nullum postea verbum ex illo audiui ulterius, licet per totum diem sequentem sæpius ego consolationis causa plurima ad ipsum verba fecerim, quibus tamen interdum annuit. Ex his igitur quid colligi possit aut debeat, tu ipse iudicabis rectius, atque ego scribere possum. Ego si in confessionis superpositæ cogitatione, quam ipsi ante obitum sæpius in memoriam reuocavi, exspirauit, quin sine felici clausisset vitam, nihil dubitabo. Contrarium affirmare nec volo, nec possum, sed si in dubium ipsius migratio vocetur, Dei ipsum iudicio relinquere, quam ausu temerario in re incerta certi aliquid pronunciaré, aut spargere malo. Idem & de coniuge ipsius meum est iudicium. Sed rectius omnia exponere potero coram. Deo ergo clementissimo

tissimo te cum Tuis vniuersis in præsentia commendo, eumque toto pectore oro, vt te & reliquos omnes, qui ad deliberationes publicas adhibebuntur, Spiritu sancto regat & gubernet, & faxit, vt decernantur, quæ pertinent ad gloriam Dei, ad veritatis conseruationem, ad Ecclesiæ pacificationem ac tranquillitatem & ad animarum nostrarum salutem. Amen. Dabantur Senftenbergæ 21. Maii. Anno 1576.

## OBSERVATIO VIII. SVSPICIONES DEFECTVVM IVDI- CII HISTORICI

### SYNOPSIS.

§. I. **O**ccasione Zabiorum, ἀντιστοιχίας in historia exempla succurrerunt. §. II. Profer-  
tur e Spencero mentio & descriptio Zabiorum.  
§. III. Nomen petitur ex Alcorano... §. IV. Cuius  
textus adducitur. §. V. Dubia circa descriptionem.  
§. VI. Casaubono & Hottingero nata. §. VII. Spen-  
cerus reiicit aliquot Etymologias. §. VIII. Reten-  
ta Scaligeri, §. IX. & confirmata. §. X. Ita  
sunt Chaldaei famoso sensu, idolo- & astro-latæ.  
§. XI. Quo respectu minus errasse videtur Poco-  
ckius. §. XII. Quam falli Spencerus. §. XIII. Ad  
minimum in subsumendo. §. XIV. Post nomen e  
Mahomede, adducitur Idololatria e Maimonide.  
§. XV. De a suppositio Spenceri, §. XVI. eiusque

*sensus §. XVII. Perplexus §. XVIII. iterum mon-*  
*stratus. §. XIX. Mahomet admonet Zabios sua*  
*Religioni. §. XX. Quae cultus Idololatricos abo-*  
*minatur. §. XXI. Imo pollicetur Zabiis beati-*  
*tudinem: §. XXII. Non videtur hoc facere sensu*  
*Hypothetico. §. XXIII. Confirmantibus rationibus,*  
*luculentis. §. XXIV. & Mosi in plerisque. §.*  
*XXV. Idololatrias non debuisset inusitato nomine*  
*appellare. §. XXVI. Subest aliqua Zabiorum si-*  
*mitudo cum ante dictis: §. XXVII. Sabai. Re-*  
*gina Scheba subditi, §. XXVIII. Zabii Mahometis*  
*Iudäizantes videntur. §. XXIX. Vnde Bidavius*  
*aberrasse videtur. §. XXX. Sabaeos Arabes pu-*  
*tat Reuchlinus. §. XXXI. Quod videtur con-*  
*tra historiam Eunuchi. §. XXXII. Historiam A-*  
*byssinae Regum, & Sigilli eorum Symbolum. §.*  
*XXXIII. Fama migrationis Arabum in Abyssinam.*  
*§. XXXIV. Iudeorum ingens populus quondam in*  
*Abyssina: §. XXXV. Vnde confirmamur, Mabo-*  
*metis Zabios tales Sabaeos fuisse. §. XXXVI. An*  
*Carthaginenses in Americam nauigare potuerint.*  
*§. XXXVII. Quod nauium intuitu hoc facere*  
*potuerint. §. XXXVIII. Etiam sine Magnetis usu. §.*  
*XXXIX. Alimentorum penuriam ἀνθρωποφάγισ*  
*subleuatam fuisse. §. XL. Et propter hanc in il-*  
*la regione etiam verissimiliter mansisse. §. XLI. An*  
*Nigri America ex Africa eo peruenerint. §.*  
*XLII. Vti memoriali adhuc tempore factum, cur*  
*non & immemoriali. §. XLIII. Americam fuisse*

*Insulam de qua Diodorus Siculus narrat. §. XLIV. Rudbeckii explicatio huius de Suecia. §. XLV. Causa prohibitionis Carthaginensium, emigratio, & perfugium: §. XLVI. XLVII. Non quadrant in Sueciam. §. XLVIII. Mollihus populis praoptanda morti: §. XLIX. aut graui exilio similiorem: §. L. Operosa criseos Vosii resolutio.*

§. I.

**C**UIN nuper acutissimi Spencers, de Legibus Ritualibus Hebræorum, locum de *Zabius* (quos *Rodericus a Castro*, Medicus Iudæus, in Lib. de Affe. Mull. *Zabaos*, vocat: a quo forte adhuc est *Franconica* vox *Zaberer*/vulgo *Zauberer*/) copiose & ingeniose deductum euoluere; simulque e *Lexico Hebræo antiquo*, quod forte ad manus erat, *Iohanni Reuchlini*, vocem *Seba* סבא inspicerem: inueni ibi notas aliquas, quæ videbantur *Historie*, quam illustrare debebant, ita minus satisfacere, vt potius vel ex illa ipsa, diuersum elici posse, non leuis sit suspicio. Cuius quidem rei cum varia hinc inde occurrant exempla, nempe *Historiarum auiſoſinōs* explicatarum, in mentem venit, pauculas eius generis obseruationes proferre, vbi modo *appellationum*, modo *circumſtantiarum* difficiliore suppositione, minus

Q

suf-

sufficienter probatum apparet, quod omni modo probandum incumberebat.

§. II. Placet interim ex ipso *Spencero*, quia liber non est in omnium manibus, paucis & breuiter apponere, quid de *Zabiorum* gente sentiat. Notat I. fuisse gentem, religionibus, siue *superstitiosis ritibus* addictissimam: II. quos quidem ritus longe lateque *diffeminauerit*: III. Quibus *DEVS T.O.M.* multos ritus in *lege Ceremoniali* propterea directe opposuisse videatur, ut populum suum, ab istorum populorum inauspicatis cultibus, auerteret. IV. Quæ omnia, ut vero tanto similia, imo euidentiora reddat, inquit in *originem atque veram stirpem Zabiorum*.

§. III. *Nomen* autem *Zabiorum*, producit primo, & veluti pro fundamento suarum disquisitionum, e *Mahumedis Corano*, si recte rem æstimemus. Reuera enim omnes, qui de veriore huius nominis significato solliciti adducuntur, ex *Arabica* lingua illud arcessunt, in qua quicquid mentione fecerit, *primus*, ætatis ratione, sine dubio est *Mahomet*.

§. IV. Locus princeps, ubi *Zabiorum* mentionem facit, quia alicui meæ coniecturæ subseruit, addendus mihi videtur; Est vero *Surate II. vers. 59. Enimuero qui credunt*, (scil. *Mahumedis doctrinæ*) *item qui Iudei sunt*, aut *Christiani*, (*Ryer interpretatur, Samaritani*) aut *Zabii*

*Zabii, quisque crediderit, in DEUM & diem no-*  
*visimum, feceritque probitatem, sua utique mer-*  
*ces ipsis est apud Dominum suum, nec timor*  
*imminet illis, nec tristitia experientur;* Eadem  
 prorsus repetit *Surat. V. 37.*

§. V. Nervus allegationis e *Muhamede*, in  
 eo consistit, quod nomen, de quo agitur,  
 scribitur per literam *Elif, Arabum*, quæ *Tjadd*,  
 Hebræorum respondet: E qua re duo na-  
 scuntur dubia 1) quod hac ratione non com-  
 mode, cum *Hebræa* originis notò aliquo, *genti*  
*proprio nomine* concordiam subire possit;  
 2) sed potius videatur, magis *appellativa* qua-  
 dam significatione, peculiarem talis gentis con-  
 ditionem denotare, qua ab aliis distingui pos-  
 sit.

§. VI. Quod prius attinet; *Casaubonus*, in  
 Epistol. 223. *Zabios* esse *Sabæos* non putat,  
 quia Hebræorum סבאים per *ו* offerat-  
 ur, non per *ז* aut *ז*. Vbi, licet *Hottingerus*,  
*Histor. Orient. Lib. cap. 8.* putet, per ignoran-  
 tiam *Muhamedis* hoc factum esse, ut literas im-  
 perite permutaret; Opponit tamen *Noster*  
 encomium *Arabum* commune de *Corano*,  
 quod admodum eleganter, (adeoque maxi-  
 ma linguæ peritia) exaratus sit.

§. VII. Placuit itaque Autori nostro al-  
 tera sententia, quod nempe magis *appellativo*  
 quodam significatū, genti huic impositum  
 sit

fit hoc nomen. Quo intuitu reiecit (a) *Sabaestani* Arabis Etymologiam, (adductam e *Pocockio Not. in Specim. Hist. Arab. p. 138.*) a *Tzaba*, amare, propendere, desiderare, e *Synorum* lingua, e quibus fortasse *Tzabii* in *Arabiam* transferint. Præterit (b) Derivationem, a *Tsaba*, *Exiit*, *deflexit*, *religionem deseruit*, a qua *Bidamas*, celebris *Alcorani* Interpret, *Zabiorum* ibi memoratorum nomen, deducit, quod a Deo vero ad *Idola* deflexerint: Quo ipso intuitu, *Ebnol. Athir* (ap. *Pocock l. 2.*) ipsum *Mohamedem Sabium* dictum fuisse affirmat: Et hodieque *Balsarenfes* Christiani, vulgo *Christiani S. Johannis*, *Sabbi* dicantur, quod nomen iuxta *Huetiam*, *Demonst. Euang. Prop. 4. c. 4. §. 2.* antiquarum religionum per duellibus & transfugis, tribui soleat.

§. VIII. Eligit autem *Scaligeri* assertionem, ex *Epist. L. I. Epist. 62.* ubi ita loquitur: *De Zabitis, scito esse Chaldaeos, צבאים, Arabice Tzabin, a Vento Apeliote sic dictos, quasi dicas ORIENTALES.*

§. IX. Confirmat hanc sententiam argumentis sequentibus, 1.) quod ritus a *Zabitis* (iuxta *R. Maimonidem*) observari soliti, & *Israëlitis* interdicti, olim magnam partem *Chaldaicæ* superstitionis constituerint. 2.) quod *Chaldaei* *Coloniis*, *victoriis*, ritibus suis omnia impleverint. 3.) Quod *Maimonides*

te-



testetur, Abrahamum educatum fuisse in religione Zabiorum: De quo Scriptura dicit, quod inter Chaldæos natus, & adultus sit. 4.) Quod Autores Arabes, quibus de *Zabiorum* secta sit sermo, idem ita explicent; vbi *Achmetus*, librum expresse de *Zabiorum* religione scriptum, inscribit: *De negotio rituum Charraneorum, Chaldeorum, qui Zabæorum nomine vulgo noti sunt.* Et *Galius*, Not. in *Alferg.* p. 251. referat, Haranitam sæpe vsurpari solere pro *Sabita*, qui sit cultor stellarum. Et *Gregor. Abul-Pharaius histgr. Dynast. d. 9. p. 281.* Illud, quod apud nos constat de Secta *Zabiorum*, est, professionem eorum eandem prorsus esse cum Chaldæorum antiquorum religionem. R. Abrabanel librum *Zabiorum* de Agricultura vocat librum Orientalem. vid. *Huet. Dem. Evang. p. 61.*

§. X. Concludit ex hisce tandem *Spencerus*, quod *Zabiorum* nomine, probabilissime veniant, non quidem soli Chaldæi, quæ *Scaligeri* sit sententia, sed omnes, cultus atque rituum illorum asseclæ: Non aliter, quam olim apud *Asiaticos*, (imo vero etiam *Romanos*) genethliaci atque fatidici, & generaliter hoc nomine *Chaldeorum* venerint: & hodie apud Europæos vaga illa & impia gens, *Zingarorum, Egyptiorum, Tartaxorum*, appellationibus veniat, quamvis vix quisquam harum gentium inter ipsos forte versetur. XI.

§. XI. Quo tamen intuitu, non satis capio, cur aspernetur suspicionem *Pocockii* l. *all.* in-  
 quientis: *Si instituta eorum perpenderit, non longe petitam videbitur nomen, si a voce Hebr.*  
*עָצָר*, exercitum denotante dictos putemus; quasi  
*עָצָר עָלֵינוּ* *עָצָר* exercitus calorum cultores. Pu-  
 tat hic noster, hanc coniecturam minus feli-  
 citer factam esse, propterea; quia cultus hic  
*Zabii* cum omnibus Idololatriis sit com-  
 munis.

§. XII. Vbi profecto ego hoc in me non  
 susciperem probare. Sicut enim *Chaldei* pri-  
 mi & præcipui *uniuersæ Astronomiæ* atque *A-*  
*strologiæ* cultores vulgo habentur; Ita apud  
 quemquam vnum alium populum, *uniuersi*  
*exercitus Calorum*; siue *astrorum*, aliquem hono-  
 rem, nedum cultum, fuisse, ex historiis pro-  
 bari posse, admodum diffido. *Solis* enim, *Lu-*  
*na*, *Ignis*, *Diuinitatem*, imo *Deorum* sub illis 7.  
*planetis* habitantium religionem, quum longe  
 ab *Exercitus Calorum* cultu distare, res ipsa lo-  
 quatur, superuacaneum esset indicare. Tanto  
 magis cum probabilissimam sit, alias *postero-*  
*res* gentes applicuisse potius demum *Astrolo-*  
*gicis* opinionibus, suorum *Idolorum* nomina  
 atque dignitatem: nisi forte ipsorum *Chal-*  
*dæorum* aut *Zabiorum* hæc fuerit inuentio; di-  
 vulgandi reliqui sui dogmatis; quemadmo-  
 dum occasionem talem ipsum *Diuum Paulum*  
 ab

ab ara *incogniti DEI*, sumfisse, notum est.

§. XIII. Rectius autem forte difficultas poneretur in ipsa, non *cultus*, sed *vocis* ambiguitate; an videlicet vox *NDY* apud Hebræos ita familiariter pro Cœlorum siue *Astrorum exercitu* vsurpetur, ut ab eius etiam *absoluta* acceptione, denominatio talis satis significanter formari potuerit. Quamvis enim in sacris literis vix ea semper ubi de cœlorum exercitu sermo fit, vox Zabai vsurpetur; nusquam tamen absolute pro hoc significato posita occurrit; sed potius hinc inde, absolute posita, vulgarem exercitum designare animaduertitur,

§. XIV. Postquam autem Autor noster, huic genti *nomen & originem* Orientalem & Chaldæam, ex *Arabismo* asseruit, eoque nomine plurimum adiutus est *Mabumedis* interpretum consensu; Progreditur hinc ad *ritus* illorum *Idololatricos*, ex *Maimonidis* cumprimis sententia docendos.

§. XV. Exequitur hoc non infelicitè; Sed nescio quid *duri* inferat, cap. huius I. Sect. II. Vbi monet, quod verisimile sit, *nomen* huius *Idololatriæ*, (aut sane eius rituum æmulæ atque tenacis) gentis, hætenus operose tractatum *non ante tempora Mabumedis vsitatum fuisse*. Imo ab ipso *Mahomete* demum *hoc sensu* vsurpatum. Vt quemadmodum vulgo in

S.

S. Scripturis *Syri, Persæ, Chaldaei, Arabes*, vocentur בני קדם, *filii Orientis*: Ita ipse etiam hos Idololatrias vocabulo *Tsabin*, i. e. *Orientales* insigniuerit.

§. XVI. Enimvero, sic ex omnibus ita operose prolatis, oriretur hic sensus. Fuit ab omni ævo gens *Idololatrica* peruersis & vanis multis ritibus indulgens; Hæc a *Chaldeis* orta, in magnam partem orbis diffusa est: Abundauit quoque tempore exitus gentis *Israëlitica* ex *Ægypto*, tanto numero, & peruulgato perueriæ religionis usu, vt DEVS plerasque Leges, populo suo iniunctas, huius nefastæ superstitionis ritibus opponere, necessarium duxerit: Qua ratione gens quidem *Israëlitica*, ab ipsis hiis gentilibus *Idololatricis*, discreta atque separata fuit: Obsedit tamen impia illorum Doctrina, totum reliquum *Orientis* tractum: Et quidem ad *Mahometis* usque tempora, ultra duo millia annorum: Vnde hic, *Idololatrias* hos (vel quia maximam *Orientis* partem constituebant, vel quia ex *Orientali Chaldaica* disciplina originem suorum abusu habebant:) *Tsabin, Zabios, Orientales* seu *filios Orientis*, appellare, non inconueniens duxit.

§. XVII. Hanc sane vltimam, de *Mahomete*, collectionem, non video, quomodo cum ipsa re, nempe *Mahometis* de *Zabiis* iudicio, conciliare vilo modo liceat.

§. XVIII

§. XVIII. Rabbi *Ben Maimon*, & alii quidam, illum forte secuti, faciunt mentionem populorum quorundam, qui & cultus *Idololatricos* seruauerint, & *libros* plane de illis scripserint. Hos aiunt viguisse, & longe lateque religionem suam tenuisse, ante tempora *Israël*: Adeoque ut *Israël* ab horum abominationibus liber maneret, datas ipsi esse *Leges postiuas*, traditionibus atque institutis istarum gentium e diametro oppositas. Sint hæc omnia ita, modo probari possint. Populos hos vocant prædicti Autores, *Zabios*: Faciant sane; sed reddant *nominis* vel *rationem*, vel *autoritatem* siue fidem Historicam. Rationem reddere non possunt; quia utique *Hebræi* omnes, in sua lingua nihil habent, quod huc quadret: Ergo proferunt *Arabicam*. Sed hac ipsa *Autoritatem*; & quidem *Mahumedis* in *Alcorano*.

§. XIX. Ego vero puto hanc *Autoritatem* nihil probare posse, quandoquidem *Mahomet*, in allegato (supra §. IV.) loco, tantum abest ut voce seu nomine *Zabiorum* gentes eiusmodi *Idololatricas*, & pessimæ circa religionem notæ, indigitare appareat, propter quas etiam ipsa *Lex Iudaica*, quasi κατ' ἀντίθεσιν, instituta videatur: ut potius hos suos *Zabios*, & *Iudeis*, & *Christianis*, (vel sit ita, iuxta *Ryerum*, *Samaritanis*,) iungat atque compareret: Et ipsis

*Islamismum* suum immediate professis, æquare non dubitet: Et quidem in illo tertio, quod credant in *DEVVM*, & diem nouissimum, & faciant probitatem.

§. XX. Certe enim ipse *Mabomet*, nequaquam probavit institutis suis, vel *Astrologiam* vel *Magiam*, vel ritus superstitiosos, per imagines vel cultum plurium *Deorum*, vel *Divinarum potestatum* λατρείας, vel εἰδωλοθρησκείας quas-cunque circa creaturas, quæ omnia *Zabii* illis, a *Maimonide*, & sequacibus, tribuuntur. Imò prohibuit talia pleraque, atque detestatus est.

§. XXI. *Zabii* vero, ita cum suis ipsius sequacibus, æque ac *Iudeis*, atque *Christianis*, copulat, ut illis etiam mercedem a Domino; (uno utique illo, communi, in quem credant,) & securitatem in die nouissimo, ab omni tristitia atque dolore polliceatur.

§. XXII. Sed prævideo propemodum, quid hic moneri possit. Voluit fortasse *Mabomet* hac ipsa diuersarum talium Religionum mentione (sensu *Maimonidis* supra citato) ita uti, ut populis, quantumcunque inter se religione disidentibus, hanc veluti *universalem* & communem viam ad cœlestia gaudia perueniendi commendaret: Sicuti sanctioris Evangelii Testis atque Minister *D. Paulus*, *Galat. III. p. 28. & cap. V. 6. cap. VI. 15. Colos. III. v. 11.* ubi reuera oppositis ex hypothese, *Circum-*  
*cisioni*

*cisioni & praputio*, eandem vnam salutem pollicetur in *Christo Salvatore* : Et *Hippocrates*, *Prognosticis* circa finem : *Signa* ( de quibus toto libro loquitur ) & in *Lybia*, & in *Delo*, & in *Scythia*, vera deprehensum iri, asseverat, i. e. *locis*, medio, imo *toto celo* diffitis.

§. XXIII. At vero, quemadmodum hæc ratio, si nulla verisimilior suppeteret, tolerari forte posset ; Ita cum luculenta explicatio in contrarium ad manus esse videatur, non possumus ita facile huic obiectioni assentiri.

§. XXIV. *Primo* enim, *Mahometem*, *Judaismum* atque *Christianismum*, non considerasse, uti *Sectas e Diametro* inter se pugnantes, monstrat satis proprium ipsius de *Salvatore iudicium*, utpote quem utique *Magnum Prophetam*, eiusque *Euangelium* ad æternam salutem *certissimam semitam* fuisse, multis locis affirmet ; & culpam in solos homines coniiciat, qui *Euangelio* non obediētes, hoc ipso beatæ illius vitæ spe atque hæreditate excidant.

§. XXV. Tanto minus *secundo* contradistinguit suam ipsius novam *Legem Iudaicæ*, aut, si *scopum* atque *promissionem* ; imo ( iuxta ipsius intellectum ) viam quoque seu *media* consideres post *fidem* in *DEVM* nempe *bona opera*, ipsi *Euangelio* : Ut hinc ad *Idololatrias* flagrantissimos transitum facere, eosque merito in hunc censum adsciscere debeat.

§. XXVI. Aut, si hoc facere vellet, *tertio*, non haberet utique opus, affectato, & *instituto* de reliquo illo, *vocabulo*, *filios orientis* seu *Orientales*, ut eximios Idololatrias, allegare censui suo; cum notissimos tunc temporis *paganos* utique *meridiei* potius, aut *septentrionis* filios, citare potuisset.

§. XXVII. Econtra, *quarto*, cum *Iudeos*, atque *Christianos* (imprimis *Arianos*) Secta sua propria ita sequeretur, ut ex *utrisque* his Dogmatibus, vnum aliquod *tertium* conflasse, & quidem ope *Iudei* cuiusdam, & *Monachi Arriani*, communis ferat traditio: Maxime probabile videtur, quod *Zabii* illi, quos nominat, neque ipsi ab his religionibus ita longissime abfuerint.

§. XXVIII. Quod ipsum *quinto*, confirmari utique videtur e consideratione *Sabaorum*; Gentis videlicet, cuius Regina *Salomonem* adiisse legitur i. Reg. X. Regina *Sheba*, quod Lutherus vertit, *Röniqin aus Reich Arabien*. Saluator vocat βασιλισσαν νότα; Puto significanter: Reginam nempe *meridiei* seu potissimæ *plagæ meridiane*: Non a *plaga meridiana*, aut alicubi solum versus illam *plagam*, regnantem. Quam utique Reginam, cultus *Iudaici* aliqua initia in regnum suum transtulisse, ex historiis tam antiquioribus, quam



quam ad ipsa hodierna tempora continuatis, credi posse apparet. De quo mox.

§. XXIX. Sane vero, cum Mahomet de *Zabii* hic loquatur, ut de talibus, qui in *Deum* & *diem nouissimam* credant; *Deum* utique quem ipse quoque credit: Quem *Iudei*, quem *Christiani* credunt: *His Zabii*, ita credentibus, mercedem ab illo Deo, & ablationem omnis timoris ac doloris promittat: Euidens sane hinc esse arbitror, quod hi, de quibus Mahomet loquitur, *Zabii*, minime fuerint illi, qui aliis sub hoc nomine innotuisse potuerunt, *Idololatrae*.

§. XXX. Vnde quidem tanto magis in hoc aberrasse videtur *Bitaninus*, quod dum *Coranum* interpretatur, *Zabios* ibi memoratos cum alteris illis suppositis *Idololatricis* in vnam eandemque tribum coniiciat: Nempe satis euidenter, quantum mihi quidem apparet, contra sensum *textus*.

§. XXXI. Quod autem illi *Zabii*, quos conuenientia aliqua cum *Iudeis*, *Christianis*, imo *Mahometanis*, (ab *Idololatria* adeo alienis, ut etiam nullum simulacrum ferant) Mahometi tolerabiles *Sabei* fuerint; Nempe Reginae illius *Sheba* subditi, *Iudaicis* initiis imbuti, meridiei incolæ & probabilissime ipsi hodierni *Abyssini*. Dubitat quidem maximopere, *Reuchlinus* in *Lexico Hebræo*; Imo decernit

contrarium: Adeoque taxat *Hieronymum*, quod non distinguat inter *Sheba*, & *Seba*: quarum priorem *Arabia*, posteriorem *Æthiopia* regionem facit: Et ita iudicat, Reginam, *Sheba*, *Salomonis* hospitem, ex *Arabia* aduenisse, non ex intimiora *Africa* siue *Æthiopia*.

§. XXXII. Videtur autem contra *Reuchlinum* hic stare *Historia*, duplici documento. Primo quod *Aetor* 8. memoretur *Eunuchus*, *Æthiops*, *Dynasta* *Regine* *Æthiopum*, qui venerat, adorare in *Ierusalem*, & legebat *Iesaiam* Prophetam. Quæ omnino manifestum faciunt, quod *iudaica* religioni addictus fuerit: Probabile vero reddunt, cum dicatur fuisse *prepositus* *Gazarum* *Regine*, quod etiam *ipsius* huius nomine, aliquod donum templo obtulerit. *Æthiopem* vero, in dubio significatu gentis, fuisse, iuxta cum vi nominis, docet etiam iter *Gazam* versus institutum; A qua longe diuertere debuisset, si *Arabiam* felicem niger *Arabs*, petere necesse habuisset. Sicut reuera *Arabia felix* vrbi *Hierosolymæ* longe orientior, quam vere meridionalis existit.

§. XXXIII. Secundo monstrat hoc & confirmat constans ipsorum *Abyssinorum* traditio, quod utique sua fuerit illa Regina; Cuius reilatus adducta historia habetur in *Ludolphi Hist. Æthiop. Lib. II. cap. 3.* Quod etiam hinc translatum apparet in titulum Regum huius gen-

gentis, vt sese appellent *filios David & Salomonis*. Quem, quamuis in dubium adducat, & fictionis suspectum habeat *Ludolphus*; Non abludit tamen ab illa *traditione*, cuius summam non in suspicionem vocat. Imò videtur confirmari *sigillo* Regum horum, quod constituit *Leo crucem tenens*, cum inscriptione *Leonis de tribu Iuda*: Quod pariter utique quadrat ad hanc traditionem de ortu horum Regum, e tribu *Iuda*, per *Salomonem*.

§. XXXIV. Laborat autem *Excell. Ludolphus* hæc inter se conciliare, per nescio quā famam an firmani magis historiam, *migrationis Sabæorum Arabia in Abyssinam*. Tandem tamen iudicium suum suspendit.

§. XXXV. Sane vero *Iudeos* non solum in hisce regnis fuisse, sed ita abundasse, vt multas & amplas regiones tenuerint, imò suo iure ibidem vixerint, fidem facit ipse *Ludolphus*. Qui quidem, quomodo tanto numero eo peruenerint, tantas regiones occupauerint, *suis iuribus* relictis sint, inter *Æthiopes* adhuc *Ethnicos* (nempe non ipsos quoque *Iudaica* religioni addictos) nisi a concessione plane specialissimis respectibus innixa, id sane nemo facile conciliauerit; Tota difficultas, simul & semel, esset sublata, si veraci aliqua determinatione *Historia Æthiopica* docere potuisset, vtrum *Iuda* ita copiosi apud *Abyssinos* gente vni-

versa, an solum *religione Iudæi*: Imo vero potius *Israelita*, an *Iudæi* a *tribu*, fuerint. Certe ille in Euangelio *Eunuchus*, gente *Æthiops*, *religione Iudæus* fuit, *Dynastæ* regni, *Gazarum*, præfectus: Et narrant hodieque *Abysini*, & *Reges* suos, & *Dynastas* Regni, *Iudæos* fuisse; & ipsos hodiernos *Dynastas*, de antiquorum adhuc stirpe creari debere. *Hist. Æth. l. all.*

§. XXXVI. Quibus sane respectibus, non iniusta mihi est suspicio (I.) Quod *Regina Sheba*, non *Arabia* fuerit, sed *Æthiopia*. Cui ex mea sententia, plane contra *Pinedam*, potius adstipulari videtur, asportatio *aromatum*, *gemmarum*, & *auri* valde multi. Certe enim in *Arabia* nihilomagis, quam in *Abysina* crescit horum omnium quidquam, præter ali- quid *auri*: Quicquid vero ad occidentem per *Arabes* quondam peruenit, *mercatoris* artibus atque expeditionibus, in ipsam prius *Arabiam*, collectum fuisse, quis hodie dubitat? Ast longe propiores meridionalibus *aromatiferis* locis sunt *Æthiopes*. Longe propiores intimioribus *adamantis*, atque multi *auri* feracibus *Nigritarum* penetralibus. In *terris* certe *Arabia*, verorum *aromatum* nescio an plus quærendum sit, quam *Eboris* in *Americana Peru*, e qua aliqui, obli- ti *Eboris*, *aurum Paruaiim* Salomoni venisse arbitrantur. (II.) Puto, credi posse *Æthiopibus*, quod initia religionis *Iudaicæ* ad ipsos translata sint: (III.)

(III.) Adeoque arbitror, *Mahometem* suo tempore, *Zibaorum* nomine hos potius *Sabaes*; quam *Idololatrias* vagos, & infami sensu *Magos* designasse.

§. XXXVII. Dubiolis hisce, circa hanc materiam declaratis, placet adhuc aliqua adicere, circa non nulla similia *historica*, ut apparent, *sphalmata*. Ponunt vulgo scriptores insignem difficultatem, *an Carthaginenses potuerint in Americam penetrauisse*? Dubitationem *triplicem* præcipue formantes 1. Quod *paruis* illorum temporum *nauib* minime, tam vastum iter conficere potuissent. 2. Quod *vsu* *pyxidis nautice* non habuissent: 3. Quod ad tam longinquum iter, sufficientem quantitatem *alimentorum*, *nauib* suis velere non valuissent.

§. XXXVIII. Interim, sicuti *primum*, quod nempe ad eiusmodi profectiorem per Oceanum, non *maiusculis* quoque *nauiis* *vsu* esse potuerint, res facti suppositi existit; Ita certe non destituti fuerunt *nauiis* eius magnitudinis, quæ *speculatoria* moderna, vulgo *Sachten* æmulata fuerint; Qualia tamen hodieque, non solum *Americam* petere non dubitant, sed etiam e partibus *Europæ*, aliquot centenis milliaribus adhuc longius, quam fretum *Gaditanum*, distantibus. Sicut etiam memorabile illud exemplum, in *minimis* *nauiis*, e *Nova Zembla* in *Belgium* perpetratae

navigationis, hanc dubitationem plurimum, infringit: Cui iungenda est, nauigiorum illorum antiquorum, in *remigio* posita insignis energia, *cum & sine* ventis, imo *contra* ventos, progrediendi.

§. XXXIX. *Secundum*, de magnetis usu, quod attinet, tanta *Astronomia* peritia, quanta antiquis *nauigantibus* familiaris fuisse legitur, tanto magis sufficere poterat, *Tropico*, imo *Æquatori* appropinquantibus, neque quod nostrates faciunt, *certas* hinc inde insulas, sed sine dubio ipsam terram *continentem* accessuris. Certe utræque hæc difficultates, non potuerunt impedire, quo minus *Hiram*, ante *Salomonem*, navigationes longinquas per peritos nautas institueret, vnde semel in tribus annis aurum adferrent: Profectione absque dubio admodum longinqua. Præter quæ omnia notissimum est, quod in *alto* Oceano longe minor metus sit periculorum nauticorum, quam locis *Freto* vicinioribus.

§. XL. *Tertium* quod concernit, *alimento- rum penuriam*: Incidit menti illa suspicio, quod hac difficultate non solum premi potuerint, sed reuera illa pressi atque grauiter, *oppressi fuerint*. Nata hæc mihi est suspicio, e consuetudine gentium Americanarum *humana carne vescendi*. Hæc cum in toto antiquo orbe non inueniatur, ex nullo peculiari in-

instituto, sed ex *necesitate* tali, primum suum *ortum* traxisse, non vana coniectura nitor. *Continuatam* vero deinde tanto facilius fuisse suspicor; per illam, quæ plusculis historiis adstruitur, saporis humanæ carnis gratiam: De qua etiam asseuerasse leguntur aliqui, abusum hunc ausi, quod si homines vulgo nouissent, saporis huius carnis delicias, nunquam sibi ab illa temperaturi essent.

§. XLI. Vnde verisimile duco, tali *necesitate* deprehensos hosce nauigantes, non solum esui huius carnis adaectos fuisse; Sed etiam eo ipso, tum necessitatis tantæ memoria, tum facinoris conscientia, a reditu in patriam deterritos, ibi substituisse.

§. XLII. Eiusdem census est, quod incolæ manifesto *nigerrimo* colore differentes, a reliquis dilutioribus ibidem reperti, in dubium vocentur, an a Nigritis *Africanis* in Americam peruenerint? De hoc dubio allegat, *Dapper*, quod adhuc aliqua memoria constare dicatur, quod aliquæ rates *Nigrorum* in *Americam* abreptæ sint. Quo nempe inferre, vult, originem *Americanorum* illorum Nigrorum, non ab his deduci posse: Quia hi adhuc a memoria aliqua ad posteros porrecta, neque forte valde remota, eo delati, tantam progeniem nullo modo gignere potuerint.

§. XLIII. Sed reuera videtur ipso argumento

mento argumenti obliuisci. Si enim vel proximo quocunque tempore, tempestate in *Americam* traïci potuerunt *Aethiopes*; Cur non etiam aliqua antiquissima ætate, idem contigisse potest?

§. XLIV. De reliquo tanto minus ambigo, quod hodierna *America* fuerit amœna illa regio, ad quam Carthaginenses, occidentem versus, plurimum dierum itinere, trans mare profecti sint, de qua imprimis *Diodorus Siculus* mentionem facit Lib. V. Quamuis enim πολυμαθές ατ Rudbekius, ingenio æque atque studio admirando, uti *Atlanticam*, ita hanc etiam *Diodori* regionem, siue vt vocat insulam *Sueonie* vindicare connitatur; Certe tamen plus propemodum in hac una *Diodori*, siue insula, siue quacunque tandem maritima regione, difficultatis inuenit, dum amœnitates eius, cum Hyperborearum terrarum conditionibus, conciliare sibi proponit.

§. XLV. Profecto valde ferium esse oportuerit, qui a subridendo sibi temperare possit, si audiat quod amœnissimorum fructuum ἐκ τῶν ὠρεαίων δρύων, illecebras, intelligi debere putet, de pomis syluestribus, & glandibus quernis atque faginis: Afferens, quod veteres hæc fercula magni fecerint: Quod sane an cuiquam, quantumcunque etiam tandem credulo, persuaserit, merito dubito; Imprimis



mis simonitis sit, quod Carthaginenses, *Phoenicia, Tyria*, originis, *luxus intemperantie, mollicitia* amantissimi, in *Africa, Hispania, Sicilia, Italia*, *gratis* fructuum abundantia affluentes, *glandes* per tot pericula marium, e terris ad plus quam *quingenta milliaria Germanica* distantibus, accersere, animum certe vix fuerint inducturi.

§. XLVI. Accedit, quod Carthaginenses posthac navigationem hanc *duobus* de causis plane *prohibuisse* dicantur. Primo quidem, ne *derelicta Africa*, propter præstantiam illius regionis sive insule pluri e Carthagine in illam transmigrare suscipiant. Secundo, ut ad casus fortunæ *videns* Carthagini in deterius forte cedentes, *receptus* in illam regionem pateret.

§. XLVII. Certe an Sueonia tanta *ὑπερβολῇ τῆς εὐδαιμονίας, ὥς δοκεῖν ταύτην ὡσεὶ θεῶν τινῶν ἐκ ἀνθρώπων ὑπάρχειν ἐμβιωτήτων*, i.e. tanta felicitatis abundantia, ut Deorum potius, quam hominum ibi degentium, locus existat, an inquam, Sueonia tali rerum statu prædita sit, aut meridionalibus, talis videri possit, ut merito dubium videri potest. Ita cum operose probet, quod Sueonia populis ita abundauerit, ut illi propterea alias regiones invadere atque coloniis occupare, necesse habuerint: viderentur pessime sibi consulturi fuis-

fuisse Cathaginenses, si talem locum *refugio* totius sue gentis conseruare animo destinassent, qui indigenarum suorum abundantiam non caperet.

§. XLVIII. Profecto videtur hic etiam eximie valere illud Poëtæ :

*Nescio qua natale solum dulcedine cunctos*

*Ducit, ita, vt memores non sinat esse sui.*

Quis enim dubitauerit, quod *migrationes* quæcunque e *Borealibus* terris, in citeriores regiones, longe magis debeantur *bonitati* harum, ad meridiem magis vergentium, quam *angustia* Boreallium : Nisi quod vtique diffusissimæ syluestres eremi, ita quidem vti sunt, bestiis potius quam hominibus domicilium præberent. Hominibus vero cum ratione, conuenire videretur, loca potius & cultiora, & humaniora, itineribus quærere, quam ultimis laboribus, bestiis atque syluis, terram eripere, cuius vix tantus sit vsus, vt paucis hinc inde hominibus *panem* proferre possit. Certe enim nemo prudens alteri, nisi imprudentissimo, serio persuadere suscepit, quod illa, ferendorum populorum *incapacitas*, non in eo posita fuerit, quod illa *terra locum hominibus præbere non possint, sed quod victum præbere* non possint.

§. XLIX. *Carthaginenses* certe ex Africa, sua maritima, siue friuola desertione, siue hostium

stium aliqua formidine, ad *Hyperboreos* migrare voluisse, ego crediderim *phrasin* esse ita *Poëticam*, ut coincidat cum alia ex eadem officina, quasi nempe dicantur ad *Acherontem*, (aut *Elysios campos*) nam utrunque Sueoniæ vindicat ingeniosus author) refugium suum cepisse: Nempe sine tropo, *morti* potius sese mandipare voluisse.

§. L. Enim vero nisi *Romanos*, Augusti tempore, omnium mortalium *effæminatissimos* fuisse arbitremur, e quibus *Ovidius* exilium in *Ponto* vel morte redimendum censuit: Quid videri poterit de *Chartaginensibus*, si regiones *Hyperboreas* in vitæ atque fortunarum solatium quærere debuissent? Sed nimis in his esse tandem reminiscor.

§. LI. Placet has obseruatunculas ioculari horum generum exemplo concludere, videlicet *ὀδνύλα* anxietatis criseos, quæ occurrit apud *Gerhardum Iohannem Vossium*, de vitiis latini sermonis cap. 20. Vbi e legibus Baiuvaricis, tangit vocabulum *Wilz*. Explicat de equo, qualem velint homines *mediocris fortune*: Quia verba legis habeant *mediocris equus* quem *Wilz* vocant. Putat itaq; *Wilz* esse a Germano *Willen* siue ut latine loquitur a *velle*. Sed certe defectus est notitiæ linguæ Germanicæ in genere, & huius Baiuvarici *accentus* in specie. Vox germanica est, nulla euiden-

dentia derivatiua, ein Füllen: Bauaris & Fülle:  
 le: Quemadmodum Saxonibus ein Föhlen.  
 Vnde voluntate mediocrium hominum, & o-  
 mni superflua Etymologia, certe nihil opus  
 est.

## OBSERVATIO IX.

De  
 CRITERIO VERITATIS IN RE-  
 BVVS MORALIBVS.

Σύνεψις.

**D**E criterio veritatis generatim sententia E-  
 picuri laudatur. §. I. In moralibus criterium  
 veritatis est affectus seu voluntatis perceptio. §. II.  
 Falluntur maximopere, qui criterium boni & ma-  
 li in intellectu quærunt. §. III. Obicitur, hoc cri-  
 terium interdum fallere §. IV. Ad quod respon-  
 detur ostenditurque, si recte se habet, nunquam  
 fallere. §. V. Voluntas bonum necessario appetit,  
 malum necessario auersatur §. VI. Omnique pror-  
 sus destituitur libertate §. VII. Hinc criterium  
 nostrum confirmatur, asseriturque, illud rem non  
 modo manifestare, sed & certo manifestare. §. VIII.  
 Qui criterium boni & mali in intellectu quærunt,  
 Sceptici sunt, §. IX. Causa hinc redditur, cur ho-  
 mines in vita recte instituenda tam inconstantes  
 sint? §. X. Vtilitas huius doctrinæ ostenditur in ve-  
 ra methodo inquirendi summum bonum §. XI. Cur  
 pauci summum bonum obtineant, cum omnes ta-  
 men

men affectus suos sequantur. §. XII. Quanam intellectu in hoc negotio partes sint? §. XIII. Patet quoque huius doctrinae utilitas in vera methodo perducendi aliquem ad virtutem, §. XIV. Ethicam, dogmaticam exiguum admodum usum habere inde concluditur, §. XV. Parenetica illi praefertur: item quid de satyrica docendi ratione censendum, §. XVI. In veritate Religionis diiudicanda haec itidem inuenire locum, §. XVII. Deum non tam intellectu, quam potius voluntate percipi, §. XVIII. Vox cognoscendi in scriptura sacra subinde de perceptione voluntatis & affectu capienda, §. XIX. Hinc colligitur, absonum esse, ad religionem aliquem cogere velle, §. XX. Obiicitur: iuxta nostram sententiam, eum, qui semel ad veram felicitatem peruenit, ea nunquam iterum excidere posse, §. XXI. Ad quod respondetur, & excidere etiam, licet difficulter, posse demonstratur §. XXII. Dicta illustrantur & confirmantur ex Ebr. VI, 4. §. XXIII. Utilitas huius doctrinae ulterius ostenditur in genuina methodo reuocandi ad meliorem mentem Atheos, §. XXIV. Rationes, quibus vulgo contra Atheos disputatur, quem usum habeant, §. XXV. Eos omnes qui voluntate & affectu res diuinas non perceperunt, vt contra Atheos disputent, Atheis tamen annumerandos esse §. XXVI. Illustratur ex nostra hypothese locus Act. XVII, 27. §. XXVII. Noua quoque hinc methodus constituitur emendandi Naturalistas proban-

dique veritatem, & necessitatem Christiana religionis §. XXVIII. Argumenta quæ pro veritate Christianæ religionis afferri vulgo solent, quem usum habeant. §. XXIX. Contra indifferentismum religionum hæc quoque sententia præsidium firmissimum præbet §. XXX. Itemque contra Fanaticismum §. XXXI. XXXII. Nec scripturam sacram excludit, sed semper pro norma & regula certissima admittit §. XXXIII. Cur homo irrogenitus Scripturam §. non intelligat, ex eadem ista hypothesis luculenter ostenditur. §. XXXIV. Ad controuersiarum denique theologicarum numerum imminuendum multum eam conferre demonstratur, & observationi finis imponitur. §. XXXV.

## §. I.

**D**E criterio veritatis sæpe multumque inter eruditos disputatum fuit, nec tamen res ita confecta, ut non multa addi & emendari possint. Mihi, quod lubens fateor, maxime se hæcenus adprobavit sententia Epicuri, triplex Criterium Veritatis constituentis, *Sensum, Affectum, & πρόληψιν* seu *Anticipationem*. Etenim aut voluntas in homine afficitur per bona scilicet aut mala, grata aut ingrata, aut facultas quædam cognoscens: Si voluntas, illud recte pro bono habemus, quod voluntatem delectat, eamque ad se trahit, illud contra pro malo, quod dolore aut tædio illam afficit, adeoque repelli ac reiici solet. Facultas cognoscens  
auc

aut sensualis est, aut intellectualis: in sensuali ipsa evidens sensus perceptio nos de rei veritate dubitare non sinit, adeoque recte in sensu criterium veritatis constituitur. Et huc quidem omnia sensuum obiecta pertinent. Illorum autem, quæ sensibus nullo modo capi possunt, criterium Epicurus in anticipationem constituit: quo nomine propensionem forte quandam & singularem inclinationem assentiendi iis veritatibus denotavit, quæ sensuum facultatem superant.

§. II. Operæ equidem pretium esset, in singula hæc criteria prolixius inquirere; sed hac quidem vice, affectum saltem considerabimus, tanquam verum & genuinum veritatis in moralibus criterium, ipso exemplo demonstraturi, multa in hoc argumento latitare, quæ hætenus a nemine, quantum mihi constat, euoluta sunt & explicata. Per affectum autem hic generatim motum voluntatis aut bonum appetentis, aut malum vel ingratum auersantis, intelligimus. Per veritatem, verum intelligimus bonum. Vnde hæc regula totam doctrinam moralem dirigens, resultat: Quicquid voluntatem hominis ita afficit, ut lædat, ut dolorem aut tædium incutiat, illud non verum, sed apparens potius bonum, imo malum est.

§. III. Hinc statim sequitur criterium ve-

ritatis in rebus moralibus non quærendum, esse in intellectu eiusque clara & euidenti perceptione, sed in voluntate. Quæ in re multi turpiter & frequenter tamen errant, qui existimant, se bonitatem & prauitatem rei perspectam satis habere, si de ea multos prompte sibi formare conceptus possint, si multa verba facere, aut integros etiam conscribere libros valeant. Enimuero fieri potest, ut hi omnes de re prorsus sibi ignota & nunquam explorata verba faciant, & ingentia conscribant volumina. Simul tamen quid præclari ab hisce expectari queat, quiuis facile intelligit. Exemplo rem declarabimus. Ponamus aliquem, qui nunquam viderit, multo minus gustauerit saccharum. Ad hunc accedat alius, qui de suauissimo sacchari gustu multa narret. Hæc capere ille equidem & aliis iterum narrare potest. Quis autem credat, eum reuera dulcedinem sacchari perspectam habere? Non sane habet: nunquam enim gustavit. Is tamen si multa super hac re philosophari, & disputare, & alios etiam secus sentientes refellere pergat, nonne omnium risui ludibrioque se exponit? Eandem tamen quotidie ludi fabulam videmus, dum unus de rebus quæ solo affectu percipiuntur, & de quibus, aliquid inaudiuit, aut ex aliorum scriptis congescit, alteri tradit, qui rursus de iisdem rebus



rebus incognitis plurima verba facit , & alios iterum facere docet.

§. IV. Obiiciet fortasse nobis aliquis, fallere interdum hoc criterium, adeoque pro vero criterio habendum non esse, cum experientia ipsa doceat, eos, qui voluntatis suæ motibus atq; affectibus in deligendo bono inhærent, quâ frequentissime, imo semper pro bono vero apparens amplecti, atque turpiter decipi. Namq; hominem voluptati deditum obiecto, quod hunc affectum irritare aptum, est, reuera delectari, intimeque voluntatem eius affici, vt vehementi impulsu & cui se resistere non posse putat, ad illud velut abripitur. Hic ergo si ex affectu boni criterium, capiat, necessario iudicabit, voluptatem aut illud, quod voluptatem excitat, bonum esse, & ita feretur in præcipitia. Præcipuum autem omnium confessione, criterii requisitum est, vt verum a falso, bonum a malo discernere doceat, & ab omni erroris periculo nos tutos præstet. Et ita etiam in ambitione, avaritia, ceterisque affectibus ad hominis perniciem vel maximo comparatis, se res habet. Paucis: bona in posterum pro malis, & mala pro bonis reputabuntur, si ex affectu hominum verum petendum est criterium: cum per deprauatam mortalium naturam, affectus semper in bonum aliquod apparens feratur.

§. V. Aft declinari facile atque repelli hocce telum potest. In ipsa namque voluntatis perceptione non modo ipsa perceptio, sed duratio etiam eius est consideranda. Quod enim initio equidem suauitate voluntatem perfundit, post dolore & tædio replet, id quis pro bono sane reputare nequit: saltem multis modis postponet tali bono, quod ita delectat voluntatem, vt constanter delectet & nullo vnquam dolore & tædio perfundat. Res declarari quam optime potest exemplo gustus. Huic enim si quid offeratur, quod initio equidem dulcedine titillet palatum, & mox amaritudinem inferat, ecquis mortaliū est, qui gustui gratam illam rem & appetendam dixerit? Aut si quis hocce dicat, hunc gustu prorsus deprauato esse, aut contra animi sententiam loqui, omnes profitebuntur. Sic in iis etiam se res habet, quæ voluntatem afficiunt. Hæc, in quantum voluntatem delectant & ad se trahunt, bona sunt: sed in quantum lædunt & offendunt, mala. Quæ autem ita delectant, vt mox grauius lædant, quis hæc bona dixerit? Proinde vt quis intelligat, quæ voluptatem, auaritiam & ambitionem excitant, non esse bona, saltem talia, quibus voluntas acquiescere possit, non necesse est, vt Philosophos consulat, aut vt Platonem aut Senecam euoluat, aut multis ratio-

cina-

cinationibus magno studio excogitatis, hoc sibi persuadeat : sed suum saltem inspiciat animum, suam consideret voluntatem, & quid in ea sentiat, cogitet. Quam est ridiculum, & ineptum consulere velle Philosophos, aut Medicos, aut alios viros doctos, cum quæritur, num res aliqua gustui grata aut ingrata sit, tam etiam ineptum & ridiculum est, quando de bono & malo quæstio est, alium quam se, ipsum, sui que animi perceptionem consulere velle.

§. VI. De voluntate namque, qua bonum malumque percipimus, & illud appetimus, hoc auersamur, ita censeo, eam illius esse conditionem indolemque, vt bona necessario appetat. Vt magnes ferrum necessario ad se rapit, si nulla intercedunt impedimenta : sic quæcunque bona voluntatem afficiunt, ad ea sua natura voluntas ita inclinatur, vt neutiquam homini integrum sit, ea non appetere. Hoc facile vnumquemque ipsa experientia, docet & consideratio eorum, quæ quisque in se ipso quotidie euenire animaduertere potest. Huic si quis fidem adhibere nolit, cum eo ne disputandum quidem vltcrius, censeo. Certissima hæc est ratio veritatis aliquem, conuincendi, quoties sermo est de animæ nostræ facultatibus, vt se ipsum quis exploret. Si ea in se deprehendat, quæ reliqui profitemur,

tur, bene est. Sin, suo abundet sensu. Nec enim video modum liberandi illum ab errore, siquidem debitam diligentiam & patientiam, in omnibus mentis suæ motibus explorandis non adhibeat.

§. VII. Non me mouet, si forte te male habeat, quod homo ita omni libertate priuetur. Quid enim si hoc concedam? Non video quid inde sequatur absoni. Primo namque si verum bonum, Deus ipse sit, qui hominis voluntatem ad se rapiat, felicissimam esse, hanc libertatis iacturam, quilibet, rem recte, secum reputans haud difficulter concesserit. Libertatem a Deo discedendi, Angelis bonis & hominibus ad perfectam beatitudinem, translatis, omnes abiudicant. Recte quidem. Num autem ideo deterioris sunt conditionis, quod Deum non amare nequeant, hoc est quod necessario sint felices! Quod autem ad eos attinet, qui prauis adhuc cupiditatibus aguntur in transuersum, quid obstat, quominus eos omni prorsus libertate destitutos dicam? Videntur sane in externis habere libertatem aliquam, dum metu poenæ speque, præmii euitant grauiora delicta, sed videntur: reuera nullam habent & in miserrima seruitute sunt constituti. Hoc ita explico: Homo sibi relictus, nec diuina gratia collustratus, bona quæuis apparentia, siue ad voluptatem, si-

ve

ve ambitionem, siue auaritiam inuitent, necessario amat. Namque veri boni non habet gustum, hoc non percipit. Quæ autem percipit, ad ea necessario fertur. Fieri itaque potest, ut cum varia sint bonorum apparentium genera, vna magis afficiatur, quam alia. Hinc cum ad vnum potius inclinatur, quam ad aliud, non existimandum, quod vnum præ alio eligat, sed quod vnius maior in animum eius vis sit, quam alterius. Ponamus ergo, metu poenæ vel spe præmii aliquem deterre-ri a crimine perpetrando. Hoc non ideo fit, ac si is libertate gaudeat poenæ euitationem, aut præmium potius eligendi, quam delicti perpetrationem: sed quod bonum istud, quod per poenæ euitationem vel præmium se consequi putat, maiorem in animum eius vim habet, quam bonum, quod per delicti perpetrationem se impetraturum credit. Rapitur itaque in diuersas partes diuersorum bonorum repræsentatione, ipse omni prorsus libertate destitutus. Vnde simul patet, quod leges, poenæ, & præmia locum nihilominus habeant, licet omni libertate etiam in externis homo careat. Inseruire enim determinandis in aliam partem hominum affectibus possunt, ne erumpant in flagitia, humani generis societatem perturbare apta.

§. VIII. Hinc ergo concludo: ut homo

aliquid velit, necesse esse, ut illud tanquam bonum percipiat, nec sufficere, ut saltem ratiocinatione hoc bonum esse intelligat: imo si percipiat rei bonitatem, necessario in illud bonum eum ferri, ut illud non appetere nequeat. Atque inde nunc nouum argumentum ad meam sententiam comprobendam capio. Etenim ad criterium requiritur, ut non tantum rem aliquam manifestet, sed ut certo etiam manifestet, ita ut nullus dubitandi super sit locus, ita rem se habere, prout per criterium nobis fuit manifestata. Hanc certitudinem de rei alicuius bonitate non intellectus, sed voluntas & affectus nobis subministrat. Quantumvis validæ sint rationes de rei bonitate, si voluntas eam non perceperit & velut gustauerit, nihil proficient, quotiescunq; obiectum contrarium adest, quod voluntatem ad se rapiat. Experientia ipsa hoc nos condocet. Quam multo rationibus clarissimis conuicti sunt, intemperantiam omnem fugiendam, virtutem contra & temperantiam consecretandam. Et sane quamdiu nullum, quod illos sollicitet, obiectum adest, egregie sibi philosophari videntur. Quamprimum autem affectus irritantur per obiecti præsentiam, aut aliis causis, cedant rationes, valeat philosophia, facessant procul omnes demonstrationes, velut

impe-

impetu eo rapitur homo quorsum prædominans affectuum vis impellit. Quæ causa? quia scilicet maior vis est perceptionis, & gustus, quam ratiocinationis.

§. IX. Non ergo errauerim, si dixerim, eos omnes, qui bonitatem virtutis non perceperunt, & velut gustarunt, in perpetuo versari *Scepticismo morali*. Nec mirum: deest enim illis verum bonitatis criterium. Si quis saccharum non gustauit, ille de dulcedine sacchari nullam habet certitudinem. Et quam facile est variis rationibus illi persuadere, saccharum esse dulce, tam quoque erit facile illi persuadere, saccharum esse amarum. Nec obstat, quod omnes dicant virtutem esse rem bonam, Deumque optimo iure summi boni titulum nomenque promereri. Primo enim dicunt, sed non credunt. Deinde, quia nemo aperte contrarium docere audet, quid mirum, quod nemo secus sentiat! licet huius rei veritas ei certo non constiterit. Denique periculum afferret, palam animi sui profiteri sententiam. Dicunt ergo, quod omnes dicere audiunt: sed cuius veritatem sibi non constare, ipsa vita moribusque comprobant. Hinc nunquam sibi constant & certa prorsus morum regula destituuntur: vno verba: Sceptici sunt, licet minime nec sibi nec aliis videantur. Latius sane iste Scepti-

pticifmus practicus regnat, quam vllus forte cogitauerit.

§. X. Resultat inde summa mortalium, quam quotidie videmus & deploramus *incon-*  
*stantia*. Si quis sensibus externis, visu, auditu, gustu rem clare percepit, is a veritate cognita nunquam se dimoueri patitur. Si quis sacchari dulcedinem gustauit, si etiam omnes Philosophi accederent demonstraturi infinitis Syllogismorum ambagibus, saccharum non esse dulce, ridebit illos homines, etsi respondere non posset ad illorum argutias, quia sacchari dulcedinem gustauit. Eodem modo si quis veri summi boni particeps factus est, eiusque criterium in voluntate non in intellectu habeat, non curabit Sophistarum voces, non mouebitur rationibus, aut argumentationibus. Sufficiet ei quod dulcedinem summi boni gustauerit. Secus longe autem se res habet in illis, qui hanc suauitatem non gustarunt. Quiduis illis facile persuaderis, modo hoc commodis suis & cupiditatibus non obstare videant.

§. XI. Satis, puto, veritatem meæ sententiæ demonstraui. Nunc quanti momenti sit hoc probe tenere, paucis edisserendum. Et primo quidem hinc clare intelligitur, quænam sit vera *methodus inquirendi summum bonum*. Hoc omnes nauibus atque quadri-

gis



gis petunt. Paucissimi obtinent. Volunt enim intellectu inuestigare fumum bonum, quod ipsa voluntate explorandum erat. Non certior via, quam ea, quam ipsa affectuum monstrat perceptio. Hæc nos conuincit, omnibus rebus creatis plus tædii & doloris, quam voluptatis aut delectationis, inesse, adeoque earum possessionem neuti- quam hominem felicem reddere.

§. XII. Cur ergo, inquis, tam pauci fumum bonum inueniunt? cum omnes ita affectuum suorum ductum sequentes hoc facillime inuenire possent. Imo necessario deberent. Ego vero arbitror causam huius rei nemini, naturam hominum penitus inspicienti, obscuram esse posse. Etenim sentiunt quidem homines affectuum ductum sequentes ea bona quibus delectantur, non esse vera bona; sed quia viam rationemque meliora consequendi nesciunt, aut eam ingredi nolunt, & tamen voluntas eorum ita comparata sit, vt appetitu insatiabili bonis quibusdam fruendi sit prædita, hinc apparentibus illis & transitoriis bonis nunquam non sese pascunt. Contingit illis quod hominibus famelicis, qui quiduis deglutiunt, quantum vis ingrati saporis, ne fame pereant. Deus equidem per immensam suam misericordiam per, filium suum hominibus media proposuit, qui-

quibus si vti vellent, facile verum illud, quo mentem suam exsatiare possent, consequerentur bonum: sed respuunt hæc media plerique, partim quia præsentia, quantumvis deteriora per congenitam hominibus ignaviam futuris vtut præstantioribus præferunt, partim, quia gustus illorum, vt ita loquar, ita consuetudine deprauatus est, vt iam cibus ingratissimi saporis, hoc est, incommodis suis atque molestiis delectentur, qui supremus est miseriarum gradus.

§. XIII. Si quæras, an intellectus nullæ prorsus in hoc negotio partes sint: ita habeto: esse quasdam, sed secundarias, vt instrumenti esse solent. Oculi namque etiam deligendis & parandis cibus inseruire solent, quorum nos delectat sapor: oculis tamen non ciborum suauitatem percipimus, sed palato & gustu. Sic intellectu dignoscimus & diiudicamus quodammodo res, quibus affici voluntas queat, & de mediis dispicimus, quibus voluntas ad fruitionem bonorum, perducatur. Sed bona tamen voluntate seu affectu sentimus, & percipimus, & velut gustamus, non intellectu.

§. XIV. Rursus & quidem secundo hinc intelligitur, quænam sit *vera methodus ad virtutem aliquem perducendi*. Vera Virtus ex amore Dei fluit. Adhortandus itaque saltem

tem homo est, vt sedulo attendat ad ea, quæ in ipsius mente contingunt. Si sentiat & ita plane per se ipsum conuictus sit, per rerum creaturarum fruitionem se neutiquam felicem & beatum fieri: adhortandus est, vt periculum faciat & per media a Sacra Scriptura proposita, veram cum Deo vñionem quærat. Quamprimum ineffabilis huius boni suauitatem gustauerit, iam omnia consecutus est. Non necesse itaque erat, multa de virtute, de summo bono, ceterisque, de quibus multa disputari solent philosophari. In hoc incumbendum, huc omnes vires intendendum, omnia consilia conferenda, vt *gustemus* hocce bonum. Hocce impetrato sua sponte animus in illud feretur, semperque illud appetet, imo non poterit non appetere.

§. XV. Libere ergo & palam profiteor, *Ethicam dogmaticam* hoc quidem respectu exiguum admodum habere vsum. Si enim aliquis accurate teneat omnes Philosophorum de bonis & malis, de natura hominis & facultatibus mentis, de affectibus, de remedijs vitiorum sententias, sique de his omnibus ita differere queat, vt omnes in stuporem & admirationem sui rapiat, cum tanto tamen eruditionis apparatu infelix admodum, imo miserrimus esse potest. Nec harum rerum sciencia per se aliquid confert ad possessionem.

nem aut fruitionem illius boni: imo sæpius eam impedit, dum tempus in inutilibus hisce speculationibus terimus quod longe rectius explorandis & perscrutandis nostris defectibus, qui primus gradus est, ad veri boni gustationem, impenderemus.

§. XVI. Ethicæ autem paræneticæ longe maius pretium statuo: qua etiam antiquissimis temporibus vsi sunt mortaliū sapientissimi. Per eam enim intellectus subtilibus & prolixis meditationibus non inuoluitur, nec ad ἀλότηα rapitur, sed voluntas ipsa, atque affectus mouetur tum ad tædium boni apparentis, tum ad suauitatem boni veri eo rectius percipiendam. Quia autem per naturam gustus mentis nostræ, vt ita dicam, valde corruptus & deprauatus est, solæ paræneses rem non conficiunt, sed aliis insuper mediis opus est, vt alibi docemus. Qui per reprehensiones acriores aut Satyras hominum corrigere & emendare mores sustinent, hætenus quidem dogmaticis præferendi sunt, quod voluntatem magis, quam intellectum mouent. At tamen quia eiusmodi Scriptores suam simul ambitionem produnt, exemplo nocent, & iram quoque interdum, prouocando simul impediunt, quicquid ceteroquin ex illorum instituto sperari boni poterat.

§. XVII.

§. XVII. Transferenda etiam omnino ad religionem sunt, quæ hætenus de criterio veritatis in moralibus disputauimus. Idem enim scopus est, moralem philosophiam & theologiam, quæ de vera religione præcipit, tractantibus, perducere homines, miseria obrutos, ad veram felicitatem. Ad quod obtinendum philosophi quidem infirmo rationis lumine nituntur, theologi autem clariori reuelationis. Obiectum tamen utrobique idem est, hominum miseria & felicitas. Quemadmodum & in eo facile consentiunt, veram hominis felicitatem absolui summi boni possessione, hoc est fruitione Dei.

§. XVIII. In eo autem longe plurimi turpiter aberrant, quod existimant, Deum intellectu, non voluntate percipi. Ego autem secus arbitror, Deum voluntate potius, quam intellectu percipi. Et hanc demum perceptionem, quæ fit voluntate, veram illam esse & genuinam, quæ hominem ad sincerum Numinis amorem excitat, in quo verus etiam Dei cultus veraque consistit religio. Nec est quod quis arbitreretur, noua me hic & inaudita proferre. Scriptura S. disertè idem docet, quando *gustandum esse Dominum* dicit. *Gustate Dominum, quam sit bonus. Psalm. XXXIV. v. 9. I. Petr. II. 3.* Gustus hicce spiritualis nihil aliud est quam ista, quam innuimus, voluntatis percep-

ptio, seu sensatio, ut ita loquar, quæ quid sit, rectius per experientiam unusquisque discit, quam ut multis verborum ambagibus & definitionibus explicari queat.

§. XIX. Atque intellexerunt hoc quodammodo ipsi Scripturæ Interpretes, qui obseruarunt, *cognoscendi* voce haud raro non solum intellectus vim, sed affectum insuper in Scriptura S. designari, idque maxime cum de rerum diuinarum cognitione sermo est. Sic quando *Iob. XVII. 3.* dicitur: *hæc est autem vita æterna si te solum cognouerunt verum Deum & quem misisti Iesum Christum*, manifestum est, quod cognitio intellectus ibi neutiquam possit intelligi. Quam multi enim sunt, qui infinitos de rebus diuinis sibi conceptus formare possunt, & de hisce conceptibus ingentia conscribere volumina, cum ipsi tamen suarum cupiditatum sint serui, adeoque longe miserrimi. Num tu hosce æterna frui vita, summaque beatitudine dixeris? Contra, qui gustauit Deum atque Christum, ille non potest non vehementissimo in illum ferri affectu, adeoque necessario felix est atque beatus. Ex ista enim cum Deo coniunctione summa animi tranquillitas, gaudiumque perenne, & quicquid hominem beatum reddere potest, fluit.

§. XX. Quemadmodum autem, qui bonum

num aliquod gustarunt, necessario illud quoque appetunt, vt antea demonstraui, ita sane qui Dei bonitatem semel gustarunt, eodem modo illam non appetere nequeunt, vt contra quamdiu non gustarunt, perceperunt tamen transitoriam bonitatem rerum creaturarum, necessario ad hanc appetendam rapiuntur. Vnde sane liquido patet, quam absonum sit, & ab omni prorsus ratione alienum, ad religionem aliquem cogere velle. Si quis rem suauem esse gustu ipso deprehendet, sua sponte etiam hoc confitebitur, & eius appetet fruitionem. Contra quamdiu hoc non deprehendet, nec ipso gustu conuincatur, metus & minæ hoc tandem efficiunt, vt contra animi sui sententiam profiteatur, se aliquid tanquam dulce percipere, ast vt serio sibi hoc persuadeat, adduci nullo modo poterit. De gustibus non esse disputandum, in prouerbum abiit: multo minus ad gustum aliquis cogi potest. Potest sane, aliquis cogi vt cibum capiat, aut aliud quid palato admoueat: ast posito, gustui eius quod sumit amarum videri, hoc, vt dulce videatur, si quis metu & minis se impetraturum credat, næ is omnium se exponeret ludibrio. Et idem sane faciunt, qui homines ad religionem cogere instituunt. Est enim, vt paucis dicam, religio nihil aliud, quam gustus rerum diuinarum.

§. XXI. Si ita, inquis, se res habet, ergo qui semel bonitatem Numinis gustarunt, hoc est qui semel Christiani facti sunt, necessario Deum amabunt, adeoque hanc nunquam iterum amittere poterunt felicitatem: id quod tamen experientiæ quotidianæ, & Theologorum scitis repugnat. Ast ad experientiam, quod attinet quotidianam, eam hic admodum fallacem esse arbitror. Hoc equidem, fateor, experientia docet, quod multi qui speciem veri Christianismi præ se tulerunt, mox sæculi iterum illecebris abripiantur, aganturque in transuersum. Ast quis præstabit, hos veros fuisse Christianos? hos rerum diuinarum gustasse reuera suauitatem? Scita Theologorum admitto, quousque cum Scriptura S. conueniunt. Sed cum hisce tamen conciliari facile nostra hypothesis potest.

§. XXII. Enimuero certum est, eum, qui bonitatem & suauitatem rei percipit, quamdiu percipit, eam necessario appetere & amare. Quid vero si gustus corruptus sit? si quid intercedat quod impediat, quominus eius percipiat suauitatem? Tum sane contingere potest, ut quis fastidiat, ex quo maximam antea peceperat delectationem. Magnes ferrum ad se trahit: sed si quid intercedat, quod Magnetis vim impediat, motus cessat. Sic voluntas nostra Dei bonitate semel percepta,  
ad



ad eam rapitur, aut si obstaculum ponatur, si intercipiatur ista bonitatis communicatio, quid mirum, si ad hoc suæ felicitatis centrum moueri desinat? Nimis multa autem in homine adsunt impedimenta, quæ nisi sedulo remoueantur, hac eum priuare possunt felicitate. Gustus eius per naturam, educationem & consuetudinem corruptus est, ut incommoda & acerbitem rerum mundanarum non semper sentiat, aut interdum suauitatem etiam ex iis capiat. Hinc quando incipit bonitatem Dei gustare, gustus iste levis tamen adhuc est, nec animum satis interdum afficit, ut non quandoque rerum caducarum desiderium cum inuadat. Est tamen magna hic hominum diuersitas: cum in quibusdam multo acrior sit, animumque amor iste Numinis ita percellat, ut fordeant res omnes caducæ, nihilque aliud nisi tædium & maximam molestiam creent. Quæ cum ita sint, ratio patet, cur nonnulli amittere iterum verum rerum diuinarum gustum, & ad suam redire, facile possint perniciem.

§. XXIII. Interim hoc tamen certum est, si quis iustum gradum in gustu rerum diuinarum consecutus fuerit, hunc haud ita facile adduci posse, ut rerum terrestrium iterum capiatur amore. Quod si fiat, summa malitia, incuria & negligentia accedat oportet.

Vnde inidoneos eiusmodi homines seipsos reddunt, quibus iterum Deus tam facile se impertire queat. Atque hinc lucem nifallor, capit, illud Apostoli ad Ebr. VI. 4. seqq. *Fieri non potest, ut qui semel collustrati cœlestē donum gustarunt & participes fuerint Sancti Spiritus: præclaraque Dei dicta & aui futuri virtutes gustarunt: Et tamen relabuntur, ut iterum vitæ correctione renoventur: qui sibi Dei filium crucifigunt & in eum exemplum edunt.* Hic initio illud probe observandum, quod plane ad mentem nostram religio Christiana describatur per gustum: qui semel collustrati cœlestē donum gustarunt. Deinde quod diuersi gradus huius gustus statuuntur. Namque non sine prægnanti ratione additur: *Præclaraque Dei dicta & aui futuri vires gustarunt*, quo ipso supremus veluti huius felicitatis, quæ quidem in hac vita hominibus obtingere potest, gradus designatur. Porro quod de his etiam qui huncce gradum consecuti sunt, asseratur, tamen eos relabi posse. Et denique quod ἀδύνατον sit, ut vitæ correctione iterum renoventur, propter incorrigibilem scilicet mentis perversitatem. Culpa itaque non penes Deum est, qui per naturæ suæ summam perfectionem non potest non cum omnibus ad hoc paratis, se vnire, sed penes ipsos homines qui sua malitia in eum statum se præcipitant,

vt

ut ex sua emergere nequeant miseria. Nimirum si quis data opera gustum suum corrumpere & deinceps culpam in saccharum reiiiceret, ac si hoc non esset dulce, nonne is omnium iudicio infanus & mentis suæ non satis compos pronunciaretur? Sic & homines ad caduca hæc iterum se conuertentes, suum gustum corrumpunt; hinc quod miseri euadant & infelices, non Deo, sed ipsis imputandum est. Hoc ipse Apostolus eleganter exemplo agri declarat, qui si sterilis sit & nullum amplius fructum ferat, agricolæ imputari nequit, quod ab eo tandem prorsus negligatur. *Nam, terra quæ imbrem sæpius in se venientem combibit & herbam parit illis accommodatam, propter quos colitur, ea Dei fauore felicitatur. At quæ spinas effert & tribulos, improba est, & affinis execrationi ad extremumque exurenda.* Accedit enim ad hæc iustissima, Dei ira, eiusmodi hominem, tam proterue in suam se dantem perniciem, deserentis.

§. XXIV. Probe autem hæc si teneantur, obuiam iri facile quam plurimis, qui animos hominum occuparunt, erroribus potest. Inter hos & illum refero: quod existimant disputationibus & subtilissimis ratiocinationibus Atheos ad meliorem mentem reuocari posse. Hinc tot hætenus conscripta sunt, contra Atheos volumina, & quotidie con-

scribuntur, quibus tamen nihil proficitur. Ergo, vel vnicum Athei exemplum mihi monstrari vellem, qui conuictus disputatione eiusmodi, & ad meliorem sententiam traductus sit. Credo equidem, quod si disputationi vim & pœnæ metum adiunxerunt, nonnulli eo perducti sint, ut ore Deum profiterentur, impiumque eiurarent errorem. Ast quod conuicti plane sint ac certi de existentia supremi Numinis redditi, hoc est, de quo dubito. Ergo, inquis, Athei sibi relinquendi & ab execrabili non liberandi errore sunt? liberandi sane sunt, sed alia incedendum via, alia adhibenda methodus. Namque si disputationum campum cum iis ingredi vis, nunquã deerit quod excipiant, speculationibus etiam & contemplationibus immerfi, impediuntur saltem ad animæ suæ miseriam attendere, quæ tamen prima ad illorum emendationem via, est. Hinc eiusmodi disputationes non inutiles modo, sed interdum noxiæ sunt. Ego non aliam video rationem emendandi, & ad meliorem mentem reducendi Atheum, quam ut paucis demonstretur, Deum voluntate rectius, quam intellectu percipi, & intellectus certitudinem dependere ab emendatione voluntatis: exploret ergo se serio, an veram animi tranquillitatem possideat, & cum citra controuersiam deprehensus sit, ea se care-

re,

re, iubeatur Deum quærere, donec eius possessione & fruitione plene conuincatur. Si obtemperet monitis tuis & adhortationibus (nam a disputationibus abstinere consultius fuerit) bene est; sin, nihil aliud superest, quam vt pro eiusmodi homine longe miserrimo preces ad Deum fundamus.

§. XXV. Ergone, pergis, contemnendæ plane sunt istæ rationes, quibus Philosophi tam acute, tamque eleganter, summi Numinis existentiam probarunt. Non sane: sed recte vsurpandæ sunt. Eæ rationes si caute & sobrie proponantur, id efficere possunt, vt attentionem in Atheo excitent, vtue in eam illum inducant sententiam, rem dignam esse, in quam præiudicatis opinionibus procul facessere iussis, inquirat. Hæc opinio, si in illo excitata fuerit, & tum ille a speculationibus subtilioribus ad practicam, simplicemque miseræ suæ considerationem perducatur, tum spes aliqua affulgere alicui potest, ex inferni faucibus miserum eripiendi. Intellexit hoc, credo, Anglorum Theologus doctissimus Richardus Bentleius, qui contra Atheos disputaturus, initium fecit a miseria & stultitia Atheorū. vid. Bentleii *Irrationabilitas & Stultitia Atheismi Orat. I.* Recte quidem. Si quid enim disputationes proficiunt, hæc sine dubio efficacissimæ sunt, quibus miseræ suæ

& stultitiæ conuincuntur, vt ita tandem adducantur ad querendum Deum, eumque tandem gustandum, quæ vnica ratio est ex omnibus dubiis & incertitudine eluctandi.

§. XXVI. Quid verò mirum, quod successu fere careant susceptæ contra Atheos disputationes, cum forte plerique, qui contra Atheos disputant, in eandem classẽ sint referendi, licet ipsi hoc non credant, nec sibi persuadeant. Plerique enim, qui tantos contra Atheos clamores excitant, theoreticam saltem habent de Deo notitiam, quæ si cum gustu Dei conferatur, incerta est & infirma. Imo fidenter dico & citra ambages, qui non gustauit Deum, & voluntate percepit, quantumuis multa contra Atheos disputet, ipse Atheus est. Audaciam meam accusas? ecce idem dixit Ioannes Apostolus: *qui non amat, non nouit Deum; nam Deus amor est. 1. Job. IV. 8.* Nihil luculentius ad nostram sententiam confirmandam dici poterat. Amor Dei ex eius gustu oritur, & qui gustauit Deum, eum necessario amat. Is ergo, qui gustauit Deum, vt ita dicam, adeoque eum amat, Deum etiam nouit; Qui autem non gustauit, adeoque non amat, non nouit Deum, adeoque & Atheus est. Manifestum ergo est, atheum esse posse, qui firmissime sibi persua-

det

det, se credere Deum, & quotidie quam subtilissime contra Atheos disputat. Vnde & hoc rursus intelligitur, cur gentiles in Scriptura Athei dicantur. *Quamobrem meminitote*, inquit Apostolus, *vos in illo tempore fuisse sine Christo, ab Israelitica republica alienos, federibus promissionis carentes, spem non habentes. & DEI EXPERTES in mundo*, hoc est, plane Atheos. *Eph. II, 12.* Num existimamus nullam plane Ephesios de Deo habuisse notitiam? Vix hoc sibi quisquam persuaderi patietur. Et nihil secius fuerunt Athei. Ratio: quia non gustarunt & voluntate perceperunt Deum. conf. liber cui titulus: *le Chretien Philosophe. p. 152.* ubi autor recte & egregie dicit: *Atheismum esse extinctionem motuum, per quos sentimus* (sentimus, inquam, non intelligimus, saltem) *existentiam Dei.*

§. XXVII. Quod vero antea §. XXII. dixi, argumenta quibus probatur existentia Dei, hunc potissimum usum habere, ut iis præparetur animus ad quærendam perceptionem, seu fruitionem Dei, per quam solani plene & firmiter de Dei existentia & perfectionibus aliquis conuinci queat, hoc confirmari pariter ac illustrari potest ex sermone Pauli Apostoli *Act. XVII, 27.* Argumenta hætenus selectissima attulerat Apostolus, quibus probari existentia Dei quam accuratissime potest

test. Quorsum vero ista? ut intellectus idéas quasdam atque conceptus de existentia Dei sibi formaret? hoc ad certitudinem non sufficere arbitratur Paulus. *Vt quærerent, inquit, Dominum si forte eum CONTRECTARENT, & invenirent.* Is ergo eum invenire dicendus est, qui eum *contrectat*; hoc est tam certo percipit sensatione voluntatis, ac is, qui corpus ex tactu & contrectatione percipit. Est enim manifestum, quod quædam verba sensuum, ut *videre & audire* magis intellectum, alia ut *gustare, palpare, contrectare*, magis voluntatem & intimam mentis perceptionem adumbrent. Atque hanc esse Apostoli mentem, ex sequentibus constat. Intime enim Deum omnibus præsentem esse docet. *Quânquam non procul ab unoquoque nostrum remotum: cum in eo vivamus, & moveamur, & simus.* Vt enim intellectu percipiamus Deum & certas ideas atque conceptus de eo nobis formemus, ad hoc non necesse est, ut intime omnibus præsens sit. Ast ut voluntas cum eo uniat, & ita bonitatem eius percipiat, & gustet, ad hoc omnino necesse est, ut omnibus intime præsens sit, cum aliquis vere & realiter cum re absenti uniri nequeat.

§. XXVIII. Proxime ad atheos accedere videntur, qui Numinis equidem existentiam profitentes, Christianæ tamen religionis indu-



dubium vocant aut veritatem, aut necessitatem, in ipsa natura se viam & rationem perveniendi ad salutem, inuenire, existimantes. Atque hi quidem vulgo *Naturalistarum* nomine veniunt. Nec defuerunt, qui eruditis commentationibus, illorum errori obuiam ire & cum primis Christianæ religionis veritatem demonstrare, conati sunt. Ecquis vero est, qui Hugonis Grotii de veritate Christianæ religionis librum ignoret? cui omnes ferme palmam in hoc scribendi genere, tribuunt. Ad me quod attinet, in eo cum reliquis facile consentio, eruditum huncce Grotii librum esse, & multiplici doctrina refertum, ut omnia eius viri scripta. An ad Christianæ religionis veritatem agnoscendam eo ullus sit adductus, ego quidem nescio, & si palam dicere licet, quod sentio, dubito. Non accuso Grotium ac si male causam optimam egerit: sed an hac methodo convinci plane Naturalistæ aut Ethnici queant, quæ tamen solennis est & omnibus eruditis frequentata, id quidem est, de quo me dubitare profiteor. Etenim ita arbitror, Christianæ religionis criterium non in intellectu, sed in voluntate quærendum esse. Adeoque si quis omnia argumenta, quibus veritas Christianæ religionis demonstratur, ad vaguem usque calluerit, & ne minimum quidem

dem in intellectu suo hac de re superesse scrupulum existimauerit, si tamen gustu mentis hanc veritatem non deprehenderit, dubius erit & incertus, quicquid etiam dicat. Hoc ipse statim experietur, modo positis paulisper opinionibus præiudicatis, paulo profundius in animi sui penetrare recessus sustinuerit. Quid multis? longe aliam methodum probandi veritatem Christianæ religionis tradidit nobis Seruator Ioh. VIII. v. 16. *Mea doctrina mea non est, sed eius qui me misit, Si quis volet, eius voluntati parere, cognoscat de doctrina, utrum ea sit a Deo, an ego mea sponte loquar.* Quæstio ibi erat de veritate doctrinæ Christi. Hanc vt probaret Christus, non argumentis, ex philosophiæ aut historiarum recessibus petitis vsus est, sed adhortatus est auditores suos vt ad verum doctrinæ huius criterium attenderent; hoc autem criterium erat: *Si quis volet Dei voluntati parere, cognoscat de doctrina, utrum ea sit a Deo?* hoc est, si quis gratiæ diuinæ se permittit, vt remotis cupiditatum impedimentis, bonitatem Dei gustare incipiat, & ita voluntati diuinæ se submittat, tum ex hocce gustu rerum diuinarum cœlestiumque bonorum conuincetur & certus euadet, hanc doctrinam veram esse & a Deo profectam. Et ita sane est, si quis cruciatus & angores conscientiæ ob  
com.

commiffa peccata non intellexerit, fed expertus fuerit; fi quis folatium quod tum doctrina de Chrifto Seruatore affert, non prolixis speculationibus contemplatus fuerit, fed reuera fenferit & guftauerit; is demum certus euadet de veritate religionis Chriftianæ; imo maiorem certitudinem confequetur, quam omnes demonstrationes, etiam mathematicis euidentiores, affere potuiffent. Proinde hæc vera eft & genuina methodus de veritate Chriftianæ religionis aliquem conuincendi, vt adhortationibus adducatur ad mentis fuæ miferiam explorandam & agnofcendam; atque huic fi remedia ipfe quaefuerit, nec alibi quam in Chriftiana religione inuenerit, tum demum ipfa experientia atque guftu, vt ita dicam, conuinceretur, vera effe quæ hæc religio profitetur.

§. XXIX. Nec tamen ideo ftatim reicio aut contemno argumenta, quæ ad veritatem Chriftianæ religionis comprobendam erudite funt excogitata. Idem de illis fentio, quod fupra de argumentis, quibus contra Atheos vtrifque uolumus, pronuntiaui. Preparari uis quodammodo animus poteft, vt eo facilius adducatur ad media adhibenda, quibus deinceps ad verum rerum diuinarum guftum perueniat; conuinci prorfus nequit. Etenim, noftra natura tam corrupta eft, vt difficulter ad-

adducatur ad miseriam suam deferendā, proinde omnia, quæ potest, illis opponit, qui eam corrigere & emendare annituntur, cum primis autē rationem in subsidium vocat, quæ si dubia quædam contra id, quod proponitur, mouere queat, longe illud gratissimum est homini deprauato. Hæc itaque obstacula vt remoueantur, illorum omnino aliquid conferre philosophia potest, quæ veritatem Christianæ religionis variis argumentis comprobât. Declarari res omnis exemplo potest. Aegrotus, quod medicamentum, quod illi propinatur, sanitatem allaturum sit, certo priusquam experiatur, scire nequit. Hoc cum insuper non gratum sit palato, varias excogitare equidem potest rationes, quibus evincat, non sumendum esse medicamentum, quia adhuc dubium incertumque sit, an per illud sanitatem sit recuperaturus, aut quia nullum morbo insit periculum, & si quæ alia sunt eiusdem commatis. His si quis alias rationes opponat, quibus demonstret, errare omnino ægrotum, qui vires, quibus medicamentum pollet, ei abiudicet aut morbi naturam indolemque ignoret, non quidem hoc ipso sanitatem ægroto conciliat; efficit tamen, vt eo facilius medicamentumumat, quo restitui sanitati queat.

**§. XXX.** Longe firmissimum porro hæc doctrina nobis suppeditat præsidium, contra *Indifferentismum*, ut vocant, religionum. Et enim qui ipsa experientia & intimo velut gustu conuictus didicit, in sola Christiana religione asserri, quæ animum boni infiniti cupidum exariare possint, ei sane neuiquam perinde esse potest, num huic, an Ethnicæ, aut Iudaicæ vel Mahumetanæ religioni sit ad dictus. Sed cum Christiana religio iterum, in diuersas distracta sit sectas, quænam inter hæc amplectenda sit, quam rectissime di iudicabit, si huius criterii ductum sequatur. Ast hoc cum absolum forte quibusdam videri possit, paulisper nobis declarandum est. Bonum quod mouere voluntatem debet, necesse est ut ad voluntatem etiam pertingat, ea quidem efficacia, quæ ad sufficienter eam movendam requiritur. Sic quæ appetitum sensitium mouere debent bona, nisi sensus externos percellant, & ita quidem, ut voluptatem aut dolorem ex iis mens capiat, nihil efficiant. Fructum arboris vetitæ si e longinquo saltem primi parentes conspexissent, aut si is inuolucris quibusdam tectus illorum oculis substractus fuisset, nunquam, credo, eum appetiissent, multo minus comedissent. Eodem modo quæ voluntatem mouere debent bona spiritualia, necesse est ut eidem ita re-

præsententur, ut efficaciam suam in voluntatem exerere queant. Hinc si quæ inter Christianæ religionis sectas Deum resque divinas errorum & pravarum opinionum involucris tectas velut & obscuratas proponant, illæ quin vero sine scopoque excidant, dubitandum non est. Hinc neutiquam sane perinde est quasunque amplectamur opiniones: cum quædam omnino vera fruitione summi boni nos priuent, summamque adeo attrahant perniciem. Accedit in religione christiana hoc peculiare, quod excitari insuper voluntas ad summum bonum, appetendum, & viribus novis instrui debeat, cum mortua per naturam sit, & ad bonum, verum percipiendum prorsus inepta; idque per certa media a Deo huic fini destinata. Si quæ ergo secta hæc media respuit, aut non ita proponit, ut efficacia esse queant, ea quantumvis splendida, ab indole Christianismi abhorret, & qui ei addicti sunt, non est, ut eam, quam omnes navibus atque quadrigis petunt, sibi polliceantur felicitatem. Applicare hæc ad singulas sectas, haud difficile fuerit. Etenim ad duo hæcce semper respiciendum est capita, si iudicium ferendum sit, num quis in hac aut alia secta constitutus, stricteque eiusdem sectæ placitis addictus, æternam consequi salutem possit? Primo num de Deo, rebus

busque diuinis talia doceat, quæ forte perceptionem earundem & verum gustum impedire queant. Deinde an ea proponat media, quæ excitare hominis voluntatem, & cupiditatum vinculis liberare, & ad gustum istum diuinum aptam reddere queant.

§. XXXI. Hoc forte, excipis, est quod volo, ad diiudicandam veritatem in moralibus concurrere etiam intellectum debere, non sufficere voluntatem. Ast hoc ipsum, est, quod ego nunquam negavi. Concurrere ad cibum præparandum & sumendum, visus potest, non tamen oculis gustamus, sed lingua & palato. Sic ad veritatem agnoscendam in moralibus concurrat intellectus, non tamen intellectu, sed voluntate quodnam verum bonum sit, diiudicamus. Interim si quis iam ipso intellectu cognoscat, aliquid non esse bonum, non necesse est, vt hoc exploret voluntate. Si quis oculis aut aliis sensibus non credens, lignum, lapides & id genus alia in cibum commode assumi non posse, vellet omnia prius gustu explorare, stultus esset. Ita etiam, qui in iis, quæ intellectus satis clare capit, semper affectum prius aut voluntatem in subsidium vocare vellet, de eo merito illud: fero sapiunt Phryges, vsurparetur. Omnia ergo eo redeunt, vt suos intellectui & voluntati statuamus limites, nec hos confundamus,

imo potius, ut a natura constitutos recte obseruemus. Confundunt autem hos omnino, qui voluntati ita criterium veritatis tribuunt, ut intellectus officia excludant. Quos homines, eiusmodi indifferentissimum profitentes, licet ipsa satis refellat experientia, error tamen illorum manifestandus, aut detegendus est, ne eo & alii abripiantur.

§. XXXII. Sed Fanaticismo ut vocant obuiam etiam commodè iri potest, si hoc criterium veritatis rite obseruetur. Fanaticus enim is vocatur, qui certo principio, certa norma, & regula destituitur, & quicquid in mentem venit & ipsa phantasia, enormiter licet aberrante, sibi fingit, pro vero reputat. Quod illis fane contingere necesse est, qui rerum bonitatem intellectu comprehendunt, voluntate non percipiunt. Unde revera plerique Systematum concinnatores, qui tanto clamore & strepitu in Fanaticos detonare solent, maximi sunt Fanatici. Namque raro admodum verum gustum rerum, divinarum habent, adeoque non ex experientia loquuntur aut scribunt, sed quæ ab aliis dicta sunt, ea iterum dicunt, & centies repetunt. Rursus tamen & inter eos, qui propriæ conscientiæ & experientiæ ductum se sequi opinantur, plurimi sunt Fanatici. Namque priusquam aliis quod gustu bonum esse de-



deprehendimus, obtrudamus, sedulo explorare nos debemus, num forte gustus noster corruptus sit. Quod qui non faciunt, incertum pro certo exploratoque arripientes, facile in Fanaticismum incidunt.

§. XXXIII. Non autem certior ratio est se explorandi, quam si omnes motus nostros exigamus ad normam rectissimam & falli nesciam, Scripturam scilicet sacram. In ea enim non tantum media perueniendi ad summam felicitatem, unionem videlicet cum Deo, præscribuntur, sed & characteres luculenti eorum proponuntur, qui hanc felicitatem consecuti sunt. Hinc si quis primo gustu suo interno apprehendit suauitatem summi boni, & certus insuper est, se ea adhibuisse media, quæ Scriptura S. commendat, eosdem denique characteres in se apprehendit, quos Scriptura in illis, qui hanc felicitatem consecuti sunt, notat, is demum extra omne erroris aut deceptionis periculum est constitutus. Contra qui hæc non rite observant, facile in Fanaticismum prolabuntur, siue in intellectu tantum veritatis criterium, in moralibus quærant, siue gustu suo depravato nimis præcipitanter ex eo criterium boni & mali assumendo, se decipi patiantur. Et inde quidem duplex ista Fanaticismi species

oritur, qui quotidie homines in transiōnibus agit.

§. XXXIV. Omnes itaque Phantasiae illusiones dum procul facessere iubemus, & Scripturæ S. rectum commendamus vsum, hoc etiam addendum, neminem, nisi diuina gratia collustratum Scripturam S. recte intelligere. Hoc omnes inter nostros profitentur, pauci forte recte capiunt, paucissimi experiuntur. Ex nostra autem de criterio veritatis in moralibus hypothesi, cuncta rite declarari possunt. Quæcunque in Scriptura S. de Deo rebusque diuinis, de gratia Dei conuertente, iustificante, renouante, sanctificante & sic porro dicuntur, bona sunt, quæ quisque in se experiri & gustare debet. Ni expertus fuerit, ni gustauerit, potest quidem multa de hisce rebus verba facere, sed vt non intelligat quæ dicat aut scribat. Etenim & cæcus de coloribus loqui multa & differere potest, si recitet quæ ab aliis audiuit, cum ipse, quid color sit, ignoret. Et ita simplicissime intelligi potest, quod dicit Apostolus: *animalia homo non percipit quæ sunt diuini Spiritus quippe quæ sunt ei stulticia, itaque non potest ea cognoscere, vt quæ sunt spiritualiter examinanda* 1. Cor. II. 14. Qui supponunt intellectu veritatem rerum moralium diiudicari, hocce effatum Apostoli aut plane non intel-

telligant, aut non admittant, necesse est. Nonne experientia docet, homines improbos accuratissimos etiam de rebus diuinis sibi formare posse, conceptus? imo ita vt probos etiam vincant? Quid ergo sibi vult Apostolus dum dicit, *animalis homo non capit, quæ sunt Spiritus Dei*. Forte ideo non capit, quia non vera esse credit, quæ in Scriptura Sacra proponuntur? Ast repugnat experientia? Multi enim sunt ex Theologorum etiam ordine, qui non tantum accurate dogmata & articulos Theologiæ tenent, sed de illorum etiam veritate tam firmiter persuasi sunt, vt vitam potius dimittere, quam mutare sententiam parati sint, & qui tamen moribus suis demonstrant, non immerito in animalium, hominum sese referri classem. Qui enim de hisce dici potest *quod non capiant doctrinam Christianam*? Nihil ergo aliud superest, quam vt fateamur, de cognitione & perceptione voluntatis hoc esse intelligendum. Qui non expertus est, & gustu ipso mentis conuictus, esse Deum; eumque esse iustum, benignum, sanctum, peccatoribus terribilem, paterno eundem affectu ad se accedentes amplecti & sic porro, ille quantumvis multa de Deo commentetur, non capit, quæ sunt diuini Spiritus & si cordate intimos mentis suæ recessus explorare velit, deprehendit ea omnia illi stul-

ta & absona videri. Atque hinc luculenter explicari etiam potest, quis Scripturæ S. sensus *carnalis* & *spiritualis* sit. *Spiritualis* qui solus verus & genuinus est, is dicitur, quando quis ea, quæ in Scriptura S. legit, in se quoque expertus est, aut experitur. *Carnalis*, quando quis ex Scriptura S. certas equidem de rebus diuinis sibi ideas, secundum regulas artis format, sed in se nondum ea expertus est, quæ in Scriptura S. legit.

§. XXXV. Controuersiarum denique & litium funestissimarum, quibus orbis Christianus discinditur in partes, numerus haud mediocriter imminueretur, si obseruata hac doctrina homines tandem intelligerent, pterosque pro inanibus ideis atque conceptibus suis, tanquam pro sacris & aris pugnare. Res nimirum ita se habet. Quæ percipimus sensu atque affectu, ita percipimus vt plane, quid percipiamus, aliis, verbis explicare nequeamus. Adeoque si alter nunquam eiusmodi quid percepit, frustra annitimur ideam eiusdem perceptionis verbis aut sermonibus nostris in animo eius excitare. Sic etiam si alter dicat, se aliter hoc percipere, operam oleumque perdidit, si quis hac super re cum eo disputare vellet. De gustu nec corporis nec mentis disputandum esse, iam in prouerbium abiit, adeo huius rei omnibus nota est

veri-

veritas. Quod si tu certus sis tuum gustum recte se habere, alterius corruptum esse, in causas eius rei inquirendum, fons mali modestè demonstrandus, & impedimenta removenda, ut alter quoque ad verum gustum perveniat. Si is recta suadenti obtemperare nolit, habeat sibi. Non ergo omnes disputationes proscribimus: absit. Multas enim, quæ ad innocentiam nostram demonstrandam, & viam errantibus ostendendam, impedimenta veri gustus remouenda comparatæ sunt, oppido necessarias esse, lubenter fate-mur. Sed quæ de modo huius gustus ut ita dicam suscipiuntur, & de meris conceptibus instituuntur, maximam partem friuolas esse, & superuacaneas, asserere non dubito. Quod si duo acriter de gustu Sacchari inter se contenderent, vno quidem contendente, Saporem eius ad dulcedinem lactis, altero ad dulcedinem mellis eum propius accedere asserente, nonne cum ratione insanirent, cum illis illa nulla disputatione finiri posset? Quod si insuper neuter saccharum gustasset, & tamen contendere non desinerent, hos tu rationis compotes diceres? Faxit Deus ut tandem rectiora tam sæpe moniti discant mortales, & ea agant, quæ egisse nunquam eos poenitere queat.

OBSERVATIO X.  
ALTERVM INDICIS EXPVRGATO-  
RII ROMANI SPECIMEN.

Beatus Rhenanus.

p. 7. **E**X annotationibus Beati Rhenani in  
Tertulianum.

In argumento in librum de carne  
Christi, paulo post princ. deleantur illa  
verba, *in hoc libro sunt, quæ euariant a placitis  
recentiorum Theologorum, ut quod de Fratribus  
loquens dicit, &c. vsque ad illud, quo vix alium  
Christianus Orbis antiquiorem habet.*

In argumento in librum de præscriptioni-  
bus aduersus hæreticos, circa medium, dele-  
antur illa verba, *hanc nulli loco affigit.*

In annotationibus in 1. librum contra  
Marcionem num. 10. deleantur illa verba, &  
*hodie quidam carnibus pisces præferunt.*

In argumento in librum quintum contra  
eundem in fin. deleantur illa verba, *porro quod  
omnibus epistolis excusfis, præter eas, quæ sunt ad  
Titum, &c. vsque ad finem argumenti.*

In argumento libri contra Valentinianos,  
paulo post princip. deleantur illa verba, *vide  
quantum Christianismo semper nocuerit philo-  
sophia.*

In annotationibus in librum de Corona,  
mi-



militis paulo ante med. ubi declarat illud Tertulliani, *verbum Eucharistia Sacramentum*, deleantur illa verba, *Conradus Pellicanus, homo mira sanctitatis, ac eruditionis.*

Ibidem, paulo post in illa Tertulliani verba, oblationes pro defunctis, deleatur illud, *unde anniuersariorum sacrorum, cum eleemosynis, origo, quæ apud nos perpetua instituuntur*, deleatur etiam similis annotatio marginalis in libro de Monogamia, ex omnibus impresionibus, ubi posita fuerit.

pag.  
138.

Ibidem n. 9. in illa verba, *conquirendum an in tot. Christi mili.* deleatur tota annotatio usque ad illa verba, *Apostolos nobis representantes.*

Argumentum libri de Pœnitentia, totum expungatur, nam commode repurgari non potest.

In annotationibus in eundem librum de Pœnitentia, in fine, deleatur integra annotatio in illa verba, *institutam a Domino exomologesim, sciens*, usque ad finem.

In argumentum libri, Exortationis ad castitatem, in medio, deleantur illa verba, *quam veteres omnes, atque adeo Hieronymus ipse matrimonio parum equi fuerint, &c.* usque ad finem argumenti.

In exemplari Basileæ, apud Frobenium, impresso anno 1528. in argumento, libri de  
pra-

*prescriptionibus hæreticorum, deleantur illa verba, ex hoc libro facile liquebit lectori, qui non sit omnino stupidus, & quæ sequuntur vsque ad finem.*

Ex libro quarto *aduersus Marcionem*, statim post num. 50. vel 51. (propter varias impressiones,) deleantur illa verba, *Baptisma, & Eucharistia, duo Sacramenta primitiua Ecclesie.*

Fol. 596. corr. in margine, pro origo, ponatur, antiquitas. Non enim sancta, & salubris anniuersariorum consuetudo Tertuliani primum temporibus nata fuit, sed ab Apostolis acceptam consuetudinem, vt nos, ita & illa secula frequentarunt.

P. 40. **BENEDICTI ARIÆ MONTANI.**

Corrigenda in Commentario Benedicti Ariæ Montani in Isaiam: Paginæ citatæ respondent Editioni Antuerpianæ, Anni 1599. in 4.

Cap. I. pag. 43. super illa verba *Isaia, quo mibi multitudinem victimarum vestrarum, deleantur verba sequentia. Neque enim nos illud sacrificium offerimus: sed illud ipsum CHRISTI representamus, & referimus in cruento, (vt dicitur) modo repetimus id, quod CHRISTVS cruentum obtulit.*

Cap. I. p. 52. super illa verba *Isaia, si fuerint peccata vestra, sicut coccinum, deleantur,*

tri-



triginta versiculi ab illis verbis, *neque enim ante CHRISTI mortem, & resurrectionem ullus homo a peccati corpore, &c. vsque ad illa inclusive, sine qua simplicitate non intrabimus in Regnum Cælorum.*

Cap. 9. p. 228. super illa verba: *Princeps pacis, deleantur verba sequentia, pax etiam inter carnem & spiritum conciliata.*

Cap. 32. p. 729. super illa verba, *Cultus iustitie silentium, deleantur illa verba, sed in hac hominum conditione, &c. vsque ad illa inclusive usus expolitione vates declarat.*

Corrigenda in Commentariis B. Ariæ p. 40. Montani in Prophetas minores, citantur paginae ex editione Antuerpiana 1571. in folio.

Cap. 10. Osee, pag. 173. super illa verba, *seminate vobis ad iustitiam, deleantur verba illa, verum enim vero tantum hoc, tanquam admirabile donum, &c. vsque ad illa, qui utinam aliquando ad veritatem dirigantur, inclusive.*

Ibidem pag. 174. deleantur illa verba, *nulam igitur occasionem, &c. vsque ad illa inclusive, per CHRISTVM suo tempore asserendam.*

Cap. 14. pag. 212. super illa verba, *Vocantibus medebor, amaboque hps libenter, deleantur illa verba, Igitur cum primum hortantem Israelitas vatem, &c. vsque ad illa inclusive, Deus ipse in se recipit.*

Cap. 2. Ioelis, pag. 253. super illa verba, & cum qui ab Aquilone est, deleantur illa verba, in Hebraeis vero mysteriis, &c. vsque ad illa inclusiue, grandis est sermo, & ad dicendum interpretabilis.

Cap. 2. Zacharie, pag. 789. super illa verba, & possidebit Dominus Iudam, deleantur illa verba, Is vero populus Hierusalem, &c. vsque ad illa inclusiue, ad præclaras gerendas, agendasque res adderet.

Pag. 290. super illa verba, Et eliget adhuc Hierusalem, deleantur illa verba, qualis vero eorum hominum, qui hac Sancta Ciuitate donati, vsque ad illa inclusiue, quamuis inuiti tamen ob breuitatis studium prætermittimus, id est, deleatur tota pagina vsque ad finem capituli.

Cap. 4. p. 799. super illa verba, & Campus eius, deleantur illa verba, id quod antiquis temporibus, vsque ad illa, ut exhiberet immaculatam Deo

Cap. i. Malachiæ, pag. 935. super illa verba, ab ortu enim solis vsque ad occasum, deleantur illa verba, at vero ceteras gentes non legis, &c. vsque ad illa inclusiue, purum munus offerretur, sunt hoc loco delendi supra centum versus, siue lineæ.

Corrigenda in Elucidationibus B. Ariæ Montani in quatuor Euangelia, & Acta Aposto-

sto.

stolorum. Paginae citantur ex editione Ant-  
verpiana, in quarto, 1575.

Cap. 1. Matthæi, pag. 1. deleatur tota pri-  
ma annotatio, quæ incipit, *in hoc capite expo-  
nitur IESV CHRISTI genealogia, & finitur illis  
verbis, ex familia David secundum carnem, si-  
ne patre humano genitus.*

Pag. 2. num. 16. litera a. deleantur illa ver-  
ba, *adoptione & affinitate, que Hebraeis dicitur*

*נחמך* *non genitum, sed natum.*

Cap. 5. Matthæi, pag. 62. num. 28. lit. a.  
deleantur illa verba, *concupiscentiam antiqui,  
&c. vsque ad illa, inclusivæ, & rationi subiici-  
ant.*

Cap. 6. Matthæi num. 1. pag. 14. litera b.  
deleantur illa verba, *Duplex est iustitia, com-  
parata, & accepta de utraque genere alias disse-  
ruimus. In prioris ratione omnia opera conti-  
nentur Deo grata, & probata, in quibus*

Cap. eodem pag. 17. n. 33. lit. D. delean-  
tur illa verba, *nam duplex est iustitia, &c. vs-  
que ad illa, & hoc non ex vobis, donum enim Dei  
est.*

Cap. 11. Matth. num. 28. lit. I, pag. 34. de-  
leantur illa verba, *venite ad me omnes, qui ve-  
strarum culparum, &c. vsque ad illa, qua libe-  
rantur à lege peccati, & mortis.*

Cap.

Cap. 19. Matth. n. 18. Lit. E, p. 65. deleantur illa verba, *cognouerunt autem in regeneratione, cum regenerati re, & effectu, & vsque ad illa, & nobis erit alia fusius explicanda, Deo id prospiciente.*

P. 42. Cap. eodem, n. 30. lit. F pag. 66. deleantur illa verba, *multi erunt primi, hunc locum & c. vsque ad finem annotationis.*

Cap. 1. Luc. num. 72. lit. K. p. 183. deleantur illa verba, & corpore peccati, & paulo post, deleantur illa, *idque donum certum, perpetuumque nobis sit, ipso auctore, omnibus diebus nostris, in hac vita, & in futura, aeterna duratione.*

Cap. 12. Luc. num. 110. lit. E. pag. 229. deleantur illa verba, *alii autem accepta a Spiritu Sancto virtute, & reuelatione, illum filium Dei credunt esse longe praestantius, quam illi priores, quia adiuti dono diuino habent testimonium Dei in se.*

Cap. 22. Luc. num. 19. lit. G. pag. 263. deleantur illa verba, & corpus etiam mysticum a me susceptum, & c. vsque ad illa, & tamen non proderit hoc omnibus vobis, quia ecce manus tradentis me, & c.

Cap. 16. Ioannis num. 26. lit. F. pag. 341. deleantur illa verba, *qui a patre procedit, non de procesione personali, & c. vsque ad illa, qui est summus auctor totius huius consilii, & ex-  
seditiois.* Cap.

Cap. 19. Actorum, num. 2. lit. C. pag. 427. deleantur illa verba, *nullis vero ex experimento antequam Christus esset glorificatus.*

Cap. 28. Actorum, num. 28. lit. C. pag. 461. deleantur illa verba, *& corpore peccati.*

Corrigenda in elucidationibus B. Ariæ Montani in omnia S S. Apostolorum scripta, P. 43. & in Apocalypsin. Paginæ citantur ex editione Antuerpiana anni 1588. in quarto.

In disputatione de Christi Iesu veritate, pag. 17. deleantur illa verba, *neque vero signa hæc, & veri Christi argumenta, &c.* vsque ad illa *sancti eritis mihi, quoniam ego sanctus sum.*

Ibidem pag. 20. deleantur illa verba, quæ habentur paulo ante finem paginæ, *& super omnem humani aleam constituti.*

Ibidem, p. 22. prope finem, deleantur illa verba, *nam illius morte vetus ille homo, cuius culpa in nos translata multorum sine fine malorum causa fuerat, est extinctus, & omnium nominum debitum est retributum.*

Fortasse etiam tota hæc disputatio tolli posset, quia magna ex parte consumitur in demonstranda gratia noui Testamenti, qua fingitur fomes peccati in electis plane extinguui.

Epist. ad Coloss. c. 2. num. 14. pag. 250. deleantur duo illa verba, *peccatique corpus.*

Epist. prioris ad Thessal. cap. 5. num. 23.

(5)

X

Pag.

pag. 264. *deleantur illa verba, humanum illud extinguens bellum, quo caro concupiscit aduersus Spiritum, & Spiritus aduersus carnem: atque diuisionem, dissidium, & pugnantiam illam singulari dono, ac beneficio componens, ita vt ima summis concordent.*

P. 44. Epist. ad Hebræos, c. 9. n. 9. pag. 330. *deleantur illa, auferendo non solum peccata, ex corpore peccati tanquam membra deducta, sed ipsum peccati corpus.*

Ibidem cap. 10. num. 2. pag. 334. *deleantur illa, semel mundati a peccati corpore secundum conscientiam, quod non ita ipsis contingere confessio annua manifestat.*

Epist. posterioris Beati Petri, cap. 1. n. 1. p. 388. *deleantur illa, apud Ecclesiam Dei, cuius duo in uniuersum primi Status sunt, &c. vsque ad illa, ad caterorum edificationem hortantur.*

Epist. I. S. Iohannis, c. 3. n. 4. p. 408. *deleantur illa, in huius Apostoli sermone iniquitas id significat, &c. vsque ad illa, qui vere iam sunt filii Dei.*

Ibidem, cap. 4. n. 1. p. 414. *deleantur illa, Spiritus sanctificationis antiquis non fuit exhibitus, quia nondum Christus fuerat glorificatus, ideo nec tunc quidem spiritus malus extitit, qui sanctificationem ementiretur.*

Explicatio Apocalypsis tota fortasse tollen-

lenda esset, quia refert omnia mysteria ad triplicem essentiam, diuinam, humanam integram, & humanam corruptam, quæ sunt omnia noua & periculosa.

Corrigenda in Libro Generationis, & Regenerationis Adam, edito a B. Aria Montano. Antuerpiæ 1593. in 4.

Lib. 2. cap. 4. p. 91. deleantur illa verba, *ventare quidem illa solent concupiscenciæ impetui caco, & repentino, qui, si fortiter reprimatur, vincetur demum, & domabitur, præsentæ Dei gratia, &c.* vsque ad illa, *opportunum studium ponere ne-* P. 45.  
*glexerit.*

Eadem pagina, paulo infra, deleantur illa, *quamquam vero homo interioris partis virtute, exteriori portioni, &c.* vsque ad illa, *tantum in me auxilium tuum.*

Pag. 92. deleantur illa verba in fine pagina: *metuens interim, & cognoscens, non vitari se modo, sed reprimi, & pelli, ac subigi posse.*

Lib. 4. c. 1. p. 204. sub finem pagina, deleantur illa, *atque hæc haud dubie ratio fuit, &c.* vsque ad illa verba, p. 205. *ambulauit Henoch. cum Deo.*

Lib. 4. c. 2. p. 207. deleantur illa, & inferiore nihil pugnante, aut aduerti quidquam agente.

Eodem capite, p. 208. in fine pagina, deleantur

lean tur illa, atqui lex eadem, quæ homini suam imbecillitatem, &c. vsque ad illa, tempus consignatum tradi.

Lib. 6. cap. 9. pag. 327. deleantur illa, susceptum, tibi que aptatum totius humani generis corpus Deo Patri commendaturus primum, deinde in sacrificium una secum deuoturus.

Quoniam fieri non potuit, ut omnia omnino loca notarentur, quæ expungenda essent, visum est hic adiungere propositiones nouas, atque erroneas huius auctoris, ut vbicumque in libris eius lectori forte occurrent, expungantur.

*Prima propositio*, Gratia duplex est, altera comparata, altera accepta.

p.46. *Secunda*, gratia comparata communis fuit Patribus Testamenti veteris, & noui, accepta autem propria est Euangelii.

*Tertia*, gratia comparata non erat Iustitia, inhærens, sed imputatiua.

*Quarta*, gratia accepta extinguit omnino fomitem peccati.

*Quinta*, omnis qui bene utitur gratia comparata, perueniat ad acceptam.

*Sexta*, gratia accepta est iustitia inhærens, & quæ faciet filios Dei.

*Septima*, omnis motus concupiscentiæ est peccatum, quia posset homo, si vellet, extinguere concupiscentiam.



## BIBLIA ROBERTI STEPHANI.

## Christiane Lector.

Obferuauit Genebrardus, & in Cronographia, & super Origenem, quod ea versio, seu paraphrasis, quæ circumfertur sub Francisci Vatabli nomine, aut Vatabli non est, viri alioquin doctissimi, & vere Catholici: sed quorundam prauorum discipulorum eius, qui eam a Roberto Stephano Religionis Catholicæ desertore imprimi fecerunt, vel testante, Theodoro Beza in Iconibus, Leo Iudæ Eluetius eiusdem auctor fuit; vel certe si Vatabli est, Calviniani hæretici errores plerisque inferuerunt. Quapropter ab eius lectione abstinendum iudicamus, & sumendum esse, Codicem, qui anno Domini 1584. Salmanticæ impressus fuit apud Casparem Portonarium hoc Titulo. *Biblia Sacra cum duplici translatione, & Scoliis, Francisci Vatabli nunc denuo a plurimis, quibus scatebant erroribus, &c.* Curauius tamen annexere hic censuram eius ad commodum illorum, penes quos reperiuntur Biblia Roberti Stephani dicta. P. 47.

## EX BIBLIIS ROBERTI STEPHANI.

Cum duplici textu, & annotationibus Vatabli.

Post Bibliorum titulum versa pagina, tota

deleatur fol. a principio 4. totus Index deleatur, cui titulus est, *In quo itidem noui instrumenti testimonia ex veteri excerpta annotauimus.*

Inter prologos Bibliorum, qui initio præfiguntur, deleatur argumentum in lib. Iob, præsertim ab illis verbis, *in hoc vero libro hæc quæstio tractatur, an ne etiam probis a Deo malum accadat, &c.* vsque ad finem.

## GENESIS.

Cap. 6. num. 11. deleatur illud, *Ista est historia de Noe, quem iustum fuisse per fidem pronunciat, Paulus ad Hebræos 11. quod Deo prædicenti diluuium credidisset, eundem vocat Petrus iustitia præconem. 2. Petr. 2.*

Cap. 14. num. 14. deleatur illud, *Benedixitque illi subaudi Deo, id est gratias illi egit de victoria data Abrabæ.*

Cap. 15. n. 4. deleatur illud, *huius tue fidei.*

Eodem cap. num. 13. deleantur illa verba, *& reputauit ei illam ad iustitiam, illam sub fiduciam, id est ob eam credulitatem, quia credidit Deo, liberos promittenti, iustus apud Deum habitus est.*

p. 48. Eod. cap. ad marg. lit. B. deleatur illud, *Abraham fide iustus.*

## EXODVS.

Cap. 18. ad marg. lit. C. deleantur illa verba

ba, *Moyſes ſecundum leges Dei iudicat lites populi.*

Cap. 20. n. 23. deleatur tota annotatio.

### LEVITICVS.

Cap. 5. num. 18. deleatur illud, *triftitia comes eſt peccati, & peccatoris oratio Deo placere nequit.*

Eod. Cap. num. 28. deleatur illud, *Declarabit eum emundatum a peccatis.*

Cap. 10. n. 31. deleatur illud, *id eſt remiſſam declaretis.*

Cap. 17. ad marg. paulo ante lit. B. deleatur illud, *Sacrificia damnat, quæ non ſunt ad oſtium tabernaculi fæderis.*

Cap. 21. ad marg. paulo ante lit. B. deleatur illud, *Sacerdos non interſit mortuorum exequiis.*

Cap. 26. ad marg. paulo ante lit. B. deleatur illud, *ſculptilia prohibet fieri.*

Eod. cap. ad marg. lit. G. deleatur illud, *promiſſionis ſuæ memor Deus parcit populo conſistenti peccata.*

### NUMERI.

Cap. 11. ad marg. lit. B. deleatur illud, & *infidelitas.*

Eodem cap. ad marg. lit. E. deleatur illud, *infidelitas.*

Cap. 23. num. 26. deleatur illud, non a-

*spexit iniquitatem in Iacob, nec vidit calumniam  
 &c. Id est Dominus peccatum Israel non impu-  
 tat propter fidem; peccat quidem fidelis, sed sta-  
 tim condonatur ei peccatum.*

## DEUTERONOMIVM.

Cap. 4. ad marginem littera C. deleatur  
 illud, *Dehortatio a quacunque similitudine ado-  
 randa.*

Eodem cap. ad marg. litera D. deleatur  
 illud, *Imagines ne fiant, quæ adorentur.*

Eodem cap. n. 24. deleantur illa verba :  
*Corrumpatis, subaudi vos, & faciatis vobis  
 sculptile aliquod, aut similitudinem cuius-  
 cunque simulacri, hoc est imaginem, &c. vel  
 ne forte corrupti faciatis, &c.*

Cap. 7. ad marginem litera D, deleatur  
 illud, *Sculptilia, siue Imagines.*

Cap. 9. ad marginem ante literam B. de-  
 leantur illa verba, *non propter Iustitiam, & equi-  
 tatem cordis tribuit quidquam Deus hominibus, &  
 panto inferius ad marginem deleatur illud, iu-  
 stitia hominum.*

Cap. 11. ad marginem litera D, deleantur  
 illa verba. *Benedictio obedientibus verbo Dei:  
 maledictionem credentibus.*

Cap. 13. ad marginem ante literam B. de-  
 leatur illud, *Pseudo propheta, miraculis a verbo  
 Dei abducens.*

Et

Eodem cap. paulo inferius deleatur illud,  
*Miracula tentat fidem nostram Deus.*

Eodem cap. ad marg. lit. B, deleatur illud,  
*accidens, qui a fide, & fiducia in Deum abdu-*  
*cere tentet, etiam si sit vxor.*

Eodem cap. ad marg. litera C. deleatur  
illud, *Ciuitatem a fiducia in Deum abductam iu-*  
*bet ipse Deus comburere, & habitatores occidere.*

Cap. 15. ad marginem paulo ante literam  
B. deleantur illa verba, *alendi pauperes, nec*  
*permittendum, vt mendicent.*

Eodem cap. n. 23. deleatur illud, *quia a-*  
*puđ Iudaos nulli erant mendici publici.*

Cap. 17. in ipso textu nouæ editionis num.  
12. deleantur illa verba, *in actionibus iudiciali-*  
*bns.*

Cap. 18. ad marg. lit. D. deleatur illud, *Pro-*  
*pheta aliud, quam verbum Dei predicans, inter-*  
*ficiendus.* p. 50.

## IOSVE.

Cap. 1. num. 10. deleatur illud, *ire ad dex-*  
*teram est addere verbo Dei.*

## REGVM I.

Cap. 2. num. 7. deleantur illa verba, *vel*  
*nullus est, &c. quasi dicat nullus alius coli deber,*  
*præter Dominum: nam est clementissimus, &c.*

Eodem cap. num. 8. deleatur illud, *qui pro*  
*salute inuocandus sit.*

Cap. 7. n. 7. deleantur illa Verba, *Doctus inter Hebræos dicit hanc hausionem & effusionem aqua fuisse in signum fidei remissionis peccatorum dicentes euanescent peccata nostra; ut hæc aqua, dele peccata nostra. Alius inter eos in signum humiliationis inquit.*

Eodem cap. & num. vbi legitur, *resipiscen-tes*, legendum est, *pœnitentes*.

Eodem cap. ad marg. paulo ante literam B. deleantur illa verba, *seruiendum soli Deo.*

Cap. 12. litera D. ad marginem deleatur illud, *propter promissiones suas parcit Deus.*

Cap. 17. litera D. ad marginem deleatur illud *Dauidis fides, & Saulis diffidentia.*

## REGVM II.

Cap. 7. ad marginem paulo ante literam B. deleantur illa verba, *nihil vult Deus agi sine verbo suo.*

## REGVM III.

Cap. 8. in ipso textu num. 96. deleatur illud, *reuocauerintque ad cor suum in terra, in quam captivi abducli sunt, si inquam resipuerint.*

P. 51.

Cap. 22. ad marginem litera C. deleatur illud, *Deus opera Pseudo-prophetarum, seducit interdum eos, qui verbum eius oderunt.*

## REGVM IV.

Cap. 2. num. 23. deleatur illud, *id est in finem Abraha, &c. vsque ad finem annotationis.*

Cap.

Cap. 20. ad marginem litera B. deleatur illud, *propter se, & promissa saluat Deus.*

### PARALIPOMEN. I.

Cap. 5. ad marginem lit. C. deleatur illud, *orantes in fide dum praeliantur vincunt Agarenos.*

Cap. 17. paulo ante literam B. deleantur ex margine illa verba, *sine verbo suo nihil vult agi Deus.*

### PARALIPOM. II.

Cap. 6. num. 57. deleantur illa verba, *id est, meminerint se peccasse.*

Cap. 18. ad marginem litera E. deleantur illa verba, *Deus per spiritus erroris in ore Pseudo-prophetarum seducit interdum eos, qui verbum suum oderunt.*

### ESDRAE I.

Cap. 10. num. 33. deleatur illud, q. d. *Donec proposita resipiscentia nostra, vel per resipiscentiam nostram, placemus Dominum iratum in nos.*

### LIBER IOB.

Cap. 3. num. 19. deleatur illud, *Putabat mortem esse finem malorum, iuxta vulgi opinionem.*

Cap. 5. num. 14. vbi legitur, *hortatus eum ad resipiscentiam, dicatur ad poenitentiam.*

Cap. 7. num. 16. vbi legitur, *quae est mihi*  
*vice*

*vice custodiae verba impatientis, dicatur, quae est mihi vice custodiae tanquam impatientis.*

Cap. 8. ad marginem ante literam B. vbi legitur, *Resipiscentiam revocare, legendum est, & poenitentiam reuocare.*

p. 52. Eod. cap. litera B. vbi legitur *primum argumentum resipiscentium*, dicatur, *poenitentium.*

Cap. 9. ante literam B, ad marginem deleatur illud, *Comparatus Iob iustitia Dei comparatione hominis iustitiam nullam declarat.*

Eodem cap. ad marginem litera D. deleatur illud, *rursus ostendit neminem posse, iudicante Domino iustificari.*

Cap. 12. num. 9. deleatur illud, *senum auctoritatem esse Sacrosanctam*, modo consentiat cum iudicio spiritus.

Cap. 13. ad marg. litera C. deleantur illa verba, *agnoscentibus peccata sua salus promittitur, hypocritis vero condemnatio.*

Cap. 15. n. 14. deleatur illud, q. d. *qui fieri potest, ut coram Deo purus sit homo? probat nullum hominem esse purum.*

Eod. cap. num. 15. deleatur illud, *adeo, ut, si cum Deo conferantur, sint impii.*

Cap. 22. n. 1. vbi legitur *ad resipiscentiam hortatur*, dicatur, *ad poenitentiam.*

Cap. 25. ad marg. deleantur illa verba, *Badad probat, coram Deo neminem esse mundum.*



Cap. 28. n. 16. deleantur illa verba, *sita in sola in Deum fiducia.*

## PSALMORVM LIBER.

Psal. 1. ad marg. deleatur illud *Impiorum, & infidelium interitus.*

Psal. 14. ad marg. deleatur illud, *Quibus oporteat esse moribus preditos veros Caelorum ciues, & Ecclesie Dei municipes.*

Psal. 15. in ipso contextu nouæ editionis deleatur versus penultimus, qui incipit, *Nec enim deseres animam meam apud sepulchrum.*

Psal. 18. ad marginem litera B. deleatur illud, *Puritas Christi, quæ & nostra facta est.* p. 53.

Pf. 27. ad marg. lit. D. deleatur illud, *Salutis certi.*

Psal. 31. ad marg. deleatur illud, *Qui beati & iusti, Ioan. 4. A.*

Pf. 33. lit. B. ad marg. deleatur illud, *Spes in Deum.* Eod. Psal. lit. C. deleatur illud, *Spes in Deo.*

Pf. 34. ad marg. litera D. deleantur illa verba, *iustitia Dei.*

Psal. 36. ad marg. lit. C. deleatur illud, *Deus Dux & rector fidelium.*

Eod. Psal. inferius deleatur illud, *Fideles non relinquuntur a Deo.*

Eod. Psal. del. illa verba, *Exortatio ad opera fidei.*

Pfal. 38. ad marg. deleantur illa verba, *Deo fedit.*

Eod. Psal. inferius deleatur illud, *orat peccata condonari sibi.*

Pf. 39. litera B. ad marg. deleantur illa verba, *Christus hostia pro peccatis nostris.*

Eod. Psal. litera C. deleatur illud, *iustitiam, qua peccator iustificatur, & misericordiam predicauit Christus.*

Eod. Psal. paulo inferius ad margines deleantur illa verba, *Christus afflictus putat se derelictum a Patre.*

Pf. 68. ad marg. lit. B. del. illa verba, *irrisiones Christo factae.*

Psal. 71. ad marg. deleatur illud, *peccata agnoscentem liberat Christus.*

Psal. 80. ad marg. lit. B. deleantur illa verba, *qui Deo credit in nullo alio fedit.*

Psal. 88. ad marg. lit. E. del. illud, *peccatores punit saluaturus quidem Deus: sed tantum propter suam misericordiam.*

P. 54. Psal. 90. ad marg. deleatur illud, *canit quam tutus agat, liberque malis vniuersis, qui Deo se sola fide commiserit.*

Psal. 95. n. 6. deleantur illa verba, *hoc tempore reuelati Euangelii.*

Psal. 98. ad marginem deleantur illa verba, *peccatis Sanctorum propitius Deus, etsi ea quandoque ulciscatur.*

Psal.

Pfal. 124. a marg. deleatur illud, *Deus fidentes sibi nunquam derelinquit.*

Pf. 125. ad marg. deleatur illud, *fideles sequitur crux ducens ad gloriam.*

Pfal. 127. ad marg. deleantur illa verba, *in laboribus manuum.*

## ECCLESIASTES.

Cap. 1. n. 17. deleantur illa verba, *hac propositione damnat opera hominis sine gratia.*

Cap. 5. num. 6. deleatur illud, *dicit aut apus, quia per infidelitatem omnia nostra opera coram Deo sunt peccata.*

Eodem cap. n. 12. deleantur illa verba, & conuenit Dei mandato, *in sudore vultus tui vesceris pane,* ita Chaldæa Paraphrasis. P. 55.

Cap. 9. ad marg. ante lit. B. deleatur illud, *per iustitiam operum nescit homo amore, an odio dignus sit.*

Eod. cap. n. 8. deleatur illud, *partem, id est, non sunt participes eorum, que fiunt in hoc mundo.*

Eodem cap. n. 9. deleatur illud, *ex quo scilicet recessisti a iudicio carnis, ad iudicium spiritus, ex quo recepisti eum per fidem.*

Eodem cap. num. 15. ad fin. deleatur illud, *que stulta est.*

Cap. 11. ad marg. litera B. deleantur illa verba, *omnia committenda diuine prouidentie.*

## CANTICA CANTICORVM.

Cap. 1. num. 1. deleantur illa verba, *nam schemate amatorii carminis, vt Ps. 44. quo dotes Salomonis, & filia Pharaonis celebrantur, eorumque mutus amor, & legitima coniunctio.*

Eod. cap. num. 29. deleantur illa verba, *quamdiu fuit Christus in Ecclesia, fides ecclesie dedit odorem suum.*

Cap. 2. n. 9. deleatur illud, *dicit se infirmam dilectionem, vt infirmus fide dicitur: praeipue cupit ab ipso sponso erigi.*

Eod. cap. num. 23. deleantur illa verba, *vel imbres enanuerunt, & abierunt, vacat sibi, id est terrores & hominum traditiones.*

Cap. 3. num. 2. deleantur illa verba, *sola gratia inuenitur Christus, non opera hominis.*

Eod. cap. n. 15. deleantur illa verba; *vt autem operimentum, siue caelum lecti tegit eos, qui in lecto sunt: ita & sanguis Christi nos tegit.*

Cap. 4. n. 4. deleantur illa verba, *perdentes intelligit fidem, & per fidem omnes aequaliter. Nam omnes sumus per fidem filii, & ea fides nunquam abortit, id est bona semper facit opera.*

Cap. 6. num. 11. deleatur illud, *fidem comparat ouibus parientibus gemellos vnico partu vt ostendat fidem semper exire in bona opera.*

SAPIENTIA.

Cap. 1. n. 1. deleantur illa verba, vel *fidem eius non deferentibus.*

Cap. 4. ad marg. ante literam B. deleatur illud, *de casta generatione fidelium.*

Eod. cap. n. 4. deleantur illa verba, *securitate donarit.* P. 56.

ISAIAS.

Cap. 2. ad marg. ante literam B. deleatur illud, *Ecclesia non contendit.*

Cap. 3. ad marg. lit. C. deleantur illa verba, *avaritia Sacerdotum, & Principum.*

Cap. 6. num. 18. deleatur illud, *promissum autem alia, quia Scriptura Sacra nullam habet rationem ordinis.*

Cap. 8. ad marg. lit. C. deleatur illud, *fiducia in Deo non in humano auxilio.*

Eod. cap. ad marg. lit. D. deleantur illa verba, *verbum Dei interrogandum, quod sequamur.*

Cap. 10. ad marg. lit. E. deleatur illud, *Iudaei post percussam Assyriam soli Deo confidentes.*

Cap. 25. ad marg. litera C. deleantur illa verba, *Fideles, impiis Iudaeis mulctatis, quamvis inuoluti sint multis malis, servabuntur per Christum.*

Cap. 26. num. 2. deleantur illa verba, *qui sunt in Ecclesia immunes sunt ab omni periculo.*

(5)

Y

Eod

p. 57. Eod. cap. n. 16. vbi legitur, *Tunc dant operam iustitia, & respicientia*, dicatur, *tunc dant operam iustitia, & pœnitentia.*

Eod. cap. n. 17. vbi legitur, *respiscere legendum est, pœnitere.*

Eod. cap. ad marg. litera C. deleantur illa verba, *pax fidelibus.*

Cap. 28. ad marg. lit. D. deleantur illa verba, *Christus credentibus salus.*

Cap. 30. ad marg. ante literam B. deleantur illa verba, *in Iudæos, qui spretis Dei consiliis sue prudentia innitebantur, in creaturis spem habentes contra Sennacherib.*

Cap. 35. ad marg. ante literam B. deleatur illud, *letitia, & consolatio promittitur credentibus in Christum.*

Cap. 43. ad marg. lit. B. deleantur illa verba, *& Idola vana*, ideoque sibi soli fidendum.

Eod. cap. ad marg. lit. D. deleatur illud, *nulla in nobis iustitia.*

Cap. 51. ad marg. litera C. deleantur illa verba, *aufert timorem humanum a fidelibus.*

Cap. 53. ad marg. lit. D. deleatur illud, *iustitia nostra Christus.*

Eod. cap. n. 16. deleatur tota annotatio, cuius initium est, *seculum eius.*

Cap. 56. num. 23. vbi legitur. *Episcoporum Vox*

*Vox, & doctorum, dicatur, aliquorum malorum. Episcoporum vox, & doctorum.*

*Eodem cap. ad marg. lit. D. deleatur illud, inuebitur in Episcoporum impietatem.*

*Cap. 58. ad marg. lit. B. deleatur illud, infigat predicatorum, ut libere hypocrisim humanorum operum redarguant: murmurant hypocrita ieiunium impiorum, & ieiunium Dei.*

*Cap. 59. ad marg. litera C. deleantur, p. 58. illa verba, confessio peccatorum. Mundo impietatibus abundanti, memor misericordiae suae, Deus parcit.*

*Cap. 63. num. 5. deleatur, ego sum is, qui nuper predicabam, cum viuerem in mundo, iustitiam, & eam quidem, quae est per fidem in me.*

*Eodem cap. n. 29. deleatur illud, subaudi, neque eas ostendis, ut nos liberes.*

*Cap. 64. ad marg. lit. B. deleatur illud, omnes peccatores.*

*Cap. 66. ad marg. ante lit. B. deleatur illud, non in manufactis templis habitat Deus, Sacrificia reiicit, quae absque misericordia, & fide.*

*Eodem cap. num. 49. deleantur illa verba, in Sacerdotes, id est, qui se ipsos offerrent mihi, ut olim apud Israelitas, Sacerdotes, & Leuitae oblationes offerebant.*

*Eodem cap. num. 54. ad finem deleatur illud, templi hic nulla sit mentio, quod tempore Christi loca omnia futura erant, orationi opportuna.*

## HIEREMIAS.

Cap. 7. ad marg. ante lit. B. deleantur illa verba, *iubetur Hieremias annuntiare populo verbum Domini, confidenti in externo templi cultu, nihil iuuante.*

Cap. 8. ad marg. litera B. deleatur illud, *inuitat eum Dominus ad resipiscentiam, peccata eius enumerans.*

Cap. 26. ad marg. ante lit. B. ubi legitur, *ad resipiscentiam dicatur ad pœnitentiam.*

Cap. 31. ad marg. lit. F. deleatur illud, *omnes in peccato morientur.*

Eodem cap. num. 63. in fine deleatur illud, *œdus nouum &c. vsque ad finem annotationis.*

p. 59. Cap. 51. num. 14. deleatur illud, *contra sua sententia nos tanquam inſtos abſoluet: opere externo comprobabit fiduciam, quam in eo habemus, hoc eſt reſtituendo nos in libertatem præſtinam, &c. vsque ad finem totius annotationis.*

## BARVCH.

Cap. 2. ad marg. lit. B. deleatur illud, *Chriſtianorum confeſſio.*

## EZECHIEL.

Cap. 1. num. 21. deleantur illa verba, *oportet enim operâ fidem, &c. vsque ad fin. annot.*

Eod.



3 Eod. cap. n. 46. deleatur illud, *oculi prudentia &c.* vsque ad illa verba, *quare ubique animaduersione opus est.*

Cap. 14. ad marg. ante lit. B. deleatur illud, *contemptores verbi sui decipit interdum Dominus per Pseudo-prophetas.*

Eod. cap. ad marg. litera D. deleatur illud, *iusti non liberabunt impios e malis immisfis, sed ipsi iusti tantum propter iustitiam suam liberabuntur.*

C. 18. ad marg. lit. E. deleatur illud, *resipiscenti salus promittitur.*

C. 28. n. 28. deleatur illud, *qui Sabbatum obseruat, sanctificat.*

Eodem c. n. 31. ubi legitur, *quas Dominus pergentes imposuit, dicatur, quas Dominus pergentes imponi permisit.*

Cap. 33. ad marg. ante lit. B. deleatur illud, *Admonet suos, ut vaticiniis credant docens interim, quod sit officium Episcopi, & subditi: cum exortatione ad resipiscentiam.*

Eod. cap. ad marg. lit. C. deleantur illa verba, *ut iusto, si ad peccandum se addixerit, nihil p. 60. profunt priores iustitie, ita impio resipiscenti non imputantur ante acta peccata.*

## DANIEL.

Cap. 3. ad marg. lit. C. deleantur illa ver-

Y 3 ba,

ba, *fide in Deum liberantur, Sidrach, Misach, & Abednago ab igne.*

Cap. 4. n. 40. ubi legitur, *que hominum iustum produunt, dicatur, qui hominem iustum probant.*

Cap. 6. ad marg. lit. F. deleatur illud, *et eius liberatio, qua fidei in Deum tribuitur,*

Cap. 9. ad marg. ante literam B. deleatur illud, *vera Confessio.*

### OSEAS.

Cap. 2. num. 1. deleantur illa verba, *inuitat Synagogam ad resipiscentiam.*

Eod. Cap. num. 45. deleatur illud, *vel per iustitiam id est per fidem, qua iustificantur homines*

Eod. cap. num. 47. deleatur illud, *vel per fidem, &c. usque ad finem annotationis*

Cap. 9. n. 2. deleantur illa verba, *fidendo alii quam ipsi.*

### HABACVC.

Cap. 2. num. 13. deleatur illud, *& vita viuet pereunte eo, &c. usque ad finem annotationis.*

### ZACHARIAS.

Cap. 7. ad marg. lit. B. deleantur illa verba, *respondet Dominus per Zachariam, ieiunia absque operibus misericordiam nihil esse.*

Cap.

Cap. 14. ad marg. litera D. vbi legitur,  
*omnia sancta in Ecclesia Dei, deleatur verbum,*  
*omnia.*

## MALACHIAS.

Cap. 1. num. 48. deleantur illa verba, *id est*  
*optima preces, & anima fidelium.*

In annotationes diffusiores in priores 70  
Psalms.

Psal. 3. num. 16. deleatur illud, *tu Deus po-* p.61.  
*pulum tuum id est tibi fidentem, seruare, tutari,*  
*liberare soles, & bonis cumulare.*

Psal. 4. n. 12. deleatur verbum, *resipiscen-*  
*tiam, & dicatur, pœnitentiam.*

Eod. Psal. num. 15. deleatur illud, *babeo, in-*  
*quit, aduersarios multos, &c.* vsque ad finem  
annotationis.

Eod. Psal. num. 12. deleatur illud, *salus*  
*pro auxilio in libris sacris.*

Psal. 16. in ipso textu nouæ editionis num.  
20. cuius initium est, *neque enim deseres,* del-  
totus versus.

Item deleatur illud, *id est cadauer meum, &c.*  
vsque ad finem annotationis.

Eod. Psal. 22. deleantur illa verba, *Heb. vi-*  
*deat corruptionem, &c.* vsque ad finem anno-  
tationis.

Psal. 32. num. 2. del. illa verba, *id est cuius*  
*peccatum dissimulatur, ad cuius peccatum conni-*  
*vet Dominus.*

Eod. Pſal. num. 2. deleantur illa verba, *cui non ſolet imputare*, &c. vsque ad finem annotationis.

Eod. Pſal. num. 5. deleatur illud, *id eſt cum vellem reticere peccatum meum*, &c. vsque ad illud, *fidere in bonitate Dei*.

Eod. Pſal. num. 8. deleantur illa verba, *qua docemur quomodo peccatum*, &c. vsque ad illa verba *gratiam & beneuolentiam*.

Pſal. 36. num. 15. deleatur illud, *veritas, & ſincera doctrina, Deo ſolo docente cognoscitur*.

Pſal. 37. num. 35. deleatur illud, *per iuſtum intellige fidentem Domino, & eum, qui implorat auxilium eius*.

Pſal. 47. n. 15. deleatur illud, *Deus ſolus poteſt homines iuuare*.

p. 62. Pſal. 49. n. 9. deleatur illud, *ſi ab alio pendent, quam a ſolo Deo*.

Pſ. 50. n. 1. deleatur illud, *quo tempore nulla Sacrificia, ſed ſue bonitatis tantum predicationem requireret*.

Pſal. 51. n. 1. deleatur illud in hoc Pſal. *predicatio eſt peccata ſua, &c.* vsque ad finem annotationis.

Eod. Pſ. n. 13. deleatur illud, *concupiſcentia enim radix omnium peccatorum me inuaſit, cum conciperer*.

Pſal. 62. n. 3. deleantur illa verba, *per ſalutem diuinam opem intelligit, id eſt ab eo ſeruari in periculis*.  
Eod.

Eod. Ps. n. 4. ubi legitur, *qui a solo Deo pendeat*, deleatur verbum *solo*.

Eod. Psal. n. 22. deleatur illud, *nam praesidia humana*, &c. vsque ad finem annotationis.

Psal. 65. n. 4. deleantur illa verba, *Ante Christum orationes nostrae non exaudiebantur*.

Psal. 67. n. 8. deleantur illa verba, *non pro sceleribus nostris*.

Ex indice horum Bibliorum, in libros Veteris, & Noui Testamenti, deleantur subiectae propositiones, tanquam suspectae.

*Ciuitas abducta a fiducia in Deum comburenda, & Ciues occidendi.*

*Credendo in Christum remittuntur peccata.*

*Credens Christo non morietur in aeternum.*

*Dierum delectus nullus apud fideles,*

*Diues vix cognoscit Euangelium.*

*Fide accipitur Spiritus Sanctus.*

*Fide purificantur corda.*

*De Iudaeis sunt fere omnia, quae in Euangelis & Epistolis scripta leguntur.*

*Imagines prohibet Deus fieri, vt adoremus, & coram eis incuruemur.*

*Propter iustitiam cordis nihil tribuit Deus.* p. 63.

*Iustitia in nobis nulla.*

*Iustificamur fide in Christum.*

*Iustitia nostra Christus.*  
*Iustitia ex operibus nulla.*  
*Iustus coram Deo nemo.*  
*In requiem regressuri credentes.*  
*Non propter opera liberati sumus.*  
*Resipiscere omnes desiderat Deus.*  
*Resipiscentia Donum Dei.*  
*Resipiscentia Israelis.*  
*Verbum Dei solum faciendum.*  
*Vxorem habeat vnusquisque.*

In plerisque Bibliis circumferuntur, hic ipse Index Bibliorum Vatabli nihilo mutatus, in iis hacipsa censura poterit castigari. Scholia omnia, & annotationes in Nouum Testamentum quæ eidem Vatablo adscribuntur, omnino tollantur.

## OBSERVATIO XI.

DE ANDREA DVDTIO EPISCOPO  
QVINQUEECCLESIENSI.

Σύνοψις.

**I**nstituti nostri ratio §. I. Duditii Parentes, Educatio, amicitia cum Manutio §. II. Italia relicta, Galliam petit: quibus ibi vsus sit Magistris §. III. Duditius Iurisprudentiæ se dedit. Italiam iterum petit, ibique Reginaldo Polo innotescit §. IV. Eundem Reginaldum Polum in Angliam proficiscentem comitatur. §. V. In Patriam re-  
dux

dux honoribus augetur; in Italiam rursus se con-  
 fert, ibique scripta quadam edit. §. VI. Peregrina-  
 tione in Galliam suscepta, & salutata Cathari-  
 na Medicea, domum reuocatus, Episcopus Tininensis  
 eligitur, & ad Concilium Tridentinum ab Impera-  
 tore mittitur, vbi salutarium monitorum existit  
 auctor §. VII. Nec mutauit sententiam, licet quo-  
 rundam incurreret odium §. VIII. Oratio Duditii  
 pro concedendo laicis calice, in concilio Tridenti-  
 no habita. §. IX. Reformationem ecclesie in capite  
 & membris ibidem vrget. §. X. Discedit ex conci-  
 lio, fraudes asseclarum Pontificis Imperatori expo-  
 siturus. §. XI. Quanta fuerit in Concilio Tridenti-  
 no Duditii auctoritas, testimonio Petri Fontidonii  
 docetur. §. XII. Initio in Concilio isto auctoritatem  
 Pontificis, contra Lutherum, aliosque, strenue defen-  
 dit. §. XIII. Causa mutata sententie. Episcopus  
 Chanadiensis & tandem Quinqueecclesiensis fa-  
 ctus, Legatus a Ferdinando in Poloniam mittitur.  
 §. XIV. Figmenta Florimundi Ramundi de Duditi-  
 o recensentur. §. XV. Ramundus manifesti erro-  
 ris conuincitur. §. XVI. An contra calibatum Cle-  
 ricorum in Concilio disseruerit, & qua causa, vt hoc  
 faceret, adductus sit §. XVII. Error Ramundi &  
 Hoornbekii de coniuge Duditii §. XVIII. Inito ma-  
 trimonio, Episcopatu se abdicat, & Apologiam  
 ad Maximilianum II. Imperatorem scribit, eius-  
 que sibi conseruat fauorem §. XIX. Duditius  
 Cracouie degens incipit inclinare in partes Soci-  
 niano-

*nianorum §. XX. Guberti Voëtii de Socinianismo Duditii relatio §. XXI. Quo iure a Voëtio Atheismi accusetur §. XXII. & Epicureismi §. XXIII. Ab obiecto Socinismo cum excusari non posse §. XXIV. Theodori Beza cum Duditio concertationes §. XXV. Prætextum ad Socinianos discedendi præbuerunt dissensiones & litæ Reformatorum §. XXVI. Frustra Duditium defendere annititur G. Michæel Lingelsbemijs, §. XXVII. Duditius post varia fata sedem rerum Vratislavia collocat §. XXVIII. Mortis sue tempus ex rationibus astrologicis accurate prædicit §. XXIX. Iudicia eruditorum de Duditio §. XXX. Scripta eius præcipua. §. XXXI.*

## §. I.

**I**Nter celeberrimos seculi decimi sexti viros omnino referendus est Andreas Duditius, vel ut alii scribunt Dudithius, Episcopus Quinqueecclesiensis. Hic nonnullis ut vir eruditus, cordatus, & moderatus laudatur: ab alijs autem ut frigidus in religione, nec sibi satis constans, imo Socinianorum partibus addictus vituperatur. Nos proferemus de eo testimonia & argumenta virorum doctorum in utramque partem, non excusaturi vituperanda, nec laudanda dissimulaturi. Et primo quidem vitam eius exponemus, tum aliorum de eo referemus iudi-



dicia, & tandem de scriptis ab eo editis aliquid subnectemus.

§. II. Vitam Duditii scripsit Quirinus Reuterus, Palatinus, in Academia Heidelbergensi Professor, qui eam opusculis quibusdam Duditii iunctim editis, & deinceps commemorandis, præmisit. Et huius præcipue insistere vestigiis placet. Andreas itaque Duditius Sbardellatus ab Horehoviza natus est Budæ in Pannonia A. 1533. die 5. Febr. Parentes habuit illustres & generis nobilitate conspicuos, sed patre orbatus, Auunculi sui Augustini de Sbardellat cura bonis literis artibusque, quibus formari ad honestatem & eruditionem ingenii pueri solent, imbutus est, Hungaria autem bellico strepitu turbata, Vratislaviam missus est: ubi cum prima tirocinia posuisset, Viennam Austriæ se contulit, & in aula Ferdinandi Regis aliquantulum temporis consumpsit. Post in Italiam profectus est, ac Patavii & Venetiis, tum aliorum summorum virorum, tum & Pauli Manutii familiaritate ac contubernio usus, in eloquentiæ studiis eo progressus est, ut puritate latinæ linguæ, & stili elegantia, & eloquentia plerosque omnes antecelleret, ut Ciceronianus haberetur ac diceretur. Quanti fane eum fecerit Manutius, ex testimoniis deinceps adferendis, constabit. Reuterus autem

tem hoc Simleri etiam testimonio comprobatur, qui in Epitome Bibliothecæ Gesnerianæ, præclaro prorsus elogio eum ornauerit.

§. III. Italia relicta Galliam petiit, ac Lutetiae in Græcis literis usus est doctore, viro præstantissimo Angelo Caninio, Hebraeæ quoque linguae tirocinia sub eodem Caninio & Mercero eum posuisse, auctor est Reuterus, qui tamen addit, hanc eum non admodum postea excoluisse, quod angustis eam finibus contineri putaret. Ibidem etiam philosophiæ sedulam operam nauauit, præter ceteros autem Franciscum Vicomercatum audiuit, cuius etiam commentarios in Meteorologica Aristotelis minus latine scriptos eodem Vicomercato cupiente. & rogante, in elegantiorē styli transfudit. Et ita etiam dicti Vicomercati commentarii editi sunt.

§. IV. Insigni itaque & linguarum & philosophicarum disciplinarum cognitione locupletatus Duditius ad suos rediit: quorum consiliis cum eo adductus esset, ut Iurisprudentiæ capeßere studium, secum decerneret, & ad ciuiles functiones, quibus destinabatur, se aptum redderet, denuo Italiam adiit ibique Reginaldo Polo Cardinali innotuit. Hic Paulo Manutio, cui iam ceteroquin notus erat, eum commendauit: cuius literæ ei rursus aditum munierunt ad Guidonem

Pan-

Pancirollum, Patauī magna nominis celebritate ius ciuile docentem. Extat Manutii Epistola inter reliquas & sexta est libri quarti, in qua profitetur: consuetudine quotidiana Duditii nihil esse iucundius: *non solum, inquit, quia probitate, modestia, morum elegantiā, omnibus denique animi bonis excellit; sed etiam quia paucorum annorum studio, præstantia videlicet ingenii, quam ego semper amari, consecutus est, ut exquisitam & variam sermo illius eruditionem præ se ferat. &c.* Et paucis interiectis: *Is cum ante Philosophiam, præsertim quæ de Græcis fontibus hauritur & humanioris doctrinæ studia diligenter, eximiaque cum laude coluit; tum hoc tempore in cognoscendo iure ciuili totus est. &c.*

§. V. Reginaldo autem Polo Cardinali, cum iussu Pontificis, petente Maria, quæ Eduardum VI. in regno Anglicano exceperat, iter in Angliam suscipiendum esset, Duditium itineris comitem sibi accersiuit. Germaniæ itaque partem, Belgicasque prouincias tum florentes perlustrauit, atque Carolum V. Imperatorem Bruxellis salutauit. In Anglia tum nuptias Mariæ cum Philippo II. Hispaniarum Rege, tum maxime persecutiones & immanitatem Pontificiorum in secus sentientes spectauit. *Sed ut erat ingenio miti & mansueto (ita loquitur Reuterus) semper improbanis.* Summorum etiam, qui tum in Anglia

glia florebant, virorum sibi conciliasse amicitiam, & Elisabetham quoque sub Mariæ iugum gementem ; eleganti sermone latino compellasse dicitur.

§. VI. Ex Anglia, in qua paulo supra annum commoratus erat, in patriam redux, ibique honoribus Præpositi thermarum superiorum Budensium & Canonicatu Strigoniensi auctus, ad munus Reipublicæ gerendæ teste Reutero nostro expetebatur : sed impetratis, ut idem addit, a Cæsare Ferdinando & amicis venia, rediit in Italiam, & humanioribus literis, studioque philosophiæ ac iuris civilis se totum consecrauit. Tum etiam Dionysii Halicarnassæi de Thucididis historia iudicium : eiusdemq; libros de arte Rhetoricæ ; Longinum item atque Demetrium *περὶ ῥητορικῆς* ; ac tres postremos Diodori Siculi & Appiani Alexandrini de bello Romano contra Carthagenenses, & gestis Hannibalis, in linguam latinam eum vertisse perhibet. Idem quoque illum tentasse in vetustissimo quodam commentario Græco in sanctum Euangelium Matthæi, quem illi ex instructissima sua bibliotheca Michæel Sophianus, commodauit. Denique sub idem tempus, & Reginaldi Poli, eum descripsisse vitam, dicit.

§. VII. Perlustratis hinc Principum quorun-

rundam aulis, præsertim Ducis Florentini, in Galliam profectus, Lutetiæ Parisiorum Catharinam Medicæam Reginam sermone Italico tam eleganti allocutus est, vt eam in sui admirationem raperet. A suis autem revocatus, Viennam Austriæ rediit, & Ao. 1560. ab Imperatore in consilium sanctius allectus, Episcopus etiam Tininensis electus est. Mox etiam ad concilium Tridentinum orator Imperatoris, ac Episcoporum, & Cleri totius Hungariæ missus. Quo pacto vero in Concilio Tridentino sese gesserit, omnium optime nos condocet Petrus Suauis Polanus, vel potius Paulus Sarpus Venetus in Historia Concilii Tridentini. Is namque autor est, Dudium abusus Ecclesiæ Romanæ subinde graui oratione detestatum fuisse, & Concilii Patres commonefecisse, vt serio de ecclesia reformanda & emendanda cogitarent. Sic cum de ordinationibus ad titulum quæstio moueretur, Episcopus Quinqueecclesiensis censuit, inquit, Petrus Suauis, *p. m. 920. magis necessarium providere secundum vetera Ecclesiæ instituta, vt nemo sine titulo & officio ordinetur, quam sine beneficio ac redditu; quod inde offendiculum maximum nascatur multis functionem sacerdotalem capeffentibus, non vt Deo ecclesiæque inferuiant, sed vt otio luxuque diffuentes amplis facultatibus gaudeant. In hoc Synodo animose in-*

*cumbendum rationemque ineundam; qua nemo reperiatur Ecclesiasticus, non dicatus alicui certo ministerio. Ab se enim proximis temporibus obseruatum, Romæ nonnullis Episcopatus dari hoc solo nomine ad eos promouendos: quibus intra breue tempus resignatis ipsi Episcopi tantum titulares maneant; affectata sola nominis dignatione. Quod quidem inuentum priscis illis Ecclesie Patribus, quippe pestiferum, odiosum fuisset haud dubie, atque abominandum.*

§. VIII. Hæc fatis libere atque cordate Duditius. Vnde fieri aliter non potuit, quam vt multorum incurreret reprehensionem, quos illa *παρρησία* offenderat. Monitus itaque a quibusdam, vt verba in Pontificem nimis aspere dicta, videlicet Romæ *Episcopatus dari solummodo ad homines promouendos*, mitigaret, eandem rem, inquit Petrus Suauis, repetitam longa oratione prosecutus est, tanquam excusationis forma animi sui sententiam explanaturus, sed reuera, quæ ante dixerat, confirmans, atque sub finem sermonis Patres ad suffragia libere ferenda, nullo habito personarum respectu, adhortatus.

§. IX. Cum Sessio XXI. Concilii Tridentini auspicianda esset, Duditius contra Patrum decretum sententiamque, orationem de calice laicis concedendo habuit, copiose disserens, quemadmodum vsus calicis vigente ca-  
ri-

ritatis ardore omnium fuerit communis: ea vero deferuescente, & nonnullorum negligentia surrepentibus incommodis, eiusdem vsum minime interdictum, sed e suggestis doctum & declaratum, minus esse mali iis, qui ab indecoro eius vfu sibi temperare non poterant, calice omnino abstinere; horum exemplo alios temporis processu, ne ad curam adeo sollicitam obligarentur, eius vfu abstinuiffe. Cum primis autem Patres Concilii ad pietatem & mitiora consilia adhortatus est: & inter alia dixit: Christo minime placere, vt in sua opinione pertinaces diffidium adeo exitiabile foueant inter Christianos eius sanguinis causa, quem ille effudit, ad omnes arctissimæ caritatis vnione constringendos, vid. Petrus Suauis p. 926. 927. Eadem & grauiora, adhuc, alia occasione dixit, vt idem testatur p. 961.

§. XI. Cum primis hoc egit Duditijs, vt ecclesiæ reformationem & in capite, & membris, strenue commendaret. Auctor est idem Petrus Suauis, eum aliquando, finita congregatione & reliquis discedentibus, remansisse, cum suis Hungaris, quibusdam Polonis & nonnullis Hispanis, quos ita allocutus sit: Imperatorem omni cura belli solutum, induciis cum Turca factis, nihil impensius desiderare, quam ecclesiæ reformationem; eamque ad

exitum perducī posse, dummodo in Concilio Prælatorum aliqua pars adnitatur. Quapropter & hortari & orare, vt Deum reueriti, pro ea caritate, qua Christianus quisque ecclesiam complecti debet, causam adeo honestam, iustam & vtilem non deserant &c. *p. 2013.*

§. XI. Tandem cum intelligeret, in Concilio Tridentino ob Italicorum Episcoporum Pontificis partibus addictorum, multitudinem, parum profici, discedere ex concilio secum constituit, vt Imperatorem artes illas Pontificias edoceret, causasque patefaceret, cur nihil eorum, quæ tam sollicitè cupiebat, Imperator, impetrari posset. Addit Petrus Suauis, Granatensem Episcopum, aliosque Hispanos, qui saniozem Concilii Tridentini partem constituiebant, negotium dedisse. Duditio, ageret cum Imperatore, vti ad Regem catholicū de reformatione scriberet, & residentia, quō & iis & aliis occasionibus ipsi libere profari possint, quod sibi conscientia dictat. Patres autem Concilii Tridentini periculum, quod ex eo imminebat, sentientes, pariter Episcopum Commendonum ad Imperatorem miserunt, qui illorum causam ageret. *p. 1137. 1138.*

§. XII. Magnam autem eius fuisse in Concilio illo auctoritatem, ex dictis haud difficulter colligere licet. Certe melioribus inter,



Patres Concilii se non probare non potuit. Ex his Petrus quoque Fontidonus fuit Segubiensis Hispanus, Episcopi Salmanticensis Petri de Mendoza Theologus, qui in Epistola ad Nicolaum Olaum, Archiepiscopum Strigoniensem, Tridento A. 1562. scripta Duditium nostrum mirifice commendat *Alias etiam*, inquit inter alia, in *Synodi conspectu & clarissimo totius orbis domicilio, diuina quadam eloquentia, voce, & actione de rebus grauissimis differuit, & in altera summam animi pietatem, in patriam, & in ceteras Germaniæ prouincias indicauit, dum omnibus ingenii & eloquentia neruis impetrare contendit a Sancta Synodo, ut perditas nationes, si hac via fieri posset, unius calicis (cuius infinita quadam cupiditate teneri videntur) concessione, ad ecclesiæ gremium & unitatem reuocaret: qua ipse re quanto sententiarum pondere, quanto verborum splendore, quam suauiter & ad misericordiam procliui genere orationis usus sit, quantam inde laudem & admirationem reportauerit, ipsa me tacente testatur oratio.* Hæc & alia Fontidoni testimonia refert Reuterus in vita Duditii, qui & integram eius epistolam ad Archiepiscopum Strigoniensem scriptam exhibet. Cur autem nobis prolixius hæc enarrare visum sit, ex dicendis mox constabit.

§. XIII. Nimirum cum initio ad Concilium

lium Tridentinum accederet Duditius, Romani Pontificis causam bona fide egit, iratoque valde in hæreticos, quos vocabant, erat animo. Nec enim aut horum innocentia, aut illius calliditas & perfidia, illi satis perspecta erat. Paret hoc ipsum satis ex ipsa Duditii oratione, quam in concilio prima vice, pro calice impetrando, habuit. In ea enim multisplendide pro Pontifice, multa acerbe in Lutherum, Melanctonem, Zwinglium aliosque hæreseos nomine suspectos, dixit. Pauca ex hac oratione desumpta verba ad illud comprobandum sufficiant. *Ibi tum præclari scilicet illi ac generosi & vel ipsis iam nominibus horribiles duces prodierant, Lutherus, Melancton, Zwinglius, Oecolampidius, Osiander, Bucerus, Schwenckfeldius atque alii innumerabiles. Atque hi quidem ut primum ex ecclesiæ Matris castris profugerunt, arma illa, quæ a Matre acceperant, ut a vi eam tuerentur o Scelus! impij, ingrati filii in ipsius sanctissima, optime de se merita, Matris viscera contorserunt, & crudelissimis divinum eius corpus vulneribus lacerarunt. Quid? hoc ne eorum furor ac rabies substitit loco! minime vero, longius progressi sunt &c.*

§. XIV. Hoc itaque animo erga Pontificem & Protestantes cum initio esset Duditius, mox tamen, cum in ipso concilio fraudes & nefarias artes, quibus Pontifex, & qui eius par-

partibus addicti erant, illius stabilire auctoritatem, & summam potestatem, & omnem ecclesiæ reformationem tantopere necessariam declinare annitebantur, intellexit, aliter sentire cœpit. Imperatori tamen Ferdinando, fidem suam, dexteritatem, candorem mirifice probavit, hinc non tantum Chanadiensi, & mox Quinqueecclesiensi Episcopatu hoc tempore auctus est, idque fauente cum primis & annuente Ferdinando, sed demandata illi etiam fuit legatio ad Regem Poloniæ Sigismundum Augustum, qua semel & iterum magna cum laude fideque optima perfunctus, a Maximiliano II. Cæsare tertia vice missus orator, educta ad ipsum Sorore Regina Poloniæ, quam Sigismundus Augustus dimittebat, re, diu multumque deliberata, nobilissimam virginem Reginam e familia Strozziarum, quæ a filia Cæsaris Ferdinandi ingenue fuerat educata, sibi despondit, eique, matre consentiente fidem coniugii dedit.

§. XV. Ex hisce facile diiudicari possunt, quæ per summam calumniam de Duditio fingit Florimundus Ræmundus de *Origine Heresum lib. IV. cap. XII.* Cum enim dixisset, Duditium ob doctrinam & multarum rerum usum Imperatori Maximiliano, dum vixit, percharum, multas pro eo legationes in gravissimis rebus magna cum laude obiisse, se-

sequentia addit : Tandem cum in legatione ad Sigismundum Augustum Polonia Regem nobilissimam puellam Sophiam Gonisellam nomine vidisset, formæ captus pulchritudine sic repente eius amore exarsit, ut, dum ea potiretur, omnia susque deque habere, adeoque religionem potius deserre decreuerit, cum aliter eius potiunda nulla spes esset. Non agnoscis hic ordinariam ac tritam, ferme omnium hæresium poram. Duditium tamen & verecundia aliquandiu in officio continuit, & vana spes, breui fore, ut proculcatis Ecclesiæ legibus matrimonii vsus etiam Ecclesiasticis permittatur, cœlibatu ad Eremitas, Monachos & alios, quibus tam durum perpetuæ castitatis placeret votum, ablegato. Quam ad rem se non exiguum momentum allaturum sperabat, ut qui doctrina non vulgari, tum multarum linguarum peritia, & admirabili imprimis eloquentia esset instructus. Qua de re cum in Concilio Tridentino nonnullorum animos tentasset, adeoque etiam publice verba facere ausus esset, a cunctis exsultat & cum magna pudoris iactura domum reversus, contra leges ecclesiæ Sophiam prædictam, in matrimonium duxit.

§. XVI. Ast vero fallit hic multiplici ratione falliturque Ræmundus. Primo namque constat, cum iam e Concilio Tridentino discessisset, legatione ista Polonica Duditium functum esse, in qua puella ista ei innotuit, quam

quam deinceps in matrimonium duxit. Qui potuit ergo amor istius puellæ eū induxisse, vt Patres concilii ad matrimoniorum libertatem Ecclesiasticis concedendam, permouere oratione sua anniteretur? Mendacem oportet esse memorem. Non constant sibi, nec vllatenus cohærent, quæ Ræmundus finxit. Petrus quoque Suauis diligentissimus Historiæ concilii Tridentini Scriptor, nihil hac de re literis consignauit, nec quod contra cælibatum clericorum disputauerit, nec quod exhibilatus sit a Patribus Tridentinis. Imo aperte hoc cum illis pugnat, quæ supra ex Fontidono de insigni autoritate & estimatione, quam in hoc concilio Duditius obtinuit, retulimus.

§. XVII. Non equidem negauerim, contra cælibatum Clericorum differuisse in concilio Tridentino Duditium, cum & alios ecclesiæ abusus ibi perstrinxerit; ast eum amore puellæ istius ad hoc impulsus, eumque ab omnibus exhibilatum esse, hoc est quod meo iudicio probari nequit. Hornbeckius in *Adparatu ad Controuersias & disputationes Socinianas*, p. 61. dicit, eum in Concilio Tridentino duas elegantes habuisse orationes, de communione sub vtraque vnam, alteram de Sacerdotum coniugio valde disertas. Quirinus Reuterus tres Duditii orationes in con-

cilio Tridentino ab eo habitas edidit, in quarum prima, dum locum suum in concilio capeffit, de statu ecclesiarum Hungaricarum & eiusmodi generalioribus argumentis, in reliquis duabus, de calice laicis concedendo, differit. Dubito ergo, an peculiarem de coniugio clericis concedendo orationem habuerit, præsertim cum Petrus Suavis nihil de hac re commemorauit. Quirinus tamen Reuterus dicit: *Non solum pro calice laicis concedendo pugnavit: verum etiam de Sacerdotibus non prohibendis coniugio differere constituit; quæ παρρησία Papam Pium IV. & qui ei successit Pium V. vehementer offendit.* Ergo saltem constituit de hac re differere, non differuit. Quæ omnia me in eam inducunt sententiam, privatim cum quibusdam hac de re egisse Duditium, prohibitum vero aut impeditum esse, quo minus publice de hac re verba faceret. Extat equidem apud Reuterum inter reliqua Duditii opuscula, demonstratio, *matrimonium omni hominum ordini sine exceptione Diuina lege permissum esse*, in qua hanc causam eruditè & eleganter agit: sed ex ea ipsa demonstratione patet, eam scriptam esse, cum iam matrimonium iniisset, adeoque postquam jam pridem ex Concilio Tridentino discesserat.

§. XVIII. Hoc ὡς ἐν παρόδῳ obseruo, a  
Flo-

Florimundo Ræmundo coniugem Duditii vocari Sophiam Gonifellam, quæ Quirino Reutero audit, Regina ex familia Strozzi-  
 rum orta. Cum Ræmundo consentit quidem Hoornbeckius l. c. *Postmodum, inquit, relicto Papatu, ducta vxore nobili puella Sophia Gonizella, in quam singulari modo inciderat, in Polonia Regis aula, dum a Maximiliano missus legationem ibi obiret &c.* Ego tamen potius Reutero fidem adhibendam existimo, cui vita resque Duditii satis fuere perspectæ. Atque is quidem circa finem denuo testatur, Duditium duas habuisse coniuges: quarum prima fuerit Sophia ista ex gente Strozzi-  
 rum, ex qua duos filios & vnâ filiam suscepit; ex altera, eaque vidua Comitis a Tornow, plures. Hanc gente Sborouiam fuisse addit, quæ familia apud Polonos nobilissima & amplissima, multos præstantes gloria viros protulerit. Florimundus autem Ræmundus asserit, ex Sophia natum ei fuisse filium, *qui miseri senis crux fuerit, atque flagellum*; qua de re apud alios nihil inuenio.

§. XIX. Sed ad vitæ, quem tenuit, cursum Duditius, redeo. Coniuge sibi sociata, impetrataque a Maximiliano, Cæsare missione, Episcopatu & reliquis, quibus fulgebat, muneribus se abdicabat. Scripsit tum apologiam vel excusationem, vt vocat, ad Maximimi-

ximilianum II. Imperatorem, *in qua* (ita titulus se habet) *rationes adfert, quamobrem Episcopatu Quinqueecclesiensi & aliis honoribus abdicatis uxorem duxerit.* Extat ea inter reliqua eius monumenta a Reutero edita. Et erudite sane, & eleganter scripta est: Pontificumque Romanorum tyrannidem acriter impugnat, a quorum ut liberaretur iugo, hoc a se factum profitetur. Occasionem hanc apologiam scribendi præbuerunt litteræ Imperatoris, quibus hoc eius factum aliquo modo reprehendebat, quas tamen in gratiam potius Cleri Romani, quam ex animi sui sententia scripsisse Cæsarem coniicias, cum non intermiserit luculentissima fauoris & clementiæ documenta erga Duditium edere. Namque & Principibus eum commendauit viris, & annum quoque & perhonorificum stipendium illi dependit. Imo Oratoris ac Internuncii perpetui munere apud Regem Poloniae, Consiliariique intimi nihilominus, quam antea, fungi voluit. Industriamque suam & fidem variis argumentis comprobauit Duditius, præsertim cum hoc ageret Imperator, ut primo post mortem Sigismundi Augusti, tum post discessum Henrici Valesii, Polonici regni Diadema vni ex filiis suis deferretur. Sed hac de re hic dicendi locus non est.



§. XX. Duditijs cleri Romani tumultus & strepitus & clamores, ipsiusque Pontificis vibrata in se excommunicationis fulmina parum curans, Cracoviæ rerum suarum sedem fixit. Ibi Reformatæ Ecclesiæ se adiunxit, cui tum negotium in Põlonia faceſſebant Socini affecclæ. Admodum autem Duditio displicebant diffensiones illorum, qui Romanæ Ecclesiæ iugum excuſſerant: & ſive acerbioribus Reformatorum in Socinianos conſiliis, ſive aliis rationibus adductus, inclinare in partes Socinianorum cœpit, imo ſi nonnullis credimus, palam ad eos acceſſit. Ita fane Hoornbekius l. c. *In religione melius, quid fugiendum ſibi eſſet, quam quid ſeclandum, vidit: deſerto Papatu fluctuatus diu, neque eccleſiis Reformatis addictus, a Socino interim & ſociis eius artiſcioſe illecltus & ſpecioſo vana inſaneque rationis lenocinio abducltus eſt in deterrimam eorum abnegata S. Trinitatis hæreſin: in quam rem ſcripſit epistolam ad Iohannem Laſicium Equitem Polonum, nuper iterum editam, vna cum eius refutatione a Cl. Mareſio: quam iam ante legeram excuſam ex bibliotheca celeberrimi Gomari.*

§. XXI. Prolixe etiam de Duditio, eiusque ad Socinianorum caſtra tranſitu, agit Giſbertus Voëtius in *Exercitat. de prognosticis Cometarum*, quem locum affert V. Cl. Thomas Creechius, *Animaduers. Philologicæ - Hiſtor, part. II. p.*

142. *seqq.* Et Voëtius quidem postquam Duditii sententiam, cometas lumine suo aut aliis affectionibus singularia euenta non prænunciare retulisset & exagitasset, addit: Nunc solum præcognoscendum; eruditissimum hunc virum, in paradoxo huius defensione aliquo Scepticismi & Epicureismi afflatu, non minus quam peregrinantes & exulantes Italos modo recensitos, actum fuisse. Post multas anim variasque fluctuationes, circumcisiones in Atheismos pectore conditos erupit, & aperte in Θεοπαχῶν καὶ castra concessit. Et paucis interiectis, asserit, eum blasphemis in Servatorem nostrum eructandis plurimos impietatis illius socios Socinianos superasse. Et iterum: De horrendis ipsius in Deum blasphemis & plusquam Arrianis Atheismis fidem facit Epistola eiusdem ad Laszizium (recte monet Creenius, legendum esse: Lasizium) equitem Polonum, anno 1590. typis edita, cuius exemplar olim habui, quam aeternis tenebris sepultam, quam recusam malle. Generhartus Elmenhorstius in utraque literatura & antiquitatibus tum profanis tum ecclesiasticis versatissimus, inter ceteros Trinitatis hostes conuictos, hunc vnum Duditium sibi delegit, ex quo specimina impietatum & blasphemiarum exhiberet; hoc addito elogio: Quod ab orbe condito ex orci faucibus nullum (illo Scripto Duditii ad Lasizium) prodierit pestilentius &c. Similia & aliorum

rum documenta quamplurima his adiungere possemus, si necesse esset.

§. XXII. Vides autem non Socinianismi modo, sed Atheismi etiam, Epicureismi, & Scepticismi crimen Duditio a Voetio obiici. Vbi ad Atheismum quidem quod attinet, nescio an auctoritate sola Voëtii stare velint, quibus ingenium viri cetera sane haud indocti, perspectum est. Dubito etiam, an rationem, quam addit, & qua haud obscure Duditii Atheismum euincere cupit, scilicet omnes Socinianos esse Atheos, & Socinianismum nihil aliud esse, quam Atheismum, omnes admitturi sint. Affert enim illud Bezae *ex Epist. XVI Arrianismum nemo in ecclesia unquam aliud esse sensit, quam Atheismum.* Et addit. *At quanto magis de abominando Socinianismo hoc dicendum esset.* Ego ex animo execror atque detestor impios Socinianorum errores, sed quod omnes Sociniani sint Athei, id quo pacto comprobari possit, nondum video.

§. XXIII. De Epicureismo quem Voëtius Duditio obiicit, idem est sentiendum. Saltem moribus non fuisse Epicureum Duditium, ex dicendis constabit. Ad Scepticismum quod attinet, hunc & ab aliis eidem exprobari, video. Hoornbekii effatum iam supra attulimus. Dum enim dicit, *in religione melius,*  
quid

quid fugiendum sibi esset; quam quid sectandum, vidit, idem innuere videtur. Suffragatur, Florimundus Ræmundus: Primo, inquit, Poloniam, deinde in Silesiam, vbi omnium gentium Dii in honore erant, commigravit, in magna paupertate & miseria vitam traducens, nec ullam certam religionem, in tanta confusione professus, sed pariter omnes, etiam illam, cui initio nomen dederat, irridens. Et quibusdam interiectis: Sic ergo habebat, sic fluctuabat Duditius, ut nulla ei placeret religio, adeo ut pro sacris Bibliis, Platonis vteretur libris. Libenter credo imitaturus Iulianum Apostatam, qui in Templis suis versus Homeri decantari & Platonis libros praelegi iussit, ut Sozomenus & Nicephorus testantur. Satis esse aiebat Duditius, ut Christianus in Deum credat, bene & honeste viuat, naturæ legem obseruet, amet virtutem & fugiat vitia, nec vlla alia opus esse ad salutem suam cuique procurandam religione. Ræmundo tamen non magis hic credendum esse, quilibet facile videt, quam Voëtio. Certe dubium hæsisse aliquantis per Duditium, cui cœtui se adiungeret, nemo mirabitur, qui secum expenderit, quanti & quam multiplices ubique deprehendantur næui, & quam parum vita doctrinæ respondeat. Non equidem excusandi ideo sunt, qui hanc ob causam, ut Evangelicam ecclesiam deserant, se induci patiuntur: commonefacere tamen hoc nos debebat, ut  
vitæ

vitæ morumque accuratius, quam fieri solet, habeamus rationem.

§. XXIV. Quicquid huius sit: ab obiecto Socinianismo excusari nullo modo potest Duditius. Aperte satis enim in scriptis suis hunc profitetur: præsertim in epistola ad Theodorum Bezam, vbi inter alia ita loquitur: *Sed ut quid tamen de duobus clarissimis illis viris, Georgio Blandrata & Francisco Davidis dicam, profiteor coram Deo atque eius Angelis, non me quicquam horum autoritate permotum fuisse, ut a recepta passim de Trinitate opinione discederem. Illud etiam sancte affirmare possum, me neutrum horum nunquam vidisse. Quare nulla cum illis tam arcta mihi amicitia intercedere potuit, nullum beneficium ab illis profectum est, quod oculorum mihi aciem perstringere queat: itaque non potuit mihi illorum gratia atque auctoritas fauorem facere, ut tu falso coniciis. Neque vlla omnino vllius hominis auctoritas tanta esse possit, qua me a vera pietate abduceret. Hoc tamen tantum abest, ut inficiaturus unquam sim, ut etiam libenter profitear, totam hanc cælestem doctrinam secundum Deum clarissimis illis magnaque doctrina, ingenio, iudicio, pietate præditis viris potissimum deberi, in cuius gloria societatem in re suo veniunt & Alciatus, & Gregorius Schomanus & Krouicius, & Socinus, & alii præstantissimi viri, qui tum scribendo, tum docendo plurimum opera*

ad hanc illustrandam doctrinam posuerunt. Illi primi, quod sciam, illi inquam duo præstantissimi viri, Blandrata & Davidis, latine editis de hac re libris, Christum e sepulchro nobis eruerunt, in quod eum patres illi vestri, & Papismi conditores & architecti, detrusum atque oppressum, circumpositis satellitibus, detinebant. Quam ingenue fatebor, quod hi mihi euangelii doctrinam simpliciter ut scripta ac tradita est intelligendam, viam quasi digito intendente, demonstrarunt. Affert quoque hunc locum Christophorus Christophori Sandius in *Bibliotheca Anti-trinitariorum* p. 62. qui ceteroquin nimis facilis est in Socinianismi labe viris innocentibus adspargenda, ut suorum numerum augeat. Sed in Duditio non errat & recte quoque obseruat, eum potissimum ex Transylvanorum Scriptis, a Georgio Blandrata & Francisco Davidis in lucem emisissis, hanc sententiam hausisse.

§. XXV. Ad faniolem mentem ut Duditium reuocaret, omnem mouit lapidem. Theodorus Beza, qui ceteroquin eruditionem, & præclaras ingenii animique dotes, in Duditio admiratus est. Patet hoc ex epistola, qua transitum ex Papatu ad lucem euangelicam ei gratulatus est. De propensione autem eius ad Socinianismum certior factus, prolixam ad eum scripsit epistolam, quæ inter  
Epi-

Epistolas eius est prima, scriptaque est A. M. D. LXX. In ea non tantum grauitur Duditium ab iis cogitationibus dehortatur, sed testatur etiam, quanto inde afficiatur, mœrore ob singularem in Duditium amorem. *Hec habui, inquit, que ad tuas responderem, non in Duditium, cuius ego pietatem, eruditionem, elegantissimum ingenium amo & obseruo: Sed ad Duditium, cuius sollicitudine afficior, quem ab illis perditis paulatim in auia abduci, ut est amor res quadam timoris solliciti plena, noctes iam & dies non sine magno mœrore cogito &c.*

§. XXVI. Constat autem ex vtriusque epistolis, Duditium suæ ab ecclesiis Reformatis auersioni obtendisse, intestinas dissensiones, discordias, odia, dissentientium persecutiones, quæ omnia animos præceptorum Christi parum memores, arguere dicebat, adeoque ut eam ecclesiam, in qua eiusmodi vigerent mores, pro vera ecclesia haberet, hoc a se impetrare non posse. Idem confirmat Stanislaus Lubieniecus in *Hist. Reformat. Polon. lib. III. c. IX.* Vocat ibi Duditium virum recondita eruditione, linguarum scientia, & quod præcipuum, morum castimonia, inter primos, qui vnquam fuerunt, merito ponendum. Narrat porro, quo pacto ad purioris veritatis notitiam peruenerit, & Episcopatu

opimo fortiter resignato, matrimonium prope vocante cœlo, inierit. Tandem addit: *Illud tacere non possum, quod solus adnotauit Budzinius, eum fixa Craconia sede frequentasse ecclesiam Calvinianorum, & notasse diligenter istorum odia & iniurias, quibus veritatis cultores ad bonam causam deferendam impellere studebant, & qua erat modestia singulari & verecundia matrona potius, quam viro, si Budzinio credimus conueniente, animum ab illis auertisse.* Nec abnuitt Hoornbekius, hanc fuisse Duditio a Reformatis discedendi causam, qui & obseruat inter Zanchii epistolas lib. I. esse vnam de vera ecclesia: eadem, inquit, super re, ob quam ad Bezam; quoque ad Wolphium Tigurum A. 1669. scripserat Duditius, nimirum quò pacto in nostra ecclesia, siquidem sit vera, tot existerent dissensiones, de variis religionis capitibus. Suam hac de re ἐπιλογισθὶν hunc in modum subiungit Hoornbekius: *At abunde & solide ei responsum: neque tot ac tantas esse illas inter nostros contentiones, neque quæ sunt, esse rationem suspicandi de ecclesia veritate, quin potius esse argumentum eius approbanda, pro perpetuo & communi ecclesiæ hic militantis humane statu.* Sed quid? num isti qui in odia plusquam vatiniana quauis de causa in dissentientes exarscunt, vera ecclesiæ Christi sunt membra? quicquid huius fit: non est hoc sufficiens cau-



causas a cœtu nos aliquo separandi, adeoque excusari aut defendi factum Duditiï nullatenus potest.

§. XXVII. Hæc itaque quæ hætenus attulimus, licet satis manifesta sint, aliter tamen de Duditiï sentit, & Socinianismi labem ab eo abstergere nititur, G. Michael Lingelsheimius. Extat huius epistola inter epistolas clarorum & doctorum virorum ad Melchiorum Goldastum, estque trecentesima octaua: in qua, *Virum, inquit, illum colui viuum & veneror mortuum: ob summam olim in me demonstratam humanitatem, sed magis ob probitatem, doctrinam, veritatis studium, & quod illud perfectum viri boni & prestantis. Scio labem eius fame adpersam ob commercium cum Arrianis, sed mihi de eius recta fide in Christum & pia morte constat.* Exhibet eam epistolam, cum alia inedita hætenus, V. Cl. Thomas Creenius l. c. Quicquid autem Lingelsheimius dicat, scripta Duditiï nimis aperte testantur, eum in Ariannorum militare castris, ut meo quidem iudicio, excusationi locus non sit. Nisi forte dicas, eum agnito errore ad mentem meliorem rediisse, id quod nec affirmare, nec abnuere primum est, licet hoc confirmet Quirinus Reuterus.

§. XXVIII. Ceterum, ut quod reliquum est vitæ Duditiï pertexamus, cum Stephanus

nus Battorius Transylvaniæ Princeps regno Poloniæ potitus esset, excessit Polonia. Duditijs, & ad Maximilianum Imperatorem se contulit, eumque ad Comitias Ratisbonensia A. M. D. LXXVI. secutus est: Maximiliano autem in illis Comitibus mortuo, apud filium eius & successorem Rudolphum, eundem postea obtinuit locum. Familiam suam tum in Moravia collocavit, in qua, ut Quirinus Reuterus autor est, propter insignem virtutem ac gloriam, privilegia Baronibus eius provinciæ peculiaris facile consecutus est, ac oppidum, Pascow cum adiacentibus villis, ære redemptum, inhabitavit. In illo Pascoviano secessu se totum literarum studiis dedit, accitis undique viris doctrinæ & ingenii laude florentibus. Ast biennio exacto, gravibus de causis, quas tamen nullibi indicatas inveni, relicta Moravia Vratislaviam se contulit, ibique vitam ab omni strepitu alienam, studiis sacris aliarumque honestarum scientiarum vacans, duxit. Mortuo equidem Poloniæ Rege Stephano, novis ob novi Regis electionem motibus in Polonia excitatis, Austriacas partes iussu & voluntate Rudolphi Imperatoris, secutus & tutatus est, eamque ob causam variis incommodis atque periculis obiectus. Ast turbis istis consopitis, ad pristinam vitæ studiorum-

rumque rationem rediit, tandemque obiit, die XXIII. Febr. A. M. D. LXXXIX.

§. XXIX. Mortis suæ tempus ipse præscivisse & accurate prædixisse dicitur. Testis est Florimundus Ræmundus: *Tandem cum Vratislavia domicilium fixisset sine ulla morbi suspicionem, mortis suæ horam prædixit. Ab amico enim ad prandium inuitatus, quamvis sanus & valens videretur, excusavit se, inquiens: Tempus iam esse, ut alio proficiscatur, & ultimum nature debitum persolvat. Deinde in lectulum se componens multa sed philosopho, quam Theologo vel etiam Christiano magis digna, cum summa adstantium admiratione differere cepit. Addit: eum tandem animum placidissime reddidisse tanta alacritate & constantia, ac si calos apertos sibi videret. Hoc tamē minus mirum putat Ræmundus, cum non raro infamis vita, qualis Dudicii fuit, honesto exitu soleat terminari. Ast morum puritatem vitæque integritatem in eo omnes laudant. Quod si ergo insuper ab erroribus Socinianorum, ad doctrinæ cœlestis veritatem agnoscendam reuocatus fuit, quæ nonnullorum est sententia, potuit sane cetera melioris vitæ breui obtinendæ spes ac fiducia, hanc in eo alacritatem & constantiam progignere. Idem vero quod Ræmundus dixerat, confirmat etiam Quirinus Reuterus: Mortem ipsum præfaguisse & prædixisse ferunt, præsentibus ma-*

gnificis viris, his verbis : finis meus appropinquat : ac ante finem in conuiuium quoddam philosophicum ab illis attractum, de aliis quoque sacris ac politicis rebus pie & sapienter differuisse : tandem vbi terminum appropinquare sensit, hæc verba tribus vicibus effatum : *Ah Domine Christe, serua me :* & sic manibus bene compositis, placidissime absq; vlla commotione exspirasse &c. Ex astrologicis rationibus eum didicisse tempus, nos condocet Philippus Caroli in *Animaduersionibus in Gell. lib. XIV. cap. 1. aph. III.* Refert is, Duditium in mathematicis quoque studiis egregie fuisse versatum, & arctam cum Iohanne Prætorio harum Scientiarum in Academia Altorffina Professore, amicitiam olim contractam renouasse, & per literas tota reliqua vitâ coluisse. Ad illum itaque Prætorium biduo ante mortem Duditium dedisse literas, quarum in ima clausula post varias de rebus mathematicis quæstiones, propria manu hæc verba scripsit : *Eclipsis Luna 15. huius Mensis incidit in Aquarium, qui meus horoscopus est. Si vera est Astrologia, mortem mihi affert, aut grauisimum aliquem morbum. Tu quid censes ? Vix hæc Duditium scripsisse, cum mors eum comprehendit.*

§. XXX. Testimonia quidem eruditorum de Duditio iam ipsi de vita eius narrationi inter-

tersperimus, ut plura addere necesse non sit. Pauca tamen adhuc subiungemus. Iacobus Augustus Thuanus passim honorificam admodum Duditii nostri iniicit mentionem. *Andreas Duditii*, inquit, libr. IX. *illustre nomen in literis & ob legationes ab eo obitas &c.* Et libr. XXXII. *Andreas Dudithius Episcopus Tininiensis, admirabili vir ingenio ac doctrina, orator Caesaris iam Tridentum aduenerat &c.* libr. autem LVI. testatur, etsi iam ab ecclesia Romana descisisset, gratiam tamen Caesaris retinuisse, qui etiam in legatione Polonica eius opera vltus sit, *singulari tamen erga Austrium nomen adfectu meruit, ut si non primas partes (hoc enim Caesari apud Pontificem inuidiosum fuisset) saltem secundas, tanquam praecipuus Rosembergi consiliarius, teneret & pro prudentia sua, & rara in scribendo loquendoque facultate, negotium adiuuaret.* In eo sane omnes conueniunt, summam in Duditio fuisse eruditionem & eloquentiae vim admirabilem: Idque porro Iosiae Simleri, Iohannis Michaelis Bruti, Florentini, Stephani Poloniae Regis Historiographi, porro Iusti Lipsii, Bucholceri, aliorumque testimoniis comprobare possem, si in re non dubia, nec admodum necessaria, nobis diceret esse prolixis.

§. XXXI. Scripta Duditii accurate recenset Christophorus Christophori Sandius

in *Bibliotheca Antitrinitariorum* p. 62. seqq. Ex quibus præcipua sunt: *Commentariolus de cometarum significatione & dissertationes nouæ de cometis Basilee A. 1579. in 4to.* Hic eam defendit sententiam, quam Gisberto Voëtio refutatam esse supra diximus. *Orationes duæ nomine Episcoporum Hungariæ in concilio Tridentino habitæ & ibidem Francofurti & Hanouiæ impressæ.* Imo istæ orationes & Parisiis, & Venetiis, & Patauï impressæ sunt: Quirinus Reuterus, tertiam illis adiungit, vt mox dicemus. *Monita quoque Politica* scripsit Duditius, quæ cum orationibus duabus ante memoratis prodierunt *Offenbaci A. M. D.C.X. in 4to.* De *vita Cardinalis Poli*, itemque veterum aliquot scriptorum Græcorum translationibus in latinam linguam, ab eo adornatis, iam supra diximus. Sandius his addit: *Notas duplices in Fausti Socini disputationem de Baptismo aquæ, disputationi huic annexas:* & varias epistolas ad viros doctos de grauisimis argumentis a Duditio scriptas. Inter has vero eminet ea, quam ad Theodorum Bezam scripsit *Craconia. A. 1570. Kal. Aug.* in qua disputatur, an ecclesiæ nomen soli reformatæ conueniat, & quæ edita est *Heidelberga A. 1593. in 8.* cuius itidem supra iniecimus mentionem: Itemque epistola ad Iohannem Lasicium Equitem Polonum, in qua de S. S.

Tri-

Trinitate disputatur: scripta Cracovia A. 1571. die 9 Iunii; impressa ex Bibliotheca Gomari, & postea cum refutatione Maresii. De reliquis Sandius l. c. videri potest. Quæ autem Quirinus Reuterus ex Duditianis coniunctim edidit, ex titulo libri constant, qui ita se habet: *Andrea Duditii de Horeuiza, quondam Episcopi Quinqueecclesiensis, Oratoris & consilarii Cesarei, Orationes in Concilio Trident. habitæ. Apologia ad D. Maximilianum II. Imperatorem. Commentarius pro coniugii libertate, cum appendice Epistolarum D. D. Imperatorum & P. P. Germania Orationum ac Scriptorum aliquot, de communione sub utraque, de coniugio Sacerdotum, Ecclesia reformatione, Synodique Tridentina potissimum actionibus &c. Nunc edita studio ac opera Quirini Reuteri, Palatini, Professoris in Academia Heidelbergensi, Offenbaci, Ao. 1610. in 4to.* In hac collectione nonnulla continentur, quæ Sandio, aliisque, qui de Duditio commentati sunt, non fuerunt nota, præsertim tertia oratio in concilio Tridentino habitæ, quam prima vice Reuterus edidit. Et huic operi idem Reuterus vitam Duditii præmisit, ad quam hætenus sæpius prouocauimus.

## OBSERVATIO XII.

DE IMPERATORIBVS, REGIBVS  
HISPANIÆ, ANGLIÆ, SCOTIÆ  
ET GALLIÆ CAPTIVIS.

§. I. **H**abent & regna & principes suas periodos fatales §. II. Exempla antiquiora per transitum enumerantur §. III. Ludouicus Pius a filiis capitur §. IV. Varia fata Henrici IV. §. V. Fridericus Austriacus a Ludouico Bauaro captus. §. VI. Fridericus III. Imp. a subditis suis varie vexatus §. VII. Fata & captiuitas Maximiliani I. §. VIII. Transito ad Reges captiuos §. IX. Reges Hispanie captiui §. X. Robertus Angliae Rex captiuus §. XI. Stephanus Angliae Rex a Mathildi captus §. XII. Richardus I. Angliae Rex a Leopoldo Austriaco captiuus factus. §. XIII. Henricus III. Eduardus II. Richardus II. Anglia: Io. Baliolus & David Scotiae reges capti. §. XIV. Henricus V. Angliae Rex captus. §. XV. exemplum Mariae Scoticae §. XVI. Tristissimum exemplum Caroli I. §. XVII. Galliae Reges captiui, ubi etiam communis ista traditio, de septimo quoque Galliae Rege captiuo, exploditur.

## §. I.

**V**ariis periodis & conuersionibus subiectas esse respublicas, non tam ex Platonis † philosophia, quam ex omnis aevi memoria multis luculentisque exemplis confirmari potest vberime. Oriuntur regna, crescunt eorum opes, augetur potentia: mox, ubi fastigium suum sunt con-

† vid. Cicero II. de diuin. c. II.



consecuta, inclinant rursus in exitium & ruinam. Cuius rei quemadmodum potissima & suprema causa Dei est voluntas, & providentia: ita in eadem fatalis consequentiae serie tum rerum omnium miram quandam vicissitudinem, tum vero in primis regum principumque casus, observare licet. Tam enim versatilis vndique humana conditio est, ut, qui modo auro & purpura fulgebant, omnibusque præscribebant leges, mox deieci gradu, vincti & captivi suspirent, aliorumque precariam expectent gratiam, aut sæviam iram metuant.

§. II. Horum in præsentem exempla descripturus; non ibo equidem per remotiora, Cræsiq; Lydorum Regis, Cyni Persarum Monarchæ, aut Darii Hytaspis fata recensēbo. Neque Cananæorum reges, vel Iudæorum Amazias, Ahas, Manasses, Ioiakim Iechonias postea dictus, huiusque infelix successor Zedekias occupabunt me. Neque, per Romanorum duces in triumpho ductos reges externos, Persen, Andriscum, Iugurtham & eidem reservatam Cleopatram: neque a Persis captum & misere extinctum, Valerianum Imperatorem, nec a Phoca captum, trucidatumque cum omni familia, Mauritium, aliosque similes ex prisco ævo in medium adducam. Suffecerit ea saltem, quæ inde

inde a Caroli M. Imperatoris tempore exstantiora videbantur exempla paucis commemorare.

§ III. Ex his primo loco nominandus merito LUDOVICVS PIVS ipsius Caroli filius est. Hic anno dcccxvii † nter tres filios ex priorē coniuge Irmengerde natos Lotharium, Pipinum & Ludovicum ita diuiserat imperium, vt Pipinus Aquitaniam, Ludouicus Boioariam, Lotharius vero se defuncto, imperium vniuersum vna cum Imperatoris titulo & honore obtineret. †† Postquam vero anno sequenti Irmengardis decessisset, ad secundā vota transibat Ludouicus, anno dcccxix, Iudithamque filiam Huelpi, Comitiss, ducebat in matrimonium. Et quamvis anno dcccxxi priorem illam regnorum diuisionem confirmaret denuo, & Lotharius filius anno dcccxxiii Romæ coronaretur a Paschali Pontifice, Imperatorque Augustus salutaretur: Carolo tamen Caluo, vt postea vocatus est, nato ex Iuditha, anxius pater, de eius fortuna, Lotharium rogabat, vt aliquam regni portionem illi permitteret. Facilis tunc erat Lotharius, vt pro arbitrio suo

id  
† vid. annales Francorum ex Bibliotheca P. Pithœi editos ad dictum annum p. 25.

†† Nithardus lib. I. de dissensionibus filiorum Ludovici Pii p. 435.

id ageret, non tantum hortabatur patrem, sed & defenforem patriæ voluntatis contra quoscunquē se offerebat, iureiurando interposito. Cuius vero promissi instinctu Hugonis, foci, aliorumque sēra consecuta, poenitentia est. † Ludouicus tamen totam Alemanniam ac Rhætiam, nec non Burgundiam partem destinabat filio Carolo. †† Ae- gre id ferentes filii reliqui, vniuersam plebem concitabant, variasque insidias patri struebant. Iuditham quoque nouercam adulteri cum Bernardo, quodam duce, commissi postulabant. Sed Bernhardus more illorum temporum duello obiectum crimen diluere paratus, absolutus est. ††† Tandem quod diu parturiuerat impietas, in campo magno inter Argentoratum & Basileam, qui exinde campus mendacii vocatus est, erupit. Ibi enim obuiam patri suo facti filii cum instructo exercitu, pontificem Gregorium secum adducebant, qui se pacificatum venisse finge- bat. Mox a militibus desertus captusque Imperator cum Carolo filio, & Iuditha vxore, variis iniuriis adficiebatur, donec tandem a Ludouico filio, & quibusdam

re-

† Nichardus c. 1.

†† Theganus de gestis Ludouici Imp. p.

m. 310.

††† Theganus c. 1.

regni proceribus liberaretur & dignitati pri-  
stinæ restitueretur.

§. IV. Iniquiora multo fata exerce-  
runt Henricum IV, belli, iuxta & pacis arti-  
bus clarissimum Imperatorem. Tenera  
statim ætate e matris potestate rapiebatur ab  
Hannone Agrippinæ Coloniz archiepisco-  
po. † Imperium quippe hætenus admini-  
strabat illa. At quum familiarius paulo cum  
Henrico Augustano episcopo, viueret, illico  
in suspicionem adulterii apud Imperii proce-  
res veniebat: quapropter vt filium ab ea ab-  
straherent, omnem lapidem mouebant, quod  
etiam anno MLXII. circa paschatos festum  
ita effectum est. Hilarior Traiecti ex vino &  
epulis factus Henricus, inuitabatur ab Han-  
none archiepiscopo, vt nauim mirifice in  
hanc rem exornatam, secum conscenderat.  
Quod quum facile impetrasset, nauis confe-  
ctim soluitur a littore & vela ventis dantur.  
Perterritus hac noua rerum facie Henricus,  
insidiasque & mortem metuens, ex naui in  
medios fluctus præcipitem se dat, mox inde  
ereptus Coloniæ abducitur. Exinde ma-  
gnam fortemque animum suum, multis egre-  
giis speciminibus, cumulate probauit. Quip-

† Hermannus Contractus in *Chronico* ad an. MLXII.  
Lambertus Schafnaburgensis de *rebus German.*  
ad eundem annum.

pe duo & sexaginta numerantur eius prælia, quibus plerumque superior euasit. Soli perfidiæ & nequitiae Pontificum ad vltimum resistere non potuit. Inciderat in tempora improbisimorum nebalonum, Hildebrandi, Gregorii VII. dicti, Urbani VI. & Paschalis II. Quorum primus id agebat vnice, vt non tam dominatum & tyrannidem, quam illimitatam quandam per vniuersum terrarum orbem, potestatem stabiliret, Imperatoribus & regibus pro arbitrio suo leges diceret, eosue, si minus placerent, imperio & omni dignitate exueret. Cæterum Imperatores iure non tantum episcopos in Germania, pro more illorum temporum inuestiendi, sed & ipsum pontificem in ordinem redigendi, aut si elatius se gereret, deponendi hucusque vel vsi fuerant, vel certe id iuris habebant. Hildebrandus vero Henricum idem sibi vindicantem Romam euocabat, vt causam diceret, Simoniae & hæreseos eum postulans. Quo quum venire nollet Imperator, sed potius Wormatiæ imperii sui proceribus conuentum indiceret, ibique communi omnium inauditum hucusque sacri hominis factum detestantium consensu, indignum sede papali Hildebrandum adeoque ab eadem depellendum iudicaret: vniuersum Acheronta stygemque diris anathema-

tum fulminibus in eum ciebat Papa & convocato Romæ conciliabulo, subditos Imperatoris a sacramento debitoque obsequio absoluebat. † Concedebat quidem in Italiam, Imperator, veniam anathematis rogaturus Papam, quam quidem Canusii, ubi tum forte commorabatur, ille ægerrime impetrabat, postquam indutus lanea veste, nudis pedibus, sæua hieme sub dio per triduum eam frustra præstolatus erat. †† Urbanus, qui succedebat Hildebrando, hæc non reuocabat tantum, sed & Conradum Henrici filium aduersus patrem concitabat, Italiæque regem inaugu-  
rabat. Hoc etiam de mortuo, Paschalis II. instinctu alter etiam Imperatoris filius Henricus, cui tamen imperium iam ante destinauerat pater, in eum armatur a Germaniæ Principibus. Nunquam vero virtute hic vicisset patrem, nisi insidiis & fraude circumuenisset eum. Indictus erat conuentus Moguntiæ ipsis natalitiis habendus. Quo quum & Imperator pergeret, monitus est a filio, ne se facile aliis crederet, sed

† Otto Frising. lib. VI. c. XXXV. Gottfr. Viterb. Panth. p. XVII. Onuphrius Pantuinius in vita Gregorii VII. Ioannes Launoyus epist. ad Ral-  
mundum Formentinam Theol. Paris.

†† Lambertus Schafnaburg. de rebus gestis Germ. ad A. C. MLXXIII.

in castris, quæ tum forte ad Ingelheim posita erant, euentum expectaret. Ibi comprehenso detracta sunt imperii insignia, quibus filium ornarunt. Inde Leodium ablegatus non multo post exercitum haut contemnendum contraxit denuo, quo & fugauit primum filium degenerem. Qui tamen redintegris inde copiis denuo adortus est patrem, captumque indigne nimis habuit. Eo namque miseriæ peruenit optimus senex, vt ab Episcopo Spirensi victum peteret, se non inutilem clericum fore pollicitus, quod & litteras calleret, & choro inferuire egregie posset, quæ gratia plane ei denegata est. † Conuersus ad adstantes fertur dixisse: *miseremini mei vos saltem amici mei, quia manus Domini tetigit me.* Paucis diebus post VII. Idus Augusti ingenti confectus dolore vitam posuit, ac ne in morte quidem desæuientibus anathematatum pontificis procellis, corpus eius per integrum quinquennium in cella quadam ædis deserta insepultum iacuit. ††

§. V. Imperatoribus accensemus etiam, Fridericum Austriacum, quem ex numero Imperatorum excludunt quidem communiter, alii tamen omnia iura & priuilegia ipsi

B b 2

vin-

† Carolus Sigonius *de Regno Italiae libro IX.*

†† Conradus Vrsberg. *in Chron. ad ann. MCV.*

† vid. Fuggeri *Spec. bon. domus Austr. lib. III. c. IV.* Gerardus de Roo *lib. III. p. m. 95.*

vindicant. Hunc anno MCCCXIV. in Comitibus Francofurtensibus quatuor electores elegerant, quibus quum contradicerent, reliqui, Petrus nempe, Moguntinus archiepiscopus, Balduinus, Treuirensis, & Ioannes Bohemiæ Rex, Ludouicumque Bauariæ ducem Imperatorem destinarent, illico ad bella ciuilia itū est, quæ varia gerebantur fortuna. In quinto conflictu victus est Fridericus & captus anno 1322 in Bauaria prope Muhl-dorff, & Oettingiam vna cum fratre Henrico abductus est. Quo facto eius etiam copię facillimo negotio dissipabantur ac cædebantur. Ex custodia ista, quam per integrum triennium magna constantia sustinuit Fridericus, variis artibus liberare eum adnitebatur frater Leopoldus Austriacus, adeo quidem, vt & ipsi diabolo aliquando id negotii commisisse dicatur. Qui etsi sub habitu scholastici adparet Friderico, operamque suam offerret, ille tamen carcerē huic libertati longe anteferebat; quam tamen traditionem fabulæ, quam historiæ similiorem habet Gerardus de Roo.† Tandem quum vndique Reges ac Principes auxilium venire Friderico Ludouicus audiret: æquisimis conditionibus eum dimittebat, ita vt nomen quidem Cæsaris

† lib. III. p. m. 94.



faris retineret, omni vero re imperii abstineret. †

§. VI. Fridericus in ordine Imperatorum tertii cognomen adeptus, nunquam, quidē in hostium fuorum potestatem venit, ter tamen a seditiosis sibi subditis ita obsessus est, ut in ipsis arcibus suis, tanquam in carceribus delitesceret. Quas tamen subditorum fuorum insidias euasit, iisdem prout par erat, in ordinem redactis. †

§. VII. Maiorem adhuc perfidiam atque iniquitatem a suis expertus est Maximilianus, Friderici III. filius. Huic non ignota erant turbulenta, & ad ciendos tumultus prona, Flandrorum ingenia. Quare cum anno circiter MCCCCLXXXVII. Gallorum instinctu res novas quidam viderentur moliri, ex iis præcipue Adrianus Rassingemius, qui e Gallorum partibus stabat, custodiæ committebatur, quem tamen propinquorum vnus singulari stratagemate liberabat. Gandauum reuersus Rassingemius de iniquitate carceris & iniuriis non tam sibi, quam vniuersæ reipublicæ illatis, multa seditiose querebatur, ciuesque suos ad recuperandam libertatem, magno verborum ambitu exhortabatur. His moti Gandauenses cum Tornacensibus &

B b 3

Bru-

† Roo lib. III. p. m. 95.

† Fuggerus lib. V. c. XV.

Brugensibus legatos confestim ad Regem Romanorum (nondum enim Imperator erat Maximilianus) mittebant, qui inter alia rationem ingentis pecuniæ hæcenus tributæ exigèrent. Sed his respondebatur breuiter: *Regi ad hæc in presenti non vacare.* Exinde, ad dolum atque insidias adplicatis perduellium animis, inuitabatur Maximilianus, vt instans festum consecrationis candelarum, quod ex ritu pagano ita vocant, seu purificationis Mariæ virginis, apud Brugenses celebrare ne grauaretur. Ac initio quidem aperte renuebat ille, non tantam Brugensium fidem esse, vt se iis credere auderet, causatus. Vno tamen ex fidissimis ministris adseuerante, ad tria millia virorum ad eius nutum ibi parata fore, nihil dubitabat eo pergere. Ibi Conradus quidam de Rosa, homo lepidi ingenii, sed manu strenuus, nec omnis, vti postea compertum est, consilii inops, quo ad familiares iocos vti solebat Rex, magna contentione eum prohibebat, se vero nolle capi, sed mox per portam Gandauensem discessurum, Brugensiumque prædia & vicos incensurum protestatus. Neque vana coniectura ductum, hunc hominem, sera poenitentia Maximilianus aduertebat, quando non solum inuitus detinebatur in vrbe ex vna custodia in aliam tractus, sed eius ministri etiam & consiliarii in eius

eius conspectu exquisitissimis tormentis cruciabantur in publico theatro, partim etiam, per carnificem tollebantur. Conradus quidem aliquoties liberare Dominum suum adnitebatur. Primo enim flumen, quod castellum, in quo tunc Regem nouerat, circumfluebat, tranare parabat, sed inde a cygnis magna vi nec sine præsentissimo vitæ periculo repellabatur. Iræ deinde plenus aliud inibat callide consilium. Artem nempe tonsoriam eatenus addiscebat, ut caput radere monachumque posset facere. Id primo omnium in semetipso expertus, accedebat Franciscanorum quendam, Guardianum dictum, quem fidum Maximiliano nouerat, illicque rem omnem, quam moliebatur, aperiebat. Huius etiam opera sub confessionarii persona ad regem admissus, quod inobediens fuerit, ipse exprobrat, quod saluberrimis suis consiliis parere nuper detrectasset, mox quid rerum foris gereretur, interrogatus? Christophorum Bauariæ ducem, comitesque, Sonnenbergensem, Ebersteinensem, Nassouiensem & se insignem victoriam exigua manu a Gallorum & Gandauenfium sex millibus comparasse gloriatur; tandemque artem suam & consilium regi exponit & ut habitum regium cum clericali commutet, parato in hanc nauigio euadat, hortatur, se interim ca-

ptium Regem adiuturum. At neque huic consilio morem gerere volebat Maximilianus, sed re infecta Conradum dimittebat, maxime quum Fridericum patrem valida imperii auxilia adducere audiret. Hæc vero expectare nimis periculosum rati Brugenſes, custodia Maximilianum liberant, iureiurando prius conſtrictum, ne iniurias hucusque illatas vnquam ultum eat. Qua tamen cautione prohibere non potuere, quo minus varie a Friderico eiusque exercitu caſtigarentur, ſeditionisque capita raperentur ad ſupplicium. †

§. VIII. Atque hi ſunt Imperatores, quos in præſenti captiuos recordamur. Wenceslaus enim & Sigismundus in Bohemiæ Vngariæque regibus conſiderandi deinceps venient. Iam & aliorum per Europam potiora ſtrictim perſequemur exempla; quæ quidem ſi latius ſingula inſtitueremus exponere, dubium non eſt, quin iuſtum volumen implemus.

§. IX. Atque ex Hispaniæ Luſitaniæque Regibus duo tantum nominandi hic ſunt, Garſias nempe & Alſonſus I. Quorum ille, a fratre ſuo Sanctio hanc expertus fortunam eſt. Nam cum pater Ferdinandus Magnus

† Fugger lib. V. c. 35. 36. & ſeqq. Michael Boicmus vita Alberti III. D. Sax. §. XXXIV.

tribus filiis anno MLXV. totidem regna testamentamento destinasset, Alphonso nempe Legionem, Garfiaz Galliciam Lusitaniæque partem; & Sanctio denique Castiliam: hic minime contentus forte sua, Alphonsum regno deiiciebat, Garfiam vero capiebat, donec in obsidione Camoræ qua sororem quoque cinxerat, opprimeretur. † Alphonfus vero Lusitanus anno MCLXXIX. a Ferdinando ad Pacem Augustam, Lusitaniæ urbem, capiebatur, sed mox restitutus, quas in Galicia occupauerat, urbibus, sine vlllo alio pretio dimittebatur. ††

§. X. Plures ex Angliæ regibus occurrunt. Anno MCI. Guilielmus Rufus a satellite quodā inter venandum occidebatur. † Cui morienti cum adesset, frater eius natu minor, omnes thesauros ad se pertrahebat, iisque populi fauorem sibi ita conciliabat, vt Roberto, fratri natu maiori, qui tum in Palæstina ad mœnia Hierosolymorū hærebat, anteferretur. Hic vero reuersus cum valido exercitu in patriam, Henricum fratrem debellabat, qui tum annuæ pensionis sponsione, eum sedabat. Sed huius pacti non multo post

B b 5 ini-

† Rodericus Santius *hist. Hispan. p. III. c. XXVI*  
Io. Mariana *de regno Hispaniæ lib. IX. c. VIII.*

†† Mariana *lib. XI. c. XV.*

† Polydorus Vergilius *hist. Angl. sub finem libri decimi.*

iniqua Henricum subibat pœnitentia, vt novum bellum fratri in Normandia moueret, cruentoque prælio victum captumque per reliquum vitæ suæ tempus detineret, oculisq; tandem priuaret. †

§. XI. Henrico in regno succedebat Stephanus eius ex forore nepos, comes Bononiensis, quem Mathildis Henrici filia; quæ primo Henrico IV. Imperatori, postea vero Giffrido, Comiti Andegauensi nupserat ††, & post parentis sui obitum non solum Stephanum, sed & reliquos regni proceres iureiurando fidelitatis, vt vocatur, obstrictos habebat; in prælio ad Cestriam commisso capiebat. ††† Mox vero quum deficientibus a regina Londinensibus turbida Angliæ facies esset, ex custodia elabebatur Stephanus, ac postea amissum regnum recuperabat, hac tamen lege, vt Henricum II. Mathildis filium, hæredem institueret, qui etiam mortuo anno MCLVI Stephano successor datus est. †

§. XII. Richardus I. patrem suum Henricum II, quem modo diximus, quod ei sponsam, Adelam, Ludouici Gallorum regis filiam

† Polydorus Vergilius *lib. XI. sub initium.*

†† Robertus de Monte *append. ad Chronogr. Sigeberti Gemblac. ad ann. 1135.*

††† Guilielmus Neubrig. *rerum Anglic. lib. I. c. VIII.*

† Polydorus Virgilius *lib. XII. p. 271.*

filiam, iam in Angliam deportatam diutius detineret, ac cum ea, ut volunt nonnulli, familiarius, quam senem deceret, viueret, non solum incestus crimine publice compellabat, sed & conducto ex Gallia exercitu varie oppugnabat. Quibus motibus confectus Henricus, anno MCLXXXIX. vitam regnumque ponebat. Hoc adepto Richardus aliquot annos post bellum Saracenis inferebat, ut & ipse pro more illorum temporum ferro & igne peruerteret paganos. Qua expeditione primum Cyprum in suam potestatem redegit, ac deinde Ptolemaida adnitente etiam Leopoldo, Austriæ duce, expugnauit. Quam victoriam sibi soli arrogans Richardus, ex turribus undique tropæa ostentauit, & quum forte vexillum Leopoldi ex turri quadam ab hoc expugnata conspiceret, id illico detrahi pedibusque conculcari iussit, maledictis etiam & conuiciis infectatus duces. Quin immo prædam inter suos tantum distribuisse fertur. † Sed quum postea Gallos in Normandiam audiret influxisse, inducias pactus cum Saracenis domum festinabat. In illo itinere accidit forte, ut quum Austriam cum exiguo suorum comitatu transiret, in pago quodam, haut procul a Vienna dissito diuerteret vulgari habitu, ibi  
ex

† Otto Frising. lib. VI. c. XXXVII.

ex pretioso annulo inter culinarias operas adgnitus, a Leopoldo capitur, & postea ad Imperatorem quoque mittitur, qui non contentus, ingenti pecuniæ vi iam regem multatum esse, varias causas effingebat, ob quas adhuc maiori summa eundem emungeret. Itaque tanta multa leuem istam temeritatem luere coactus est Richardus, ut deficientibus thesauris regis, ecclesiastici ex omnibus Angliæ fanis colligendi essent. † Interim, ne regem huius expeditionis poeniteret, aut eius tristi exemplo deterrerentur alii, Pontifex Romanus anathematis fulmine Leopoldum concuriebat. Guilielmus Neubrigensis etiam †† ubi hanc describit historiam, nimis invehitur in Leopoldum atque Imperatorem, ubi ait: *Sic ergo Christianus Imperator auaritia deprauatus, memorati Regis versus in Saladinum nouo atque inexpiabili nauo Romanum fœdauit imperium. A seculo enim non est auditum, quod aliquis Christianorum vel Regum vel Imperatorum, quemlibet alium principem Christianum a sancta militia redeuntem, & per suos fines simpliciter transeuntem captiuum detinuerit. Verum quid non mortalia pectora cogit auri sacra fames? Imperator Romanus pro pudor præ commodi esurie ad omne honestum, omne ius fasque oculos clausit,*  
im-

† Otto Frisingensis l. c.

†† Guilielmus Neubrig. lib. IV. c. XXXI.



*imperiale decus, nesciuit, alter esse Saladinus non erubuit.*

§. XIII. Post Richardi obitum, qui anno MCXLIX contingebat, regnum ad eius fratrem Ioannem delatum est. Cuius filius Henricus III. defuncto anno MCCXVI. fratre, ab ipsis regni sui proceribus varia sustinebat incommoda: a quibus etiam capiebatur in conflictu, sed mox ope filii sui Eduardi I. liberabatur, occiso potiori seditionis incentore Simone de Monfort, comite Licesfriensi, † Sub Eduardo odia illa & bella inter Scotos Anglosque exarserunt potissimum, in quibus Ioannes Balliolus Scotiæ Rex captus in regno suo, indeque Londinum deportatus est, sed paullo post deprecante pontifice Romano, ac spondente, nihil eum in Scotia moturum, in Galliam est remissus, Eduardo filio obside retento. †† Eduardum II. ipsa coniux Isabella Philippi Pulcri Gallorum Regis filia in vinculis male habuit, multis Spensersibus, qui Regem ab ipsa alienarunt, ad supplicium raptis. Tandem Rex ad regni abdicationem ante adactus publico decreto, misere periit Ao. MCCCXXVII. †

Sed

† Polydorus Vergilius lib. III. p. 407.

†† Buchananus VIII. rerum Scotticarum p. m. 73. ed. Edinburg.

† Polydorus Vergilius XVIII. p. 458.

Sed & ipsa Isabella ad carceres perpetuos damnata est postea, sub Eduardo III, quod putidam cum Scotis pacem inisset. Anno MCCCXLVI. David Scotiae rex ingenti praelio ab Edoardo superabatur & in custodiam dabatur. † A Richardo II. Eduardi III. nepote regnum ad aliam plane familiam translatum est. Nam cum Henricus Dux Lancastriensis ingentes copias contra ipsum in Gallia contraxisset, iisque commorante interim in Hibernia Rege, impetum fecisset in Angliam: ipse protinus animum suum despondebat, neque cum copiis suis ut strenuam operam offerentibus adgredi rebellem audebat. Sic vero in vincula coniectus, regia post priuatus dignitate, misere trucidatus est anno MCCCXCIX. †

§. XIV. Henricus V. bis eandem sortem expertus est, primo a Comite Waruicensi, qui stabat a partibus Richardi ducis Eboracensis belli ciuilis tum auctoris, iterumque postea ab huius filio Eduardo IV, qui Rex anno MCCCCLX factus cruento illum proelio, quo ultra XXXVI. millia Anglorum cecidisse dicuntur, fundebat & in Scotiam fugere cogebat. Vnde quum non multo post reuerteretur cum exercitu Henricus, & no-

† Buchananus *libr. IX. p. m. 90.*

† Polydorus Vergilius *lib. XX. sub finem.*

nouam cladem ac catenas accipiebat. Quod idem fatum & coniugem eius cum filio postea manebat, quum exercitu in Gallia collecto maritum liberare adniteretur. Neque tamen Eduardus ipse ab omnibus vinculis tutus fuit. Nam ab eodem comite Warwicensi, fratreque proprio, victus, mittebatur in custodiam, vnde tamen neglectu custodum mox elabebatur magis firmaturus regnum suum. †

§. XV. Digrediendum inde nobis est ad Mariam Iacobi V. Scotorum regis filiam, Henrici VII. regis Angliæ e filia natu maiori proneptem, primum Francisco II. Galliarum Regi, deinde, quum hoc defuncto Scotiæ præesset, Henrico Darleio, nobili Anglo, ac tandem, hoc etiam sublato, Georgio Bodwellio nuptam. Quæ partim libidine, quam cum Dauide quodam Ritzio † ignobili terræ filio, partim crudelitate etiam, quam contra proprium maritum, Henricum exercere dicebatur, inuisa Scotis reddita, in vinculis primum tenebatur in Scotia. Ex quibus expedita anno MDLXVIII. cum instructo exercitu in ordinem suos redigere pa-

† Polydorus Vergilius *lib. XXIII. sub finem.*

† Georg. Buchananus *rerum Scoticarum libr. XVIII. & XIX. p. 19. & seqq.* Guil. Camdens *annal. rerum Angl. regnante Elisabethe p. III.*

parabat. Sed hoc dissipato, ipsa in Angliam fugere cogebatur, ubi in diuturnam custodiam missa de nouo periculosa consilia contra Elisabetham agitabat, in quibus anno 1586. deprehensa, post multas deliberationes capitis tandem damnabatur, inuitaque, & videri voluit, Elisabetha iterato ictu tollebatur anno MDLXXXVII.

§. XVI. Superest tristissimum Caroli I. Magnæ Britanniae Regis, Mariæ, quam diximus modo, de Henrico Stuarto nepotis, cui nihil magis, quam clericorum illius temporis dissidia, fuit exirio. Istis enim acerrime inter se contendentibus, quænam reipublicæ ecclesiasticæ, quam ita vocant, forma tenenda sit, episcopatus, an, quod & plerique reformatorum in Gallia & Belgii malebant, presbyterianismus? Rex ad stabiliendam potestatem propriam episcopatum convenientiorem existimans, Puritanorum presbyteria, classes & synodos provinciales, quibus videbantur triumphare, penitus abrogare nitebatur in Scotia. Heic ergo erumpebat primum exitialis illa flamma, quæ sub fauilla delituerat hætenus. Religionis enim & conscientiae obtentu tumultuare temulenti sacerdotes, Regisque auctoritatem hinc inde conculcare, incipiebant. Plura ille contra perduelles istos effecisset haud dubie, nisi &

An-

Anglorum animos plane a se abalienasset. Præterquam enim, quod Concilium illud, quod Parlamentum ipsis vocatur, conuocare vel nollet, vel conuocatum statim dissolueret; ingentes exercebat sumptus, quum aliter neque maiestatem tueri, neque bella, quibus subinde implicabatur, gerere posset. Scoti interim in eas angustias eum redigebant, ut non solum puritanismum vndique reductum tolerare, sed & inducias non sine dedecore pacisci cogeretur. Quum vero non diu post illorum litteræ, quibus a Gallis belli subsidia, petebant, interciperentur: Rex Anglis in publico concilio eas proponebat, opem contra rebelles desiderans. Quæ quum denegaretur, statim dimittebantur Parlamentarii, Regi vero, quod Scotorum legatum, qui litteras istas subscripserat, Londini comprehendi iussisset, bellum denuo moliebantur Scoti, eiusque mox exercitum profligabant penitus. Reparatis inde induciis nouum Anglorum, Parlamentum conuocabatur. Tantum vero aberat, ut Regi succurerent, isti vt potius variis periculosissimisque decretis potestatem regiam vndique circumciderent, bellumque tandem contra ipsum decernerent. Ac primo quidem tantum ipsis negotij dabatur, quantum ad laureolam satis fuisset, nisi Scoti Anglis venissent subsidio. Sic vero

inclinata mox Regis fortuna ad Eboracum  
eius exercitus superabatur, ipseque, quum se  
Scotorum fidei committeret, Anglis vende-  
batur potius quam tradebatur. Longum  
heic foret, omnes iniurias, quas intulerunt  
Carolo iniqui subditi, omniaque diffidia, qui-  
bus lacerabantur ipsi, percernere. Tandem  
ad pegma ferale raptus, securi percutiebatur  
anno MDCXLIX. Cuius credem Carolus IK  
filius, qui tum patria pellebatur, ac efrime ulci-  
scebatur postea†

§. XVII. De Galliarum regibus rumor  
quidam sine capite percrebuit, quasi eorum  
septimus quisque captivus fuerit. Credo  
quod mysterium, in carceribus quæsiuerint  
otiosi homines. Falsi. Neque enim hic ver-  
satur septenari numeri sanctitas, ut exemplo-  
rum inductione ostendi clarissime potest.  
Ac de Ludouico Pio supra dictum est, quum  
de Imperatoribus verba faceremus. Ab hoc  
sextus Carolus Simplex erat. Neque enim e-  
numerandus est Lotharius, ut qui Italiæ præ-  
fuit. Simplex vero a Danis seu Normanni-  
nis variis incursionibus debilitatus cum eis  
pacem ac foedus tandem sanciebat, horum-  
que

† De hoc parricidio Robertus Iohnstonus lib. XXI.  
& XXII. Rerum Britan. ἐκὼν βασιλικὴν regem  
in arumnis suis representans & scripta contraria  
Salmasii atque Milt. ni.

que duci Rolloni Gislam filiam in matrimonio dabat, cum ora omni maritima Galliae, quæ ab illis Nordmannia hodieum adpellatur. Heic vero paulatim senescere incipiebat auctoritas regia, præcipue, cum Hagano-rem mediæ fortis hominem, ad summam potentiam evectum interioribus consiliis adhiberet. Regni enim procures primo Riber- tum, Ottonis, qui Simplicem antecesserat, fratrem Regem vocant, ac solenni ritu Coronant. Quo, sequente anno, qui nongentesimus vigesimus secundus erat, occiso in prælio, Rudolphum Burgundiæ Ducem quasi in vacuam regni possessionem accersunt. Heribertus vero, siue ut ab aliis vocatur, Hebertus, cuius sororem Robertus in matrimonio habuerat, prætextu reconciliandæ gratiæ perductum Carolum in castellum Theodoric- ci includit, vnde Peronam postea translatus decessit anno nongentesimo + vigesimo nono. Huius statim filius, Ludouicus Transmarinus, qui secundus a patre in regno fuit, eandem sortem expertus est, quum defuncto Guilielmo Rollonis filio, Nordmanniæ duce, eam provinciam tutoris nomine invaderet. Abductus enim ab eo Richardus Guilielmi filius, ei non solum eripiebatur a suis, sed &

Cc 2

ipse

† Aimoinus *de gestis Francorum lib. V. c. XLII.*  
 Mich. Riti-*us de regibus Francorum lib. 1. extr.*

ipse ab iisdem capiebatur anno circiter  
 DCCCCXLVIII. † Postea defuncto Ludo-  
 vico Ignatio, Ultramaritii nepote regnum,  
 quidem adfectabalt eiusdem filius Carolus,  
 Lotharingæ & Brabantiae Dux: sed mox ab  
 Hugone Capeto obsidebatur ac Ascellini  
 episcopi fraude capiebatur. †† Hunc in in-  
 fausto captiuorum ordine Ludouicus nonus,  
 sanctus cognomento demum excipit, qui in  
 sancta expeditione, quæ tum vocabatur, a  
 barbaris impio prælio captus ingenti pecuniæ  
 viliberabatur. ††† Atque hic nonus a Cape-  
 to fuit. Sed iam aliquod sententiæ suæ fir-  
 mamentum inuenient, qui de numero septe-  
 nario heic sciscunt. Ioannes enim, qui vti-  
 que septimus a Sancto Ludouico Gallis im-  
 perauit, cum imprudentius cum Anglis, qui  
 tum sæpius negotium illi faceiebant, con-  
 grederetur, a fortissimo Anglorum Regis filio,  
 Eduardo impari prælio (XII. enim An-  
 glorum millia L. millia Gallorum fuderunt) su-  
 peratus cum filio natu minori captus anno  
 MCCCLVI. Quomodo etiam Franciscus  
 I. qui itidem septimus a Ioanne fuit, a Caro-  
 lo V. Imp. cum quo de ducatu Mediolanensi  
 cer.

† Aimoinus *Lib. V. c. XLIII.*

†† C. XLIV.

††† *Vid. Gesta Ludouici IX. a monacho S. Dionysii de-  
 scripta in Tomo V. Historiæ Francorum.*



certabat, ad Paviā captus & in Hispaniam, abductus fuerit, notius est, quam ut pluribus hic narrari indigeat. Sed quid inde tandem conficitur? Nihil profecto minus, quam fatalis illa numeri septenarii necessitas. Aut enim ad Reges ista pertineret, aut ad familiam. Neutrum dici heic potest. Regum enim casus, si numerus iste describeret, omnes haut dubie, aut certe plerique eodem ordine carceres ingressi fuissent. Familiam vero si intueamur, iterum calculus iste fallit. Neque enim patri semper filius in hoc regno succedit, quod vel ipsius Francisci I. exemplo liquet. Ne ergo sententiam præcipitemus aut ex fallacibus indiciis incerta ominemur, sed expectemus æquum est, quidquid Deus providerit, qui & captis Regibus augere, & salvis iisdem accidere, vel etiam delere eorum potentiam potest funditus. Adsunt interdum signa & patent sagacioribus quibus huius vel illius regni, ruina portenditur, sed ea certiora esse debent, quam numerorum male adplicata mysteria.

### OBSERVATIO XIII. CONIECTURÆ DE LIBRO, SAPIENTIÆ.

Conspectus.

§. I. *O*ccasio dissertationis. §. II. III. IV. V.  
*Pontificiorum de Canone Script. S. opinio-*

nes reiciuntur §. VI. Vnus Canon defenditur.  
 §. VII. & IIX. Explicatur ad Mentem Simonii quid  
 Canonicum sit, quid Apocryphum. §. IX. Non  
 omnes libri Sacri in Canone fuerunt. §. X. XI.  
 XII. XIII. Objectionibus respondetur. §. XIV. Sa-  
 pientia adivinus Spiritus asseritur. §. XV. XVI.  
 XVII. Author primarius Salomon Rex dicitur: &  
 probatur. XVIII. Rationes contrarie recensentur.  
 §. XIX. Liber Sapientia in Græcum est conuersus.  
 §. XX. & XXI. Instantia ab Evangelio Matthæi  
 Hebraice scripto. §. XXII. De Parabolis ac Can-  
 tibus Salomonis coniectura. §. XXIII. Augustino  
 respondetur qui pro Profanis habuit. §. XXIV &  
 XXV. sapientia a Platonismo liberatur. §. XXVI.  
 Stephanus Nye Anglus notatur. §. XXVII. Causa  
 cur stylus Sapientia elatior sit. §. XXVIII. &  
 XXIX. Philo Iudeus non est eius Author. §. XXX.  
 Ad internum Librorum inspiratorum κειμήριον pro-  
 vocatur. §. XXXI. & XXXII. Tanguntur Autho-  
 res qui errores in sapientia quæsivere. §. XXXIII.  
 In specie Franciscus Turretinus. XXXIV. cujus  
 obiectiones recensentur. §. XXXV. & XXXVI.  
 Prima de Athleticis certaminibus refutatur. §.  
 XXXVII. & XXXIIX. & XXXIX. secunda de Me-  
 tempsychofi Pythagorica. §. XL. Tertia de Idolo-  
 rum origine. §. XLI. Ostenditur in hoc Consensus  
 Scriptorum Ethnicorum cum sapientia. §. XLII.  
 Oppositioni Limburgii satisfit. §. XLIII. XLIV.  
 XLV. item Antonii Van Dalen. §. XLVI. Cautio  
 Gene-

*Generalis circa dignoscendos libros Apocryphos.*  
 §. XLVII. & XLIX. & XLIX. *Author. pro probabili-*  
*bus coniecturis rationes suas habet.* §. L. *Li-*  
*brum sapientiæ Canonicum, & non Canonicum dicto*  
*diuerso respectu.* §. LI. *Patrum Testimonia ab Ar-*  
*noldo adlata commendat.*

§. I.

**L** Egenti mihi sapientiæ librum in mentem  
 statim aliqua venire, quæ ad Θεοπνευσίαν  
 eiusdem pertinent; maxime cum eum a Ca-  
 none longe semotum viderem, a pluribus er-  
 rorum infimulatum; a paucissimis defensum.  
 Vnde operæ pretium duxi, disquirere paulo  
 accuratius, an non dici quædam possint pro  
 utilissimo scripto, ex quo diuinus spiritus elu-  
 cet, licet de Authore inconstans admodum  
 Doctorum opinio sit.

§. II. Non equidem ignoro, fudasse hac  
 in re Pontificios scriptores, ad stabiliendum,  
 Canonem aduersariis suis contrarium, mul-  
 taque finxisse, quæ fingenda non erant; imo  
 proterue quædam asseruisse, quæ fundamen-  
 to nullo nituntur, nullo testimonio, nulla  
 etiam vel leuissima coniectura.

§. III. Vnde me non multum rationes eo-  
 rum morantur, qui libros quos Apocryphos  
 appellamus, Iudæorum malitia a Canone rur-  
 sus expunctos volunt. Silet hic antiquitas,  
 tacent Apostoli; Christus ipse silet, & prima

Ecclesia in alia longa abit, & recentiorum, etiam Iudæorum fidem nullo modo labe-  
factat.

§. IV. Quod autem *Genebrardo* placet, a veritate penitus alienum videtur. Exco-  
gitavit ille, nescio quibus documentis sufful-  
tus, triplicem Canonem. *Esdram* credit  
confecisse unum cum Synodo Magna; in  
quo totidem extitisse libros vult, quot ab  
Ebræis adhuc hodie admittuntur. Alte-  
rum in *Hierosolymitana* Synodo Sexta con-  
flatum putat: quam occasione septuaginta In-  
terpretum coactam fuisse docet; coniectos-  
que in eum libros *Tobie*, *Iudith Ecclesiasticum*,  
item & *sapientiam*, de qua nobis potissimum  
sermo est. Tertium vero in septima Syno-  
do conditam affirmat, quam ad Phariseorum  
Sadducæorumque altercationes sopiendas  
conuocatam autumat, & ibi tum primum ad-  
scriptos libros Machabæorum reliquosque,  
quos nostro iunctos Codici habemus.

§. V. *Serarius* alique celebres inter Pon-  
tificios viri, gemino Canone contenti sunt,  
priori Esdrino, recentiori altero, ut libros  
Apocryphos conseruarent, & a Protestantium  
obiectionibus liberarent.

§. VI. Ego vero tantis ambagibus opus  
esse neutiquam puto: Vnus mihi Canon suffi-  
cit, quem Synedrium Magnum videtur ador-  
nasse,

nasse, Esdra si velis authore, aut præcipuas partes agente. Nam quod a *Spinosa* proferitur, parum curo, qui ad Machabæorum tempora collectionem sacrorum librorum reii-  
cit, sine causa *παράδοξος*, & vt dixisse aliquid videatur sine ratione nouaturiens.

§. VII. In eo mea opinione res tota sita est vt explicetur primum, quid Canonicum sit, quid Apocryphum. Impegere hic Authores quotquot mihi noti sunt; si *Richardum Simonium* excipias, Virum in tantum laudandum, quantum eruditio intelligi potest. Credidimus enim hucusque, id saltem quod in Canone est, ab Authore Spiritu S. proficisci: reliquum nec diuini quid piam continere, nec a Vatibus Sacris originem duxisse; cum tamen exploratum sit ac certum, multos adhuc Propheticos libros extitisse, qui nec a Synedrio in lucem producti, nec publice in ecclesia lecti fuere; quos male propterea vt reiectos considerauimus & abscondendos; ac si nihil in iis diuini esset, nihil Spirituale, nihil *θεόπνευστον*. add. *Histoire Critiqu. du Vieux Testam. p. m. 56. 57.*

§. IIX. Mihi potius Canonicum illud est, quod publica Synagogæ autoritate, vt a Deo inspiratum, receptum, determinatum ~~est~~ declaratum nondum fuit, sed declarari tamen ~~est~~.

f. *est. Apocryphum vero illud est, quod*

potu-

est ut a deo inspiratum

Hæc verba suo loco omissa in indice est  
restituta sunt.

potuisset, si pluribus ad lectionem libris in  
cœtu fidelium opus fuisset.

§. IX. Persuadebunt enim vix ac ne vix  
quidem Theologi, Librorum Sacrorum quic-  
quid est in Canonem fuisse relatum. Tor-  
quebunt se, credo, æternum; & de Libris  
*Nathanis & Gad, Abiæ & Ieddonis*, visionibus-  
que *Hôzai* frustra disputabunt: vt hunc  
Scripta *Salomonis* taceam, de quibus postea  
dicendi locus erit; aliosque Prophetas, quo-  
rum ingens videtur numerus fuisse, ita vt,  
temerarium plane foret, adfirmare velle, o-  
nium vaticinia exiguo adeo Codice conti-  
neri.

§. X. Scio equidem quid communiter in  
Compendiis dicatur. Quia Christus ait,  
(Matthæi 5. v. 18.) ne vnum quidem legis  
apicem periisse, hinc ad reliquos quoque li-  
bros inepta consequentia necitur. Ana-  
logica applicatio firmum argumentum est:  
Topica consulitur, & à minori ad maius au-  
dacissime concluditur. Possem sancti vel-  
lem acuere stylum. Nam absolum est,  
quod de *Luca & Paulo* adfirmant. Is, inqui-  
unt, *omnium Scripturarum, omniumque Pro-*  
*phetarum* cap. XXIV. v. 27. mentionem fa-  
cit; quod certe fieri non potuisset, si alii ex-  
tra Canonem fuissent. Hic vero, (Rom.  
15. v. 4.) *quæcunque scripta sunt, ad nostram in-*  
*stitu-*

*stitutionem scripta esse* clarissime docet; quod asserere non licuisset, nisi omnia V. T. scripta reuera extitisse supponantur.

§. XI. Miseret me horum hominum, qui in prima ratiocinationis ac interpretationis fundamenta grauitè adeo impingunt. De Christi dicto non multum disputabo; Cum *Capello* transigant & *Hugone Grotio*, qui de absolutissimo legis complemento, hoc quicquid est volunt intellectum: *Erasmum* enim aliosque omitto qui hy perbolen hic latere volunt, ne vno ictu eorum ratio concidat.

§. XII. Id maxime miror, cæcutiisse eos turpiter adeo circa *Luce* locum. Sequeretur enim modo non dissimili, si cauillationes eorum imitari constitutum foret, vniuersam a Christo Scripturam a capite ad calcem esse explicatam, quia vt illi clamant, omnium Prophetarum omniumq; Scripturarum meminit. At hoc pergunt, de præcipuis vaticiniis capiendum est: & ego, inquam, persuadeo mihi, id de libris quos Iudæi publice ex autoritate Synedrii legebant esse intelligendum.

§. XIII. Cum Paulo mihi lis nulla est. Quicquid scriptum est, ad nostram doctrinam scriptum esse affirmo & credo; dummodo argumenti sui nexum illustrare velent contradicentes, vt immotam inde conclu-

clusionem elicere apti essemus. E. tot tantum, quot in canone videmus libri sacri fuisse: E. Nullus alius esse potuit: E. reliqui omnes humana solum autoritate perscripti sunt.

§. XIV. Quod cum non faciant, ignoscent credo S. Sancti Antistites, si liberius paulo mentem meam de dignissimo sapientiæ libro exponam. Neque enim defendo, eum in Canone ab *Esdra* aut Synagoga magna confecto extitisse; cum non opus sit ad hoc extremum dilabi; & fidem Iudæorum, quos religiosissimos Ecclesiæ Capfarios sine intermissione appellitant, in suspensionem adducere. Placet potius, quod superius a me fuit assertum; dum accuratius exposui, quid apocryphum fuerit aut absconditum. Parum quippe mea sententia refert, an a Syne-drio in lucem protracta sit sapientia, quam magni facio: sufficit mihi, diuinum in ea afflatum reperiri, licet priuatim tantum legeretur, nec, uti aliis quoque Prophetarum literis accidebat, publici iuris fieret.

§. XV. De Authore notae sunt disputationes Veterum & Recentiorum. Ego *Salomoni* Regum omnium sapientissimo tribuo, rationibus forte non contemnendis adductus. Suadet enim hoc titulus primum, qui & in Graeca & Syriaca & Arabica Interpretatio-



tatione nomen præfert, vt Rabbiorum, Christianorumque scriptorum magnam partem præmittam; quia mce hic conspirant, conspirare tamen vix potuissent, nisi veri quidpiam subfuisset.

§. XVI. Deinde non parum me mouet, rerum conceptuumque conuenientia, qui similes omnino iis sunt, qui in Prouerbiis habentur, quæ indubie Salomoni adscribuntur, licet ab alio forte ex diuersis Schedis collecta fuerint: vt proœmium ac connexio eos facile docere possunt, qui attenta meditatione Sacram considerare Scripturam apti sunt.

§. XVII. Quæ vero capite pono inueniuntur, rem plane euincunt; non enim credibile est, eo audaciæ aliquem esse processurum, vt ardentem adeo Sapientiam a Deo rogare sub persona *Salomonis* voluerit, characteremque assumere, qui non nisi Regi sapientissimo conuenit, ac ita decipere reliquos, qui hic neque nugas, neque inania verba expectant.

§. XIX. Rationes quæ in contrarium afferuntur leues sunt, aut si quid continere videantur, breui illustratione opus habent. Hic liber, inquiunt, Græco tantum idioma te perscriptus est, adeoque recentior multo, quam vt Salomoni imputari possit, qui non

non nisi Hebræo sermone vsus videtur. Græci Græce scripserunt, Iudæi item cum Græcis viuentes, non Rex sapientissimus, quo viuente Hellenistica lingua nondum vniuersum orbem occupauerat, & rara admodum cum eis commercia fuerant. Nec stylus addunt, præcam simpliciter redollet, sed Græcam sapientiam aut Platonis spiritum, qui ab Hebrææ linguae candore maxime fecedit. Vnde Philoni communiter sapientiam attributam legimus, de quo Veteres aut *Plato sapiebant*, *Philonizat*, aut *Philo Platonizat*.

§. XIX. Quæ omnia, licet speciem habere videantur, nec tanta tamen sunt, nec adeo firma, vt terrere me possint aut abstrahere ab ea sententia, quam semel veritatis conformem deprehendi. Esto enim, legamus hunc Græce sapientiam; exinde tamen concludere vix possis, Salomonem non esse Authorem. Quid si ex Hebræo dicam conuersum vel collectum, vel quod aliis placet, e Chaldæo, quem sermonem in fauorem conuersionum suarum adhibuisse creditur Salomo. *Maimonides* sane in præfatione sua ad Pentateuchum librum Chaldaicum antiquissimæ ætatis citat, qui Magna sapientia appellatur, & in iis, quæ referuntur, cum nostro amicissime conuenit.

§. XX.

- §. XX. De *Matthæi* Euangelio res nota est. *Hebræice* primo scriptum vniuersa, pene antiquitas agnoscit; & nos tamen illud *Græce* legimus, & vt diuino Spiritu repletum veneramur. Quod cum in libris *Noui Testamenti* licite faciamus, nihil causæ profecto video, quo minus id etiam circa *Veteris Testamenti* tabulas permillum fuerit.

- §. XXI. Nam quod de consensu primæ Ecclesiæ dicitur, nihil est. Sufficit *Veterem Iudæorum Synagogam* sapientiæ librum non reiecit; licet rectus fuerit, & occultatus cum alijs, de quorum authenticâ dubitare nefas est.

- §. XXII. Id quidem indubium est, ac certum, ter mille parabolas locutum esse Regem nostrum & Carmina quinque mille, quæ an in *Cantico* repertiantur, aut *proverbis*, nunc iure dubitant, quibus acetum est. Excerpta quædam extare in libro *1<sup>o</sup> 2<sup>o</sup>* non repugno; reliqua autem profana fuisse, a diuino Spiritu longe remota, & perditâ propterea, nondum credo; nisi euidentioribus signis & argumentis sententiam suam in lucem collocent illi, qui non nisi libros in *Canone* admittunt.

- §. XXIII. At sciô, *Augustino* hic sensus fuit, de *Ciu. Dei* cap. 38. *Alia*, ait, *sicut homines*

*mines*

*mines historica diligentia, alia sicut Prophetæ diuina inspirationet scribere potuere.* Quod idem foret ac si cum Pontificiis diceremus, Papam non esse ab omni errore immunem si priuatim cum suis loquatur; alium vero & Spiritu diuino plenum, si ex Cathedra.

§. XXIV. E stylo qui sapientiam æstimant cauere debent, ne ad præcipitium propius accedant. Diuersa sentientes iisdem sæpe vocabulis vsi sunt; quorum æqui-uocatio, nisi ex vnius cuiusque scriptis accurate inuestigetur, fallere eos facile potest, qui ad sonum attendunt, non ad sensum. Ita Gro-tius *Paulum* Senecæ ὁμοδόξον fuisse credidit, dum Deum non longe ab vno quoque nostrum abesse dixit, nosque & viuere & esse & moueri in eo affirmavit: cum tamen sequentia facile ostendant, Sacrum Senecæ Spiritum, de quo Epist. XLI. sermo est, nil nisi mentem Stoicorum more designare, quæ intra nos sedet, malorum bonorumque nostrorum obseruator & custos.

§. XXV. Eadem præcipitantia aliqui initium Euangelii Iohannis Platonismum sapere sibi persuasere; posteaquam *Amelius* ille, Philosophus Plonicus ad verba solum respiciens, Magistri sui mysteria ibidem se reperisse somniauit. Nec desunt, plura Platonice locutionibus similia in Nouo Testamen-

mento adnotarunt; & Authorem imprimis Epistolæ ad Hebræos huic sectæ adnumerarunt. vid. Drusius ad cap. I. Ioh.

§. XXVI. Stephanus Nye Anglus non ita pridem in libro, cui titulus est *The Doctrine of the holy Trinity and the Manner of our saviour S. Diuinity &c.* contra Alexium probare voluit, Aristotelica quædam in libro Sapientiæ reperiri, quæ Salomon non nisi per vaticinium cognoscere potuisset. Nec dubito, quin, si ita perrexerint, alius forte defensurus sit, Pythagoricum huius Scripti Authorem esse, vt inferius patebit, aut Scepticum tandem, aut quod fieri adhuc facilius posset, Epicureum, h. e. hominem plane improbum ac scelestissimæ vitæ.

§. XXVII. Ego non miror, stylum in eo paulo elatiorem videri; cum admodum probabile sit, ex Poëtico sermone translationem adornatam fuisse; qui ad Græcam eloquentiam propius accedit, & allegoriis & metaphoris vndique distinguitur. Nec scio, an firmum statim argumentum duci possit, librum non pertinere ad simplicitatem Veteris Testamenti; vbi locutio paulisper exsurgit, & supra communem modum euehitur. Alius quippe in Iobo Spiritus est, in Psalmis alius, alius in Cantico, similibusque,

vbi vel Poësis, vel Prophetia vehementiores & viuidiore expressiones poscebat.

§. XXIX. Nunc, an *Philo* Iudæus sapientiam composuerit, peruidendum est; cui quam plurimi ex veteribus, nec pauciores forte e recentioribus hanc gloriam detulere. Sane si e sermone iudicium ferri debeat, pronuntiare non dubitarem, *Philonem*, cuius opera adhuc legimus, frustra pro autore venditari, cui alia penitus verborum connexio est, & longe diuersus sermonis ductus. Sed apparet, puto, ex ipsa sapientiæ structura & sententiis hinc inde de florentissimo regno sparsis, nimis recentem hunc *Philonem* esse, vt loqui tali modo potuerit, cum iam exulceratæ Iudæorum res eius temporibus forent, & ad interitum inclinarent. f

§. XXIX. In quo *Clementis* & *Barnabæ* citationes alios adhuc magis confirmant, qui sapientiam nostram, vt librum iam omnibus notum allegarunt; vix autem allegassent, si a Iudæo sibi coæuo perscripta fuisset. Id certum est, eam antiquiorem multo esse, quam vt ad noui fœderis tempora reiici debeat. Quod nec iis etiam obscurum fuit, qui alium *Philonem* in antiquitate quæsiuere, ad quem referri commodius possit, quod *Salomoni* sine necessitate eripitur. Quod si de translatione aut collectione loquerentur, forte non

*Fel Spencerum Philoni tribuisse librum sapientie patet multo  
fornis in fœderis I. quæst. fœderis. Non. Ruyssinger, ad Augustin.  
in. 1685. in 16.*

multum refragaremur. vid. la Dissertation Preliminaire sur la Bible de Mons. Du Pin pag. 108.

§. XXX. Mea opinione perparum interest, a quocunque liber ille collectus sit, aut etiam in Græcum conuersus. Hoc enim nihil ad inspirationem eius facit, cum sine auctoris notitia ac Ecclesiæ testimonio omni scripturæ credamus, in qua diuinitatis notas deprehendimus. Pontificium nimis est *aduersus* literarum S. ab hominum autoritate suspendere, aut persuadere sibi velle, Deum non nisi per Ecclesiam nobiscum loqui posse. Sacer Spiritus lux est proprio splendore lucens, cibus propria dulcedine pollens, odor propria fragrantia spirans. Cum sensu aliquid percipimus, non argumentis opus est ad demonstrandum, quod percipitur: intra nos convincimur, & nisi scepticos agere velimus, ipsarum claritate ita perfundimur, ut stultum foret contra diem loqui, aut euidentius signum maiusque pondus expetere.

§. XXXI. Eo saltem redire tota controversia videtur, an lux adeo clara in Sapientiæ libro sit, roburque tam firmum, ut legentes de diuinitate eius certi reddantur. Quod quidem facile ostendi potest, si consideremus, nihil solidi adduci posse, quod authoritati utilissimi scripti aduersetur. Laborarunt e-

D. d. 2

qui-

quidem viri perquam multi, & rationes vndique conquisitas accumularunt, e quibus evincere constituere, falsa quædam inibi doceri, Scripturæ indubie Canonicae repugnantia afferri, fabulas & traditiones inanes recenferi, omnesque eius doctrinas perspicue ostendere, Propheticum spiritum deesse, & indicia τῆς θείας.

§. XXXII. Sed maxime decepti sunt omnes, qui studium suum in his probationibus collocarunt: exemplo suo docentes, quantum præiudicata opinio possit, quantum religio a teneris approbata, quantum Præceptorum nostrorum Auctoritas, quantum denique superstitio, qua facile induimur, difficulter liberamur.

§. XXXIII. Franciscus *Turretinus*, Pastor olim apud Geneuenses, † nimium hic durus est. Mendacii authorem insimulat, quod falso se Regem in Israël fuisse adferat; persuasus frustra, possibile non esse, ut a Salomone proveniret liber Græco idiomate exaratus; sed quod tamen supra latius deduximus, & ab absurditate minimum non contemnendis rationibus liberauimus.

§. XXXIV. Ex qua præcipitantiâ pleraque, quæ ulterius adferuntur, defluxere. Hinc enim locutiones aliquas adnotavit, quibus ad

† in theologia sua *Elenctica*.



athletica certamina, quæ apud Græcos nondum Salomonis tempore in usu fuerunt, respexisse auctorem vult. Hinc cap. VIII. 19. 20. Pythagoricam μετεμψύχωσιν exsculpsit: hinc totam de idolorum origine recensitionem vt falsam & ineptam reprobauit; luculento admodum indicio, nihil tam sanctum esse ac inculpatum, cui non labe aliqua adspergi, aut macula inuri queat.

§. XXXV. Sed miror *Turretinum* solum adeo lynceum esse, vt Græcorum athletarum pugnas cernere sibi videatur, vbi alii nihil vident. Non enim credendum est, cap. IV. 2. talem, vti fingitur, allusionem reperiri, nisi quidem existimare velimus, in omnibus Veteris Testamenti locis, ubi aut certaminis aut victoriæ, aut præmii aut coronæ mentio iniicitur, ad Graiorum prælia respici. Hebræi ipsi præmia coronæ nomine designarunt, ac id quod magni laboris erat, non raro certamen appellarunt. (conf. Esai. 62. 3. Psalm. 21. v. 3.)

§. XXXVI. Quæ responsio sufficere potest illis, qui nimium subtiles esse nolunt. Reliquis vero κατ' ἀνθρώπων dictum velim; non adeo absonum esse, si concedamus, in dicto versiculo ad Græcorum certamina alludi. Non enim defendimus, ipsum *Salomonem* hoc quicquid est, & prout hodie legimus, iisdem

verbis adornasse, ac scripsisse. Collecta omnia sunt e schedis, non minus ac proverbia eiusdem: connexio ab alio addita est, facileque euenire potuit, ut is, qui Græcum Interpretem egit aliqua ad genium Græcæ linguæ deflecteret, sine diuinæ inspirationis imminutione.

§. XXXVII. Iam quid de μετεμψυχώσεις Pythagorica, quam in authore sapientiæ cultant, habendum sit, examinemus; quod commodissime fiet, si verba adscribamus, ex quibus eam eruere tentant. Πᾶς δὲ ἡμιν εὐφυής, ψυχῆς ἑλαχον ἀγαθῆς. Μᾶλλον δὲ ἀγαθὸς ὧν ἦλθον εἰς Σῶμα ἀμίαντον. Hic quod alii inueniunt, ego vix quaero. Hoc tantum video, *Salomonem* puerum bonæ indolis, vividique ingenii fuisse, probeque educatum, in iuuentute sua, caste ac innocenter quoad corpus etiam vixisse. Qui sensus Lutheri Interpretationi ac versioni conformis est, aliisque, qui vestigiis eius religiose insistent.

§. XXXIIX. *Grotius* hac parte magis moderatus videtur. Cogitemus, ait, an hoc velit dicere, si vera est sententia, περὶ τῆς προεπάξεως τῶν ψυχῶν (multi enim *Hebraei* eam sententiam hauserant, ut diximus *Ioh. IX. v. 2.*) cum essem ego bonus. (Nam *Hebraei* nonnullis, ut & *Pythagoricis*, Animus est homo totius, corpus nihil nisi σκεῦος.) corpus mihi assignatum est optime

*μακαρίως, sine notabili vitio naturali &c.* Turretinus vero iam certo ponit, quod Vir ille Doctissimus dubitanter asseruit, merito nihilominus a *Iob. Clerico* † notatus, quod sæpe Platonicas Stoicas & Pythagoricas sententias e Veteri & Nouo Testamento eruat, communi Criticorum vitio, qui e nimia profanorum scriptorum lectione ad hoc extremum deferuntur.

§. XXXIX. Sed tamen si rursus ad illorum captum placeret respondere, dubitarem sane, an aliquid lucrarentur dissentientes. *πρόπαρξίς* animarum, aut si longius ire fuerit constitutum, *μετεμψύχωσις* non tam a Pythagora ad Hebræos ac Orientales, quam ab his ad Pythagoram peruenit: & disputari adhuc forte posset, an inconcinna adeo opinio sit, quam nec Christus ipse in citato Iohannis loco reprehendit, *Helmontius*, aliiue non inepte defenderunt, licet diuersum Theologis Aristotelicis arrideat, & eorum adoratoribus, qui nil rectum putant, nisi quod cum ingenii sui dictatibus conveniat. *Augustini* hac de re dubitationes lib. 1. & 4. de libero arbitrio & Epist. 120. notiores sunt, quam vt latius explicari debeant.

§. XL. Vltimum quod sapientiæ exprobratur, idolorum origo est. *LaTantius* enim,

D d 4

cuius.

† *Art. Crit. Vo. I. & III.*

cuius magna vbiuis authoritas fuit, aliam plane refert; & cum iis sentire videtur, qui superstitionum cultum omnem a populorum studio in mortuos Reges deducunt; diuersus in hoc a libro nostro, qui immoderato luctui Parentum simulacrorum initium tribuit, qui filios suos vt homines primum lugentes, postea stolidissimo ausu vt Deos coluere. Sed aduerterunt iam Viri acres, ac eruditionis laude conspicui, diuersis in locis diuersam superstitionis idolatricæ originem esse potuisse; nec necessario sequi: hoc lacteæ Eloquentiæ Pater Lactantius affirmavit, E. reliqui omnes, qui aliter quocunque respectu rem proponunt, a veritate aberrant. *Conf. Grot. ad cap. Sap. 14. §. 15. 16.*

§. XLI. *Diophantus Lacedæmonius* in libris Antiquitatum eadem cum Authore nostro tradidit; vt *Fulgentius Mythologicorum I.* nos docet: nec scio an longe hinc illud *Tullii lib. I. de Nat. Deorum* abeat: *Qui tota die precabantur, & immolabant, vt sui liberi superstites essent, supersticiosi sunt appellati.*

§. XLII. Habes igitur omnia argumenta Turretini dispulsa, quæ primo magnam difficultatem portendere videbantur. Vnum adhuc, quod speciosum apparet, discutendum est. *Philippus a Limborch, S.S. Theologia apud Remonstrantes Batauos Professor*, ob hoc solum

solum sapientiam reiicit, *Theol. Christ. lib. I. c. 3. §. 7.* quod Israëlitas ab Inimicis suis oppressos dicat; cum tamen felicissima Salomonis tempora tale quid penitus respuant. At ego pace Clarissimi Viri, quem magni alias facio, dixerim, id non de externis hostibus, vi ac potentia instructis capiendum esse, sed de Improbis & idolorum cultoribus in genere, qui vbicunque possunt. amicos Dei, eiusque populum premunt: quod etiam versio, quæ Vatablo communiter adscribitur, innuere videtur. Nec video cur non ita interpretari fas sit authorem, qui nullius contradictionis alias reus peragi potest, & Spiritum vbiuis diuinum, & vtilis doctrinas, & fidei tam Veteris quam N. Testamenti conformia prodit, imo vti supra iam dictum est, de florentissimo Reipublicæ Iudaicæ statu frequentissime loquitur.

§. XLIII. Est tamen adhuc aliquis, qui magno nisu id quod nos sapientiam vocamus, insipientiæ accusat. Poliatrum Harlemaensem intelligo, Antonium Van Dalen (cui in Tomo II. obseru. select. inaduertentia Typographi Iohannis nomen dedit) qui impatiens *μορμωλυκεία* h. e. spectra cap. XVII. 3. 4. &c. recenseri, quibus Aegyptii tot ac tantis plagis affecti, territi dicuntur, eo delabitur, vt totum librum reiiciat, & e numero eorum,

qui diuinitatis notas habent, prorsus excludat.  
vid. cap. 8. *Diff. de Origine ac progressu Idololatriæ.*

§. XLIV. Sed nos credo facile veniam ab eo impetrabimus, ut ad alia ire liceat, maxime cum tali necessitate non vrgeamur, ut Vir ille doctus, qui hoc maxime deridendum sibi sumsit, non dari spectra. Ego nondum video, quid absurdi inde prouenire possit, si admittamus, eo loco, cum apud Aegyptios caligo inualesceret, & formido undique circumstreperet, apparuisse diuino permisso Phantasmata quædam ac ostenta, ne quid terrori deesset.

§. XLV. Exodus quidem nihil de his similibusque refert; sed nec *Iannes & Iambres* ibidem recensentur, de quibus tamen Paulus vel per traditionem informatus, vel sacro Spiritu afflatus certissime loqui potuit.

§. XLVI. De cætero in genere adnotamus, cauendum maxime esse, ne inter rationes, cur libros non recipiamus pro diuinis, adsumantur dogmata inter nos & alios controuersa: quasi scilicet indicium authoritatis minime diuinæ sit, quod eiusmodi dogmatis inde aliquale patrocinium peti possit. Hac enim ratione iis, qui a nobis dissentiunt, cauillandi ac suspicandi ansam præbemus, ac si illorum librorum authoritatem reuereamur.

mur. Peccauit hac in re ipse *Lutherus*, qui *Epistolam Iacobi stramineam* appellauit; quod Pontificiorum Bona Opera inde stabiliri crederet: & omnium crassissime *Althammerus*, qui *Iacobum mentiri in caput suum* dixit. Sicut & *Bellarminus* false satis *Caluinum* perstringit, quia factum *Iudæ Machabæi* reponit inter causas, cur librum illum habeat pro *Apocrypho*, deceptus in eo, quod *Purgatorium Pontificium* indubitato ex illo adstrui posse sibi persuaderet. Conf. *Limburgii Theolog* *Christ.* lib. I. cap. 3.

§. XLVII. Stat itaque immota adhuc sapientia nostra; omnesque quas attulimus rationes, aptæ non sunt, vt ad contrarium adferendum compellamur. Amicus *Lutherus* est; amicus *Zwinglius*; amicus *Osiander*; amicus *Turretinus*; amicus *Limburgius*; amicus *Dalenius*; magis amica veritas, aut ad veritatem proxime accedens opinio.

§. XLIX. Coniecturæ enim sunt, quas non sine ratione proposui; libertate aliqua vsus, quæ nec effrenis est, nec periculosa. Si qui acerbe contendere velint, contendant, per me licet. Non nisi rationibus aduersus eos disputabo; quæ probabilioribus sponte cedent; dummodo afferre possint magis stringentes, quam huc vsque factum est.

§. XLIX. Nihil sane magis in votis habeo,  
quam

quam discere id, quod obscurum mihi est, atque ignotum. Falsas vero rationes non admittam, quamdiu vel bonæ interpretationis leges contrarium suadent, vel inanes consequentiæ communi consensu reiciuntur.

§. L. Deum interim ex animo precor, ut veram sapientiam ipse me doceat, ne impingam; & ut spiritu suo me confortet in iis, quæ in amœnissimo sapientiæ libro reuelare ei complacuit. Canonicum eum non vocabo, si Canonicum illud fuerit, quod in Iudæorum Canonem, publica Synedrii autoritate receptum fuit: Alio vero modo hunc titulum non respuam; si Canonicum illud sit, quod diuini spiritus indicia habet.

¶ §. LI. Patrum Ecclesiæ primæ testimonia qui desiderant, apud *Gothofredum Arnoldum* reperire possunt, cuius *Sophia* p. 14. seq. magnam illorum segetem suppeditabit.

## OBSERVATIO XIV.

De

NOVO SCRIPTORVM PHILONIS  
IVDAEI SVPPLEMENTO  
E SVECIA EXPECTANDO.

**E**Ricus Benzeliſ; Archiepiſcopi Vpſalienſis filius cognominis, ante quadriennium iter litterarium in Germaniam, Belgium, Angliam, Galliamque ſuſce-



scepit. Parisiis Stockholmiæ superiori anno reuersus ad amicum inter alia scripsit: *Precipua mihi cura fuit inquirendi in Codices Manuscriptos Philonis Iudæi, postquam in instructissima Bibliotheca Bodleiana Oxoniensium inuenire contigit nobilem Particulam Operum eiusdem Auctoris Græce Latineque hætenus ineditam. Est vero Commentarii illius ad Leges speciales Liber quartus, eique ad nexus Tractatus de Iustitia. Versionem utriusque Latinam nunc adornauit, & cum observationibus breuioribus ac Dissertatione de Scriptis Philonis Iudæi breui edam. Amicus ille Benzelio respondens, Seldeni Librum II. de Synedriis Veterum Ebræorum Cap. XIII. num. 13. commendauit, ex quo pauca mutuabimur: Habetur inter Philonis Iudæi Alexandrini Opera libellus τὰ περὶ δικάσῃ, QUAE AD IUDICEM spectant, inscriptus. Boni iudicis officium, ex præceptis Mosaicis exequitur ibi is, quem consulat lector, vna cum Rolandi Petreii in eum notas, editioni Philonis nupera Parisiis 1640. adiectas. Libentius autem libellum illum heic meminimus, quoniam ex complurium tractatum Philonicorum, alio quam habentur in editis ordine & diuisione, codice MS. penes me peruetusto, legitur quidem titulus, τὰ πρὸς δικάσῃν, cui subiungitur idem ipsum, quod in editis habetur, exceptis lectionibus aliquot variis. Has cum iam exscribere nihil attinet, tum pergit postea Sel-*

Seldenus: *Absolute tandem tractatu illo, ut in editis, de Iudiciis, sequitur item additamentum illud de Decalogi præcepto ultimo, quod in editis memoratur, quasi illic Philo Commentarios in illud statim subiungere voluisset. Sed cum nihil ea de re in editis sequatur, in MS. post verba illa postrema, τὸτο δ' ἐστὶν, καὶ ἐπιθυμήσεις, NON CONCVPISCES, sequitur. ὡς μὲν πᾶθος ἐπίληπτον, ἐπεὶ καὶ πᾶσα ἄμετρος καὶ πλεονάζουσα ὁρμή &c.* Atque aliam ibi habet præcepti illius explicationem ab ea, quæ in edito eius de Decalogo tractatu reperitur. Verum quid in Seldeno desideret Cl. Benzelius, audiamus ex litteris ipsius hoc ineunte anno perscriptis. Ipse ille Clarissimæ Seldeni locus Lib. II. de Synedriis Cap. XIII. mihi occasionem dedit in Codicem illum Manuscriptum inquirendi, qui una cum reliquo legato Seldeniano servatur in Bibliotheca Bodleiana, ut probe nosti. Quis vero satis mirari potest, tam negligentem tractasse ac exolvissæ Codicem Manuscriptum præstantissimum, sui iuris, Cl. Seldenum? Sane suo merito iis annumeratur, quos multitudo librorum perturbavit, & quibus varietas studiorum obfuit. Tractatus ille, cui nunc titulus τὰ πρὸς δικαιοσύνην, pars est commentarii huius a me reperti, & quidem in præceptum Decalogi nonum, quod non modo ex Codice MS. didici, sed & ex ultimis eiusdem particula verbis, ubi ait sibi nunc transeundum esse ad Præceptum Decalogi

*logi ultimum. Tractatus περί καταστάσεως ἀγ-  
 χοντος, ut nunc in Codicibus vulgatis inscribitur,  
 pars est illius a me reperti, περί δικαιοσύνης, sed  
 plenius hæc alias monebo. Licet igitur in eo for-  
 san peccauerit Seldenus, quod non attendit,  
 tractatum de Iudice partem esse Commenta-  
 rii Philonis ad Leges speciales; gratiæ tamen  
 illi debentur ob indicatum seruatumque ve-  
 tus manuscriptum, quo Commentarius ille in  
 omnibus hætenus editionibus impressis mu-  
 tilus, in integrum, opera Benzeli interueni-  
 ente, restitui potest. Equidem Petrus Lam-  
 becicus in Commentariis de Bibliotheca Vin-  
 dobonensi tam lib. I. fol. 143. quam lib. III.  
 fol. 76. ex antiquissimo probæque No-  
 tæ Codice MSto membranaceo, pro-  
 ducit Græcum quorundam Philonis opuscu-  
 lorum, eo contentorum, Indicem, quo post  
 alia sistuntur non solum bini tractatus seu li-  
 bri in vulgatis editionibus prostantes, de spe-  
 cialibus legibus, quæ tam ad tertium, quartum  
 & quintum, quam ad sextum & septimum  
 Decalogi caput seu Præceptum referuntur;  
 sed etiam tertius liber, de specialibus Legi-  
 bus, quæ ad octauum, nonum & decimum  
 præceptum referuntur, de furto, falso testi-  
 monio, & concupiscentia fugiendis; ac paul-  
 lo post sequitur de Iustitia, quæ omnibus de-  
 cem Præceptis cohæret. Verba sunt: καὶ  
 τὸ*

τὸ ἡ, καὶ θ, καὶ ι, τὸ περὶ τῶ μὴ κλέπτειν, μὴ ψευδομαρτυρεῖν, καὶ μὴ ἐπιθυμεῖν, καὶ περὶ τῶν εἰς ἕκαστον ἀναφερομένων, καὶ περὶ δικαιοσύνης, ἢ πᾶσι τοῖς δέκα λόγοις ἐφαρμόζει. ὁ ἐστὶν τῆς ὅλης συντάξεως. Addit vero Lambecius :

*Quamvis autem hic Titulus siue Index tam multa promittat, tantum tamen abest, ut omnia illa ibi extent opuscula, ut ne primum quidem eorum sit integrum.*

Quoniam igitur ex Codice illo Cæsareo nihil ad supplendum Philonis defectum peti potest, gloria restitutionis Cl. Benzelium solum manebit.



INDEX

## INDEX OBSERVATIONVM.

- I. De Bernhardini Ochini Dialogorum libris.
- II. De Bernhardini Ochini scriptis reliquis.
- III. Nescire Philosophos adhuc, quid sit aër.
- IV. Nescire Philosophos, quid sit aqua.
- V. Considerationes ad Clausulam Articuli IV. Pacis Ryswicensis.
- VI. Meditatio Politica de Religione Catholica Romana ad eandem Clausulam.
- VII. Acta cum D. Iohanne Strösselio.
- VIII. Suspicionum defectuum iudicii Historici.
- IX. De Criterio veritatis in rebus moralibus.
- X. Alterum indicis expurgatorii Romani specimen.
- XI. De Andrea Duditio, Episcopo Quinqueecclesiensi.
- XII. De Imperatoribus, Regibus Hispaniæ, Angliæ, Scotiæ & Galliæ captiuis.
- XIII. Coniecturæ de libro Sapientiæ.
- XIV. De nouo Scriptorum Philonis Iudæi supplemento e Suecia expectando.

# INDEX RERVM.

## A.

- A** Bysinæ Regum Sigillum. VIII. 33. quæ  
olim Iudæis abundauit. VIII. 35.  
Adulteri causa an diuortium fieri liceat. I. 24.  
eiusdem poena. I. 26.  
Aëris quidditatem ignorant Philosophi. III. 1.  
Hebræi: III. 2. Aegyptii. III. 5. Græci. III.  
7. Poëtæ, Ionici, Italici, Eleatici. III. 8. 9.  
10. 11. Plato III. 12. Aristoteles. III. 13.  
definitio Aristotelicorum adducta, §. 14. re-  
fellitur. 15. 16. seqq. diuisio in masculum &  
fœminam notatur. III. 5. vocem non ex-  
primit το Ruach. 4. nec Lingua Hebrai-  
ca, 2.  
Americæ iam mentionem fecit Diod. Siculus,  
VIII. 43. quem aliter explicat Rudbeckius.  
44. sed refutatur. 46. 47.  
Americani Nigri an ex Africa in Americam  
peruenerint. VIII. 42.  
Ἀνισορησίας in Historia exempla. VIII. 1.  
2. seqq.  
Angliæ Reges captiui. XII. §. 10. 11. seqq.  
Animarum προπαρξίς & μετεμψύχωσις pro-  
babiliter adseritur. XIII. §. 39.  
Ἀνθρωποφάγας ortus probabiliter indicatur,  
VIII. 40.  
Antichristi Regni destruendi ratio. I. 28.  
Apocryphum quid? XIII. §. 7. 8. circa apo-  
cryphos libros dignoscendos cautio. 46.

Aqua

# INDEX RERVM.

Aqua quid, nesciunt Philosophi, IV. 1. Hebræi. 2. Aegyptii, Persæ, Indi &c. 3. 4. 5. seqq. in marem & foeminam ab Ægyptiis discescitur, IV. 3. Thaleti est unicum rerum principium. 7. inepte definitur ab Aristotelicis. 12. 13. seqq. ridicule a Cartesians, 22. 23. seqq. particulas non habet instar anguillarum, nec glabras, nec teretes. 25.

Arabum in Abyssinam migratio dubia magis est, quam vera. VIII. 34.

Argumentorum pro veritate Christianæ religionis vsus. IX. 29.

Arrogantia humana & diabolica. l. 33.

Atheis quinam annumerandi. IX. 26. 27.

Atheos contra quibus disputatur, rationum vsus IX. 25.

## B.

Baliolus, Scotiæ Rex, capitur. XII. 13.

Bezæ cum Duditio concertationes. X. 25.

## C.

Calicem Laicis, XI, 9. &

Cælibatum Clericis concedendum vrget Duditius. XI, 17.

Canon triplex ex cogitatur a Genebrardo. XIII. 4. a Serario geminus. 5. defenditur vnus. 6. non complectitur omnes libros sacros. 9. 10. seqq.

# INDEX RERVM.

- Canonicum** quid? XIII. 7. 8.  
**Canticum** Canticorum non continet omnia Salomonis carmina. XIII. 22. nec profanum est. 23.  
**Carolus**, Angliæ Rex, captus plectitur capite. XII. 16.  
**Carthaginenses** an in Americam penetrasse potuerint. VIII. 37. nec impediti sint defectu nauigiorum. 38, magnetis. 39. alimentorum. 40. & cur deinde eo proficisci fuerint prohibiti. 45.  
**Catholici** templa nouiter extructa per Claus. Art. 4. Pacis Ryfw. retinent, vt & redditus de proprio a Galliæ Rege assignatos. V. 13.  
**Catholicismi** definitio Cyrilli. VI. 3. 5. Danhaueri. 6.  
**Christus** satisfecit pro peccatis nostris. I. 5. nos redemit. 6. diuinitate gaudet. 13. cur nihil scripserit. II. 12. cur in cruce mortuus sit. 19. in rebus supra naturalibus vnicus est magister. II. 13. quid sit, & cur in mundum venerit. 15. quomodo optime consideretur. 16. est salus nostra. 17. mundo iniquo scandalum. 24. eius triumphus maximus. 21. regni adstruendi ratio. I. 28.  
**Christiani** e nulla re scandalum debent fumere. II. 25.  
**Clausula Articuli IV. Pacis Ryswicensis** pro-  
po-



ponitur. V. 1. eius obiectum. 2. Subiectum. 14. Modus. 24. interpretatio cauillatoria. 28. interpretationis abusus duplex cauendus. 55. non pertinet ad religionis Catholicæ exercitium saltem pro præsidiis regiis. 57. nec extendenda. 58. sed maxime restringenda. 59. eiusdem obligationis terminus. 64.

Cognoscere in Scriptura S. est affectu percipere. IX. 18.

Crellii Epistolæ duæ ad Ioh. Cornicælium de tentatione Stösselii. VII. 2. 3. duæ ad concionatores Aulicos Electorales de vltiori Statu Stösselii. 4. 6. vna ad fratrem de morte Stösselii, & vxoris eius. 11.

Criseos operosæ Voslii euolutio. VIII. 51.

Criterium Veritatis quale constituendum. IX.

1. in rebus moralibus Epicuro est affectus, ibid. quod stabilitur. §. 2. 8. non querendum in intellectu. 3. 4. seqq. vtilitatem præstat in inquirendo summo bono. 10. in vera methodo perducendi ad virtutem. 14.

14. in veritate religionis diiudicanda. 17.

in atheis conuertendis. 24. in naturalistis

emendandis, & probanda veritate ac ne-

cessitate religionis. 28. præsidium est ad-

uersus indifferentismū religionū. 30. Fa-

naticismū. 32. imminuit numerum contro-

versiarum theologiarum. 35. Scriptura

facra nititur. 33.

E e 4

D.

## D.

Dauid, Scotiæ Rex, capitur. XII. 13.

DEVS quid sit. II. 5. ex creaturis quomodo cognoscatur. 6. per Christum & in Christo tantum cognoscitur. 14. voluntate potius, quam intellectu percipitur. IX. 19.

Diuortiumne fieri queat ob adulterium I. 24. & infidelitatem. 25.

Ducatus Bipontinus a Claus. Art. 4. Pacis Ryfwic. excipitur. V. 17

Duditius, cuius parentes, educatio, amicus indicatur. XI. 2. Italia relicta petit Galliam, ibique utitur magistris præstantissimis. 3. Iuris prudentiæ studet, & in Italia Reginaldo Polo innotescit. 4. quem sequitur in Angliam. 5. in patria honoribus augeatur. 6. Italiam repetit, & ibi scripta quædam edit. 6. Domum reuocatus euadit Episcopus Tininensis, & ab Imperatore mittitur ad concilium Tridentinum. 7. ob salutaria monita quorundam odium incurrit. 7. 8. Calicem laicis concedendum, & reformationem Ecclesiæ vrget. 9. 10. ex concilio discedit, fraudes asseclarum, pontificis Imperatori expositurus. 11. magna auctoritate pollet. in d. conc. 12. auctoritatem Pontificis strenue defensam. 13. non defendit ulterius, & Episcopus Chana diensis, tandemque Quineecclesiensis factus

# INDEX RERVM.

factus a Ferdinando mittitur in Poloniam.  
 14. differit contra cælibatum Clericorum  
 17. Episcopatu se abdicat, inito matrimo-  
 nio. 19. Apologiam scribit ad Maxim. II.  
 Imp. cuius fauorem feruat. eod. inclinatur in  
 partes Socinianorum 20. 24. seqq. Athei-  
 smi a Voëtio accusatur. 22. & Epicureismi  
 23. Vratislaviæ tandem degit. 28. mortem  
 prædicit. 29. de eo figmenta Fl. Ræmundi  
 15. qui erroris conuincitur, §. 16. de eius  
 coniuge error Ræmundi & Hoornbekii.  
 18. Scripta ipsius præcipua. 31. de eodem  
 eruditorum iudicia. 30.

## E.

Ecclesia Catholica quid VI. 7. Romana non  
 habet prærogatiuam. VI. 4.

Ecclesiæ veræ ac falsæ criteria. I. 29. refor-  
 mationem in capite ac membris urget Du-  
 ditius. XI. 10.

Eduardus II. Angl. R. capitur. XII. 13.

Ethicæ dogmaticæ vsus est exiguus, I. 15.

Parænetica præfertur. 16.

Euangelium prædicare, quid? I. §. 22. in eo  
 annunciando quis ordo seruandus. II. 22.

Euangelii Iohannis initium Platonicismi in-  
 simulatur. XIII. 25.

## F.

Felicitas vera difficulter amittitur. X. 21.

22. seqq.

Frie-

# INDEX RERVM.

Fridericus Austriacus a Ludouico Bauaro capitur. XII. 5.

Fridricus III. a subditis suis vexatur. 6.

## G.

Galliæ Reges captiui. XII. 17. an septimus quisque Rex Galliæ captus sit. ibid.

## H.

Hæreticus quis, an & quando interficiendus. I. 30. 31.

Heinrici IV. Imp. fata varia. XII. 4. Heinrichus III. Angl. R. captiuus 13. Heinrichus V. captiuus. 14.

Hispaniæ Reges captiui. XII. 9.

## I.

Idolorum origo XIII. 40. 1.

Intellectus partes in Criterio veritatis moralis. IX. 13.

Iura restituta per Claus. Art. IV. Pacis Ryfwicenf. V. 15.

## L.

Legis obedientia explicatur ab Ochino. I. 7. demonstraturque modus obediendi. 8.

Libertati Euangelicæ per Claus. Art. IV. P. Ryfv. nihil detrahitur. V. 3. 4. seqq.

Libri sacri non omnes sunt in Canone. XIII. 9. 10. seqq.

Loca per Claus. Art. IV. P. Ryfv. Euangelicis

# INDEX RERVVM.

cis restituta. V. 15. 16. horum sic restitutorum specificationis neglectus. 18. eiusdemquē a Rege Galliaē editaē efficacia. 19. quædam cis & trans, Rhenum a d. Claus excipiuntur. 22. 23. cur? 21.

Ludouicus Pius a filiis capitur. XII. 3.

Lutherus a Braunsmanno, quod Polygami-  
am Philippi Landgrauii Hassiaē probaue-  
rit, excusatur, qui propterea notatur. I. 19.

## M.

Mahomet detestatur cultus idololatricos.

VIII. 20.

Maria Scotica capitur. XII. 15.

Maximiliani I. fata & captiuitas. XII. 7.

Mortem suam prædicit Duditijs. XI. 29.

## N.

Nunc quid in Art. IV. P. Ryfv. notet. V.

4. 5. seqq.

## O.

Ochini Dialogi præcipui sunt inter eius scri-  
pta. I. 2. ob eos venit in discrimen, eod.

Apologorum editiones. II. 1. diuisio. 2.

Sermones II. 4. Scripta reliqua. 27.

Ochinus probat, Christum satisfecisse. l. 5.

vere ac pie de Christo sentit. l. 4. 5. 6. a

Betza notatur. 20.

## P.

## P.

De Pædobaptismo. I. 29.

Papæ secta est pessima. I. 27.

Passio Christi quomodo meditanda I. 20.

Peccato de mortali Ochini sententia vt & de peccatis regentorum l. 6. peccatum originale esse, probat Ochinus. l. 7. peccata solius Christi opera nobis remittuntur. 9. de peccato in Spiritum S. 12.

Philosophia an conducat ad veram Theologiam. II. 7.

Philonis Scriptorum nouum supplementum e Suecia expectatur. Obs. XIV.

De Polygamia disceptatur. I. 15. Ochini sententia 16. quæ cum Lutheri sententia confertur. 17. eius exemplum adducitur a Luthero & aliis Theologis approbatum. 18. ipsam defendit Aletheus. 23.

Pontificis auctoritas a Duditis contra Lutherum defenditur. XI. 13.

Precandi modus ab Ochino præscribitur. l. 10.

Principatus Mompelgardensis a Cl. Art. IV. P. Ryfv. excipitur. V. 17.

Principes suos terminos fatales habere, exemplis demonstratur. XII. 1. 2. 3. seqq.

Prouerbia Salomonis non continent omnia ipsius dicteria. XIII. 22. non sunt profana, contra August. 23.

Q.

Q.

Querelæ spiritualium & carnalium hominum  
conferuntur. II. 18.

R.

Rationum, quibus contra Atheos disputa-  
tur, vsus ostenditur. IX. 25.

Regni Christi extruendi ratio. I. 28.

Regna terminos suos fatales habent. XII.  
c. 2. seqq.

Religio catholica vbi, & quomodo remanere  
debeat. V. 14. 15. seqq. an in aliis rebus,  
quam locis statum retinuerit, V. 28. 29.  
seqq. adhuc aliæ sunt catholicæ religiones  
præter Romanam. VI. 1. ad religionem  
nemo cogendus. IX. 20. pro Veritate re-  
ligionis Christ. rationum vsus. IX. 29.

Renatus an relabi queat. I. 12.

Restituta dicuntur pro restituendis. V. 20.

Rescriptum Elect. ad Quæstorem de exami-  
nando Stösselio. VII. 7.

Rhenani annotationes in Tertullianum  
Obs. X.

Richardus I. Angliæ Rex a Leop. Austriaco,  
& Rich. II. capitur. XII. 12. 13.

Robertus eandem fortunam experitur.  
XII. 10.

## S.

Salus an sine Christo possit competere

II. 17.

Sapientiæ libro diuinus spiritus adseritur.

XIII. 14. 30. eius Auctor Salomo 15. seqq.  
non Philo Iudæus. 28. 29. in Græcum L.  
conuersus est. 19. a Platonismo libera-  
tur. 24. 25. nec in eo Aristotelica reperi-  
untur. 26. stylus cur sit elatior. 27. perpe-  
ram errorum arguitur. 31. 2. seqq. hinc  
Turretinus refellitur 35. 6. seqq. & Lim-  
borchio respondetur. 42. Canonicus &  
non Canonicus dici potest. 50.

De Satyrica docendi ratione iudicium.

IX. 16.

Scriptura S. quomodo vtendum. II. 8.

collecta dicitur temporibus Maccabæo-  
rum. XIII. 6. ab irrogenito cur non in-  
telligatur. IX. 34. Stylo vtitur vario XIII.  
27. eius criterium internum. 30.

Scandalum Christiani fumere non debent.

II. 25.

Septenarius numerus an sit fatalis, & an  
Septimus quisque Galliæ Rex captus fuerit.

XII. 17.

Spiritualium & carnalium querelæ confe-  
runtur. II. 18.

Status quid notet in Claus. Artic. IV. P.

.2

Ryfv.



# INDEX RERVVM.

- Ryfv. V. 25. seqq. non confundendus  
 Status relig. R. cum exercitio illius 49.  
 Status, quo nunc, quid notet. V. 56.  
 Stephanus, Angliæ Rex, capitur a Michaële  
 XII. § 11.  
 Stöffelii fata. VII. §. 1. 2. seqq. cum Ioh. Za-  
 charia Starckio disputatio. 5. examen. 7.  
 responsio ad quæstiones propositas, exce-  
 pta manu Crellii. 8. Quæstoris. 9. vxori  
 quæstiones propositæ. 10. mors vt & vxo-  
 ris. 11.  
 Suecia mollibus populis præoptandæ morti  
 aut exilio similis. VIII. 49. 50.  
 Summum bonum cur pauci obtineant. IX.  
 12. illius inquirendi vera methodus. 18.  
 Supranaturalium solus magister Christus.  
 11. 13.

## T.

- Theologus an scientiis humanis indigeat.  
 II. 9.  
 Theologia agens contemplante præstat  
 32. ad eius studium mentis præparatio.  
 10.  
 De Trinitate Ochinus differit I. 13.  
 Trinitas personarum an creditu sit neces-  
 saria I. 14.

# INDEX RERVMS

## V.

Vocis Wiltz operosa Vosſii Crifis.

VIII. 51.

Voluntas bonum neceſſario appetit. IX. 6.  
non eſt libera. 7.

## Z-

Zabiorum deſcriptio Spenceri. VIII. 2. no-  
men. 3. 4. ſeqq.

Zabios ſuæ religioni Mahomet admouet.  
VIII. 19. iidem iudaizantes videntur. 28.  
perperam Idololatriſ accenſentur. 30.  
ſeqq.



# OBSERVATIONVM SELECTARVM

AD

REM LITTERARIAM  
SPECTANTIVM  
*TOMVS VI.*



---

*HALAE MAGDEBVRGICAE Ao. 1702.*

Prostat in officina Libraria Rengeriana.

THE NEW YORK  
PUBLIC LIBRARY  
286669

ROSTER, LIBRARY AND

RECEIVED FROM 1018.



## OBSERVATIO I.

De

### HISTORIA SECTAE MACHIAVEL- LISTARVM ET MONARCHO- MACHORVM.

#### SVM MARIA.

**D**octrina Machiauellistarum & Monarchomachorum. Vtriusque finis §. I. Machiauelli secta tam quoad theoriam, quam praxin, antiquior Machiauello §. II. Varia de Machiauello iudicia. Ab aliis culpatus. Ab aliis defensus. Ab aliis atheismi accusatus. §. III. Scripta eius parum utilia. Infelix exitus autorem legentium §. IV. Propagatio & fata sectae §. V. Semina Sectae Monarchomachica vetustiora. §. VI. Eorum aperta secta post nuptias Parisinas. Varii Scriptores huius sectae §. VII. Scriptores alii. §. VIII. Ortus novus Machiauellistarum ex odio Monarchomachorum, §. IX. Comparatio vtriusque sectae, §. X.

#### §. I.

**D**vo sunt in doctrina politica scopuli quasi vitandi, hinc Machiavellistarum, inde Monarchomachorum doctrina:

(6)

A

utra-

Vtraque enim rebus publicis valde periculosa est & damnosa. Machiauellismi primū principium est, imperantibus pro supremo fine propositum esse debere commodum priuatum, h. e. imperantium, tametsi illud cum bono publico subditorum minime sit coniunctum. Monarchomachorum vero: in qualibet Republica summam potestatem ad extremum esse populi.

§. II. Machiaueli secta, certe si praxin inspicias, non cum eo demum coepit, sed cum ipsis Tyrannis, quem primum Nimrodum, quidam fuisse existimant. Vtique Aristotelis æuo Machiauellistas fuisse, tum in theoria, tum in praxi, doceri potest. Quoad theoriam *e lib. VII. Polit. c. 2.* (vbi imprimis lege textum *p. 431. & 432. edit. Conring.*) quoad praxin, *e lib. V. c. 11.* vbi vtriusque generis tyrannorum & manifestorum & occultorum artes deteguntur. Apud Romanos Augustus, Tiberius, Nero, tales fuere Principes, quales describit Machiauellus. Tacitus enim (notante Conringio *pref. in Machiaueli principem*) curiose adeo describens Tiberii ac Neronis actus omnes, vt & Augusti extrema, quid aliud quam viuam imaginem Principum ex Machiaueli schola prodeuntium exhibuit? *Machiauellus nempe* (verba sunt Scioppii *p. 21. de stile Hist.*) *male agendi praecepta seu regulas, Tacitus*

*citus exempla tradit.* Itaque & Machiauellus fingitur a Boccalino *lib. II. Relat. c. 39.* se excusans, quod ea scripserit, quæ alii egissent.

§. III. Vtut autem hæc ita sint, famam tamen maxime secta hæc demum a Nicol. Machiauello Florentinæ Reipubl. scriba, cuius libri passim versantur in manibus, sub exitum seculi a nato Chr. XV. auspicata est. Porro de hoc homine varia sunt iudicia. Plerique eum accusant, quod nullo discrimine nefaria consilia probis atque vtilibus miscens ad tyrannidem potius quam bonum principatum facem prætulisse visus fuerit. *vid. Conring. Introd. in Polit. p. 583. Leunclavius apud Keckermannum Tom. II. system. p. 1250.* Confer fictionem Ioh. Val. Andreae de nodo Machiauellii *p. 42. Apologor.* Alii id culpant, quod tacenda in rebus politicis propalauerit. *vid. Heinsius p. 276. Oration.* Huc refer fictionem Harsdörfferi de Politica a Machiauello constuprata *part. II. Jonathan n. 93. p. 151.* Vicissim alii eum defendunt, quod Tyrannorum arcanis palam factis populo eos nudos & conspicuos exhibuerit. Vide Albericum Gentilem apud Keckermannum *d. I.* Atqui hoc ipso nomine traducere eum Boccalinus videtur, *d. I.* quasi qui oves caninis dentibus armare & talpis visum restituere voluerit. Advocationem quoque Machiauellii pollicetur.

Scioppius *p. 22. de stilo Histor.* Aliter eum excusant alii, quod peruersa illa consilia ipse non ad alios, quam ad dominatum seu tyrannidem instituere cogitantes pertinere voluerit. Vid. Cyriac. Lentulum *in arcanis Regnor. p. 71.* & Conring. *praf. in eius Principem.* Atque hi interim nihilominus inconstantiam eius, parum honestos de Deo & Religione sensus, & alia vitia notant. Vid. Conring. *d. l. p. 20. 21. 23. 27.* Keckermann. *loc. supra cit. p. 1251.* Atheismum quidem multi sunt, qui ei obiiciant, Iouius *in elegiis f. 163.* Albericus Gentilis *de Actoribus fabularum p. 113.* Petrus Gregorius *de Republ. p. 936.* Raynaudus *p. 27. Erotemat.*

§. IV. Quodcunque Scriptori isti propositum fuit consilium; Scripta eius certe plus damni quam commodi pepererunt. Et siue nocens ipse, siue innocens hic fuerit, caput scholæ nefariæ ac tyrannicæ, ( vt Epicurus olim scholæ voluptuariæ ) habitus fuit, adeo vt in totam Florentinorum nationem ex hoc homine crimen istud propagetur. Conf. Languetum *p. 75. Epistol. ad Sidneum* Et omnino consiliis nefariis absque antidoto & cautione propinatis plenissimi sunt eius libri. Itaque non alii fere Machiauellum in sinu gestarint, quam qui Tyrannum gestarunt in pectore; sed & plerique exitu infelicissimo. Ioh. Aloysius Vlisus ( qui postea in coniuratione Genuensi



nuensi. A. 1547. de qua Thuanus *Lib. III.* perit) Neronis vitam & Catilinæ coniurationem & Machiaueli Principem persæpe legebat, teste Bonfadio *in ea coniuratione p. 19.* De misero exitu Cæsaris Borgiæ, (quem in exemplum Principis prudentis a Machiauello propositum testantur Conring. & Keckermann) item Sfortiæ, videndus Danæus, *pref. in Polit. Christianam.*

§. V. In Galliam propagata Machiauellistarum secta exiit tandem in sceleratas illas totique orbi notas nuptias Parisienses, quæ in A. Chr. 1572. incidunt. Vid. hac de re Thuanus *lib. 57. Histor. f. 50.* Cui adde Conringium *prefat. in Principem Machiavelli, p. 20.* Quamquam autem ab Alexandro VI. Pontifices XVII. Machiavellum legi non vetuerunt, tamen eum damnavit tandem Clemens VIII. teste Coringio *d. l. p. 11.* Clemens hic Pontifex factus est Anno 1592. Obiit Anno 1608. Machiavellistas etiam catalogo Hæreticorum inseruit Petrejus *p. 126.* Hæc de Machiavellistis.

§. VI. Ad Monarchomachos ut veniamus, femina quædam hujus sectæ observo jam sparsa fuisse tempore Ludovici Bavari a Marsilio Demeñandrino, qui Patavinus cognominari solet *in defensore pacis* : postea tempore Leonis X. Papæ a Mario Salamonio *libris de principatu* : denique tempore obsidionis Magdeburgensis,

burgensis, & quod hanc præcessit belli Smalcaldici, a quibusdam seculo superiore severioribus Theologis.

§. VII. Sed in apertam veluti sectam res demum erupit post Parisienses nuptias. Et enim exacerbati illa crudelitate, tyrannide ac perfidia multorum animi, & Gallorum quidem præcipue, cum intelligerent, se non aliis, quam Machiavellicis artibus fuisse circumventos, Monarchomachicam sectam, quæ videlicet Machiavellismo & Regum sceleribus obicem poneret, enixi sunt. Ab eo sane tempore magno agmine eruperunt scriptores hujus sectæ partim veris, partim adscititiis nominibus. Ac placet heic scripta quædā hujus commatis commemorare adscriptis annis, quibus primum lucem adspexere. Ao. 1573. (qui fuit ab illis nuptiis proximus,) *Francisci Hottomanni Franco-Gallia* prodiit, teste Spagio p. 522. *Bibliothec. conf. Thuanus lib. 57. f. 49.* Ao. 1576, prodiit liber *de jure Magistratuum* (qui Magdeburgensibus vulgo adscribitur) vide editionem eius *Francofurtemsem in dedicatione & conf. Thuan. d. l. f. 50.* Eodem Anno dedicatur *Anti-Machiauellus*, cuius libri Autorem, constat fuisse Innocentium Gentiletum. Prodiit autem Gallice, postea & latine versus. Ao. 1579. Edimburgi (si credimus) excusæ sunt *Stephani Junii Bruti Vindiciæ contra Tyrannos* :

cu-

cuius editionis exemplū penes me habeo. Spagius *p.* 671. testis est, Ao. illius seculi 80. & 81. latine & gallice prodiisse. Nomen fictum est. Verum autorem alii Hubertum Languetum, alii Phil. Mornæum, alii Theodorum Bezam (omnes hi fuere Galli) fuisse autumant. Bezæ quidem adscripsit nouissima editio, quæ ante annos non ita multos in Belgio excusa est. Eodem Ao. 79. Georgius Buchananus *Dialogum suum de iure Regni* dedicauit. Minus bene Garthius *p.* 206. von den Puritanern assignat annum 1585. Ao. 1596. prodiit *Geneuæ Politica Christiana Lamberti Danai Galli.*

§. VIII. Sunt & alii Monarchomachi Scriptores Ioh. Pufcherius, Rossæus, Phil. Henonius, Ioh. Althusius. De quibus vide Naamannis Bensenii *disputat. de subiecto Maiestatis habitam sub presidio D. Conringii, & eius defensionem contra Figlouium*, B. Hulsemannum *in extensione Breuiarii p.* 422. Barclaium, *presf. Libb. contra Monarchomachos*, Arnisæum, *de auctoritate Principum p.* 2.

§. IX. Iam vt Machiauellistarum flagitia occasionem dederunt sectæ Monarchomachicæ: Sic Regicidia Monarchomachorum, vicissim ingeniis ansam dedere sectam Machiauellisticam denuo incrustandi. Fecit hoc nostro æuo Thomas Hobbesius *in libris de Ci-*

*ne.* Fuit is Caroli II. cum eum Angli, decollato parente ipsius, Carolo I. pepulissent, in exilio comes: videturque adeo indignatione aduersus Monarchomachos in Machiauellismum abreptus fuisse. Machiauellica eius dogmata legi possunt vel apud Gisbertum, Cockium (Monarchomachum recentem,) *in vindictis pro lege & imperio, prafat. ad lectorem.* Ac videtur Deus Machiauellistas veteres punire voluisse per Monarchomachos; hos vicissim per Machiauellistas nouos: vti solet alias sceleratum unum alio scelerato tanquam instrumento vocare ad pœnam.

§. X. Nunc utriusque sectæ comparationem instituemus. 1) Machiavellismus aperit fenestram Atheismo, Monarchomachia Polytheismo seu multitudini & confusione religionum. 2) Machiavellismus Reges facit Tyrannos, Monarchomachia populum Regicidam. 3) Machiavellistæ supparasitantur Regibus, Monarchomachi populo. 4) Machiavellistæ tollunt Reipubl. divisionem moralem in rectam & aberrantem: Monarchomachi numericam in Monarchiam, Aristocratiam, Democratiam. 5) Machiavellismus e subditis, Monarchomachia e Regibus facit mancipia. 6) Machiavellismus civibus servitutem parat, Monarchomachia

machia omnium rerum licentiam introducit.  
Venenum Machiavellistarum crassius; Monarchomachorum subtilius.

OBSERVATIO II.  
DE POLYGAMIA FOEMINARUM,  
LOCUS BODINI EXPENSUS.

SUMMARIA.

**B**odini hypothesis de polygamia, ubi plures sunt  
fœmina. Sed an ubique aequalis fœminarum  
copia detur? §. I. Notatur error Besoldi in citan-  
dis locis Bodini, §. II. An ejusmodi Polygamia sit  
lege Naturæ licita? Ea abundantia fœminarum mi-  
nime legitimatur. §. III. Lapsus Bodini in exponen-  
do loco Caesaris de Matrimonio Britannorum; hinc  
illius genuina explicatio §. IV. Quæ ulterius illu-  
stratur per locum Lactantii & Beffarionis. §. V. De  
Polygamia Britannorum locus Clementis Romani,  
§. VI.

§. I.

**B**esoldus c. 1. de tribus domestica societatis  
speciebus no 7. p. m. 9. Bodinum ait  
statuere, Polygamiam juris esse natura-  
lis, iis in locis, ubi plures sint fœminæ  
quam mares. Citat eum ex lib. V. de Republ. c.  
1. f. 506. & Meth. Hist. c. 5. Non dubito eum re-  
spexisse ad hunc Bodini loc. lib. 5. de Republ. c. 1.  
§. 2. qui legitur mihi f. 507. & 508. (nam folio

506. de Polygamia nihil reperio : ) illud etiam, inquit, incredibile, verum tamen sit, ad septentrionem aut parem aut maiorem esse marium quam foeminarum ubique copiam : ad austrum multo plures esse in omni genere animantium foeminas, quam mares. Nam quod Caesar Britannos duodecim una uxore saepe contentos scribit, Indos vero singulos greges uxorum habere compertum sit, heic copiam, illic inopiam foeminarum arguit. Hæc quidem in libris de Republ. invenio.

§. II. In cap. vero 5. *Methodi Histor.* & si p. 135. & 136. ea reperio, quæ f. 506. & 507. lib. de Republ. tantum non de verbo respondeant, tamen locum de Polygamia similem offendere non licuit. Aberravit ergo in locis Bodini citandis Besoldus : Iam sententiam ipsam videamus. Bodinus eo, quem adscripsi, loco manifeste non loquitur de jure, sed de facto. Aut igitur alium è Bodino locum proferat Besoldus, aut agnoscat injuriam se illi fecisse.

§. III. Quicquid interim sit de Bodino, si quis nihilominus existimet lege naturæ licere Polygamiam, ubi largior foeminarum quam virorum annona est : videamus de hac opinione quid sit sentiendum. Si præsupponamus ipso jure naturæ prohiberi Polygamiam, quæ quorundam est sententia, ferri ista opinio prorsus non potest. Facile enim est negata universaliter thesi, negare hypothesin  
cuius

cujuscunque circumstantiæ. Quodsi contra putemus prohibitionem Polygamix non lege naturæ, sed positivâ Dei factam esse (vt sentit post alios etiam B. Hülsemannus c. 21. *Breviar. Theol. n. 3. & 8.*) ferri quidem ea sententia utcunque potest, sed sic tantum ut sensus sit simpliciter, in istis terris jure naturæ licitam esse Polygamiam, nisi prohibitio divina interveniat, (quod perinde etiam in omnibus terris valebit) non vero, quasi illa, foeminarum abundantia sit causa, unde viris naturali lege nascatur jus Polygamix. Falsum enim, abundantiam sexus supra sexum dare jus sexui deficienti ad Polygamiam. Sequeretur alias, iis in locis, ubi major est Masculorum copia, foeminis a natura Polygamiam, permitti, id quod omni rationi repugnat.

§. IV. Redeo ad Bodinum. Labitur ille, dum ait: ætate Cæsaris Britannos duodecim una vxore contentos fuisse. Id vero ex Cæsare nunquam probabit: Locus ejus est *lib. V. de Bel. Gal. c. 14. p. 146. Edit. Francof. Anno 1606. vxores habent deni duodenique inter se communes, & maxime fratres cum fratribus & parentes cum liberis. Sed si qui sunt ex his nati, eorum habentur liberi, a quibus primum virgines quæque ductæ sunt.* Sensus est; non duodecim viris esse uxorem unam, & illa una duodecim omnes esse sola contentos: sed duodecim coniugum

jugum paribus conjugia solere esse communia. Atque sic intellexit etiam Græcus Cæsaris interpret priora sic reddens: καὶ ἄνδρες ποὶ δέκα ἢ δωδέκα κοινὰς ἀλλήλοις τὰς σφῶν γυναῖκας ἔχουσι.

§. V. Ad eum porro locum Joh. Brantius p. m. 449. verba Lactantii advocat ex lib. 4. c. 4. *Matrimonium dici non potest, ubi mulier una multos viros habet, sed hæc aut meretrix, aut adultera nominabitur.* Habuit sane eo pacto mulier una apud Britannos multos viros, sed sic, ut iidem multi viri multas quoque haberent uxores: quæ jam non Polygamia, sed foeminarum & maritorum communio est Platonica. Neque aliter intellexit Bessarion f. 7r. *contra calumniatorem Platonis*: dum illam foeminarum communionem Platonicam hoc de Britannis exemplo illustrat.

§. VI. Ex Cæsare ergo Polygamiam istam non probabit Bodinus. Potuisset eam rectius fortasse confirmare ex Clemente Romano, qui lib. 9. *recognit. f. m. 47.* sic loquitur: *in Britannia partibus plures viri unam habent uxorem: In Parthia multe mulieres unum habent virum.* Quorum sane verborum, quod ad Britannos attinet, is plane sensus esse videtur, quem Bodinus e Cæsare profert, secus enim frigeret ista Britannorum & Parthorum oppositio. Verum Clementis illius seu quicun-



cunque recognitiones illas scripsit, non adeo magna est apud eruditos autoritas.

# OBSERVATIO III. DE DEMOCRATICA LEGE EPHESIORUM

## SUMMARIA.

**L** Ex Democratica Ephesiorum Nemo de nobis unus excellat. §. I. Eodem modo explicanda illa Lex Sybaritarum aut Milesiorum quamvis a multis exagitata: nemo nostrum frugi esto. §. II. Praeprimis cum Lex Ephesiorum eodem modo proponatur a quibusdam, ac Lex Sybaritarum §. III. Et Ephesi etiam luxui fuerunt dediti. §. IV.

## I.

**D** Emocraticis praecipue rebus publicis accommodata est illa Lex, qua nemo unus permittitur reliquis omnibus excellere; quod si contingat tamen, Exostracismus inventus est illi rei remedium. Talis illa Ephesiorum fuit, quam Cicero nominat lib. V. Tusculan. p. 248. Nemo de nobis unus excellat. Quem vide, & adde, vel confer potius aut examina Scherbium in thesibus Philosoph. p. 100. Forstnerum not. ad Tacitum p. 136. Coel. Rhodiginum Lib. II. Antiqu. Lect. c. 57. f. m. 103. Arnisaem in Politic. p. m. 537. & 542. Camerarium ad lib. V. Tusculan. p. 87. & 88. Eber-

Eberlinum *de Origine Juris* p. 33. 34. Henr. Stephanum *Pœs. Philosoph.* p. 135. Bodinum *de Republ.* p. 493. & Septalium *de Ratione status* p. 241.

§. II. Jam autem diu suspicor, eiusdem commatis fuisse illam Sybaritarum in hæc verba [sic enim citari solet] conceptam: *nemo nostrum frugi esto*: quam multi exagitant, tanquam extremæ ignaviæ indicinam, quod facit Christianus Matthiæ *System. Ethic.* p. 290. & *System. Polit.* 374. Jacobus Martini p. 926. *Polit. Itterus Synopsi Philos. Moral.* p. 200. Quamquam enim non ignoro, ignavissimam hanc, & luxui deditissimam gentem fuisse: dubito tamen an ad vitam sceleratam ac tam turpem lege publica se obligaverint. Camerarius *Cent. I. Succisv.* c. 39. p. 171. & David Chytræus *in Exod.* f. 220. Milesiis eam tribuit: fuerunt autem Milesii Sybaritis non mediocri benevolentia nexi. Vide *Leonicum lib. III. Var. Hist.* c. 97. p. 330.

§. III. Causa vero quæ me movet, ut hanc Sybaritarum legem (de qua tamen veterem autorem citari nondum comperi) si qua fuit, putem eandem fuisse cum illa Ephesiorum lege, hæc est. Legem illam Ephesiorum ita concipit Strabo *Lib. XIV.* cujus græca verba recitat etiam Petrus Victorius *castigat. in Ciceronem ad Lib. V. Tuscul.* p. m. 521. ἡμέων ἰδέσις

ὀνήσις

ὀνήσιος ἔσω εἰ δὲ μοι, ἄλλη τε καὶ μετ' ἄλων. Neque aliter Laërtius in vita Heracliti *p. m. 448. Edit. Græc.* Illa vero Strabonis Latinus interpres his ipsis verbis extulit, quibus Legem Sybaritarum vulgo proponunt: *nemo nostrum frugi esto*: Quod autem Ambrosius Camaldulensis in sua Laertii versione non frugi, sed inæqualis vertit, inde dicam esse, quod forte pro ὀνήσιος legit ἄνισος.

§. IV. Cæterum omnino ad illius Ephesiorum legis notitiam legendæ sunt quoque Græcæ Variorum epistolæ ab Aldo Manutio editæ *p. m. 291.* e quibus simul patebit, Ephesiorum quoque gentem luxui deditam fuisse. Quod quasi vitium popularibus Rebus publicis adhærere solet.

## OBSERVATIO IV.

## DE ORDINE ALPHABETI LITERARVM CONIECTVRA.

## SVMMARIA.

**P**ost Scaligerum & alios inquiritur in rationem ordinis literarum Alphabeti §. I. Vbi ordo literarum in Alphabeto Ebreorum supponitur pro fundamento, §. II. ad quem reliquæ gentes se composuerunt §. III. Id quod declaratur per ordinem Alphabeti Græcorum §. IV. V. VI. VII. & Latinorum §. VIII. IX. X. XI. Adûcitur Parallelismus omnium trium alphabetorum. §. XII.

§. I.

## § I.

**N**ullum esse literarum naturalem ordinem, vel apud Ebræos, vel Græcos, vel Latinos, vel alios, communis omnium, quos videre mihi obtigit, opinio est, verba sunt Bernardi Mallincrot c. 14. de natura literarum. Itaque ipse, qui ordo ad præscriptum naturæ literis Alphabeti aptissimus esse videatur, d. l. inquit. Quod ante eum & Hermannus Hugo, quem ipse aliquoties citat, & Scaliger c. 38. de causis LL. fecerunt. Mihi heic idem agere negotium non libet. De eo tantum aliquid commentabor, ut quoniam rationem ordinandi literas non ab ipsa earum natura videntur petiisse, intelligamus, quam sint ergo rationem secuti: Casui enim hunc ordinem imputare velle, ineptum sit.

§. II. Est autem hoc loco gens Hebræa separanda a cæteris, ut ipsa quidem quamcunque tandem rationem secuta sit, hujus vero autoritatem populi reliqui habuerint, pro ratione, quod & Mallincrotio p. 73. videtur, sive ad Hebræos immediate, sive mediate respexerint. Ac de Ebræis, num ipsi in ordine literarum aliquid arcanae intelligentiæ comprehenderint, aliis disceptandum relinquo. Vid. interim Mallincrot. p. 75. 76. & conf. Henr. Corn. Agrippa lib. 1. de occulta Philosophia

*Philosophia* c. 74. p. 115. *Causinus lib. 4. de Elo-*  
*quentia* c. 33. p. 170.

§. III. Reliquæ gentes cum ad exemplum  
 Ebræorum componere se decreuissent, nisi  
 quod נ ו י ץ reliquis consonantibus prope,  
 per æqualia spatia interiectæ, vocalibus ma-  
 xime affines esse credebantur, faciendum sibi  
 putauere, vt qui harum literarum vim ac po-  
 testatem in suis linguis non reperiunt, in ipsis-  
 simos prope horum locos vocales substitue-  
 rent. suas; certe inter consonantes quasi dis-  
 pergerent eas: qua in re & rationem possunt  
 videri secuta, vt consonantes illa vocalium  
 mixtura pronunciabiles quodammodo fie-  
 rent.

§. IV. Iam cum ita quatuor tantum voca-  
 libus pateret locus, quas tamen 5. Græci ha-  
 berent α ε ι ο υ (vocalēs enim longæ η & ω  
 demum a Simonide feruntur additæ, vide  
 Scaligerum *cap. 6. de caus. LL. p. 12.* & Victori-  
 num *Grammaticum p. 2458. Edit. Butschii*)  
 commodissimum videbatur, vt quinta illa vo-  
 calis esset literarum vltima & eo pacto alpha-  
 betum a vocali initium pariter & finem cape-  
 ret. Cæterum, neque hoc ignorandum, pri-  
 scum Græcorum Alphabetum non modo  
 vocalibus longis, η & ω, sed & consonantibus  
 duplicibus ζ ξ & ψ, item aspiratis φ χ θ ca-  
 ruisse, fuisseque adeo literarum tantum sedec-

cim, quæ his reiectis remanent. Vid. Scaliger *d. l.* Sylburgius *in alphabeto Græco* p. 8. Victorinus *Gramm.* p. 2468. qui hinc corrigendus. Atque in iis si obserues, quæ diximus, & præterea omittas eas Ebræorum literas, quarum potestatem Græci ignorarunt; ipsissimum Ebræi Alphabeti ordinem agnoscas hac ratione :

א ב ג ד ה ו ז ח ט י כ ל מ נ ס ע פ צ ק ר ש ת

α β γ δ ε ι κ λ μ ν ο π ρ σ τ υ.

Vbi hoc vnum obserua adhuc dubium esse, posse, num ε litera subiicienda sit Ebræorum ה an ו, de quo obseruatione sequente dicendum. Quæres, cur in locum τ ς ו substituerunt ε & non potius υ vel etiam ο? Credo quia semel decreuerant vocalibus hunc ordinem dare : α. ε. ι. ο. υ. quæ apud Latinos postea fuerunt a. e. i. o. u. Quem etiam maxime naturalem esse assentior Mallincrotio p. 75. c. 14. quicquid aduersus ordinem receptum arguetur Scaliger c. 38. p. 88. *de Caus. LL.*

§. V. Nunc videamus cur reliquæ 8 literæ, quæ sunt η ω, ξ ξ ψ, θ χ φ, hunc quem in Alphabeto Græcorum videmus, ordinem sint nactæ. Quam in re liceat coniecturis uti. Videtur autem & hæc ratio præcipua habita fuisse

fuisse ordinis Ebræorum. Ac  $\Theta$  quidem posteaquam  $\Pi$  iam fuerat a  $\tau$  occupatum nulli melius poterat substitui, quam  $\tau\tilde{\omega}$   $\psi$ . Z. vtrum ad  $\tau$  an ad  $\psi$  potius referretur, dubitari potuit. Sed cur  $\tau\tilde{\omega}$   $\psi$  potius iungeretur (ut omittam, quod vulgo notum est  $\zeta$  nihil aliud esse quam  $\delta\sigma$  vel  $\sigma\delta$ , ut ideo a  $\delta$  non debuerit nimium remoueri) vel hæc causâ suadere poterit, quia  $\zeta\eta\tau\alpha$  &  $\theta\eta\tau\alpha$  similem habent appellationis sonum. Quam ob causâ &  $\eta\tau\alpha$  illis aggregare placuit: quo pacto factum est, vt  $\eta$  Græcorum occuparet locum  $\tau\tilde{\gamma}$   $\Pi$  Hebræorum, cui alias & quoad figuram aliquo modo accedit. Imo etiam vt ex  $\beta$  Cræcorum  $\beta\eta\tau\alpha$ , sic ex  $\Pi$  &  $\psi$  Græcorum  $\eta\tau\alpha$  &  $\theta\eta\tau\alpha$  videtur appellatum. Adstipulatur Sylburgius in Alphabeto Græcorum p. 7. contraria ratione pro Græcorum  $\zeta\eta\tau\alpha$  Latini dixerunt Zeth.

§. VI. Porro similis causâ iussit  $\tau\delta$   $\xi$  substituere in locum  $\tau\tilde{\gamma}$   $\psi$ . Nam etsi  $\psi$  fortasse videatur esse potius  $\Sigma$ : tamen  $\Sigma$  iam  $\psi$  occupauerat, & ita vacuum reliquerat  $\tau\tilde{\gamma}$   $\psi$  locum pro vna ex literis a  $\Sigma$  compositis. Iam autem  $\tau\tilde{\omega}$   $\zeta$  suus erat assignatus locus, reliquæ erant  $\xi$  &  $\psi$ , vtraque vel soni nomine digna quæ iungerentur literis  $\mu\eta$ ,  $\nu\eta$ . Locustamen hic cedere potius debuit  $\tau\tilde{\omega}$   $\zeta$ , vt hoc pacto medi-

am quodammodo obtineret sedem inter K & Σ, unde est compositum. Nam si τωψ locus ille datus fuisset minus iustum videbatur, ut vtramque simplicem π & σ sua præcederet composita ψ.

§. VII. Sic igitur pleræque ex illis novitiis literis sedes obtinuerunt suas. Reliquæ fuerunt χ φ ψ ω. Ex his ω vocalis in ultimum coniecta est locum, ut vel sic Alphabetum de novo vocali finiretur. Ut autem inter υ & ω duas scilicet vocales, intercederent consonantes, negotium dirimendi eas vocales datum fuit τως φ χ ψ. Hoc enim commodius videbatur, quam ut succederent in locum residuarum apud Hebræos literarum: tametsi alias non parum affinitatis saltem τω χ cum ה vel p intercedere videbatur. Verum & patebit ex observatione sequenti, his etiam literis alias substitutas fuisse. Ex his quæ diximus, parallelismus utriusque Alphabeti constituitur talis:

ת ש ר ק צ פ ע ס נ מ ל כ ו ט ח ז ו ה ר ג ב א

A B Γ Δ E Z H Θ I K Λ M N Ξ O Π -- P Σ Τ Τ Φ Ψ Ω

§. VIII. Nunc Latinorum Alphabetum videamus. Hi initio caruisse videntur literis K Q X Y Z (nisi dicas cum Victorino p. m. 2459. illis non K. sed C. defuisse) vltimum enim των K & Q facile illis præbuit C. quæ plane



plane carent Græci. Græcorum vero Yiam in ipsorum V transierat : X denique & Z literas duplices non magis admittendas initio sibi putauerunt, quam  $\psi$  quod nunquam aliter nisi duabus literis pinxerunt. Adde, quod ne Z quidem in Latina vlla voce reperitur. Ac testis est Victorinus *p.* 1945. 2446. ante X literam inuentam Regs & Pics scripsisse. Habuerunt igitur has tantum 18. literas: quanquam Victorinus *p.* 2468. non alias nec plures, quam 16. Græcorum habuisse refert) A. B. G. D. E. F. C. H. I. L. M. N. O. P. R. S. T. V. Quas elegantissime potuerunt ita ordinare & diuidere in 4. ordines, vt singulis singulæ vocales tanquam duces quidam præsent, agmen omnium claudat vltima vocalium.

A b g d

E f c h

I l m n

O p r s t V.

In vltimum ordinem 4 Consonantes coniicere, cum in cæteris nonnisi ternæ sint, coëgit necessitas.

§. IX. Collatio vero vtriusque Alphabeti hæc est :

Α Β Γ Δ Ε Ζ Η Θ Ι Κ Λ Μ Ν Ξ Ο Π Ρ Σ Τ Τ Φ Χ Ψ Ω

A B G D E F C H I - L M N - O P R S T V.

B 3

F.C.H.

F. C. H. substituerunt Latini literis Z H Θ Græcorum moti exemplo, qui suas Hebraicis  $\aleph \beth$  similiter substituerant, ut sc. loci alias vacui explerentur, nec hiatus facerent, concurrentes sibi duæ vocales E & I. Neque vero Lacuna illa videbatur aptius expleri posse, quam iis literis, quas Græcis ignoratas haberent latini. Ac videbatur quidem F debere in locum  $\tau \xi \chi$  succedere, sed ita literarum agmen clausisset consona, quod illos credibile est evitare voluisse. Atque sic utramque exposuimus rationem, cur hanc sedem obtineat F. Aliam & fortasse meliorem suggeret observatio sequens, quod alias haud facile explicari posse aiebat Scaliger *c. 38. de C.L.L. p. 89*. Venire & hoc alicui posset in mentem, literis Z H Θ parallelas olim tres illas fuisse, hoc ordine C H F. Habet enim C, si ante e & i ponatur, sonum  $\tau \xi \zeta$ . Et H Latinum habet figuram  $\tau \xi$  H Græcorum: Unde pro F si cum his peregrinis literis iungi debuit, nullus alius locus quam  $\tau \xi$  Θ vacavit.

§. X. Sed quomodo factum est, ut mutato ordine sic postea scriberetur: A B C D E F G H pro: A B G D E F C H. vel: A B G D E C H F? Nempe non faciendum videbatur, ut F separaretur a G, hoc est, Digamma à Gammate; neque tamen placebat secundæ vocali præmittere F. id enim parallelismum

lismum vtriusque Alphabeti vitiaffet, vt hinc patet:

A B Γ Δ Ε Ζ

A B G F D E

Commodius igitur videbatur, G suo loco moueri, & permutari cum literâ tum scripturâ, tum potestate simili C. De affinitate τῶν C & G. vide Victorinū *p. 2459. cui conf. p. 2469.* Hinc ergo apparet ratio aliqua, cur Latini literæ B. proximam non G. vt Græci & Ebræi, sed C fecerint, in quo eos alias a natura literarum recessisse Scaliger fert ægre *d. l.* Ut autem τὸ F τῶ G præponeretur, cum contra r digammati debuisset præponi, siue casu factum fuerit, seu ratione eadem, qua & Græci & Hebræi τὸ B τῶ Γ anteposuerunt. Sunt enim B. & F literæ eiusdem instrumenti.

§. XI. Porro quæ adhuc supersunt literæ latinæ, reliquis, vt apparet, recentiores K Q X Y Z sic sunt agglutinandæ, vt K plane obtineat illum locum quem K Græcorum, & Q quem P Hebræorum (imo & κάππα Græcorum, de quo obseruatione sequenti, quæ causa Scaligerum *d. l.* latuit) X autem Y & Z longo demum post seculo accessisse dixerim, cum obliiti essent mortales, pulchrum esse Alphabetum vocali claudere. Itaque for-

tuito ordine has 3 literas tanquam scabiem extrema iusserunt occupare.

§. XII. Tandem ergo Parallelismus 3. Alphabetorum hic est:

תשרקצפעסנמלכיתחזוהגבא

A B Γ Δ E Z H Θ I K A M N Ξ O Π -- P Σ T T Φ X Ψ Ω

A B C D E F G H I K L M N O P Q R S T V X Y Z

Acies Latini Alphabeti, si singulas vocales velis esse singulorum ordinum duces talis erit:

A	b	c	d		
E	f	g	h		
I	k	l	m	n	
O	p	q	r	s	t
U	x				
Y	z				

Germani Ordinem Latini Alphabeti plane non mutarunt, suam tantum literam W interiecerunt eo loco, qui esset commodissimus. Cum enim W sit geminatum V, proximo post hanc literam loco merito debuit poni.

## OBSERVATIO V.

NOTAE GRAECORVM NUMERALES SUBSIDIARIAE, ἐπίσημον,

κόππα, χαρακτήρ.

SVM-

SUMMARIA.

**L**iteris vulgaribus Græcis in numerando tres alia subsidaria sunt additæ. §. I. Ubi queritur i. quæ nomina hæ notæ subsidaria habeant? 2. An sint literæ? 3. cur illo ordine posite, qui §. i. designatur? §. II. Locus eâ de re Varini. §. III. Aliorum auctorum §. IV. Senarium dici Epistimon, nonag. variam Koppa, nongentenarium Characterem. §. V. Senarium & nonagenarium esse literas, nongentenarium tantum notam numeralem. §. VI. Nempe nonagenarium seu Koppa esse 2 Latinorum. §. VII. Interpositum autem esse inter Π & P. uti apud Latinos 2 ad imitationem Hebræorum. §. VIII. Locus ex Scholiaste Aristophanis dicta illustrans §. IX. senarium seu Epistimon respondere Latinorum F. §. X. Parallelismus trium linguarum §. XI. Character in ultimum locum reiectus, cum non sit litera. §. XII.

§. I.

**L**iteræ suæ Græcis duplicem usum præbent, unum in exprimendis animi sensibus, alterum in numerando, sunt enim in iis numerorum compendia. Priori usui non nisi 24. inserviunt literæ, etiam pueris notæ. In notis autem numeralibus tres alias his viginti quatuor adiecerunt, quarum unam, quæ esset nota Senarii, interiecerunt literis E & Z; alteram quæ esset nota nonagenarii interiecerunt literis Π & P, tertiam quæ

B 5      esset

esset nota nongentenarii, postposuerunt literæ ultimæ  $\omega$ . Nos primam posthac nominabimus senarium, alteram nonagenarium, tertiam nongentenarium. Nimirum ad tres notarum numeraliū ordines conficiendos in quibus singulis essent characteres novem, viginti septem opus erat literis, ut eo pacto ab uno ad mille progressio iusta fieret hoc modo :

1	2	3	4	5	6	7	8	9
$\alpha$	$\beta$	$\gamma$	$\delta$	$\epsilon$	$\varsigma$	$\zeta$	$\eta$	$\theta$
10	20	30	40	50	60	70	80	90
$\iota$	$\kappa$	$\lambda$	$\mu$	$\nu$	$\xi$	$\omicron$	$\pi$	$\rho$
100	200	300	400	500	600	700	800	900
$\epsilon$	$\sigma$	$\tau$	$\upsilon$	$\phi$	$\chi$	$\psi$	$\omega$	$\vartheta$

Appinximus trium notarum figuras, quales reperiuntur apud Sylburgium *p. 61. Græci Alphabeti.*

§. II. Iam de eo dubium non est, primam ex his subsidiariis notis esse signum numeri 6. alteram 90. tertiam 900. quodque ex hoc prope sequitur, primam interponendam esse literis E & Z, alteram  $\pi$  &  $\epsilon$ , tertiam in finem, omnium reiiciendam. Atque adeo confessum hoc est inter omnes, qui hoc argumentum

tum tractarunt, aut tabulam notarum apud Græcos numeralium nobis exhibuerunt, vid. Sylburgius *d. l. & p. 8.* Golium in *Gramm. p. 332. 333.* Camerarium in *de notis numeralibus p. 33. 46.* Sed dubitationem capere quædam video. Quæret enim aliquis 1.) quæ nomina his notis fecerint Græci? 2.) an sint literæ? 3.) cur hunc quem designauimus ordinem in Alphabeto eis dederint. Antequam de his quæstionibus, quid videatur, exponam, operæ pretium est locos quosdam integros auctorum adscribere, præsertim cum iis postea, ubi corrupti videantur, medicinam afferre decreverim.

§. III. Luculenta verba sunt Varini in Ἀριθμός f. 177. Ἀριθμός. παρατηρητέον, ὅτι τότε τὰ Φωνήεντα, τότε τὰ σύμφωνα συντελῶσιν εἰς τὸν ψηφισμὸν, καὶ ἀριθμὸν, ὡς παρὰ τοῖς ἐπισήμοσι λατίνοις ὁ λογαριασμός. Συντελῶσι καὶ εἰς τῷτοτρία σχήματα, ἅπερ κυρίως ἔκ εἰς γράμματα, τὸ ἐπίσημον δηλοῦσι ἡ σκόπητα, καὶ ἡ χαρακτῆρα. Πάντα γὰρ τὰ γράμματα ἀριθμὸν διασημαίνουσι. τὸ γὰρ ᾱ συμαίνει ἓν, τὸ β̄ δυο, τὸ γ̄ τρία καὶ τὰ ἐξῆς. καὶ τὸ ἐπίσημον τὸ ἕττω γραφόμενον ὅπερ ἕκτὸν ἐν τοῖς γράμμασι τιθεσθαι ἐξ ποιεῖ. Καὶ ἕτως ἀκολούθως ἕως τῷ ῑ ὅπερ ποιῇ δέκα. Καὶ ἕκαστον ἀκολουθούμενον γράμμα δέκα προσίθησιν ἐπὶ τὸ προηγούμενον, ἕως τῷ π̄ ὅπερ ποιεῖ ὀγδοή-

δοήκοντα, ἔπειτα ἀκολουθεῖ ἡ σκόπητα ὅπερ ποιεῖ ἐννεήκοντα, καὶ μετὰ ταῦτα ἀκολουθεῖ τὸ εἰ ὅπερ ποιεῖ ἑκατὸν. Εἶτα ἕως τῆς αὐτῆς τοῦ καθεῖ-  
 καστὸν γράμμα προσέθουσιν ἑκατὸν, ἐπὶ τὸ προη-  
 γούμενον. Τὸ δὲ ω ὀκτακόσια ποιεῖ, καὶ ἀκολου-  
 θῶς ἐπάγεται χαρακτῆρα ἥτις ποιεῖ ἐννακό-  
 σια.

§. IV. In Membranis Fuldensibus, teste Syl-  
 burgio *p. 8. Alphabeti Græci*, characterum Græ-  
 corum nomenclatura hæc legitur: Alfa,  
 Beta, Gamma, Delta, He, Erisinen, Ze-  
 ta, Heta, Theta, Iota, Kappa, Laut, My, Ny,  
 Xi, y, Koppin, Ro, Semma, Tau, Ioy, Fi, Sci,  
 Pfi, O. In Moguntiacensibus vero membra-  
 nis eidem Sylburgio, quem vide *d. l.* a Cano-  
 nicis ad S. Stephanum communicatis hæc duæ  
 literæ Alphabeto Græco inferuntur, sed no-  
 minibus paulum mutatis: nam pro Erisinen,  
 Epifimon ibi legitur, & Cophæ pro Koppin.  
 Regino Prumiensis *Lib. I. de disciplina Eccles.*  
*Secl. 426.* notam quinarium nominat ἐπη, Sena-  
 rii σένον, nongenarii κόφι, nongentenarii  
 Ennekose.

§. V. Quod igitur ad primam quæstionem  
 attinet, Senarium Varinus τὸ ἐπίσημον, mem-  
 branæ Fuldenses Erisinen, Moguntiacenses  
 Epifimon, Regino Senon appellant. Vbi non  
 dubito Varinum verum nomen attulisse, iu-  
 xta quem cæterorum scripturæ corrigendæ  
 sunt



sunt. Nonagenarius Varino est ἡ σκόπητα, Fuldensibus membranis Coppin, Moguntiacensibus Cophæ, Reginoni Cophi, scribendum, quod & Sylburgio video in mentem venisse, κόππα. Ratio e sequentibus patebit. Nongentenario qui nomen inderet, neminem vidi præter Varinum & Reginonem: sed heic Varino ad stipulor potius, ita tamen ut apud eum pro ἡ χαρακτήρα malim scribere, ὁ χαρακτήρ. Nam ἡ χαρακτήρα non minus quam ἡ σκόπητα nomen esse nihili videtur. Puto autem nongentenarium ideo appellatum τὸν χαρακτήρα, quia non esset litera Alphabeti, ut τὸ ἐπίσημον & κόππα, sed tantum Character numeralis. Quam ob causam nec Fuldenses, nec Moguntiacenses membranæ nomen illi fecerunt, tametsi hæ figuram eius expressere. Regino autem non aliud ipsi dat vocabulum, quam eius numeri, quem exprimit ἐννεκόςια. Sic enim legendum videtur.

§. VI. Venio ad secundam quæstionem. Fuisse literas, priores saltem duas, vel hoc ipso persuadeas, quod in medio cæterarum literarum ordine eas reperimus, loco scilicet honoratiore, quam qui meris subsidiariis conveniat notis: debuissent enim alias coniici in sedem extremam. Quæ ratio & probabile facit, ultimam harum, quæ est signum nongen-

gentenarii non literam esse, sed meram notam numeralem. Tametsi autem negat Varinus, has notas esse literas, tamen non sine causa videtur addidisse τὸ κυρίως, ἅπερ, inquit, κυρίως ἔκείσιν γράμματα. Et κόππα certe literam Græcorum olim fuisse sed in defuetudinem abiisse postea, confirmat hic locus Marii Victorini in *Grammaticis* p. m. 2459. *Sed nec Q quidem nec Q latinus sermo introduxit. Ex quibus Q & fuisse apud Græcos & quare defierit fungi vice literæ, cognoscere potestis, si Pontificum libros legeritis. Nunc enim apud Græcos iuxta π est posita.*

§. VII. Exarauimus locum, vt omnino legendus videtur, scripsimusque defierit pro desiderat, quod est in Editione Butschii, vel desideret, vt citat Sylburgius p. 8. *Alphabeti Græci.* Deceptus autem hac lectione Sylburgius hæc addit: *quæ cum Victorinus Pontificalium librorum auctoritate confirmet, mirum est apud Græcos Latine Historiæ scriptores, non Q in talibus inueniri, sed K constanter usurpari. Atque apud vetustiores quidem Polybium, Dionysium, Plutarchum, Κυϊνθος, apud Dionem modo Κυϊντιος, & κυϊντίλιος, modo κύνθος, κύντιος & κυντίλιος.* Nimirum, inquam, hanc ipsam ob causam & Latinorum Scriptores Græci non per κόππα sed κάππα exprimunt, quia κόππα defierat esse litera iam iis temporibus, quibus Homeri libri

libri sunt ordinati, qui cum numero sint literis Alphabeti æquales, in iis nec τὸ ἐπίσημον, nec τὸ κόππα reperiēs. Et hinc vetustatem, & numeri pariter vulgati & ordinis literarum in Alphabeto Græco ipse confirmauerat Sylburgius p. 8. init.

§. VIII. Facit huc etiam locus alius Victorini p. 246. *Scripteram autem vobis - ex adiectis nostros solum X recepisse, F vero G & Q in grecis etiam literis fuisse, & nunc esse, sed G numero sex, Q nonaginta significare.* Locum hunc cum corruptum haberet Sylburgius p. 10. non potuit se expedire e scrupulo quodam de contradictione Victorini. Nobis heic sufficit, quod auctoritate Victorini probauimus, Coppa Græcorum esse ipsum Q Latinorum, illisque initio inter literas vsurpatum postea in defuetudinem venisse. Hauserunt nimirum, vt iam & quæstioni tertiæ respondeamus, vtrique hanc literam ex Hebræorum Alphabeto; ad quorum Cuph alludunt nomina τῷ κόππα Græcum, & τῷ Ku latinorum. Vnde & rationem petes, cur hæc litera seu nota apud Græcos inter π & ρ locata sit. Nam sic & Ebræi τὸ ך & ך intericiunt ρ

§. IX. Non prætereundus heic est locus egregius Scholiastæ Aristophanæi de hoc κόππα ad νεφέλας f. 99. Sed idem aliquantum

tum deprauatus, & a nobis obiter emendandus. Κοππατίας ἰσῶπης ἐκάλαν οἷς ἐγκεχάρηκε τὸ Κ (lege Koppa) σοιχείον, ὡς σαμφώρης (malim σαμφώρης) τῆς ἐγκεχα-  
ρακμένης τὸ Σ. Τὸ γὰρ Σ (ἢ τὸ Ν χαραιοσύμε-  
νον, Hæc verba delenda videntur, orta vt ap-  
paret ex imperitia Librarii ignorantis, quod  
hodie Grammaticis passim vulgatum est, Σ  
fuisse etiam σὰν appellatum) σὰν ἔλεγον; αἱ  
δὲ χαράξεις αὐται, ἢ μέχρι τῆ νῦν σώζονται ἐ-  
πὶ τοῖς ἰσῶποις. Συνεζευγμένη γὰρ τῆ Κ καὶ  
Σ τὸ σχῆμα τῆ λ ἀριθμῷ δύναται νοηθῆαι, ἢ  
προηγῆται τὸ Κ (lego τὸ π. Nam autē h est  
π) ἢ παρὰ γραμματικοῖς ἔτω διδάσκεται, ἢ  
καλεῖται κόππα ἐννεήκοντα. Τινὲς δὲ κοππα-  
τίαν ἐξηγήσαντο τὸν κόπτοντα ἢ κοιλαίνοντα  
ταῖς ὀπλάϊς τὸ ἔδαφος, ἢ δὲν ὄντως (legendum  
e Suida ἡδεόντως) ὑποτιθέμενοι. ἢ γὰρ βυκε-  
φάλης ἰππης καλεῖται διὰ τὸ μορφὴν τοιαύτην  
αὐτῆς ἔχειν, ἀλλὰ διὰ τὸ ἔτῳς ἐγκεχάρθαι.  
Hunc Scholiastæ locum videntur in conspe-  
ctu habuisse, quorum etiam collatio prode-  
rit, Suidas voce κοππατίας, Varinus f. 1089.  
Rhodiginus Lib. IV. A. L. c. 31. f. 147. Came-  
rarius Comment. utriusque Linguae p. 372. Sca-  
pula in Lexico f. 717.

§. X. De κόππα satis. Ad ἐπίσημον ve-  
nio seu senarium notam. Eam Victorinus ean-  
dem facit cum litera G Latinorum, vt supra  
vidi-

vidimus, quanquam in eius locis quædam est perplexitas. Mihi vero illud Græcorum πα-  
ράσημον comparandum potius cum Latino-  
rum F quam G videtur, G enim Latinorum,  
r Græcorum. Iam in utroque Alphabeto  
sexta litera apud Latinos quidem est F, apud  
Græcos vero ἐπίσημον. Vtrumque substi-  
tutum pro Hebræorum Vau, cuius & pote-  
statem Latinorum F non male exprimit. Imo  
F appellatum fuisse Φᾶν, testis est Victorinus  
p. 2468.

§ XI. Itaque trium linguarum Paralleli-  
smus ad vsque literam I constituendus vide-  
tur in hunc modum :

א ב ג ד ה ו ז ח ט י

α β γ δ ε ζ η θ ι

a b c d e f g h - i

Quo pacto & Latinorum H subiicitur Græ-  
corum H, quod non inepte dicas substitutum  
fuisse iisdem temporibus, quibus adspira-  
tionem, quam plane ut Latini scribebant, H  
numero literarum eiecere, sic enim H & in  
figuram eius & locum successit. Suspiceris  
& hoc, adspirationem illam primitus fuisse di-  
ctam Heta ex ה Hebræorum, ut Beta ex ב  
postea adspiratione eiecta, vocalem illam lon-  
gam appellatam fuisse Eta, quam codex Ful-  
densis aperte Heta vocat.

(6)

C

§. XII.

§. XII. Hæc de fenario : superest Non-  
gentenarius. Pro hoc vacabat locus adhuc  
in Alphabeto Hebræorum, nempe ρ̃ quo  
pacto sedem habuisset inter ϰόππα & Rho,  
verum hanc notam, opinor, nunquam pro li-  
tera habuerunt Græci, sed tantum pro signo  
numerali, subsidiario, ideoque in finem toti-  
us Alphabæti reiecerunt.

## OBSERVATIO VI. NATIONVM LAVS ET VITVPE- RIVM EX LINGVA. ETYMO- LOGIAE LVBRICAE.

### SUMMARIA.

**C**icero laudans Latinos præ Græcis quod con-  
viuia dixerint qua Græci συμπόσια appella-  
uerint, ab aliis notatus. §. I. Vnde observatur na-  
tionum laudes & vituperia etiam ex lingua desu-  
mi, & Etymologias vocum sæpe esse lubricas, ut  
argumenta inde desumi possint tam in laudem,  
quam vituperium. De Conuiuium locus Ciceroni  
parallelus ex Aristotele §. II. Item Iohanne Sares-  
beriensis. Non probabilem tamen esse, hanc Ci-  
ceronis Etymologiam. §. III. Simile exemplum in  
etymologia Hostis qui olim peregrinum denota-  
uit. §. IV. Locus ea de re Ciceronis qui laudat La-  
tinos, qui hostem ut peregrinum considerauerint,  
æquitatis erga hostem etiam exercendæ memores.

Simi -

*Similis locus Saresberiensis §. V. & B. Ambrosii §. VI. Contra ex ea etymologia vituperari etiam poterant Romani, quod peregrinum pro inimico habuerint, quod fecit Grotius & Bodinus. §. VII. Notatur Ambrosius, asserens etiam Hebraeis peregrinos pro hostibus sumi §. VIII. Notatur Bodinus, dum Græcis etiam synonymice hostes & peregrinos dictos fuisse statuit. §. IX. Neque id probari ex Plutarcho aut Herodoto §. X. ut qui plane de re diuersa loquantur, de Lacedæmoniis videlicet Atheniensium Legatos voce peregrini ambigua ludentibus §. XI. adeoque parum apte post Bodinum etiam ab aliis ad illustrandam Ciceronis sententiam adhibentur §. XII. Notantur & alia sententia Hadriani Iunii & Bodini. §. XIII.*

## § I.

**C**icero de Senectute p. 86. & lib. IX. Epist. fam. 24. laudat præ Græcis Latinos suos, quod accubationes epulares amicorum cum illi συμπόσια vocent & σύνδαινα, h. e. computationes & concœnationes, hi conuiuiorum nomine honestarint: esse enim in eo genere minimum voluptatem illam, quæ edendo bibendoque percipiatur longe vero maximum illos amicorum in convictu mutuo sermones. Græcorum causam aduersus Ciceronem huic nationi sæpicule, parum æquum, susceperunt in hoc negotio

Henr. Stephanus *Lib. I. Schediasmat. c. 8. p. 30. seqq.* & M. Antonius Muretus *Lib. 19. var. lect. c. 4.* Quorum hic: elegantius, inquit, illi (i.e. Græci) qui aliud esse viderunt vna bibere, aliud vna viuere. Ille vero in Romanæ nationis opprobrium id vrget præcipue, quod vivere ipsis sæpe idem sit, quod genialiter viuere, genio indulgere, curare cuticulam *p. 34.* Idque prolatis Virgilii, Catulli, aliorumque locis probat *p. 37. & 38.*

§. II. Duo sunt, quæ hinc discere possis. Primum nationi alicui laudem aut vituperium conciliari posse ex ipsa loquendi aut suis nominibus res appellandi consuetudine; alterum, Etymologias interdum sic esse lubricas, ut in laudem pariter, laudisque contrarium, valeant. Nam quo ex loco Cicero Latinis suis laudem quærit, ex eodem reprehendunt eos Stephanus & Muretus. Cicero conuiuium inde sic dictum esse, a maioribus suis opinatur, quod qui vna cibum capiunt, præcipuam voluptatem non ex cibo capiendo, sed ex amicis honestisque confabulationibus haurire debeant: id enim esse conuiuere, animos scilicet potius pascere sermonibus, quam ventrem, eduliis. Et vero, si ostendi possit latinis veteribus conuiuere id fuisse, quod iucundos utilesque sermones sociare, nihil potuit proferri honestius, cum sit hæc ratio ex ipso Philo-  
fo-



sophiæ meditullio deprompta, nec male Cicero, cum ad Poetum hæc talia scripsisset, addit, philosophando eum se ad cœnas cum amicis sumendas reuocare conari. Nam & Aristotelis hæc Philosophia est elegantissimo loco & heic etiam legi digno IX. Nic. 9. συναισθάνεσθαι ἄρα δεῖ καὶ τῆ Φίλης, ὅτι ἐστὶ. Τὸ δὲ γένοιτ' αὖ ἐν τῷ συζῆν καὶ κοινωνεῖν λόγων καὶ διανοίας. ἔγω γὰρ αὖ δόξαι τὸ συζῆν ἐπὶ τῶν ἀνθρώπων λέγεσθαι, καὶ ἔχ' ὥσπερ ἐπὶ τῶν βοσκημάτων τὸ ἐν τῷ αὐτῷ νέμεσθαι.

§. III. Ad mentem autem Ciceronis etiam Ioh. Saresberienſis respexit in his : *quæ apud Græcos coepulationis aut compotationis censentur nomine, a nobis honestiore nomine conuiuia nominantur. Cæterus siquidem conuiuentium, quam coëpulantium aut compotantium venerabilior est. Lib. I. Polycratici c. 6. p. 25.* Verum enim vero cum in promptu sit ostendere viuendi vocem Latinis veteribus ad illas corporum voluptates, quod & nostri fecerunt, Germani in verbo *Wolleben* / & Græci in suo ἐνφρένεσθαι Luc. XVI. 19. traductam fuisse: valde probabile est, in appellando conuiuio ipsos, rudes quippe, meliorisque, & a sensibus abductæ Philosophiæ, parum peritos, eam potius vitæ significationem, quæ sensibus placeret, secutos esse. Quis enim suspi-

cetur, indendis rerum quotidianarum vocabulis eos philosophari voluisse?

§. IV. Cæterum eorum quæ hætenus dicta sunt, exempla etiam in vocabulo *hostis*prehendas. Certum est ea voce peregrinum antiquitus significatum fuisse, quod non suadetur autoritate solum scriptorum LL. p. 3. 1373. & 1375. Edit. Dionys. Gothofredii, & Laubenbergii in *Antiquario* p. 212. sed insuper, ex Etymologia, si cum Scaligero deducas a græco ὅσις pro quo Æoles dicebant ὅσωνις, ut ab illo sc. esset hostis, ab hoc hospes (vid. Becman. *Orig.* p. 201.) qui & hodie peregrinum notat, cumque eo sæpissime coniungitur. Quanquam nec Festi Etymologia refragatur, ab hostire hostem deducentis, quod est æquare apud Buchner in *Fabro* f. 460. æquitatem enim colere inter se peregrinos convenit.

§. V. Itaque Cicero in laudem trahit quod tam honesto mitique vocabulo inimici olim affecti fuerint. Locus eius integer hic est *Lib. I. Offic. p. 8.* Equidem illud etiam animaduerto, quod qui proprio nomine perduellis (πολέμιος) esset, is hostis vocaretur, lenitate verbi tristitiam rei mitigante. Hostis enim apud maiores nostros is dicebatur, quem nunc peregrinum dicimus. Indicant XII. Tabule: AVT. STATVS. DIES. CVM. HOSTE. itemque ADVERSVS. HOSTEM

*STEM. AETERNA. AVCTORITAS.* Quid ad hanc mansuetudinem addi potest, eum qui cum bellum gerat, tam molli nomine appellare? Quanquam id nomen durius iam effecit vetustas, a peregrino enim recessit & proprie in eo, qui contra ferret arma, remansit. Cæterum id eo loco agit Cicero, ut in bello etiam aduersus hostem iustitia æquitateque perfungi doceat oportere. Ciceronis sententiam hac in re sequuntur Crusius in *Rhetor. p. 152.* & Vossius *Lib. V. Institut. Rhetor. p. 345.* dum in hac significatione hostis ὑποχρησµὸν quendum vel μέσων agnoscunt. Quanquam autem Cicero non aperte ad illud hostis etymon ab hostiando, i. e. æquando dicti alludit: factum hinc tamen dixerim, ut in hanc allusionem, Sarisburiensis ea interpretatus esse videatur, quæ ipsa tamen huius expositio ob verborum ambiguitatem dubium de ipsius mente red- dat lectorem. Verba hæc sunt *lib. 8. Polycrat. c. 13. p. 523. auctor* siquidem Cicerone ob æquitatem hospitibus exhibendam hostis dicebatur antiquitus; quem modo dicimus peregrinum. Cui quisquis fuerit inhumanus, de iure antiquo iniquus est. Declarant hoc legum tabula & titulus iuris: qui est statutus dies cum hoste.

§. VI. Putes etiam B. Ambrosium *I. Offic. 29.* ubi hanc ipsam de vocabulo hostis observationem argumento suo accommodat, Ci-

ceronis quasi sententiam suis verbis exprimens, & noua ratione confirmans verba, quædam Ciceronis, quæ textum supra positum, antegrediebantur, minus abs se intellecta in alium sensum detorsisse, cum ita scriberet: *Liquet igitur etiam in bello fidem & iustitiam seruari oportere, nec ullum decorum esse posse, si violetur fides. Denique etiam aduersarios molliuiores appellatione nominabant, ut peregrinos vocarent. Hostes enim antiquo ritu peregrini dicebantur. Quod sepe etiam ipsum de nostris assumtum docere possumus. Aduersarios enim suos Hebraei Allophylos h. e. alienigenas latino appellabant vocabulo. Cum his autem iunge initium dicti apud Ambrosium capitis.*

§. VII. Quicquid sit de his, dubitare licet, ad laudemne magis humanitatis, an ad inhumanitatis dedecus pertineat, quod Latini vocabulum cui initio tantum hospitis vel peregrini atque externi significandi vis inesset, detorserunt ad notandum eum, quem aduersarium sibi bello petendum proposuissent? Quid enim si hoc aliquis factum esse dicat, non præ humanitate ac proposito cum inimicis quoque iura fidemque colendi, sed præ multorum quondam populorum consuetissima, & quæ iuris aliquam vim obtinuit, feritate, externum quemuis & peregrinum non alio, quam inimici loco habendi, ut adeo hæc  
appel-

appellatio originem traxerit a iure latrocinandi, peregrini & aduersarii discrimina vel tollente, vel ignorante. Sane huc rem trahi video a Grotio, cuius *II. de Iure Belli c. 15. n. 5. p. 264.* ubi de illa latrociniorum licentia agit, hæc sunt verba: *hinc in barbaros prædam exercere laudatum Aristoteli, & ipsa vox hostis veteri Latio nihil nisi externum significabat.* Eadem mens Besoldo *IV. Polit. VI. p. 63.* in his: *& humane cognationi, quæ inter homines est, repugnat, quod olim Romani peregrinum pro hoste sumebant.* Vbi quod non modo Varronem, sed & Ciceronem citat, dicas, eum Ciceronis expositionem, qui hoc ad humanitatem ex alio principio trahit, tacite refellere voluisse, nisi placeat Ciceronis & Varronis testimonia in id tantum allegata fuisse, ut de τῷ ὄτι simus certi, scil. quod hostis & peregrinus idem aliquando valuerint.

§. VIII. Sed quid Ambrosio respondebimus? Coniecturæ Ciceronianæ fulcrum, supponentis ab exemplo Hebræorum hostes suos allophylos i. e. alienigenas appellantium. Locum Ambrosii dedimus supra. Si constaret prius & illam Ciceronis observationem recte se habere, & hostes Ebræis allophylos vocari, non improbabiler dici posset, illam verbi mansuetudinem Romanos ab Ebræorum gente vel didicisse, vel discere,

saltem potuisse. Iam cum alterum haftenus infirmatum sit, alterum iam sit infirmandum, nihil est, quod Ambrosii auctoritas heic nos detineat. Fallitur autem ignorantia sermonis Pater Sanctissimus quod vel ab Ebraeis putat allophylos dici, vel allophylorum voci similem reperiri in fontibus per ea loca, & allophylos idem esse quod hostes. Quid de ea voce tenendum sit nobis, locus Hieronymi in c. 2. Esa. Tom. V. Oper. f. 6. euidenter ostendit: *Pro Philistiim semper LXX alienigenas interpretati sunt, i. e. τὰς ἀλλοφύλους, nomen commune pro proprio, quæ est hodie gens Palestinorum - Unde & illud, quod in Psalmis dicitur, cum enumeratione gentium cæterarum: Mihi alienigenæ subditi sunt, non omnes externas nationes, sed propriæ Palestinas significat.*

§. IX. Restat vt excutiamus, rectene scriptum fuerit a Bodino *I. de Republ. 6. f. 47.* Græcis veteribus æque atque Latinis hostes peregrinos appellatos fuisse. Vbi quidem pro Græcis Plutarchum citat in Themistocle. Themistoclem totum huius rei perlegi, ne μὴ quidem in eo est, quod sententiam Bodini iuuet. Est aliquid in Aristide *f. m. 290.* Pro quo lapsu memoriæ Themistoclem videtur nominasse, quod assertionem Bodini specie quadam iuuet, sed in vanum abitura, si accurate examinaueris. Cum illo autem Plutarchi loco coniun-

iungendus alter Herodoti *L. IX. seu ultimo, qui Calliope inscribitur, p. m. 60.* rem eandem narrantis. Nam Laurembergius in *Antiquario p. 212.* ad Vraniam Herodoti, qui est *Lib. VIII.* nos mittens, simile quid Bodino passus est, nisi docere queat, ultimo Herodoti libro Vraniae nomen factum esse forte ab aliis.

§. X. Primo autem Bodinus in ea re nimis generaliter (quam rectius ad Lacedaemonios restringunt Xylander *ad Plutarch. f. 90.* & Lauremberg *d. l.* nominatos scil. ab Herodoto & Plutarcho) Græcos vniuersim nominat, quasi toti genti familiare fuerit ξένος hostes appellare. Deinde neque hoc exsculpas ex historia, apud eos loquendi quadam consuetudine ξένος & πολεμῖος peregrinos & hostes synonyma fuisse: cum hoc tantum innuant historici, Lacedaemonios quasi αἰνιττομένους in responso quodam Atheniensibus dato, cum de industria obscuritatē affectarent, pro Persis nominasse ξένος, quod illi prope simile est, quod modo habebamus, LXX. pro Philistæis vsurpasse Allophylos. Vtrobique enim voce generis species fuit significata.

§. XI. Res sic habet: Mardonius Persa premebat Athenienses. Hi Aristidem mittunt Lacedaemonem petitum auxilia. Lacedaemoniorum Ephori clam subsidia mittunt, palam (puto quod voluptatem quandam ex  
Lega-

Legatorum anxietate captarent ) incuriam, præ se ferentes, vt Hyacinthia interim sua, qs. ludendi tempus esset, strenue agentes. Expostulantibus & responsum flagitantibus id tantum renunciant, copias suas iam in Orestheo esse, tendentes aduersus peregrinos. Peregrinorum nomine Persas intelligebant, sic enim expresse Plutarchus, vel Barbaros, vt habet Herodotus. Quæ locutio cum sic satis esset obscura ; nec enim, rebus ita hætenus dissimulatis, diuinare poterant Legati Atheniensium, quos ξένους seu peregrinos ipsi vel- lent. Itaque expresse Herodotus non intellexisse ait Athenienses quid diceretur, vt aliis & clarioribus verbis rem eandem edocendi fuerint. Itaque Aristides Atheniensium Legatus regessit alieno tempore eos ludere, h. e. in re feria ludicra verborum ambigua minime fuisse vsurpanda.

§. XII. Patet ex his, nihil esse in hac narratione, quod ad Ciceronis sententiam aut, illum locum communem faciat, quod hostis idem olim fuerit, qui peregrinus, quanquam ea non Bodinus tantum sed & Xylander atque Laurembergius *loc. cit.* Vossius it. *Lib. V. Instir. Orator. p. 345.* in illud argumentum v- tantur. Neque enim Lacedæmonii, cum peregrinos dicerent, tam hostes volebant ea voce quam Persas aut Barbaros signare, quod affir-



affirmantibus Plutarcho ac Herodoto credendum omnino est nobis. Et hæc ipsa tamen significatio non tam popularis erat, quam ænigmatica, & studio obscuritatis quæsitæ: alias Athenienses in illius verbi significatione non hæssissent.

§. XIII. Herodoti locum ne Hadrian. Iunius quidem recte percepisse videtur in *Lexico* sic scribens: *Herodotus scribit ξένος a Lacedæmonibus peculiariter Barbaros intelligi.* Haud dubie locum Herodoti, quem heic exposuimus, respicit. Sed verba Iunii legens aliquis id innuiputet, Lacedæmoniis peculiare hoc fuisse præ aliis Græciæ populis, ut Barbaros populariter appellarent ξένος. Id vero non est: sed illis tantum Ephoris eo tempore libebat suspensos animis Atheniensium Legatos obscuritate verborum ludificari. Itaque & Bodinus, cum scribit, mutatis verbis Græcos πολεμίς hostes vocasse, quia bellum aduersus eos geratur, ξένος vero peregrinos: Ipse viderit quomodo hanc mutationem probet, qua, si quid iudico, nulla vnquam opus fuit, cum ex communi loquentium usu hostes semper πολεμίς, nunquam autem ξένος vocauerint. Equidem ξενίζειν apud Sophoclem in *Aiace*, (citante Porto ad *Suidam* voce ξενία) posuit pro ἀποκτείνειν, ut Suidas exponit. Unde putes, si ξενίζειν est occidere, i. e. tractare,

ut

vt hostem, ξένον quoque esse hostem. Verum ironica illa est locutio : sequitur enim apud Suidam : ξένια γὰρ ἄριστος τράυματα καὶ Φωναὶ i. e. Xenia (dona hospitafia) Martis sunt vulnera atque cædes.

## OBSERVATIO VII.

De

RITV POETAS LAVREATOS  
CREANDI.

## SUMMARI A.

**S**caliger hunc morem deducit ab Agonibus Capitulinis a Domitiano institutis ; eiusque hac sententia cum aliis conciliatur ostendentibus, iam Virgilii tempore Poetas lauru coronatos fuisse. §. I. Verosimilius a temporibus ab aëuo Domitiani remotioribus, & ritibus conferendi gradus Academicos derivatur. §. II. Hinc & jus creandi Poetas in diplomatibus Comitum Palatinorum coniungitur cum iure creandi Doctores, Magistros &c. §. III. Scilicet Poetam facere olim nil aliud erat quam creare quintæ alicuius facultatis magistrum. §. IV. Igitur convenientia saltem remotior est inter lauream Poetarum noviore & antiquiorem illam, tempore Virgilii aut Domitiani usitatam, §. V. magna vero discrepantia §. VI, quæ illustratur verbis priuilegii Petrarchæ, cum inter primos Poeta crearetur dati §. VII. Olim agones Cepitolini usque

vsque ad tertium vel quartum seculum durarunt. §. VIII. *Petrarcha examinatus a Roberto Sicilia Rege*. §. IX. *Formula potestatis quam Petrarcha accepit dum Poeta coronaretur. Coniunctio artis Poetica & Historica*. §. X. *Academiis cur primitus non data sit potestas creandi Poetas laureatos*, §. XI. *& cur Imperatoribus solis ea reseruata sit, hodie vero in usu esse desierit*. §. XII. *Ante Petrarcham Albertinus Musatus Poeta creatus. Anni determinatio, quo Petrarcha creatus est*. §. XIII. XIV. *Locus Vossii de coronatione Poetarum*. §. XV. *Formula priuilegii anno 1661. Poeta cuidam dati*. §. XVI.

## §. I.

**E**Xistimauit Scaliger hunc ritum non aliunde quam ab Agonibus Capitolinis ad nos manasse. Verba eius *Lib. I.*

*Ausonian. Lect. c. 10. p. m. 40. Agones Capitolini primum a Domitiano instituti sunt: & p. 42. Caterum semper Agon ipse mansit Roma, ut in eo Poëta, Rhetores, aliarumque Professionum homines coronarentur ab ipso Imperatore. Neque puto aliunde Poëtarum laureatorum morem mansisse. Nam & ipsi antiquitus ab ipsis Caesaribus Romanis coronabantur, magnoque in pretio habiti semper apud Italos & Germanos, qui id honoris, virtute ingenii consecuti essent. Heic obiter obserua, etiam ante Domitianum coronatos fuisse Poëtas, & quidem lauru, non hedera,*  
tan-

tantum, vt opinabantur quidam. Notauit Iac. Pontanus *ad versum Eclog. VII. Virgilii: Pastores hedera crescentem ornate poetam: & ad illud Eclog. seqq. hanc, sine, tempora circum, inter victrices hedera tibi serpere laurus.* Citat autem præter alios Ouidium quoque, & ipsum Horatium. Hæc ne cum Scaligero pugnent cuius de Agone Capitolino sententiam Pontanus probat, concilianda sunt. Dici potest coronas suas Poëtis vndecunque ante Domitianum potius obuénisse, quam e manibus Imperatorum.

§. II. Virgilius sane vt audiuius, vult Poëtam a pastoribus coronari. Neque aliud voluisse Scaligerum existimo, quam morem, vt ipsi Cæsares Germani Poëtas coronarent, a Domitiano fluxisse videri. Quod si forte ostendi possit non primum id fecisse Domitianum, fatis esse pro se Scaliger dicet, si id Domitianus in eo Agone præter cæteros fecit eximium in modum: neque enim se dixisse, quod ille mos ab Agone Capitolino primum manauerit, sed tantum manauerit. Verum hoc ipsum est, quod dubito, an in huius ritus etiam nostro æuo vsitati, eruendis causis necesse habeamus ad illam vsque Domitiani aut etiam antiquiorem ætatem recurrere: nisi velimus pariter ab eadem origine Magistros quoque ac Doctores creandi omnem ratio-

tionem repetere. Similius enim vero videtur mihi, vt Poëticam laurum pari iure cum gradibus, quos vocant, academicis, qui vt ab æuo Domitiani longe sunt remotiores, sic a Capitolino agone minime sunt deriuati, censeamus.

§. III. Mouet me, quod in Comitibus, vt appellant, Palatiius coronandi Poëtam intime connecti video cum iure creandi Doctores, Licentiatos, Magistros, Baccalaureos. Cuius rei placet heic formulam adscribere: Weiter geben wir auch obgedachten Theodoro Securio Macht und Gewalt/ daß er in allen Facultäten/ als in der Iurisprudentia, Arhney und Philosophia Doctores und, Licentiaten/ auch der freyen Künste Magistros, Baccalaureos und Poëtas Laureatos creiren und machen sol und mag. Welche Doctores, Licentiaten, Magistri, Baccalaurei, und Poëtæ, so von ernandten Theodoro Securio creiret und gemachet werden/ auff allen Vniuersitäten zu lehren/ zu lesen/ zu disputiren/ und andere dergleichen actus zu üben Macht und Gewalt/ auch alle Gnade/ Freyheit/ Vortheil/ Recht/ Gerechtigkeit und gute Gewohnheit haben sollen und mögen/ als andere Doctores, Licentiaten/ Magistri, Baccalaurei und Poëtæ, so auff hernach benambten Vniuersitäten/ als nemlich Paris/ Bono-

(6) D nien

nien, Padua, Perusa, Pisa, Löwen/ Wien/ Ingolstadt/ Leipzig/ Wittenberg und Marburg creiret werden/ üben/ verrichten/ haben/ gebrauchen und genießen/ von allermänniglich unverhindert. Eadem pene verba fuerunt in Diplomate Christoph Preibisii. Cæterum quod dicitur Poëtas a Comitibus creatos, dignitate pares habendos esse iis, quos Academia crearent, commode est interpretandum. Pleræque enim Academiae, vt Lipsiensis nostra, nullum vsurpant ius renunciandi Poëtas Laureatos. Neque tamen defunt, quæ id exerceant iuris vel exercuerint, vt Viennensis, vt Argentoratensis, vt Altorfina atque aliæ.

§. IV. Redeo in viam, habet summam, cum aliis academicis gradibus cognitionem laurus poëtica, & illi vicissim cum lauru. Unde Salerni Doctoribus etiam Laureas coronas imponi, qui idcirco Doctores laureati dicantur, Camillus Borellus prodidit *lib. I. de Magistratuum edict. c. 8. n. 110. p. m. 144.* Itaque causam esse non existimo, cur peculiare rationes inquiramus in hoc regali, imponendæ laureæ, si expeditum habeamus, cur inter regalia locum habeat potestas creandi Doctorem vel Magistrum. Fuit enim sub initium repurgatæ a situ tot seculorum laureæ Poëticæ, nihil aliud Poëtam facere, quam quintæ

cuiusdam facultatis Magistrum. Ut adeo nulla nos ratio cogat, ad scrutandas antiquitates illius ævi, quod fuit antequam Doctoris aut Magistri axioma peculiare Christianis solenne fieret, i. e. (docente Conringio *Diff. 4. de antiqu. academ. p. 135.*) ante seculum Christianum XIII.

§. V. Sed fuerunt tamen, inquires, diu ante Petrarcham Poëtæ lauru redimiti. Fateor: verum quid hi ad Petrarchā, aut nos, qui successimus Petrarchæ? An nobis, ut illis, in publica panegyri quarto quoque anno celebranda decertandum fuit prius, subeundumque periculum, ne pro gloria reportarem infamiam? Equidem non plane tollo omnem similitudinem: id solum nego, tantam eam, esse ut quæ huic Regali propria sunt hodie, debeant inde vsque a Capitolino agone, aut vetustioribus temporibus repeti. Concedo, in ipsius quoque Petrarchæ coronatione respectum habitum fuisse ad agonem Capitolinum: maiorem autem, quam ad solennes tum temporis promotiones academicas, id vero nego.

§. VI. Enimvero multum interest inter ævum Domitiani & tempus Ludouici Bauari, quod Petrarcham aut primum dedit Poëtam novis moribus coronatum, aut a primo quasi proximum. Sub Domitiano & ante,

Poetæ propemodum erant *ὡς μύρμινοι ἀνὰ  
 πυθμῶν* & illi tales, qui nescio annon artes  
 Demagogicas exercuerint: certe vel in lau-  
 dandis Principibus vel denigrandis non pa-  
 rum potuerunt. Quæ causa Domitianum,  
 mouisse potuit, vt eos demulceret, at vero iis-  
 dem rationibus ductos eos fuisse, qui Petrarchæ  
 Laurum vel obtulerunt vel imposuerunt,  
 nemo credet facile. Præter Petrarcham Poe-  
 ta aut nemo plane, aut nemo certe, qui cum  
 eo posset velletue certare de Lauru. Porro  
 qui vir erat Petrarcha? Viuebat in solitudi-  
 ne, neque per omnem vitam egit quicquam,  
 nisi vt sibi & musis caneret. Itaque non stu-  
 debat concionari ad populum, E. non erat,  
 cur ab eius innocenti Musa Lycambeum car-  
 men sibi metuerent Principes. Quid porro?  
 parum abest, quin probare luculenter possim  
 æuo Petrarchæ neminem fuisse, qui priscum  
 illum morem coronandi Poetas (adeo res to-  
 ta interciderat) memoria teneret, ne ipsos  
 quidem eius coronatores excipio, antequam  
 Petrarcha, id vt scirent, effecisset. Primus  
 enim ipse, vt fuit antiquitatis indagator stu-  
 diosissimus, rem obliuione sepultam æuo suo  
 demonstrauit.

§. VII. Quæ hætenus dixi, confirmantur  
 verbis ipsius priuilegii, quod ab Anguillariæ  
 Comite datum est Petrarchæ, habeturque



Tom. III. Oper. Petrarchæ f. 6. vbi hæc verba reperio: hoc nempe poeticum decus atate nostra quod dolentes referimus, incertum, qua seu ingeniorum tarditate, seu temporum malitia usque adeo oblitum esse videmus, ut etiam quod per ipsum Poëta nomen importetur, pene incognitum nostris hominibus habeatur. Sane autem Poëtæ egregios in morem triumphantiam accepimus in Capitolio coronari, usque adeo & in desuetudinem nobis abiit illa sollemnitas, ut iam a 1300. annis nullum ibi legamus tali honore decoratum. Quod excogitans ingeniosus vir, & talium studiorum ab adolescentia scrutator ardentissimus, Franciscus Petrarcha, Florentinus, Poëta, Historicus præsertim tempore præsentis scientiæ succurrendum ratus, quæ neglecta magis erat ab hominibus & deserta, post auctorum volumina, diligenti primum indagine non incognita relictæ, deinde post propria proprii ingenii opera, historiarum præcipue & Poëmatum, quorum partem adhuc habet in manibus, honesto Laureæ flagrans desiderio, non tam propter gloriam, sicut idem in nostra & populi Romani præsentia professus est, quam ut ad simile desiderium studiorum omnium animos irritaret, quamvis ad hunc ipsius honorem alibi suscipiendum studiis atque urbibus evocatus: tractus tamen memoria antiquorum Poëtarum nec non affectu atque reuerentia huius SS. urbis, cuius eum semper constat fuisse feruidissimum amatorem,

*posthabitis aliorum precibus decrevit huc potissimum, ubi laureatos esse meminerat, se conferre.*

§. VIII. Et tamen ipse quoque Petrarcha, ut ævo tam rudi necesse fuit, in hac historia lapsus erat quodammodo. Si enim sciuisent, durasse agones Capitolinos vsque ad Constantinum M. qui cum Licinio Consule sexagesimum celebrauit, ut ex Onuphrio annotat Raderus *ad Martianum* f. 615. aut saltem cum Caluisio 40. agones notos habuisset, non persuasisset suis, morem illum per annos 1300 interquieuisse. Primum agonem Capitolinum Caluisius *ad Ann. Chr. 86. p. m. 460. II. ad 90. p. 461. III. ad 94. p. 463. IV. ad 98. p. 465. V. ad 102. habitum refert p. 466. VI. Ao. 106. p. 467.* in quo Lucius Valerius Pudens, cum esset, puer annorum 13. claritate ingenii coronatus est inter Poetas Latinos omnibus sententiis iudicum, & sic deinceps continua serie vsque ad agonem XL. *Ao. 242.* ubi hæc addit Caluisius: an vero postea temporis is celebratus sit, & quamdiu, nulla in historiis vestigia supersunt.

§. IX. Maneo igitur in sententia, quo tempore reuiresceret laurus, totam illam poeti-  
cam facultatem quæ non modo pangendi carminis sed & historiæ scribendæ peritiam,  
& summatim ut dicam, omnem eloquentiæ  
faciem

faciem ambitu suo complectebatur, habitam fuisse pro quinta quadam a cæterisque quatuor separata facultate, de cætero cum ipsis communia multa habuisse. Heic mihi duo tantum suffecerint, examen puto & ipsam, privilegii formam. Vt de priore prius dicam, cum decreuisset Petrarcha laurum oblatam accipere, putauit examen præuium esse oportere. Cumque per ea tempora doctiorem, in hoc genere quidem, haberet neminem, & a quo maiori cum dignitate posset examinari, quam Robertum Siciliæ Regem, cum prius examinis causa adiit, ab eoque per totum triduum examinatus, lauru dignus est iudicatus. *Vide Epistol. Petrarchæ Operibus præfixam de Origine & vita sua.*

§. X. Quod ad formam attinet Privilegii, eam cognosce ex ipso Diplomate Comitis Anguillariæ: *Prefatum Franciscum, tam dicti Regis (Roberti) quam nostri populario nomine, magnum Poëtam & Historicum declaramus, præclaro Magisterii nomine insignimus, & insignum, specialiter Poësis nos Vrsus Comes & Senator præfatus, pro nobis & Collega nostro Coronam Lauream nostris manibus eius capiti impressimus, dantes eidem tam in dicta arte Poëtica, quam in dicta historica arte, atque in omnibus spectantibus ad eandem, autoritate prefati Domini Regis, Senatus, Populique Romani, tam in hac sanctissima vr-*

*be quam omnium vrbitum caput esse non ambigitur, & Magistrum, quam alibicunque locorum legendi, disputandi atque interpretandi veterum scripturas, & novos a se ipso omnibus seculis, auxiliante Deo, mansuros libros & poemata componendi liberam tenore presentium potestatem. An non mutatis mutandis hæc formula aliarum quoque Facultatum Magistri creati sunt, hodieque creantur? Fuit certe olim referente Gersonne hæc promotionis formula: do tibi facultatem disputandi, docendi, legendi, heic & ubique terrarum, vt legitur apud Gerhardum Tom. VI. Locor. Comm. Tit. de Ministerio Ecclesiastico, n. 198. p. m. 233. Apud Gersonem Tom. I. f. 143. formula sic concipitur: Ego auctoritate Apostolica (dicit Cancellarius) do tibi Licentiam legendi, regendi, disputandi, docendi, in sacre Theologie Facultate heic & ubique terrarum.*

§. XI. Porro ex his quæ dixi, iam & ratio reddi speciosa potest, cur academiis maximam partem non data sit potestas conferendæ laurus Poëticæ? Nempe quia hoc ipsum ægre ferebant, per quintam illam facultatem cæteras quasi cogi in ordinem elegantioris literaturæ, a qua illud etiam adhuc Petrarchæ & sequens seculum, cum barbariem quasi longa annorum præscriptione tuendam suscepisset, maximopere abhorruit, odio eo usque crescente, vt Poëtæ pro hæreticis etiam

iam infamarentur: cuius rei non in epistolis modo virorum obscurorum (quarum Autor verus Vlricus Huttenus fuit) crebra sunt vestigia, sed etiam documentum suppeditat. Squarza Ficus in vita Petrarchæ sic inquit: *Fuit illa tempestate poëticum nomen ita inuisum, ut qui illa studia sequeretur, Magum, sortilegum, & Hæreticum esse dicebant.*

§. XII. Inde factum dixerim, ut recusantibus academiis, saltem plerisque, illam quintam facultatem ino & persequentibus hostiliter, penes Imperatores solos ea potestas resederit: quam tamen in Comites Palatinos exonerarunt paulatim. Nostris temporibus ubi omnes facultates Eloquentiæ operam dare solent, (possunt utique absque Magiæ vel hæreseos suspicione) atque adeo quinta illa facultas desit esse a cæteris separata (etsi præcipue ad Philosophiam videtur pertinere, cuius est Professio poëtica, historica & oratoria, unde apud Argentoratenses penes Philosophos est examen Poëtarum laureandorum,) non video profecto, quid referat, magnopere, Poëtam seorsim creari: nisi quod mori iam inueterato obtemperatur. An etiam hæc est causa, cur extra Germaniam nostram, etsi non desunt homines eruditi, aut nulli tamen, aut paucissimi solent Poëtæ creari? Paschali quidem *Lib. V. Coron. c. 14. p. 329.*

verba hæc sunt: *qui mos est, ut dixi, antiquissimus, certe laudabilis, hodie tamen, ut multa præclara, exolevit; Nisi forte in vna Germania, ut audio, hæc ipsa corona quandoque a Cæsaribus eos insigniri, qui carmina feliciter pangunt, quique peculiari & honorifica appellatione vocantur Poëta laureati.* Posses etiam illam rationem ex dictis afferre. Olim, cum Poëtæ & Historici tam male audirent apud Philosophos & Theologos Scholasticos, ut eos tanquam Magos & Hæreticos diffamarent, opus erat, ut autoritate Regia vel Imperatoria defenderentur ab hac rabie Theologorum. Igitur coronatione illa solenni declarabant, quod velint Poëtas a se coronatos in tutelam suam recipere aduersus calumnias scholasticorum, omnia quæ supra captum & studia eorum erant, Diabolo adscribentium: (vti hodiernum adhuc facere solent eiusmodi homines.) Hodie vero cum cuilibet absque metu huius calumniæ liceat esse Poëtæ, & cum nulli etiam sit interdictum carmina pangere, quid opus est, licentiam cum impensis & sumtibus petere? Accedit abusus coronationis, cum Comites Palatini iam longissimo tempore inceperunt dignitates venales habere & asinis etiam lauream Poëticam imponere, quæ res in super occasionem dedit elegantissimæ satyræ Nord-

Nordhufæ 1673. typis impressæ, cui titulus: *Reime dich oder ich freße dich / oder Schellen- und Scheltens-würdige Thorheit Bœotischer Poëten in Teutschland / Hans Wursten zu sonderbahren Ruh und Ehren u. s. w. vorgestellt von Hartmann Reinholden dem Franckfurtern.*

s. XIII. Quod superius dixi, Petrarcham aut primum fuisse Poëtam novis moribus coronatum, aut a primo proximum, non sine ratione factum est. Quanquam enim vulgo vix aliter videas referri, quam primum Petrarcham fuisse, in quo vetustus ille mos, & post aliquot secula mortuus, renouaretur, aliter tamen res se habet. Prior enim ante Petrarcham, licet annis non plurimis, id honoris meruit Albertinus Musatus. Res ita habet: Franciscus Petrarcha coronatus fuit Ao. 1341. Falluntur enim, qui alium annum nominant, quanquam dissensus ille non est ita magnus. Platina in *vitis Pontificum sub Benedicto XII. p. 261.* & Naclerus *Vol. II. grad. 45. fol. 251.* annum nominat 1338. Neque enim hi dissentiunt, secus atque Caluissius *sub anno 1339. Chronolog. p. 1219.* prodit, qui fortasse mendoso Nacleri Codice usus est. Ac videtur mihi Naclerus ipse de Platina transcripsisse. Verum ab utroque dissentit Sabellicus. *Ennead. IX. f. 419.* qui annum nomi-

nat

nat 1340. Verum nemo horum verum annum attigit, quem non alium esse, quam quem nos prædiximus, monumenta coronationis Petrarchianæ conuincunt. Sed huius laurea tantum eam, quam Albertus Musatus Patauī meruit, necesse est antiquiorem fateamur, quando Musatus hic obiit Ao. 1329. Scardonio teste *lib. II. de antiquit. urbis Patauī. classe 10. f. 130.*

§. XIV. E quo illud etiam disco, coronatum fuisse ab Pagano Tarriano Antistite & ab Alberto Saxoniae Duce, tunc Patauī Gymnasii Moderatore. Hunc Albertum suspicor esse filium Alberti II. Electoris quem, Annales Ao. 1322. Passauiensem Episcopum esse factum, & Ao. 1342. obiisse confirmant. Facit ergo hanc primæ laureæ palmam, si de tempore quærimus, ambiguum Petrarchæ Musatus, quin & illam alteram, quæ Petrarchæ tribui solet, primorum in restauranda latinitate conatum. Quanquam enim hanc ipsam Petrarchæ vindicat Epitaphium eius apud Scardonium *f. 433.* cui post alios & ipse Vosius *lib. III. de Historicis Latinis c. 1. p. 534.* calculum videtur adiecisse: Pro Musato tamen luculentum testimonium dedit Scardonius idem *f. 229.* tametsi & hoc dicto loco intelligas, aliquid ante Musatum Arsegnino Grammatico bonas literas debuisse:

§. XV.



§. XV. Heic non possum comminisci, cur Musatum plane ptætereat Vossius *c. 7. de Poë-  
tis Latinis*, memoratum tamen sibi inter Hi-  
stóricos Latinos *lib. 2. c. 64. p. 509. & uberius lib.  
3. c. 9. p. 792*. Omnino frustra fui, cum spera-  
rem, in eo viri doctissimi libro aliquid me de  
Poëticæ lauri antiquitatibus inuenturum.  
Habet interim de consuetudine coronandi  
Poëtas aliquid in libro de artis Poëticæ natu-  
ra, sed nec ibi mentio Albert. Musati. Verba  
hæc sunt *c. 10. §. 4. 5. p. 58*. *Est consuetudo coro-  
nandi Poëtas est perantiqua, satis tamen recens  
mos ille, ut a Principe aliquis Poëta fiat laurea-  
tus, ut qui non multo ante Petrarchæ tempora  
cæperit. Innebitur in eum morem Lilius Gyr-  
aldus Dialog. I. Histor. Poëtar. non tamen eam con-  
suetudinem magnopere culpato, modo abusus ab-  
fuerit; cur enim non æque in Poësi possit aliquis  
publico testimonio ornari, quam in Philosophia,  
Medicina, Iure aut Theologia, quæ consuetudo est  
non paulo antiquior.* Hæc Vossius, cui vides  
etiam in mentem venisse cognationis illius,  
quæ lauro Poëticæ intercedit cum aliarum  
gradibus Facultatum supremis. Sed obser-  
vavi tamen egregiam dissimilitudinem: quæ  
tamen iuris an facti sit appellanda, disceptan-  
dum aliis relinquo. Doctorales aut Magiste-  
riales honores nulli conferuntur foeminæ (nisi  
forte per nocturna coniugum commercia.)

At

At possum ego fæminam nominare , cui Poëticam laurum Comes aliquis Palatinus obtulerit. Ea est Elisabetha Ioanna Westonia quam Melissus Poëtriam creauit , vt patet ex Parthenicis eius.

§. XVI. Coronidis ergo, adiiciam verba diplomatis, quo Theodorus Securius XV. Febr. Ao. 1661. M. Beniaminem Prætorium Poëtam renunciat, vt formula, quæ antiquior mihi, quam pro genio huius æui videtur, sit in conspectu. Formula hæc est: *Nos --- Te Poëte titulo dignissimum veteri instituto, auctoritate Imperatoria, vigore nostri Priuilegii, scientes, & animo deliberato Poëtam creamus, facimus & declaramus, laureamque coronam ingeniosissimo tuo capiti imponendam omni tempore & loco pro lubitu & in ipsa etiam Romani Imperatoris presentia, quod alias non - Poëtis piaculum esset, gestandam transmittimus, omnemque Casaream gratiam tibi pollicemur, dantes & concedentes Tibi insimul plenariam potestatem ac licentiam pertotum Romanum Imperium, in omnibus vrbibus, ciuitatibus, communitatibus, Vniuersitatibus, Collegiis & Academiis in Arte Poëtica publice legendi, repetendi, scribendi, disputandi, interpretandi, commentandi, & omnes actus poëticos, quos alii Poëte laureati solenniter insigniti subire & exercere consueuerunt, suscipiendi & exercendi, omnibusque & singulis, quibus iidem Poëte v-*  
tun-

tuntur, gaudent, & fruuntur, ornamentis, insignibus, privilegiis, prerogatiuis, exemptionibus, libertatibus, concessionibus, dignitatibus, praeminentiis, fauoribus, ac indultis utendi, fruendi, potiundi, gaudendi, quomodolibet, de consuetudine vel de iure.

## OBSERVATIO VIII.

De

### IOANNE ISACIO PONTANO ET HVIVS ORIGINVM FRAN- CICARVM LIBRIS SEX.

**I.** *S*criptores Francici praecipui. §. II. Pontanus quis fuerit. §. III. Libro primo Originum Francicarum de Germania antiqua terminis & populis antiquis agitur. §. IV. Libro secundo de Francorum origine, sedibus antiquis & diuisione agitur. §. V. Libro tertio de Francorum nomine & regibus agitur. §. VI. Libro quarto de rebus Francorum sub Imperatoribus Romanis. §. VII. Libro quinto de Childerico, Clodoueo aliisque Francorum regibus. §. VIII. Libro sexto de ritibus, moribus & institutis, regimine, re militari & legibus veterum Francorum dicitur. §. IX. Pontanus ob hoc scriptum aduersarios nactus est pontificios. §. X. Controuersias habuit cum Philippo Cluero. §. XI. Alios adhuc aduersarios de eo fuit nactus.

§. I.

## §. I.

**I**nnotuerunt ab aliquo tempore scriptores qui Francicarum rerum historiam vel antiquitates publico tradere non fuere indignati. Plures tamen inter hosce habemus, qui historiam traderent; pauciores qui originem, ritus & instituta. Andreas & Franciscus du Chesne quidem rerum Francicarum scriptores a Dagoberti temporibus, usque ad Philippum Augustum, quinque tomis congestere. Antiquiora tempora describentes in corpore Francicæ historiæ disposuit Marquardus Freherus. Petrus Pithœus quidem, doctissimus Gallus, in annalibus suis Francorum scripta quædam proponit rario-  
ra, quæ ad historiam Francorum temporis Carolingici faciunt: ex quo plura in tomum suum scriptorum rerum Germanicarum digessit Schilterus. Reliqui Paulus Aemylus, Ioannes Tilius, Hadrianus Valesius, res gestas regum a Pharamundo potissimum describunt. Nec defuere tamen, qui Francorum etiam origines, sedes priscas & mores describerent. Hermannus quidem, Comes Nuenarius, de origine & sedibus priscorum Francorum singularem edidit tractatum. Ioannis Trithemii Chronica de origine Francorum nota est, sed ex Hunibaldo potissimum desumpta, scriptore fabuloso. His ultimis

mis præferendi omni merito sunt Ioannis Ifacii Pontani Originum Francicarum libri VI. in quibus præter Germaniæ ac Rheni chorographiam, Francorum origines ac primæ sedes, aliaque ad gentis in Gallias transitum, variasque victorias, instituta ac mores pertinentia, ordine deducuntur, Harderuici editi 1616. 4.

§. II. Auctor hic Pontanus Helsingoræ, in Seelandia Danica, Belgis natus fuit parentibus, Tychonis Brahei in Huena insula, per triennium, domesticus, Medicinæ dein Doctor, Physicæ & Matheseos in Athenæo Gældriæ Harderuiceno Professor, simulque Christiani IV. Danorum regis & Ordinum Gældriæ Historiographus. Spreta vero postea, Harderuici, linguæ græcæ ac Historiarum, professione, quæ cum 800. aureorum salario offerebatur \*, in Gröningana academia, consenuit, & post Annam filiam Antonio Matthæi, Icto Ultraiectino elocatam \*\* anno 1640. demortuus est \*\*\*. Hæc atque plura de eodem docente Ioanne Mollero. \*\*\*\* Admi-

(6)

E ran-

\* *ep. ad Franc. Gomarum inter epp. ipsius, ab Ant. Matthæo Iun. editas p. 249.*

\*\* *vid. epitbaliū M. Z. Boxhornii in poem. p. 3, 4. 5.*

\*\*\* *Boxhornius in epist. p. 113. Io. Halleruord bibliotheca curiosa p. 195.*

\*\*\*\* *in hypomnem. ad Bartholinum de scriptoribus Danis.*

randæ vir industriæ erat Pontanus, qui ex scriptis pluribus, iisdemque doctissimis fatis est notus, & licet aduersarios quosdam fuerit nactus, de quibus infra dicemus, multa tamen clarorum virorum promeritus fuit elogia, quæ congeffit dictus Mollerus. Speciale est quod de hoc nostro tractatu eidem tribuit, Martinus Opitius \* : *omnem, inquit, Francica gentis notitiam, & quidquid huc facit, magno studio congeffit in originibus Francicis Pontanus.*

- §. III. Dedicauit auctor tractatum hunc, ducatus Gelriæ & Comitatus Zutphanæ Ordinibus, eundemque sex libris absoluit. *ap. 1*  
*et 2.* mo quidem libro Germaniæ terminos & limites metitur, & quidem probat Rhenum, Danubiumque semper mansisse Romanæ potentiae terminos versus Germanos, ita vt si quando Rhenus Danubiusq; congelarentur, aut alias tenui alueo fluerent, metus & supplicationes essent apud alterius ripæ accolæ. Ex limite vero Rheni Germaniam distinctam ait in superiorem & inferiorem : primam & secundam, seu, vti nos loquimur, superiorem & inferiorem. Agit porro de Galliæ Belgicæ termino, fluuio Fleuo, & vero Bataviæ & Frisabonum etymo. De Taciti Mattiacis, qui fuerint : de ripa Romanorum, ad quam ex aduer-

\* in notis ad rythmum vet. de S. Anne p. 12.

aduersa Germanorum ripa neminem nisi inermem & sub custode admissum probat ex Taciti IV. Hist. c. LXIV. Pergit ad Germaniam transrhenanam, & de Sueuis, Vbiis ac Sicambris, Chattuariis aliisque gentibus finitimis & horum veris olim sedibus agit, de Sala fluuio Straboni memorato disquirat eamque, Ifalam interpretatur. Pergit porro ad Frisios, Ansuarios aliosque Straboni non nominatos, Sicambros etiam, atque eos explicat.

§. IV. In libro secundo in Germaniæ magnæ notationem atque diuisionem, qua vsi veteres & præsertim Plinius, inquit, dum Germani distinguantur in Ingeuones, Isteuones & Hermiones, Alteram Germaniæ diuisionem factam fuisse ait in Saxones, Alemannos & Francos, & quidem ex Engelhusio Saxones a breuioribus gladiolis, quibus vsi, ipsis dictos *Sachs* sic adpellatos probat. Progre-

rum testimoniis, & gentium indole probat.

- C. 4. Pergit & aliorum opiniones explodit: eorum primum, qui ex Ciceronis XIV. ad Atticum ep. X. Francos longe vetustiores faciunt, & populos, qui ibi memorantur, de Cæsaris veteranis intelligit, qui ipsius largitione bona.
- C. 5. Pompeii possidebant. Dein variorum refutat opiniones, eorum quidem, qui a Troianis repetunt: Ioannis Goropii Becani, qui a Mœotide palude arcessendos censet: Bodini, qui
- C. 7. a Gallis ortos putat. Adducit dein opiniones aliorum, qui Francos in Franconia quaerunt, vel qui gentem Italiæ Alpibus vicinam faciunt. Adriani Turnebi, qui Francos ex Scandinavia ortos putat: Francisci Hottomanni, qui Francos ea regione ortos censet, quæ inter Albim Rhenumque est interiecta. Wolfgangi Lazii, qui Francos per multiplices nominum anfractus ac metamorphoses modo Cimærios, modo Cimbros, modo Brenchos Sicambrosque facit, eosque per Pannonias e Bosporo quondam egressos, late per Europam se fudisse: Adriani Schriekii, qui Francos non propriam, sed promiscuam Germanorum gentem ac populum esse ait, qui excusso Romanorum iugo, Francorum, id est, liberorum nomen sibi adsciuerint. Tandem Adriani Iunii, qui Francos illos veteres, haut alios fuisse censet, quam quos Cæsar & Tacitus



tus Sicambrorum Germanorumque vocabulo nominarunt, quam sententiam præ aliis probat Pontanus. Perlustrata gente pergit, C. 3. ad distributionem, quam ab Ammiano Marcellino fieri probat in Ansuarios & Salios. Ansuarios quidem vagum hominum genus facit, sine certis sedibus collectitium ac Martium, populum, qui se Francis postea potentia ac gloria nominisque fama paullatim inualescentibus consociauerint. Dictos autem, Ansuarios siue Hansuarios putat ab Hansis, per quos Teutonum Gothorumque idiomate intelligebant, qui cæteros mortales fortuna atque opibus antecellerent: Id quod ex Iornandis lib. XVII. de rebus Geticis confirmat. Inde & Germanorum *ein großer Hanß*, & ciuitates hansaticæ dictæ, quod potentes. Altera gens Francorum erant Salii, quos vltra Mosam Scaldim versus, sedes fixisse ait, occupatis Romanorum territoriis, sed a Iuliano exinde ad propria repulso, teste Ammiano libro XVII. Hosque a Sala fluuio, hodierna Isala sic dictos putat.

§. V. Ad vltiora transit in libro tertio, Lib. 3. atque inquit, vnde Franci fuerint dicti: vbi C. 1. refutatis primum aliorum sententiis Francos non a Francione, Hectoris filio, nec a Franco primo rege, nec a feritate, vel libertate, nec a censu vel alio quouis modo ita adpellatos, sed

a bipennibus, quas francescas dictas ex Gregorio Turonensi libro II. c. XXVII. probat, locum talem adlegans : accepit autem rex francescam eius, quæ est bipennis, vbi tamen, in editione Freheri, solum lego bipennis. Illud autem ex Isidori Origgi. libro XVII. c. VI. patet, secures Hispanas ab usu Francorum, per deriuationem Franciscas vocari. Ex quo potius patescit, franciscas a Francis, non hos a franciscis dici. Pergit vero ad Regum Francorum successionis seriem, quam ordine Hunibaldico ex Trithemio, a Marcomiro, Bosporano rege & huius successore Priamo Troiano ad Clodouæum vsque 47. successioni-

C.2. bus numerat : vniuersæ tamen huius Hunibaldicæ reuolutionis systema confictum & fabulosum opus esse late probat. Discussio hoc

C.3. systemate de potestate regum apud veteres Germanos non libera & infinita, sed certis legibus circumscripta agit. Pergit ad stemma

C.4. regum Sicambrorum, quorum adpellationes Germanicæ esse originis monstrat, Franco-

C.5. rum reges antiquos ex priscis monumentis eruit, hosque Teutonicæ esse prosapiæ pro-

C.6. bat.

C.7. §. VI. In libro quarto res Francorum sub Imperatoribus Romanis gestas considerat : primamque horum sub Valeriano, Gallieno & Aureliano in historia Romana mentionem

fie-

fieri tradit. Pergit dein ad varios Franco-<sup>C.3.</sup>  
rum reges antiquos, Genebaldum, Esatech,<sup>ad 12.</sup>  
Ascaricum, Radagisum, Malaricum, Mello-  
baudum, Theodemerum, Genebaldum, Mar-  
comerum, Sunonem, Farainundum, Clo-  
dium, Meroueum horumque res Imperato-  
rum Romanorum temporibus singulatim ge-  
stas considerat.

§. VII. Vterius progreditur libro quinto  
ad Francorum reges in Gallia, Childericum,  
& Clodouæum, cuius res gestas plenius per-<sup>C.1.</sup>  
sequitur: huius coniugium cum Clotilde,<sup>2.</sup>  
bella Thuringicum, Alemannicum, Burgun-<sup>C.3.</sup>  
dicum, cum Alarico & expeditiones aliquot,<sup>4.</sup>  
minores, conuersionem item ad fidem Chri-  
stianam tradit, Arborichos Francis iunctos<sup>C.5.</sup>  
probat, accuratam temporum Clodouæi  
chronologiam definit. Postea imperii Fran-<sup>C.6.</sup>  
cici incrementa, magnitudinem & diuisionem<sup>C.7.</sup>  
stabilit. Orientalis tum Francia dicta, su-  
peratis Thuringis & Alemannis: occidua  
vero, quæ Galliam pene totam contineret.  
Hæc autem diuisa in Austrasiam, quæ & Teu-  
tonica Francia dicta, quia ibi Teutonice lo-  
querentur indigenæ, cui in diuisione Ludoui-  
ci, Rhenus, Mosa, Vosagus mons, Carbona-  
ria sylua, Schaldis atque Oceanus ad Sequa-  
nam vsque includebatur. Et Neustriam, seu  
Franciam Romanam, quod ibi loquerentur,

Romane, hoc est, Romano in Gallicam Germanicamque phrasin detorto idiomate, & continebat, quidquid inter Ligerim & Sequanam ad Oceanum vsque fuit. Dein demonstrat, qua ratione Imperium Romanum a Francis ad Saxones fuerit deuolutum, quod ex Marfilio Patauino adducit.

- C.1. §. VIII. In libro sexto & ultimo ritus tandem & instituta veterum Francorum adducit, ubi primo de paganismo eorundem & idololatria agit & a planetarum cultu dierum adpellationem deducit: horum vero sub Clodouæo ad Christianismum conuersionem exponit, & quæ ratio synodorum apud eosdem. Notabilis vero est locus Agathiæ libro I. quo omnia Francorum instituta tum sacra tum profana explicat. Sacra autem noster prius exponit, & quidem de monasteriis ac locis sacris agit, Francorumque circa eadem studio ac cultu. Monasteria quippe, eadem ac nunc gymnasia, ab Ecclesia vero & clero separata fuisse probat, ita tamen, ut & criminorum essent ergastula, innocentium refugia. Ecclesiasticarum autem personarum varia fuisse dicit vocabula & officia, hosque inter se præpositos habuisse atque decanos. Inter ipsos vero fuisse camerarios, cellarios, lectores, bibliothecarios, hospitarios, Cancellarios, scribas & Chartularios: Abba-  
tes

tes vero cum dignitate, tum potestate præ-  
 minuisse. Episcopos autem & presbyteros, C.5.  
 quos & clerus & populus elegerit, vtrumque  
 erudiuisse. Episcoporum, quibus adhuc v-  
 xores ducere licebat, erat, synodos particula-  
 res conuocare. Progreditur ad cæremonias C.6.  
 baptismi & eucharistiæ, quam etiam mis-  
 sam fuisse adpellatam dicit. Imaginum cul- C.7.  
 tum apud Francos admissum: festa ac nata- C.8.  
 lia martyrum atque sanctorum celebrata: la- C.9.  
 tinum in sacris idioma, quod tamen postea,  
 ita mutatum, vt in rusticam Romanam aut  
 Theotiscam linguam episcopi transferrent  
 singula, vti ex canone concilii Turonensis sub  
 Carolo M. patet. Transit dein ad politica C.10.  
 instituta, & morem creandi reges considerat,  
 quod electione factum dicit, ita tamen vt filiis  
 successionis prærogatiua concederetur, qui  
 erinti fuerint, comamque alendi veluti ius  
 quoddam sibi solis vindicauerint. Comitua se- C.11.  
 quuntur, quæ tribus ex generibus consta-  
 bant,regali, optimatum & popularium. Ho-  
 rum morem persequitur, qui in eo consta-  
 bat, vt ligno in altum porrecto, scutum su-  
 spendatur & rex folio resideat aureo. Pro- C.12.  
 greditur ad maiores domus & horum offici-  
 um, quibus statim subiungit duces ac comites C.13.  
 horum dignitatem & officia illustrans. Pergit C.14.  
 dein ad tres Francorum ordines, Adelingos C.15.

Frilingos & Lassos, siue nobiles, ingenuos, &  
 C. 16. seruos. Principes quoque siue Reges præ-  
 sentes, ac ore proprio quoque ius dixisse pro-  
 bat. Leges Francis non multas fuisse con-  
 C. 17. tredit, illas tamen recenset. Legem Sali-  
 cam primam facit, de qua notabilis est locus  
 Sigeberti Gemblacensis ad ann. CDXXII.  
 quem adducit: *Franci uti ceperunt legibus, &  
 legem Salicam dictauerunt per quatuor gentis sue  
 procures, electos de pluribus, his adpellatos nomi-  
 nibus: Wisogast, Bosogast, Salogast, Widogast in  
 villis Germaniæ Salochaim, Bodochaim, Winge-  
 haim. Hi quatuor procures per tres mallos con-  
 uenientes caussarum origines sollicitè tractantes,  
 de singulis discutiendo, sicut lex Salica declarat,  
 indicare decreuerunt.* Hanc autem legem a  
 Sala siue aula regia dictam putat, cum tamen  
 iustior videatur sententia Henrici Cocceii, a  
 Saliis populis. Notæ porro apud Francos  
 leges Alemannorum, Baioariorum, Ripua-  
 riorum, capitula Caroli M. Ludouici Pii &  
 successorum, quæ congeffit Lindenbrogius:  
 e quibus aliqua adducit, in primis de iudicio a-  
 quæ frigidæ & feruentis aquæ, ac duelli agit,  
 etiam monetæ cudendæ ius Francis fuisse  
 C. 18. declarat. Persequitur inde priscorum Fran-  
 corum habitus speciem & vestitum, atque ea  
 occasione, de statura Caroli M. agit, inte-  
 grumque Marquardi Freheri de eadem Φιλο-  
 πόνη.

πόνημα inferit. Eiusdem Caroli M. vestitum,  
 ex Eginhardo adducit. Vultus speciem Fran-  
 cis attribuit glaucam, & cœruleam, vestitum,  
 adstrictum & velut membra singula expri-  
 mentem: saga ex pellibus lupinis atque ani-  
 malium, capillum longum, barbam rasam nec  
 squallidam. Inter arma ob ferri raritatem, C. 19.  
 raræ loricae, rariores equestres copiae, ensis  
 femori & scutum sinistro lateri adpendebat:  
 arcubus aut fundis, vel aliis telis, quæ eminus  
 iaciuntur, non utebantur, sed ancipitibus se-  
 curibus, siue bipennibus, quæ postea France-  
 scæ fuerunt dictæ. In oppugnandis urbibus C. 20.  
 non tam valebant, utebantur tamen machi-  
 nis quibusdam bellicis: cingebant vrbes co-  
 rona, utebantur ariete, clitellis, Troia & ma-  
 chinis similibus, quas explicat Pontanus. In C. 21.  
 repugnando potissimum utebantur lapidibus.  
 Aciem & Stratagemata eorum ex Agathia &  
 Gregorii Turonensis II. c. IX, describit. A C. 22.  
 Martese vertit ad Mineruam, & gymnasia ac  
 publica Francorum studia considerat, ubi la-  
 tius adhuc probat, cœnobia fuisse pro gymna-  
 siis. Ultimo tandem capite de lingua Fran- C. 24.  
 corum veteri agit, & quidem contendit, Fran-  
 cos olim Germanico idiomate fuisse vsos, at-  
 que ut hæc dilucidius probet, varia exempla,  
 ex Gregorio Turonensi adducit, quibus con-  
 uenire inter se verba Francica cum Germanis  
 dicit

dicat, quod etiam appellatione mensium a Carolo M. facta ex Eginhardo, variis vocibus: ut *leudes* pro hominibus, *aert* pro terra, *cupa* pro doliis, & similibus probat.

§. IX. Sed licet adplausum multorum reperiret hoc scriptum, nactus tamen de eo etiam varios adversarios. Acerrimus enim defensor religionis reformatæ & oppugnator pontificiæ cum esset Pontanus, illā ubiq; euehere fuit conatus. Feruorē hunc in suam religionem non solum tribus epigrammatibus, quib; horridiora de prædestinatione dogmata defendit, docet: quæ adlegauit Adamus Contzenius in chronologia iubilæi euangelici: sed etiam in synodo Lotharii anno 855. Valencenæ apud Hannonēs Belgii celebrata formulam de diuina præscientia & prædestinatione fuisse compositam probat libro VI. c. I. Quod in tantum mouit pontificios, ut non solum acerrimum censores nactus esset Adamum Contzenium Iesuitam Moguntinum, qui in chronologia sua iubilæi euangelici hoc scriptum tanquam erroribus foedis ac mendacijs conspurcatum censet, sed etiam edicto singulari Romæ d. 10. Maii 1619. proposito in librorum prohibitorum indicem, subscribente Roberto Bellarmino, referretur.

§. X. Alter, quem sibi ipsi fecit, aduersarius erat Philippus Cluuerus; Ediderat ille tractatum



tum de tribus Rheni alueis & ostiis, ac quinque populis, quondam accolis, Lugduni 1611. 8. Cuius sententiæ cum in multis contrarius esset Pontanus, illud non solum in libro primo originum Francicarum exposuit, sed & antea singulares ediderat disceptationes chorographicas, de Rheni diuortiis atque ostiis, eorumque accolis populis, Amstelodami 1614. 8. quibus ad singula capita tractatus Cluueriani respondet. Hic cum se in Germania sua antiqua defenderet, nouâ syllogen disceptationum chorographicarum edidit Pontanus, Harderuici 1617. 8. Sane si ipsam consideremus controuersiam, res dubia est & incerta, quæ vix vnquam vere indagabitur.

§. XI. Alios adhuc nactus fuit aduersarios, in eadem de \* originibus Francicis materia, vti Boxhornius nos docet. Hic enim apologiâ pro originibus Francicis aduersus antagonistas duos, Gallum alterum, alterû Leodiensem adlegat, quæ eidem Boxhornio inscripta & Lugdunum, vt ederet, transmissa, quæ tamen publicata non fuit. De reliquis autem Pontani scriptis egit Ioannes Mollerus in hypomnematibus ad Alb. Bartholinum de scriptis Danorum p. 277.

\* *epist.* p. 71-72. 109. 110. 113.

## OBSERVATIO IX.

AQVAM ET TERRAM PETERE,  
SIGNA DOMINII APVD  
GENTES.

## SUMMARIA.

- §. I. **H**Abebant gentes sua signa dominii  
 §. II. *Varia veterum de hoc more testimonio.*  
 §. III. *Curtii locus explicatur*  
 §. IV. *Idem mos apud Assyrios fuit, & Plutarchus emendatur.*  
 §. V. *Per aquam & terram autem ipsum petebant dominium.*  
 §. VI. *quod per exempla probatur*  
 §. VII. *huius ratio adseritur.*

## §. I.

**V**ariæ inter gentes recepta domini signa, quibus illud vel probare vel sibi deberi & petere contenderent. Inter non minima erat, qui apud Persas obtinebat mos, ut Persarum reges si quas terras occupare & hostilem in modum adgredi vel-  
 lent, misso prius præcone vel feciali aquam & terram peterent, de quo more prius erit dicendum, ipse dein plenius explicandus.

§. II. *Varia veterum de hoc more videmus testimonia, quorum multa congesta videmus a Barnaba Brissonio, eruditi sed infelici Gallo, in suo de Persarum regno libro III. p. m. 311. Ex quo necessaria depromere & alia addere, singula vero explicare nobis licebit.*

De

De Xerxe quidem narrat Diodorus Siculus sub initium libri XI. ὡς δ' ἦκεν εἰς Σάρδεϊς, κήρυκας ἐξέπεμψεν εἰς τὴν Ἑλλάδα, προσάξας εἰς πάσας τὰς πόλεις ἰέναι, καὶ τὰς Ἑλλήνας αἰτεῖν ὕδωρ καὶ γῆν. *Statim vero ac Sardes venit, pracones misit in Graciam, precipiens iis, omnes urbes circumire & a Gracis petere aquam & terram.* Venerunt isti legati Athenas, de quo Aristides in Panathenaico ait: καὶ πρῶτον μὲν ἡ τῶν κηρύκων περίοδος ἡ γιγνομένη κατὰ τὴν Ἑλλάδα ὑπὸ ἐκείνῃς τε καὶ τῇ μετ' ἐκείνον βασιλέως περὶ τῆς γῆς καὶ τῆς ὕδατος, ἀπὸ ταύτης τῆς πόλεως ἤρχετο. *Prima quidem Praconum accessio in Graciam, quae sub illo, & huius successore facta, ad petendam terram & aquam ab ista urbe venit.* Darius cum in Scythas bellum moveret, horum regi Indathyrso, misso equite scripsit, si ad resistendum par esset, ut praedium conferret: sin vero se imparem agnoscat, desistat fugere, addens: δασπότῃ τῷ σὺ δῶρα φέρων γῆν τε καὶ ὕδωρ ἐλθεῖς εἰς λόγους. *hero tuo munera offerens, terram atque aquam, veni in colloquium.* Ad quæ vero Indathyrsus inter alia respondet: σοὶ δὲ ἀντὶ μὲν δῶρων γῆς τε καὶ ὕδατος, δῶρα πέμψω τοιαῦτα ὅασοι πρέπει ἐλθεῖν tibi autem pro terra & aqua, quæ dono poscis, mittam quæ decet ad te venire dona. describente Herodoto lib. IV. c. CXXVII. Sic etiam Megabyzus, narrante He-

Herodoto lib. V. c. XVII. nuntios in Macedoniam ad Amyntam misit septem Persas, qui post eum eant in exercitu spectatissimi αἰτή-  
 σοντες γῆν τε καὶ ὕδωρ Δαρείω βασιλεῖ *petentes*  
*terram & aquam Dario regi.* Idem in Græciam  
 liberam moturus, ut exploraret Græcorum  
 animos præcones misit, καλέων αἰτέειν βασι-  
 λῆ γῆν τε καὶ ὕδωρ *iubens petere regi terram & a-*  
*quam* Herodotus lib. VI. c. XLVIII. Sed qua-  
 le fatum isti nuntii tum acceperint, idem nar-  
 rat lib. VII. c. CXXXIII. alios enim in bara-  
 thrum, alios in puteum coniecerunt Græci,  
 ἐκέλευον γῆν τε καὶ ὕδωρ ἐκ τεττέων φέρειν παρὰ  
 βασιλέα *iubentes terram & aquam ex istis fer-*  
*re ad regem* quod etiam confirmat Polybius  
 I, 32. Quare Xerxen dicit neque Athenas  
 neque Spartam legatos terram petitem misis-  
 se: quod etiam confirmat Aristides in Pana-  
 thenaico. Hinc laudatur factum Themis-  
 toclis, quod interpretem, qui hoc legationis  
 sub Dario munere fungeretur, Græcæ Persi-  
 cæque linguæ peritum plebisciti autoritate ni-  
 xus, morte multauerit. Plutarchus Themis-  
 tocle *p. m. 114. ed. Xylandri.* Ipsum etiam  
 Atheniensium hac de re plebiscitum celebrat  
 in Panathenaico Aristides. Mitius vero Mar-  
 donii legatos excipiebant Athenienses. Hic  
 enim ad Athenienses legatum mittebat Ale-  
 xandrum, Amyntæ regis filium, petitem a-  
 quam

quam & terram: hunc seuera comminatione castigatum orbe excedere iusserunt, vbi testatur Harpocraton voce *Ἀλέξανδρος*.

§. III. Alexander Magnus cum disposita contra Persas acie agmen obequitaret, varia oratione vt cuiusque animis aptum erat, milites adloquens Græcos cum adiret, hos ita admonebat, *ab iis gentibus illata Græciæ bella. Darii prius, deinde Xerxis insolentia, aquam ipsam terramque postulantium: vt neque fontium haustum, nec solitos cibos relinquerent,* referente Curtio III c. x n. 8. Mire hic locus Curtii torfit interpretes, cum alii, vt Modius tributo pro aqua & terra soluendo interpretarentur. Alii pro *postulantium* legunt *populantium*, & de fluuiis ab Xerxis exercitu sic Ioannes Freinsheimius horum sententias iuste explodit cum Darii & Xerxis coniunctim fiat mentio: Alexander hoc adscribat insolentiæ, cum tamen ex necessitate potius ob multitudinem flumina exsiccarit Xerxis exercitus. Et si hoc intellexisset Alexander non dixisset fontium haustus. Bizarus hist. Persicæ lib. II. nouam plane amplectitur opinionem, dicens Persas populos esse fontes inficiendo. Sed etiam hoc contra verba est.

§. IV. Similem apud Asfyrios morem obtinuisse ex historia Iudith cap. II. v. 6. patet, vbi Nabuchodonoso iubet Holoferni adnuntiare gentibus *ἑτοιμάζειν γῆν καὶ ὕδωρ*. Ali-

ter quidem Plutarchus libro *περὶ τῆ μη δειν δανειζομαι* sub initium exponit, & quod ignem atque aquam petierint, contendit, ubi ait, *Φεῦγε πολέμιον, καὶ τύραννον δανεισὴν ὅς πῦρ αἰτῶντα καὶ ὕδωρ, ὡς ὁ Μῆδος ἀλλὰ τὸ ἐλνυθρίας ἀπτόμενον καὶ πρὸς γράφοντα ἐπιτιμίαν* fuge hostem & tyrannum fœneratorem: qui non ignem & aquam sicut Medus, poscit: sed libertatem tentat, multam adscribit. Bene tamen Brissoniùs monet, loco γῆν facile per librariorum imperitiam scriptum fuisse πῦρ.

§. V. Per istam autem terræ & aquæ petitionem, non tantum vt sibi commearus pareretur, petebant, sed ipsum terræ dominium. Docet illud Aristides in Panathenaisco: καὶ πρῶτον αἰμῆδενός ἦν εὐρεῖν πλὴν ἐκεῖν, αἰτεῖν μὲν γὰρ ἔφασκεν ὁδὲν τῶν ἀλλοτρίων ἀλλ' ἀπαρχὰς γῆς καὶ ὕδατος: πάντων δ' εἶναι τῶν κύριος: *Et prædixerunt quæ nemo, excepto illo poterat inuenire. Dicebant enim, se nihil aliud petere ac tributum terræ Et aquæ siue se velle esse dominos omnium.* Quare & Aristoteles II. Rhetor. scribit: ὅτι τὸ δίδόναι γῆν καὶ ὕδωρ δαλέυειν ἐστὶ *quod dare terram Et aquam idem est ac seruire.* Himerius etiam in Polemarchico, terram & aquam quam Persarum reges poscebant δαλείας symbola adpellat, & Stobæus ferm. I. ex Theseo adducit, Xerxem terram & aquam ceu ἀπαρχίας τὴν λείας *præde primitias* postulasse. Ad-

Adgnouerunt id Græciæ populi, qui cum de Romanorum postulatis deliberarent, hæc quoque proponebant: *initium semper per ius iniusta impetrandi fieri nisi crederent Persas cum aquam terramque ab Lacedæmoniis petierunt, glebaterra & haustu aquæ eguisse.* Liuius XXXV c. XVII

§. VI. Hinc etiam illæ ciuitates, quæ Xerxi petenti terram & aquam negarent, in responsis testabantur τὴν περὶ τῆς κοινῆς ἐλευθερίας σπαρδὴν Diodorus Siculus lib. XI *sub initium.* Illæ vero ciuitatis, quæ ad postulata terram & aquam cedebant, se dominio subii, ciebant. Exempla huius rei varia. Sic legati Amyntæ regis obtulerunt Dario terram & aquam Herodotus lib. V. cap. XIII. Idem fecerunt in fulani, Herodotus VI c. XLIX Gelo Syracusanorum tyrannus, vbi primum Xerxem Hellepontum, traiecisse audiit, Cadmum Coum cum mandatis misit τὰ τε χεῖρα αὐτῷ δίδοναι, καὶ γῆν τε καὶ ὕδωρ Concedere ipsi omnes possessiones terram etiam & aquam, Herodotus XII c. CLXIII

§. VII. Ratio autem cur sub aquam & terram petendo, ipsum dominium quæsiuerint sine dubio hæc erat: regiones aqua & terra constant; homines binis hisce ad quotidianam vitam vtuntur ita vt nec vini nec mortui iisdem carere possint. Quid ergo aliud per

quam & terram petebant Persæ, quam plenum rerum dominium cum per terram & aquam omnes sibi incolas subiicerent.

## OBSERVATIO IX.

De

### VITA ET SCRIPTIS DANIELIS CASPARI A LOHENSTEIN.

#### S V M M A R I A.

**O**ccasio scribendi §. I. Lobensteinii, natiuitas & parentes §. II. Educatio §. III. Studia scholastica §. IV. Studia academica & Peregrinationes §. V. Domum is redit, & matrimonium init §. VI. Munia obit §. VII. Sublime dicendi genus excolit. §. VIII. Arminium & Thusneldam scribit §. IX, Iudicium de eo. §. X. Encomium ejus §. XI. Apoplexia moritur §. XII. Tragædias condidit. §. XIII. Easque notis illi ustrauit. §. XIV. Varia poemata florum nomine edidit Rosas scilicet §. XV. Hyacinthos §. XVI. Primulas Veris §. XVII. Poemata ejus sacra. §. XVIII. Orationes funebres. §. XIX. De editione operum poeticorum §. XX. De iis iudicia §. XXI. De editione Arminii §. XXII Lobensteinii mores §. XXIII. Amici §. XXIV. Balthasar Fridericus Baro Logauius §. XXV. Ioannes Casparus Baro Abschatzius §. XXVI. Fridericus a Roth. §. XXVII. Aliique §. XXVIII.

§. I.



## §. I.

**C**Larorum Virorum facta moresque posteris tradere; antiquitus vsitatum, ne nostris quidem temporibus, litteratorum cura omisit. In illorum censum Lohensteinium omnino referi posse, nemo inficias ibit, nisi qui scripta eius nunquam legit. Quamobrem præcipua vitæ eius momenta paucis hic complecti operæ fuerit pretium.

§. II. Lohensteinius ex Silesia ortus, in ducali arce Nimpfschii oppidi ducatus Bregensis VIII. Calend. Februarii anno MDCXXXV. natus est. Patrem Ioannem Casparum, senatorem patriæ, & Cæsareorum ibidem redituum. Censitorem habuit, quem Imperator nobilitaverat, eique Lohensteinii cognomen; ex saxo quodam perforato, quem Loha in agro patrio amnis interfuit, desumptum, dederat.

§. III. Ab hoc præcautum atque provisum est, ut filius doctrinis quibus puerilis ætas impertiri debet omnibus, erudiretur. Hinc is septennis ex patrio ludo, in Vratislaviense gymnasium Maria - Magdalenum est missus, ubi novem annos in litterarum studio consumsit.

§. IV. Erat autem in adolescentulo præter oris vocisque suavitatem summa docilitas ingenii, ut non solum celeriter acciperet quæ tradebantur sed etiam quæ

ipse excogitauerat, excellenter pronuntiaret. Cui rei testimonio sunt tragoediae, *Herabim Bassa*, *Agrippina* & *Epicharis* dictae, quas inter Scholasticas lucubrationes vix quindeccennis condidit. At in iis tamen grande genus poematis, in eoque tristitia & atrocia caedes, luctus, atque querelas decenti vehementia egregie expressit.

§. V. Ingeniis studiis artibusque delectatus, sedecennis academias petiit Lipsiensem primum, ubi Carpzouium, deinde Tubingensem ubi Lauterbachium celebres Jure Consultos docentes audiuit, huiusque sub praesidio de voluntate disputauit. His peractis reliquit academias, ingenii enim magnitudo atque celeritas, qua pollebat, extra hos cancellos egrediebatur, quos jurisprudentiae addiscendae Tribonianus circumdederat, ut quinque annos eo studio cupida legum iuuentus tereret; id quod Lohensteinus noster biennio laudabilius peregit. Tunc peregre abiens in patria, ut ne peregrinum ageret; Electorum atque Principum Germaniae splendidiore aulas, & ipsa comitia Ratisbonae habita perlustrauit. Inde per Heluetiam, amoenumque Rheni tractum, adductus est in foederatum Belgium, ubi Lugduni, Ultrajectique maxime eruditionem virorum conuersatio eum detinuit; usque dum per

per Hamburgum Silesiam repetiturus erat. In quo itinere maris seditio tredecim naves supprimebat hac vnica seruata qua Lohensteinius vehebatur.

§. VI. Vratislauiam cum rediisset desiderio peragrandi & Italiam & Galliam tenebatur, quod earum gentium linguas vna cum Hispanica [ vt Scaliger & Muretus eruditionem suam omnem ] in admirationem omnium *αὐτοδίδακτος* ferme didicerat. Sed in Italiam tendenti, cum tutum pestilentia non permetteret iter Viennam Graciā rediens peruenit; magnaue insimul Hungariæ parte collustrata patriam petiit. Vbi fructus diligentiae suæ percipere inceptans anno M DCLVII. primum auspiciatum iniit Conubium, ex quo filium vnicum, tres filias suscepit.

§. VII. Deinde Ducis Olsnenfis Consiliariorum ordini adscriptus, demandata negotia præclare gessit. Tandem inclutæ Vratislauensium reipublicæ capiti Silesiæ operam suam condicens, syndici spectabile munus suscepit. Hanc quam nactus erat spartam, domi forisque eximiè ornauit, & cum in curia, tum in legationibus ad Inuictissimum Leopoldum, virum semper se præstitit, opinionem quam omnes de eo conceperant dignum; promeruitque simul, ut Consiliarii titulo ab Imperatore ornaretur.

§. VIII. Hæc ergo ciuilem statum eius merita sunt non mediocria: si autem ea consideraturus es, quæ in litterariam rempublicam, quæ in excolendam linguam germanicā fecit prorsus excellentia reperiēs. Is enim primus est, qui sublime dicendi scribendique genus ea felicitate in Germaniam introduxit, qua nec ante nec post eum quisquam vsus est. Hinc ipsi & inuentionis & propagationis geminata gloria cedit. Nam si apud Gallos Balsazius, apud Hispanos Gratianus, sublimis orationis inuentoress & architecti celebrantur, quidni Lohensteinium iisdem laudibus Germani ferre debent?

§. IX. Sed Oratoris laudes excedit amplitudo eius eruditionis, Poetam enim, Historicum, Philologum, Philosophum, & Jure-Consultum, vno nomine verum Polyhistorum eum fuisse; inter genuinos bonarum litterarum æstimatores nemo facile inficiabitur. *Arminius & Thusnelda* inter concatenatos curiæ labores, inter frequentes arthritidis dolores, elaborati, autorem abundè probant inter Germaniæ eruditos, insignem, quidni principem locum? eum mereri.

§. X. Hinc vir quidam præclarus qui Arminium perlegerat, sic de eo existimavit: Librum in quo solidæ plus eruditionis sit cumulatam, se nullum adhuc reperisse; nec heroicum scriptum legisse, ad quod attentius cogita-

gitationes essent dirigendæ, quodque aciori perpendendum sit iudicio, non obscuritatis sed materiæ sublimitatis & scribendi generis causa; res enim in vtramque partem ventilata, in medio indecisâ relinquitur. Veræ eruditionis nectarem generosæ iuuentuti, grato dicendi lepore, historiis atque politicis axiomatibus referto, tanquam condimento perspersum in eo propinasse.

§. XI. Nam id quod Franciscus Mothæus Vayerius in Gallia magnus Philosophiæ antistes, & Didacus Saavedra Politicus in Hispaniis clarissimus, summa vtrique ingenia: boni in scriptis suis spirant; id ex ipsis fontibus autoribus græcis & latinis (quos diligenter legerat) haustum, egregie in hoc opere expressit Lohensteinius; cuius nec sublimius quicquam iudicio aut rectius, nec eloquentia grauius, nec rotunditate decentius, nec vbertate fertilius Germanorum habet eruditio. Adeo non historiæ tantum dignitatem perfecit, sed mensuram omnis fermè sapientiæ, qua hominibus licet expleuit.

§. XII. Unicum hoc deplorandum restat, quod supremam manum insigni huic operi non imposuerit, nec ultima lima id profecutus fuerit, præmatura morte ereptus. Annum enim quadragesimum nonum agens IV. Calend. Maji inclinato in postmeridianum

tempus die anno MDCLXXXIII. apoplexia arreptus ex improviso interiit, & III. Non eiusdem Maii in ædibus D. Mariæ Magdalenæ olim dicatis, splendido funere, quod præter celebriores Silesiæ vates, latino quoque epigrammate extemporaneo Franciscus Liber Baro de Nesselrode S. C. M. Camerarius condecorauit, humatus est. Postea germanus quidem Ioannes Christianus a Lohenstein opus Arminius insignitum, grande hoc ce fratris sui, ad finem (ut dici solet) sed forté non vbique fratris ingenio scribendique sublimitate, perduxit.

§. XIII. Præter Arminium alia adhuc exquisita scripta à Lohensteinio nostro elaborata extant; breuioris enim vitæ iacturam indefessa eius solertia compensabat. Primo loco nominandæ veniunt *Tragædia* à iuuentute gymnasiorum Vratislauenſium in scenam productæ agitæque; quarum tres priores vt supra iam monuimus, ad imitationem Andreæ Gryphii quindecennnis condidit. In *Ibrahim* *Bassa*, ex Scuderii descriptione Ibrahim plurima hausit. *Epicharis* & *Agrippina* Neronis crudelitatem, atque tyrannidem & Senecæ loquuntur interitum. Hæc Ludouicæ Ascanienſi Principi Lygio-Bregenſi; Illa Ottoni Baroni Nostizio inſcriptæ. Has excepit *Cleopatra* anno MDCLXI. condita, Senatui Vratislauenſi oblata. Sequuntur virilis

rilis ingenii opera; tragœdiæ *Sophonisbe*, eo tempore quo Imperator cum Margaritha Hispanica, & *Ibrahim Sultan*, quo cum, Austriaca, auspiciatissima concelebraret connubia, repræsentata. Illa Francisco Baroni Nesselro-dio dedicata temerariam Massanißæ Regis, at-que Sophonisbæ reginæ Numidiæ, coniun-ctionem, huiusque mortifera potione inter-emptæ obitum describit. Hæc Imperatori sacratæ, falacitatem Ibrahimi Sultani ad in-feros relegatam damnat; e contrario vero Augustissimi Leopoldi & Claudie Felicitatis castum amoris ardorem summa laude ad cœ-lum extollit.

§. XIV. Ut in tragœdiis versus pangendi solertiam, ita *in notis & additionibus*, his adje-ctis, insignem suam historiæ, & antiquitatum probavit peritiam. Ad Epicharim & Agrip-pinam collecta scholia, in antiqua historia Romana doctissimum; ad Sophonisben in Hebræorum, Græcorum atque Phœnicum antiquitatibus probe versatum eum fuisse; additiones ad Cleopatram mysteria Ægypti-orum eum intellexisse, & ad Ibrahimum Bas-sam, & Ibrahimum Sultanum, itidem tragœ-dias, historiæ regni Turcici exactam notiti-am habuisse, satis abundè declarant. Nec in rei nummariæ intelligentiâ hospitem aut rudem fuisse, Lohensteinium indicio sunt ad-iecta hisce scholiis illustrationis gratia rariora numis-

numismata, imagines clarorum virorum  
 foeminarumque in quorum mentionem ibi  
 incidit repræsentantia, atque eleganter æri in-  
 cila, ex theca sua nummaria, quam bene instru-  
 ctam, sicuti & bibliothecam, libris historicis  
 & antiquitates inscriptionesque explicanti-  
 bus maxime refertam, ipse habebat; plera-  
 que defuncta, atque delineata. Sed post  
 mortem vtrique vendita & distracta est. Nam  
 venit plerumque, id usu eruditis, ut colle-  
 ctos multo studio, magnisque sumptibus li-  
 bros, hæredes dissipent. Rarum ergo igitur  
 est, id quod Thuanæ bibliothecæ accidit,  
 quæ ad nepotem vsque propagata, tum vero  
 alienata, etiam num quamvis Menarsianæ ti-  
 tulo Lutetiæ Parisiorum adseruatur.

§. XV. Præter has quas hætenus recen-  
 sui tragœdias; sub Florum quoque nomine  
 anno M DC LXXX. varia Carmina, iu-  
 uenilis ingenii opera, Lohensteinius coniun-  
 ctim edidit, in quibus primo loco *Rosa*, Fride-  
 rico Rothio Cancellario Bregensi, bonarum  
 artium æstimatori anno M DC LXVIII.  
 dedicatæ continentur; in iisque præter epi-  
 thalamia & epigrammata quædam, nec non  
 Colorum atque pulchritudinis & humanita-  
 tis certamina, octo epistolæ heroicæ, quarum  
 prima soluto, reliquæ stylo mictris allegato  
 conditæ; in quibus tamen herbam Domino

ab



ab Hoffmanswaldau porrigit. His de conjunctione astrorum & animorum adiecta est oratio.

§. XVI. Rosas excipiunt *Hyacinthi* ex Aiacis tumulo primum prognati Salaminii, a Lohensteinio vero in clarorum virorum exequiis sparsi, i. e. Carminum funebrium collectio quibus supremi diei aliquot primatum celebrationem, imprimis Andreæ ab Assig, Syndici Vratislaviensis, & Andreæ Gryphii Ducatus Glogouiensis Syndici meliorum Silesiæ Vatum, splendidiorum reddidit. His & alia adiecit quibus secundæ fortunæ & vitæ aulicæ vanitatem delineat; nec non ad Balthasarem Fridericum Baronem Logauium, idyllion, & latinam Alberti Niclasii Ecclesiastæ Petro-Paulini Gedanensis ad Bernhardum Guilielmum Nuslerum Confiliarium Bregensem, epistolam, mortem Martini Opitii exponentem, tantique Viri famam a calumniis vindicantem.

§. XVII. Sequuntur *primulæ Veris* (seu vt Germani efferre solent *Himmels Schlüssel*) anno octuagesimo post millesimum & sexcentesium Ioanni Adamo a Posadousky Confiliario Cæsareo, Ducatusque Bregensis Capitaneo inscriptæ, Sacra continentes poemata: Scilicet miraculosam Saluatoris nostri natiuitatem; meditationem de æterna generatione

ratione & incarnatione filii Dei: & alia quædam gratiam Dei in natiuitate filii adumbrantia.

§. XVIII. Extant præterea Lohensteini meditationes. *Sacra in Caput LIII. Propheta Esaie*, ex quibus luculenter patet, eum non tam humana sapientia obrytum, quam sacrorum quoque eloquiorum scientia fuisse præditum. Quanto melius igitur, ingenium vocemque intendit ad honorem Saluatoris? quam ii qui Asteriæ, Syluiæ & Dorindæ lartiarum histrionicarum amores cecinerunt. In versus heroicos etiam ex gallica lingua desiderio illustris cuiusdam personæ satisfactorus *Illuminatum Aulicum* transtulit. Cui oda in natalem diem Leopoldi Archiducis Austriæ & alia quædam sunt annexa.

§. XIX. Præterea cum disertus esset, & dicendo imprimis valeret, eique tanta esset commendatio oris & orationis, vt vnus omnibus antiponeretur, quod sententiis aut accommodatior aut crebrior, verbis aut ornatior aut elegantior in Germania nemo vnquam extiterit, funebres orationes sæpe numero habuit. Ex quibus Concio in exequiis Illustris Christiani ab Hoffmanswaldau dicta, & panegyricus in præmaturum & acerbum, vltimi Lygio - Bregensis Principis Georgii Wilhelmi funus, eminent.

§. XX.

§. XX. Quod ad editiones operum Poëticorum Lohensteinii attinet. Separatim prodierunt singulae Tragœdiæ distinctis annis, Ibrahimus Bassa scilicet anno M DCLIII. Cleopatra anno M DC LXI. Ibrahimus Sultan anno M DC LXXIX. & sic reliquæ. Anno M DC LXXX. vero Sophonisbe & Cleopatra Tragœdiæ, Florumque Sparso cum præfatione Autoris, coniunctim in 8. prodierunt. Postea anno M DC LXXXIX. & M DCCI. in eadem forma, adiectis Agrippina Epichari & Ibrahimis tragœdiis, nec non Lohensteinii manibus, hæc opera recusa sunt. Oratio in exequiis Dni ab Hoffmanswaldau huius poeticis operibus annexa; Panegyricus vero in Georgii Wilhelmi Principis Lygio Bregensis obitum Bregæ in folio typis exscriptus est.

§. XXI. De Tragœdiis hisce, magnus ille Germaniæ Polyhistor Daniel Georgius Morhofius *In dem Unterricht zur deutschen Sprach und Poesie cap. IX. p. 391. & 392. & cap. XVI. p. 669.* iudicat; quod Lohensteinius elaborationem earum in lingua Germanica (vna cum Andrea Gryphio) omnibus numeris absolutam reddiderit, ut in hoc quoque genere habeamus, quod opponamus exteris. Nec in aliis poematum generibus hos infeliciores fuisse; subnectit; Lohensteinium enim

nim sententiosum esse, idoneumque multa paucis comprehendere tū in tragœdiis, tū in odis. Ita bene vero cessisse ipsis poetice, quod veteres autores græcos pariter ac latinos imitaturi sibi proposuerint. Nam his remotis quid perfectū, quid completum elaborari potest? Autor speciminis dissertationis historico-Criticæ de Poetis Germanicis huius seculi præcipuis, sic de Lohensteinio nostro existimat: *Celebrior Vates est, inquit, & maior, quam ut eius laudes pagina capiat nostra. Omnium propè manibus teruntur poemata ipsius, Wratislauiæ in 8, diuersis annis edita, ubi præ cæteris tragœdiarum eminet cothurnus. Dictio eius, ut facile patet grauis, sublimis, profunda, sententiis magnificis, similitudinibusque, & omni rerum nitore, tanquam stellis coruscis splendens, nec ulli Grajorum Quiritumve maiestate styli & exquisito verborum apparatu secunda: obscurior vero sæpe, & plerunque in suavior in aures ruens. At tamen nihilominus ejusmodi umbras ingenii lumine, spirituum sensuumque sublimitate, eruditionis haud vulgaris vbertate nusquam non castigat Noster ac pensat.*

§. XXII. Arminius, ut supra iam monuimus, à fratre, ad finem perductus, à filio Autoris, Daniele Casparo Lohensteinio, Potentissimo Friderico Borussorum Regi consecratus in duob9 tomis in 4. Lipsiæ figuris ære in-

re incisus ornatus, prodiit. Prior tomus anno M DCLXXXIX. alter sequenti anno excusus.

§, XXIII. Scriptis ordine haftenus recensitis Lohensteinii, nunc & ipsorum autorem eiusque mores describam, verbisque designabo. Is cum tempus posceret, splendidus erat & liberalis, patiens & laboriosus, in summas reipublicæ curas diem, in studia atque amicorum officia noctes infumens, temporibus simulando & dissimulando callidissime inserviens. Idem simul ac se remiserat, & ut Plinius in Laurentio, Cicero in Tusculano suo, sic in villa sua Kittellau dicta rusticabatur, & inter nemorosos colles amicorum consortio laxabat animum, hospitalis, iucundus, affabilis, amicosque comparare aptus erat; quos inter clarissimos temporis sui viros numeravit.

§. XXIV. Tres hic saltem nominabo; nam si animum inducerem, singulos quorum familiaritatem coluit atque servavit indicare, non possem quin complures Purpuratos Cæsaris, totidemque Silesiæ Proceres, Principum amicos, aliosque spectabiles doctri- & dignitate viros, cum primis Vratislaviensis reipublicæ antistites, recenserem, atque consignarem.

§. XXV. Primo igitur loco Balthasarem

(6)

G

Fri-

Fridericum L. B. de Logau, Silesiæ Peire-  
scium, cuius recentem hoc ineunte anno fa-  
ctam iacturam, hodie adhuc deplorant eruditi,  
duntaxat nuncupabo. Conuersationem quæ  
inter eos quorum prædia erant confinia in-  
tercefferit, eleganti Carmine expressit Lo-  
hensteinius.

§. XXVI. Logauio Ioannem Casparum  
L. B. ab Abschatz iungam, eiusdem dignitatis  
virum, ille enim Bregensis, hic Lignicensis  
ducatus nomine, Assessoris munere in publi-  
cis Statuum Silesiæ Conuentibus functus est.  
Ille Poetis amicus, hic Poetam ipse agebat ele-  
gantissimum, qualem Germania raro habuit.  
Id quod, me tacente, concinna eius Guarini  
Tragi-Comœdiæ, *Pastor fidelis* appellatæ, ver-  
sio, carmenque multifaria eruditione refer-  
tum, quod Tomo primo Arminii præmissum  
legitur, clarius indicabunt. Hunc multorum  
annorum amicum, susceptoremque infantis  
suæ, moriens reliquit. Abschatzius enim an-  
no MDCIC. demum, quinquagesimum,  
tertium ætatis annum agens, vita functus  
est.

§. XXVII. His vnicum solum addo, Fri-  
dericum a Roth Cæsaris Consiliarium, Du-  
catuumque Lignicensis & Bregensis Can-  
cellarium, cuius spectatam quanti fecerit no-  
ster amicitiam, ipse in dedicatione Rosarum  
his

his verbis optime expressit : *Iacundius adhuc suauissima huius solitudinis condimentum succurrit, nempe amplexus Tui, dimidium mei, in villa mea; in qua utrique sinceritatem primi aui & dulcedinem aurei seculi degustantes aularum vanitates, staltitias hominum, profanum vulgus, & non raro nosmet ipsos ridebamus. Non memini nos unquam, alibi, quam hic & in hortis tuis, cum Illustri Viro Domino Posadowskio paucisque amicis, amantiore consortio fructos fuisse. Incumbebat nobis nox, sed nulla nos poterat capere sarietas amicitia nostra fruendi. O illustrem noctem! O amico amicam solitudinem! qua ad exemplum Damonis & Pythiae ipsum etiam Dionysium exterminassemus! o ineffabilem infucata familiaritatis dulcedinem; quam varius bibere contingit, ac ex poculo Regis Persarum vel ipsius Iouis! O indissolubile animorum fœdus! quo auspice, totus orbis legum carere posset vinculis; cum simul atque sibi aliquid quam alteri maluerit, amicitia nomen occiderit! Fruamur igitur dum vita suppetit, tam laudabili & honesta necessitudine & hoc quinto elemento, sine quo vita vitalis non est. Præstemus fide nostra posteritati exemplar pristini aui, & integra amicitia, quam maleuoli nobis inuidere, sed nec inimici calumniari potuerunt.*

§. XXVIII. Facili quidem negotio hic ad iicere possem Franciscum L. Baronem de Nesselrode, Cæsaris Camerarium; Ottonem

G 2

L. Ba-

L. Baronem de Nostitz, & Iohannem Adamum a Posadowsky vtrumque Cæsari a consiliis; nec non in medium proferre manes Christiani ab Hoffmanswaldau, Curiae Vratislauiensis Præsidem; quem Silesiæ Apollinem Lohensteinius vocat; Andreæ ab Assig huius in Syndici officio Collegæ, Andreæ Gryphii celebrioris Poetæ Germaniæ, aliorumque, sed singulorum commemoratio singulas descriptiones mereretur.

## OBSERVATIO XI.

De

SIGNIFICATIONE VOCIS *ἔξουσία*

IN I. COR. IX. ET XI.

SYNOPSIS.

§. I. **R**egula Critica ad legendos auctores commendantur. §. II. Regula Critica ignotior exhibetur. §. III. Quinam vocabula ignotiora componant, docetur. §. IV. Quotuplicia sint illa, explicatur. §. V. VI. Exempla quedam afferuntur. §. VII. VIII. Vfus regule Criticæ §. II. allata in Scriptura S. & præcipue §. IX. X. XI. XII. XIII. XIV. in Paulo intelligendo. §. XV. Iniqua & improba iudicia Auctor a se deprecatur.

§. I.



§. I.

**A**D scriptores intelligendos valde conducunt regulæ artis Criticæ, notiores pariter & ignotiores. Vtrasque igitur studiose attendere, & inter legendum, in promptu habere debemus, quo feliciter mentem Auctorum assequamur.

§. II. Inter ignotiores merito numeratur illa: *Auctores sæpe habent vocabula quædam ex simplicibus analogice composita, quorum significatio, quia usu non frequentatur, obscura est.*

§. III. Auctores horum vocabulorum sunt illi fere, qui vnam linguam bene, ceteras minus bene callent, & nihilominus etiam hisce aut scribere aut loqui coguntur.

§. IV. Ipsa hæc vocabula in duo genera describi possunt. Alia enim componuntur ad analogiam linguæ notioris, alia ad analogiam ignotioris.

§. V. Prioris generis exempla plurima, quotidie colligere possumus ex colloquiis Gallorum, qui apud nos versantur. Dicunt enim *Mitwissen* / cum suum *conscience*, *antworten* cum suum *appliquer*, exprimere volunt. Neque etiam Castalio vir latine doctissimus, cum N. T. Græcum in Gallicam linguam transferret, analogiæ huius fallacias vitare potuit. Nam pro *prepuce* barbare, dixit *avantpeau*, pro *incirconcis* dixit *empellé*,

pro concubine d' un homme marié dixit *arriere-femme*, ceu dici solet *arriereboutique*.

§. VI. Posterioris generis exempla sup-  
peditant libri eorum, qui Latinæ linguæ im-  
périti latine tamen scribunt. Hi tales sæpe  
vocalibus Latinorum affingunt significa-  
tiones quasdam de quibus illi nunquam cogi-  
tarunt: v. g. voci *infractus* tribuunt significa-  
tionem vocum *non fractus*, quia *indictus*, *inui-  
tatus* dici solet pro *non dictus*, *non vocatus*.

§. VII. Harum obseruationum vsus, et-  
iam in Scriptura S. interpretanda, non me-  
diocris est. Præsertim cum *ιδιωτικόν τι* in  
eius stilo subinde reperiatur, & a doctissimis  
Patribus agnoscatur. Quos prolixè allegat  
Vir doctissimus D. IO. OLEARIVS in *Tra-  
ctatu Philologico-Theologico de Stilo N. T. Sect.  
Didact. membr. III. p. m. 79. seqq.*

§. VIII. Non erit superuacaneum, insi-  
gni exemplo vsum illum commonstrare.

§. IX. Paulus linguæ Græcæ satis peritus  
erat, quippe Tarfi, vbi lingua Græca florebat,  
natus. Nihilosecius analogiæ illecebram ca-  
uere & euitare non potuit. Hinc in epistola  
priori ad Corinthios vocabulo composito v-  
titur, quod nobis obscurissimum est, quia e-  
iusmodi vocabulorum naturam considerare  
non solemus.

§. X. Nouerat, nempe, Paulus, præposi-  
tio-

tionem Ἐξ *sæpe eminentiam, abundantiam* significare, in compositione. Nouerat item nomen *ἐξουσία rem quamlibet* denotare. Igitur ex duabus hisce vocibus format vocabulum *ἐξουσία*, quod *eminentiam seu abundantiam rei cuiuscunque* significet.

§. XI. Si quæras, quo in loco hunc significatum habeat ea vox: ecce tibi I Cor. IX. 12. vbi Paulus ita infit: *Ἐἰ ἄλλοι τῆς ΕΞΟΥΣΙΑΣ ὑμῶν μετέχουσιν, ἔ μᾶλλον ἡμεῖς; Ἀλλ' ἔκ ἐκ χρησηάμεθα τῇ ἐξουσίᾳ ταύτῃ &c.* h. e. *si alii abundantie (opum) vestre consortes sunt, annon nos potius eius consortes simus? sed non vsumus ea qualicunque potestate.* Elegans hic *ἀντανάκλησις* est, & sensus manifestissimus, & toti orationi accommodatissimus.

§. XII. At vide mihi, quam insignem lucem hic locus affundat illi I. Corinth. XI, 10. *Διὰ τῆς τοῦ ὀφείλει ἡ γυνὴ ΕΞΟΥΣΙΑΝ ἔχειν ἐπὶ τῆς κεφαλῆς, διὰ τοὺς ἀγγέλους* i. e. *Propterea mulier rem quampiam supereminentem in capite habere debet, propter nuncios*, ad ecclesias subinde mittendos.

§. XIII. Isti *nuncii* sæpissime iuuenes aut comtuli adolescentes erant. Senes enim isti muneri apti non sunt. Nec dubito, quin Paulus, voce dubia *ἀγγέλους*, subobscore ad Angelorum pulcritudinem, sæpe in V. Te-

stamento laudatam, alludat. Plenissimus est enim stilus eius allusionibus.

§. XIV. Ratio itaque legis illius Paulinæ esse videtur ea, ut ne mulierculæ in concione, ubi omnia modeste fieri oportebat, conspectu adolescentum exterorum ad libidinem, irritarentur, & castitatem, ad quam maritis sese obligauerant, negligerent.

§. XV. Ita rem omnem claram esse existimo, quam alias quævis explicationes aliæ obscurant. Non moror inepta istorum iudicia, qui ubiuis vocem ἄγγελος ad genus quoddam spirituum accommodant. Istos homines ego Criticæ assuescere iubeo, nisi illi adfueverint, ego cum ipsis nunquam disputabo. Nec obseruationem hanc elucubraui ideo, ut cum inepte morosis indoctisque hominibus litigare velim. Dixi ea, quæ mihi diu multumque meditantī in mentem venerunt, quia Pauli sermonem egregie illustratura videbantur. Neque tamen imposte-  
rum, de hoc loco interpretando, minus cogitabo. Interim nemini hanc opinionem, (quæ utinam nouitatis inuidia careat!) obtrudo. Si tamen cuipiam probabilis, apta & bona videatur, eum ego rogitō, ut de eius confirmatione dispiciat. Quam facile suppeditabunt antecedentia & consequentia, exempla sacra & profana similia, stilus Pauli, qui qualis sit, nemini obscurum est.

OBS.

OBSERVATIO XII.  
THEOLOGIA CHRISTIANA  
IN NVMERIS.

Das ist *H. Augustinus* *Trinität* *in 12. Hift. Letter.*  
Sonderbare *Trinität* *in 12. Hift. Letter.*  
Darstellung *Trinität* *in 12. Hift. Letter.*  
*Wie* *139.*

Die Fürnehmsten Hauptstücke  
Christlicher

Wortes = Belahrtheit,

in dem Denario

der so genandten und allhier nach besondrer Art  
reducirten

Pythagorischen Taffel  
enthalten sind.

THEOLOGIA CHRISTIANA IN  
NVMERIS,

h. e.

SINGVLARIS  
DEMONSTRATIO,

quod

Præcipua Capita

Theologiæ Christianæ,

scil.

Doctrina de Deo & sacro - sancta  
Ipsius Trinitate, de bonis & malis Ange-

lis, de homine ad imaginem Dei condito & per peccatum corrupto, de restitutione per Christum, de Anti-Christi defectione, de consummatione in bono & malo ad salutem & damnationem, ac denique de Regno Patri tradendo ad patefactionem illius magnæ æternitatis, qua Deus erit omnia in omnibus,

## IN DENARIO

vulgo sic dictæ & singulari modo  
hic reductæ

## Tabulæ Pythagoricæ,

siue

In Numeris Numerorum omnium  
fundamentalibus,

ab unitate vsque ad Denarium ratione  
prorsus mirabili præfigurentur atque contineantur,

In gratiam amatorum Sapientiæ clare & perspicue concepta

ab

ISIDORO CHARISIO LOGOTHETA,

*Hic autor est Jo: Anthon: Philyro-Politano.*

*Langius S. Philo: R. P. G.*  
Impressa Anno MDCII. prostat  
Francofurti & Lipsiæ

In 4to, 9. plagul. cum figuris æri incis.

SYNQ-

## SYNOPSIS.

§. I. II. *Summa libri quæ sit, docetur.* §. III. *Libri diuisio designatur.* §. IV. *Varii modi numeros considerandi enarrantur.* §. V. *Quomodo Reductio numerorum compositorum ad simplices fiat, docetur.* §. VI. *Specimen illius reductionis in tabula Pythagorica.* §. VII. *Quid numeri monadici mystice, secundum Auctorem, in primo ordine tabula Pythagorica reductæ significant, declaratur.* §. VIII. *Quid iidem numeri in secundo ordine eiusdem tabula reductæ significant, exponitur.* §. IX. *Auctoris lectio commendatur.* & §. X. *Epilogus opusculi nostri breuiter recensetur.*

## §. I.

**S**UMMA totius libri, cuius titulum modo memorauimus, hæc est, quæ in eodem titulo narratur, quæq; hic vix clarius exponi potest, quia res omnis Schematismis declaranda est, quos ex auctore huc transferre, superuacaneum foret.

§. II. Narrabimus tamen ea, quæ sine schematismis satis intelligi possunt, vt de Auctoris scopo, libri diuisione, ceterisque eius capitulis memorabilibus, paulo certiores fiamus.

§. III. Diuisit Doctissimus Auctor opusculum suum in *duas partes* præcipue: quarum *una* complectitur fundamenta Arithmetica, quæ

quæ ad doctrinas Theologicas applicari possunt; *altera* ipsam eorum applicationem. Huic annectit *epilogum*, illi præmisit *præfationem*.

§. IV. In *Præfatione* affirmat Auctor, numeros semper Philosophis ac Theologis Ecclesiæ visibilis admiratione & ideo consideratione dignos visos esse, etsi alii aliter hac in re versati fuerint. Quosdam enim eos considerasse *mathematice seu arithmetice*: quosdam (2) *physice seu magice*, illos nempe, qui numerorum quantitati, proportioni, signis & characteribus vim quandam tribuerint; quosdam (3) *ethice* & quasi *emblematicæ*; qui regulas arithmeticas ad virtutem docendam accommodarint. Quosdam (4) *prophetice & diuinatorie*, qui ex numero nominum aut vocabulorum futura prædicere voluerint. Quosdam denique (5) *theologice & mystice*, qui convenientiam numerorum cum articulis fidei demonstrauerint. Primum & tertium numeros considerandi genera publice probata esse, quia nihil incerti, nihil vitæ communi noxii, nihil abstrusi, habeant: cetera vero suspecta & improbata fuisse, quoniam incerta, obscura, inutilia, imo calamitosa & periculosa visa sint. Non negat Auctor, istorum abusum aliquem esse posse: Sed negat, propter abusum rerum res ipsas improbandas esse. Sciam certe doctrinam innocentissimam fore, quippe cum solum



lum ostensurus sit, quod *præcipue veritates & articuli fidei analogice ex numeris demonstrari* queant. Pollicetur etiam, attentum lectorem intellecturum, quod *analogia* illa veritatibus istis valde congruat, quæ etiam confirmetur ex Sapient. XI. 22. *Deus omnia numero, mensura & pondere dimetitus est*; itemque enumeratione dierum creationis, vlnarum arcæ Noachiticæ & tabernaculi Mosaici, &c.

§. V. Venimus ad partem priorem opusculi. Exhibet illa *fundamenta arithmetica ad Theologiam Christianam accommodanda*. Multa hic subtiliter de natura numerorum disputantur: inter ea vero præcipue notabilis est *Reductio numerorum compositorum in simplices*, quos vulgo *Monadicos* vocamus. Inuenit eam Auctor noster primus, estque plane diversa ab illa communi Arithmetico<sup>rum</sup> reductione. Modus eius hic est, vt numeri compositi tamdiu sibi inuicem addantur, donec existat numerus *Monadicus*. v. g. numerus 987 per additionem reducitur ad 24, & 24 ad 6. Vbi tamen porro notandum, quod, si numerus compositus *Ziphram* 0. habeat, illa plane omittenda est. v. g. numerus 40 reducitur ad 4. omissa *Ziphra* 0.

§. VI. Reduxit Auctor Tabulam Pythagoricam, cuius schematismum hic non ponemus, quia in omnibus libellis Arithmeti-  
cis

cis extat. Ponemus potius ipsos numeros  
istius tabulæ ab Auctore reductæ:

1	2	3	4	5	6	7	8	9	1
-	-	-	-	-	-	-	-	-	-
2	4	6	8	1	3	5	7	9	2
-	-	-	-	-	-	-	-	-	-
3	6	9	3	6	9	3	6	9	3
-	-	-	-	-	-	-	-	-	-
4	8	3	7	2	6	1	5	9	4
-	-	-	-	-	-	-	-	-	-
5	1	6	2	7	3	8	4	9	5
-	-	-	-	-	-	-	-	-	-
6	3	9	6	3	9	6	3	9	6
-	-	-	-	-	-	-	-	-	-
7	5	3	1	8	6	4	2	9	7
-	-	-	-	-	-	-	-	-	-
8	7	8	5	4	3	2	1	9	8
-	-	-	-	-	-	-	-	-	-
9	9	9	9	9	9	9	9	9	9
-	-	-	-	-	-	-	-	-	-
1	2	3	4	5	6	7	8	9	1

§. VII. Namque, in parte altera, Auctor  
hos tabulæ Pythagoricæ *reductæ* numeros ad  
myſteria ſeu articulos fidei, in titulo memo-  
ratos, applicat. Numeros ſingulos ſingulis  
articulis reſpondere, affirmat. 1 nempe, Dei-  
tati & præcipue Deo Patri: 2 filio Dei æter-  
no. 3 Spiritui S. 4 ſpiritibus bonis ſ. ange-  
lis. 5 ſpiritibus malis ſ. demonibus. 6 crea-  
tæ

tæ & reſtitutæ imagini Dei i. e. homini. 7 reſtitutioni & Sabbato. 8 antichriſto & deſertionigratiæ a Chriſto reſtitutæ. 9 conſummationi omnium rerum, qua omnia opera diuina ſingulari modo conſummantur, & ad reditum in primam vnitatem præparantur. Et ſicut hi numeri ordine ex I proueniunt, ita iſtos articulos ſeſe, eodem ordine, conſecutos, & conſecuturos eſſe putat.

§. VIII. Atque ita intelleximus, quid ordo primus Tabulæ Pythagoricæ *reductæ* ſignificet. Videbimus nunc porro, quid alter ordo 2, 4, 6, 8, 1, 3, 5, 7, 9, ſignificet. Notandum igitur primo, quod hi numeri ſignificationem ſuam myſticā conſtanter retineant: deinde, quod propter hunc confuſum ſitum ſuum varios iſtarū rerum myſticarū euentus & fata connotent, hunc in modum: 2 numerus filii Dei ex 1 patre ſuo, tanquā centro, glorioſe adſcendens procedit, & per 3 Spiritum S. ſuper 4 angelis bonis glorificatus apparet, & ab hiſce per 5 malos angelos, ad 6 homines ingreditur: tum ex 7 numero reſtaurationis quam ſingulari humilitate ſubter 5 ſubit, ad 8 Antichriſtum debellandum, qui ſeiſpum, ſuper I exaltauit, triumphans euehitur, & partam gloriam in 9 tanquam myſterium, conſummationis infert.

§. IX. Sed hæc quidem ex ſchematico ſin-

singulari quem Auctôr exhibet, longe melius intelliguntur. Nos autem nihil de ceteris eiusdem tabulæ reductæ ordinibus explicatis addemus. Quia obscuritas sine schematismis euadi non potest. Auctôr itaque ipse consulendus erit.

§. X. In Epilogo occurrit auctôr obiectioni cuidam. Nimirum poterat *Theologiæ huic in numeris* obiici, quod ea tota incerto fundamento nitatur, utpote cum numeratio per Denarios, Centenarios, Millenarios, Myriades, humana inuentio sit, & aliud numerandi genus in istius locum substitui possit. Sed respondet, numerationem illam non pro re fortuita habendam esse, quia omnibus totius terrarum orbis gentibus vsitata sit. Sæpe inuentionibus humanis Spiritum miraculorum aliquid reuelare, quod inuentoribus ipsis, quoad arcanum fundamentum diuinum, ignotum sit &c. Ceterum ut excellens ad profundiora abstrusioraque rimanda ingenium in his satis Auctôr doctissimus omnibus probavit, Pythagoricæque philosophiæ lucem haud contemnendam affudit, ita opportunam occasionem ad plura eiusmodi ingenii præclara monumenta in lucem proferenda, illi adprecamur.

OBS.

OBSERVATIO XIII.

De

COLOSS. II. 17. ET I. TIMOTH. V. 13.

SYNOPSIS.

**P**auli stilus habet nonnulla inusitatiora & δυσ-  
vόντα. §. I. & II. Exemplum unum ex Coloss.  
II. 17. §. III. Exemplum alterum ex I. Tim. V. 13.  
§. IV. V. Interpretes, tamen in iis ellipsin esse  
malunt, §. VI. Quia malunt, Apostolos Rhetores  
esse, quam veraces, §. VII. quod probatur §. VIII.  
IX. X. Patrum de stilo Apostolico iudicium ap-  
probatur & commendatur XI.

§ I.

**S**edulius Pauli lectoribus occurrant subin-  
de locutiones paulo inusitatiores obscu-  
rioresque, quæ efficiunt, vt Commen-  
tatores, Paraphrastæ & Metaphrastæ a se  
dissentiant. Vnusquisque enim hac aliaue  
via mentem Pauli felicius se affecuturum  
sperat.

§. II. Ex compluribus eiusmodi locis de-  
ligemus nunc duntaxat duos, acuemusque  
industriam lectorum Pauli, vt eius stilo stu-  
diosè attendant, nec se intelligere putent,  
quod non intelligunt: Quoad enim igno-  
tum est, quare Paulus sic & non aliter loqua-  
tur, (quod vtique difficillimum dictu est)

(6)

H

certi

certi esse nequimus de vero sensu eorum locorum, in quibus ab usitata loquendi consuetudine Paulus recedit.

§. III. Vnum illorum desumemus ex Coloss. II. 17. Ἡ ἐστὶ σκιά τῶν μελλόντων, τὸ δὲ σῶμα τῆς χριστοῦ. Hic ἀνωμαλία est, si versionibus Syriacæ & Gallicæ Portus Regii credimus. Volunt enim, Paulum idem dixisse, αὐτὸ τὸ δὲ σῶμα ὁ χριστός. Sed dubito; an hæc sententia omnibus probetur. Anglico certe Interpreti coniecturæ huius confidentia religioni fuit: ideo versionem suam adeo ad Græcum exemplar conformauit, vt nihil inter vtrumque discriminis intercedat, nisi soni verborum dissimilitudo. Forte igitur Hebraicum hic latitare quis putet, qualis est Iosue III, 14. vt sicut ibi vox יִרְדּוּ, sic hic vox σῶμα repetenda, sensusque sit: Olim sub V. T. nouilunia, sabbatha hominum libertatem adstringebant, vt ex eorum præscripto viuere eos oporteret: at hodie, cum Christus libertati nos vindicauit, ea tantum veluti umbra sunt, quæ a corpore Christi, i. e. ecclesia, dependent. Sed nescio, an hæc etiam interpretatio omnino satisfactura sit omnibus. Possunt enim ingenia acuta adhuc multas alias interpretationes comminisci, ob causam supra expositam.\*

§. IV.

\* Add. Clerici Critic. Volum. I. Part. II. Sect. I. Cap. XV. de stylo figurato.

§. IV. Alterum suppledit 1. Tim. V. 13. ubi Apostolus diuinissimus ita infit : Ἄμα δὲ καὶ ἀργαὶ μανθάνουσι, περιερχόμεναι τὰς οἰκίας. καὶ μόνον δὲ ἀργαί, ἀλλὰ καὶ Φλύαροι καὶ περιεργοί, λαλῶσαι τὰ μὴ δεόντα. Volunt hic rursus aliqui, Paulum in usitataiore constructione uti, dum vocem μανθάνουσι, construat cum participiis περιερχόμεναι & λαλῶσαι, ad morem verborum perseverandi, desistendi, & affectionem animi significantium. Et sane sensus ita commodissimus euadit, nihilque habet a mente Pauli alienum. Nihilominus hæc interpretandi ratio Interpretibus vix placuit. Syrus enim v. 12. & 13. ita reddit : *Et iudicium earum firmum est, quoniam abiecerunt fidem suam primam, discentes vero etiam desidiam, dum circumcursitant inter domos : Et non tantum desidiam, sed etiam ut multiplicent sermonem, Et seſtentur inania, Et loquantur id, quod non decet.* Apparet hinc, (præter ea, quæ plane errata sunt) Syrum post vocem ἀργαί subintellexisse εἶναι vel γίνεσθαι : ceterum cum prima illa interpretatione consentire. Sed ego non video, quare vox εἶναι vel γίνεσθαι subintelligi debeat, si cetera oratio eo modo, quo Syrus fecit, interpretanda venit.

§. V. Gallicus Paraphrasta ita differit : *S' engageant ainsi dans la condamnation par le violement de la foi, qu'elles lui avoient don-*

*née auparavant. Mais de plus, elles deviennent faineantes, & s'accoutument à courir par les maisons: & elles ne sont pas seulement faineantes, mais encore causeuses & curieuses, s'entretenant des choses dont elles ne devroient point parler.* Vnde liquet, eum modo cum Syro facere, modo ab eo discedere, nec satis sciuisse, quid sequeretur.

§. VI. Plures versiones addere, superuacuum. Propemodum omnes sermoni Pauli, quem propter obscuritatem constructionis inusitatoris non intelligunt, aliquid addunt: & si is nequaquam mutilus & imperfectus est.

§. VII. Si quæras, cur Interpretes malint Paulum elliptice, quam inusitate loquutum, esse? causa in promptu est, dummodo recorderis, eos inter eiusmodi homines vivere, apud quos Rhetorum profanorum maior auctoritas est, quam Apostolorum. Id quod diffiteri non poteris, si ego tibi demonstravero, quod Apostoli sanctissimi, propter Rhetorum regulas, mendacii & fallacis loquentiæ accusentur. Demonstratio autem ita:

§. VIII. Apostoli Sapientiam veram in amore Dei & hominum sitam esse contendunt, cetera omnia contemnunt, & ideo, ne mundana Sapientia aliquid esse videatur, ea agunt, quæ ei contraria sunt. Hinc v. g. idio-



diotarum more loquuntur, & libenter fatentur, se idiotarum more loqui, qui inter loquendum aut scribendum ab inusitatioribus locutionibus vix se abstinere.

§. IX. Rhetores contra sermonem tersum, comtum, planum, tanquam summam sapientiam discipulis suis commendant, eosque qui secus faciunt, vituperant, imo hos tales magis oderunt, quam adulteros, fures, calumniatores & parricidas eloquentes. Ellipses autem concoquunt, quin inter ornamenta sermonis numerant.

§. X. Nostri igitur homines, dum has Rhetorum vituperationes ab Apostolis auertere, & laudes eorum ipsis conciliare student, elliptice loquutos ipsos esse, fatentur, non inusitate. Et ut hæc laudes Apostolis plane & perpetuo desponsatæ maneant, in detrimentum auctoritatis ac veritatis Apostolicæ, varia comminiscuntur, quæ hic vberius commemorari nequeunt.

§. XI. Nos collaudamus Sanctos Patres, qui Apostolis de se asseuerantibus crediderunt, & ea, quæ illi idiotico sermone præceperunt, indefesso labore ac studio efficere allaborarunt. Utinam tandem & nos hisce tantis vestigiis insistamus; imo etiam, utinam illi, qui a nobis hic forte dissentiant, nec Apostolorum affectioni credunt, recordentur, se-

cum illius Paulini : μηκέτι ὦμεν νήπιοι κλυ-  
 δανιζόμενοι ἢ περιφερόμενοι παντὶ ἀνέμῳ τῆς  
 διδασκαλίας (maxime Rhetorum ethnico-  
 rum) ἐν τῇ κυβείᾳ τῶν ἀνθρώπων, ἐν πανεργ-  
 γία πρὸς τὴν μεθοδείαν τῆς πλάνης. Ἀληθεύ-  
 οντες δὲ ἐν ἀγάπῃ, αὐξήσωμεν, εἰς αὐτὸν τὰ  
 πάντα, ὅς ἐστι ἡ κεφαλὴ, ὁ χριστός.

## OBSERVATIO XIV. PHILOSOPHVS ARTISTA.

### S V M M A R I A.

**V**aria nomina Philosophorum ex Hornio §. I.  
 quæ in ordinem digeruntur §. II. Omissum  
 ab Hornio nomen Artistarum §. III quod Philo-  
 sophis inde datum, quia Facultas Philosophica  
 olim appellata fuit facultas Artium §. IV. Quod  
 uti factum euo barbaro, ita non confundenda est  
 hæc appellatio, cum illa Græcorum, qua quidam  
 Philosophi τεχνικοί dicebantur. §. V. Sed diceban-  
 tur Philosophi Artistæ, quia in antiquissimis Aca-  
 demiis illorum temporum solum docebant septem  
 artes liberales. §. VI. Differentia primarum illa-  
 rum Academiarum a scholis vulgaribus & Acade-  
 miis subsequentibus. §. VII. Post Aristotelem in a-  
 cademias introductum doctores ultime facultatis  
 partim Philosophi dicti sunt, partim Artistæ §.  
 VIII. Philosophiæ vox olim omnem eruditionem  
 sub se comprehendit §. IX. Chymici Philosophi,  
 Lapis

*Lapis Philosophorum. Elias Artista. §. X. Transiens ad observationes sequentes §. XI.*

§. I.

**V**aria Philosophorum nomina congestit Georgius Hornius *initio libri 7. Historia Philos. cap. videl. I. p. 325. seq.* unde frequentia lubet excerptere : Magos, inquit, vocarunt Persæ & populi illis, contermini; Græci σοφῆς & φιλοσόφης; Indi Brachmanas & Gymnosophistas; Aegyptii Hierophantes, ac Sacerdotes, Romani haruspices, hariolos, augures; Germani, Bardos; Celtæ & Galli Druidas ac Semnotheos. Antiqua etiam appellatio Sophistarum fuit. Prophetarum quoque appellatio, a nobis præterita est. Ita vero antiquissimis, in oriente temporibus Philosophi dicti sunt, Latini plerumque sapientis & sapientiæ nomine vsi sunt. -- Erat quoddam genus argutorum & minutorum Doctorum, qui τεχνικοί vocabantur. -- Neque infrequens Doctorum, Professorum Magistrorum mentio. Custos quoque, frequens apud Romanos nomen, denotabat eos, qui regendæ pueritiæ præfecti erant. -- Alio nomine ab Horatio etiam Reges dicuntur. -- Tales proprie a Græcis παιδῶνακτες, vt ab Hesychio dicuntur. -- Posterioribus seculis etiam scholastici,

„ vox obtinuit, quæ tamen fere in contemptu  
 „ erat, donec eam sibi Doctores Philosophiæ  
 „ & Theologiæ vendicarent. Hactenus Hor-  
 „ nius.

§. II. Poterunt autem varia hæc Philo-  
 phorum nomina commodissime sic digeri, vt  
 alia dicas esse absoluta, alia relatiua. Relatiua  
 voco, quæ respectum aliquem insinuant do-  
 centis ac discantis, absoluta, quæ ab illo res-  
 ectu sunt libera. Subdiuidi absoluta possunt  
 contemplatione variarum Gentium, quæ  
 sunt Persæ, Græci, Indi, Aegyptii, Romani  
 seu Latini, Germani, Celtæ, populi orientales.  
 Hæc nomina primo loco ex Hornio excerp-  
 simus, vbi id tamen notandum, videri quidem  
 ac si ille a Latinis Romanos distinguat, dum  
 ait, Romanis Philosophos dictos fuisse augu-  
 res, hariolos, haruspices, latinis autem sapien-  
 tes. Verum si mentem eius probe perpen-  
 das, non ita desipit, vt Romanos a Latinis se-  
 pararet, sed hoc vult tantum, apud Romanos  
 idem fuisse aruspicum, atque similibus offi-  
 cium quod apud Persas Magorum, apud Ae-  
 gyptios sacerdotum, positum videlicet in re  
 sacra: Cæterum græcam τῆ σοφῆ vocem,  
 (pro quo & prophetam orientales dixerint)  
 Latinos suo sapientis nomine expressisse. Re-  
 spectiua vocabula vel insinuant respectum ad  
 discantes seu personas inferiores, qualia sunt:

Docto-

Doctōris, Magistri, Custodis, Regis, παιδῶ-  
νακτος, aut ad locum docendi, vt nomen,  
scholastici, aut ad formam, quæ fit profitendo,  
vnde appellati Professores, aut ad instrumen-  
tum, quale est artis compendiosum systema,  
vnde technici.

§. III. Ceterum inter illa varia Philosopho-  
rum nomina ab Hornio allata non apparet  
nomen Artistarum, quod miror ab eo non  
esse adductum. Neque enim istud nomen,  
etsi barbarum, illi negligendum erat, cui  
Scholasticorum appellationem libuisset me-  
morare, præsertim qui iam alibi obseruasset  
seculi noni barbariem. Ita enim *lib. 6. c. I.*  
*p. 295.* inquit. *Circa nonum a Christo nato secu-*  
*lum tam indocta erant tempora, vt, qui Philoso-*  
*phiæ operam nauabat, vulgo magus putaretur.*  
Sed excusabitur tamen facile optime alias de  
re literaria meritis scriptor, cum ipse præser-  
tim fateatur, se argumenti vbertatem non  
exhaustisse, in *præfat. p. 5.* *Historiam Philosophi-*  
*cam, quam nunc tibi exhibeo, cum adhuc in ru-*  
*dimentis illis studia mea occuparentur, admo-*  
*dum iuuenis, id est, viginti annorum composui.*  
*Quo minus mirum videri debet, si neque argumen-*  
*ti vbertatem exhausserim, neque ea accuratione,*  
*quam res ipsa requirit, cuncta pertractarim.*  
Quæ omnino in excusationem eorum, quæ  
huic operi desunt, æquum est a nobis ad-

mitti. Quod & Ionsius facit *lib. 3. de script. hist. philos. c. 20. p. 315.*

§. IV. Cum vero & Artistarum titulus olim Philosophis sit tributus, & hodie in desuetudinem abierit, non iniucundum erit, qualemcunque huius denominationis historiam, sed breviter & quasi per indicem, recensere. Vbi principio illud constat, esse in Academiis ordinarie facultates quatuor. In his Philosophiam, quæ cæterarum quasi ministra est, & olim vix aliter appellata est, quam Facultas Artium, & hodie non infrequenter ita salutatur. Sic Vernuleius lib. 2. Acad. Louan. c. 6. p. 112. *Quinta* (cur non quarta, intelligas ex obseruat seq.) *Academia Facultas est artium.* Ita etiam nominant Galli, Facultatem nempe *des arts*, vt intelliges e Lansio *p. 25. de Academ.* Stephanum Pasquierium citante. Fuit etiam tempus cum Artifica Facultas ipsa vocaretur & Philosophi Artistæ, quas voces tamen eruditiores hodie, quod barbariem resipiant, subterfugere solent. Neque enim illa terminatio Latinis apta est vocabulis, sed Græcis, qualia sunt Baptista, Sophista, Sophisticus & alia. Quæ quidem obseruatio in hoc proderit nobis, vt vocabuli huius vltima origo inuestigetur.

§. V. Quæ videlicet ad barbarum seculum referenda est, non ad illa tempora, quo pueri latinus

latinius loquebantur, quam inepto illo ævo adulti. Vnde statim erroris convincetur, si quis forte existimet, Artistas ex eo appellatos fuisse in orbe Latino Philosophos, quia quoddam ipsorum genus, Gellio, Quintiliano, & Augustino testibus τεχνικοί, quod ipsum quoque Græcis ab Arte deflexum vocabulum est, fuerunt appellati. *vid. Horn. d. l. p. 327.* Nam primum in orbe Latino aut vox Græca Technicorum, ut alia multa, fuit re-tenta seculis purioribus, aut mutata non sine indicio degenerantis linguæ in Artigraphum. Deinde nec omnes Philosophiæ Doctores Technici appellati sunt, sed ii, qui artem, non scientiam, aut aliud quid, & quidem compendiosis quibusdam libellis docere se posse profiterentur. Accedit, quod horum memoria vel nulla, vel tenuis admodum videtur eo ævo fuisse, quo primum appellari cœperunt Artistæ. Ævo, inquam, barbaro, circa nonum a Christo nato seculum, quo Christianus orbis satis adhuc densis literarum tenebris oppressus iacuit.

§. VI. Quo quidem ipso tempore tametsi Carolus M. Imperator tum alibi plurimas erexit scholas, tum Parisiensem Academiam instituit, nondum tamen ævi præcedentis barbariem excludere plane potuit. Constat enim illo ævo, si de Philosophicis loquamur

quamur disciplinis, in Academiis non nisi septem illarum artium, quas liberales vocamus, (sub quibus neque Physica est, neque Metaphysica, neque Ethica, aut Politica) doctrinam floruisse. *Vide programma nostrum de Sept. art. libr. lit. b. Conr. de Antiq. Acad. p. 44. 79. 80.* Et nondum ingressus erat Academias Aristoteles, sed regnabat in his pariter & Monasteriorum scholis ( *de quibus vide Conring. d. l. p. 62.* ) Augustinus, Cassiodorus atque similes septem liberalium artium tractatores. Imo in Academia Parisiensi vetustissimis temporibus ne vlli quidem superiorum facultatum erat locus, sola ibi vigente facultate Artium. Vnde factum est, vt, postea tametsi reliquæ Facultates accessissent, primas tamen partes retinerent Philosophi, & ex iis solis Rectores Academiæ legerentur. *Conr. d. l. p. 79. Besold. V. Polit. p. 169.*

§. VII. Videlicet alia plane seculis illis Academicarum facies ac scholarum fuit, quam quæ est hodie. Isto tempore vel ad Academicæ gloriam sufficiebat habere septem artium liberalium Professores; nostro æuo non pauca sunt Gymnasia, in quibus superiorum quoque facultatum Professores reperias. Quod si quis aueat scire, quid ergo discriminis fuerit olim inter talem Academiam & vulgarem scholam? illi respondebitur, in  
scho-



schola vulgari partes, in Academia artes viguisse, h. e. illic in partibus Orationis Grammaticæ e Donato, hic in septem artibus liberalibus institutam fuisse iuventutem. Ab his ergo artibus liberalibus prisco illo ævo denominati fuerunt Artistæ & Facultas artium.

§. VIII. Posteaquam vero, Aristotelicis quoque libris in Academiis inuectis, Philosophia quoque, h. e. reales illæ, vt vocamus, disciplinæ, ingressa est, incremento non leui aucta Facultas Philosophica, in duplex quasi diuisa est studium, quorum vnum esset artium, alterum Philosophiæ, puta eius, quam Realem vocare mos est. *Conf. Vernul. Acad. Lonan. p. 116.* Factum, inde, vt in nostra vsque tempora mos ille conseruaretur loquendi, quo bonarum artium ac Philosophiæ studium aliquem, aut Baccalaureum, aut Magistrum pronunciamus.

§. IX. Promiscue tamen Facultas ipsa iam Artium vel Artistica, iam Philosophiæ seu Philosophica fuit appellata, & Professores eius modo Artistæ, modo Philosophi. Placuit artium appellatio ob memoriam antiquitatis; Philosophiæ, ob dignitatem, siquidem realis illa Philosophia septem illis artibus dignior habetur. Neque id iniuria. Artes enim illæ septem instrumentales sunt, ipsa vero Philosophia harum comparatione disci-

sciplina principalis est. Imo Philosophia olim apud Gentiles, cum rerum diuinarum pariter atque humanarum scientia haberetur, comprehendebat ipsorum Theologiam quoque fortasse & Iurisprudentiam ac Medicinam. *Conf. Besold. p. 169. Part. V. Polit.* Certe tanto ponebatur in pretio, ut humanæ eruditionis culmen in ea collocarent.

§. X. Atque horum stilum imitatos esse dixeris & Chymistas, qui, cum nescio quam excellentem sapientiam aut Panosophiam quoque profiteantur, Philosophos se vocant, & lapidem suum lapidem Philosophorum. Porro, cum iidem scirent, idem valere Philosophum & Artistam, Eliam quoque suum, cuius aduentu restaurandam esse rerum omnium scientiam, & aureo seculo aperiendas fores somniant, Artistam cognominant.

§. XI. Atque hæc sufficiant de Philosopho Artista summariter & in vno quasi conspectu tradidisse. Fusius vnam & alteram assertionem supra propositam declarabunt Observationes sequentes.

## OBSERVATIO XV. FACULTATES ACADEMICAE

### SUMMARIA.

**I**N *Academiis sunt ordinariæ facultates quatuor. §. I. Extra ordinem alibi pauciores, ut olim sola*

*sola facultas Artium, in quibusdam primitus exulauit facultas Theologica, alibi Iuridica. §. II. Alibi plures §. III. vt quando alicubi Iuridica Facultas secreta fuit in facultatem Iuris Canonici & Iuris Civilis, §. IV. alicubi Poetica facultas fuit separata a Philosophica §. V.*

§. I.

**Q**uatuor esse in Academiis Facultates, vt vocamus, Theologorum vnam, secundam Iuridicam, Medicorum tertiam, quartam Philosophicam, nemo ignorat. Atque hoc exaudiendum est ordinarie, siue de eo, quod in plerisque obtinet hodie Academiis. Extra hunc ordinem atque raro reperies alibi pauciores, alibi plures.

§. II. Pauciores: Nam vt omittam, quod obseruatione præcedente dixi, cum Academia quondam Parisiensis fundaretur, in ea non nisi vni Facultati, quæ fuit Artium seu philosophica, locum fuisse factum, memorat Thomas Lansius *p. 25. de Academiis*. Rostochiensẽ Academiam anno Christi 1419. a Pontifice Martino V. tantum in tribus facultatibus, Iuridica, Medica & Philosophica institutam esse: & *p. seq.* Heidelbergensem, Pragensẽ, & plerasque illas antiquioris notæ in Germania, primitus nullos iuris civilis

Pro-

professores habuisse, vide apud eundem plura.

§. III. Plures autem quatuor Facultatibus alicui esse Academiae, duobus contigit modis, puta si vel Iuridica, vel philosophica facultas fuerit. Loquor de facto, & quidem quatenus mihi sit res comperta. De possibili plures esse modo possunt: si similia tentantur in Fac. Theol. diuidendo eam, non quidem secundum diuersas Religiones, neque enim commodum hoc: fortasse tamen nec impossibile iis in ciuitatibus, vbi exercitium Religionis plusquam vni liberum est: sed secundum diuersas partes, Exegeticam, Polemicam &c. Videndum & de Medica Facultate, diuidenda fusa in Chymicam & Galenicam &c. aut similiter in partes.

§. IV. Ac in Academia Louanienſi duas esse Facultates iuris, vnam Canonici seu Pontificii, alteram Ciuilem seu Cæsarei, quarum vtraque Decanum habeat suum, testatur Nicol. Vernul. *lib. II. Acad. Louan. c. 3. p. 93.* qui ideo quartam illa in Academia Facultatem numerat Medicam *p. 107.* & quintam Artium, h. e. Philosophicam *p. 112.* Nempe Iuris vtriusque termini aliquando sic fuerunt vna vel altera in Academia diuulsi, vt alterum plane fuerit exclusum. *Nam* (vt hic iterum cum Lansio *e p. 25. 26. de Acad.* loquamur.)

Hono-

*Honorius III.* (sedit hic ab anno 1216 ad 1227.) quia *Parisiensis Academia* potissimum pro sacra theologia fuerat instituta, prohibuit sub pœna excommunicationis, ius ciuile illic doceri discine, [ veritus ne studiosi curiosiores a Theologia distraberentur ] Et in *complutensi Academia* *Franciscus Ximenius* fundator lege seuerissima cavit, ne *Iuris Ciuilis Antecessoribus* ibi esset locus. *Iohannes* quoque *Ludouicus Viues lib. I. de causis corr. art. p. 6.* generalia scholarum tractans, quinque agnoscere facultates videtur his verbis: *Atque hæc velut Collegiis sunt distincta, vt vnum esset septem illarum liberalium artium, quibus annumeratur philosophia, quæ est de moribus, quæque de natura: alterum Medicinæ: tertium Ciuilis Iuris; quartum Pontificii, quintum & supremum Theologiæ.*

§. V. Quod autem ad philosophicam facultatem attinet, apud nos quidem & alibi passim a philosophis Poëtæ non separantur: sed in *Viennensi* tamen *Academia Maximilianus I.* quintam Facultatem constituit, nempe Collegium Poëticum, eique *Conradum Celtem*, qui primus Germanorum lauream Poëticam a *Friderico III. Cæsare* impetrauerat, gubernatorem præfecit, hac dignitate & honore indulto, vt noui Collegii Rector, Comitum, vt vocant, *Palatini* potestate frueretur, laureisque poëticis, si quos dignos

haberet, exornaret. *Vide Giessensis Epistolam dedicatorem Poëtices, Kirchner volum. II. Orat. 2. p. 40. Lanf. de Academ. p. 75. Zieglerus disp. 6. de Iur. Maieft. §. 35. 37. 38. Cum his confer locum, quem Observ. sequente describemus ex Epistolis obscurorum.*

## OBSERVATIO XVI. ARTISTA, ARTISTICVS, VO- CABULA BARBARA.

### SUMMARIA.

**O**Rta hac nomina a Facultate artium. §. I. De Artista locus ex Thoma de Kempis §. II. & de Artificio ex Epistolis obsc. vir. §. III. Legista, Iurista. Artistam non congruere cum Iurista. §. IV. Zafius a Vossio notatus §. V. excusatur §. VI.

### §. I.

**C**Um ita Facultatem artium appellari mos inoleuisset, barbaro æuo etiam excogitata sunt vocabula Artista, Artisticus, pro Philosopho & philosophico.

§. II. Artistæ vocem reperies (vt e tot scriptoribus vel vnum proferamus) apud Thomam de Kempis cap. 4. de vita Florentii Darentriensis Tom. III. Op. p. 48. Huius pater, Radewinus nomine, filio suo Florentio ad studium,

Pra-

*Pragenſe pergenti pium aſſenſum præbuit. -- Fie cito Artiſta bonus, (i. e. bonus Philoſophus) qui erat ingenio clarus, & in proficiendo ſtudioſus.*

§. III. De voce autem Artificus iuuabit adſcribere locum ex epiſtolis obſcuroꝝ viꝝ, ingenioſe ab Vlrico Hutteno confectis ad viuũ exemplar ſtyli barbari: ſimul vt intelligas, tantam fuiſſe temporũ illorũ, barbariem, vt quartæ facultati quintam Poëticam, quæ ſtyli eſſet cultioris, addere, ipſa propemodum imperaret neceſſitas. Sic autem leges *parte II. illarũ Epiſt. p. m. 85. Iam fecerunt (Reuchliniſtæ) nouam facultatem ultra alias quatuor facultates, quas iam habuimus: & omnes illi laudant Reuchlin, & dicunt, quia ſunt eius diſcipuli, & non curant amplius facultatem Artiſticam, eo quod Artiſta ſunt ita magni & ſuperbi aſini, quia non ſciant tria aut quatuor verba latine loqui.*

§. IV. Vtraque autem vox barbara, eo quod latino vocabulo iungat terminationem non latinam, ſed græcam. Idem peccant Legiſta, iuriſta, & ſimilia eidem ætati barbaræ a deo nota vocabula, vt horum alterum inde in vernaculam quoque noſtram fit tranſfuſum. *Artiſtam non congruere cum Legiſta dixit olim Rebuff. cit. Lanſ. p. 23. de Acad.* Videndum an h. l. Artiſta præter philoſophos comprehendat Medicos & Ictos qui vnam,

sicut Legistæ, qui alteram vniuersitatem faciunt apud Patauinos.

§. V. Itaque Vossius *lib. III. de vit. Serm.* 6. 1. p. 360. castigat Vdalricum Zasium, quod Artistam pro Doctore artium liberalium dixisset, idque eo in opere, quo iuuentutem imbuat studio eloquentiæ, commentariis videlicet in Rhetorica ad Herennium.

§. VI. Veniæ tamen aliquid impetrare, Zasio a nobis illud potest, quod nomen hoc certo sit hominum generi ex ipsorum professione impositum, qualia si in aliam plane linguam transire absque dedecore possunt, quod modo vidimus in vocabulo Iuristæ, tolerari & in sua facilius debent.

## OBSERVATIO XVII. TECHNICI ARTIGRAPHI.

### SUMMARIA.

**T**echnicus non solum adiectiue sumitur, sed & substantiue §. I. pro artifice non practico, sed theoretico §. II. artem liberalem compendiose proponente, qui & Technographus dictus est §. III. Loca eam in rem Gellii, §. IV. Quintiliani §. V. Augustini §. VI. VII. VIII. Vbi Technicorum quidem nomine veniunt scriptores Rhetoricorū systematum, §. IX. Sed tamen eadem vox denotauit etiam Grammaticos & Dialecticos §. X. non tamen



*men scriptores de scientiis, §. XI. nec interpretes  
autorum §. XII. Cur de iis contemptim loquan-  
tur Autores. §. XIII. Technicas etiam controuer-  
sas tractasse §. XIV. Artigraphi usurpatio §. XV.  
pro Grammaticis Rhetoricis & Dialecticis §. XVI.  
Distinctio Artigraphorum ab Orthographis §.  
XVII.*

§. I.

**D**E Voce Technicus tacent Lexico-  
graphi Latinorum: nec Græci ea, quæ  
hic volumus. τεχνικός Græca vox est,  
proprieque sensu adiectiuo notat id  
omne, quod artificiale est. Sed vt adiectiua  
multa, vim etiam induit substantiuui, notatque  
hominem artificem; neque adeo male sic  
redditur a quodam Glossatore Augustini, de  
quo infra §. 7.

§. II. Iam cum artificium alii prodant ela-  
borando, quod didicerunt opere, alii, ne se-  
cum ars pereat, fundendo quasi in alios, quos  
in ea erudiunt ac instituunt, quorum illos  
præcticos, hos didacticos licebit appellare:  
sciendum, speciali sensu vocem Technici ad  
didacticos fuisse accommodatam.

§. III. Nec hos omnes tamen promiscue,  
sed eos imprimis, qui artium suarum scriptis  
libellis systematicis: (quod quidem præcipue  
valebit in artibus humanioribus ac literatis,

quæque contentionem animi postulant potius, quam vsum corporis, quis enim manuariam artem commode discat e libro v.gr. tonforiam & alias? ] propagare siceas studerent. Quare & hiiidem τεχνονεάφοι quoque sunt appellati, teste Vossio *lib. I. de Art. Gramm. c. 4. p. 12. & lib. III. de vit. Serm. c. 1. p. 359.* Sed Latini Technicorum vocabulum sua quoque loquentes lingua retinuerunt. Qam in rem duobus a Georgio Hornio *lib. VII. hist. Phil. c. 1. p. 327. 328.* obseruatis locis, altero Gellii, altero Quintiliani, addemus nos hic ex Augustino tres alios. Occasionem quærendi in Augustino dedit Grotius, qui *p. 263. de I. B.* tertium ex his citat.

§. IV. Gellii hæc sunt e *lib. XVII. c. 5.* *Cicero in Dialogo, cui titulus est Lalius - dosere volens, amicitiam non spe utilitatis colendam, sed expetendam - etiam si nihil opis - ex ea percipi queat - his verbis usus est: - Vt enim benefici liberalesque sumus, non vt exigamus gratiam, (nec enim beneficium foeneramur, sed natura propensi ad liberalitatem sumus,) sic amicitiam non spe mercedis adducti, sed quia omnis eius fructus in ipso amore inest, expetendam putamus. Hoc cum legeretur in cætu forte hominum doctorum, rhetoricus quidam sophista utriusque lingue callens haud sane ignobilis ex istis argutulis & minutis Doctoribus, qui τεχνικοί ap-*

appellantur, atque in differendo tamen non impiger, vsum esse existimabat non probo neque ἀποδεχτινῶν: sed eiusdem questionis, cuius esset ea ipsa res, de qua quareretur: [i. e. æque dubio] Nam beneficos inquit & liberales sumpsit ad confirmandum id, quod de amicitia dicebat, quum ipsum illud & soleat quari, & debeat: quinquis liberaliter & benigne facit, qua mente, quoue consilio benignus, liberalisque sit: vtrum, quia mutuam gratiam speret -; an quia natura sit benevolus.

§. V. Quintilianus lib. II. c. 14. p. 119. Cal. 13. p. 146.) Nolo, se iuvenes satis instructos, si quem ex his, qui breues plerumque circumferuntur, artis libellum edidicerint, & velut decretis technicorum tutos putent. Multo labore, assiduo studio, varia exercitatione, pluribus experimentis, altissima prudentia, presentissimo consilio constat ars dicendi.

§. VI. Augustinus in principiis artis Rhetorices Tom. I. Op. f. 299. & seqq. ter hac voce utitur. Semel capite 2. Alia subinde ex eodem verbo persuadenti [qua in re scil. Rhetoricæ finem nonnulli collocant] calumnia nascitur inuenta sane a Platone, tractata multum in Gorgia, sed post ac multo impudentius a quibusdam technicis [Technicis; editio sub nomine Fortunatiani p. m. 42. male: Græcis litteris τεχνικῶς pingitur hæc vox in ed. Rhetorum

Pithœi: sed latinis voluisse Augustinum, nisi variasse dicemus, docebit locus tertius] ob-  
*treclantibus Hermagora frequentata. Negant*  
*quippe, proprium esse finem Oratoris persuadere,*  
*sed communem pene cum vniuersis. Nam & ma-*  
*thematicos de iis, quæ in notitiam ipsorum ceci-*  
*derunt, persuadere, & Medicos &c.*

§. VII. Iterum cap. 5. Rationales quæstiones  
 sunt, quæ Hermagoras λογικάς vocat. Melius  
 enim puto sic eas cognominari, quam verbales.  
 quia λογικά non ex verbi sed ex rationis significa-  
 tione appellatæ sunt a Technicis, cum alioquin λό-  
 γος interdum verbum significet, interdum ratio-  
 nem. Quo loco vetusta quædam Fortuna-  
 tiani Rhetoris editio glossam textui miscuit:  
 technicis, i. e. artificibus.

§. VIII. Denique cap. 9. vbi de παραδόξως  
 agit: Licet alias vulgarem illam significationem  
 probare malimus huius nominis: tamen hoc loco  
 vt multa noua (mallem noue) tam a technicis  
 & mathematicis, quam a philosophis cognominan-  
 tur, accipere debemus non tam pro solito vsu con-  
 suetudinis, quam pro conditione præcepti.

§. IX. Ex his obseruanda iam sunt quæ-  
 dam. Primo, Technici his in locis Gellio,  
 Quintiliano & Augustino vix alii sunt, quam  
 Rhetoricorum Systematum scriptores. Id quod  
 facile intelliget, qui locos eorum, quos eam  
 ob

ob causam sic satis integros adscripsimus, diligenter inspiciet, inter seque comparabit.

§. X. Secundo, quia tamen vox ipsa τῆς τέχνης, seu artis, generalis est, (neque enim sola Rhetorica liberalium artium numerum explet, sed eodem nomine Grammatica quoque & Dialectica gaudent,) *Grammaticos* & *Dialecticos* quoq; consentaneum est Technicorum vocabulo comprehensos olim fuisse. Sane Budæo cum *f. 8. Comm. Ling. Græc. in marg.* scribit: τὰ τῶν τεχνικῶν παραγγέλματα ἐστὶν ὅτ' ἀμελητέα: Technicorum nomine, quos ibidem & τεχνολόγας vocat in textu, Grammatici veniunt. Quod si Synonyma sunt, ut Vosio placet, τεχνικοί, τεχνογράφοι, etiam sic inter Technicos locus reperietur Grammaticis. Suidas enim in voce ἀπολλώνιος ἀλεξανδρεὺς ὁ κληθεὶς δύσκολος, Herodianum, cuius Apollonius hic pater fuit, vocat τεχνογράφον γραμματικόν, Itaque placet expositio Turnebi *ad Quintilianum p. 146. Ed. Lugd. A. 1665.* Technicos interpretantis illos, qui præcepta artis scripserunt, & vniuersales præceptiones tradiderunt.

§. XI. Tertio, dubito autem an commodè extendatur ad eos, qui non de artibus, sed scientiis aut aliis habitibus libros scripserunt: Sane Augustinus (*supra §. VIII.*) distinguit eos

tum a mathematicis, tum a philosophis. Itaque non placet illa certe phrasis Georgii Hornii *p. 327. Hist. Philos.* cum ait, illos philosophiæ artem per præcepta & libellos exiguos ac exuccos se tradere professos. Philosophiæ enim vox amplior est, quam ut angustiis artium instrumentalium coërceatur: cum & reales disciplinas comprehendat, de quibus quidem præcipue ab Hornio agi eo loco dixeris.

§. XII. Plane autem aberrat Cælius Rhodiginus, qui τεχνικὸς eo sensu accipit, quasi essent, *qui in bonos autores scribunt commentaria.* Aliud enim artis est scribere Systema, aliud exponere scriptorem. Locus eius est *lib. XIV. Antiq. Lætion. c. 4. f. 757.* ubi cum Ciceronis illud *c. II. de Oratore p. 134.* de vxore cuiusdam de ficu se suspendentis exposuisset. *In hac, ait, diuertisse, non alienum iudicabit, quisquis animaduernerit, illatam a nobis lucem multam verbis M. Tullii ex II. libro de Oratore, quæ (quod sciam) ad hanc diem nemo est interpretatus, etiamsi acutuli ac minuti Doctores, qui se τεχνικὸς vocant, multa sæpe conantur argutiores frigiduli.* Hæc aliter accipi vix possunt, quam de iis, qui scripta Ciceronis illustrant commentariis. Deceptus autem vir doctus videtur loco Gellii obiter inspecto, (huius enim verbis loquitur) qui cum & ipse quo-

quoque quendam e Ciceronis Lælio locum tractaret, a quodam Technico male reprehensum, Technicos illum appellasse creditus est Autorum interpretes.

§. XIII. Quarto. Quod autem contempnim de illis loquitur Gellius, (*supra* §. IV.) argutulos vocans seu acutulos, & minutos Doctores, (quo sensu & minutos philosophos dicere amat Cicero *prope finem lib. de Senect. p. 95. & lib. I. de Divin. p. 93.*) ad plerorumque Technicorum ineptias referendum est, qui credebant videlicet, vel solis libellis suis atque artium præceptis, sæpe non satis idoneis, iniici artem discipulis tanquam per infundibula quædam posse. Quem errorem etiam Quintiliani locus §. V. castigat.

§. XIV. Quinto, ad has ineptias forte referendum & illud est, quod quidam Technicorum miscuerint libris suis interdum controuersias, & eas quidem non modo artis, sed etiam de arte; qualis illa est, sitne Rhetoricæ finis persuadere, vt intelligimus e primo Augustini loco, *supra* §. VI.

§. XV. A Technicis venio ad Artigraphos. Cui Semigræco fingendo vocabulo haud dubie inclinante Latinitate occasionem dedit Græcorum τεχνογράφος: cum nec duabus vocibus artis scriptorem (ita Vossius reddit

reddit *p. 359. de vit. Serm.*) dicere vellent, & artis scribam fortasse aures repudiarent.

§. XVI. Sic autem appellati sunt non Grammaticæ tantum, sed aliarum quoque artium scriptores. *Vide eund. Voss. p. 12. & 13. Gramm.* qui pro sensu priore Seruium *e Comment. in lib. I. & II. Æn.* Casiodorum item, *præf. Collectaneorum de orthographia*; pro posteriore Caroli M. *c. 30. lib. II.* aduersus Concilium de Imaginibus citat. Casiodorus autem Iudice Reinesio *cap. 6. §. 1509. Ling. Pm.* vel paucis ante Augustinum annis scripsit, vel saltem ei fuit contemporaneus. Verba Casiodori *l. c. p. m. 493.* hæc sunt. *Antequam opus orthographiæ inchoare videamur, præfationem Phoca artigraphi, exempli causa, iudicauimus apponendam.* Scripsit autem ille Phocas Grammaticus artem de nomine & verbo, quam habes in Grammaticis a Putschio editis *p. 1687.*

§. XVII. Cæterum Casiodorus idem in *conclusionē opusculi (seu cap. 14.) de Orthographia* Artigraphos ab Orthographis distinguit his verbis *p. 518.* *Meminisse debemus, frequenter Artigraphos de Orthographia tractasse; & iterum orthographos de partium declinatione differuisse, cum tamen res sibi repugnare videantur.* *Ars enim tractat de partium declinatione: Orthographia vero, quemadmodum scribi debeat, designat* &c. Apud Boëthium quoque arthigraphi



vocem reperio, sed de artis siue Rhetoricæ siue Dialecticæ scriptore vsurpatam *lib. II. Geom. tit. de Util. Geometriae f. 1537. Op.* Vbi de enthymemate loquens, *qui Rhetoricus*, inquit, *est Syllogismus, quod Latine interpretantur, mentis conceptio, quem imperfectum solent artigraphi nuncupare.*

## OBSERVATIO XIX.

### STATVS ACADEMIARVM IN SECVLIS BARBARIS DVPLEX. ACADEMIA PARISIENSIS.

#### SVMMARIA.

**C**ommendatio Conringianarum Antiquitatum Academicarum. Status primus Academia Parisiensis §. I. Quo tempore Artistarum & Legistarum nomen Philosophis & Ictis tribui cæperit. Status Academicarum in seculo barbaro duplex §. II. Earũ conditio seculo sexto, septimo, octauo, nono sub Carolo Magno potissimum §. III. Barbarum eum vel nondum Academicum, vel Academicum §. IV. Academia barbaries vel nondum Aristotelica vel Aristotelica. Prior præter septem artes liberales nihil exposuit, §. V. videlicet ex Augustino & Cassiodoro §. VI. Etiam in scholis Caroli M. præter septem artes nihil expositum fuit §. VII. & nulla tum fuit facultas superior §. IIX. Ortus professionum Theologicarum in Academia Parisiensi. Lansius emendatus §. IX.

## §. I.

**D**E antiquitatum Academicarum historia si quis vnquam fuit meritus, is profecto est Hermannus Conringius, cuius de eo argumento sex Dissertationes editæ Helmstadii Ao. 1661. Atque hunc librum in hac & aliis Obseruationibus, quoties Celeberrimi scriptoris nomini paginam adiungemus, intelligi oportere, semel hic sufficiat prædixisse. Is ergo *p. 45.* affirmat, cis Oceanum occidentali orbi nullam pene fuisse scholam publicam vsque ad seculum vndecimum, præter vnâ Parisiensem; eius vero initia stetisse intra rudem aliquam, quas vocant, artium professionem, *p. 44.* neque isto tempore reliquos siue Monasteriorum, siue Episcopales scholas habuisse quicquam præter Magistros liberalium artium *p. 79.* Theologicam certe professionem sub Capetanis demum Regibus in Academiam Parisinam accessisse, *iterum p. 44.*

§. II. Quæ cum ita sunt, probabile, Artistarum nomen iis maxime celebrari temporibus coepisse, cum in Academiarum scholis publicis, Parisiensi præcipue, Facultatum, vt vocamus, qualiscunque numerus postularet, vt Professores philosophiæ, (sic hodie imprimis vocantur,) a Theologis, Ictis vel Medicis discernerentur. Id autem Artistarum præcipue

cipue vocabulo factum esse, (nondum enim sublimioris philosophiæ disciplinæ caput erexerant) verò est consentaneum: neque multum dissimilis huic est vox Legistarum, qua appellati ICTi. Quæ omnia vt in clario-ri luce ponantur, simulque illustrentur, dicendum aliquid de seculo barbaro, & in eo Academiæ duplici statu, quorum vnus ante, alter post receptum in eas Aristotelem viguit; dicenda quoque de Parisiensi Academia, quæ huc pertinere videbuntur.

§. III. Quod ad barbariem temporum at-  
tinet, a sexto post Christum natum seculo omnes scholæ, imò tantum non omnis eruditio in tota occidentali Romani Imperii parte, per Italiam, inquam, Galliam, Hispaniam & Africam; a septimo vero per omnem orientalem regionem, Asiam nempe, Græciam & Aegyptum funditus, alibi Germanicarum Scythicarumque gentium, alibi Saracenorum, florentissimas Romani Imperii provincias occupantium barbarie deleta sunt: *Conring. p. 28. quem vide & p. 61. seqq.* Postea cum ageretur seculum nonum [vel etiam in octaui nonique seculi confinio] postliminio literarum studia, simulque cum illis scholæ publicæ in Europam, adeoque Christianum orbem reuersæ, cœpere, satagente inprimis Carolo Magno Imperatore: *Idem p. 41.* Hic vide.

delicet cum Roma tum ex Angliæ monasteriis accitis, quos illa ætas habebat, doctiorib9, ex consilio Magistri sui Albini Alcuini publicum literarum Mercatum Lutetiæ Parisiorum instituit, *Id. p. 44.* circa Annum salutis 792 *Id. p. 78.* Sub eodem & in Germania, plurimæ scholæ erectæ sunt, *Horn. lib. VII. hist. Phil. c. 3. p. 344.*

§. IV. E dictis ergo distinguendum nobis erit ante omnia barbarum ævum in nondum Academicum, [ sic appellabimus ] & Academicum. Prius illud a sexto, posterius ab ipsis noni seculi initiis vel paulo ante auspiciabimur. Quod priori nondum Academici nomen indidimus, non ita capiendum, quasi ante Parisiensem nulla plane fuerit Academia, ( fuerunt enim Bononiensis, Constantinopolitana & aliæ quædam *vid. Reusn. Isag. hist. p. 167.* ) Sed ex eo interpretandum, quod ubi post satis profundum scholarum iuxta & Academicarum silentium qualescunque literæ Parisiis reflorescere cœpissent, pluribus paulatim Academiis Europæus Orbis exornatus est.

§. V. Academica barbaries iterum distinguenda venit in nondum Aristotelicam & Aristotelicam. Illam voco, quæ regnavit in Academiis ante Aristotelem in eas receptum: Hanc, quæ cum recepto Aristotele simul sublimio-

limiorem philosophiam intulit, duravitque, vsque dum literæ politiores reflorescerent. Sic enim est, vt supra memorabamus, vltra liberales artes non fuit in scholis & Academiis per priora tempora processum, qua de re monui aliquid in Programmate Baccalaureali anni 1663. Liberales autem artes septem illæ fuerunt, quarum pueris etiam innotescere solent nomina, tres sermocinales, Grammatica, Dialectica, Rhetorica, Mathematicæ quatuor, Musica, Arithmetica, Geometria & Astronomia. Quas quidem duas veluti disciplinarum classes illis temporibus Triuii atque Quadriuii vocabulis discernere mos erat.

§. VI. Sane non plures, quam septem illas, (citius pauciores, si systemata, aut tractationes quæras) reperire est apud Augustinum & Cassiodorum, quorum per ea tempora maxime in pretio erant libri quippe & latine scripti, & in instrumentalis philosophiæ corpus aliquod complexi. Et Augustinus quidem *lib. II. de Ordine c. 12. 13. 14. 15.* (Tom. I. Op. f. 487. seqq.) Septem vniuersas memorat, de singulis etiam peculiare libros scribere aggressum discimus e *lib. I. Retract. c. 6. Tom. 1. Op. f. 7.*) Sed ad nos eius non nisi de Grammatica, de Dialectica, de Rhetorica libri singuli, vel potius principia quædam librorum, de Musica vero libri 6 peruenerunt, quos

(6)                      K                      quæ-

quære *Tom. I. Op. f. 235. seqq.* Cassiodorus autem cum Monasterium condidisset, septem illas artes non commendauit modo suis Monachis *c. 27. Diuinar. Lect. p. 474.* sed & singularum quædam compendia scripsit, quæ in operibus eius *p. 519. seqq.* quanquam mutila, nonnullibi & aliunde interpolata leguntur.

§. VII. Porro nec plures peruasisse artes ad æuum Caroli Magni, Academiae Parisiæ conditoris, doceri potest ex Alcuino, Caroli Præceptore, cuius quidem de septem artibus (quanquam & in hoc præter Grammatica Rhetorica & Dialectica nihil reperiatur, defunt enim cætera) liber legitur *f. 1246. Operum.* De sublimiore vero Philosophia, quam postera ætas ex Aristotele tradidit, altum satis ipsius est silentium. Illud vero ipsum quoque dubitari aliquo modo video a Conringio, an non per ea tempora, excluso etiam Quadriuiio, solum regnauerit Triuium. Sic enim inquit *p. 80. Liberalium ipsa illa artium disciplina artis minutæ literaturæ limitibus circumscripta fuisse videtur, Triuium videlicet, ut tum loquebantur b. e. Grammatica, Rhetorica & Dialectica. Quadriuium tamen b. e. Arithmetica, Geometria, Musica & Astrologia rudimenta quædam ex parte accepisse non negauerim.*

§. VIII. Quicquid autem huius rei sit, idem *d. l. in precedentibus* affirmare non dubitat, nullam tum (cum scil. nasceretur Parisiensis

ensis Academia) Theologiæ, nullam artis Medicæ, multo minus ullam aut Romani, aut Pontificii iuris professionem fuisse: nempe, quod ut alibi *p. 44.* loquitur, captus eius temporis non esset maior, & sacra studia maluerit Imperator Episcopis demandare. Atque in huius rei memoriam Rectorem Parisiensem scholæ semper ex ordine philosophico præfici, testatur *idem p. 79. e Iob. Filesaco*, nempe quia sub primam institutionem Caroli Magni sola hæc Facultas in usum fuisset recepta.

§. IX. Quod ergo in præcedentibus Observationibus e Lanfio retulimus, Parisiensem Academiam potissimum pro sacra Theologia institutam fuisse, id aut reiiciendum est, ne pugnet cum historia certa, aut commoda quadam interpretatione restringendum. Hoc certum interim, Theologica professione apud Parisienses nihil aliquot seculis fuisse floridius, *Conring. p. 44.* Sed ea sub Capetanis tandem Regibus accessit, *ibid.* ac seculo imprimis XI. celeberrimis Professoribus inclauit. Vixerunt enim ea ætate, atque in Parisiensi schola docuerunt Anselmus Laudanensis, Guilielmus Campellensis, Petrus Abelardus, (a quo Theologiæ Scholasticæ capienda videntur exordia) Gilbertus Porretanus, & Petrus Lombardus, nobilis ille sententiarum Magister, *Id. p. 45. 46.* Sorbonam

autem Lutetiæ A. 1263. Robertus quidam fundavit. *Caluis. Chronol. p. 999.*

## OBSERVATIO XIX.

ARTES ET PARTES QUID DIFFERANT? GARZIO. DICTARE.

## SYMMARIA.

**D**istinctio Artium & partium apud scriptores ævi barbari. Locus eam in rem Alani §. I. sensus huius loci. §. II. Reiicitur explicatio Senstlebi de artibus & partibus §. III. Per partes intelliguntur octo partes orationis §. IV. Quod illustratur ex Saresberiensis. §. V. Explicatur sensus Epitaphii Alani Insulensis. §. VI. Garzio in seculo barbaro pro puero vel famulo §. VII. Dictare pro fingere dichten §. VIII.

## §. I.

**I**nuenies apud scriptores ævi barbari, eos in re litteraria partes ab artibus interdum distinguere. Quod inter alios facit Alanus Insulensis in *Parabolis Class. VI. parab. 8. p. 158. ed. quæ cum notis Andr. Senstlebi prodiit ao. 1663.* Libet hac occasione totam hanc eius, ut vocat, parabolam sex distichis constantem enarrare;

Ut perpendiculo paries æquetur, oportet,  
Ne domus hoc ipso deficiente ruat.

Quo-



Quomodo stare potest titubantis machi-  
na muri,

Si fundamentum debile fallat opus?

A simili si quis sublimes, tendit ad *artes*

Principio *partes* corde, necesse, sciat.

*Artes* post *partes* veteres didicere Magi-  
stri,

Iccirco magnum promeruere decus.

Primo dictantes & postea versificantes

Tendentes ferulæ supposuere manus.

Partibus imbutos sapientia duxit A-  
thenas,

*Quadriuium triuii* continuando sibi.

Versu 7 *artes per partes* est in editione Senftlebianâ, sed magis placebat *post partes*, quomodo exhibet editio operum Alani Antwerpiensis Caroli de Visch A. 1654. fol. vlt. Neque aliter citat Lexicon Fabro-Buchnerianum in Alanus.

§. II. Summa est, partes esse quasi fundamenta quædam artium, ita vt absque partibus præuiis non possint commode disci artes. Simile illud Quintiliani, etiam Senftlebio obseruatum in *notis* p. 159. Grammaticam Rhetoricæ fundamentum constituentis *lib. I. c. 4. (al. 5.) Quo minus sunt ferendi, qui hanc artem, (Grammaticam) vt tenuem ac ieiunam caui-*

*lantur, quæ nisi oratori futuro fundamenta fideliter iecerit, quicquid superstruxeris, corruet.*

§. III. Sed quid Alano sunt partes? quid artes? Satis quidem hoc manifestum, esse, partes aliquid artibus inferius, quodque discipulus debeat, quod ille quoque Senstlebio citatus versiculus demonstrat:

Qui nescit partes, in vanum tendit ad artes.  
Quem & reperies apud Neandrum in *Versib. Leoninis-Ethica veterum adiectis p. 118.* Sed vtriusque vocabuli accuratior notio quæritur. Senstlebius artes interpretatur Sapientiam & maiores disciplinas, partes vero disciplinas inferiores & artes particulares. Quod sub-obscurum est. Puto autem eum Sapientiæ nomine Theologiam, maiorum disciplinarum vocabulo facultates cæteras superiores, artium denique particularium philosophiam intellexisse. Sed cum certum sit, artium vocabulo veteres illos Triuium & quadriuium, (quorum & ultimo versu mentio apud Alanum) h. e. septem, quæ vocantur artes liberales intellexisse, necesse est, aliam interpretationem circumspiciamus.

§. IV. Et artes quidem quid sint, iam ita est explicatum. Partes autem intelligo partes orationis, atque adeo rudiores illas Grammatices notitiam, qualem solent hodie haurire pueri e Donato. Ælii certe Donati &

& nomen, & libellum in scholis illa quoque, conseruauit ætas barbara, & ad nos vsque sic deduxit, vt hodie quoque libri pueriles, illa, Grammaticæ artis initia continentes, cuiuscunque sint scriptoris, passim appellantur, nomine Donati. Et vero in Grammaticæ Latinæ Autoribus antiquis Aelii Donati editio secunda inscriptionem habet *de partibus Orationis*, p. 1743. In eodem Volumine *de Oratione & partibus orationis* inscribitur liber Diomedis. p. 274. Memini quoque puer, non raro audire cantilenam, haud dubie a Monachis ad nostra tempora deriuatam, in qua esset: Septem sunt artes, octo sunt partes.

§. V. Quid multis? satis clare id, quod dixi, probat distichon hoc, quod recitat Iohannes Saresberienfis *lib. VII. Policrat. c. 12. p. 385.*

Garzio quisque *duas* postquam scit iungere *partes*,

Sic stat, sic loquitur, velut omnes nouerit *artes*.

Vbi duæ partes sunt ex illis octo duæ præcipuæ, quasque ceterarum, vt ab Andrea Gvarna Cremonensi vocantur, in bello Grammaticali, Reges, nomen & verbum. Hinc & Phœcæ Grammatici ars de nomine & verbo inscribitur *in opere dicto Grammaticorum p. 1687.*

Item P. Consentii *ars de duabus orationis partibus, nomine & verbo p. 2018.* Itaque iungere, duas partes ibi est, nomen, vt vocamus, construere verbo.

§. VI. Atque ex his iam interpretor Epitaphium Alani Insulensis, cuius hoc initium est :

Alatum brevis hora breui tumulo sepe-  
liuit,

Qui duo, qui septem, qui totum scibile,  
sciuit.

Sensus, Alanus ille (qui Doctoris vniuersalis titulo pasim celebratur) non duas tantum partes orationis, non septem tantum artes liberales, sed omnes quoque scientias, (puta, vt erant illo tempore, mortuus autem Alanus est anno 1294. vt ex reliqua epitaphii parte, quam omisimus, docet Carolus de Visch in vita Alani) animo suo complexus est, nisi malis forte per illa duo physicam & ethicam accipere. Non igitur assentior eruditissimo Iohanni Gebhardo, qui in *vita Alani parabolis eius cum notis Senftlebi* p. 9. duorum nomine vtrumque ius intelligit, civile & canonicum. Multo minus Mich. Maiero, qui *lib. VI. Symbolorum Aurea mensa p. 261.* latere hic putat arcanum Chymicum : quia philosophi (i. e. Chymici) in turba (libro sic in-

inſcripto) meminerunt, imbibitiones faciendas iuxta proportionem duorum ad ſeptem aut vnus ad tria, vt paſſim quoque a Chymicis hæc pondera inculcentur. Fallitur autem idem Maierus in eo quoque, quod Alatum Infulenſem, confundit cum Alano, quicumque tandem ille eſt Chymiſta.

§. VII. Porro in illo Saresberienſis diſticho Gartio vel Garcio Gallorum & Italorum ex idiotiſmo puer eſt, Garcon & Garzone illi vocant. Quare & γαργονομασιον, locus Conſtantinopoli, vbi pueri ſtabant & γαργονιον, puer, apud Meurſium in *Gloſſ. Græco-barb.* p. 129. Interdum etiam, vt puer ſeruum ſeu ſeruulum notat; Ingulphus in *hiſtoria* (f. 688. *ſcriptorum rerum Anglic.*) habeatque clericum ſeu gartionem ſuo ſeruitio ſpecialiter attendentem. David de Hug. c. 46. *formule interior. hom.* p. 172. pannofus gartio vileſcit inter purpuratos. Eundem hinc corrige c. 17. p. 135. Sicut Magnus decepit grationem (lege gartionem) vt putet, ſe in equo ſedere, & ſedet ſuper fasciculum paleæ. Plura de hac voce dabunt Voſſ. lib. I. de vit. *Serm.* c. 1. p. 4. Reineſ. lib. III. *Var. Leſt.* c. 10. p. 494. Barthius *animadv.* in Guilelm. Briton. p. 644. & 712.

§. VIII. Redeo ad carmen Alani, in quo verſus etiam dictantes diſtinguuntur, a verſificantibus. Vbi dictantes interpretor ſin-

gentes, vt sensus sit, prius fingi aliquid & excogitari oportere, quod sit carminis materia, tum demum huic materiæ formam, versuum imponendam : nam elocutionem omnino præcedere debet inuentio. Dictare **dichten** exponunt vocabularia barbara, vt Gemma Gemmarum, & Iohannis Melberi vocabularius prædicantium. Sic dictamen **ein Gedicht** / dictator **ein Dichter** / vt credam, voci alioqui satis latinæ nouam esse significationem impositam e linguæ nostratis vocabulo soni non adeo diuersi. Alias non ignoro, dictamen illius æui hominibus etiam esse poëma ipsum, & dictatorem, poëtam, quo sensu & nobis **ein Gedicht** / **ein Dichter** vsurpantur, vt scilicet non solum officium inueniendi intelligatur, sed & eloquendi ratio metrica. Vetus translatio vitæ Aristotelis Auctore Ammonio scriptæ p. 18. *Aristoteles iuuenis adhuc existens doctrinam eloquentiæ docebatur, vt declarant Homerica commenta scripta ab eo, & Iliadis dictamen, quod dedit Alexandro.* Vbi Nunnesius in notis p. 58. *Poëma a barbaris vocabatur dictamen.* Vincent. Bellouacensis lib. XX. *Spec. historial. c. 108. ex Helinando : Hildebertus Cenomanensis Episcopus, Berengarii Turonensis discipulus, versificator & dictator egregius.* Quæ eadem leges &

& apud Antoninum *Volum. II. historialis Tit. 16. c. 9. f. 203.*

OBSERVATIO XX.

STATVS ACADEMIARVM, ET  
IMPRIMIS FACVLTATIS PHILO-  
SOPHICAE POST RECEPTVM  
ARISTOTELEM

SVMMARIA.

**C**onnexio cum praevidentibus §. I. Aristotelica  
Philosophia iam floruit in Academia Parisi-  
ensi seculo duodecimo, quod probatur ex loco Sa-  
resberensis §. II. In quo per Peripateticum Pala-  
tinum intelligitur Abelardus §. III. Notatur File-  
sacus, qui putauit, Palatini vocem esse hic titulum  
honoris pluribus Philosophis communem. §. IV.  
Ostenditur erroris origo. §. V. Abelardus autor  
Theologia Scholastica §. VI. Illo tempore etiam  
Physica & Ethica Aristotelis floruit §. VII. Versi-  
ones dua prima vniuersales Operum Aristotelis.  
§. VIII. Probantur dicta vltcrius, §. IX. Ab illo er-  
go tempore distinctio artium & Philosophiae. §. X.  
& duplex studium, literarum & Philosophiae. §. XI.  
In quibusdam Academiis alii Studiosi Gramma-  
tices, alii Studiosi Laureæ, alii Candidati Magi-  
sterii. §. XII.

## §. I.

**M**onitum iam in superiori Obseruatione, duas fuisse Barbariei Academicæ facies, vnam ante, alteram post receptum in Academiis Aristotelem. Priorem simul ibi per numeros seqq. exposuimus. Hic dicendum de posteriore.

§. II. Quo seculo præcise patefacta sit Aristotelicæ philosophiæ ianua apud Parisienses, a quibus in alias Academiis eam peruasisse vix dubium est, accurate demonstrare non possum. Hoc scio, circa annum 1136. eam ibi iam floruisse. Testem do Ioannem Saresberiensem, cuius *lib. II. Metalogici. c. 10. p. 84.* hæc sunt verba de se ipso. *Cum primum adolescens admodum studiorum causa migrassem in Gallias, anno altero, postquam illustris Rex Anglorum Henricus, Leo Iustitie rebus excessit humanis (morti huius Caluif. Chronol p. 918. annum Christi adscribit 1135.) contuli me ad Peripateticum Palatinum, qui tunc in monte sancta Genouefa clarus doctor & admirabilis omnibus preſidebat. - Deinde post discessum eius adheſi magistro Alberico, qui inter ceteros opinatissimus Dialecticus enitebat, & erat reuera Nominalis sectæ acerrimus impugnator. Si fuit Parisiis Peripateticus Doctor, si scissa Philosophia in sectas Nominalem & oppositam huic Realem, quis dubitet, Aristotelis ibi dogmata fuisse success-*



scepta, quorum expositionem constat his duabus sectis occasionem dedisse?

§. III. Porro Nominalium sectæ studuit ille ipse, quem hic Saresberienfis nominat, Peripateticus Palatinus. Is vero fuit Petrus Abelardus, ut clare intelligitur ex *lib. II. c. 17. p. 99.* quo loco recenset ipsa Nominalium inter se dissidia, ut paulo post Realium. Verba eius adscribemus. *Alius consistit in vocibus (licet hac opinio cum Rucelino suo fere omnino iam evanuerit; ) alius sermones intuetur, & ad illos detorquet, quicquid alicubi de universalibus meminit scriptum. In hac autem opinione deprehensus est Peripateticus Palatinus Abelardus noster.* Alioqui Peripatetici Palatini satis crebra est apud Saresb. mentio. Quære præterea *lib. I. c. 5. p. 14. Lib. III. c. I. p. 129. c. 4. p. 147. c. 6. p. 156.* quibus vide in locis, certum esse non alium intelligi præter Abelardum.

§. IV. Fallitur Iohannes Filescus, existimans, Peripateticum Palatinum usurpari a Saresberienfi, tanquam commune omnibus, modo sinceri essent, philosophis elogium, non ut certo alicui propriam periphrasin. Quoniam (inquit, *lib. III. Select. p. 133.*) in multorum reprehensionem philosophi olim venerunt, ne quis promiscue damnatos omnes fuisse credat, veteres sinceros & veros philosophos a fucatis & falsis discernere consueverunt. Hinc nonnullos a

Cice-

*Cicerone, quasi Consulares appellatos refert B. Augustinus, quoniam eorum magni penderet auctoritatem. S. Ambrosius de Platonicis adeo magnifice sensit, ut Platonis Patriciam prosapiam appellet. Peripateticos Palatinos dixit Ioannes Sarisberienfis.*

§. V. Decepit doctissimum virum, locus e *lib. I. Metalogici c. 5.* (quem & in margine citat) perperam intellectus, ubi hæc leguntur: *Sed & alii viri, amatores literarum (utpote Magister Theodoricus, artium studiosissimus investigator, item Wilhelmus de Conchis Grammaticus post Bernhardum Carnotensem opulentissimus, & Peripateticus palatinus, qui Logicæ opinionem præripuit omnibus contemporaneis suis, adeo, ut solus Aristotelis usus crederetur colloquio,) se omnes opposuerunt errori.* Putavit, ad Wilhelmum de Conchis pertinere, ut opulentissimi Grammatici, sic & peripatetici Palatini titulum, & hunc quidem tanquam elogium aliquod cum quolibet illi præclaro philosopho commune. Sed collatio tot locorum, quibus Peripatetici Palatini inserta mentio est, dubitare nos non finit, quin solum hoc elogio dignum habuerit Abelardum Saresberienfis.

§. VI. Atque hic Abelardus discipulus fuit illius Rocelini, seu Rucelini, de quo supra §. 3. Saresberiensem loquentem audiebamus, qui idem sectæ Nominalis autor primus mem-

moratur; Discipulus inquam in philosophi-  
cis. Nam in Theologia, quæ ipsa quodque  
iam tum caput erigebat apud Parisienses, au-  
diuit Anselmum Laudanensem & Guiliel-  
mum Capellensem, vt ex Ottonis Fris. *lib. I. de Gest. Frid. Imp. c. 47.* Filescaco item *lib. I. Se-lect. p. 356.* intelligimus. Atque ab hoc Abe-  
lardi tempore, si Trithemium sequimur *p. 74. de script. Eccles.* philosophia secularis sacram  
Theologiam sua curiositate inutili fœdare  
cœpit: vt merito Scholasticam Theologiam  
ab Abelardo auspicemur, id quod recte fieri,  
pluribus ostendi in *Schediasm. histor. p. 62. 63.*

§. VII. Abelardi auditor fuit vt supra §. 2.  
docuimus Io. Saresberienfis, quo tempore,  
ne quis putet forte solos Aristotelis logicos  
libros, (nam in his enarrandis fere Nominali-  
um atque Realium contentiones surrexere)  
publice notos fuisse, age doceamus, ex eo-  
dem Saresberienſe, physicæ quoque & Ethicæ  
doctrinas floruisse. Sic ille *lib. I. Metal. c. 24. p. 58.* *Physica exploratis natura consiliis de prom-  
ptuario suo offert multiplicem colorum venustate-  
tem. Illa autem, quæ cæteris philosophia parti-  
bus præminet, Ethicam dico, sine qua nec philoso-  
phi subsistit nomen, collati decoris gratia omnes  
alias antecedit.* Scripsit eos libros vel certe  
aliquam eorum partem Saresberienſis eo an-  
no, quo Adrianus Papa IV. mortuus est, (vi-  
de

*de ipsum libri IV. cap. 42.) h. e. anno 1139. (Calvis. Chronol. p. 933.)*

§. VIII. Tametsi vero iis temporibus nondum natæ erant Aristotelicorum operum versiones duæ vniuersales, quarum altera circa annum 1220. iussu Friderici II. Imperatoris partim e græco, partim ex arabico sermone (*Conring. p. 95. de Antiq. Acad.*) altera anno 1271. rogatu Thomæ Aquinatis e græco (*Auentin. lib. VII. Annal. f. 566.*) procurata est: tamen qualescunque librorum Aristotelicorum in vario philosophiæ genere translationes æuo Saresberiensis prestitisse, probatum est hætenus. Imo simul cum Aristotele Platonica quoque Philosophiâ euigilauit: quomodo enim alias Bernardum Carnotensem, perfectissimum inter Platonicos sui seculi memorare, potuisset idem Saresber. *lib. IV. c. 35. p. 226.* Quomodo, eundem Carnotensem cum sectatoribus suis operose egisse, ut componerent inter Aristotelem & Platonem? *lib. II. c. 17. p. 101.*

§. IX. Atque cum his, quæ diximus consentiunt etiam, quæ leguntur ap. Franciscum Patricium *Tom. I. Discuss. Perip. lib. XI. f. 144.* his verbis: *post Boëtium philosophiæ studia omnino interierunt in Italia, quæ sexcentis post annis, circa annos scilicet 1140. reuiuiscere cæperunt.* Solet enim annus 1140. passim adscribi Abelardo

Iardo, Saresberienſis præceptor, quem circa annum 1136. audiſſe ſe fatetur ipſe ſupra §. 2. Alſtedius quoque *p. 284. Chronologiæ* Pariſienſem Academiam ſcribit ſub Ludouico VII. Rege Galliæ valde creuiſſe. Hunc autem ab anno 1138. vsque annum 1181. regno præſuiſſe, tradit idem Alſtedius *p. 246.* Succellor illi fuit Philippus II cognomine Auguſtus, ad quem alias a Carolo Magno infantiam Pariſienſis Academiæ extendit Fileſac *9 lib. I. Select. p. 351.*

§. X. Quæ dicta ſunt hætenus, & imprimis §. 7. euincunt cum Ariſtotele phyſicam quoque & Ethicam, partes philoſophiæ Realis, Academiæ Pariſienſi ſe miſcuiſſe. Quæ ita, haud dubie præter illas liberales artes vulgatas Philoſophiam quoque ſublimiorem ſparſit in auditores doctrinæ publicæ, atque hoc inſtitutum in alias quoque tranſmiſit Academiæ. Hinc ergo cœptum eſt in circumſcribendo Facultatis noſtræ ſtudio, non modo Artium, ſed inſuper philoſophiæ vocabulum uſurpari.

§. XI. Ac ſuſpicari licet, ab hiſ temporibus duplicē quaſi philoſophici ſtudio curſum cœpiſſe vt alter eſſet incipientiū, alter prouectiorum: illis artium, hiſ philoſophiæ doctrinam haurientibus. Veſtigia talis inſtituti deprehendes in Academia Louaniienſi, in qua Facul-

tatis artium h. e. philosophiæ, studium duplex memorat Vernulæus *lib. II. Acad. Louan. c. 6. p. 116.* Philosophiæ & literarum.. *Philosophia*, inquit, *studium biennio decurritur, Logica enim nouem circiter menses dantur, vni naturali scientia octo, Mecaphysica quatuor, repetitionibus demum philosophiæ totius vltimi tres impenduntur* (Ethicæ quoque professionis mentio est *p. 123.*) De literarum vero studio *p. 122.* hæc tradit, *Literarum studium iam a condita Academia in quatuor Gymnasiis florentissimum fuit: In iis Grammaticæ Rhetoricæque Professiones quam plurimæ.* Vbi a veteri ratione illud quoddammodo recedit, quod Logica non literarum seu Artium, sed philosophiæ studio annumeratur. Sed fuisse tamen ea videtur in confinio quasi literarum & philosophiæ. Nam *p. 118.* ait, Iuuenes, Logicæ studiosos, in celebri totius Academiæ confessu de quæstione aliqua Ethica, quam Præses Professorum aliquis proponat, sententiam suam dicere: hoc modo se philosophiæ studiosos profiteri, nullum vero gradum consequi.

§. XII. Clarius a Reali philosophia Logicam diuellit Academia Rostochiensis, sed eadem tamen Grammaticam a cæteris artibus liberalibus separauit, vnde studiosorum tres ordines. Aestimari hæc possunt e sequentibus verbis Arnoldi Burenii (vixit hic superiore

te

te seculo) oratione de disciplina in Acad. Rostochiensis: scholasticos nostræ Philosophicæ scholæ distribuimus in Auditores Grammaticos, studiosos Laureæ & Magisterii candidatos. Auditoribus Grammaticis horis antemeridianis proponimus priuatim Epistolas Ciceronis, & præcepta Etymologia; pomeridianis autem vel Comœdias Terentii, vel poëma aliquod - & præcepta Syntaxeos & prosodia - studiosis Laureæ Dialectica & Rhetorica præcepta priuatim traduntur - publice his elementa mathematicum, ut Arithmetica, spherica questiones, & alia eiusdem generis. - His vero, qui ad Magisterii philosophici petitionem se parant, præcepta physica ethica & politica Aristotelis, Theorica planetarum, Euclides, Ptolemaeus publice enarrantur.

## OBSERVATIO XXI.

VOCABVLI PHILOSOPHIA MVLTIPLEX ACCEPTIO: ET AD SVPERIORES FACVLTATES ACCOMMODATIO.

## SVMMARIA.

**A**lius significatus Philosophiæ cum quis vocatur bonarum artium & Philosophia studiosus, alius cum quis dicitur simpliciter studiosus Philosophiæ. §. I. & II. Scilicet Philosophia sumi-

*tur vel latissime pro omnibus quatuor facultatibus, vel stricte pro quarta facultate, vel strictissime pro sola Philosophia reali §. III. Latissima acceptio probatur ex loco Besoldi & Gumpelzheimeri, qui ostendit, Philosophos etiam dici Medicos & Ictos §. IV. De Theologis locus Schotani §. V. Politici & similes disciplinarum practicarum studiosi modo sub philosophorum voce comprehensi, modo iis oppositi: Elegans locus Quintiliani. §. VI. Adhuc quedam de Medicis §. VII. Significatio Philosophiæ lata & stricta. §. VIII. Variatio in diuersis temporibus circa recensendas disciplinas philosophiæ, quæ principalis dicitur, & quæ instrumentalis. §. IX.*

## §. I.

**C**VM artium & philosophiæ studiosum aliquem vocamus, certum est, philosophiæ vocabulum, ne idem bis dicatur, sic accipi, vt notet aliquid ab artibus distinctum, h. e. sensu stricto pro philosophia Reali seu sublimiore. Late enim accepta comprehendit artes, quæ nullæ hic aliæ, quam liberales illæ quidem, sed instrumentales intelliguntur. At vero, cum quis eodem sensu tantum appellatur philosophiæ studiosus, dubitare possis, latene an stricte Philosophiæ nomen vsurpetur. Vtrumque enim defendi



di potest, sed alterum absque tropo, alterum non nisi per tropum.

§. II. Tropo non opus est in acceptione lata, hoc enim sensu philosophiam qui dicit, instrumentales iuxta cum principalibus disciplinis habet in animo. Synecdoche vero partis pro toto, si stricta notione capiens philosophiæ nomen, h. e. pro principalibus doctrinis, nihilominus instrumentales quoque subaudiri velis. Valebit enim hic illud, sæpe a potiori denominationem fieri. Hæc omnia rectius vt intelligi queant, varias, quæ sunt in vocabulo philosophiæ, acceptiones distinguemus, non omnes tamen, sed solas eas, quæ supra de philosopho Artista dictorum & sequentium illustrationi inseruiant.

§. III. Sic autem dicemus in vniuersum. Philosophia capitur vel latissime, vel late, vel stricte. Latissime pro qualibet liberali; h. e. liberum hominem, non seruuum decente, & a quo solemus hodie doctos ab indoctis discernere, eruditione; siue sit ea, vt nunc loquimur, Theologorum, siue Iuristarum, siue Medicorum, siue Philosophorum (a superioribus distinctorum.) Late, pro quarta tantum & vltima in hodiernis Academiis Facultate, sic tamen, vt Grammatici quoque Linguae vtriusque professores, item Dialectici & Rhetores, & siqui disciplinarum instrumentalium

funt, alii comprehendantur. Strictè pro sola philosophia reali seu principali, in qua videlicet sunt disciplinæ philosophicæ reales, Physica, Metaphysica, Ethica, Politica, & si quas alias his adiungere mos est, quam & sublimiorem, ut hætenus factum a nobis, salutare pergemus in posterum. Atque hæc acceptio instrumentales disciplinas excludit.

§. IV. Ad latissimam acceptionem referas verba Besoldi c. 3. *de Iure Academicarum*, n. 5. [*V. Polit. p. 169.*] *Erat olim philosophia rerum diuinarum humanarumque encyclopædia, eaque comprehendebat, quicquid mens humana scire aut capere posset. Sed digna imprimis, quæ describantur, verba sunt Georgii Gumpelzheimeri dissertationis de Politico n. 61. p. m. 49. quanquam Theologorum ibi specialem facere mentionem oblitus est. (cuius tamen eo in loco sententia, politicam a philosophia excludentis, cum grano multi salis capienda.) Sic autem ille: probe notandum priscis temporibus aliquando vocabulum philosophiæ late (nobis hoc erat latissime) significasse omnis disciplinæ doctrinam, cum nondum specialibus distinctæ erant nominibus (vera ne causa hæc sit, an alia inquirenda, nunc in medio relinquo.) Ita enim Hippocrates l. de elegant. Medicos dixit philosophos. Ita Ulpianus in l. iuri operam 1. §. I. De iustitia & iure, Iurisprudentiam, veram, non*  
*simu-*

*simulatam appellat philosophiam, vide Marq. Freher. in parerg. lib. I. c. I. Sic Alexander laudatur ab Isocrate in quadam Epistola, quod ex studiis philosophicis non improbaret etiam illam partem, quæ versatur in litibus. Hinc Plin. Iunior in Epistolis: Nulla laudabilior philosophia pars est, quam agere negotium publicum, cognoscere, iudicare, promovere & exercere iustitiam, quaque philosophi doceant, in usu habere.*

§. V. Theologorum, ut dixi, nulla in his est mentio. Nos igitur defectum hunc suppleamus. Omitto ea, quæ hanc in rem iam dixi in programmate Baccalaureali Anni 1663. Iulii Mensis. Facit huc imprimis Christiani Schotani, ex quo intelliges Gentilibus pariter & Christianis Theologiam philosophiæ nomine venisse. Sic enim ille *præf. ad Lectorem Bibliothecæ Hist. Sacræ* [\* 6] *Id quod olim pollicebantur apud Persas magi, apud Indos Gymnosophistæ, apud Babylonios Chaldaei, apud Aegyptios Hierophantæ apud Gallos Druidæ, apud Græcos philosophi, id pollicetur & præstat doctrina sacrarum literarum, quam Deus e cælo reuelavit, nos autem a Iudeis accepimus. Philosophia enim nihil aliud est, quam Theologia Græcorum Gentilium, ut Theologia nostra est Philosophia Christiana, desinierunt eam viuendi Magistræ, καθάρσιν ἢ θεραπείαν τῆς ψυχῆς, ut quæ vitia expellat, imaginem & similitudinem Dei a-*

*nima induat. Theologia perfecte docet Medicinam animam, cuius ne quidem morbos philosophi agnouerunt. &c.*

§. VI. Factum hinc fortasse, ut philosophia Politicæ, & Politicæ Philosophus olim a gentilibus opponeretur, qua de re egi *Schediasm. §. 6. p. 2.* Theologiam enim illi principem ponebant scientiarum speculatiuarum, philosophiæ autem nomen contrahere amabant ad solam speculatiuam partem. Vicissim de Politico studiorum genere, in quo & Iurisprudentiam, (practicam imprimis illam intelligo) non male, opinor, colles, ita disserit Quintilianus procæmio suarum institutionem, ut illi quoque philosophiæ nomen communicare, saltem ex loquendi vulgata consuetudine, videatur. *Neque enim hoc concesserim, inquit, rationem rectæ honestæque vitæ, ut quidam putarunt, ad philosophos relegendam, cum vir ille vere ciuili & publicarum, priuatarumque rerum administrationi accommodatus, qui regere consiliis vrbes, fundare legibus, emendare iudiciis possit, non alius sit profecto, quam orator. Quare tametsi me fateor usurum quibusdam, quæ philosophorum libris continentur: tamen ea iure vereque contenderim esse operis nostri propriæque ad artem oratoriam pertinere. -- Eueruntque hæc, ut Cicero apertissime colligit, gemadmodum iuncta natura, sic officio quoque*  
copu-

*copulata, ut iidem sapientes atque eloquentes haberentur. Scidit deinde se studium, atque inertia factum est, ut artes plures esse viderentur. -- Inde quidam contempto bene dicendi labore ad formandos animos, statuendasque vite leges regressi, partem quidem potiore, si diuidi posset, retinuerunt, nomen tamen sibi insolentissimum arrogauerunt, ut soli sapientie studiosi vocarentur: quod neque summi Imperatores, neque in consiliis rerum maximarum ac totius administratione Reip. præclarissime versati, sibi vnquam vindicare sunt ausi. -- Ac veterum quidem sapientie professorum multos & honesta præcepisse, & ut præceperunt, etiam vixisse, facile concesserim: nostris vero temporibus sub hoc nomine maxima in plerisque vitia latuerunt. Non enim virtute ac studiis ut haberentur philosophi, laborabant, sed vultum & tristitiam, & dissentientem a cæteris habitam pessimis moribus prætendebant. Nunc autem quæ velut propria philosophiæ asseruntur, passim tractamus omnes. Quis enim non de iusto, æquo & bono, modo non vir pessimus, loquitur?*

§. VII. Merentur hæc vltima conferri cum illo Vlpiani (supra §. IV.) Icti Philosophi veræ, non simulatæ philosophiæ titulum Iurisprudentibus vindicantis. De quibus hic nihil addo. De Medicis autem illud, quod & Marq. Freherus lib. I. parerg. c. c. I. obseruauit, a Diocle Charistio (rectius Carystium scri-

hemus) Medicinam sub philosophia comprehensam. Vocat enim in Epistola ad Antigonnem τὴν Φιλοσοφίαν τὴν περὶ τῶν ὀγμεινῶν, interpretes reddidit, *philosophia partem, quæ incolumitatem tueri docet.*

§. VIII. Secundum hætenus ergo dicta, nulla est facultatum superiorum, cui non fuerit aliquando philosophiæ titulus a quibusdam impositus honoris ergo, adeo sanctum hoc & venerabile nomen habitum fuit quondam: Nostri autem moribus nomen hoc velut ab aliis fastiditum resedit in Facultatem hanc nostram, quæ superioribus illis studiosam iuventutem præparat. Atque hic iam locus est acceptionibus duabus reliquis, quas §. III. latam vocabamus & strictam. De quibus ita differi possit: cum philosophia late dicta diuidi soleat in principalem & instrumentalem; Instrumentalis autem nomine versantur artes inferiores, quæ olim liberales appellabantur: strictè dictam Philosophiam eandem esse cum principali. Verum hic monendum tum liberalium artium, tum ipsius philosophiæ late acceptæ aliam aliis temporibus diuisionem in reales & instrumentales disciplinas placuisse.

§. IX. Nam hodie quidem inde vsque ab æuo Augustini septem numerantur artes liberales, inferiores intellige, & Philosophiæ publi-

sublimiori famulantes, certo modo intellectæ, atque in his Dialectica etiam seu Logica. Vetustiores autem Logicam artibus ancillantibus exemptam, Philosophiæ potius dominantia adiungebant, id quod ostendi in programmate sæpius citato Baccalaureali. Vtram vero cunque ex his duabus opinionem retineas, quatuor Mathematicæ scientiæ, Arithmetica, Geometria, Musica, Astronomia, sunt & ipsæ in numero artium famulantium, vt adeo poni sic debeant in philosophia instrumentali. At nos aliter hodie, si vulgo receptam partitionem tuemur. Instrumentalis enim philosophiæ nomine solum complectimur, quod veteres vocabant Triuium, Grammaticam puta, Rhetoricam, Dialecticam, cui & Poëtica iungitur. Mathematicum autem illud Quadriuium receptum, est in ordinem philosophiæ sublimioris, eius, quam realem vel principalem vocamus. Sed hæc alibi accuratius persequenda sunt.

## OBSERVATIO XXII.

CHYMICI PHILOSOPHI. LAPIS  
PHILOSOPHORVM.

## SVMMARIA.

**P**hilosophorum nomen in specie de Chymicis observatum §. I. Locus eam in rem Sennerti.  
Chymi-

*Chymici Philosophiam suam vitalem nominant. §. II. Et Lapidem suum Lapidem Philosophicum; cuius definitio traditur. §. III. Quamvis de eius existentia multi dubitent; Patriarchas ope lapidis Philosophici tam longævus fuisse. §. IV. Dictum ex Apocalypsi misere contortum ad Lapidem Philosophorum. §. V.*

## §. I.

**D**ictum est Observ. præced. (respice ad §. IV. & VII.) Philosophorum nomen etiam Medicis accommodatum, olim fuisse. Retinet id ævo nostro secta Medicorum ea, quam Chymicam vocant & Paracelsicam. Retinet autem non modestiæ causa, quasi e stylo ævi nostri, quo philosophi eruditorum infimi censentur; sed ad priscam loquendi rationem respiciens, quæ summum eruditionis fastigium in philosophia posuit.

§. II. *Sunt, inquit Sennertus c. 1. de Chym. cum Aristotelicis & Galenicis conf. & diss. pag. 2. qui arti huic (Chymicæ) Philosophiæ nomen κατ' ἐξοχὴν, sed nimis arroganter atque insolenter, attribuunt: vulgatumque iam est apud Chymicos, eos imprimis, qui circa artificium aurum consciendi occupantur, Philosophos, Philosophorum filios, & libros hac de re scriptos libros Philosophorum appellare. Atque hinc liber, in quem*  
multo-



*multorum de χημειστικῶν sententia collectæ sunt, Turba Philosophorum inscribitur. Etiam bodiæ Chymici plerique suam Philosophiam vitalem appellant; Aristotelicos vero Elementares & materiales nominant, verba sunt eiusdem Sennerti c. XI. dicti libri p. 268, Quibus similia leges c. 33. p. 387. Suam Philosophiam, inquit, vitalem appellant, utpote quæ non ex materialibus elementariis & mortuis, quæ Aristoteles, Galenus & Auicennas habeant, principiis deducta sit, sed circa explicationem vitalium principiorum, seminum & potestatum versentur.*

§. III. Hinc igitur & lapidem illum suum artifices isti cognominant philosophicū, de cuius secretis & circumferunt librum, si credimus, Hermetis Trismegisti, teste Sennerto d. l. c. 3. p. 46. *Intelligunt autem nomine Lapidis philosophici nescio quam Medicinam suam uniuersalem, per quam & metalla possint transformari, & omnes morbi sanari: Micræl. Lex. Philos. p. 665. Henricus Nollus, Chymistarum haud postremus, tract. de silent. Hermet. p. 739. Phys. Herm. ita definit: Lapis Philosophorum est spiritus vniversi, incubatu suo actiuans aquas atque in medicinam, tam superiorum, quam inferiorum virium habitaculum, digestionem philosophicam deductus, eaque virtute præditus, ut imperfectis substantiis perfectionem sua ipsius communicatione ingeneret. Et mox p. seq. Lapis, inquit*

quit, *legitime administratus metalla imperfecta in auri statum deducit, vegetabilibus maturati-  
nem, virorem & vigorem inducit, animaliaque  
quoscunque, siue sint bestia, siue rationales creatu-  
ra, si quo morbo infecta fuerint, stupendum in-  
mo. um ab ea minima dosi liberat. Imo homi-  
nem Angelica exornat sapientia, ita vt nihil in v-  
niuerso fiat & inueniatur, quod non cognoscatur  
eius usu legitimo.*

§. IV. Satis magnifice. Sed audiamus & Sennertum c. 18. libri ante citati p. 565. cui hoc monendum videtur, non paucos quidem de Medicina vniuersali multa gloriose predicare, paucissimos vero, imo forsan nullos, eam explicasse. Et p. seq. optandum inquit, potius hoc medicamentum, quam sperandum; nec haftenus inuentus quisquam, qui omnes sanauerit, aut ea, quae Chymici suo lapidi Philosophico in curandis morbis attribuerunt, praestiterit &c. Ad iactantiam vero illam etiam hoc referendum, quod enuncia-  
bimus verbis Andreae Libauii *Histor. Panaceae* sect. 2. c. 8. (part. IV. singularium p. 605.) iactant absque vlllo fundamento, in sacris literis extare eius (lapidis philosophici) fabricationem, & Patres vitam produxisse eius beneficio, atque hanc ipsam ob causam tam paucos morbos fuisse in primo mundo. Sed cum postea amissa esset eius notitia, morbos inualuisse, aliamque medicinam in-  
uen-

*uentam esse, donec spagyricum in lucem denuo protraherent.*

§. V. Quo loco recordor eius, quod alibi olim legisse memini. (scil. ap. Dilherr. *lib. 3. Elect. c. 21. p. 587. seq.*) Fuit enim e Chymistis, qui crederet se lapidem illum philosophicum in Apocalypsi reperisse. Quod enim *c. 2. v. 17.* legitur: *Vincenti dabo manna absconditum, & dabo illi calculum candidum, id in fontibus Græcis est: δῶσω αὐτῷ ψῆφον λευκήν.* Ver- tit aliquis germanice opinor, *einen weissen Stein/* sed hoc ipse, quasi esset *einen Weissen-Stein/* interpretatus est de sapientum isto lapide. Verum vim sermonis rectius assequitur versio B. Lutheri; *ich will ihm geben ein gut Zeugnuß.* Deducta enim phrasis est a more calculis siue lapillis eden- di suffragia, quæ, si bona essent, atque fauo- ris plena, lapilli albi iniectione prodeban- tur.

## OBSERVATIO XXIII.

### CHYMICI ARTISTAE. ELIAS ARTISTA.

#### SYMMARIA.

**E***tiam nomen Artistarum ad Chymicos appli- catum. Fundamentum totius magisterii Chymici. §. I. Vaticinia Theophrasti de Elia Ar-  
tium*

*tium excerpta ex Raphaele Eglino. §. II. Primo de Elia Artium in genere §. III. Tum de aliquo certo indiuiduo in specie §. IV. De tempore aduentus istius Eliae Artistæ §. V. Similis assertio de Elia Artista Fraternitatis roseæ crucis. §. VI. Item Chiliarum seculo præcedentis §. VII. Bernardi Penotti sententia, vaticinium Theophrasti de Elia Artista, exponentis de Isaaco Hollando, iocose magis, quam serio §. VIII. Fabula de Elia Artista orta haud dubie ex opinione quorundam Patrum Ecclesiæ de rexitu Enoch & Eliæ ante diem extremum. Locus hanc in rem Augustini §. IX. Et alius ex tractatu eius spurio, item ex Tertuliano §. X. Quæ tamen opinio & ipsa erronea esse & vnde ortum duxerit, ostenditur §. XI. Somnium Theophrasti refutauit ipse euentus. Somnia Patrum Ecclesiæ refutarunt alii multi. Lutherus tertius Elias quo sensu. §. XII.*

## §. I.

**Q**Vo tempore Theophrastus Paracelsus illam aliis ex metallis aurum fabricandi artem Chymicam præter cæteros restaurare conatus est, nondum ita desuetum erat Artistæ vocabulum, quin eo ipse adhuc; non tersissimi autor stili vteretur. Ea re factum, vt artis illius peritis quemadmodum philosophorum nomen, sic & Artistarum accommodaretur tum latina,  
tum

tum germanica in lingua. Ac memini, me quondam rythmum legisse in hanc sententiam:

Das ist ein recht gelehrter Artift/

Der weiß/ daß das untere gleich dem ober-  
bern ist.

Quæ haud dubie alludunt ad prima verba tantopere deprædicatæ Chymicis, vt quæ fundamentum totius Magisterij Chymici comprehendat, Tabulæ Smaragdinae, cuius autorem volunt esse Trismegistum Hermetem. Sic enim ea (apud Sennertum c. 3. de Conf. Chym. p. 44. Nollium c. 2. de vero Hermete p. 701. Phys. Hermetica & alios passim) incipit: *Verum sine mendacio, certum & verissimum: Quod est inferius, est sicut id, quod est superius; & quod est superius, est sicut id quod est inferius ad perpetranda miracula rei vnius.*

§. II. Circumferuntur & quædam quasi vaticinia Theophrasti de Helia artium, seu Helia Artista, qui seculi aurei percursor tum alias artes ac scientias, tum illam imprimis Chryso-chymicam perfecte sit orbi reparaturus. Ea nos describemus e Raphaele Egli-  
no, cuius de hoc Helia artium peculiaris extat disquisitio Lipsiæ A. 1606. impressa, maximam tamen partem id agens, vt conficiendi auri artem aduersus Balthasarem Hagelium, Benedictum Pererium, Iesuitas, & alios.

defendat. Piacet autem simul ex Eglino excerpta facere, e quibus ipsius de isto Elia sententia possit cognosci.

§. III. *Quod ad Heliam*, inquit, *artificem attinet*, bisariam fere de eo in libris suis Theophrastus, semel in genere, ut cum c. 8. de Victriolo in hac verba scribit: Quod vilius est, Deus patefieri finit, quod autem maioris momenti est (nempe transmutatio in aurum) vulgo adhuc latet usque ad Heliae Artista aduentum, (quedam exemplaria habent, usque ad artem Heliae) quando is venerit. Quibus explicatio- nis ergo addit: Æque enim artes Heliam habent, ac de cætero intelligitur. Hæc ille, quæ indefinite & generatim dicta nemo non ad periodos temporum referenda intelligit, quibus certa proportione orta crescunt, & ad suam ἀκμὴν per- veniunt.

§. IV. Iterum Paracelsus de isto Helia arti- um definite & in specie loqui deprehenditur, ge- neralius dictum ad hypothesein referens, & uni sin- gulari homini accommodans, non ut significatio- nem generalem tollat, sed ut doceat, collectivum illud nomen Helia ad individuum certum usque propagari κατ' ἐξοχὴν. Sicut enim Ciceronis se- culum aureum fuisse dicitur, quo lingue latine pu- ritas - ad summum - venustatis gradum peruenit, quæ tamen in vno Cicerone præ cæteris vires suas explicuit: Ita si quis Heliam Latine lingue tunc  
emi-

*emicuisse dicat, b. e. tempore Ciceronis in quam plurimis; in ipso vero Cicerone precipue, nihil opinor a sententia Paracelsi diuersum dixerit. Heciam igitur artium ac precipue Chymia καὶ ἐνταύτῃ sic proponit libris mineralium tractatu primo - : post me veniet, cuius magnale nondum vivit. Hec - cap. 4. tinctura physica explicare videtur, cum inquit : Horum arcanorum adhuc plura sunt, quæ transmutationes efficiunt, licet perpaucis ea sunt cognita. Nam etsi cuipiam a Deo patefiunt : tamen laus & præconium illorum non statim in vulgus percrebescit, Deo cum arte prudentiam alios celandi præstante, vsque ad Helix Artistæ aduentum. Tunc patefiet, quicquid est reconditum. Quin imo tunc aureum & gratia seculum pollicetur. - Mirum sane hominis vaticinium, præsertim de vno quodam singulari post ipsum venturo, cuius, ut inquit, magnale seruiente nondum viuat, b. e. qui in rerum natura nondum existat.*

*§. V. - Transeamus ad alteram vestra disquisitionis partem, in qua tempus Helianum explicandum. - Distinguit Paracelsus seculum, quo ipse vixit, ut proficetur arcanorum Monarcha, a seculo post ipsum venturo. - Quinquagesimo igitur octauo anno ipsius theoriâ futuram in flore ait, quo tempore omnes ei sint adhæsuri, & in naturæ peruestigandis arcanis ipsius secu-*

turi vestigia: praxin item consecuturam admirandam operibus & signis, ita vt in vulgus passim atque infimam plebem abeant & probentur. *Hæc ille, quæ in quinquagesimum octauum annum non seculi, quo vixit, sed subsequæntis (isto nempe millesimo sexcentesimo) euentura prædici apparet ex libris mineralium cap. de Viætriolo.* Hæc nunc ex Eglino dedisse sufficiat, cuius de Helia Artista disquisitio, vt & hoc obiter addam, eodem, quo Lipsiæ, anno, hoc est 1606. etiam Marpurgi prædiit, sed sub fictitio nomine Heliophili a Percis Philochemici, & ita, vt appareat, vtramque editionem a quodam tertio interpolatam fuisse.

§. VI. Cæterum de Helia Artista opinionem Paracelsi secuta est illa quoque Fratrum Rosæ crucis lucifuga societas, quæ circa annum seculi huius decimum sextum, vulgato Germanico libello, quem famam, fraternitatis inscripserunt, in eoque Theophrastum illum p. 10. non vulgari ornant, encomio, caput exeruit. Quæ de re loquentem audiemus Lucam Osiandrum ex ea appendicula, quam de Elia postremi seculi, (quem alias c. 3. *admonitionis de quorundam vaticiniorum corruptelis* p. 39. Artistam fabulosum Eliam Paracelsicum vocauerat,) suæ præsentium temporum considerationi adiecit. Sic autem ille p. 34. *Cum non parum turbarum*



barum isthoc nostro seculo homines fanatici quidam (Rosæ crucis Collegio Vtopico addicti) in Ecclesia etiam inde dederint, quod Eliam quendam propediem venturum, & iam in procinctu versantem certo expectandum doceant, qui in religionis negotio omnia in melius emendaturus, vnam & certam salutis viam, huiusque (ipsorum quidem peruersa opinione) non nisi sub nube traditam paucissimisque exacte cognitam, planissime & plenissime commonstraturus, sed & omnes artes etiam abstrusiores (& inter has primario Chemicā ac philosophici lapidis compendiosam compositionem) propalam revelaturus, in cæteris vero rebus omnibus reformationem orbis vniuersalem per omnes status & Hierarchias instituturus, omnesque illius affeclas ad temporalem quoque felicitatem perduclurus sit: &c. Idem p. seq. Ante biennium, inquit, circiter (circa annum igitur 1621) Germanicus quidam libellus non neminem expresso proprio nomine & cognomine, eundem Eliam, iam antea singulariter promissum orbi, commendare publicis typis fuit ausus.

§. VII. Suaue illud de nouo quodam Elia somnium placet etiam seculi nostri (scripta est hæc obseruatio anno 1672.) Chiliastis, qui quidem e tribu Gad oriundum expectant, & ipsius ministerio Iudæos ad fidem Christi conuertendos augurantur, de quibus vide Ioh. Gerhard. *Tract. Theol. de fundamen-*

*ris Chiliauismi p. 169. & Georgii Rostii Hetden-  
buch vom Rosen-Garten Cap. III. q. 8. p. 110.*  
Chiliaftis autem hic se associant Alstedius  
quoque *diatribe de mille annis Apocalypticis p.*  
*113. & qui Alstedii ipsissimis de Elia verbis*  
*loquitur, Andreas Rollius in Halcyoniis Eccle-*  
*fiarum Evangelicarum c. 4. p. 17. cum eoque ad*  
*Theophrastum Paracelsum, Michaëlem Sen-*  
*diuogium, Stephanum Pannonium lectores*  
*remittit suos.*

§. VIII. Aliam tamen interpretandi illius  
Paracelsici Eliæ rationem Bernardus iniit Pe-  
nottus, cuius verba transcribemus huc e  
Sennerti eum citantis *c. 4. de consensu Chym.*  
*p. 93. 94. Si extarent, inquit, Iohann. Isaaci*  
*Hollandi opera, & in lucem mitterentur, Para-*  
*celsi opera sepelirentur. Hic ipse Isaacus Hollan-*  
*dus ille est, de quo Paracelsus vaticinatus est di-*  
*cens: Et veniet post me Elias Artista, qui abdita*  
*rerum patefaciet. Preuidebat Paracelsus, Isaaci*  
*opera tandem fore manifesta, & peruentura ad*  
*manus doctissimorum virorum. Nempe vult,*  
Penottus, quod & sequentia eius apud Sen-  
nertum verba declarant, præcipua Paracel-  
sum sua opera suffuratum fuisse ab Isaaco isto  
Hollando, alia item ex Arnaldo, Raimundo  
Lullio & aliis. Quibus, inquit Sennertus, & si  
per omnia fidem non habeam, & Paracelsi scripta  
autoribus istis collata non ubique respondeant:  
omnia

*omnia tamen non sunt de nihilo, ut allegatos auctores legenti patet.* Sed quæ de de Elia Artista dicit ibi Penotus, iocandi animo potius, quam quod ita sentiret, ab eo prolata crediderim. Quis enim sibi persuadeat, illo de Elia vaticinio Theophrastum sua furta prodere voluisse? Neque vero patiuntur hanc interpretationem commode illa, quæ fide Raph. Eglinie Theophrasto hac de re citauimus supra §. 3.

§. IX. Sic autem opinor, cum iam inde usque a satis vetustorum Ecclesiæ patrum temporibus inualuisset persuasio de Elia, quem siue Antichristus, siue venturus ad iudicium Christus ipse, siue vterque præcursorem esset habiturus; facile illam suam quoque fecerunt Theophrastus, Rosæ Crucis fratres, Chiliastæ, alique fanatici, prout commodum cuique videretur, eandem interpolantes. De Patribus vnius atque alterius testimonium sufficiat hic nobis. Augustini verba sunt *lib. XX. de Ciu. Dei c. 30. (Tom. V. Op. f. 1260.)* quibus ipse quidem paucis multa complectitur: *In illo itaque iudicio, vel circa illud iudicium has res didicimus esse futuras: Heliam Thesbiten, fidem Iudeorum, Antichristum persecuturum, Christum venturum iudicaturum, mortuorum resurrectionem, bonorum malorumque di-*

*rempcionem, mundi conflagrationem, eiusdemque renouationem.*

§. X. Sub eiusdem Augustini nomine legitur & *Tractatus de Antichristo* (spurius tamen procul dubio) *Tom. IX. Op. vbi f. 1189.* hæc legas: *Ante eius (Antichristi) exortum duo prophetae mittentur in mundum, Enoch scil. & Helias, qui contra impium Antichristum fideles Dei diuinis armis praeuenient. - Filios autem Israël, quicumque eo tempore fuerint inuenti hi duo maximi prophetae & doctores ad fidei gratiam conuertent &c.* Tertullianus *lib. de anima c. 50.* *Translatum est Enoch & Helias, nec mors eorum reperta est, dilata scil. ceterum morituri reseruantur, ut Antichristum sanguine suo extinguant.*

§. XI. Plura in hanc rem Patrum loca dabit Calixtus *libro de supremo iudicio sub. tit. p. 33. seq.* *Elia & Henochi reditus frustra expectatur, qui p. 54.* Traditionem illam e mendo græcæ versionis & incertis coniecturis ortam esse pronunciat. Videntur quoque hac in re somniis Rabbinorum nonnihil tribuisse. Nam & hos constat, ipsissimum Heliam Thesbiten, quem eundem & patres rediturum credebant, sui, quem adhuc expectant Messiae præcursores, ex male intellecto Malachiae loco, imaginatos.

§. XII. Emendauit hunc errorem aliquo modo Theophrastus, & illum Thesbiten Eliam.

liam quiescere passus est. In eius autem locum excitavit nescio quem Artistam & Chrysopceam, scripturæ penitus ignotum, quæ religionem videlicet curare solet, non illas metallicas artes. Vt autem colorem induceret huic phantasmati persuasum esse voluit, Eliam suum non minus ab artibus postulari, quam a sacra religione. Respice ad eius verba supra §. 3. citata. Sed eius quidem ineptias ipse iam refutavit euentus, neque enim seculi nostri annus quinquagesimus octauus, quem ille prædixit (§. V.) vilius Eliæ Artistæ fuit ferax. Omittamus ergo nos illa de Elia siue Paracelsi, siue Chiliastarum siue denique Pontificiorum, qui a patribus quibusdam inchoatum de Elia Antichristi præcursores adhuc expectando errorem fortiter continuant, somnia, satis a nostris explosa. Vide Osiandrum, Gerhardum, Rostium, Calixtum *locis supra citatis*. (quibus iungi etiam poterit Thomas Brightmannus *c. 6. de Anti-Christo*) Qui simul scripturæ sacræ loca, quibus e Malachia in primis & Apocalypsi solent abuti somniatores, ab horum vanis interpretamentis vindicabunt, simul docebunt, quo sensu admittendum sit, quod B. Lutherum nostrum solemus interdum tertii Eliæ titulo insignire. a)

- a) Solet ille color prætendi. Elias primus purgavit Ecclesiam a Baalitis: Elias secundus seu Iohan-

nes Baptista se opposuit Phariseis : Lutherus Papæ, tanquam AntiChristo. Potest tolerari ut simile, si modo memineris, omne simile claudicare. Neque diffitendum si fateri volumus, quod res est, nos forte non multum cause habere, cur Pontificiis sua somnia obiiciamus, cum nostri a talibus non sint immunes. Si quis enim occasionem quærat, qua discipuli Lutheri sunt commoti, ut Lutherum cum Elia compararent, deprehendet, id magis factum esse ex odio parum laudabili erga discipulos Melanchthonis, quam ex amore Evangelicæ doctrinæ a Luthero inculcatæ. Patet assertio, si quis consideret scripta Cyriaci Spangenbergii, qui & ipse primus videtur esse, qui Lutherum inuidioso hoc, an dicam superstitioso titulo insigniuit. Edidit enim is Mansfeldæ anno 1564. seq. nouem conciones in honorem Lutheri, in quibus ostendere intendit : Lutherum, fuisse verum Equitem sacræ militiæ, verum virum Dei, magnum Prophetam & *verum Eliam*, verum Apostolum, verum Paulum, verum Iohannem Evangelistam, maximum & præstantissimum Theologum a temporibus Apostolorum, verum Angelum Domini, & illum ipsum Angelum, cuius mentio fit Apocal. XIV. Vno verbo verum Idolum Theologastorum seculi decimi sexti.

## OBSERVATIO XXIV.

De

OSWALDI CROLLII  
SIGNATVRIS RERVM INTERNIS.

ARGVMENTVM.

§. I. **C**rollius claruit sub initium superioris seculi. §. II. Fuit Vir veritatis amantissimus

mas. §. III. Multa detegit praeiudicia in re medica & Theologica. §. IV. Erat pius atque deuotus. §. V. Scripsit tractatum de Signaturis rerum. §. VI. in eo volens nolensque suam confiteri debet ignorantiam. §. VII. Pauca enim sunt corpora, quae descripsit, & in iis tamen multa, quorum signaturam omisit. §. VIII. Inapte autem supponit; Deum unicuique plantae ac corpori dedisse signaturam membris humani corporis analogam. §. IX. In plerisque tamen haec ἀναλογία est valde ἀνόματος §. X. Nec sibi satis constant Semiotologi, unde petenda sit signatura in plantis. §. XI. Neque signatura animalium est certior. §. XII. Ea autem in inanimatis est maximam partem ἀπόκρυφος §. XIII. Probat, artem Semioticam non fuisse imaginis diuinae particulam. §. XIV. Nec protoplastos in statu innocentiae habuisse rerum naturalium notitiam. §. XV. Diluitur obiectio I. de ὀνομαθεσία animalium Adamitica. §. XVI. Ostenditur, nomina animalium Hebraica nihil de essentia eorum in se comprehendere. §. XVII. Nec Adamum absolvere potuisse ὀνομαθεσίαν uno die, si signaturam animalium respicere voluisset. §. XVIII. eamque nec solo visu, nec aliis sensibus simul explorare potuisse. §. XIX. Diluitur obiectio 2 de signatura arboris Scientia boni & mali ab Eva perspecta. §. XX. Obiectio 3 de Adamo, quod Euam nunquam antea visam e signaturam cognouerit.

§. I.

## §. I.

**C**Laruisse Oswaldum Crollium sub initium superioris Seculi, & illustrissimi Principis Anhaltino - Berenburgici Christiani Senioris fuisse *Ἀρχίατρον* tum e dedicatione Basilicæ eius Chymicæ, tum ex Priuilegio Cæsareo eidem præfixo constat.

§. II. Vt autem Vir fuit veritatis studiosissimus, ita omnem omnino mouit lapidem, vt eam consequeretur ipse, & consecutam aliis, qua fas est, fidelitate rursus impertiret. Quippe non solum per Galliam, Italiam, Germaniam, Hungariam, Poloniam & Bohemiam peregrinatus est, discendi studio; sed & meditationi diligenti & experimentis Chymicis se totum tradidit, deditque operam, vt mysteria Naturæ panderet sibi & aliis perspecta redderet.

§. III. Atque hinc factum, vt non solum, in re medica & Chymica complures *ψευδοδοξίας* Galenicorum, Scholasticorum & Spagyricorum deprehenderet; sed in Theologia non omnia probaret promiscue, videretque interdum in ipsa *ἀναλογία* fidei receptæ quædam *ἀνόμαλα*.

§. IV. Cæterum Vir pius erat atque devotus; Idque tum ex scriptis eius vniuersim, tum imprimis e præfat. Basilic. Chymic. liquet



quet, vbi pag. 13 scribit; *Vera medicina, de qua implorata prius diuini auxilii assistentia hic agere decreuimus, est merum Dei altissimi donum, non ab Ethnicis sed a supremo vniuersali Rectore; solo videlicet Deo, dierum antiquissimo & errare nescio, Luminum patre petenda & discenda. Ideo non ex Creaturis, sed ex Deo discenda est sapientia, qui omnium arcanorum conditor solus scit, quas proprietates cuique creato indidit. Nunquam non a mortali Præceptore aut litera mortua tam recte & commode discitur, quam ab eo, qui omnium rerum est perfectus artifex - Medicus nasci debet e lumine gratiæ & naturæ ab interno & invisibili homine, interno angelo, luce naturæ, qua instar veri Doctoris hominem instruit, prout Spiritus S. Apostolos linguis igneis instruxit &c.*

§. V. Quod autem plerisque vsu venire solet Spagyricis, vt se Vulcani beneficio in sinu naturæ reperisse autument, non quod pueri in faba; id nostro Oswaldo etiam accidisse, scripserat eius omnia & imprimis tractatus ille, de signaturis rerum interhis, qui Basilicæ Chymicæ in fine connexus est, abunde loquitur.

§. VI. Sicut tamen in eoid agit quam maxime, vt demonstret, omnes herbas, flores & arbores, aliæque e terra prouenientia esse quasi libros & signa Magica ab immensa potentia Dei nobis communicata, per quorum cognitionem ad veram Medicinam, tanquam ad signatum peruenire qui-

*remus*; Ita in omnibus fere pagellis suam nolens volensque confiteri debuit ignorantiam Spagyricam, tantum abest, vti hancce suam *Semioticam* indubitata reddere, & fulcris Scientificis inædificare potuerit.

§. VII. Vt enim Oratione non attingam perpauca admodum ex infinita multitudine esse corporum genera, quorum Signaturam Oswaldus noster citato libro describere annisus est, adeoque ex iis non magis posse confici Systema Semioticum, quam ex particulis quibusdam potest elici principium vniuersale; Quot quæso in eo derelicta sunt, quorum ipse Signaturam reperire nondum potuit? Zingiber ventriculo conducere p. m. 22. scribit, sed signaturam eius ne extremis quidem digitis attingit, vnde non inepte coniicimus, eam ipsi adhuc Semiotico-didascalo fuisse *Ἀπόρρητον*!

§. VIII. Et sane si conclusiones Semioticæ cum suis præmissis eandem habent certitudinem, non possunt non esse incertissimæ. Quid enim quæso potest fingi incertius, quam istud principium, ex quo iuxta Crollium p. 1. Præfat. hæc scientia tota in suo cognosci dependet; Scilicet *Deum unicuique plantæ ac corpori dedisse signaturam membri humani corporis analogam*: Quasi vero Deus omnia creasset propter hominem, vel quasi ho-

homo tanquam Microcosmus omnium Plantarum lapidum, Metallorum, Arborum, Mineralium, aliorumque corporum, quæ in hoc Macrocosmo visuntur, complecteretur imaginem ἀρχέτυπον. Imo vero eundem hanc non complecti, demonstratu est facillimum. Etenim si quædam signatura est in herbis aliisque corporibus membris corporis humani ἀνάλογον, aut Deus creauit hæc ad illorum similitudinem & effigiem, aut illa ad horum similitudinem & effigiem, aut illa ad horum: Sed neutrum est. Non enim reliqua corpora ad hominis vel membrorum humani corporis similitudinem creare potuit, quia homo post omnia creatus est; Nec hominem ad ἀνακομίαν illorum fingere. Primum, quia secundum signaturam folius Dei creatus dicitur, deinde quia rationi non videtur consentaneum, perfectum secundum signaturam imperfecti creatum esse; Acid, quia confictæ huius signaturæ similitudo tam est dissimilis, vt dissimilius vix quicquam dari possit.

§. IX. Quæso enim te, Lector beneuole, an quicquam potest inueniri, quod guttis sanguineis sit dissimilius, quam flores Lili Conuallii? Ego sane signaturam horum florum mitræ cubiculariæ similiorem esse existimem, quam guttæ sanguineæ, & tamen Crollius l.c.

p. 27. scribit ; *lilii conuallii flos habet gutta signaturam , quia flos quasi gutta pendet ; Ideo in Apoplexie morbo magnus eius usus est.* Et quis in pennis pauoninis mammillarum muliebrium signaturam reperisset unquam ? Tameix Crollius l. c. pag. 21. ait *Specula pennarum Pavonis habent mammillarum & uberum formam , ideo hausta sanant vbera male affecta.* Taceo sexcenta alia exempla huius commatis , ubi inter signum Macrocosmi & signatum Microcosmi eiusmodi ἀναλογία est , qualis apud nos in Spelunca Baumanniana inter typos & Antypos reperitur. Quippe quæ ita comparata est , ut nisi Hodegeta noster eandem indicasset semper , ac dixisset v. g. daß soll eine Orgel / daß ein Leichstein &c. bedeuten. Iouem iuro lapidem , me nihil minus , quam Organon Musicum vel lapidem sepulchralem ibi concipere potuisse : Et plane persuasum mihi habeo , non maiora in Morauiensis illa spelunca delitescere mysteria , in qua noster Crollius præiudiciis Semioticis & Signaturis rerum ad nauseam usque repletus se miratur & varia ludentis naturæ opificia reperisse iactitat. In Præfat. p. 5. scilicet

Quo semel est imbuta recens seruabit  
odorem testa diu.

§. X. Et quid , si signatura rerum tam certa est , ut noster Oswaldus putat , qui fit , ut Se-  
mio-

miotici in ea eruenda tam parum constant sibi, eamque iam in solius nominis, iam in rei ipsius *ἀναλογία*, quærendam esse autument? Qui fit, vt eam interdum intrinsecus solummodo a gustu; interdum extrinsecus a visu, olfactu, odoratu, auditu &c. desumant? Qui fit, vt eam pro suo arbitrio in quibusdam ad solam radicem, in aliis ad solum caulem, fructum, florem, folia &c. restringant? Scilicet vt habeant incertitudinis *κρησφύγετα*. & vno fortalitia disiecto ad aliud se protinus recipere queant. Sic cancer viuus ligatis chelis cancro impositus eundem extinguit iuxta Crollium l. c. pag. 43. neque ratione alia extinguit, quam propter signaturam Nominis (Quod Logicis imprimis obseruandum erit in posterum, vt desinant tandem ineptire, & in suis compendiis vocem Cancris respectu animalis & Morbi *pro equivoca casu facta* venditare.) Item Trochomanes vel Capillus Veneris capillos densos, crispas & pulchriores reddit iuxta Crollium l. c. p. 18. quia caule hanc signaturam refert. Ac ne signaturam in solo caule residere existimes. ecce *Carduum benedictum*, qui lateris puncturis tollendis est aptissimus iuxta Crollium l. c. p. 36. quia foliorum signatura hoc indicat. Et quid a floribus & a radice signaturam posse peti subdubitas? Recordare lilium conuallium, de

(6) N quo

quo §. 9. & Zingiber de quo §. 7. diximus, ac cito tolletur omnis dubitatio. Ad fructus autem quod interdum Semiologi nostri se possint recipere, docet Crollius l. c. p. 40. ubi ait, *Ficus strama modo tumere* (spectatum, admissi risum teneatis amici.) *adeoque valere ad easdem.*

§. XI. Sed signatura fortassis in animalibus est certior. Imo vero adhuc incertior atque fallacior. Etenim ut non dicam, eam iuxta vulgarem sententiam, cum imagine divina non minus, quam *Φυροψία* in nobis esse deperditam; quam pauca sunt & quam incerta, quæ de ea habet noster Crollius. Ecce enim Alcis posterioris pedis dextram vngulam, quam Epilepsia ingruente sinistrae auri immittere soleat aduersus hunc morbum, ob signaturam adhiberi posse autumat; Sed peruelim audire, qua ratione hoc animal in Epilepsiae paroxysmo, ubi vitales operationes plerumque omnes cessant, sibi tam prudenter prospicere & manum vel potius pedem, Medicum accommodare possit. Taceo quod impossibile videtur, ut vngula posterioris pedis dextrae sinistrae auri immitti possit: & tandem etiamsi hæc omnia ita se haberent; tamen Oswaldus noster nunquam persuadebit nobis, se hoc amuletum signaturæ potius, quam experientiæ vel propriæ, vel alienæ debere acceptum.

§. XII.

§. XII. Quod idem de inanimatis affirmare fas sit. Nam licet de iis etiam non pauca habeat citato loco Crollius, dicatque v. g. p. 43. *Mel sanare apum aculeos fixos* : tamen æque difficulter persuadebit prudentioribus, se istud e signatura mellis didicisse, ac historiæ philosophicæ peritos adducet, vt credant, Peripateticos obambulantes suam signaturam didicisse primum a Cornice, quæ frequenter sola secum sicca spatatur arena. Vid. eum de signaturis p. 56. Vel signaturam risus, quæ est in homine, a MÆO auc, desumptam esse, risum & Cachinnum humanum ad miraculum *imitante* (Ecce egregiam contradictionem! cuius generis plures cum in eius Semiotica, tum in Basilica Chymica, occurrunt, vt p. 86 & alibi.) Adde quod ipse signaturam nullam afferre potuit, ex qua virtutem hanc internam mellis coniecirit, præter effectum ipsum, qui tamen operationis signatura non est, quia eadem est posterior. Signatura autem operatione prior sit cognita necesse est, quia nos in operationis & virtutis cognitionem debet deducere.

§. XIII. Quare si nihil aliud de signatura proferri potest, quam quod Oswaldus noster de ea protulit, nihil dico amplius, causa iam dicta est. Quid enim hoc ipso potest esse incertius, ineptius & puerilius? Sed hanc

artem Semioticam fuisse particulam imaginis diuinæ contendis? Finge, ita esse, hoc parum tibi proderit. Sic enim concedis infimul, eam hodie esse deperditam. Etsi eandem posse restaurari existimas, a veritate procul abes. Etenim nec intellectus sibi relictus potest excutere peccati Originalis maculas & semel ipsum illustrare; nec lumen diuinæ gratiæ nos ita exstruit, vt ad claram & distinctam rerum naturalium cognitionem peruenire queamus. Vt enim non dicam, istud vix alium splendorem impertiri nobis, quam qui ad vitam spiritualem ducendam est necessarius; quis nescit renouationem nostram, qua intellectum & voluntatem esse imperfectam in hac vita & non omnes ex nostro animo auferre maculas. Sane Oswaldus noster ex lumine Naturæ & gratiæ internas rerum signaturas didicerat, si fides titulo, qui eius Basilicæ Chymicæ præfixus est, & tamen ita in iis adumbrandis hallucinatus est, vt non tantum incerta quædam & ieiuna, sed & falsa non pauca attulerit. Quamobrem & ipse p. 8. se in hac arte profitetur ad huc discipulum & cum aliis, signaturarum studiosis libenter velle vltius discere significat. Et si Iacobi Böhmii libellum perlustraueris, *de Signatura rerum* quem lumine diuino conspersus scripsisse videri vult, deprehendes, eum obscuriora quidem



dem; sed non multo certiora nobis tradidisse. Etenim vocabulis Spagyricis ita inuoluit omnia, vt iuxta vulgatum Chymicorum proverbium; *vbi palam locutus est, ibi nihil dixerit* (vid. Rob. Boyle Chymistam Scepticam in Præfat.) & totam hanc Semioticā tam imperfecte delineauit, vt istud Terentianum de illo vsurpare queas; *Fecisti probe, incertior sum multo, quam dudum.* Quanquam id peculiari mandato diuino se fecisse scribit *C. 9. l. c. §. 35. pap. 35. Edit. Amstelod.* vbi ita inquit; *Es lieget in manchem Kraute und Thiere große Heimlichkeit/ wenn dis der Artista wüßte zu gebrauchen und kennete es. Die ganze Magia lieget darinnen/ aber wegen des Gottlosen ist mir zu schweigen gebothen / der es nicht wehrt ist/ und billig mit der Plage/ das mit Er andere Fromme geplaget/ und sich im Rothe sudelt/ geplaget wird.*

§. XIV. Age autem & accipe a nobis quare Oswaldo nostro vix darè queamus calculum, quando scribit, Protoplastos in statu innocentiae absolutam habuisse rerum naturalium scientiam, & eas omnes ex signaturis suis cognouisse. Nam primum si hoc ita est, cur Eua ex signatura serpentis naturam eius non cognouit, perspexitque protinꝰ, eundem esse Metaphysicum vel transnaturalem, cum serpens Physicus natura Grammaticus Rhetor-

cus & Dialecticus esse non possit? Cur ex signatura arboris Scientiæ boni & mali non coniecit, rursus se eius virtute interna maiorem corporis vel aliam perfectionem obtinere non posse, nedum fieri כאלהים Cur adhuc hodie renati & ad imaginem diuinam restituti in cognitione rerum Spiritualium crescunt tantummodo, non autem in signaturis corporum naturalium, quod tamen deberet fieri, si Semiotica pars imaginis diuinæ fuisset?

§. XV. Equidem obmurmurare te audio ac dicere, duxisse Deum omnia animalia ad Adamum לראת מה-יקרא לו vt videret (scilicet ex signatura) quid vocaret vnumquodque daß er sehe (nicht wie er sie nennet) vt Lutherus habet ) sondern was er bey einem jeden in der Benennung eigentlich ausdrücken solle; Sed facilis hic est responsio. Nam primum nulla est consequentia; Deus duxit animalia ad Adamum, vt videret, quid in appellatione eorundem exprimeret E. ex signatura eorum naturam internam perscrutari potuit ac debuit. Quippe & adhuc hodie v. g. canem ad aliquem adferre possum. לראת מה-יקרא לו ad videndum, quid in appellatione eius velit exprimere, quanquam is ipse canis naturam internam per-

peruestigare non possit. Et sicut nos in ὀνομαθεσία animalium non tam respicimus naturam & formam internam, (quippe quæ nobis est ἀπόκρυφος) quam accidentia externa, nominamusque v. g. canem Braunellgen, si colorem habeat liuidum; Ita Adamum a signatura externa dedisse animalibus sua nomina, non quidem repugnauerim, ast si quis exinde velit elicere, eum perfectissima rerum, naturalium scientia imbutum fuisse, & ex signis externis de operatione rerum interna, potuisse iudicare, eum profecto ἀσυλλογιστίας accusarem,

§. XVI. Porro si Deus ideo duxit animalia ad primum hominem, vti ex signatura eorum externa internam eorum naturam perspiceret, videretque adeo, quid in appellatione potissimum de essentia illorum exprimeret; Aut ille inseruit de essentia vel signatura interna eorum aliquid suis appellationibus, aut non inseruit. Si nihil, Deus suo scopo excidit & Adamus non bene functus est ὀνομαθεσίας officio. Sin; quæso te, qui fit vt nos audita & intellecta voce אִישׁ vel נֶשֶׁךְ naturam & essentiam fæminæ vel aquilæ internam non simul intelligamus. Qui fit? vt pleraque animalium vocabula Hebraica ab accidente externo desumpta videantur, v. g. צב bufo, a צבה intumuit, quia interdum,

inflare se solet & intumescere? qui denique fit, vt vnicuique indiuiduo non speciale nomen indiderit, cum vnum ab alio non tantum intrinsecus differat, vt v. g. Petrus per suam petreitatem ab aliis hominibus, sed & extrinsecus, qua signaturam externam?

§. XVII. Sed obiicis fortassēan quid? illa ipsa nomina Hebraica, quæ adhuc hodie in lingua S. superstitant, num ea esse existimas, quæ Adamus animalibus in Paradiso imposuit? Difficile est fateor, hoc affirmare. Nam quis quæso sibi persuadeat columbam v. g. ab Adamo vocatam esse יונה cum testibus Lexicographis & optimis quibusque Criticis appellationem hanc acceperit a יונה *oppressis* eo quod oppressioni & prædæ præ cæteris sit exposita. Cum tamen in statu innocentiae nec homo homini, nec animal animali infidiatum fuisse, manifestum sit? Et quis Asinum חמור ab Adamo appellatum credat, cum eo tempore nondum חומר vel cho-mer quoddam extiterit, a quo nobiliores Critici volunt eius nomen descendere? Sed esto, periisse hæc nomina Adamitica cum tota lingua primigenia, quod ego cum argumentis aliis, tum hoc imprimis, (quod nemo adhuc, quod sciam, protulit) adductus non difficulter crediderim; tamen hoc ipso non omnis scrupulus

pulus exemptus nobis est. Manet, non Adamum non vnicuique speciei tantum, sed & indiuiduo peculiare nomen dare debuisse, quia qua signaturam internam & externam non, omnino inter se conueniunt. Etsi id ipsum nobis concesseris, videndum tibi erit, qua ratione vno die absolui potuisset *ὄνομαθ' ὁρίσας* isthæc & quomodo tam breui temporis spatium peruestigari natura tot animalium & nomen essentiale iisdem impertiri potuerit? Ego sane etiam si concesserim quibusdam naturæ scrutatoribus, dederimque tantum 130 quadrupedum, 150 auium, 30 reptilium, reperiri animalium species; tamen non perspicio, qui vna luce Adamus tot perlustrare, indiuidua, signaturas vnus cuiusque examinare, & tandem nomen naturæ respondens cuilibet dare potuerit. Imprimis, si ex C. 3. Gen. v. 21 condisco, non vnum par tantummodo in quauis specie, sed plura omnino a Deo esse creata. Taceo S. Ephræmi sententiam, qui Adamum hora nona matutina, creatum, & tertia pomeridiana lapsum scribit, adeoq; breuissimum omnino spatium appellandis animalibus destinatum autumat. Quæ tamen fides penes Auctorem esto.

§. XIIIX. Porro si Adamus ex signatura coniicit naturam animalium, peruelim ex te audiuisse, an visu tantummodo, an vero aliis

etiam sensibus eandem explorauerit? Si visu tantum; qui potuit dixisse v.g. hoc animal eandem signaturam cum isthoc, &c. idem nomen habebit? Cum interna signatura, quæ est *inuisibilis*, potuisset esse diuersissima? sin aliis etiam sensibus, dic quæso, quomodo istud cum verbo  $\aleph$  conciliari possit? & quantum temporis spatium ipsi necessarium fecisset, si cuiusvis animalis naturam & visu, auditu, olfactu & tactu dignoscere debuisset? Adde quod in vniuerso terrarum orbe vix dentur duo animalia, quæ gustu, visu, auditu, olfactu & tactu omnino conueniant. Quod propterea te obseruare velim, vt tandem desinas putare; *Herbas eiusdem signaturæ easdem etiam operationes habere*; Non enim dantur herbæ eiusdem prorsus signaturæ, nec dari possunt, nisi velis credere, diuersum esse posse idem.

§. XIX. Sed Eva tamen, vt ex Gen. c. 3. v. 6. liquet, ex aspectu vel signatura arboris Scientiæ boni & mali cognoscebat statim, eam facere prudentem; Adeoque erat omnino Ars quædam Semiotica in primis parentibus. Ast quæso te vbi hoc extat? Euam aspexisse arborem & eius fructum desiderabilem putasse eo, quod prudentiam induceret. citato loco legitur, ex signatura hoc ipsam collegisse, legitur nusquam. Quid quod ex præcedente

te

te versiculo contrarium elicitur, vbi hanc operationem arboris *ψευδώνυμον* ex commendatione serpentis, non vero ex signatura hausisse manifeste dicitur. Et si tantopere in hac arte versata fuit Mater optima, cur quæso ex signatura huius arboris non collegit, eam virtute Deificandi nequaquam esse præditam; Cur non perspexit ex signatura Serpentis, eundem sophisticari malitiose & nil moliri aliud, nisi lapsus humani generis & interitum?

§. XX. Neque est etiam, quod ad Adamum prouoces, dicasque, eum ex aspectu vel signatura statim cognouisse Euam, vidisseque, eam esse carnem de Carne sua, os de suis osibus. Nam primum non puto te affirmaturum, Adamum atque Evam eandem habuisse in carne & osibus signaturam. Tum notionem hanc ex occulto Sympathiæ sensu in sanguine, vel costæ inopinato defectu, vel reuelatione speciali diuina habere potuit. Porro de eo, quod eandem ex signatura cognouerit, ne γὰρ quidem in S. codice, neque hoc, neque alio loco extat. Ac tandem si hæc omnia concesserim, dixerimque, fuisse in statu innocentiae Artem eiusmodi Semioticam & adhuc superesse, tamen idem de ea dicendum nobis esset, quod B. Lutherus in colloquiis Mensalibus de Astrologia scribit;

Ich

Ich bin so weit kommen und beredt in der Astrologia, daß ich glaube / sie sey nichts. Denn Philippus Melanchthon hat mir auch wider seinen Willen bekennet / die Kunst sey wohl da / aber es wären keine Meister / die sie recht kennten und verstünden.

## OBSERVATIO XXV. IACOBI ACONTII STRATEGEMATA SATANAE.

### SYNOPSIS.

**I**nstituti ratio §. I. Acontii Patria, atas. §. II. Vita studiorumque ratio, §. III. IV. Religionis mutatio. §. V. liberalitas Elisabetha Angliae Reginae an spei eius non satisfecerit? §. VI. Exulum cupiditates difficulter admodum expleantur. §. VII. Libri Acontii: de methodo, item de ratione muniendi oppida VIII. Dialecticam quoque scribere voluit. §. IX. Regula eius de conscribendis compendiis, item vaticinium de latiore literarum facie §. X. Iudicium Acontii de Francisco Patricio §. XI. quod expenditur. §. XII. Liber Acontii de strategematibus Satanae, eiusque editiones, §. XIII. Epistola eius de scribendis libris ad Iohannem Wolsium. §. XIV. Diuersa eruditorum de libro Acontii, quem de strategematibus Satanae scripsit, iudicia, eorumque causa. §. XV. Elogia quibus ornatus fuit ab Arminianis §. XVI. Censura in eum stri-

cta



*Etæ, Isaaci Iunii §. XVII. Peltii §. XVIII. Riueti §. XIX. Guilielmi Saldeni §. XX. Accusationum omnium summa capita §. XXI. Elatior animus sine causa ei obiicitur §. XXII. Quo iure arguatur Indifferentismi? §. XXIII. Effatum Acontii de illis, qui de Trinitate non recte sentiunt §. XXIV. Quod a Sandio inter Antitrinitarios non referatur §. XXV. Origo omnium accusationum §. XXVI. Verbis ipsius Acontii exponitur. §. XXVII. §. XXVIII. An inde colligi queat, eum Socinianos in Religionis admisisse societatem? §. XXIX. Sententia Acontii de confessionibus, earumque necessitate §. XXX. quæ ulterius illustratur §. XXXI. XXXII. Conditiones confessionis uniuersalis, in qua omnes Christiani adquiescere possint, ex mente Acontii §. XXXIII. Ex quibus colligitur, eum ab omni Scepticismi & Indifferentismi suspicione esse alienum §. XXXIV. Verbis scripturæ exprimendam, voluit confessionem Acontius §. XXXV. Id quod non semper in malam interpretandum est partem §. XXXVI. Rationes quæ in hanc eum induxere sententiam §. XXXVII. Expenditur hæc eius opinio. §. XXXVIII. Capita doctrinæ christianæ quæ creditu ad salutem necessaria duxit Acontius §. XXXIX. Confessionis ab eo concinnata formula, observationisque conclusio. §. XL.*

## §. I.

**V**aria liber iste Iacobi Acontii de stratagematibus Satanæ expertus est eruditorum iudicia. Adeoque de illo, eiusque auctore nonnulla commemorare animus est. Quod priusquam aggrediar, cum subinde libellus iste allegandus nobis fuerit, hoc moneo, vti me éditione, quæ Amstelodami A. M DC LXIV in 12 prodiit.

§. II. Tridento ortum Acontium floruisse, constat seculo XVI. Hoc passim ipse indicat de Lutheranorum ac Pontificiorum certaminibus, & horum aduersus illos machinationibus verba faciens. Sic libro VII. p. 305. *Sunt iam anni, inquit plus minus quadraginta septem, cum cepit Lutherus contra Romanam ecclesiam docere &c.* Accedit quod libellum de stratagematibus Satanæ Elisabethæ Angliæ Reginæ consecrauerit. Epistola ad Iohannem Wolfium scripta est Londini XII. kal. Decembr. MDLXIIIV, vnde recte a Petro Bælio notatur Morerius, qui seculo XV. eum floruisse auctor est in *Diction. Hist. & crit. T. I. p. 67.*

§. III. Vitæ studiorumque, quam tenuit, rationem intelligere quodammodo licet ex Epistola ad Iohannem Wolfium. Itaque inquit, *nostri vicissim otii reddenda tibi fuerit ratio*

*rio aliqua. Post illud tempus quo excidit nobis inchoatum illud de methodo opusculum, scis, mebis sedem & locum mutasse. Argentoratum primo; deinde in Angliam, ubi adeo frequenter incidunt mihi a studiis auocationes, ut quantum promoueam profecto pœniteat. Cause fere leues sunt, sed quibus non parere non possum, interim tamen conscriptam iam dudum a nobis nostrate lingua muniendorum oppidorum artem latinam fecimus. Sed versio nouum pene opus fuit, quæ mihi scriptio nequaquam facilis extirrit, qui primus (quod sciam) hanc rationem arte complecti ausus fuerim, mitto difficultatem noua inuenta latinis verbis exprimendi, hominis præsertim, qui bona vitæ parte inter Bartoli, Baldi & eius farine hominum sordes consumpta, multisque annis mulicæ vitæ, sed minime tamen otiosæ datis, sero admodum ad politiores Musas accesserit p. 396.*

§. IV. Discimus hinc Acontium primo Tridento Argentoratum, deinde Argentorato in Angliam se contulisse: discimus, eum maximam vitæ partem in studio iuris & aulicæ vitæ occupationibus transegisse. Simulque patet, cur Philosophus Iure-Consultus, Theologus quibusdam audiat, ob studiorum scilicet rationem, non ob conditionem muneris, cui eum non fuisse adstrictum itidem, hinc intelligitur.

§. V. Causa cur Tridento discederet religio-

gionis fuit mutatio. Italis enim veritatem adgnoscentibus non alia fuit ratio salutis suæ consulendi, quam ut eo se conferrent, ubi tuto veritatem profiteri licebat. Si Gisberto Voëtio credimus, Acontius ex eorum Italarum fuit numero, qui hæresibus suis & paradoxis sententiis religionem Euangelicam obtendebant. *Disp. Theol. T. I. p. 491.* quod nonnullos equidem eo tempore fecisse credo, de omnibus id censere iniquum est. In Acontio autem quousque locum inueniat, ex dicendis patebit.

§. VI. Id potius commemorabimus; quod eleganter & pererudite observauit Petrus Bælius, eum liberaliter licet ac benigne ab Elisabetha Angliæ Regina exceptum, satis frigide tamen istam beneficentiam laudando, haud obscure indicasse, spei suæ haud usque quaque fuisse satisfactum. In eadem enim ad Wolfium Epistola ita pergit: *Vt autem quicquid est operæ, id istam in artem conferrem, ex parte priuatis sum rationibus adductus: etenim in hoc voluntario meo exilio inopiam VTCVNQUE subleuat, & otii ad alia studia suppeditat NON NIHIŁ impetrato mihi ab huius sapientissime atque optimæ Regine liberalitate honesto stipendio.* Sortis suæ & conditionis tenuitatem haud obscure videtur indicare, nec tamen a Regina videtur plura desiderare, cuius alibi quo-

quoque beneficentiam laudat. Mallem itaque, si a tanto viro mihi dissentire licet, benignius & in meliorem hoc interpretari partem.

§. VII. Hoc tamen certum & quotidiana experientia comprobatum, exulum & religionis auitæ desertorum avaris cupiditatibus raro admodum, quantumvis magna liberalitate, satisfieri. Molestum admodum & querulum, imo iniquum & morosum est id hominum genus. Ad quod probandum si vel maxime deessent exempla ex illustrioribus viris, illud tamen M. Antonii de Dominis sufficeret. Sed hoc ὡς ἐν παρόδῳ.

§. VIII. Ad libros Acontii accedimus. Et ipse quidem in epistola antea citata ad Ioh. Wolsium primo mentionem facit opusculi sui de Methodo, quod primum ingenii eius fuisse foetum, exinde colligas. *Post illud tempus*, inquit, *quo excidit nobis inchoatum illud de methodo opusculum &c.* Deinde ibidem meminit libri de ratione muniendorū oppidorum lingua Italica ab eo conscripti, sed in latinam postea ab ipso autore translati: *Interim tamen conscriptam iamdudum a nobis nostrate lingua muniendorum oppidorum artem latinam fecimus.* Sed an lucem adspexerit, non constat. Ipse autem primum se fuisse putat qui rationem muniendi oppida arte complecti

ausus sit. Quam in rem diligentius inquirent, quibus artis huius historiam tradere est animus. Interim conferatur Gabriel Naudæus in *Bibliographia militari* p. m. 133. qui ut diligentissimus est, ita Acontium non prætermisisset, si quid eiusmodi de eo ibi innotuisset.

§. IX. Animus quoque fuit Acontio de Dialectica aliquid commentari: qua de re iterum ipsum differentem audiemus: *Tandem etiam animum ad perficiendam, vel potius de novo inchoandam susceptam olim de Dialectica scripturam adieci, rem sane difficilem ac fastidii plenam: sed tamen, ni fallor, vebementer necessariam. Videtur enim quæ adhuc extat utilitates nequaquam præstare tantas, quantas & pollicetur, & præstare videtur posse, si tandem aliquando veram eius adspicere effigiem suam illud exemplar, quod ipsa in natura est impressum, ad vivum referentem licuerit. Quanquam autem minime prolixa futura est scriptio, multo tamen opus habet tempore: tum propter rei difficultatem: tum etiam propter eas, quas mihi ipse indixi, leges. Video quid susceperim: rem videlicet a sexcentis tractatam, ut nisi conspicuus extiterit laboris nostri fructus, nemini non stomachum tanquam sæpe recocta crambe moturi simus. Intelligo etiam, me in seculum incidisse cultum præter modum, nec tam certe vereor, tam eorum, qui regnare*  
nunc

*nunc videntur, iudicia, quam exorientem quandam seculi adhuc paulo cultioris lucem pertimesco: Et si enim multos habuit habetque atas nostra viros præstantes, adhuc tamen videre videor, nescio quid magis futurum.*

§. X. Lucem ista tractatio dialectica non adspexit non sine insigni rei literariæ, vti credo, damno. Siue enim ingenium doctrinamque Auctoris, siue consilium vsibus, quos pollicetur, dialecticam attemperandi, spectemus, eximium quid atque præstans iure ab autore expectari potuisse, arbitror. Duo tamen in verbis allatis valde notatu digna occurrunt. Primum illud est, quid obseruare illi debeant, qui noua compendia obtrudere orbi erudito gestiunt. Quod si sibi dictum credidissent, qui quotidie eiusmodi quid parturiunt, non tanta librorum inutilium copia orbis laboraret. Alterum, quod vaticinium velut longe certissimum ediderit noster, futuramque sequentium temporum felicitatem in promouendis literis bonisque artibus animo prospexerit.

§. XI. Subiicit hinc quædam de Francisco Patricio, quæ licet a nostro instituto aliena videri possint, referam tamen, quia pauci forte, qui elogia Patricii colligunt, in hoc Acontii loco eiusmodi quid quæsituri sunt. *Vt alia præteream (ita pergit) stupore affecerunt*

*me non ita pridem dialogi decem de historia & nuperrime totidem de Rethorica nostrate lingua a Francisco Patricio, homine (ut audio) Dalmata conscripti. Quid quæris? Nihil hercle est propius, quam ut omnes iam Platonēs atque Aristoteles contemnā, acumen est incredibile, iudicium politissimum, lepore ita condit omnia, ut satietatem asferre prolixitas nulla posse videatur: magna audet, sed ita præstat, ut, si multo maiora polliceatur, facile sit fidem habiturus &c. Equidem serio dico, ex iis, quæ videre licuit, ita coniicio, effecturum eum, si vixerit aliquamdiu (vix enim virilem ingressus est ætatem) ut quod invideat seculum nostrum antiquitati, ingeniorum quidem præstantia, habiturum non sit: erigit mihi crede in spem suo exemplo multorum animos, fore, ut si graviter contenderint, multo pleniorē firmiorēque assequantur rerum quarumlibet cognitionem, quam posse iam quisquam videbatur,*

§. XII. Nisi me omnia fallunt, singularis de Patricii eruditione opinio, iudicium illud, aut si mauis vaticinium de feliciore literarum statu, auctori elicuit, quod adeo casui & affectui potius, quam iustis rationibus innixæ sententiæ tribuerim. Et in Patricio quidem laudando, non magnopere aberrat, saltem, eruditissimos viros secum consentientes habet, licet alii ob spreto ferociter Aristotelem, infenso in eum sint animo. Ianus Ni-  
cius



cius Erythræus de eo ita: *Franciscus Patricius Venetus, non huius modo, sed longe superioris aui Italarum fere omnium multo doctissimus, in omni præstantissimarum artium genere, qui occupatissima in vita ac summorum virorum negotiis pene omnibus, ac fere perpetuo itinerum labore districtus nunquam literarum studia intermisit, & egregia multa composuit, quæ summis literatorum omnium laudibus efferruntur.* Pinacoth. p. 203. Nimius tamen est in laudando Patricio Acontius & modum excedit.

§. XIII. Sed ad libros Acontii reuertimur. Inter hos superest, qui primo loco nominari debuisset, & qui solus fere auctoris nomen, ab interitu vindicauit, de Satanæ strategematibus. Editus is sæpius est latine, Basil. M. D. LXV. 8 M. D. LXXXII. 8. M. D. C. X. M. D. C. XX. Amstelodami M. D. C. XXIV. M. D. C. LII. 8. Oxon. M. D. C. XXXI. Gallice Basil. M. D. LXV. 8. Delphis M. D. C. XI. 8. M. D. C. XXIV. 12. Belgice M. D. C. LX. 12. Germanice M. D. C. XLVII. Basileæ &c. vid. Christophorus Hendreich in *Pandectis Brandenburgicis* p. 35.

§. XIV. In plerisque editionibus addita est Acontii epistola ad Iohannem Wolfium Tigurinum, in qua de ratione scribendi libros, erudite, plane & accurate disserit. In-

ter plurima autem monita longe faluberrima hoc etiam maximopere placet: *mea quidem, hac est sententia, ut quam in atatem incideris, videas, & quid suscipias; cuius rei gratia; hoc est, quam magna utilitatis spe adductus, expendas etiam atque etiam. Qua literis mandavit Iobannes Hus, si atatem, qua floruit, respicias, plane aurea sunt: si cum nostrorum hominum monumentis conferas, nullius sunt pretii. Immemores huius moniti plerosque esse, qui hodie ad scribendum se accingunt, vel me tacente, quilibet intelligit.*

§. XV. Is autem quem de strategematis composuit liber, plurimorum promeruit & laudes & vituperia. Moderationem nimirum pacisque studium cum ubique suadeat, non potuit non iis se probare, qui ab adversariis potentioribus oppressi nihil nisi pacis concordiaeque studium in ore habent. In quos cum Zelus non raro inconsultus alios armet, hisce suspectum statim est, fugiendumque videtur, in quo vel mentio saltem concordiae & tolerantiae iniicitur.

§. XVI. Arminianis itaque cur tantopere placuerit iste Acontii liber, intelligitur, imo, cur tam vehementer displicuerit Contra-Remonstrantibus. Illis in *Exam. censura pref. p. 11.* audit vir aeterna memoria dignus, quo *Satanas isto tempore maiorem hostem vix habuit.*

Iaco-

Iacobo Arminio in *Resp. ad Excerpt. Theolog. Leidens.* p. 65. diuinum prudentiæ ac moderationis lumen; Amelio *præfat. ad Puritam. Anglican.* & Greuinchouio in *Absterfione calumn. Smoutii* p. 125. δυνατώτατος ἐν ταῖς γρηφαῖς qui sementem ecclesiæ Anglicanæ calore & rore cælesti fouit sedulo. Quæ & alia eiusmodi diligenter collecta de eo affert V. Cl. Thomas Crenius *Animaduersion. Philolog. Hisfor. part. II. p. 31.*

§. XVII. Acerbissimæ contra aliorum in hunc Acontium extant censuræ. Plerique Socinianismum obiiciunt. Isaacus Iunius, *Acontius*, inquit, homo fuit eiusdem farinae cum Remonstrantibus & Socino, totus in hoc, ut omnes sectas ad vnā vniuersalem reuocaret, in qua ut in arca Noë omnium specierum animalia includerentur, & quamuis diuerso vtentia pabulo conseruarentur in *Exam. Apolog. Remonstrant. p. 45.*

§. XVIII. Nec mitior in Acontium est Peltius, qui eundem Acontium cum Socino in vnā coniicit classē, illud maxime obiectans, quod vterque, plura esse scitu necessaria ad salutē præter fidem seu obedientiam mandatorum Christi, negauerit; in *dedicat. Harm.*

§. XIX. His, quem laudauimus V. Cl. Thomas Crenius, addit Riuetum, cuius no-

tas manuscriptas in Conradi Bergii *praxin catholicam diuini canonis* is primus in lucem produxit l. c. *Miror, inquit Riuetus, cur tanti faciat vir doctus iudicium Acontii, hominis ambigua fidei & Socinianorum vel prodromi, vel comilitonis, cuius rei gratia ab Arminianis toties recusatus est & commendatus etiam in varias linguas vulgares translatus. Huic homini scopus fuit, ut ex toto libro apparet, ad tam pauca necessaria doctrinam christianam arctare ut omnibus Sectis in Christianismo pateret aditus ad mutuam communionem. Vellem, doctissimum & pium virum a talibus laudandis & imitandis abstinuisse.*

§. XX. Accedit istis Guilielmus Saldenus de libris varioque eorum usu & abusu lib. II. c. III. p. 338. Cum enim quod de Origene dici solet (vbi bene, nemo melius, vbi male, nemo peius) de Acontio vsurpasset, subiicit: fuit hic Acontius, vir fere doctus, sed ingenii ut acris quidem, ita & elatioris ac iusto liberalioris, quin a nescio quali Scepticismo & Indifferentismo in ipsam Theologiam introducendo, haud quaquam alieni, quod tractatu suo de stratagematis Satana testatum satis fecit, libello, (Simone Goulartio iudice) omnium malorum pessimo. Voëtius ei adscribit, quod vel imperite vel subdole, communem confessionis conceptum molitus sit, sub cuius vexillo militare possint & ipsi Ariani.

§. XXI.

§. XXI. Video itaque omnia ἐγκλήματα contra Acontium ad tria reuocari posse capita. Indifferentismus namque illi obiicitur, Socinianismus & ingenium elatius & iusto liberalius. Goulartii enim sententia: *Librum istū Acontii esse omnium malorum pessimum*, cum auctoris sumam aut imprudentiam arguat, aut impudentiam ne digna quidem est, in quam inquiratur, aut censura vlla stringatur.

§. XXII. Elatiorem animum Saldenus obiecit, nec tamen vllam sui iudicii affert rationem. Quod vitium etiam quo pacto in illum, qui nihil nisi moderationem pacisque studium spirat, cadere queat, me non capere, lubens profiteor.

§. XXIII. Indifferentissimum si ita capiunt, vt protestantes omnes in fundamento consentire crediderit Acontius, & perinde adeo esse, siue Lutheranorum, siue Reformatorum partibus addictus sit, hactenus quidem recte, illum ei obiici concedo. Quoad ceteras religionis christianæ Sectas, an indifferens fuerit, id enimvero diligentius adhuc puto esse investigandum. Certe quoad Pontificios, eum non fuisse indifferentem, satis constat, quippe quorum superstitionem & tyrannidem acriter satis in hocce libello perstringit.

§. XXIV. An Socinianos in religionis suæ admiserit societatem, patebit deinceps.

Interim obstare videtur, quod in Epistola, quam primum in lucem protraxit V. Cl. Thomas Crenius, Sabellianos, ideo, quod non recte de Trinitate & filio Dei sentiunt, reiecit atque damnauit. Cum enim prolixè de mente sententiaque Sabellii disputasset, concludit: *qui ita loquitur ut certa non appareat, eum agnoscere id, quod sit creditu necessarium* (Christum esse filium Dei) *eum pro ecclesie membro agnoscì non posse, etiamsi non constet, id eum negare & eius forte habendus sit loco, cuius ignoretur fides.* l. c. p. 137.

§. XXV. Iam ad Socinianismum quod attinet, initio id quidem mirum magnopere mihi videtur, cur Christophorus Christophori Sandius in sua Bibliotheca Antitrinitariorum nullam Acontii nostri iniiciat mentionem, cum in more positum sit viro huic, omnes huc trahere, quibus vel leuis quædam Socinianismi suspicio, imò suspicionis umbra, adspergi potuit, quo ipso, quin multis fecerit grauem iniuriam, nullum mihi superest dubium.

§. XXVI. Sed ut de toto hoc negotio statui rectius queat, iuuabit paucis sententiam, Acontii edisserere. Origo accusationum omnium inde orta, quod ad lites inter illos, qui Romani Pontificis iugum excusserant, præscindendas communem quandam confessionis formulam concinnari voluerit, in qua omnes

omnes adquiescerent. Causa, quæ in hac sententiam Acontium adduxit, honesta satis & prægnans videtur. Videbat, Protestantibus obiici sectarum diuersitatem : calumniam confirmare videbantur diuersæ, quæ hinc inde edebantur, confessiones : hic quid consilii? communem quandam confessionem conscribi volebat, in qua omnes adquiescere possent.

§. XXVII. Hac de re ipse Acontius ita differit : *ad diluendas calumnias, quibus infamari solent Euangelii professores eo quidem nomine, quod multa eis nefaria valdeque absurda tribuantur dogmata, quæ illi nullo pacto agnoscunt, & illud pertinet, quod iam fieri ubique videmus, ut qualibet aut particularis alicuius loci ecclesia, aut ciuitas aut prouincia, quæ Euangelium fuerit amplexa & priuatim etiam homines nonnulli scriptis editis, quæ sit suorum dogmatum summa testentur, eaque ratione Impiorum errorum, quos nunquam non serit Satanas, ad se doceant non pertinere infamiam. Quæ res quam bene eis cedat, expendendum est. Certe quidem aduersarii quod audiunt confessionum nomina, etiamsi in precipuis religionis capitibus summa sit consensus, tamen totidem videri sectas volunt : faciunt id illi quidem suo vitio, nulla iusta causa, fateor ; sed colorem tamen habet calumpnia &c. p. 323.*

§. XXVIII. Hæc itaque aliæque hunc in  
mo-

modum cum edisseruisset ; vt ostenderet confessionum multitudinem *πρόφασις* calumniæ quam Protestantibus intentabant Pontificii, præbere, tandem concludit : *Meo quidem iudicio nihil præstaret, quam vno accurate concinnato fidei symbolo confessiones alias abolere omnes. Certe enim talis ecclesiarum confessio multas sopiret hominum voculas, multa magnaue tolleret offendicula, quæ Euangelii cursum retardant mirum in modum.* p. 325.

§. XXIX. Aut itaque me omnia fallunt, aut supponit Acontius, eos quibus confessionis formulam præscribit in iis doctrinæ capitibus, quæ cognitu ad salutem sunt necessaria, inter se consentire. Hoc autem an de Socinianis & Protestantibus intelligi queat, ego quidem vehementer dubito, imo plane abnuo. Quicquid sit : Acontius aut in hoc peccauit, quod Socinianos in præcipuis doctrinæ cœlestis capitibus a Protestantibus non dissentire credidit, aut in eo, quod de Reformatis atque Lutheranis id sibi persuasit. Si prius, peccauit quidem enormiter, vix tamen video, quo pacto in hanc sententiam ingredi potuerit : saltem accuratius hoc esset demonstrandum. Si posterius, miror cur tam male audiat, saltem apud Reformatos, quorum doctissimi hunc  
in



in fundamento vtriusque partis consensum agnoscunt.

§. XXX. Si porro ex Acontio quæras, quid generatim de confessionibus sentiat? respondet, in Veteri Testamento, licet sæpius diuini cultus facta sit restitutio, nullius tamen extare more nostro compositæ confessionis memoriam, & absolutam eius rei se non videre necessitatem, licet ad calumnias repellendas & refutandas necessarium quandoque sit confessiones edere *p. 324.*

§. XXXI. In eo si reprehendas Acontium, hoc tecum expendas velim: triplicem posse confessionis esse finem: primum, ut omnibus de hominis, aut vnius aut plurium, imo integri coetus sententia constet, si forte impia & profana placita illis tribuantur: alterum, ut aliis certam loquendi sentiendique præscribamus formulam, non toleraturi eos, qui non statim easdem nobiscum foueant opiniones, iisdemque vtantur verbis; tertium ut nos ab iis, qui graues errores docent, aut alia non ferenda committunt, discernamus.

§. XXXII. Vltimus finis superuacaneus fere videtur, cum qui dissentiunt ipso dissensu satis a se discernantur. Medius ille finis haud raro cum conscientiarum coactione & tyrannide coniunctus est, adeoque Christia-

no

no homine indignus. Primus autem finis & licitus est, & confessiones interdum prorsus necessarias reddit. Ast necessariae, inquis, sunt, ut hæretici ex latibus suis protrahantur, illorumque palam fiat sententia. Sed salva aliorum sententia, ita arbitror: aut manifesti sunt hæreticorum errores aut occulti: si occulti, Deo cordium scrutatori res committenda: si manifesti, non opus est formulis & confessionibus; per se non damnandis, sed magnis abusibus obnoxiiis. Hæc & alia pro sententia Acontii dici possunt, ut pateat non tam temere eam esse reiiciendam.

§. XXXIII. Non itaque omnes promiscue in religionis societatem admittit Acontius, nec damnat confessiones, licet abusum earum & multitudinem reiiciat. Si ergo nunc scire cupias, qualem eam esse velit confessionem, in qua omnes veri Christiani adquiescere possint, ecce quo pacto suam ipse exponat hac de re sententiam: *Ac oportet quidem confessionem eiusmodi esse instar definitionis cuiusdam, quemadmodum enim requiritur, ut definitio neque plura complectatur, neque pauciora, quam ipsa, quæ definitur, res: videlicet ut nihil desit, nihil deesse oportet eorum, quæ sint ad salutem cognitu necessaria. Nihil enim contineri debet, absque cuius cognitione contingere salus possit. Etenim si deesset aliquid cognitu*

ne-

*necessarium fieret, ut qui Christianus haberi non debeat, neque ecclesiæ Dei membrum propterea, quod profiteretur illud symbolum, haberetur pro Christiano. Sin contineretur Symbolo aliquid non necessarium cognitu, usu venire posset, ut qui confiterentur, quæ essent necessaria, & qui cum sua qualicunque fide salui esse possent, propterea, quod non reciperent id, absque cuius cognitione contingere salus possit, cum essent pro Christianis & ecclesiæ membris agnoscendi, reiicerentur. At si neque desit, neque redundet quicquam, iam neque reiicerentur nisi qui sint reiiciendi, neque reciperentur, nisi qui sint recipiendi. p. 327.*

§. XXXIV. Ex quibus Symboli, quas posuit, conditionibus, luculenter apparet, ab omni Scepticismi & Indifferentismi suspitione Acontium procul esse remotum. Qui enim certa doctrinæ capita creditu ita necessaria ducit, ut eos, qui hæc capita non admittunt, *reiiciendos* statuatur, is, quo pacto Scepticismi & Indifferentismi insimulari queat; ego equidem non video. Quod autem nec superflua Symbolo admisceri cupit, in eo nescio an vituperari possit, saltem ab iis, qui serio secum expendunt, non fecundiores esse litium & controuersiarum materiam, quam eiusmodi doctrinas, quæ ut per se creditu necessariae non sunt, ita tamen tanquam necessariae obtrudi aliis solent.

§. XXXV.

§. XXXV. Præcipuam autem Symboli sui hanc voluit esse conditionem Acontius, ut ipsis Scripturæ S. verbis concinnetur. Cum enim monuisset, imo sedulo inculcasset, quæ complectitur Symbolum, ita expressa esse oportere, ut ea neque agnoscere videre possit is, qui non agnouerit, neque videri non agnoscere, qui vere agnouerit, hoc est ut nullis cauillationibus & subdolis interpretationibus relinquatur locus (vnde rursus patet, quam hic ab omni Scepticismo alienus fuerit Acontius) in eam tandem ingreditur sententiam, ad hunc finem obtinendum nihil esse consultius, quam ut ipsis Scripturæ sacrae verbis exprimatur. *Quæ cum ita se habeant, nihil mihi consultius videtur, quam ut fidei confessio, quæ sit pro symbolo usurpanda, non solum nihil complectatur non necessarium cognitu, nihil non verissimum ac certissimum, nihil non diuinarum literarum testimonio testatissimum, sed etiam ut nihil complectatur, nisi expressum eisdem etiam verbis & loquendi formulis (quoad eius fieri possit) quibus ipse Dei Spiritus usus est. p. 329.*

§. XXXVI. Hic vero clamabunt haud dubio multi: hic latere anguem sub herba, hic virus suum prodere Acontium, & ad consueta hæreticorum strategemata confugere, quippe quibus solennius nihil sit, quam terminos & formulas, ad errores in lucem pro-

tra-

trahendos ab ecclesia salutari consilio excogitatos & introductos repudiare. Sed cum, hæreticorum quidem, ut vocantur, interdum hæc mens sententiaque esse possit, superest tamen, ut quæramus, an Acontii quoque fuerit. Possunt enim duo idem facere, diuerso tamen consilio sententiaue diuersa, quorum vnus laudem ideo promereatur, vituperium alter.

§. XXXVII. Acontius saltem grauissimas consilii sui se habuisse rationes sibi visus est, quas expendant velim, quibus certi quid hac de re statuere volupe est. Neque enim in hanc se inductum sententiam profitetur, quod in verbis aut Syllabis vllam putaret esse religionem, aut quod interesset, quibus quidque verbis exprimatur, si modo & verum sit, & recte intelligatur: sed cum lubricum, inquit, admodum sit hominis ingenium, qui sæpe certissima exploratissimaque arbitretur ea, nec posse in controuersiam adduci, quæ postea non modo veniunt in controuersiam, sed etiam falsa fuisse demonstrantur, ideo consultius esse arbitror in fidei scribenda confessione Spiritus Sancti verba retinere, quam vsurpare nostra, ne videlicet nostro indulgentes ingenio aliquid inferamus, quod non solum non sit certum & cognitu necessarium, sed ne verum quidem sit. Urget,

deinde & hoc, quod verba nostra quantumvis magna in iis feligendis vtamur diligentia, nihilosecius tamen nobis non animaduertentibus aliquid ambigui habere queant, & quæ alia sunt eiusdem generis *p. 339.*

§. XXXVIII. Meum non est, hanc litem componere: proferre saltem in lucem Acontii de hoc negotio sententiam volui, vt clare, perspicueque omnibus innotesceret. Hoc tamen non addere nequeo: siue nostris, siue sacrae scripturae verbis Symbolum aliquod concinnetur, commune tamen, quod omnes confessionum formulas vrget incommodum remanere. Aut enim ideo confessiones eduntur, vt calumnias, quibus oneramus, repellamus, doctrinaeque nostrae innocentiam ostendamus, quem vnicum licitum confessionis vsum esse posse, supra ostendi, aut vt loquendi & credendi formulam aliis praescribamus. Si prius, perinde esse videtur, quibus vtamur verbis formulisque, imo quæ perperam nobis tribuuntur non possunt sæpe satis scripturae verbis declinari. Si posterius, praeterquam quod finis iste haud raro in tyrannidem degeneret, si quis sententiam peculiarem & a nostra discrepantem foueat, eandem tegere verborum ambiguitate potest, siue nostris, siue Scripturae S. vtamur verbis. Imo, quod non diffitendum, in controuersis re-

cen -

centioribus ad mentem aliorum veram elicendam commodiora sæpius sunt verba nostra, quam Scripturæ Sacræ. Sed ideo iste finis & ratio confessionum non statim probari potest, nisi euidentissima accesserit necessitas.

§. XXXIX. Videamus nunc quo pacto hæc consilia de tali formula concinnanda in effectum deducat Acontius. Primo quidem ea doctrinæ capita, quæ creditu ad salutem, necessaria sint, hæc designat:

- 1.) Quod vnus sit verus Deus, & is, quem ille misit Iesus Christus & Spiritus S. & quod non recte negatur, alius esse pater, alius esse filius, quia Iesus Christus vere sit Dei filius.
- 2.) Quod homo iræ iudicioq; Dei sit obnoxius. Et quod reuiuiscant mortui, iusti quidem ad sempiternam beatitudinem, impii vero ad sempiternos cruciatus.
- 3.) Quod Deus Iesum Christum filium suum in orbem miserit, qui homo factus, propter peccata nostra mortuus sit, & propter iustitiam nostram a mortuis excitatus.
- 4.) Quod si crediderimus Dei filio, per eius nomen vitam consecuturi simus.
- 5.) Quod non sit in vlllo alio salus, non in beata Virgine, aut Petro, aut Paulo, aut

ullo alio sancto, vel quouis alio nomine, & quod non sit iustitia in lege, neque in hominum mandatis aut inuentis.

6) Quod vnus sit baptismus in nomine & Patris & filii & Spiritus S.

§. XL. Sufficiantne hæc ad salutem consequendam; inquirant, qui id operæ pretium duxerint. Nostrum enim non est, prolixas aliorum de articulis fidei fundamentalibus & non fundamentalibus disputationes retexere. Referamus potius eam, quam hisce fundamentis superstruxit, confessionem Acontius, quæ ita se habet:

Vnum solum verum Deum noui, & eum quem ille misit Iesum Christum filium eius & Spiritum S. Noui legem Dei esse illam: Audi Israel Dominus Deus tuus, Deus vnus est &c. Execrabilis est quicumque executus non fuerit omnia, quæcunque in lege scripta sunt.

Credo futuram mortuorum resurrectionem, & iudicatum iri viuos & mortuos, qui recte fecerint in vitam æternam ituros, qui autem inique egerint, ad supplicium.

Et cum ego in peccatis conceptus, & natura iræ filius contra legem Dei grauiter, commiserim, agnosco me Dei iudicio obnoxium, atque æternæ mortis reum esse.

Ve-



Verum cum statuto tempore Deus filium suum Iesum Christum in mundum miserit, qui homo factus propter peccata nostra mortuus est & propter iustitiam nostram reuixit, qui nos a peccatis nostris suo sanguine abluit, per quem peccatorum venia nunciatur, nec est in vlllo alio salus, nec vllum aliud nomen, est sub coelo hominibus datum, per quod seruandi simus, confido, me per illius nomen & gratiam vitam consecuturum.

Agnosco vnum baptismum in nomine, Patris & filii & Spiritus S.

Hæc est illa confessio, in qua qui consentiunt, eos in religionis admittere societatem non dubitat Acontius : vti contra reiicit & Christiano nomine indignos iudicat, qui vel vnicum illorum capitum, quæ in ea continentur, in dubium vocauerint. Et hanc exhibere ideo consultum duxi, vt omnibus de doctrina & religione viri statuere, prout visum, integrum foret. Nobis nec defendere, nec accusare, multo minus damnare illum constitutum fuit. Vitam saltem, fata, & doctrinam paucis complecti volumus. Interim si vel maxime quædam atro notanda lapillo in libro eius de Strategematibus Satanæ occurrerent, hæc tamen infinita rerum vtilium varietate facile compensarentur. Omnibus itaque, quibus veræ Sapientiæ, imo veræ pie-

tatis studium curæ cordique est, commendatum eum libellum maximopere cupimus.

## OBSERVATIO XXVI.

De

ARCTIORI FEMINARVM CVM  
VIRIS EXTRA CONIVGIUM  
COMMERCIO.

Σύνοψις.

§. I. **C**ommercia virginum feminarumque cum viris primo ex eo, quod ille hos doctores seclata sint, §. II. deinde ex eo, quod femina viros docuerint, §. III. in primitiua ecelesia femina a viris in contubernium receptæ; §. IV. quod ex Platonica ortum videtur philosophia, iuxta quam amor quoque corporeus ad animi ascensum aliquid conferebat: Platonica de anima doctrina, prolixius edisseritur: §. V. Mos ille abrogatur: sed succedunt mulieres σονείσαντοι: §. VI. Eæ & ἐπίσαντοι seu peregrinae dictæ sunt, & initio ad domestica ministeria obeunda, itemque ad pietatis exercitia, fuere adscitæ, sorores quoque dictæ sunt: §. VII. Sed grauissimus accessit abusus, quem acriter perstringunt Patres: §. VIII. De Monachis & monialibus in vno eademque monasterio viuentibus: nullum huius rei afferri exemplum posse,  
contra

*contra D. Paullini asseritur, simulque de duplicibus monasteriis quadam asseruntur.*

## §. I.

**T**Ametsi virgines apud plerasque gentes domi extra consortium cum viris seruatae fuerint, ut quondam diligenter ostendit focer meus I. P. Pfeifferus in dissert. de *Cura Virgin. apud Veteres*: Nihilominus non raro factum ut sub vario praetextu illis commercia quaedam cum viris intercederent. Ita sane Hermippus, teste Diogene Laertio <sup>(a)</sup> auctor est, quod Pythagoras quidem homo diuinus fuerit creditus adeo, ut & feminae ei se traderent ὥς καὶ μαθησομένας τι τῶν &c. quasi aliquid ex eius doctrina percepturae. Huius generis virgo fuit, etiam Agnodice, quae amore discendi medicinam incensa demptis capillis habitu virili sese Herophilo cuidam in disciplinam tradidit, quemadmodum legere licet in fabulis Hygini <sup>(b)</sup> Plura feminarum, quae in discenda medicina operam posuere, exempla leguntur in nostra morborum Vratilav. historia A. 1700.

§. II. Aliae autem Mulieres auctoritatem docendi viros sibi arrogarunt. Theano, ut

P 4 lib.

(a) in vita Pythagor. lib. 8. p. m. 224 edit. Londin.

(b) fabul, 274. p. m, 143 Edit. Commel.

lib. I. stromat. Clemens Alexandrin. testatur, primo est *philosophata & versus scripsit inter Mulieres*, & defuncto Pythagora scholam regendam suscepit, sicuti perhibet Theodoretus Therapeutic. II. siue ea fuerit Pythagoræ *uxor*, prout Iamblichus, Porphyrius, Iulius Pollux aliique credunt; siue *filia*, quod statuit Anonymus vitæ Pythagoræ auctor apud Photium. Id certum est quod pauxillum illud, quod scripsit Pythagoras, filiae suæ moriens commendarit, monueritque vt secretum custodiret; certum etiam est, quod filia clam omnibus, præter quam Patris discipulis, tenuerit paterna monumenta, ac sententias eius exposuerit iis, qui visi sunt Patri Pythagoræ doctrina & moribus digne successisse, quod præter antiquos memoriæ prodidit etiam Bessarion lib. I. Contr. Calumniator. Platon. c. 2. sed vltimum hoc, aliquanto, opinor, rarius contigit, prius autem illud multo frequentius. Inter Romanos memorandus est ipse Cicero; hic in consortium suum allegit Cerelliam, ita tamen, vt non æque amoris, quam studiorum commercium cum ea sibi intercedere credi vellet, vt apparet ex lib. 13 epistol. familiar. 72 lib. 13 ad Attic. 21 &c. quamuis eroticorum opinionem declinare minime potuerit. Nam a-

pud

pud Dionem Cassium (c) in inuectiua Calenus non tantum molliciem Ciceroni exprobrat ac repudium vxoris, sed & adulterium cum Cerellia: *ne eam quidem*, inquit, *retinuisti (vxorem) nimirum ut libere Cerelliam haberes, quau ἐμώχευσας, stuprasti.* Et ut Calenus fidem liberet, ad literas eroticas Ciceron. prouocat, dum in hæc erumpit verba: *ad quam ipsam eiusmodi literas scribis, quales scribi par est a scurra lingueque incontinentis viro.*

§. III. At vero, quod mireris, hinc inde inter Christianos in primitiua Ecclesia, in qua Virginalis Castimonia non paucorum, matrimonia nobilitauit, ut constat ex Orig. lib. I. Contr. Cels. p. 21 Tertull. ad vxor. lib. c. 6. Methodio in Coniuv. X. Virgin. aliisque scriptoribus a Caue & Kortholt, nisi fallor, iam ante allegatis, occurrunt exempla Cælibum, qui feminas in contubernium allegarent, eas complecterentur, & oscularentur (non sane more Romano, vbi propinquis & affinibus Virgines osculari ius erat teste Arnob. lib. 2, Plin. lib. 14. c. 13. Iuuenal Satyr. 6. Gell. lib. 10. cap. 23. nimirum *ut spiritu iudicarentur*, prout loquitur Tertullian. in Apolog. c. 9. an vino abstinuissent, cuius vsus feminis Romanis erat capitalis,

P 5

prout

(c) lib. 46. p. m. 345. edit. Stephan.

prout fidem faciunt Dionysius Halicarnass. & Valerius Maxim. Imo cum illis in vno lecto dormirent. Testem omni exceptione maiorem hic laudamus S. Cyprianum Martyrem. Is in epistol. 5. (d) ad Presbyteros & Diaconos ita scribit : *Doleo quando audio quosdam improbe & insolenter discurrere, & ad ineptias vel discordias vocare: Christi membra & iam Christum confessa per concubitus illicitos inquinare &c.* His lucem affundunt, quæ leguntur in epist. 6. p. 15. *Quid deinde illud? quam vobis execrandum debet videri, quod cum summo animi nostri gemitu & dolore cognouimus, non deesse, qui DEi templa & post Confessionem sanctificata & illustrata membra turpi & infami concubitu suo plus maculent, cubilia sua cum feminis promiscua iungentes : quando etsi stuprum eorum conscientiae desit, hoc ipsum grande crimen est, quod illorum scandalo in aliorum ruinas exempla nascuntur.* Et in epistol. 62. ad Pomponium Cyprianus non vult Pomponium pati, Virgines cum masculis habitare non dico simul dormire, sed nec simul vivere & p. seq. 99. *Certe ipse concubitus, ipse complexus, ipsa confabulatio & osculatio & coniacentium turpis & fœda dormitio, quantum dedecoris & criminis confiteretur?* Et rursus : *Consulte & cum vigore fecisti, frater charissime, abstinendo Diaconum, qui cum Virgine saepe mansit, sed & ceteros, qui cum Virginibus dormire consueuerunt* H. I.

## §. IV.

(d) Edit. Rigaltii Paris. p. m. 13.

§. IV. Cum vero non omnes illæ virgines conscientia graui cum viris cohæserunt : nam quædam ex iis magna fiducia se integras esse asseuerabant, obstetricum fidẽ appellabant, probanda ac inspicienda corpora præbebant, vt ex his Cypriani verbis loco iam iam citato colligimus : *Nec aliqua putet se hac excusatione defendi, quod inspicere & probari possit, an virgo sit - Et si incorrupta inuenta fuerit virgo ea parte sui, qua mulier potest esse, potuerit tamen ex alia corporis parte peccasse, qua violari potest, & tamen inspicere non potest: quæstio oritur, à qua origine fœda consuetudo hæc manarit, vt ita arcte virgines cum viris citra copulam tamen carnalem cohærent. Illi proxime ad veritatem accedere videntur, qui existimant, tum regnasse in animis multorum opinionem, quod amores corporei aliquid ad animæ ascensum conferant, & hæc sententia ex fontibus philosophiæ Platoniciæ fluere fortassis non absone creditur. Quod vt tanto liquidius patefcat, paulo altius huius opinionis fundamenta rimari licebit. Scilicet mens iuxta Philosophos hos est *Θεα ἀπόμοιρα*, id est *portiuncula diuina*, qua ratione etiam ab ipsis describitur Stoicis, vt constat ex lib. 2. Marci Antonini Imperator. & lib. 5. eiusd. oper. §. 27. ipsi est *ὁ Διὸς ἀπόσπασμα*, Epicteto autem lib. 1. c. 1. *ὁ Διὸς μέρος*. Rotunde quoque Seneca epistol. 92. fatetur, quod *Dei sit**

fit & lib. de otio Sapiientis: *diuini*, inquit, *spiritus pars ac veluti scintilla quædam est*. Et Plutarchus lib. 1. quæstion. Platonice docet, quod anima mentis particeps iuxta decreta Platoniorum *ἐκ ἐργον ἐστὶ τῆ θεᾶς μόνον, ἀλλὰ καὶ μέγος ἀπ' αὐτῆς καὶ ἐξ αὐτῆς γέγονε*. Synesius Platonizans epistol. 105. mentem vocat *ἐν τῇ ψυχῇ μοῖραν τὴν θεῖαν* magno utique errore, cum, vt optime S. Augustini epistol. 157 *anima Dei non particula sed creatura* lib. 3. de origine anima c. 3. *ab illo non de illo facta sit*. Porro Corpus ex mente horum sophorum est *anima folliculus & sacculus*. Notum illud Anaxarchi; *tunde Anaxarchi sacculum* apud Ciceron. lib. 2. quæstion. Tusculanar. Plutarch. Dion. Pruf. Conf. Elmenhorst. ad lib. 2. Arnobii p. m. 66.; *anima amictus*, qua alias denominatione crebro Stoici vtuntur, *vagina anima* apud Plinium lib. 7. c. 152. *ergastulum corporale* vt est apud Prudentium, qui Platonice descriptionibus etiam alias utitur, *περὶ σεφάνων* p. 175. Plato quoque in Cratylo expresse corpus vocat *σῆμα* & initio lib. 7. de Republic. *σπηλαίον*. Breviter ex sententia, quam Plato in Phædone & alibi fouet, anima, quando Corpori coniuncta existit, velut vinculo constricta est, imo in monumento sepulta vel propter pœnarum meritaram exactionem, vel absolutionem perfectionis vniuersi,

vt



vt optime Æneas Gazæus in Theophrast. p. m. II in f. edit. Barth. Cum antea purgatissima omnium rerum scientia polleret, scilicet ex mente eius præexistens ante corpus, Conf Mazonium (quem Tomo 3. obseru. 14. Platonis atque Aristotelis Conciliatoribus a Cl. Viro non additū fuisse miror,) in *methodo vit. contemplatiu.* p. m. 334. Enitendum autem animæ est, vt pristinam suam felicitatem recuperet. Ad illam autem reduci animam censebant per gradus virtutum, *politicas* inquam, quæ ex bestia facerent hominem, *purgatorias* quæ ex homine Dæmonem, ac *intellectuales* &c. qua de re vberius disputat Porphyrius, initio part. 2. sententiarum ad intelligibilia ducentium. Hæc autem reductio non fit sine motu animæ, cui propterea etiam alas tribuunt Platonici. Ipsa etiam, philosophia iis nihil aliud est, quam ψυχῆς περιαγωγή ἐκ νυκτερικῆς τινος ἡμέρας εἰς ἀληθινὴν τῆ ὄντος ἰσχύος ἐπανόδος lib. 7. de Republ. vt eam ipse Plato describit. Alcinous in Isagoge hanc Philosophiæ suppeditat definitionem, quod sit περιαγωγή ψυχῆς ἀπὸ σώματος ἐπὶ τὰ νοητὰ ἡμῶν τρέπομένων καὶ τὰ κατ' ἀλήθειαν ὄντα. Ad hanc περιαγωγὴν anima a corpore tanquam ex carcere, vinculo, vagina, & in pristinum dignitatis locum, momentum aliquod ex sententia Platoniorum

confert etiam amor corporeus. Nam vtut ipse Plato nec vxorem duxerit, nec liberos suscepit & ita Epicuri illud effatum, *sapientem non ducturum uxorem* apud Diog. Laert. lib. X. Arrian. lib. 3. c. 7. re ipsa probauit, vtut etiam lib. 8. de legib. expresse dicat, quod *amare ad concubitum & concumbere inter se promiscue homines extra legem matrimonii sit res nefaria, Deo odiosa, turpissima* Conf. Montecatin. in compendio leg. Platon. (e) non tamen vsque adeo Plato ab amore corporeo fuit alienus. Hoc vt euincat Apuleius in Apolog. (f) prouocat ad varios Platonis versus, qui certe inter eroticos non vltimi sunt, cuius generis sunt in Puerum Astera:

*Astra Vides vtinam fiam mi fidus Olympus,  
Vt multis sic Te luminibus videam.*

Nec non in Alexin Phædrumque pueros  
*Dixerit hic tantum cum nil nisi pulcher Alexis  
Exitit & vertunt quilibet in Te oculos.  
Cur anime os canibus monstrans angisque  
dolor*

*Postmodo. Non Phædro sic prius exciditur  
Tandem & in Dionem Syracusanum  
Ciuibus ingenti in patria laudate iaces nunc  
Qui insanum me reddis amore Dion.*

Et

(e) in Partition. & paraph. lib. de Republ. p. m. 648.

(f) p. m. 280. Edit. Elmenhorst.

Et hinc a Comico Ephippo apud Athenæum lib. 2. Platoni vestitus sumptuosus & prope-  
modum lascivius obiicitur. Inde etiam fit,  
vt Platonici in amatoriis Poëtis extollendis  
nec modum nec finem vllum faciant. At-  
que ex mente Maximi Tyrii: amor tantum  
abest, vt dedeceat sapientem, vt potius sa-  
piens optet, ne amor vnquam ab eo recedat, si-  
quidem una cum illo libertatem securitatem &  
firmitatem consecuturus differt. 10. Et quid sibi  
volunt illa Socratis in differt. 8 eiusdem Ty-  
rii (g) se Phædri amore tanquam Bacchico furore  
concuti. Scio quosdam causari quod Plato-  
nicus amor fuerit τῆς ψυχῆς, non σώματος  
vt etiam est apud Cælium Rhodigin. lib. 16. c.  
15. at vero etiā hoc scio, quod Platonici amoris  
fons & origo sit flos corporis, qui oculos intrat,  
vti iterum Tyrius differt. 9. p. 93. Et ecce  
quam aperte & cum qua fiducia eroticorum  
defensionem suscipiat Philosophus Platoni-  
cus Apuleius: 15 l. c. p. 281. ita scribit: Ver-  
sus [Platonis] quos percensui, tanto sanctiores  
sunt, quanto apertiores, tanto pudicius compositi,  
quanto simplicius professi. Namque hac & id ge-  
nus omnia dissimulare & occultare peccantis, pro-  
fiteri & promulgare laudantis est, quippe natura  
vox innocentie, silentium maleficio distributa.  
H. I. Et fane mirum non est Platonicos ita  
de

(g) p. m. 90. Edit. Lugdunens.

de amatoriis rebus loqui, cum origo philosophiæ Platoniciæ non alibi rectius quærat, quam in Poëtis, quorum antiquissimi in amatoriis leuitatibus occupati. Homerus in aliis rudior, *cum de amore agit, nihil est, quod non ordine describat*, vt recte iterum Tyrius. diff. 8. p. m. 87. vbi τὰ ἐρωτικά Homeri neruose recenset. Et apud Hesiodum *quid aliud Musa canunt, quam γυναικῶν ἔρωτας καὶ ἀνδρῶν*, vt denuo Tyrius l. c. Imo ipsa res loquitur, quod amores vehementium corporis & animi motuum causa sint, vnde iam olim *venus verticordia* dicta. Conf. Herbertum de religione gentil. (h) Oculi sane amantium nutantes sunt, vnde Tassius apud Scipion. Claramontium de coniectandis cuiusque morib. & latitantibus animi affectibus. (l) *aspectum tremulum* amantibus tribuit, ac Claramont. ipse l. c. *vicissitudinem lingue inter labra* in iis, obseruauit, vt & *salua in labia effluxum*. Pulchre Honorat. Fabri (k) *Lingua*, inquit, *in hoc amoris scena etiam suas partes agit: nempe illa mollior est affuso scilicet ubertim sanguine, hinc ad tremulum quendam motum determinatur; hinc blasa euadit cum sæpe ob nimiam motuum vim & agitationem mentem ipsam fallat, delibat autem identidem labra &c.* & §. 10. Variis motibus aman-

(h) p. 182. edit. nuperæ. (l) p. 337. Edit. Conring.

(k) Tom. 5. Physic. Tract. de homine lib. 5. prop.

amantem agi ostendit. Eo ipso autem, dum tantos in corpore amor motus excitat, ad Platoniam animæ Periagogen & Enthufiasmum, quo Philosophia Platonica, iudice summo Viro Iacob. Thomasio, ducit, aliquid confert. Quia ita tum non pauci inter Christianos summa veneratione Platonem prosequerantur, in eandem, quam de amoris ad ascensum animæ efficacia Platonici fouebant, sententiam a Philosophis inducti, non tantum eodem cubiculo, sed & lecto cum feminis iuncti fuerunt.

§. V. Malum hoc in herba suffocauit S. Cyprianus sanciens in epistola 62 vt ii, qui *abstinate perseuerant, nec se ab inuicem separant, cum hac impudica obstinatione in Ecclesiam non admittantur.* Cum vero pessimus ille mos abrogatus esset, mox alius successit, quo viri sibi focias adsciscebant feminas & satis familiariter cum iis agebant. Veteres has vocabant *συνεσάκτρεις*. Earum mentionem fieri inuenio in epistola synodi Antiochen: contra Paulum Samosatenum scripta, in qua expresse memoratur (1) quod & ipse Episcopus eiusmodi feminas habuerit, & Presbyteris ac Diaconis, vt haberet eos sibi obnoxios, permiserit. Inter alia occurrunt in hac epistola,

(6)

Q

seq.

(1) Eusebius lib. 7. Hist. Eccles. c. 30. p. 281. Edit. Paris.

seq. *Quid hic referre attinet subintroductas, ut Antiocheni vocant, mulieres tam ipsius, quam Presbyterorum eius ac Diaconorum?* Hieracæ, qui vite instituto ac genere plane admirabilis fuit, ut Epiphanius hæref. 67. (m) refert, sequaces ridiculi teste eodem Epiphanio p. 716. fuerunt ob introductas & ascititias has feminas *συνεισάκτας γυναῖκας*, quas cum inquit, apud sese habeant, ad quotidianum duntaxi ministerium eas sese adhibere gloriantur. Meminit eiusmodi feminarum idem Epiph. in hæresi 63. quæ est Origenianorum, p. 522 qui itidem ut Hieracitæ, nuptias repudiabant, neque tamen obscenis libidinibus modum ullum adhibebant. Huc faciunt etiam aliqua ex hæref. 78. Vulgarem admodum fuisse eius temporis labem, patet ex Can. 3. Concil. Nicæni, in quo Episcopis Presbyteris & Diaconis omnique clero usus harum feminarum prohibetur. Nec tamen consuetudo alendi *συνεισάκτας* post Concilium Nicænum extincta statim est, quandoquidem & Pregorius, Presbyter septuagenarius, eiusmodi *συνεισάκτας* aluit, ut constat ex epistol. Basilii M. ad eum ex hoc capite scripta. Idem ad oculum patet ex variis Gregor. Nazianzen. versibus, ac cum primis etiam ex duabus Chrysostomi orationibus, quarum una *πρὸς τὰς ἔχοντας παρθένους*,  
συν-

(m) Ed. Paris. Poeta v. p. 710.

συνεσάκτες, altera ad feminas τὰς ἐχθράς  
 ἄνδρας συνεσάκτες, quæ sunt 17. & 18. in 6.  
 Tom. edit. Sauilian. De eiusmodi mulieri-  
 bus etiam agit Hieronymus in Epistol. ad Eu-  
 stoch. nec non lex 4. Honorii in Codice,  
 Theodosiano de Episcop. & Cleric. Tem-  
 pore Iustiniiani consuetudinem illam non-  
 dum exspirasse, liquet ex Nov. 133.  
 cap. 29.

§. VI. Hæ συνεσάκτοι, indiulse adhære-  
 bant viris, vnde vetustissimus canonum Con-  
 ciliū Nicæni Interpres non inepte appellat,  
 illas *commanentes*. Nulla sanguinis cognatio-  
 ne viros attingebant, & hinc credo, ἐπίσακ-  
 τοι dicebantur, vt constat ex collectione Ioh.  
 Antiocheni, Simeone Logotheta, nec non  
 Alexio Aristeno in Epitome, Balsamone &  
 aliis. Ἐπίσακτος autem denotat *alienum*, *pe-*  
*grinum*, *extraneum*, vt fit manifestum ex He-  
 fychio. Et in Demosthene legas: ἐπίσακ-  
 τῷ σίτῳ χρῶμεθα id est *frumento peregrino uti-*  
*mur*. Atque hinc Ruffinus has feminas vo-  
 cat *extraneas* in respectu nimirum ad matrem,  
 sororem, aliasque necessitudinum huiusmodi  
 personas. Quæ denominatio iis etiam tribui-  
 tur in Concilio Turon. 2. Can. 2. Concil.  
 Tolet. 4. c. 42. Concil. Ilerdensi can. 15. &  
 in multis aliis. A vero non abhorret, quod  
 feminæ hæ domestica Viris præstiterint mi-

nisteria. Atque hinc Monachus aliquis ad Canon. 3. Concil. Nicæn. dicit *συνοικούντες* vocari, *qua cum sacerdotibus & cælibibus cohabitationem eligunt, iisque in rebus necessariis ministrant.* Sane senex ille Episcopus in Palæstina domesticum ministerium prætendebat, cum propter feminas illas suspicionem incurreret apud Epiphani. p. m. 522. Et hinc Petavius non inepte eas vocat *contubernales ad domesticum ministerium.* Credibile quoque est, quod quædam pietatis exereitia cum viris hæ feminæ aut vere habuerint, aut habere videri voluerint communia. Iustellus ad Can. 3. Concilii Nicæni *Erant inquit, neque uxores, neque concubina sed tertii cuiusdam generis mulieres, quas secum Clerici non sobolis neque libidinis gratia, sed pietatis studio aut certe prætextu fouebant.* Hinc etiam sororum iis inditum nomen, vt apparet ex Gregor. Nyssen. de Virginib. c. 23. Doctissimus Valesius (n) testis est, quod in vetustissimo Codice Corbeienfi Canon. 3. Conc. Nicæni hanc habeat inscriptionem: *de subintroductis, id est adoptiuis sororibus* atque hinc illam Honorii legem: *Eum, qui probabilem seculo disciplinam agit, decolorari consortio sororia appellationis non decet,* explicari posse. Iam nulla ratione fit verosimile, quod Romanos imitati fratris & foro-

(n) in annotat. ad Euseb, lib. 7. p. m. 175.



fororis appellationibus ad libidines tegendas abusi fuerint Christiani : id quod Martiali, nequitiae Magistro, in frequenti vsu fuit. Ita enim ille Epigr. 4. lib. 2. in Amianum :

*o quam blandus es Amiane, Matri !  
quam blanda est Tibi Mater, Amiane !  
Fratrem Te vocat, & soror vocatur  
Cur Vos Nomina nequiora tangunt ;  
Quare non iuuat hoc, quod estis esse. &c.*

Conf. lib. 12. epigr. 20. Apud Ouidium lib. 9. Metamorphos. fab. XI. Byblis Cauno stuprum suadens ita fatur :

*Dulcia fraterno sub nomine furta tegemus :*

Apud Petronium Circe ad Pollienum : *si non fastidia feminam ornatam & hoc primum anno virum expertam concilio tibi o iuuenis sororem. . Habes tu quidem & fratrem, neque enim me piguit inquirere, sed quid prohibet & sororem adoptare ?* Phædra apud Senecam indicatura amorem ait :

*Matris superbum est, nomen & nimium  
potens.*

*Nostros humiliter nomen affectus decet*

*Me vel sororem, Hippolyte, vel famulam voca*

Certum potius est, quod sensu Christianis vsitato nominibus illis vsi sint. Iam apud nostros vocantur fratres (par est vero hic ratio

etiam, quantum ad sorores) qui per electionem creationem & morum consensionem & operum substantiam eadem faciunt, & cogitant, & loquuntur, opera sancta & honesta, quæ dominus voluit ipsos, cum sint electi, sentire: τὰ αὐτὰ ποιῶντες ἢ νοῶντες ἢ λαλῶντες ἐνεργήματα ἅγια ἢ καλὰ &c. ut loquitur Clemens lib. 7. Itromatum. Posterioribus temporibus ex eadem causa sorores a Monachis appellatæ virgines ac mulieres, quæ pietatis ac deuotionis intuitu eorum disciplinæ ac regulæ sese addicebant, licet domicilia seclusa a Monachorum ædibus haberent. Atque hinc pie creditur, quod non omnes libidinis causa eiusmodi mulieres aluerint. Certe septuagenarius ille Presbyter, ad quem, ut diximus, scripsit Basilius M. professus est, se esse ἐλεύθερον παντὸς σωματικῆς πάθους. Et quis aliud de capulari hoc sene suspicaretur? Purgat etiam a suspicione libidinis Epiphanius l. a. Senem in Palæstina, Episcopum scribens: *Iis, qui de eo istud affirmarent & de mulierculis ipsis cognouisse dicerent, fidem nullam adhibendam putauimus.*

§. VII. Rursus negari nequit, quod aliqui eiusmodi feminas libidinis causa suscepunt. Hinc iam olim Balsamon ad Canon. 2. Concil. Nicæni testatur, quosdam fuisse, qui dixerunt, mulierem eiusmodi eam esse, quæ lo-

co legitima mulieris sub introducatur & cum aliquo more meretricio cohabitatur γυναικα συνοικήσαν πορνικῶς. Rotunde S. Chrysoftom. l. c. fatetur se non posse aliam huius συνοικήσεως causam dare, quam πορνικὴν ἐπιθυμίαν ἢ ἡδονὴν ἐπορεύειδισον id est malam concupiscentiam & ignominiosam voluptatem. Gregor. Nyssen. c. 23. de Virginit. diserte scribit: qui nominatenus duntaxat cœlibatum profitentur, a communi vluendi consuetudine non longe absunt, utpote qui non ventris solum voluptatibus indulgeant, sed etiam cum feminis aperte cohabitent. Ecce μέλεις ὀνόματος τὴν ἀγαμίαν profitentur συνέισακτοι. Gregor. Nazianz. ait ambigere se, an nuptis vel innuptis eius generis feminas annumerare debeat, an vero tertium quendam eis locum reservare. Notari quoque merentur sequentia Chrysoftom. verba: Maioribus nostris dua tantum cognita fuerunt cause, propter quas viri mulieribus cohabitent, & una quidem vetus est ac iusta, rationique consentanea, nempe, matrimonium, quod DEo legislatore institutum, altera vero posterior & ex confesso iniusta & legi adversa, nempe stuprum, quod a malignis est introductum Demonibus. Atqui nostra hac etate tertius quidam novus & insolitus mos prodiit. Sunt enim nonnulli, qui puellas nuptiarum in expertes domum ducunt & usque in extremam senectutem inclusas tenent ac fouent &c. Clarissime

fime S. Hieronymus in epistol. ad Eustoch.  
 de *custodienda Virginit.* sub Agapetarum no-  
 mine nostras *συνεσάκτας* perstringit, ita scri-  
 bens: *Pudet dicere, prob nefas! triste, sed verum*  
*est, unde in Ecclesias agapetarum pestis introiit.*  
*Vnde sine nuptiis aliud nomen uxorum? Imo vn-*  
*de nouum concubinarum genus? ac iterum, :*  
*cum in eodem proposito se esse simulent, querunt*  
*alienorum spiritale solatium, ut domi habeant*  
*carnale commercium. Vere agapetas illas fuisse*  
*neceffe est, cum teste Chrysofomo, ani-*  
*mam potius perdere, ac omnia facere & pati pa-*  
*rati fuerint, quam a dilecta eiusmodi separari.*  
 Quam friuolus vero sit obtentus pietatis &  
 nescio cuius ascescos, eloquenter & pulchre,  
 ostendit S. Chrysofomus ita perorans :  
*Quando video, Te auelli nulla ratione posse, & in-*  
*finitam eorum, que offenduntur, multitudinem,*  
*despicere, nec conuerti multis licet te reprehenden-*  
*tibus, sed & gloriam tuam conculcare, totique Ec-*  
*clesie accusationem magnam & inuidiam con fla-*  
*re, atque infidelium ora laxare, omnesque mala o-*  
*pinione imbuere - quomodo aliis persuadere pote-*  
*ro, quod omnis affectionis sis expertus, & a concupi-*  
*scientia mala purus? Hæc edocere etiam satis*  
 possunt, quod male, quisquis sit [ est autem,  
 nisi fallor Arnifæus lib. de iure Connubior. ]  
 rationes subducatur, dum existimat, quod Vir-  
 gines *συνεσάκται* viros habuerint obseruato-  
 res

res pudicitiae: scilicet ! Pronum etiam ex al-  
 latis est diiudicare, quid de descriptione *συ-  
 εισάκτῃ* Budæana in Commentar. Græc.  
 linguæ p. 148. sentiendum, est vero illa,  
 sequens: *συείσακτος* dicitur comes vel socius  
*sociae cœlibatus*, siue *Virgo contubernalem ha-*  
*beat virum siue Monachus feminam*, vbi si hoc  
 existimet, quod Monachi ac Clerici tantum  
 fouerint eiusmodi mulierculas, fallitur, nam  
 ea labe latissime serpsit & tam Ecclesiastico-  
 rum, quam laicorum mores inquinavit. Præ-  
 clare vero notauit, quod & feminæ viros su-  
 sceperint, quod rarius, aliquando tamen, fa-  
 ctum esse autumo. Ad hanc classem puto  
 referri posse Virginem illam, quæ Athana-  
 sium per septem annos sub Constantio su-  
 stentauit, tametsi Athanasium minime in  
 suspicionem adducere cupiam. Illa *utut for-*  
*mæ venustate reliquas mulieres adeo superaret, ut*  
*spectantibus quidem esset instar miraculi & viris*  
*modestiam & castitatem profitentibus fugienda*  
*esse videretur, ne ex sinistra suspitione probrum a-*  
*liquod iis adspiceret: usque adeo tamen fida*  
*Athanasii & sedula eius ministra fuit, ut pedes*  
*lauaret ei, ὡς πόδας αὐτῆς νίπτειν, & res ad vi-*  
*ctum necessarias ac reliqua omnia, quacunque na-*  
*tura necessitas exigit, vbi opus, sola per se ministra-*  
*ret, teste Sozomeno (o) lib. 5. histor. Ec-*  
*cles. c. 6.*

Q 5

S. VIII.

(o) edit. Paris. p. 602.

§. VIII. Quid vero dicemus de Monachis & Monialibus in vno eodemque monasterio viventibus? Omnino ad *συνεισάκτας* referri possent modo indubitatis constaret testimoniis, vnum idemque monasterium sine murorum interstitio viris & feminis fuisse commune. Hoc equidem Clariss. Vir Colleg. noster Dn. D. Paulini in epistola quadam ad Abbatem aliquem scripta (p) adstruere annisus est, sed vix testimonia, quæ ad assertum hoc comprobandum ab ipso adducuntur, illud euincunt. Agedum aliquanto attentius eadem inspiciamus, & exempla a viro doctissimo allata excutiamus. *Geminum*, ait, *assertionis nostre exemplum dedit Trithemius vir candidissimus in Chronico Hirschaugiensi ad annum 1108 inquit: Ruthard Archi-Episcopus Moguntinus preposituram in Rinckavia Monachis ordin. Benedicti construxit -- in eiusdem Monasterii ambitu iuxta Ecclesiam videlicet Cœnobium pro sanctimonialibus prefatus Pontifex construxit, in quo virgines Christo in S. virginitate deuotissime seruientes collocavit, quæ vnâ cum Monachis sub vnius prepositi cura constitutæ semper manebant incluse. Et alibi ad annum 1121. Gedebal- dus fundat monasterium dictum Oesbach. ord. S. Bened. in quo plurimî fuere Monachi. Huic*

conu

(p) Monastichen Unterredungen An. 91. pag. 984. seqq.

*coniunxit monasterium monialium.* At nullum in his causæ suæ patrocinium inuenit Paulini. Nam facile quisque videt, Trithemium loqui de monasterio, quod διπλῶν græci vocant, quo de vide sis Balsamon. ad Canon. 7. Synodi 8. Nimirum cito satis inualuit mos, vt feminæ pietatis gratia non procul a Monasteriis virorum congregarentur & ab iisdem præpositis, qui præerant Monachis, regerentur, ita tamen, vt sub diuersis viuerent, tectis. Rem ita se habere discas ex his verbis, quæ occurrunt in actis Murenfis Monasterii: *De consuetudine congregandi feminas, quæ hic iam multis annis viguit, nobis est exemplum vita S. Patrum, quia & ipsi feminas congregauerunt ob amorem DEi, quarum mansio & vita ita debet esse separata a Monachis, vt nulla inter eos posset esse suspicio, sed a solo Abbate & præpositis, qui eis prælati fuerint, eorum vita & religio ordinetur.* Nostrum hoc assertum roborant etiam sequentia Rudolphi Monachi verba: *Duo Monasteria antiquitus a Regibus gentis illius constructa sunt muris altis & firmis circumdata &c. Vnum scilicet Clericorum, & alterum feminarum, quorum ab initio fundationis suæ vtrumque ea lege disciplinæ ordinatum est, vt neutrum illorum dispar sexus ingrederetur: Nunquam enim virorum congregationem femina, aut Virginum Contubernium Virorum quisquam*  
*intra-*

*intrare permittebatur* Eulogius lib. 3. Memorial. Sanct. c. 10. agens de Tabanensi coenobio: *expleto, inquit, iam propriis sumptibus Tabanensi coenobio, eo se viri cum mulieribus Christo militaturi conferunt.* Quis hæc legens non crederet, Paulinianam opinionem confirmari, at vero facile errorem omnem eximunt seq. quæ in eodem capite leguntur: *Claustra feminarum a cellulis Monachorum altis interiectis disparata maceriis, licet Vnius Patris gubernaculo regerentur, hæ tamen sequestratis se mansuiculis retrudentes nulli omnino contuendū se facultatem dederunt.* Quod vero Trithemius de duplici eiusmodi monasterio loquatur, verba eius satis probant. Nam in priori loco expresse dicit, quod *in Monasterii, ubi nimirum viri degebant, ambitu cœnobium pro sanctimonialibus construxerit* Ruthar. in posteriori vero admodum notanter scribit, quod *Monasterio Oesborch, in quo plurimi fuerunt Monachi, coniunxerit* Genebaldus *Monasterium Monialium.* Ecce utrobique duo Monasteria, in quibus seorsim viri & feminae vixerunt. Exemplum alterum, quod adducit D. Pauli, maius robur nostræ opinioni affert, quam sententiæ Paulini, cum evidentissime pateat, in secessu Huisburgensi duo fuisse monasteria. Insistamus vestigiis historiæ. Initio



tio Piæ inclusæ Presbyter datur Echardus, postea anno sexto Adelheidis dulcedine eiusdem solitudinis illecta carcerem Piæ sibi Paradisum fecit. Posthac ad cremum se contulit, Thiezelinus, qui Meinholdum breui huc traxit. Quinque ergo personæ in eremo degebant: Ne vero existimes, sub vno omnes quinque tecto vixisse, prohibent hæc historici verba: *Vixerunt hi tres vna in sylua religiose* Viri si eodem cum feminis loco conclusi fuissent, credo scripturus fuerat historicus: Vixerunt hi quinque vna. Et quid multa? cum alia religiosa in eremum secederet, illam non tribus his viris, sed feminis sese iunxisse his prodit verbis: *Ipsò Echardo adhuc superstite alia religiosa Quedlinburgo Huisburgum venit Pia & Adelheidi sese iungens*, quæ manifestum præbent documentum, alio viros, alio feminas loco vixisse; nam si in vno vixissent domicilio omnes, non tantum Piæ & Adelheidi, sed & Echardo Tiezelino & Meinholdo religiosa adueniens sese iunxisset. Tandem Monasterium ad Visurgim pulsas ex Kaminada sorores ordinis sui ad tempus sub turbis bellicis alens, prorsus huc non facit, cum longe aliud sit quenquam alere, quod fieri extra domum potest, aliud cum persona quadam sub eiusdem domus tecto hospitari. Si quis vero plura scire desideret de Monaste-

nafteriis duplicibus, quæ occasionem errandi præbuerunt Viro Celeberrimo, adeat Bedam lib. 4. histor. c. 15. Bolandum ad vitam S. Angelberdi, nec non Isidorum lib. 2. de Ecclesiastic. officiis cap. 15. Tuto ergo credere possumus semper exacte obseruatum fuisse Canon. 47. Concilii sexti in Trullo, qui ita sonat: *Neque mulier in virorum monasterio, neque vir in mulierum dormiat. Extra offendiculum enim & scandalum fideles esse oportet, & ad id quod est decorum ac honestum, Deoque gratum vitam suam componere, si quis autem hoc fecerit, siue sit Clericus, siue laicus, segregetur.* Et hoc decretum omnino rationi consonum est: Pulchre Balsamon in Commentar. ad hunc Canonem (q) *Carni innatus est ignis ἐκ τῶν παθῶν & vix nobis etiam procul a materia, quæ eum accendit, nosmet constituentibus debilior fiat. Quod si nos ei fomites addiderimus, erit acris & vehemens, & sicut fœnum facile nos incendet. Quod autem viris ad ignis cupiditatem potest esse acrius fomentum muliere? Vel mulieribus rursus Viris ad flammam excitandam? Et sic inter se quidem Monachi offensionis ansam præbunt; aliis vero scandalum afferent, cum viderint mulieres in virorum habitaculis pernoctantes vel viros in mulierum asciteriis. Sunt enim quamplurimi suspiciosi offensionumque & calumnie occasionem*

(q) in Pandectis Canon: Beuereg. Tom. I. p. m. 223.

*tionem querunt. Quorum pleraque Zonaras more suo repetit. Hæc si semper observata fuissent, ignotum mundo nomen συνησάκτες &c. mansisset, & ignota scelera, quæ iam impune grassantur.*

## OBSERVATIO XXVII.

### NATURA LEGIS TAM DIVINAE, QUAM HUMANAE.

#### SUMMARIA.

**O**ccasio huius observationis §. I. Errorum communium in doctrina de natura & diuisione legum commissorum fontes tres: incauta applicatio doctrinae de legibus ad leges diuinas: nimis precipitata applicatio præceptorum dominicorum ad præcepta diuina: neglectus obligationis internæ. §. II. Nomine legum humanarum varia insigniuntur: consilia, monita, præcepta, pacta &c. & omnia quæ regulam quandam præscribunt actionibus humanis. §. III. Horum inter se differentia ratione causæ, obiecti & effectus §. IV. Differentia inter persuasionem & obligationem. §. V. Natura inclinationis voluntatis humane. §. VI. Voluntas humana natura appetit verum malum. Differentia naturalis inclinationis ad bonum & obligationis §. VII. Malum, quod voluntas hominis alio inclinans metuit, est vel naturale, vel arbitrarium §. IIX. Vis & obligatio quomodo differant §. IX. Obligatio

tio interna & externa §. X. Obligatio interna non  
 tantum metuit malum verum, sed & apparens  
 §. XI.) id est obligationis tam internæ, quam ex-  
 ternæ §. XII. item ratione scopi & finis §. XIII. &  
 XIV. Definitiones dogmatum, consiliorum & mo-  
 nitorum, §. XV. præceptorum varii generis §.  
 XVI. Pætorum §. XVII. Metus in obligatione ex-  
 ternæ triplex §. XVIII. scilicet, metus nullitatis, da-  
 mni in re familiari, pœnæ. §. XIX. Triplex adeo ob-  
 ligationis externæ gradus. §. XX. Differentia intui-  
 tu eorum legis stricte dictæ a consilio, monito, pæto.  
 Pætorum inter se varia differentia. Natura pæti,  
 quo imperium transfertur. §. XXI. Legis virtutes:  
 præcipere, vetare, punire, cogere, annullare. §. XXII.  
 An omnis lex proprie dictæ debeat esse pœnalis. §.  
 XXIII. Falsum: omnem legem esse disiuncti-  
 vam. Lex disiunctiva est lex improprie dictæ.  
 §. XXIV. Permittere non est legis virtus. Origo  
 sententiæ oppositæ. §. XXV. Conceptus Legis ge-  
 neralis, dum ad Dei voluntatem applicatur non ha-  
 bet dubium. §. XXVI. etiamsi applicetur ad legem  
 diuinam tam naturalem, quam positivam. §. XXVII.  
 Sed de eo queritur, an dum legem diuinam dici-  
 mus, intelligamus monitum & consilium, an pæctum,  
 an præceptum dominicum &c. §. XXVIII. Deus  
 quatenus Consiliarius, & Doctor, item Pater & Rex  
 sit intuitu hominum. §. XXIX. Pæti vox de vo-  
 luntate Dei valde improprie prædicatur. §. XXX.  
 Inconuenientia illustrationis doctrine de æconomia  
 diuina ex natura pætorum, §. XXXI. tam intui-

tu Adami, §. XXXII. item Noachi & Abraha-  
 mi, §. XXXIII. quam intuitu Moſis & Chriſti.  
 §. XXXIV. Deus ſe Adamo & Patriarchis mani-  
 feſtauit ut patrem, Iſraëlitis per Moſen ut Domi-  
 num & Regem, omnibus Gentibus per Chriſtum  
 ut Sponſum, vel doctorem, vel patrem iterum.  
 §. XXXV. Maxime probandum, quod leges Ada-  
 mo data ſint magis monita paterna, quam leges  
 dominicæ. §. XXXVI. Probatur id intuitu legum  
 naturalium. Omnis pœna proprie dicta eſt ex le-  
 ge poſitiua humana. §. XXXVII. Etiam lex de  
 non comedendo ab arbore vetita non fuit lex de-  
 ſpotica, ſed monitum paternum §. XXXIX. adeo-  
 que caput legis naturalis in illo ſtatu §. XXXIX.  
 Pœnas diuinas eſſe pœnas late & minus proprie di-  
 ctas. §. XL. Differentia inter Doctorem vel Patrem  
 & Legislatorem. Inconuenientia doctrine, monita  
 Adamo data exponentis ad inſtar legum deſpoti-  
 carum. §. XLI. Iſta inconuenientia non metuenda,  
 dum leges Moſaicas dicimus habere inſtar legum  
 dominicarum, §. XLII. Ex dictis oſtenditur: Le-  
 gem diuinam naturalem & poſitiuam non eſſe ſpe-  
 cies vniuocas: Legem Moſaicam naturali oppoſi-  
 tam denotare ſaltem leges pure poſitiuas; deni-  
 que nullam dari legem diuinam poſitiuam vni-  
 verſalem. §. XLIII. Vltimum hoc probatur quoad  
 legem de ſacrificiis & ſabbatho, §. XLIV. Quoad  
 leges pœnales homicidii & ſimiles, §. XLV. por-  
 ro quoad leges quæ dicuntur matrimonia-

les, §. XLVI. utpote quæ fundantur non in bono absolute dicto, sed in bono maiore. §. XLVII. In specie respondetur ad exempla de concubitu vago, sodomia, polygamia, & diuortiis; §. XLVIII. de Incestu & concubitu cum menstruata. §. XLIX. Ostenditur similem esse rationem præcepti Noachidici de non comedendo sanguine §. L. Ad obiectionem ex Leuit. XVIII. respondetur 1. non iuste inferri: est abominatio coram domino, ergo coercetur lege vniuersali pœnali. §. LI. 2. Extirpationem gentium omnibus istis abominationibus inquinatarum, non probat, quod qui singulas perpetrant, morte sint puniendi. §. LII. 3. per extirpationem a populo suo non semper intelligi pœnam capitalem. §. LIII. Sensus admonitionis diuinæ d. Leuit. XIX. §. LIV. Imperium mariti non esse legem vniuersalem maritos obligantem §. LV. Sed referri saltem ibi a Deo fructus lapsus. Cautela de imbecillitate sexus fœminei. §. LVI. Ius naturæ sumi vel late, ut præcepta honesti & decori sub se comprehendat, vel strikte, ut sola denotet præcepta iusti. §. LVII. Fontes præceptorum honesti & decori §. LVIII. Leges, quas antea diximus esse positivas vniuersales, sunt, conclusiones ex regulis honesti & decori. §. LIX. Honesti & decori differentia, item virtutis & iustitiæ, vitii & criminis. §. LX. Definitio Legis propriissime dicta. §. LXI. Omnem legem proprie dictam esse ciuilem & positiuam. §. LXII. Ius Gentium esse legem improprie dictam,

*Etiam, §. LXIII. item iussa patrum familias §. LXIV. Omnem legem proprie dictam debere publicari. A modo publicandi legem esse vel scriptam vel non scriptam. §. LXV. Notatur error communis Ictorum de lege scripta non scripta. §. LXVI. Legem non scriptam & consuetudinem differre. §. LXVII. Errores communes de iure consuetudinario. §. LXVIII. Respondetur exemplis de panis diuinis arbitrariis ante Moysen §. LXIX.*

## §. I.

**E**Xposui quidem in Institutionibus Iurisprudentiæ diuinæ prolixius meam sententiam de natura & diuisione Legum aduersus communes doctrinas Scholasticorum & eorum, qui Puffendorffio controuersias ea de re mouerunt. Legi ea potest lib. 1. *dictarum Institutionum cap. I. n. 28. 33. 134. 135. C. 2. n. 3. 4. 6. 7. 10. 11. 63. 64. 94. 97. 117. 119. - 128.* Sed quia tamen posterioribus cogitationibus deprehendi, me multa tum, admisisse pro veris propositionibus, quæ ad errores communes referenda sunt, operanda est, ut & illa iam emendentur.

§. II. Fons omnis erroris exinde oriri videtur, i. quod Legis definitio generalis quaesita fuerit æque aptanda Legi diuinæ, quam humanæ, tanquam speciebus vniuocis, cum tamen lex diuina sit æquiuoca, certe analoga

h. e. lex si non improprie, certe non proprie dicta. De Deo enim tanquam ente incomprehensibili & infinito nullum prædicatum creaturæ proprie dicitur. Lex autem est prædicatum respiciens actionem humanam, vel certe eius relationem ad alios homines. Paucis: lex proprie dicta fertur & hominibus & ab hominibus. 2. Quod, cum Legis vox sæpissime etiam de dogmatibus & consiliis, item monitis paternis, &c. sumatur, tam in sacris literis, quam apud alios scriptores in doctrina de Legibus diuinis vniuersalibus, legis vox stricte, nimis fuerit obseruata in conceptu dominico, quatenus monitis paternis opponitur, cum tamen Deus etiam se reuelauerit vt patrem & amicum humani generis. 3. Quod ex communi dictorio, quod consilium non obliget, (vbi obligationis vox stricte sumitur, vel, si mauis, iuridice pro obligatione externa) obligatio interna, nobilissima obligationis species, plane fuerit relicta, & ita obligatio generaliter accepta pariter erronee definita. Igitur sic tenendum.

§. III. Quia legis vox etiam de Deo ἀνθρώπων πατὴρς prædicatur, vt intelligatur eo melius, quid tum denotet, ante omnia videndum est, quid sit lex proprie dicta, i. e. humana. Lex humana varia denotat: *Consilia, monita, dogmata, mandata, præcepta, pacta*; Amicorum



rum, patrum, dominorum; parium, superiorum, inferiorum: (Inde in scripturis *δόγματα* sæpe pro legibus sumuntur.) Cum igitur hæc vox sit homonyma, ostendendæ erunt, variorum horum significatum conuenientiæ & differentiæ. Conueniunt hæc omnia in conceptu generico, quod per ea præscribantur regulæ viuendi hominibus in actionibus futuris, adeoque hoc respectu pertineant omnia ad prudentiam consultatoriam, seu ad consilia late dicta. Quatenus ea opponuntur prudentiæ iudiciali & iudiciis de actionibus humanis præteritis.

§. IV. Differunt variis modis. *Consilium* dari potest ab omnis generis hominibus, amicis, patribus, dominis, paribus, superioribus inferioribus: *dogma* est præceptorum, *pactum* parium, *monitum* patrum & præceptorum, *præceptum* patrum, præceptorum & dominorum: *mandatum* vel superiorum vel parium. Porro: *Consilia*, *monita*, *mandata*, *præcepta*, *pacta* magis seu immediate respiciunt, voluntatem eiusque actiones, *dogmata* immediate intellectum. *Dogmata* non obligant quia omnis obligatio est affectio voluntatis, sed persuadent vel non persuadent: *Consilia* si prudentia sint persuadent, & si persuaferint obligant: *Monita* obligant, sed magis intendunt persuadere: *Mandata* & *præcepta*,

obligant, item *pacta* etiam si non persuaserint.

§. V. *Persuasio* igitur est affectio intellectus, qua intellectus credit, aliquid esse verum in genere, hoc est, siue de boni conceptu agatur, siue de conceptu alterius rei: siue intellectus putet, se eius rei scientiam firmam habere, siue saltem fidem seu verosimilitudinem. *Obligatio* est affectio voluntatis, vi cuius voluntas hominis alio inclinans retrahitur ob metum mali.

§. VI. Scilicet voluntas hominis inclinatur regulariter natura sua ad res quasdam, non quas ipsi intellectus bonas esse persuasit, sed quas ob inclinationem sibi bonas persuadet. Inclinatur autem vel directo ex concupiscentia & amore, & tum intellectus concipit rem tanquam bonum per se, vel comparative ex fuga, & odio mali, & tum intellectus sibi rem concipit tanquam bonum per accidens. Vnde regula: minus malum induit, naturam boni & vice versa. Natura autem, voluntatis humanæ non est eadem, sed infinitis modis diuersa, non solum intuitu individuorum humanorum inter se comparatorum, sed & intuitu singulorum hominum, quia singuli possident triplicem voluntatem pravam & vnam bonam, sed natura imbecillimam.

nam. Hinc infinita & contradictoria appetunt homines.

§. VII. Voluntas hominum omnium natura inclinatur ad verum malum. Malum, autem infinitum est. Verum bonum unicum. Ergo uti inclinatio directa ad verum bonum in statu naturæ corruptæ qua talis non datur, sed omnis est comparatiua: Ita & illa inclinatio si daretur, non esset *obligatio*, sed summa *libertas* & spontaneitas, cum obligatio quasi coactionem & metum semper præsupponat.

§. VIII. Non tamen omnis retrotractio voluntatis ob metum maioris mali obligatio est, e. g. in viatore intuitu latronis. Hinc tradendum est, quomodo *vis* & *obligatio* differant. Vbi hæc præsupponenda. Maius illud malum, ob quod voluntas hominis alio inclinans reprimatur, vel necessariam i. e. naturalem connexionem habet cum actione, ad quam homo inclinatur, vel dependet a libero aliorum hominum arbitrio. Ita quoad priorem casum, nimis & sæpius frequentat e; aut etiam alias imprudenter susceptæ actiones voluptuariæ, ambitiosæ, ex avaritia profluentes natura secum trahunt varios morbos, contemptum aut odium & inimicitiam aliorum hominum; item damnum rei familiaris, item maiorem quotidie depravationem in vo-

luntatis, & inquietem animi. Mala, quæ a libero aliorum hominum arbitrio dependent, vel talia sunt, vt ad ea inferenda homo ille ius & potestatem habeat, vel talia, vt proveniant ab eo, qui talem potestatem non habet.

§. IX. Igitur *vis* est, quando mala, quæ metuuntur, proueniunt ab eo, qui non habet potestatem inferendi e. g. a latrone. Contra *obligatio* est in reliquis metus speciebus. Inde oritur diuisio obligationis in internam, & externam.

§. X. *Obligatio interna* est cum homo, cuius voluntas alio inclinatur, metuit grauius malum ex naturali connexionem oriundum. *Obligatio externa* est, cum homo, cuius voluntas alio inclinatur, metuit grauius malum a libero arbitrio eius dependens, qui potestatem habet talia inferendi. Facile hinc patet, quod obligatio in lib. 1. Instit. Iurispr. diuin. c. 1. n. 134. 135. definita sit obligatio non in genere, sed obligatio saltem externa, & quod obligatio interna sit vinculum voluntatis æque forte, si non fortius, quam obligatio externa. Imo prudentiores sunt, qui obligatione interna duce actiones instituunt, quam qui externa, secundum dictum: Oderunt peccare mali &c.

§. XI. Id tamen notandum, homines obligatione interna & actionibus suscipiendis  
re-

reprimi non solum, si malum naturalem connexionem cum sua actione habens (quod metuunt) sit verum malum, i. e. inquietus animi, sed & si sit saltem malum apparens. Ita v. gr. si ambitiosus irriteretur ad libidinem valdè, reprimatur eius actio sæpe non ex fuga inquietis, sed ex metu contemptus saltem humani, aut, si avarus irriteretur, ex fuga damni &c. Unde dependet discussio difficilis alias doctrinæ de conscientia erronea, quam tamen prolixius excutere huius loci non est. Iam enim in viam. (*Confer. §. 4.*)

§. XII. Itaque *Dogmata* cum directo non obligent, frustra quæritur, an intendant obligationem externam, an internam. Sita- men sunt dogmata de moribus, simul habent naturam consiliorum. *Consilia* & *monita*, intuitu eius, qui consilium dat & monitum, intendunt obligationem magis internam, quam externam. At *mandata* & *præcepta* (Regum & Dominorum) item *pacta* magis obligationem externam, quam internam.

§. XIII. Porro quia omnes regulæ actionum humanarum respiciunt, aut respicere debent utilitatem hominum; *Consilia*, item *monita* & *dogmata moralia* respicere debent ex natura sua utilitatem eius, cui dantur; *Mandata* & *præcepta* dominorum natura sua respiciunt primario utilitatem dantis. *Pacta* si sint ab

initio διπλευρά, respiciunt vtilitatem vtriusque, reliqua, vt ex iure notum, vel primario vtilitatem dantis vt mandatum, vel accipientis, vt donatio, commodatum, mutuum &c.

§. XIV. *Leges Politice* in Republica *Democratica* obligant per modum sponfionis mutuae, ergo debent respicere vtilitatem communem. In Republica *Aristocratica* & *Monarchia* non *absoluta*, quia ibi Magistratus & Princeps debent esse Patres patriæ, etiam debent leges intendere vtilitatem communem. At in *Dominatu* & *imperio despotico* æque ac mandata & præcepta domestica Dominorum primario respiciunt vtilitatem Legislatoris.

§. XV. Ex dictis iam extrui facile possunt definitiones. *Lex pro dogmate morali* accepta est regula actuum moralium (*vide* §. 3.) a præceptoribus (*vide* §. 4.) proposita auditoribus, vt intellecta vtilitate eius, intrinseca obligatione cogantur, actiones suas secundum illam regulam instituere (*vid.* §. 4. 12. 13.) *Consilii* fere eadem definitio est, (*vid.* §. 12.) nisi quod dogma sit præceptorum, consilium autem quorumvis (*vid.* §. 4.) & quod Consilium magis detur de actionibus singulis, dogma de vniuersis. *Monitum* eodem modo definiendum, vt consilium, nisi quod illud sit magis patrum, & quod monitum tendat etiam ad ob-

obligationem externam, si liberi monitis sponte obtemperare nolint. ( *vid. §. 4. & 12.* )

§. XVI. *Præceptum* stricte dictum est regula actuum moralium, quo *dominus* vel *Rex absolutus* obligat seruos & ciues, vt actiones suas secundum eam sub metu pœnæ instituant ad vtilitatem præcipientis, ( *vide numeros sæpe citatos, & adde n. 14.* ) *Præcepta patrum & præceptorum* eodem modo definienda, nisi quod hæc respiciant vtilitatem filiorum & auditorum, ( *vid. §. 13.* ) Lex stricte dicta seu præceptum *reipublicæ* est regula actuum moralium obligans subditos, vt metu nullitatis vel coactionis iudicialis vel pœnæ actiones suas secundum eam instituant ad vtilitatem communem, vel Regis in Monarchia absoluta.

§. XVII, *Pactum* est regula actionis moralis, qua contrahentes vt pares considerati obligantur sub metu coactionis iudicialis vel belli, vt promissa impleant, vel ad vtilitatem communem, vel vnius ex contrahentibus secundum variam pactorum naturam, ( *vid. §. 13.* ) *Mandatum* vel pro lege sumitur, vel pro pacto. Ex ergo eadem est mandati definitio, quæ legis vel pacti.

§. XVIII. Nihil addendum est, quam vt obligationem externam adhuc distinctius consideremus. Malum illud extrinsecus adueniens

ens, a libero tamen hominum arbitrio dependens, quod in obligatione externa metuitur, est vel metus *frustraneitatis*, vt ita dicam, vel *damni in re familiari*, vel *pœna*.

§. XIX. Omnis actio est propter finem, & homo adeo intendit, vt nihil agat frustra, unde Respublica dum negotiis quibusdam per leges formam præscribit, metum simul adiicit *nullitatis*, si subditi non instituunt actiones secundum illam normam, ut in pactis, testamentis &c. Porro qui alteri damnum dat delictis, vel violatione fidei, æquum est, vt damnum illud datum resarciat, etiamsi ille inde nullum acquisiuerit lucrum, ac sic rursus *damnum patiatur* in re suâ familiari. Leges ergo humanæ metum talem incutiunt subditis, & damnum datum æstimant (quod tamen non pœna, sed interesse est) & restitutionem eius iudiciis exequuntur. Quia tamen sponte debebant a delictis abstinere & pacta servare, & adeo delictis & violatione fidei incommodant rempublicam, insuper *pœna* per leges dictatur delinquentibus, & qui dolo nimis aperto fidem violant.

§. XX. Inde patent diuersi *obligationis externæ gradus* & effectus legum politicarum diuersi. Metus *nullitatis infimus* est, metus *damni grauior*, metus *pœnæ adhuc grauior*. Et quia pœnarum vna altera grauior est, inde  
&



& metus pœnarum suos *diuerfos gradus* habet.

§. XXI. *Lex igitur humana stricte dicta & consilio & monito item dogmati morali & pacto opposita*, in eo a consilio, monito, & dogmate morali differt quod hæc operentur saltem obligationem internam; lex producat obligationem externam. A pacto differt, quod pactum sit inter pares, qui vel superiorem habent, vnde pactum producit actionem, vel non habent, vnde oritur ius belli. Nisi pactum transferat imperium in alterutrum paciscentium, tum enim ex natura huius pacti intuitu inferioris nulla producitur coactionis species, quæ actioni vel bello sit similis, quia hæc cum imperio non potest subsistere: (an pactum tale producat metum nullitatis, id est, vt imperans, si ipse pacta non seruet, amittat imperium, societas solvatur, quæstio est altioris indaginis. Res ex natura societatis dominicæ diiudicanda. Et in applicatione ad societatem civilem media via inter sectas Machiavellistarum, & Monarchomachorum est quærenda.) Ast intuitu superioris qua talis, coactio oritur, quæ tamen nec actio iudicialis est, nec bellum, sed pœna.

§. XXII. Lex autem (qua pacto opponitur) semper est actus superioris ius puniendi, iudicialiter cogendi, & annullandi habentis

tis

tis. *Legis ergo humanæ virtutes immediatæ sunt præcipere & vetare. Mediatæ & consequentes, per Magistratus punire iudicialiter, cogere, aut annullare actiones contra leges.*

§. XXIII. Ex his patet, Legem pœnalem esse quidem speciem legum eminentem, legem exequentem (coactione iudiciali) aut annullantem esse species inferiores, sed tamē species, quia cum coactione coniunctæ. Inde caute exponendum quorundam Politicorum dogma, quod *omnis Lex proprie dicta debet esse pœnalis.*

§. XXIV. Falsum etiam illud, ni fallor, Hobbesii, *omnem legem natura sua esse disiunctivam* & sensum habere aut hoc fac, aut pœnam patere. Nam Lex pœnalis disiunctiva non est, quia, qui pœnam patitur, per passionem pœnæ non acquirit ius & licentiam in posterum contra leges peccandi, sed tum pœna augetur. At in lege disiunctiva, v. g. nemo curru vehatur, nisi qui (vel semel vel singulis annis) tot aureos pendat; licentia acquiritur alterutrum faciendi, nec finis est, ut metus incutiatur. Vnde leges hæc disiunctivæ sunt leges improprie dictæ, & saltem ita dicuntur, quia a superiore proponuntur, per promulgationem.

§. XXV. Denique legis virtus non est *permittere.* Et recte Grotius: *permissio non est*

est legis actio, sed actionis negatio. Permissio etiam non est regula actionis moralis, qui tamen est conceptus generalis legis quocunque modo sic dictæ. (*vide supra §. 3.*) Orta autem est diuisio Legis in præcipientem & permittentem ex confusione iuris & legis. Ius est vel permissuum (v. g. dominium, patria potestas) i. e. attributum personæ, vel præceptuum i. e. Lex. Confusio illa maximam partem debetur interpretibus Iuris Romani & fundatur in *l. Legis virtus ff. de LL.*

§. XXVI. Iam ad *Leges diuinas*. Voluntas Dei quam manifestauit hominibus, debet vtique esse norma actionum humanarum. Sed hoc saltem infert conceptum *Legis generalis*, quatenus a dogmate morali, consilio, monito, pacto, & lege strictè sic dicta præscindit *per d. §. 3.*

§. XXVII. Hæc voluntas Dei vel est rationi hominum inscripta, vel a Deo publicata per scripturam. Inde diuisio Legis *diuina* in *legem naturalem & positiuam*. At per hanc observationem iterum nihil specialius infertur, sed manet adhuc conceptus *generalis*.

§. XXVIII. In his ergo conuenimus cum communi doctrina. Iam vero quæritur; an *Lex diuina*, quæ vel naturalis vel positiuæ est, aut an lex naturalis in specie vel lex positiuæ in specie dicatur ἀνθρώπων παθῶς de consilio, an de

de pacto, an de monito, vel de dogmate morali, an de lege (*dominica* vel politica) strictè dicta?

§. XXIX. *Deus* intuitu hominum proprie nec consiliarius, nec pater, nec doctor nec Rex est, omnia horum vero de Deo prædicantur per similitudinem. *Consiliarius & Doctor* est, quatenus homini semina doctrinæ moralis & prudentiæ consultatotiæ indidit. *Pater*, quatenus creaturis suis maxime autem homini & esse dedit & bene esse, & quatenus est autor omnis boni. *Rex* est, quatenus leges pœnales publicavit & per Moysen populum Israeliticum rexit.

§. XXX. *Pacti* vox de voluntate Dei non nisi valde improprie prædicatur, 1. quia pacta fiunt inter pares quæ tales, at Deus quando pactum init cum hominibus semper retinet conceptum superioris; h. e. vult hominem sibi obligare, non vero se homini. 2. Homo vero iam ante pactum erat obligatus Deo obligatione intrinseca, quæ non augetur per pactum. 3. Quæ Deus promittit, ea ob sanctitatem suam non potest non servare. Unde homo in Deum fidens non opus habet promisso, quia beatitudo necessario est connexa cum vita virtuosa. Homo autem Deo diffidens nullum ius acquirit in Deum per hanc promissionem. Quia tamen Deus sæpe in scripturis mentionem facit foederis cum Noachæ

acho, cum Abrahamo, cum populo Israëlítico per Mosen, & foedus species pacti est, inde potest etiam pacti vox de voluntate Dei suo modo prædicari.

§. XXXI. Illa tamen Obseruatio est probe notanda, ne, quod nonnulli ex nouioribus Theologis, & Puffendorffius etiam *in opere posthumo*, item Huberus *peculiaribus dissertationibus de fœderibus & testamentis fecerunt*, quæramus illustrationem doctrinæ de œconomia diuina ex natura pactorum, vtpote quæ magis ob tot differentias obscuratur, quam illustratur.

§. XXXII. Nam in scripturis, quantum memini, nunquam dicitur, inter *Deum & Adamum* pactum & foedus intercessisse: & magis explicatur voluntas Dei Adamo manifestata ex natura consilii & moniti, quam ex natura pacti.

§. XXXIII. Foedus cum *Noacho & Abrahamo* initum similitudinem saltem quandam cum pacto habet, sed valde remotam, tantum abest, vt ex natura pacti negotium istud doctrinaliter possit exponi. Idem est, ac si monita patris, quibus promissiones beneuolentiæ iunctæ sunt, foedus dicere & pactum velim. Magis enim retinent naturam monitorum & consiliorum, & ex horum doctrina, felicius explicantur, quam ex natura pactorum

rum, præprimis cum iam Grotius promissiones patrum, patronorum &c. a pactis & recte separauerit, quia non inducunt obligationem ex parte promittentis.

§. XXXIV. *Fœdus Mosaicum* habet naturam illius pacti irregularis, quod descripsimus §. 21. Vnde nec hoc ex natura pacti regularis exponi potest. *Christus* magis ut Doctorem se manifestauit, quam ut paciscentem. Quod vero eius doctrina appelletur nouum fœdus, magis ab interpretibus prouenit & collectoribus librorum N. T. quam ut in textu sic vocetur. Quamuis hæc locutio possit retineri eo sensu, quatenus *Christus* in genere cum *Mose* comparatur, aut quatenus *Christus* dicitur, cum patre suo pactus esse de salute humani generis. Et melior est locutio, quam si per testamentum explicetur. Conf. omnino *Huber. dictis dissert. & in obseruat. iuris publici ad Tom. I. Inst. Histor. Ciuil. p. 512.*

§. XXXV. Missa igitur comparatione voluntatis diuinæ cum pacto ob dictas rationes, restat, ut videamus, utrum voluntas diuina magis recipiat comparationem cum *lege dominica* vel regia, utrum cum *monito paterno* aut doctrina morali, quæ species consiliorum potius sunt, quatenus consilium legi opponitur per dicta §. 21. Quod si accurate & absque præiudicio doctrinam scripturæ, quæ ubique  
hic

hic fundamenti loco ponenda est, consideres, patebit, Deum se in creatione manifestasse, non tam vt Regem, quam vt patrem benignissimum, & hanc manifestationem continuasse in Patriarchis vsque ad tempora Mosis, per quem vsque ad aduentum Christi se manifestauit in specie populo Israelitico vt Regem, & Dominum: Christus autem se manifestauit iterum vniuerso generi humano vt patrē benignissimum; ad quem Christus Θεάνθρωπος diuina sua doctrina ducebat. Posses etiam sic dicere: Deum in œconomia sua se manifestasse secundum omnes tres status societatis domesticæ. Adamo & Patriarchis vt Patrem, Israëlitis per Mosen vt Dominum, Gentibus omnibus in Christo & per Christum vt sponsum.

§. XXXVI. Vti vero hæc de Christo prolixius deducere ad præsens institutum non pertinet, & præterea hanc sententiam omnes paginæ historiæ Euangelicæ testantur; de manifestatione autem per Mosen non est dubium; ita saltem probanda est prima assertio: *Deus se manifestauit Adamo vt Patrem benignum, non vt dominum & Regem, seu leges Adamo datæ sunt potius monita paterna, quam leges regiæ h. e. produxerunt obligationem internam non externam.*

§. XXXVII. Probamus hanc sententiam,

S 2

quia

quia leges Adamo datæ etiam ex communi sententia vel sunt naturales, vel positivæ. *Naturales* quod attinet, uti non fuerunt publicatæ Adamo, sed cordibus inscriptæ, ita perpetuo quæ tales nullam aliam nisi *obligationem internam* producant, gravissimam tamen, quia metuunt malum necessarium, quod evitare astutia non possis, sc. inquietem animi & amissionem pacis internæ pariter ac externæ. Quamvis enim antea Doctores putauerint, poenas externas humanas, quæ v. g. homicidio, adulterio &c. irrogantur, etiam a natura deberi, contrarium tamen huius rei iam docuimus in *Instit. Iurispr. divinæ*, & Origo erroris communis profluxit ex neglecta disciplina iuris naturalis & inepte exposita comminatione Caini *Genes. IV.* quam alii de præcepto naturali, alii de præcepto positivo universali habuerunt. Vtrique parum apte, quia & ibi monitum magis est & dogma morale, quam præceptum.

§. XXXVIII. Igitur sola hic restat lex Protoplastis data *de non comedendo fructu arboris scientiæ boni & mali.* Quam communi errore hætenus fere vnanimiter habuimus pro lege regia & positiva, quia negleximus secundum regulas bonæ interpretationis exponere historiam creationis & lapsus, & ex principis Papisticis Deum consideravimus ut Tyrann-



rannum vel despotam esum certi cibi sub poena capitali prohibentem, qui cibus alias homini nullum damnum inferret, sed ubi loco rationis nihil aliud afferri possit, quam sic volo sic iubeo, stat pro ratione voluntas. At si, quod monstrabimus mox, luculentius alibi ostendatur, fructum arboris vetitæ fuisse destinatum ad cibum serpenti, adeoque in eo fructu fuisse quasi concentratum spiritum, virtute pollentem, ut produceret sapientiam terrestrem ac cupiditates terrestres, patet, & huius intuitu legem Adamo datam esse monitum paternum, ac mortem subsequituram non esse malum arbitrarium, sed necessarium.

§. XXXIX. Ergo & illa lex de non comedendo ab arbore vetita est mere naturalis, cuius rationem æque intelligebat Adamus ac rationem de non occidendo &c. Nec obstat, quod hæc lex fuerit publicata Adamo. Nam primo etiam summa capita legis naturalis sunt publicata in decalogo Israëlitis. Secundo publicationis Adamo factæ ideo fit mentio, quia Deus prævidebat, spiritum Adami terrestrem irritatum maxime iri per hunc fructum. Ita v. g. Pater filium morigerum & prudentem, natura tamen ad sexum sequiorem inclinantem, non desinet hortari & ei monita salubria dare, & si sciat, filium iam in intellectu possidere principia moralia de turpi-

tudine scortationis, & hæcenus etiam fugisse meretrices.

§. XL. Uti ergo Lex naturalis non est Lex Politica, sed consilium & monitum paternum, ita etiam necessario sequitur, *pœnas diuinas*, quas homo ex violatione horum præceptorum metuit, esse minus proprie dictas. Nam Pœna proprie dicta est metus mali externi arbitrarii, nullam necessariam connexionem habentis cum actione turpi. Ita improprie dicta pœna est, si quis ex scortatione morbum Gallicum sibi contrahit, si quis in facto audaci & periculoso damnum in corpore &c. ex illo facto patitur.

§. XLI. Differentia simul patet inter *Doctorem* & *Legislatores* absolutum. Doctor emendat amice, coactione amica, i. e. interna. Legislator emendat iracunde coactione externa. Metus Doctoris & *Patris* est metus filialis; Metus Domini & despotæ servilis. Pater & Doctor primario quærit utilitatem filii & discipuli: Dominus & despotæ primario suam. Iam considera, annon necessario illi, qui Leges diuinas vt Dominicas exhibent, simul Deum sistant vt dominum, qui suam primario utilitatem quærit, & inculcent metum non filialem, sed seruilem.

§. XLII. Ergo id tamen verum est, Deum *in Lege Mosaica* publicasse Leges, quæ  
vera

*verarum legum Politicarum & dominicarum instar* habentur: quia adiunctæ sunt plerisque poenæ & reliqui effectus Legum Politicarum (*vid. supra §. 22.*) Dico *instar* Legum despoticarum, non quod Deus voluerit per Leges Mosaicæ introducere metum servilem, & in illis Legibus suam primario utilitatem, quærere, sed quod homines pertinaces & non nisi metu servili reprimendos aliter in viam reducere non potuerit. Quemadmodum pater, si filius nequam monita paterna contemnat, & ad nequitiam omnem inclinet, vitio filii ut servum eum durius tractat, donec in ordinem redigat.

§. XLIII. Ex dictis autem constat i. Quod divisio legis divinæ in naturalem & positivam non sit divisio in species univocas, sed distinctio æquivoci. Lex naturalis enim est monitum paternum, lex positiva est lex despotica. 2. Quod, cum Lex naturalis & Mosaica opponantur sibi, per legem Mosaicam intelligantur saltem præcepta forensia & ceremonialia, non amor Dei & proximi subinde in lege Mosaica, maxime vero in Decalogo repetita, utpote quæ per aduentum Christi non debuerunt expirare, sed potius a Christo renouata sunt. 3. Quod omnis lex divina positiva sit particularis, &

S. 4

quod

quod adeo non detur lex talis diuina vniuersalis.

§. XLIV. Quod vltimum vt distinctius concipiatur, notandum, me in Institutionibus Iurisprudentiæ diuinæ potissimum tria capita retulisse, ad legem positiuam vniuersalem: *Præcepta de sacrificiis & cultura Sabbathi*; de pœnis capitalibus homicidii, adulterii & similium criminum, ac leges matrimoniales. *Præcepta de sacrificiis & cultura Sabbathi* pure Mosaica esse, irrefutabiliter ostendit honos Angliæ Spencerus, in tractatu egregio de Legibus Hebræorum ritualibus, adeoque nobis hic otium fecit.

§. XLV. *Pœnas capitales* homicidii, incestus, & similia, de quibus dicit Deus, quod ea patrans debeat extirpari a populo suo, retuli id *Institutionibus Iurispr. diuinæ lib. 3. cap. 7. §. 129. seq.* ad legem positiuam vniuersalem, quas mutare non sit in principis arbitrio. At omnia, quæ ibi pro fundenda illa asserione, attuli, cadunt, si quis vel totam rationem *ibidem in nota ad §. vltimum* illatam consideret; quod phrasis extirpari de populo suo non semper denotet pœnam capitalem. *Confer. dicenda mox §. LI. seqq.*

§. XLVI. Quod autem leges *Matrimoniales* attinet, de iis sic tenendum. Non publicatæ illæ sunt Adamo aut Noacho, multo minus

minus certa poena humana iis addita. Interim cum Deus ipse matrimonium instituisset, nec frustra vnam vni iunxisset, facile perspiciebant Patriarchæ tam ante, quam post diluviani, *melius* esse, si ea, quæ communiter ad leges nuptiales diuinas referuntur, observarent, quam si diuersos mores sequerentur.

§. XLVII. Probatur autem *melius* esse vivere secundum illas regulas coniugales, quia talis vita indicat aut coniuncta est cum vita magis quieta, contrarii autem mores & si non directe turbent pacem externam, tamen occasionem multam suppeditant turbis, vel certe indicant in homine, qui iis utitur, magnam libidinem & inclinationem ad voluptatem, atque adeo aliis scandalum præbent.

§. XLVIII. Ita *Concubitus vagus* citra societatem arctam, quæ coniugium dicitur, haud dubie libidinis testimonium est, adeoque melius est, certam personam seligere, cum qua liberos procreemus, quam scortari. *Sodomitica* crimina vero sunt eminentes libidines. *Monogamia* melior est, quam *Polygamia*, uti late probauit Puffendorffius *de I. N. & G. cap. de Matrimonio*. *Diuortia* indicant plerumque libidinem, si fiant ea intentione ut alia ducatur, aut imprudentiam, si ob mores prauos fiant, quod non satis circumspe-

Etus quis fuerit in feligenda persona : is autem qui ob mores tales repudiatur, haud dubie, est homo parum quieti animi. Breuiter, melius haud dubie est, si quis coniugem nactus sit, cum qua indiuiduam consuetudinem habeat, quam si diuortium ab ea faciat.

§. XLIX. *Incestus parentum* haud dubie ex libidine fit, quia diuersitas ætatum, reuerentia parentibus debita, & familiaritas coniugalitatis facile indicant, non esse coniugium prudens, si pater cum filia iungatur, multo minus si filius cum matre: Eadem ergo fere est hic moralitatis ratio, quæ in aliis senibus, quando cum iuuenibus matrimonium contrahunt. *Incestus sororum & fratrum ac reliquarum personarum* est saltem contra legem Mosaicam, quia abstrahendo a multis circumstantiis particularibus, quæ non sunt communes toti humano generi, in coniugiis eiusmodi nulla turpitudine naturalis adest, inde etiam viri sancti ante legem Mosaicam talia matrimonia habuerunt. *Concubitus cum menstruata* indicat magnam libidinem, cum ea res damnum afferat sanitati, & etiam partum ipsam reddat morbis obnoxium,

§. L. Denique eadem est ratio *legis Noachidicæ de non comedendo sanguine*, & homo sanguinem comedendo magis magisque similis fit bestiis, quarum sanguis est, vel crudelis

delis redditur, ad appetendum sanguinem, adeoque magis recedit a statu tranquillitatis. Et hæ rationes indieantur in ipsa lege Noachica *Gen. IX.* Quod vero hoc præceptum, publicatum legitur, factum fuit, non ob Noachum, qui bene moralitatem illius iam intelligebat, quam ob peruersos & deprauatos mores pristinos, qui valde adhærebant adhuc Noachi liberis. Vnde eadem est ratio huius publicationis, quæ publicati decalogi. Quare non obstat dictus locus Geneseos, vt exinde, opponere possis clarum exemplum legis pure positivæ vniuersalis. Adde, quod, etiamsi positiua esset, esset tamen saltem monitum, non lex pœnalis, quia non adiunctam habet pœnam externam.

§. LI. Porro non obstat *Levit. XVIII.* vbi Deus dicit, quod Gentes se contaminauerint in *omnibus* illis *abominationibus*, & quod eos *propterea* eiicere velit, item quod omnis anima, quæ tales abominationes faciat, debeat *extirpari a populo suo*. Resp. I. *Abominationes* Domino sunt omnia vitia, etiamsi pœna externa non coërceantur, aut etiam iustam causam, bello non præbeant, vt intemperantia, ingratitude, cor falsum &c. Ergo non sequitur: est abominatio coram Domino, ergo prohibita est lege pœnali, multo minus lege positiua diuina.

§. LII.

§. LII. 2. Quod *extirpata* sint gentes, non factum fuit, quod contra vnam vel alteram, legum illarum peccauerint, sed quod contra *omnes*, vt clare textus loquitur, vnde falsum est, quod exinde probari possit, Deum eas leges *singulas* apud omnes gentes voluisse pœna capitis muni. Ratio vero aperta est, populos, qui talibus moribus sunt præditi, esse gentem mollem, stultam ac iniustam, quæ alios vicinos populos maxime irritet, & quæ postea incapax sit, contra hostes suos se defendere. Omnis enim luxuria & mollities eminens, est causa necessaria ruinæ magnorum etiam imperiorum. Vnde iam intelligitur, quid velit illud *propterea*. Nam opera prouidentiae & iustitiae diuinæ, non excludunt rationes philosophicas.

§. LIII. 3. Per τὸ *extirpari a populo suo* non semper intelligi pœnam capitis, argumento est *Genes. XVII. 14. Leuit. XX. 20. 21.* etsi Deus plerasque illarum legum pœna, capitali in Lege forensi muniuerit, sed denotatur vel iudicium occultum Dei, vel etiam ratio naturalis. Nam homo ita luxuriosus, qui nullam harum legum matrimonialium, obseruat, plerumque ineptus est, ad generandam sobolem, & mortem sibi ipso vitio accelerat.

§. LIV. Unde sensus dicti est; Libidines  
ibi



ibi recensitæ , vti aliæ cupiditates humanæ, Domino abominationes sunt. Gentes, quæ his omnibus contaminatæ sunt, eiiciuntur a vobis sedibus suis, atque, ne vos seducant, a vobis extirpabuntur. Vos vero omnes illas vitabitis sub certa pœna humana, vel metu etiam iudicii diuini occulti, partim vt moribus vestris separemini ab istis populis, quos extirpabitis , partim, quia vna libido facile secum trahit alteram. Nam videmus, valde libidinosos ad omnia ibi recensita crimina, pronos esse.

§. LV. Memoranda etiam est *Lex connubialis de imperio mariti*, quam & ipsam retulimus in Instit. Iur. diu. inter leges positiuas vniuersales. Sed respondetur: I. in Ebræo est & *dominabitur* tibi. Est ergo futurum, non imperatiuus. Vnde stulti sunt, qui putant, præceptum esse maritis, vt imperent grauius vxoribus, & absque læsione conscientiæ non possint verbera omittere, si resistent vxores (quorsum referenda sententia cuiusdam Friedlibii in tractatu *de modestia ICtorum*) cum potius, si præceptum esset, ius, hoc est, libertas concederetur Maritis, & obligatio esset intuitu vxorum. Ius autem omne tale est, vt quilibet eidem renunciare possit. Neque ergo Deus voluit maritos esse carnifices vxorum, vti voluerunt quædam versiones vnde

cuius adeo oppositum est *malum comparativum*: & includuntur præcepto: *Quod tibi vis fieri, alteri feceris.*

§. LIX. Ex dictis autem patet, quomodo *Lex natura* & leges illæ, quas antea ad classẽ legum *positivarum vniuersalium* retulimus differant. *Lex natura* est illa lex naturæ stricte dicta continens principia *iusti*. Leges illæ *positivæ vniuersales* non sunt leges positivæ, sed sunt conclusiones ex principiis *decori* deductæ, vel etiam ex principiis *honesti*. *Decet* enim viros prudentes & sapientes non solum observare præcepta iusti, sed & honesti & decori. Vnde leges matrimoniales ostendimus primario respicere bonum *internum*, & evitacionem *mali externi* etiam *per accidens* salutem procurandi. Ita lex de non comedendo sanguine respicit etiam primario quietem *internam* &c.

§. LX. Simul vero patet: quia *honestum* & *decorum* sæpe promissive vsurpantur, quatenus sc. utrumque opponitur iusto, quod & honestum & decorum sumantur etiam in sensu *lato*, quatenus utriusque oppositum est actio vitiosa seu turpis & indecora, quæ tamen non est crimen. In sensu vero *stricto* a se differunt secundum tradita §. 58. Denique actiones contra ius Naturæ stricte dictum sunt *Crimina*, i.e. quæ vindictam pariunt. Ha-  
bes

bes ergo simul differentiam inter *vitium & crimen*; item inter *virtutem & iusticiam*.

§. LXI. Cum itaque Leges diuinæ Antemosaicæ sint nihil aliud, quam præcepta iusti, honesti & decori, & eiusmodi dogmata, communi stilo legibus opponantur, patet, *Legem strictam & propriissimè sic dictam* esse voluntatem eius, qui summam potestatem habet in Republica, patefactam subditis, ut sub metu poenarum, vel coactionis, vel nullitatis actiones secundum eam instituunt.

§. LXII. Ex quo sequitur: omnem legem proprie dictam esse *ciuilem & positiuam*. Posterius iam probauimus, ostendendo, legem naturalem esse legem improprie dictam. Prius iam paucis est ostendendum. Cum enim præter legem naturalem etiam ius Gentium leges dici consueuerint & in domo voluntas patrisfamilias habeat etiam vim legis domesticæ, videntur & hæc iura sub definitione legis proprie dictæ esse comprehendenda.

§. LXIII. Sed iam in Institutionibus Iuris Diuini ostensum: *Ius Gentium* vel summi pro moribus Gentium, vel pro iure proprie dicto. Mores, quia liberi sunt & nullam obligationem inducunt, non possunt pro Lege haberi, neque illi, qui contra faciunt, dici, quod violauerint ius Gentium. Ius Gentium proprie dictum esse speciem iuris naturæ, ibidem o-

stendimus: Ergo cum ius naturæ sit lex improprie dicta, etiam ius Gentium proprie dictum, non proprie erit legis species.

§. LXIV. At *iussa patrum familias* regulariter momentanea sunt, neque præscribi solent tanquam communis norma, neque etiam id patitur facile natura societatis domesticæ. Ergo & hæc sunt Leges minus propriæ tales, cum lex proprie dicta debeat esse constans & durabilis & communis norma plurium.

§. LXV. Dico, legem debere esse *publicatam*. Et in hoc consentiunt omnes: legem positivam, ut vim obligandi habeat, requirere publicationem. Publicatio autem est duplicis generis: alia  *viva voce*, alia per *scripturam*. Inde Lex est vel *scripta* vel *non scripta*.

§. LXVI. Scio quidem, huic sententiæ contradicere communem Iurorum Scholam, qui ad essentiam iuris scripti dicunt non pertinere ut lex sit scripta. Sed hic error, inde provenit quod ius seu *legem non scriptam* putauerint esse Synonymum iuris quod hodie *consuetudinarium* dicitur, & quod ex hoc errore profluxerit alius error, scilicet, doctrina communis, de requisitis consuetudinis, ut vim iuris accipiat, & tota fere doctrina de iure consuetudinario.

§. LXVII.

§. LXVII. Legem non scriptam non esse synonymum consuetudinis, sed denotare leges absque scriptura publicatas, patet ex §. 10. *Instit. de I. N. G. & C.* Nam Lycurgus leges suas publicavit absque scriptura (*Conf. Paul. Voet. Comm. ad d. §. 10.*) Neque Lacedæmoniorum ius pedetentim ex moribus est introductum. Quamvis non sit diffitendum, si d. §. 10. cum §. 9. conferas, ipsum Tribonianum hæc duo distincta miscuisse;

§. LXVIII. Errores vero istos communes *de iure Consuetudinario* iam ptolixius notavi in peculiari Dissertatione de iure Consuetudinis & observantiæ: Cuius summa extendit: Consuetudinem producere ius efficaciam & impunitatis, non tamen ius obligationis, sed legale, adeoque non esse speciem legis proprie dictæ, probari tamen legem non scriptam per consuetudinem.

§. LXIX. Antequam finiamus, respondendum est ad obiectionem, quæ moveri possit, cum diximus, leges divinas ante Moïsaicas non adiunctas habuisse pœnas proprie dictas arbitrarías, sed tantum produxisse obligationem internam ex metu mali necessarij ortam. Etenim non deerunt haud dubiè, qui contra urgebunt exempla pœnarum divinarum, diluvij, excidij sodomarum, O-

nanis immaturâ morte extincti, & si quæ forte sunt adhuc similia. Hic etsi non desint responsiones aliæ, sed quæ altioris sunt indaginis, id vnicum iam, sed evidens responsionis loco dabitur. Omnes absq; difficultate fatebuntur, poenas has iam recensitas esse poenas non ordinarias, sed extraordinarias, quæ adeò non ad regulam pertinent, sed ad regulæ exceptiones. Quæ autem extraordinaria sunt, sunt extrâ disciplinæ vel doctrinæ circulum. Ita Politicus iura Principis exponens non curat ea facta, quæ Princeps extra ordinem ex iustâ status ratione patrat. Unde etiam Rationes statûs non cadunt sub disciplinam.

## OBSERVATIO XXVIII.

De  
SOLLICITA DIÆTA.

Σύνοψις.

**N**utritionis necessitas §. I. Et sanguinis imprimis  
 restauratio §. II. Poscit alimenta §. III. Quæ  
 quidem pauca sufficere possunt §. IV. Tam è vege-  
 tabilibus, quàm animalibus §. V. Interim notabi-  
 lis est appetitus varietas §. VI. Imprimis sapis  
 imminens. §. VII. Brutorum quadam certis alimen-  
 ti generibus à priori destinata videntur. §. VIII.  
 Homo assuescit variis. §. IX. Imo interdum tolerat  
 difficilioribus. §. X. Simplicior victus equalem sa-  
 nita-

mitatem, ceteris paribus, præbet. §. XI. Exempla  
 multarum nationum. §. XII. Vario victui dediti  
 sapius incommode habent: sed & simpliciore uten-  
 tes, si desistant. §. XIII. At qui mediocribus in-  
 commodis adsuescunt, durantur ad maiora. §. XIV.  
 Cuius contrarium evenit his, qui plane tranquillis  
 rebus excidunt. §. XV. Unde, ubi tranquillitatis  
 perpetua minor est potestas, moderata inequalitas  
 preferenda videtur. §. XVI. Non tamen luxuriosa  
 variatio. §. XVII. Causa. §. XVIII. Animi & cor-  
 poris sollicitus status. §. XIX. Exempla. §. XX.  
 Etiam in morbis: Et a duriori ad simpliciore  
 mollem victum. §. XXI. Simplicissimi victus affe-  
 ctam regulam. §. XXII. Incommoda sequuntur.  
 §. XXIII. XXIV. XXV. Somnus horis certis ad-  
 strictus. §. XXVI. Præfertur iterum laboriosior di-  
 eta. §. XXVII. Etiam ab infantia assuefacienda. §.  
 XXVIII. Declinatur favor luxuriei. §. XXIX. Re-  
 liquæ quoque res Diatetica, magis ad laborem, quam  
 inertiam, aptanda. §. XXX. Sed & hoc non scrupu-  
 lose. §. XXXI.

## §. I.

**Q**Uam necessaria sit homini nutritio,  
 & sanguinis præcipuè, perpetua re-  
 stauratio, dilucescit satis ex eo, quod  
 ipse sanguis, indies, imò velut in ho-  
 ras, ita resolvatur atque absumatur, ut, nisi  
 reparatio talis perpetua subveniret, maturè

sane vniversi huius vitæ thesauri iactura sequeretur.

§. II. Dum enim sanguis, perpetuo *motu* per subtiles poros partium, partim sui ipsius, partim corporis totius conservationi velificatur; Ita obtingit nihilominus ipsi, per *attritum* perpetuum ad solidas fibras, & intestinum motum caloris, sui ipsius extenuatio atque dissolutio, in *serum* excrementitium: Unde perpetuo nouo com meatu opus est, quo amissæ portioni noua quantitas substituatur.

§. III. In hunc finem assumi debere alimenta, vti in propatulo est; Ita eâdem rationis euidencia nititur, quod illa respondere debeant huic effectui, siue *materiam* talem suppeditare, è qua sanguis prognasci possit.

§. IV. Faciunt hoc, seu præbent materiam sanguini in genere constituendo aptam, partim è *vegetabilibus*, partim *animalibus*, simpliciora, & numero quoque pauciora, si illis acquiescere placeat: Præcipuâ inter hæc sunt *frumenta*, triticum, far, secale, oryza, milium nostras, & Mays Americanorum, quod vulgus frumenrum Saracenicum appellare consuevit, hordeum; Ab animalibus autem *Lac.* Neque vero minoris efficacæ *amygdale* dulces, & aliqui congeneres *nuclei*, lactescente tali dulci medullâ constantes: Post hæc vero etiam alia, tum *legumina*, tum *herbe* & fru-



*fructus* varii, iuxta qualemcunque reliquum saporem, etiam leni quadum *lubricitate* instructi: Denique variorum animalium *carnes*, & excoctæ inde *gelatina*. Re vera tamen verè præcipua inter hæc omnia sunt dicta illa prima *frumenta* & lac.

§. V. Vbi quidem rationi obvium est, quod omnia horum generū alimenta, proprie e *vegetabilibus*, sicut hæc e terra tota suam materiam nanciscantur. *Animalia* enim, quorum *carnibus* maximè vesci solemus, vegetabilibus nutriri, id est, materiam carnis suæ vegetabilia habere, inpropatulo est; vbi tamen *Lac* veluti primum & simplicius tale extractum, sive materia, è vegetabilibus, à crassioribus & inutilibus feculentis sui portionibus, iam liberata existit, adeoque ad alimentum *animale* velut magis immediate constituendum, tantò magis iam aptata.

§. VI. Interim, est omnino insignis non solum humani appetitus *aræta* sed brutis etiam non paucis familiaris (præcipue tamen illis, quæ homini magis adsuescunt,) ut neque *paucis*, neque *melioribus* & scopo directo, nempe nutritioni, magis immediate & velut absolutè quadrantibus, acquiescere velint, sed perpetuò, non magis ad *plura*, quam à nutritione larga *alieniora*, inclinent.

§. VII. Mirum profecto est, neque *vllivati*

*sioni* perscrutabile ; cur homo , adeo amet & appetat res imprimis notabiliter *sapidas* ? *Dulces*, *acidulas*, imo *amaricantes*. Sicut etiam omni *rationali* indigitatione caret, in quo proprie consistat determinatio illa, ut aliquæ tales res dicantur *BENE*, *IVCVNDE*, sapere ; aut contra male sapere, aduersum saporem præbere. Quantumlibet autem nulla harum rerum, neque a priori, neque a posteriori, vere rationalis causâ vel proportio subsit ; Imo etiam multa horum minime *toti* hominum *generi* communia ; Notum tamen atque certum est, quod in his præcipue rebus admodum prolixè occupentur plerique homines, ut appetitui suo, quam maxime vero ita, licet irrationali, tamen electiuo, indulgeant, imo longè magis ad huius generis esculenta ferantur, quam ad alia, certioris atque manifestioris utilitatis.

§. VIII. De brutis quidem, negari neque potest, neque debet, quod in illis specialis quædam constitutio organorum, indigitare videatur, quod alia ipsorum ad hanc, alia ad aliam victus rationem, mox *a priori* formata & instructa sint. Ita enim *carniuora* animalia, ventriculum habent & intestina, a *graminuorum* & *graniuorum* iisdem partibus, tota structura longe plurimum diuersa. Et coincidit hæc constitutio adeo in variis generibus

ribus animalium, vt sine reliquo respectu ad vniuersam suam speciem; hac in parte circumstantiam illam, quasi magis *genericam*, sequantur, vt ventriculum a reliqua auium, nempe *graniuorarum* conformatione, hac in parte prorsus alienam habeant, quotquot illarum *carniuora* sunt.

§. IX. Quicquid horum sit, & si vel maxime nuda quædam assuetudo, hominem ad illam ciborum varietatem ducere videatur, habet tamen homo propemodum certam & perpetuam hanc in hoc genere indolem, vt non magis varietatem ciborum, & quocunque modo alibilem succum præbentium, appetat, & desiderio quodam mox moxque sedetur; sed etiam illis satis promptè ita assuefiat, vt nisi coniuncta aliqua insigni efficacia polleant, quæ alteram illam alimentosam illorum consistentiam potenter superet, leuiter & tranquille illorum vsum toleret, & nihil sinistri facile inde experiatur.

§. X. Quid, quod etiam huiusmodi concreta, quæ cum alia quadam efficacia corpori *molesta*, imo non perfunctorie periculosa, aliquam tamen alimentosam substantiam *coniunctam* habent, non raro tamen placido & succesui vfu, ita esui & vsui assuefieri possunt, vt posthac veluti plane dissimulatis aut superatis illis aduersis effectibus, simpli-

citer tolerentur, imprimis, quamdiu sanus de reliquo adhuc est, status corporis.

§. XI. Ex altera parte, obseruantur quidem etiam illi, qui *simpliciore* victu vtuntur; si modo reliquæ res nonnaturales sese recte habeant (nempe *aëris temperies, motus & quies, somnus & vigilia, animi pathemata, excretiones debita,*) pariter longe commodissime vivere: imo iugi quadam æqualitate sanitatis, istos quasi semper superare, qui nimis tali eculentorum varietati indulgent.

§. XII. Cuius quidem rei vti apud *Americanos* imprimis populos; imo ipsos etiam *Africanos* bene multos, & *Asiaticorum* quasi medioximos, per totas gentes, & innumera capita solida vigent exempla; Ita certe in nostris regionibus, ingenti quoque numero hominum res hæc indies confirmatur.

§. XIII. Interim monstrat vtrique experientia attentius spectata, quod illi quidem, qui *varietati* ciborum *maiori* licentius indulgent, sæpius inde incommoda aliqua persentiscant, quibus alteri isti, qui æquali & simplici victu vtuntur, minus vexari notantur: Reuera tamen hi ipsi quoque *simpliciori* illi victui additi; si ab illo, siue voluntate, siue necessitate aliquando *defleant*, non modo non minores, sed sæpissime longe præter proportionem maiores molestias inde persentiscant.

§. XIV.

§. XIV. Accedit illud, quod homines, etiam in hoc ipso vitali negotio, *mediocribus* modo, non nimium frequentibus, talibus molestiis, non magis tolerandis, quam depellendis atque superandis *assuefacti*, posthac non raro etiam e *gravioribus* feliciter sese expediunt: nempe leuioribus velut experimentis atque exercitiis ad perpetrandas exonerationes atque depulsiones rerum plus minus noxiarum, habiles redditi: Cum e contra, illi, qui in vna continua, placida & æquali securitate, iugiter vixerunt, ingruentibus deinde extra ordinem periculis, quasi absolute improviso malo sese nulla ratione opponere, aut sibi ipsis consulere possint.

§. XV. Vnde quidem, quamdiu reliqua ipsorum viuendi ratio *aqualis* manet, & victus æqualitati iugiter respondet, hi quidem posteriores, nempe *simpliciori* victui; addicti, ita constantius, imo securius æquali sanitate fruuntur, quam alteri isti, sine aliquibus incidentiis molestibus vix ita constanter viuentes.

§. XVI. At vero, vbicunque illa concurrat conditio, vt illa ita commode, tranquille, & æqualiter viuendi, constans libertas atque potestas, non æque suppetat: Res ipsa loquitur, & dicat sana ratio, quod, si vtrique dubitemus *varietatis* assuetudinem illi viuendi *simplicitati* præferre (quod tamen serio facere, ego

ego non æque dubito) certe nihil prærogati-  
væ, in hoc casu, hæc præ ista habebit, aut, *sub  
tali conditione*, illi præponi poterit.

§. XVII. Moneo vero iterum iterumque,  
quod sub *varietate* victus, non denotem *luxu-  
riose* gulæ studium, vt non solum quicquid in  
manus venit, auide deuoretur; imo quicquid  
fere a recepto vsu & vtilitate solida alienius  
est, inhiare placeat: Sed etiam quantitate, &  
tempore, ita extra orbitam ruere, vt homi-  
nis (nam his vitiis minus obsidentur bestię)  
intemperantissimi exemplar fiat. Sed intél-  
ligo talem varietatem, quæ magis ad *concoctio-  
nem paulo laboriosorem, depurationem, operosi-  
orem, & nutritionem ipsam moderatiorem,*  
quadret.

§. XVIII. Tali inquam, diætæ, præ alte-  
rà simplicissima, eo sensu primas defero, quo  
magis in tota vita commendabile est, *laboris*  
potius & *tolerantiæ*, quam *otiosæ mollitiæ*, & re-  
bus vndiquaque in proclui positis, affue-  
fieri.

§. XIX. Hoc intuitu tanto minus æquipol-  
lere puto huiusmodi diætæ, quasi paulo labo-  
riofiori, oppositam illam nimium *solicitam &  
scrupulosam*, quæ non solum curiosa *simpli-  
tate* cibi & potus, & *mensura* insuper harum  
rerum mirè determinatâ; Sed etiam *anxia, a-  
nimi*, non tam intentione, quam, sollicitudi-  
ne,

ne, imò formidine ita circumscripta sit, ut non magis ipsarum rerum physicarum, aliquando deflectens quantitas atque qualitas: Quam *animi* mox concurrens incertitudo, sollicitudo, imò trepidatio, varios labores pariat, & non magis ipsum *corpus* hinc oneretur, aut inusitata molestia afficiatur, quam ipsorum *motuum* in corpore regimen & directio hinc in perturbationem atque confusionem adducatur.

§. XX. Quid familiarius est, homini in nostris, septemtrioni appropinquantiuis regionibus, quam potum *frigidulum*, imò *gelidum* bibere? Et tamen homo, & vir quidem, soli *calido* potui assiduo, per aliquam longum tempus assuefactus, vno haustu frigido mortem combibit. Quot vero sunt hodieque nostratium exempla, ubi haustum potus à tepore ad *frigus* declinantem, ebibisse, certa *tormina* gravissima, *colica*, imò verò, exemplis non rarissimis *iliaca*, provocavit? Quantus est hominum numerus, qui, sic carnis *pinguioris*, imprimis *veruecina*, aliquot bolis, mox cerevisiam superbibant, alii *nauseam* & vomitum, alii *tormina* ventris eximia, alii *alui fluxum*, alii *stranguriam*, alii imanem *flatulentiam*, imò aliqui diuturniores ventriculi *tensiones*, *pressiones*, *gravitatem* perpetiuntur: quæ vel in *pertinacia chronica* mala, ventriculi & intestinorum debi-

debilitates, exeant : Vel *febres* tertianas aut quartanas pariant ? Imo, quot sunt utriusque sexus homines, quorum alios, levis haustus immaturioris & nondum satis *defecata* cereuifiæ; alios, etiam cetera bonarum, sed tantum *diuersarum*, cereuifiarum, in eadem cœnâ potus, pessime habent ? Vt de *cibis* reuera difficillioris concoctionis, & vel plane incognitis, & saltem per aliquod notabile tempus desuefactis, prolixiores non simus.

§. XXI. Imo, non subsistit hæc res in solius, de reliquo tolerabiliter *sani* status, limitibus ; Sed extendit sese tanto magis, ad *vacillantis* sanitatis tempus. Vbi quidem, ne nude hætenus citati census exemplis inhæream, placet contrariæ rationis exempla citare : Ubi nempe non a *simpliciore ac teneriore* victu, ad multiplicem ac duriores factus transitus, fraudi esse obseruatur : Sed etiam e contra, numerosa exempla occurrunt, vbi patientibus, duriori victui assuetis, nimis mollis atque teneri victus obtrusione, imprimis diuturniore, plus incommodi, molestiæ, imo non ita raro damni offertur, quam si vel plane non edissent, vel ad minimum duriore secalino pane passi fuissent, aut sane vbi qualiscunque adhuc viget appetitus, consuetis suis cibis, quamuis pro stomacho alio non affecto, durioribus usi fuissent. Experimentum



tum huius rei in hominibus, de reliquo sanis, duriori vero victui affueris, (quo nomine Westphali imprimis noti sunt) suppetit illic locorum, vbi plures horum *molliore* diætâ sustentari incipiunt, iusculis, pultibus, ouis forbilibus, carnibus vitulinis &c. ibi citra aliam quamcunque sensibilem causam, incipiunt primo *stomachi* debilitate, *appetitus* imminutione, mox pleniore ciborum *fastidio*, *malo colore* &c. grauari, indeque magis magisque intermittentibus tertianariis *febrilibus* symptomatibus, vel *ictero*, grauissima *flatulentia*, tensionibus, *angustis*, imo *anxietatibus* hypochondriacis, obnoxii fieri.

§. XXII. Quotidianâ sunt exempla, vbi homines, alias satis commode viuentes, neque conquerendi de valetudine insignem causam habentes, aut ad summum, tolerabilibus quibusdam tædiis indignantes, vitæ rationem non solum ex abrupto, sed prorsus in contrarium mutant; vt ex pleno victu, ad *tenuem*, ex commodo ad incommodiorem, transitum & progressum faciant. Ita v. g. sunt, qui dimisso omni alio potu, ad *simplicem aquam* diuertunt; Loco *lectorum* plumaceorum, *stercem* aut *scamnum* capeffunt: Imo fuerunt, qui aquæ simplici, præter *panem secalinum*, nihil aliud coniungere vellent, aut etiam non possent.

§. XXIII. Ex his aliâ ita toto corpore male af-

affecti sunt, vt *cachectici*, *scabiosis*, *scorbuticis*, *ictericis* incommodis, pessime habeantur: Plerique vero ad minimum famosum *hypochondriacum* malum inde accusent.

§. XXIV. Alii præsertim & corporis & animi paulo præsentioris, tolerauerunt quidem talia paulo fortius; Quamuis apud multos, & coloris, & corporis reliqui vigoris, visibilis in peius alteratio testaretur, quod plus dissimulationis, quam sibi constantis euphoricæ subsit: Interim hoc vtique omnes non magis fatentur, quam conqueruntur, quod posthac etiam a leuissimis contra hanc *simplicissimam* diætam erroribus, ita maximopere alterentur, quam sub pristina qualicunque diætâ; minime fieri consueuerit.

§. XXV. Ita, vt ciborum aliorum, potus cereuisiarii, imprimis minùs defæcati, summam posthac impatientiam, silentio prætereamus; Ipse vel leuiore *aëris* atque tempestatû perturbationes, facile illos sensibilibissime turbant & male habent; Laboriosiorum operarum, nou tam corpore, quam ipso animo vt plurimum longe magis, quam impotes existunt &c. Verbo, quicquid exquisitæ rationi electæ suæ diætæ contrariatur, admodum difficulter ferunt; Ipsam verò hanc non facile tolerant.

§. XXVI. Nouimus exempla talium, qui

*somnium* suum, certarum horarum ambitui ita adstrinxerunt, vt paulo post, si maxime vellent, non possint amplius, aut sane non directe & immediate, hanc periodum violare. Si enim vel dimidia hora *citius* solito, somno sese subtrahant, *dolore capitis* & grauitate insigni: Si tantundem aut paulo amplius, vltra tempus somno indulgeant, somnolentia notabili, & fastidio aliquid agendi, vix non per totum illum diem, corripuntur.

§. XXVII. Quibus quidem rebus omnibus bene pensatis, tantum abest, vt *exquisitam* illam, siue scrupulosam, diætā, facile cuiquam suaserim; vt potius tali, quæ paulo magis varia, ad reliquam vulgo receptam consue tudinem, inter nostrates, accedat, calculum adiciere nullus dubitem: Comprehendendo bi præcipue moderatam assuetudinem (inter cibos alios, proniores ad illum effectum,) duriusculæ concoctionis ciborum.

§. XXVIII. Ante omnia ab ipsa vsque *infantia* nimis sollicitam, mollem eiusmodi diætā abesse velim, quæ non solum ipsi *mores*, perpetuis cauendi, metuendi, contemendi, seligendi, inculcationibus: Et absoluta illa, omnium minus solitarum rerum auerione, cuiuslibet minoris iucunditatis imprimis autem levissimorum forte dolorum aut incommodorum fortuitorum, formidine

aut impatientia, multis modis *a teneris*, quod aiunt; *unguiculis*, peruertuntur: Sed etiam *molle*, nimis quam *sensibile*, ne mediocrium quidem fastidiorum, nedum *laborum*, patiens redditur corpus: Imo potius perpetuis quiritationibus, quin veris & nihil simulatis sanitatis interuersionibus, si affectatam illam *ἀνξι-βειαν*, absolute observare, variæ fortuitæ circumstantiæ vetent, plana via sternitur.

§. XXIX. Tantum autem abest, ut hac mea sententia, *luxuriosam* delicatæ *varietatis* cupidinem, comprehensam velim, ut potius illam, toto studio hinc exclusam velim. Neque enim hanc approbare, iure videri possum, ubi, quæ corporis & animi molliem, solida desideria, rerum alias tolerabilium quantumcunque contemptum, inferre possunt, acuso atque damno; & potius quæ *digestioni* qualemcunque *Laborem* interdum facessant, eamque veluti ut plurimum *vigilem* & attentam reddant, laudo atque comprobo. Unde non est, quod prolixius exprobationem declinem, quæ a sani intellectus hominibus, mihi intentari non possit.

§. XXX. De reliquis vero diætæ circumstantiis, & imprimis alacrioris *motus* sollicita euitatione; De *aëris* quantumcunque *frigidi* aut *turbulenti* metu: De *vigiliarum* alacrum, erga otiosum *somnum*, proportionem, & eutan-  
da

da *sollicita nimis* temperie, fortassis omnium optime perorare possum sententiam meam breuissimis, asserto meo, superius dissertis verbis, ipsa re vero in tota tractatione prolato, quod videlicet in omnibus huiusmodi rebus plurimum *præstet, corpus & animum, potius laboriosiori, quam otiosiori habitui assuefacere.*

§. XXXI. Abstinendo tamen in hoc etiam proposito, a *sollicita* euagatione in alterum extremum; Vt vbilibet, seruando auream mediocritatem, rebus humanis etiam in hac parte recte consulatur.

## OBSERVATIO XXIX.

De

## PHILOSOPHIA ORPHICA.

## SYNOPSIS.

**O**Rpheus quis §. I. Exitisse unquam Orpheum negat Vossius §. II. Infirmitas eius argumento ab etymologia sumpto alia certiora opponuntur §. III. Patrum testimonia hic plurimum valent §. IV. Probatur Orpheum exitisse testimonio Iustini Martyris §. V. Athenagoræ §. VI. Tatiani §. VII. Origenis §. VIII. Vossio tamen adstipulatur Huetius §. IX. Respondetur ad testimonium Aristotelis ad quod Huetius pronocat §. X. item ad testimonium Dionysii §. XI. De loco Aeliani, qui de Androtione agit sententia Perizonii profertur & sub examen revocatur §. XII. Orpheum eundem cum Mose fuisse

*isse contra Huetium negatur §. XIII. De Philosophia Orphei praeclare meritus est V. C. Christianus Eschenbachius cuius Epigenes de Poësi Orphica commendatur §. XIV. An Iudei omnia a Barbaris acceperint §. XV. Philosophia Orphei ex scriptis eius ut inuestigetur, sistuntur eius τελεταί §. XVI. De more sacris ritibus doctrinam sublimiorem tegendi, iudicium §. XVII. Θεονισμοὶ μητρώοι καὶ βακχικά §. XVIII. XIX. Κορυβαντικόν §. XX. πέπλοι καὶ δίκτυον §. XXI. περὶ διὸς καὶ ἡρας §. XXII. Κρατῆρες §. XXIII. Θεογονία §. XXIV. Reliqua Orphica Philosophica capita uno fasce comprehensa sistuntur §. XXV. ἐπικρίσις subiungitur §. XXVI.*

## §. I.

**C**Elebre maxime inter poëtas paritar ac Philosophos est Orphei nomen. Thraë ille genere fuit, patre Oeagro natus, Regis filius. De hoc namque sermo nobis est, cum neutiquam nos fugiat, plures Orphei nomine insignitos fuisse, cuius rei deinceps perspiciemus causam. Hic autē Oeagri filius antiquissimus omnium fuit, & ut Zezes autor est, *hist. 399. Chil. 12.* Herculis coætaneus fuit, floruitque annis centum ante bellum Troianum. Sed de temporum rationibus si quis hic dissentiat, cum eo non pugnabimus.

§. II. Id mirum, cum tot tamque clara veterum

terum de Orpheo extent testimonia, re-  
 pertos fuisse viros doctos, qui dubitarent, num  
 omnino Orpheus aliquis vnquam extiterit.  
 Inter eos & Vossius est, quem nimia forte cu-  
 piditas ingenii in etymologiis excogitandis fe-  
 licitatem ostentandi, in hanc sententiam de-  
 duxit. De Orpheo enim Musæo atque Lino  
 ita philosophatur: *Puto enim Trium viros istos  
 poëstos, Orphea, Musæum, Linum, non fuisse, sed  
 esse nomina ab antiqua Phœnicum lingua, qua vsi  
 Cadmus & aliquandiu posteri. Sane Linus car-  
 men siue canticum ac præcipue lugubre, ut ex Athe-  
 neo, Eustachio, Suida, constat. Nomen vt puto non  
 quia Linum eo deplorarent, quod Grammaticum est  
 commentum, sed ab Hebræo מוררין murmurare, vn-  
 de תלונה querela, murmuratio, vt Linus no-  
 men poëtæ sit lugubria canentis. Musæus absque  
 dubio a Musa, siue מוֹסָא quod a מוֹסָר Mosar,  
 ARS, DISCIPLINA. Orpheus itidem a scientia  
 nomen habuerit: ARIFA Arabibus est SCIRE, NO-  
 VISSE; Vnde ARIF sciens, eruditus, doctus. de  
 art. poët. cap. XIII.*

§. III. Verum si hæc ratio nomina propria  
 ex incertis deriuationibus in appellatiua com-  
 mutandi, indeque historiæ veritatem in dubi-  
 um vocandi procederet, nihil iam tam cer-  
 tum tamque firmum esset, quod non facile  
 sollicitari, imo prorsus euerti possit. Recte  
 hoc observauit vir doctissimus Thomas Bur-

netius, qui solide & erudite contra hanc Vossii sententiam disputat, in *Archæolog. philos. cap. IX.* Quid, inquit, si *Cadmus* quem memorat vir doctissimus, nomen inane esse dixerō atque fictum, a voce  $\Delta\tau\phi$  antiquum? Certe aptius respondet vox voci, quam Arif Orpheo: neque in Arabiam proficiscimur quæsitum vocis originem, ut ille pro nostro Thrace. Dein quoad historiam multo plures meminerunt Orphei quam Cadmi. Poëtæ Græci & Latini: Patres Græci & Latini: Historici Græci & Latini. Cui non dictus Orpheus? Addit ex Diodoro, ipsos Ægyptios in sacris commentariis nomen Orphei retinere, præficereque sapientum Græcorum agmini, qui & augendam scientiam in Ægyptum descendere.

§. IV. Firmissimum autem argumentum ex patrum testimoniis desumitur, qui Christianæ religionis veritatem contra Gentilium insultus defenderunt. Etenim cum Ethnici Orpheum suum, primum Theologiæ Græcicæ auctorem ostentarent subinde, & cum Christo compararent, imo ei præferrent, facilissima ad eos refellendos via fuisset, dicere, nunquam Orpheum istum extitisse. Ast nihil eiusmodi patribus in mentem venit, imo fuisse Orpheum, & de rebus diuinis & naturalibus multa docuisse, omnes vno fatentur ore.

§. V.



§. V. Ex multis, quibus hoc confirmari potest testimoniis pauca feligemus. Iustinus Martyr Orpheum primum multitudinis Deorum Græcis extitisse auctorem, deinde mutata sententia vnum agnouisse Deum, idque ex scriptis Mosaicis accepisse, refert. *Adhort. ad Græcos p. m. 15.* *Orpheus sane quidem, ait, multitudinis Deorum, siue plurimæ Diuinitatis, ut sic aliquis dicat, primus auctor, qualia posterius ad filium suum Museum, ac reliquos germanos verosque auditores de vno eodemque solo Deo predicauerit, necessarium visum est nobis exponere &c.* Latine enim saltem hoc eius testimonium breuitatis causa retulimus. Multa autem deinceps de Orpheo subiicit, quæ plane euiricunt ne minimum quidem Iustino superfuisse dubium, quin Orpheus aliquis extiterit.

§. VI. Iustino Athenagoram addimus, qui itidem non semel Orphei meminit. *Non ab initio, inquit, p. m. 143. Vti dicunt Dii erant, sed ita vnusquisque natus est, ut & nos nascimur idque inter ipsos omnes ita conuenit: sic enim Homerus ait:*

*Oceanumque Deum patrem & Thetin gener-  
tricem,*

*Etiâ Orpheo ipso (qui & nomina eorum primus inuenit & natiuitates exposuit, & quid quisque egerit dixit, & quæ ad theologiam pertinent sincerius executus creditur: quem & Homerus plerumque ac*

*maxime quantum ad Deos attinet, sequi solet) primam eorum generationem ex aqua constituyente.*

§. VII. Tatianus in Oratione ad Græcos non tantum asserit poëtices, & canendi studium, & initiatorios ritus ab Orpheo accepisse Græcos *p. 3.* edit. recentissimæ quæ Oxoniæ MDII. prodiit, sed & *p. 136.* inter illos eum refert quibus Moses antiquior sit, licet ipsi a Græcis pro antiquissimis sint habiti. Et *p. 183.* dicit: Orpheus una cum Hercule vixit: nam quæ ei attribuuntur poëmata Onomacritus Atheniensis Pisistratidis imperantibus, circa quinquagesimam Olympiadem composuisse fertur. Et *p. 139.* Orphei discipulum Musæum fuisse perhibet.

§. VIII. Nemo ergo ex hisce dubitavit, quin extiterit Orpheus. Burnetius autem dum eandem causam agit, inter egregia gentilium elogia quibus Orpheum ornarunt, hoc Celsi effatum maxime affert: *Quanto satius esset, si innovare aliquid affectatis de alio quopiam præclare mortem perpasso, & diuinâ fabula digna cogitasse? Et si non placuit Hercules aut Aesculapius, aut alii inter priscos gloriam adepti, Orpheum babeatis: VIRUM SINE CONTROVERSIA SANCTO AFFLATVM SPIRITV.* Ad quod cum Origenes respondeat, libros Orphei non amplius exstare, nec de Deo recte eum sensisse, minime autem neget Orpheum aliquem vnquam extitisse, recte inde colligit, tam

tam certum hoc fuisse veteribus, vt religioni sibi duxerint ea de re dubitare.

§. IX. Nihilofecius eandem cum Vossio sententiã haud obscure tuetur Petrus Daniel Huetius *Dem. Euangel. prop IV. p. 189.* Cum enim prolixè demonstrasset conuenire in ple-risque Orpheum cum Mose, tandem concludit: *Quid plura, cum scenam hanc omnem aperte retegat Aristoteles, quem scripsisse testatur Cicero, Orpheum nunquam fuisse? Eiusdem assertorem sententia Dionysium quendam citat Suidas, Sed & Androtion apud Aelianum docet, nullam litterarum notitiam Thrakas habuisse; vnde colligit, male inter sapientes recenseri Orpheum ipsique adscripta carmina supposititia esse. Addimus nos, supposititium esse & ipsum, & quascunque de eo fabulas mythologi referunt, mutato nomine de Mose narrari.* Hæc Huetius.

§. X. Sed ad Aristotelem quod attinet, iam Thomas Burnetius itidem respondit, nullum hodie apud eum extare locum, in quo Orpheus vnquam fuisse negetur. Videri equidem alicubi de scriptis Orphicis dubitasse Stagiritam, vnde errandi forsàn occasio enata sit Ciceroni. Interim ex doctrina Orphica luculenter satis intelligi, Orpheum fuisse. Hoc-cine, inquit, nullum habuit auctorem? nullam originem? neque diuinam neque humanam? Antiquior erat Pythagora, hanc enim

ille secutus est & excoluit fatentibus ipsis Pythagoræis. Neque tot vnquam fuissent supposititia scripta sub nomine Orphei, nisi verus olim fuisset Orpheus. Post alia, recte quoque ex scriptoribus rerum Orphicarum idem colligi posse asserit. Syrianus namque & Proclus scripsere in Theologiam Orphei, & præterea de consensu doctrinæ Orphicæ & Pythagoricæ. Scripta Orphei collegisse dicitur Pherecydes Atheniensis. Herodotus Orphei & Musæi historiam scripsit teste Photio, & Epigenes denique περὶ τῆς Ὀρφείας ποιήσεως teste Clemente Alexandrino. Hos scriptores aliosque similes, inquit, sua nobis narrare somnia credemus?

§. XI. Atque hæc cum ita se habeant, nec Dionysii cuiusdam auctoritas receptæ obstabit sententiæ. Ad Androtionem autem quod attinet, non is negat quidem extitisse Orpheum, sed eruditum eum fuisse negat. Quamquam ne in eo quidem fidem ei adhibendam censeat ipse Aelianus. Iuuat integrum Aeliani locum, sed latine tantum, huc adscribere: *Ex veteribus Thracibus neminem aiunt literas novisse. Imo turpissimum esse putarunt omnes Europam inhabitantes Barbari, literis uti. Asiatici vero, ut traditur, magis sunt iis vsi. Vnde affirmare etiam audent, ne Orpheæ quidem eruditum fuisse, quippe Thracem, sed temere fabulas de eo esse*

*esse mentitas. Hac Androtion tradit, si cui fide est dignus ad declarandam Thracum imperitiam litterarum & inscitiam.* Recte dubitat, an fide dignus sit ad hoc alicui persuadendum. Enimvero si vel maxime concedatur Thracas litterarum ante Orphea fuisse imperitos, quod negari nequit, cum omnem culturam ab Orphea acceperint, nullam video rationem, cur non ab Asiaticis illis Barbaris, quos litteris vfos concedit, aut ab Aegyptiis, quos adiisse communi consensu fertur, litteras discere potuerit Orpheus?

§. XII. Vir Cl. Iacobus Perizonius supponens itidem litterarum rudes fuisse Thracas, componi ita negotium hocce posse putat, ut dicamus, Orphea non fuisse litteris illis eruditis excultum, sed tamen fuisse *virum sapientem*, qui multa inuenerit & instituerit, quæ dein ad Græcos & Athenienses ipsos sint propagata: hos vero illa in maius dein extulisse, & multis contaminasse fabulis, si, cuti & eius nomine hymnos ediderint qui non plane a viris doctis reiiciantur, sed ad Pisistrati referantur tempora. Hinc & vocem σοφὸν qua vtitur Aelianus exponi iubet per *eruditum, litteris excultum, qui multa legerit & ita didicerit ac sciuerit.* Id quod nostræ adeo non obest sententiæ, ut potius vel maxime hac ratione salua sit Orphica philo-

philosophia. Nescio tamen, an menti Androtionis hæc satis respondeat expositio. Et enim quid sibi voluerit Androtion, ipse Perizonius verosimili plane coniectura ita explicat: Tradebant plerique, Eleusinia vel eorum mysteria ab Eumolpo Thrace potissimum profecta: at alii referebant ea ad Eumolpum, non Thracem illum, sed ad eius trinepotem Musæi poëtæ filium, hominem Atticum. In hac sententia & Androtionem fuisse docet ex scholiaste Sophoclis. Suam itaque sententiam ut defenderet Androtion, asseruit ex Thracia omnis culturæ experte eiusmodi quid tum proficisci non potuisse. Omnem ergo eruditionem & sapientiam Thracibus haud dubio denegavit: si enim de litteraria, ut ita dicam, eruditione, non de sapientia hoc intellexisset, nihil sane hoc fecisset ad eius causam. Namque qui sapientia pollent, ut litterarum rudes sint, salubrium institutorum & sacrorum rituum, cur esse auctores nequeant? ego quidem non video. Atque ita Androtionis testimonium magis, fateor, nobis aduersabitur, qui sapientissimum fuisse virum Orpheum credimus: sed causam ipsam tamen non conficiet. Prima enim cum Aeliano dicimus, tantam eius non esse auctoritatem, ut eius fide hic standum sit. Deinde palam est, affectu in patriam abreptum eum

eum eiusmodi quid commentum esse. Non enim satis Græcis honorificum esse putauit, si profiterentur ab homine Thrace se aliquid accepisse. Ex quo hominis vanitas satis elucescit.

§. XIII. Sed ad Huetium reuertimur, qui quicquid de Orpheo dicitur, id mutato nomine de Mose narrari sibi persuadet. Ego ingenium & doctrinam Viri semper admiratus sum, & adhuc admiror, iudicium in eo requiro. Pleraque enim argumenta quibus euincere cupit sub mythologia Græcorum latitare Mosē, tam ieiuna sunt, tam frigida, ut cordationibus grauedinem moueant atque tussim, tantum abest ut credam ad impios convincendos eum multum hac ratione profecturum. Elumbis etymologia, leuissimæque similitudo, utramque hic faciunt paginam. Sic ut Orpheum eundem esse cum Mose probet, argumentum primum ex temporis desumit conuenientia. *Tempus*, inquit, *conuenit, nam ponitur Herculi equalis, Iosue videlicet, ministro Mosi. Coeui ponitur & Aristæi, & Musæi, & Persei & Liberi, quibus omnibus Moscs unus adumbretur.* Ast primo temporum rationes hic nondum adeo expeditæ sunt, ut tam audacter hæc affirmari queant. Suidas enim sub iudiciis eum claruisse diserte autumat: ἐπὶ τῶν παρὰ Ἰσθαίοις κριτῶν Ὀρφεὺς ἐγνώρι-  
ζετο

ζετο σοφὸς ἄριστος γινόμενος καὶ πολλὰ μυ-  
 θήρια διδάχθεις. *Sub Iudaeorum Iudicibus Or-*  
*pheus clarus erat utpote philosophus prestantissi-*  
*mus & multorum mysteriorum peritissimus.* De-  
 inde, quam multa hic vir doctissimus assumit,  
 quæ æque incerta sunt ac illud quod proban-  
 dum suscepit! Herculem videlicet Iosua  
 esse, Aristæum, Musæum, Perseum, Liberum,  
 Mosen. Equidem probare hoc alibi voluit,  
 sed argumentis non certioribus: ut tandem  
 tota res in meros ingenii lusus, & leuissimas  
 abeat coniecturas. Eiusdem commatis &  
 illud est, quando dicit: *Arcadem fuisse putant*  
*nonnulli, quod & de Mercurio & Pane traditum*  
*est, quorum uterque Moses est.* *Thrax tamen fuisse*  
*vulgo creditur: Mercurium enim, quem Mosen esse*  
*constat ex superioribus, sacra in Thraciam pene-*  
*trasse, docuisse mihi videor.* Nimirum Pan &  
 Mercurius fuerunt ex Arcadia, ergo & de  
 Mose hoc dici potest, ergo Orpheus est Mo-  
 ses? item: Mercurii sacra in Thraciam pe-  
 netrarunt: Ergo Moses Thrax potuit dici:  
 ergo Orpheus est Moses? Quid ineptius dici  
 poterat? Sed mitto reliqua.

§. XIV. Sed ad philosophiam Orphei acce-  
 dimus. Vbi id quidem statim profitendum  
 est, occasionem hæc commentandi mihi præ-  
 buisse V. Cl. Andreæ Christianum Eschen-  
 bachium, cuius Epigenes de poësi Orphica in

pri-



priscae Orphicorum carminum memorias  
liber commentarius, Norimbergæ hoc anno  
prodiit. Is ita in hoc argumento versatus  
est, ut & acre iudicium, & profundam recon-  
ditamque eruditionem omnibus satis proba-  
verit. Proinde & vestigiis eius insistemus,  
summa Orphicæ philosophiæ capita, quæ ipse  
singulorum Orphicorum, quorum aut tituli  
aut fragmenta ad nos peruenierunt, argumen-  
ta indicando, vberius explicauit, indicaturi.

§. XV. Recte autem vir doctissimus in præ-  
fatione docuit, errare eos qui Græcos Or-  
pheumque omnia a Barbaris accepisse con-  
tendunt, cum nec Græcis nec Barbaris men-  
tem rationemque natura denegauerit, qua ad  
rerum quæ nobis quotidie se offerunt, accu-  
ratiores inuestigationem uti potuerint. E-  
nimvero cum nimium Græci sibi tribuerent,  
Patres quidam, recentioresque nonnulli qui  
Patres imitantur, in alterum extremum dela-  
psi sunt & Barbaris nimium dederunt, cum  
vtrisque quædam debeantur. Vellem ta-  
men ut auctor doctissimus ab iis quæ ratio-  
ne sola inuestigari possunt, sedulo discreuisset  
ea quæ per *traditionem* nobis innotescunt.  
In his enim ad eas maxime gentes respici-  
endum est, quæ antiquitate alias vincunt, eo-  
que ad primum traditionis fontem propius  
acceserunt. Eas autem quas Barbaras vo-  
camus,

camus, præfertim Asiaticas hac præ Græcis gaudere prærogatiua, nullum mihi superest dubium. Accedit & alia Barbarorum prærogatiua, quod traditionem magis incorruptam seruauerint, quam Græci, qui suis rationationibus eam mirum in modum deprauarunt. Vnde iam pridem viri docti iudicant, post Platonis tempora veræ & priscae philosophiæ vestigia apud Græcos prorsus euanuisse. Ad Orphicam autem philosophiam quod attinet, aut me omnia fallunt, aut pleraque eius capita ita comparata sunt, ut traditioni potius, quam rationationi innituntur. Id autem rectissime ab autore docetur, Orpheum ritibus atque ceremoniis sacris sapientiam suam occultasse, quam cum prodere alii atque proferre in lucem auniterentur, extitisse nonnullos eosque genuinos Orphicæ doctrinæ alumnos, qui præcipua philosophiæ huius capita scriptis itidem configuare, in animum induxerint, carmine tamen & fabulis ea tegentes, ut & sic auctoritas & veneratio illis conciliaretur. Cumque Orpheo omnia tanquam primo auctori merito imputarent, sub Orphei quoque nomine omnia illa carmina legi voluerunt. Hæc causa, cur Orphei nomen multis deinde impositum sit, omnibus scilicet illis qui doctrinam Orphicam in lucem proferebant, commemo-

ren-

renturue Orphei Brontinus, Prodicus, Chius, Zopyrus Heracleota, Cecrops Pythagoræus, aliique.

§. XVI. Inter scripta Orphei primo loco commemorantur τελεταί, quas clariorem quandam expositionem τῶν ἱερῶν λόγων, arcanorum sermonum, tum forte etiam ordinem & apparatus, quo sacra mysteria, initiationes, &c. peragenda essent, continuisse, haud improbabili coniectura autor suspicatur. Etenim recte obseruat, antiquissimos Græciæ sapientes suis mysteriis, τελεταῖς, *Orgiis, Ceremoniis, Initiis*, &c. nihil aliud sibi voluisse, quam vt sub hisce symbolis sacrisque ritibus atque ceremoniis narratiunculisque grauissima theologiæ ac philosophiæ suæ capita occultarent. Huc itaque & voces mysticas, totque arcana verba, non nisi *μυσταγογοῖς* aut *ἱεροφάνταις* & summis sacerdotibus intellecta fuisse comparata. Cumque in vniuersa illa sacra Admissorum turba varii & diuersi essent personarum gradus: *Initiati, Mystæ, Epoptæ, Sacrorum ministri, Sacerdotes*, solis tamen *Hierophantis*, aut si vel maxime fortassis aliis, non tamen nisi *sacerdotibus* sensum arcanorum fuisse introspectum. Quem qui acceperunt, proprio nomine τελεταί appellabantur, doctrina vero ipsa, siue scripto contenta, siue ore tradita fuerit, τελετή aut τελεταί.

(6)

X

§. XVII.

§. XVII. Atque hæc dum mecum cogito, videre mihi videor veram rationem, cur in gente quoque Ebræa, sub sacris ritibus & ceremoniis sublimiora doctrinæ coelestis capita fuerint occultata. Equidem alibi iam docui, forte sapientes Ebræos Mosén insecutos, more aliarum gentium orientalium hos ritus in Symbola arcanioris doctrinæ conuertisse. Sed dum mecum expendo, antiquissimum fuisse huncce morem sacris ritibus & ceremoniis dogmata arcaniora tegendi, nullam video rationem cur non & Moses eundem usurpare potuerit. Præterea, cum ista dogmata, quæ hisce ritibus occultabantur, sine dubio per traditionem, forte ab ipsis Ebræis in Orpheum fuerint deriuata, non temere quoque omnia reiicienda esse, facile quis concefferit. Nec causam esse quilibet videt, cur tam male symbolica ista Græcorum sacra audiant Quod vellem, vt is secum expenderet, qui de re Hieratica veterum aliquid commentari haud ita pridem pollicitus est, saltem eo consilio, vt Fanaticismum & Enthusiasmum ex hoc demum fonte accerferet. Vellem, inquam, magnopere, vt hoc secum expenderet, ne veterum Ebræorum doctrinam in Enthusiastas, quos vocat, deriuando, illorum causam confirmet potius atq; defendat, quam euertat. Ceterum grauissimos accessisse deinceps abusus in hisce sacris, non  
abnuo

abnuo. Inter quos haud infimus fuit, quod plerique solis ritibus vim animas ad feliciores sedes post mortem transferendi tribuerent, cum de animi puritate & virtute, ad quam tamen vel maxime hæc sacra comparata erant, minime essent solliciti. Quam hominum stultitiam ideo riserunt philosophi. Sic de Antisthene Diogenes Laërtius: *Cum aliquando Orphicis mysteriis initiaretur, diceretque Sacerdos; eiusmodi initiatos bonis plurimis apud inferos perfrui, cur igitur, ait, ipse non moreris? p. m. 318. edit. Amstelod. Meibomij.* qua in re genuinam moderni Christianismi faciem videre mihi videor.

§. XVIII. Sequuntur Θεωνισμοὶ μητρώοι καὶ βαρχικά. Et ad Cereris quidem sacra quod attinet, summa doctrinæ arcanæ, quæ iis tegebatur, iuxta Auctorem huc redibat: *Animam humanam*, quam *Coren* vocabant, ex primo illo & vberissimo limpidissimoque & purissimo *Mundanae Animæ* (Iouis) fonte, per *Sidereæ Animæ* (Cereris) traducem in inferiora hæc corpora deriuari, magno consensu docebant veteres. Hæc (anima humana) teneros carpit flores (ita fabula de Core docet) h. e. virginali simplicitate καὶ ὁλῆς, qua parte cælum contingit flore capto, tota mente in ὁλῆν istam fertur, Pluto (*Materia sublunaris*) istam Coren materialis cogitationis pondere iam graua

tam, occupat, secumque per *septem sphaerarum sylum* & denique *turbidissima materia sublunaris Oceanum* deuehit in speluncam, inferorum carcerem, *corpus humanum*. Ibi Proserpina imperium in inferos exercet, i. e. in hoc tenebricoso corporis regno, anima regina cupiditatibus corporis frena iniicit, legesque præscribit. *Ceres* autem (*anima sidera*) *Coron* suam, dilectissimam sui partem, accensis facibus per orbem vniuersum sollicita quaerit, i. e. omnium siderum suorum vim colligens & indefesso cursu circa terræ orbem, rotata, omnia in hominem ob suam *νόησιν* sollicite confert. Et denique illam cum corpore suo tam arcte coniunctam & connexam deprehendens beneficam se huic quoque præbet, frumentique vsum quo maxime corpus sustentatur, docet. Ergo tota hæc fabula eo spectauit vt homines *principia & initia vite sue* cognoscerent, tum etiam vt ex *agresti immanique vite* excolerentur ad *humanitatem* & mitigarentur, vt *legum, mansuetudinis, humanitatis exempla* inde haurirent atque deducerent. Atque vt huc tota fabula comparata fuit, ita sacrorum ritibus idem fuisse indicatum, Auctor prolixius ostendit.

§. XIX. Ad *Βακχικά* autem seu Dionysiacæ sacra quod attinet, ea innitebantur fabulæ de Dionysio puero a Titanibus misere la-  
cera-

cerato atque discerpto: Cuius membra cum Iupiter, fulmine percussis Titanibus, Apollini, fratri Dionysii, sepelienda commisisset, corde interim a Pallade surrepto & asseruato noua *παλιγγενεσία* rursus emerfit, pristinaeque vitæ & integritati redditus, Deorum numerum deinceps impleuit. Hæc ita ab Auctore explicantur: Anima mundi, quæ a summo illo Ente quod τ' Ἄγαθόν dixere, τῷ λόγῳ subdita & subiecta est, *Iupiter est*: illa facultas animæ huius mundanæ, quæ ὕλην seu materiam vegetat, *Dionysius est*: Titanes *Dæmones* sunt, naturæ ex veterum opinione subministrantes: *Pallas, Iouis* seu *animæ mundanæ* prouidentia est, *Apollo, Dionysii* frater, *Mens cæli*. Quæ si rite ad hoc institutum accommodentur, patebit, veteres, hoc indicasse, animam dum per ὕλην seu materiam suam eiusque membra diffunditur, mori, velut lacerari atque discerpi dum a dæmonibus in materiam attrahitur: in hoc statu autem, dum corpori, cui copulata est, vitam dat atque calorem, prouocare eam prouidentiam Iouis h. e. animæ mundanæ, qui *Dæmonas fulminat* h. e. ad alta conuertit, & *Apollini membra Dionysii sepelienda tradit*, h. e. vt animæ ministerio suo in corporibus fundæ iterum cum toto suo vniantur, postquam cor Dionysii, seu nobilissimam animæ partem *Pallas, seu prouiden-*

dentia animæ mundanæ sartum tectum conseruauerat. Ex qua restitutione renascitur Dionysius. Innuebant itaque hisce mysteriis, totius huius vniuersi constitutionem, vitam, vitæque huius omnem dependentiam, processum, ordinem & rationem. Quo pacto ad nostræ quoque animæ descensum in corpus, & post perfecta ibidem fata sua in cœlum ascensum hæc pertineant, ibidem exponitur.

§. XX. Sequitur κορυβαριαὶον, quo mundi genesis & originem olim designatam putat. Nimirum vniuersum a mente illa ἀντιστρεφῶν producendum, velut parentes accepit *tempus* & *locum*, in quibus originem suam inueniret. Materia, ex qua fieret sunt: *Aether*, *Nox*, *Chaos*. Modus consistit in vario motu & separatione horum principiorum, dum æther cum Chao & nocte permixtus & agitatus non sine fragore & tumultu erupit, noctem delevit, & supernas sibi sedes vindicauit, Chao interim tamdiu agitato, donec cuncta in ordinem redigerentur & tandem inde Anima mundi, siue Natura tacite emergeret.

§. XXI, Atque in hisce omnibus, quæ hactenus exposuimus, nihil fere nisi pugnae, contentiones, tumultus conspiciuntur. Quæ arte itaque, qua interueniente potestate, non solum hæc, sed omnes omnino, quotquot sunt in vniuerso ἐναντιώσεις, & ἀντιθέσεις ita inuicem



cem conciliari & ad concordiam redigi potuerint, ut vnum vniuersum constituerent, id vero, in libro cui titulus: *πέπλος καὶ δίκτυον*, Orpheum exposuisse Auctor opinatur. Potestatem hanc siue virtutem cuncta vniendi & in concordiam redigendi veteres Deum fecerunt, appellaruntque *Ἀθηναῖον* seu Minervam.

§. XXII. Univerſum hoc, ut iu omnibus ſuis partibus vivere, vitamque eam ordinatam harmonicam & concinnam pergere poſſet, Orpheus omnia diis replevit magno illi *δημιουργῶ* Totius, ſubjectis & ſubordinatis: hinc illi in Univerſo duplex mundus: *Νοητὸς*, *Ἀιθερτὸς*, hinc tres *δημιουργίαι*: *δύος διονυſιακῇ*, *Ἀδωναικῇ*, & inde multæ & tantum non infinitæ Deorum *τάξεις* & differentiæ. Singulis Diis ſingula agmina Angelorum, Dæmonum, Heroum addixit, quibus itidem Deorum nomen dedit. Quoniam vero Deorum actus ſimplices ſunt, nec orbem aut centrum ſuæ divinitatis propria natura excedunt, alias minores divinitates ſingulis ſubiunxit & aſſociavit Orpheus, cum quibus Dii inſimul agerent, ut hæ illorum actus ſuſcipiant, illosque deinceps in inferiora derivandos diſpeſcant & diſcernant, Cuius rei cum ſimile quiddam in diverſo mortalium ſexu deprehendiſſet in diis quoque ſexus differentiam obſervari voluit, ut alii Mares cenſeantur, alii

Fœminæ; Atque huc spectavit Orphei liber:  
*περὶ διὸς καὶ Ἥρας de jove & junone.*

§. XXIII. Vt animæ mundanæ originem & productionem veteres cum Orpheo docerent, ita philosophati sunt: Nōq; ille primus & absolutissimus mundum producturus tria invenit principia: Aethera, Chaos, Noctem. Cumque Aether & Chaos contraria sibi que repugnantia principia essent, ante omnia ea sibi inuicem conciliavit Auctōr mundi. Ex horum mutuo complexu *ingens ovum* productum est. Quod cum a Nocte excluderetur, in binas partes disruptum est, *superiorem* seu puriorem, quæ sursum lata, & *inferiorem* seu crassiorem quæ subsedit. Has partes etiamnum sibi contrarias, vt coniungeret arctius *δημιουργός, τὸ πῆρας* (quod in parte superiore continebatur) & *τὸ ἄπειρον, τὸ ἀμείριστον & μεριστόν* in ovo tanquam cratere ita commiscuit ante eius disruptionem, vt in eius exclusione novus inde prodiret Deus *Phænex* dictus, ideas *δημιουργικάς* orbi infusas hoc ipso designantes: quem cum alius Deus, deglutiivisset, prodiit inde *anima mundi* Iupiter dicta, omnes ideas *δημιουργικάς* in se complexa & contraria sibi que repugnantia principia etiam uniens. Atque ita de *Cratere maiori* philosophantur, similia de *cratere minore* excogitantes, vt *fontem animarum particularium* indica-

dicarent: idque argumentum fuit libri Orphici *κρατῆρες* dicti.

§. XXIV. *Θεογονίαν* apud veteres sapientes nihil aliud, quam rerum naturalium, præfertim mundi huius inferioris, causas, earumque ordinem, actus, & operandi modos significasse, quanquam simul etiam vitia virtutesque hominum hoc commento texerint, positum apud plerosque est extra controuersiam. Vnde quid & Orphei *θεογονία* sibi voluerit, haud difficili coniectura intelligitur. Ordinem autem quem in sua *Θεογονία* Orpheus obseruauit, pluribus accuratiusque Auctor edisserit. Nec obscurum alicui esse potest, quid *ὠσφυτικά* & *ὠσσκοπικά* Orphei sibi voluerint. Ad *κοσμογονίαν* adumbrandam hæc erant comparata. Qua quidem imagine non figuram modo mundi, sed etiam formam internam & modum originis eum indicare voluisse, iam pridem obseruatum est sapientibus. Cur Orpheus in hanc venerit sententiam, vt mundo formam oualem tribueret, ex intimioribus philosophiæ huius recessibus Auctor arcescit. Omnem mentem figura circulari concepit Orpheus. Sed dum anima mundana in materiale corpus sese tendit ac demisit, a pristina sua forma tereti in formam coni aut oui vt desineret, necesse fuit. Sed hæc paucis indicasse sufficiat.

§. XXV. Atque cum hæc præcipua Orphicæ philosophiæ sint capita, reliqua nunc vno complectemur fasce. Deos colendi sacrificiisque eos placandi rationem suos edocuit itidem Orpheus. Atque hoc sine dubio argumentum fuit librorum: *Θρηπολικὸν ἔ σωτήρια*. Effatis sapientissimis & multum ponderis habentibus ad virtutem ac honestatem eum suos erudiuisse, nemo quoque dubitat. Sapientum quoque effatis cum quædam velut vaticinia interspersa quandoque essent, oraculorum hinc fluxit superstitio. Orpheum eiusmodi effata seu *χρησμοὶς* reliquisse, certum est, quos magna religione exceperint Græci: id vero dubium, an *χρησμοὶ*, qui post Onomacriti ætatem sub Orphei nomine innotuerunt, verum hunc & antiquum Orpheum auctorem agnoscant. Deorum nomina scire magna olim sapientiæ pars erat. Mirifice in ea excelluit Orpheus, vt ea Græcos etiam edocuerit. Atque huius forte sapientiæ præcipua capita liber exhibuit, cui titulus fuit: *Ὀνομαστικά*. In *ἱεροῖς* autem *λόγοις* secretiorem de Deo rebusque Diuinis doctrinam paulo apertius & sine inuolucris eum tradidisse, admodum est verosimile. Horum equidem insigne aliquod fragmentum, sed mirifice interpolatum hodiernum extat. Ad naturalium quidem rerum scientiam multa  
ex

ex hætenus dictis spectant. Non male tamen coniiciunt, qui in τοῖς Φυσικοῖς eandem ab Orpheo tractatam existimant, ea tamen ratione, ut diuina cum naturalibus, more sibi antiquissimisque philosophorum recepto coniungeret. Siderum naturam, motumque eum tradidisse, eo minus dubitandum, quod Græcos ab eo hanc scientiam accepisse, multi diserte tradant. Librum sub titulo: Ἀστρονομία posteris eum reliquisse, Suidas quoque auctor est. Astrologiam iudiciariam adiungebant plerique Philosophi veteres. Nec eius expers fuit Orpheus, quandoquidem modum futura διὰ δώδεκα ετηρίδων prædicendi eum docuisse & scripto reliquisse, veteres tradidere. Cum vero sapientum esset, quavis ratione hominum generi prospicere, a munere suo haud alienum esse putarunt, agriculturæ quoque rationem mortales edocere. Huc spectant variorum libri sub titulo ἔργα καὶ ἡμέραι editi, cuiusmodi & Orpheum reliquisse constat. Eodem spectat ἀμνοκοπία Orphei, qua rei pecuariæ prudentem translationem mortalibus monstrauit: ut & liber περὶ βοτανῶν, in quo de herbarum natura viribusque præcepit. Denique & de animarum post mortem statu, felici quidem illo ac beato si honestatem sectati fuissent, dum viuerent, Græcos eum erudiuisse, manifestum est, idque

que vberius ab eo expositum, in libro: *εἰς ἀδὲς κατὰ θάλασσαν*, vel ex ipso titulo haud difficulter aliquis intellexerit. Qui vero sub titulo: *Τετραγμὸς* circumfertur liber, in quo de numeri ternarii mysteriis differitur, eum perperam Orpheo tribui Auctor ostendit: Licet Orpheum numeris quoq; arcaniora doctrina capita tegere consueuisse haud abnuat, imo fateatur Pythagoram hanc rationem per numeros philosophandi ab Orpheo accepisse.

§. XXVI. Hæc summa est Orphicæ philosophiæ. Quam cum adeo accurate Auctor doctissimus exposuerit, nihil addere aut potuimus, aut volumus. Non nescio pleraque conjecturis inniti. Sed hic non nisi coniecturis locus est. Isque rem quam optime expediuit, qui coniecturas verosimilimas attulit. Id quod Auctorem fecisse, salvo aliorum iudicio, existimo. Operæ autem omnino pretium fecit, Orphicam hanc philosophiam in lucem reuocando, cum nunc demum veri Pythagoræ ac Platoniciæ philosophiæ fontes omnibus pateant.

## OBSERVATIO XXX.

## DISPUTATIO CONTRA EXPERIMENTA PRO PROBANDA GRAVITATE AERIS INVENTA.

Σύνοψις.

**M**onita quedam de autore observationis & occasione, qua observationem illam transmissit

§. I.

§. I. & II. Promittit & alias observationes, quarum index recensetur §. III. & IV. Mundum erroribus esse repletum ac falsum esse, quod Philosophi moderni superent antiquos §. V. Autoris propositum adversus jactantiam modernorum de gravitate aëris §. VI. & VII. Experimentum Autoris de duobus tubis vitreis, §. VIII. quorum minor & angustior, sed crassior aëre saltem repletus in vero orificio immisus tubo longiori & ampliori aqua repleto, sua sponte fundum petiit, aqua vero maioris tubi aërem minoris compresfit. §. IX. Contra si tubas minor ita immisteretur maiori, ut orificia sibi responderent, & utrumque vitrum inverteretur ut utrumque in cavitate manus quiesceret, nulla compressio aëris in minore fuit observata. §. X. Donec foramen in capite tubi cera oblitum aperiretur §. XI. Inde Autor infert 1. carentiam aëris in vitro, & veterum fugam vacui esse causam, quod in illo secundo experimento cesset compressio aëris §. XII. 2. esse meram hypothesein Philosophorum noviorum, gravitationem aeris esse causam cur ascendat aqua in antlia, puteorum, & ibi suspensa maneat §. XIII. Responsio ad instantiam dissentientium, excluso a tubo aere descensum ei & gravitationem adimi §. XIV. Transitus ad aliud experimentum §. XV. Ipsam scilicet quotidianam exantlationem aëris in antliis puteorum, ex qua similiter fugam vacui veterum putat probari autor. §. XVI. Argumentum Wallisii contra fugam vacui veterum, quod per exantlationem aëris non possit effici, ut liquida sur-

*furgant ad quamcunque altitudinem &c. §. XVII. Ad quod respondetur (1.) veteres non dixisse, veterum fugam vacui facere vacuum & illud replere, sed aquam eleuari propter fugam vacui. §. XII. 2. noluisse, quod res, quæ vacuum effugiat, habeat vires in infinitum §. XIX, Absurdum igitur, ad quod sententiam veterum de fuga vacui deducere voluit Wallisius, tantum in cerebro modernorum fuisse natum. §. XX. Secundum argumentum Wallisii, contra leuitatem aëris §. XXI. Ad quod item respondetur ostendendo, Wallisium non recte inferre. §. XXII. At falso supponere, in sphaera unum punctum extremae superficiei esse artius altero, §. XXIII. Item falso supponere quod aër si levis sit semper debeat & quidem in linea recta sursum ferri, §. XXIV. Boylei experimentum ad monstrandam gravitatem aëris, quod appellat Barometrum staticum §. XXV. Ostendit Autor, Boyleum committere fallaciam non cause. §. XXVI. Inanitas observationum Boylei. §. XXVII. Multitudinem errantium non parere errori patrociniū §. XXVIII. Non fugam vacui, sed naturam, h. e. Deum in creaturis manifestatum, esse causam attollentem aquas ad replendum vacuum §. XXIX. Causam cur fluidum in tubis barometri modo adscendat, modo descendat, esse calorem & frigus extra tubum. §. XXX. Barometrum nil esse aliud, quam thermometer repletum Mercurio loco spiritus vini. Inuentum hoc & antiquum & non multi vsus esse. §. XXXI. Obiectio, quod*



*nec autor aliquid noui memoratu digni inuenerit.*  
*§. XXXII. Responſio, ſatis eſſe, quod veritatem anti-*  
*quorum ex puteo extraxerit, & quod tamen velit*  
*nouum inuentum ſuppeditare tollendi aquam ad*  
*altitudinem quamcunque motu naturali & perpe-*  
*tuo §. XXXIII. 3. illatio ex experimentis prece-*  
*dentibus: quod aër, quia cum vehementiis in tu-*  
*bum mercurio repletum adſcendat, non habeat pres-*  
*ſionem & grauitatem, ſed potius leuitatem §.*  
*XXXIV. 4. falſum eſſe, quod ſecundum neotericos*  
*corpora fluida in loco ſphaera ſue grauitent. §.*  
*XXXV. 5. falſum item eſſe, quod fluida extra*  
*ſpharam ſuam eleuata ad eam hoc modo deſcen-*  
*dant, vt per lineam rectam depriment, quicquid*  
*ſub iis inuenitur, & eleuent, quicquid eſt ad eorum*  
*latera. §. XXXVI. Occaſio obſervationis, qua au-*  
*tor deductus eſt ad nouum inuentum tollendi a-*  
*quam, quouſque quis velit. §. XXXVII. Puteus*  
*eum in ſinem ab autore confectus, cuiusque deſcri-*  
*ptio. §. XXXIIX. Alie obſervationes, ad extructio-*  
*nem putei neceſſariae. §. XXXIX. Effectus putei ita*  
*conſtructi §. XL. I. II. III. Vſus ulterior obſervationum*  
*ſuperiorum in aliis quaſtionibus phyſicis §. XLIV.*  
*Excusatio Autoris, quod non correcte ſcribat in*  
*idiomate Gallico. §. XLV. Concluſio §. XLVI.*

## §. I.

**Q**Uatuor autquin que anni elapſi ſunt,  
 cum ab amico, qui ex vicina vrbe qua-  
 dam huc excurrerat, mihi narraretur,  
 quod ſocium habuiſſet in itinere, eo-  
 dem

dem publico vehiculo vtentem, hominem peregrinum, sed qui de variis iisque tam politicis quam physicis quæstionibus eruditè, sed liberrime & non secundum principia vulgaria disseruisset. Cum igitur rarum sit, in Academiis Germanicis eiusmodi homines libertate philosophandi cum iudicio vtentes videndi, & ego qui discendi cupidus ero, etiam, cum iam alterum pedem in sepulcro habebam, sperarem me meæ discendi siti non melius satisfacere posse, quam si peregrinum hunc adirem, accessi in diuersorio & ad colloquium aliquot horarum inuitaui. Deprehendi vero virum incognitum quidem, & qui, & si sub specie fiducia se Anglum natione, mercatorem professione, Portugallum domicilio esse, & O. H. cognominari diceret, tamen, nescio quis alius esse videretur; deprehendi, inquam, virum & rerum in Europa gestarum, præprimis vero Status Britannici & Hispanici peritissimum, & in philosophia etiam naturali singulariter eruditum.

§. II. Cum igitur de variis rebus collocuti essemus & mentio incidisset hypotheseon physicarum nouæ Philosophiæ corpuscularis & experimentorum de grauitate aëris Cartesio - Boylianorum, multa ipse contra disseruit, & ad experimenta etiam prouocauit. Senti equidem ex discursu, quod defendere  
vel.

vellet hypothefes Aristotelicorum aduerfus Cartesianos, & quod à me, qui ex aliis principiis à Cartesianis dissentio, in propositionibus fundamentalibus in alia omnia abiret, sed non potui tamen eius mentem distincte percipere, potissimum, quod ad experimenta mihi nondum cognita prouocaret, vnde petii, vt mihi, sicubi otium superesset, suas meditationes aliquando distinctius communicare vellet, quod & humaniter pollicitus est, ac post aliquot menses per amicum Lipsiensem transmissit obseruationem, quam dignam duxi, vt in obseruationibus his selectis compareret.

§. III. Misit vero ad me duas plagulas in forma octaua Hagæ Comitis impressas, ex quarum titulo appareret, quod eruditus autor, quisquis sit, alias quoque meditationes tam ad Theologiam, quam ad Philosophiam, naturalem & plures alias scientias pertinentes operi illo destinasset, & apparebat etiam in frontispicio tituli, quod nomen eius sit *le Sieur du Mont*. Sed quemadmodum certo persuasus sum, quod Autor noster plane sit alius a viro eius nominis Clarissimo, qui Itineraria sua non ita pridem in idiomate Gallico publicauit, & præterea etiam multas rationes habeo, credendi, quod ipse nomen & statum suum nescio quam ob causam dissimulet, ita suspendo etiam iudicium meum, an id verum sit Autoris nomen. Nec nostra id refert,

quia non videndum est, quis dicat, sed quid dicatur. Credo etiam, quod reliquæ observationes nondum sint publicatæ, & quod forte Doctissimus Autor eas adhuc dum suppressere velit. Nam in fine huius observationis impressum erat: *Fin de ce premier Essai*, nec aliud quisquam in ista plagula secunda comparebat, etsi integrum folium chartæ vacuæ superesset, in qua saltem initium meditationis secundæ potuisset comparere, si Autor in animo habuisset, quod & illud statim vellet edere.

§. IV. Communicabo tamen & titulum & indicem observationum, qui post titulum in altera folii facie legitur. Titulus ita se habet: *Quelques Essais du Sieur du Mont, tant en la Theologie, qu' en la Science naturelle, & plusieurs autres Sciences, pour montrer, que les modernes ne les ont point avancées. A la Haye de l' Imprimerie de David Roger. M. DCC. Index vero tentaminum sequens est* 1. *Que la gravité de l' air, & l' élévation des fluides dans la Pompe, le Tube, & Syphon par elle sont une pure hypothese; & en démontre la cause, & la voye pour élever, & pour faire monter l' eau à la hauteur qu' on voudra, par un mouvement nouveau & perpétuel.* 2. *Des Principes & Fondemens de la Religion Chrétienne.* 3. *Du mouvement de la terre; par la pesanteur de l' eau plus grande en un lieu qu' en l' autre, & la cause des Marées.* 4. *De la fine Politique, pour tous les* Prin-

*Princes Chrétiens. 5. De la première matière minérale & métallique. 6. De la Trinité en Dieu; & comment elle se forme & engendre en l' Unité. 7. De la Circulation du sang; en montre l' erreur, & où Harvé s' est trompé. 8. D' augmenter l' argent courant, le Crédit & le Commerce en tous Etats & Royaumes. 9. Des Docteurs en Médecine, en Droit, en Théologie: étant une Paraphrase sur le chapitre 9. de la Révélation de Christ, ou Apocalypse.*

§. V. Sequitur jam ipsa observatio : On m'a tant rompu la tête des exploits que nos Savans ont fait en ce Siècle ici; de leurs belles découvertes d'une gravité de l' Air; de la circulation du sang, & telles autres choses; bref de leurs avancemens des Sciences & des Arts, que je ne peux plus l'entendre sans dire mes sentimens : Et il m'est dur & facheux de ne voir que des Erreurs, & que le monde aveuglé ne laisse pas cependant de paillarder après elles; mais hait & persécute ceux, qui lui ouvrent les yeux; & qui tâchent à l'amener de son ombre de mort à la vie & la lumière. Si jamais la Vérité défailit, c'est à présent; & si j'mais on vit tant d'Enthusiastes fiérez, qui disent nous la sçavons; Jean 9. 41. & à qui en la motrant, ou même en se départant du mal de leurs opinions absurdes, on se donne en proye, Esaïe 59. 15. je veux bien passer pour

tel. On croit qu'il n'y a qu'à être véritablement sçavant pour être réputé tel, & passer pour habile homme. Mais la faveur, dit le Sage, *Eccl. 9. 11.* n'est pas à ceux qui sont tels. Il faut le génie du monde. Et comme les vrais Sçavans sont illuminez de Dieu, (les Sciences étans des raions de Dieu & de sa lumière) & sont Membres du Royaume de lumière qui furent montrez à Christ, qui n'est pas, dit Christ, *Jean 18. 36.* de ce monde ici ; ils n'ont pas ce génie là & ainsi ne sçachans se faire valoir, ni faire la Cour à ceux qui y regnent, ils n'y partagent avec eux que rarement ces Royaumes qui furent montrez à Christ, dont la Renommée est un ; & n'en ont par conséquent que rarement tant qu'ils vivent.

§. VI. Quand à moi qui n'a jamais encore eu ce génie là, & qui n'en sçai point l'usage ; & qui ai depuis long tems été harcelé par ceux, dont je rejette l'erreur, comme un chien à qui on a long tems tiré les oreilles, perdant enfin patience, je me suis résolu de dire ce que je pense librement en vérité ; sans donner à leurs ténèbres les titres de la lumière, & de donner ces Essais pour essai en temoignage à vérité, pour ceux qui donnent leur bon argent, leur tems, la fleur de leur âge, pour ce qui ne  
fert

sert de rien, qu'à les faire devenir les Esclaves des chimères & des opinions d'autrui.

§. VII. Mais pour ne pas éblovir & prévenir le Lecteur, & ne pas perdre le tems en réflexions ennuyeuses sur le peu de progrès qu'on a fait dans les Sciences depuis le tems des Anciens; & sur la bonne opinion que les Modernes ont d'eux mêmes, nonobstant le peu de bien, que le monde reçoit d'eux; & pour parler par effets d'œuvres, & non de paroles; je passerai tout droit au point, aux choses de fait, aux preuves & expériences, qui font ce premier Essai: laissant à ceux qui voyent clair, la liberté toute entière de juger, prendre ou laisser, & tirer la conclusion qu'ils trouveront la meilleure.

§. VIII. Je pris deux Tubes de verre, clos ou fermez à un bout comme ceux des Baromètres. L'un étoit d'un pied de long, & l'autre de cinq ou six; le grand plus large que l'autre, afin que le petit y pût aisément entrer; & ayant en son bout clos ou fermé un petit trou bouché avec de la cire.

§. IX. Ayant rempli le grand d'eau, & le tenant tout droit en ma main la bouche en haut; j'y enfonçai le petit vuide d'eau *la bouche en bas*: & comme ce petit Tube étoit épais

& massif , & spécifiquement , plus pesant qu'aussi gros d'eau , il s'enfonça de soi même ; & descendit peu à peu jusqu'au bas de la colomme d'eau versée dans le grand Tube , non ostant l'air y enclos , qui l'y auroit supporté , ou fait flotter & nager , s'il n'avoit pas été tel ; je veux dire si massif. Et en s'enfonçant dans l'eau on remarquoit , qu'à mesure , qu'il s'avançoit vers le fond , l'eau y entroit & haussoit , y comprimant l'air en moins d'espace & prenant sa place ; & que la colomme d'eau s'abaissoit en même tems à la bouche du grand Tube. En sorte que quand ce Tube fut venu au fond du grand , on y vit un pouce d'eau & plus , à qui l'air enclos , en se laissant comprimer , avoit cédé cette place : & on y vit au haut du grand que la colomme d'eau qui l'emplissoit tout à fait quand le petit y fut mis y avoit laissé du vuide en entrant dans le petit & en baissant dans le grand , environ d'un demi pouce.

§. X. Ensuite , ayant retiré le petit Tube du grand , & ré-empli le grand d'eau , j'y remis le petit Tube , vuide d'eau comme devant , mais plain d'air ; *la bouche en haut* ; & d'abord que les deux bouches se rencontrèrent au niveau , les bouchant avec ma main , je tournai subitement sans répandre ces



ces deux Tubes ensemble, les bouches en bas, & les tins en cet état, renversez, & appuyez sur la paume de ma main, ( que le grand pressoit bien fort ; & qui le bouchoit si bien, qu'il n'en pouvoit rien sortir, ni y rien entrer non plus ; & que la correspondance & la communication entre l'air de l'Atmosphère & la colonne en ce Tube étoit ainsi interdite ) assez long tems pour y faire les observations qui suivent : à sçavoir, que tout le tems que je tins ces Tubes ainsi, on ne vit plus d'eau du tout entrer dans le petit Tube, ni de compression de l'air, par la descente de l'eau, quoiqu'il cet air & ce Tube eussent contr'eux & sur eux toute la même hauteur & masse, & quantité d'eau, qu'ils avoient auparavant ; d'où il paroît, qu'elle avoit perdu sa gravitation & descente contre l'air, puis qu'elle n'en usoit plus ; mais demeueroit suspendue & soutenue dans le Tube.

§. XI. Ce qui ne se pouvant faire par la gravité de l'air élevant, comme on le dit, & soutenant l'eau au Tube en balance & équilibre ; vû que l'air de l'Atmosphère n'ayant nul accès à l'eau, ni action par conséquent, ni opération contr'elle, ne la pouvoit élever, ni la tenir suspendue ; il fallut chercher ailleurs la cause de cette

perte ; cessation & suspension de gravité & descente : & ce au dedans du grand Tube , parce qu'il n'y entre rien de dehors pour la causer ; mais n'y voyant que de l'eau élevée & soutenue en haut , & suspension de gravité & descente ; je fis ouvrir le pertuis qui étoit au haut du Tube , bouché avec de la cire ; pour y laisser entrer l'air , & voir ce qui en viendrait . Et l'on vit que , l'air entrant , l'eau baissa incontinent ; & reprenant sa descente & son mouvement en bas , rentra dans le petit Tube à la hauteur précédente ; & laissa au haut du grand autant de vuide que quand il avoit la bouche en haut toute ouverte & exposée à l'air ou à l'Atmosphere .

§. XII. 1. D'où s'ensuit que , puis que l'eau reprend , quand l'air est admis , sa descente & gravité , & laisse du vuide au haut à la bouche du grand Tube , c'est faute d'air pour remplir ce vuide que la descente de l'eau cesse dans le Tube : & puis que c'est faute d'air pour remplir le vacuum , qui se feroit dans le Tube en cas que l'eau descendît , qu'elle se tient en sa place , & ne la laisse point vuide : c'est pour ne pas laisser vuide l'espace qu'elle remplit ; ainsi c'est de peur du vuide , pour le prévenir & fuir , ou , comme les Anciens parlent , *propter fugam vacui* ,  
 què

quë l'eau perd sa gravité & descende dans le Tube quand l'air ny sçauroit entrer : Et par la même raison qu'elle monte dans la Pompe quand on en épuise l'air, & l'empêche d'y rentrer. Et qu'ainsi les Anciens ont la raison de leur côté.

§. XIII. 2. Il s'ensuit aussi d'ici que l'opinion des Modernes, *que c'est par la gravité & gravitation de l'air que l'eau s'élève en la Pompe, & y demeure élevée*; est une pure hypothèse; qui n'a lieu qu'en la cervelle de ceux qui portans les yeux à l'autre bout de la terre, *Prov. 17. 24. Eccl. 2. 14.* ne sçauroient appercevoir, ce qu'ils ont dessous le nez. Et que ces Innovateurs se donnent bien de la peine, pour montrer aux gens d'esprit combien ils sont *vains* en vain. *Job. 11. 12.* Et qu'en voulant raffiner sur les Philosophes anciens, ils n'ont pas eu le bonheur de rencontrer si bien, qu'eux. Voila le Procès jugé en faveur des anciens Sages : car a cette expérience, qui est une très-parfaite & claire démonstration, que sçauroit-on objecter?

§. XIV. Ce qu'un des Innovateurs de la Société de Londres, & qui est leur Secrétaire à present, y répondit, ne servant de rien du tout qu'à allonger le papier : *Qu'en excluant l'air du Tube* (ainsi qu'il l'est en effet par son bout d'en haut fermé) *on lui ôte sa*  
Y 5 *descen-*

*descente & gravitation sur l'eau.* Car il n'est pas plus exclus en ce cas, ou le grand Tube est appuyé sur ma main, que quand on le tient la bouche trempante dans le stagnum: où on ne met point en compte une telle exclusion, parce qu'il n'y est question que de la gravitation & descente de l'eau seule. Car ce qu'on pourroit conclure de cette exclusion de l'air, en cas qu'on convint de sa descente & gravitation, seroit, non la cessation de la descente des deux, de l'air & de l'eau ensemble, qu'on voit qui arrive ici; mais d'une de ces deux là, sçavoir de l'air seulement. L'eau ayant son propre poids, & gravitation à part, dont elle n'est pas privée par la subtraction de celle qu'on dit que l'air lui ajoûte. Outre que l'air ne pourroit rien ajoûter en ce cas à la gravité de l'eau; parce qu'entrant par le trou qui est au côté du Tube, & non pas en son sommet, qui porte & soutient sur soi la colonne d'Atmosphere, & toute sa gravité; il n'entre pas avec elle, & par conséquent ne peut la communiquer à l'eau. Et comme il entre sans force, librement, & de soimême, il ne se comprime pas en entrant, partant n'a pas le ressort, qu'on lui assigne, à sçavoir égal en force à la pesanteur de l'air. Et on ne peut non plus dire, qu'il entre tout

com-

comprimé : vû qu'il entre tel qu'il est en son état naturel, en sa Sphere & l'Atmosphère. Et s'il étoit en sa Sphere si comprimé, qu'on l'y fait : il feroit toujours du vent ; ou l'air feroit si épais, qu'on ne s'y pourroit mouvoir aussi aisément qu'on fait : & qu'on ne verroit jamais le Soleil & les Etoiles. Combien de paroles oisives pour répondre à ces grands Hommes selon leur Philosophie ! *Prov. 26. 5.*

§. XV. Et ceci pourroit suffire pour vider le différent. Mais parce que toute chose est *confirmée par la bouche de deux ou de trois témoins* ; pour que cette vérité le soit victorieusement, & triomphe du mensonge, & pour ôter au Lecteur tout prétexte de douter ; voici une autre expérience, qui se peut faire à toute heure & par tout où il y a des pompes prêtes à pomper ; que si nos Sages avoient pris la peine de regarder, ils ne se feroient pas mis tant de chimères en la tête.

§. XVI. Cette expérience est la pompe, qu'on n'a qu'à faire jouer. Car en baissant le piston, (ou bouchon, que le vulgaire suppose qui succe l'air, & qui pour cette raison s'appelle en Anglois *sucker*) on voit, qu'il comprime l'air, qui est enclos dans la pompe, & le chassant de sa place le fait sortir par le trou

trou du piston & l'entredeux de la soupape qu'il ouvre. Et en le haussant on voit qu'il laisse vuide l'espace d'où il avoit chassé l'air; Et que l'eau par conséquent (l'air n'entrant pas si vite, que le piston est haussé; à cause que la soupape se ferme, quand on le hausse) y montant pour le remplir, fait comme l'air, sort, entr'ouvre & soulève la soupape, avec la colomme d'air, qui la couvre & est sur elle dans la bouche de la pompe, où elle entre librement; & l'emporte avec son poids, & toute la gravité de l'hypothese Moderne, en l'air, où elle est bâtie. Et on voit, enfin, on voit, quand on le veut regarder, que quant on ne pompe plus, ou ne baisse & hausse plus le piston (qui tire l'air en baissant, & fait le vuide,) l'air rentre par l'entre-deux de la soupape en la pompe; & en rentrant peu à peu, fait tomber l'eau peu à peu, & retourner au niveau de l'autre, qui est au fond: d'où elle ne monte plus, qu'on ne recommence à faire du vuide, & à chasser l'air en baissant & en haussant le piston, comme dit est. D'où il consiste évidemment, que l'eau monte dans la pompe seulement, de peur du vuide; Et que puis que l'eau qui monte & fait ouvrir la soupape, la soulève & l'air avec, (qu'il emporte avec son poids prétendu, comme dit est),

est) elle ne défend point la colonne dans la pompe du poids & pression de l'air, comme les Modernes affirment ; & qu'ainsi ce fondement étant nul , leur hypothèse est fautive & tombe en ruine.

§. XVI. Ce quia donné naissance à cette belle hypothèse est le faux raisonnement de Galilées , Wallis , Boyle , & autres fameux Docteurs & Philosophes modernes, qui trouvant que l'eau ne monte pas plus de trente-trois pieds, & le vif argent pas plus de trente pouces , d'eux mêmes , concluoient par l'argument que le grand D. èteur Wallis étalle en un sien Traité de gravité , en ces termes ; si la „*fuga vacui* est cause que les fluides sont é-  
„levez en des Tubes & des Pompes & Si-  
„phons vuides, elle y doit faire monter ces  
„fluides jusqu'au haut, & les remplir tout à  
„fait , de quelque hauteur qu'ils soient ; u-  
„ne Pompe par exemple devroit tirer l' eau  
„cent pieds , & le Siphon la lever par des-  
„sus les plus hauts Monts. Et les Anciens  
„ne doutoient nullement , *ajoute-t-il*, que  
„cela ne fût ainsi. Et ce fut une surprise  
„& découverte assez grande sur la fin du  
„dernier Siècle , de trouver par experien-  
„ce qu'on ne sçauroit tirer l' eau plus haut  
„de 35 pieds. Et cette expérience seule  
„d'é-

„démontre très clairement que la supposée,  
 „*fuga vacui*, ne peut avoir qu'une force li-  
 „mitée, & non pas une infinie. Ce qui fit,  
 „que Galilée cherchant & considérant  
 „quelle autre raison, que celle de la *fuga*  
 „*vacui*, pourroit bien être la cause que l'  
 „eau monte dans la pompe; très heureu-  
 „sement pour lui il rencontra l' hypo-  
 „these de la gravité de l'air. Et les An-  
 „ciens, s'ils avoient observé, ce que les  
 „nôtres ont bien sçu & découvert, que  
 „l'air a (quoi que très-peu) du poids &  
 „de la pression, ne se feroient pas repûs  
 „d'une raison telle, qu'est cette *fuga va-*  
 „*cui*; mais auroient dit rondement que  
 „l'air a sa gravité; & que par elle, en  
 „pressant sur l'eau & autres fluides, elle  
 „exprime & pousse en haut tout autant  
 „de ce fluide, qu'il en faut pour égaler  
 „en poids & en gravité l'air, dont le  
 „corps est plus ample & étendu que l'  
 „eau n'est.

§. XVII. A quoi par leur permission  
 je répons, en premier lieu, que les An-  
 ciens n'ont pas dit, que c'est *fuga vacui*  
 qui tirant l'eau fait le vuide, & le suit  
 & le remplit: mais que c'est *propter fu-*  
*gam vacui*, par une fuite du vuide, ou  
 pour l'éviter, que l'eau y est élevée.

§. XVIII



§. XVIII. En second lieu, n'ont pas crû, comme nôtre Docteur fait, que c'étoit le *vacuum*, qui tiroit pour se remplir; & qui se fuyoit soi-même; ni que *fuga vacui* vouloit dire que la fuite est dans la chose, qu'on fuit, ni que la chose qui fuit devoit avoir une force infinie en ce bas monde, qui est fini, comme on sçait; ni proportionnée non plus à l'espace qu'elle fuit. Vû que les Anciens étoient douez de sens & raison, comme on voit par leurs Ecrits; & n'étoient pas si stupides que de croire, que le vuide étans la chose, du monde la plus passive & oisive est ce qui agit & tire à soi l'eau pour se remplir; mettre la fuite du vuide dans le vuide qu'on évite; l'action dans le patient; & proportionner les forces de l'action & de l'agent à l'étendue de la chose, contre quoi l'agent agit: bref pour confondre par la finis  $\omega$  & finis,  $\xi$ : & le *terminus à quo* avec *terminus ad quem*. Et puis qu'ils n'en ont rien fait, ce n'est pas non plus leur faute, si nôtre Docteur le fait.

§. XIX. Les Anciens étoient plus simples & moins entetez que nous, & comme en voyant les choses, ils ne jettoient pas les yeux à l'autre bout de la terre, ils en formoient des idées qui leur étoient plus  
con-


conformes . que celles que nous avons. Mais s'ils avoient eu autant de bon sens que les Modernes, ils auroient conclu, sans doute, en la même forme qu'eux, que la *fuga vacui* est d'une force infinie, & agit à l'infini; & ce dans un lieu fini, je veux dire dans ce monde; Que le *vacuum*, qui est la chose la plus passive, agit, attire, & se fuit; Que la, fuite est en la chose qu'on veut fuir & qu'on évite: Et que toute action enfin est toujours proportionnée au passif & à sa fin; & partant que tout fuyard se peut sauver par sa fuite; & tout bon sauteur sauter plus haut sous le Ciel ouvert que sous le toit d'une Eglise, parce qu'il a sous le Ciel plus de hauteur où pouvoir s'élever que sous ce toit. Bref en regardant pomper, ils auroient cherché comme eux le midi à quatorze heures, les *Difficiles Nugæ* découvertes depuis peu: & auroient enfin trouvé, & prouvé en leur tete aussi heureusement qu'eux, la même pesanteur d'air, que nos gens sentent en la leur. Mais ce bon sens leur manquant, c'est pour nos Réformateurs, qui voyent, comme on dit, le monde *sedendo in culcitra*, par la fenetre d'un grenier, qu'étoient réservées ces grandes & heureuses découvertes; c'est à eux, qu'il appartient, de trouver ce nouveau monde

monde, où tout ce qui est contraire à ce qu'ils bâtissent en l'airs, soit pompe, soufflets, syringue, les sens & la raison même, est faux & en a menti: & où l'air, est obligé d'avoir de la complaisance, ou de se mouvoir en bas, & prendre ses ordres d'eux.

*Sed quid ego hac autem nequicquam ingrata revolvo?*

*Quid ve moror?*

Si ces gens prennent à tâche de n'entendre ni la chose dont ils parlent, ni ce qu'ils en disent eux mêmes; ni ce que les autres en disent. Avec tels n'y ayant pas bien des mesures à garder, je prendrai la liberté de leur dire rondement, que s'ils font des découvertes ce sera sans y penser. Dont l'autre argument suivant du même Sçavant Docteur contre la légèreté de l'air, pour sa gravité, est un autre bel Exemple.



„ Si la légèreté, dit il,  
„ est sa qualité positi-  
„ ve, & le principe  
„ par qui il se porte  
„ en haut, ce principe  
„ là doit être, ou une  
„ aversion du centre,  
„ comme *terminus a-*  
„ *quo*, ou une incli-  
„ nation à quelq'autre endroit du cercle,  
„ com-

„comme *terminus adquem* ; si on répond le  
 „premier , *dit-il* , il est vrai, qu'alors B se  
 „mouvra droit de C en la perpendiculaire  
 „C B A &c. Mais si on répond que c'est  
 „une affectation qu'il a de quelqu'autre en-  
 „droit plus haut, comme par exemple d'A.  
 „Il est vrai, pendant que B est droit entre  
 „C & A, qu'il se mouvra droit à A en la  
 „perpendiculaire, C B A, comme il est  
 „dit, étant la plus droite voye : mais s'il se  
 „trouvoit ailleurs, comme à D, son mou-  
 „vement à A ne pourroit alors être perpen-  
 „diculaire en la droite C D E, mais seroit  
 „en ligne oblique C D A. ce qui n'est  
 „pas ; étant tout à fait contraire à toute  
 „l'Expérience.

§. XXII. Mais ce qui s'accorde bien a-  
 vec votre conséquence, Monsieur le Do-  
 cteur subtil ; que C quand il est à D, doit  
 par son inclination au plus haut lieu de la  
 Sphere aller à A, non à E, vû qu'il est tout  
 aussi vrai, que D doit aller à A, pour y é-  
 tre au plus haut lieu, que ce que vous con-  
 cluez, qu'A, est plus haut qu'E, encore que  
 vous les ayez, placez en même circonferen-  
 ce. Si la même Sphere étoit plus hau-  
 te un lieu de sa circonference, qu'en  
 l'autre, vous auriez raison, Monsieur ;  
 mais comme un endroit plus haut  
 que l'autre en une même circonference ne  
 se

se trouve point au monde, il s'enfuit, si l'est ainsi, que le monde n'est plus rond mais ou ovale, ou conique. Découverte à quoi personne, qu'un si excellent Docteur, n'eût certes jamais songé.

§. XXIII. A l'aide Tycho Brahe. Vous Atlas, & Archimedes, prêtez-nous votre Machine & un lieu, où la fixer, pour enlever de sa place cette Calpe & Abyla, ce *non plus ultra*, que notre fameux Mathematicien s'est mis à soi-même en l'air, qui l'empêche de passer, & même (la gravité que j'ai dite être en sa tête étant venue en ses pieds) d'y monter, pour faire ou prendre une vraie observation du monde, où il a vécu tellement comme Etranger, qu'il en a enfin conçu une idée à faire peur; à sçavoir que sa figure est ou conique ou ovale? Belle pensée du grand homme en l'art dont il est Docteur: n'ayant pû depuis le tems qu'il vit, se mettre en l'esprit, qu'il soit rond, qu'il n'y ait point de haut & bas en la sphere, ni de lieu plus haut qu'un autre en même circonférence; & que la circonférence soit également distante de son centre; & qu'ainsi E en soit aussi éloigné, & par conséquent autant le plus haut lieu qu'A; étant (comme il les met) l'un & l'autre en une circonférence, & celle qui est la plus éloignée de son centre.

Z 2

§. XXIV.

§. XXIV. Mais d'où a-t-il découvert que tout l'air doit tendre en haut ; & toujours en ligne droite, à cause qu'il est léger ? Il n'en fait rien, quand il vente, ni quand il neige ( la neige étant de l'air congelé. ) Le mouvement de sa Sphere est en rond de l'Est à l'Ouest, témoin les Brises, qui soufflent toujours entre les Tropiques, où le Soleil, par sa force, rend les vapeurs plus subtiles, & plus propres à circuler ; & où il y a bien moins de Montagnes & autres choses capables d'en retarder & changer le mouvement qu'en toutes les autres Zones. D'abord, que l'air est monté au dessus des autres corps, qui sont plus pesans que lui, & qui sont en l'atmosphère, il est en sa propre sphere, ou il est en son repos ; ou bien suit le mouvement de sa sphere, s'il s'y meut ; quoi que le Soleil en le subtilisant fait qu'il monte au dessus du plus grossier par voye de sublimation, & non par affectation d'un lieu plus haut en sa sphere ; & bien moins par aversion du centre, puis qu'il y tend. Mais quand on voit que l'eau meme réduite en vapeurs s'élève vers le centre, le Soleil, parce qu'il l'attire à soi ; dire que l'air n'en fait rien, mais qu'il monte seulement par sa gravité des corps qui se précipitent en lui, étans

étans plus pesans que lui ; & lui assigner du poids pour qualité positive , c'est être bien entêté ; Il faut avoir pour ce faire l'œil malin par excellence ; C'est le monde renversé ; où en fétirant les yeux on passe pour éclairé.

§. XXV. Un autre fameux Héros de la même République , le Noble Boyle, *sat est*, entre ses exploits, pour faire enrager ceux qui voyent clair, qu'il appelle *Experiments* en a laissé un semblable à peu près aux précédens, à même fin , d'établir une gravité en l'air. Sçavoir de deux larges ampoules pendues à un bout du bras d'une petite balance , & contrepesées à l'autre par un petit poids d'airain ou de quelqu'autre métal. Il appelle cet engin un Barometre statique : *qui ne montre pas*, dit-il, *tous les changemens de l'air qu'on peut remarquer en l'autre* ( qu'il avoit placé auprès ) *mais fait voir ad oculum que l'air a du poids ; à cause qu'on ne peut prétendre ici que c'est fuga vacui qui cause le changement de situation des ampoules, dont il rend compte en ces mots : J'avois le plaisir*, dit-il, *en mettant le bras en branle , d'observer que ces ampoules emportoient leur contrepoids quand l'air étoit haut ( plus rare & léger qu'auparavant ) faisant pancher la languette tout à fait de leur côté : Et que*

quelquefois aussi ( quand l'air étoit plus pesant, ou grossier ) le contrepoids l'emportoit de son côté & élevoit les ampoules tantôt à son équilibre, & tantôt plus haut que lui. Ce qui divertissoit fort un homme de son génie.

§.XXVI. Mais pour ne point mettre en compte son branlement, ( qui fait tout en cet Engin immobile ) quel nez y a-t-il à dire, qu'il faut que l'air ait du poids, à cause que ces ampoules ne haussent & ne baissent pas par la *fuga vacui*; quand par une de ces règles d'hydrostatique qu'il donne dans le même endroit, où il décrit cette expérience, il met en fait, & affirme, que quand on pèse deux corps d'une égale pesanteur, mais de différent volume ou grosseur, l'un contre l'autre, en l'air, ou autre fluide; le plus ample doit hausser ou baisser en ce fluide; plus que l'autre moindre corps, selon que le *medium* est plus ou moins dense ou mince, & supporte & fait hausser ce plus grand corps, & l'empêche de s'enfoncer, plus ou moins; ce qu'il n'a pas eu le sens d'observer, & d'en tirer la conclusion raisonnable, à sçavoir que l'épaisseur, non la pesanteur de l'air étoit la cause que les ampoules haussent alors principalement voyant ce qu'il dit que les ampoules baissent, quand l'air étoit haut; c'est à dire moins pesant; & quand par son  
hypo-



hypothèse de la gravité de l'air, elles auroient dû moins baisser pour lors, que quand il est bas, c'est à dire plus pesant; à moins qu'il ne voulût dire que quand l'air est plus grossier & pesant il est plus haut; Ce qui est aussi contraire à la raison que le reste. L'expérience montrant que l'air condensé s'abaisse; & que quand il devient rare & mince il hausse ou s'étend.

§. XXVII. *On peut, continuë-t-il, faire de très-grands avancemens des sciences de ceci. Comme en premier lieu, qu'au lieu d'un contrepoids d'un metall inférieur, de cuivre, ou plomb, les riches en peuvent avoir d'or. Puis en second lieu, que si ce contrepoids est de plomb, il sera moins sujet à la rouille & au verdet qu'étant de cuivre ou de fer. En troisième lieu, que si cette balante est pendue en une armoire quarrée, avec des vitres aux côtez, elle ne sera pas tant exposée, à la poussière que si on la tient à l'air. Et à tous ces avantages plusieurs autres tels, dit-il, peuvent être de jour en jour ajoutez & inventez, par la considération de la nature de l'air, & de la chose elle même. Sur quoi la prenant enfin en ma considération j'y trouva à ajouter, que cette Expérience étant (1) de Bullis amplissimis; (2) & ab amplissimo \* BULLA authore facta, (3) & considérée en soi avec ces avancemens: mérite bi-*

Z 4

en

\* Bulla est en Anglois Boyle,

en à mon gré l'ample & magnifique titre de  
*ter Bullata Nuge. O fortunatam natam istorum*  
*sapientum moderamine Scholam, ubi qui cum*  
*majori apparatu delirant, acclamantibus cunctis,*  
*Coryphæi vocantur!* Si jamais Dieu fist des fols,  
 c'est bien ceuxci qu'il a faits; vû qu'ils sont  
 au même sens que toutes les grandes choses  
 sont furnommées en la Bible de Dieu, des  
 vrais fols de Dieu! Et qui pis est incurables  
 de leur demangeaison de faire voir qu'ils  
 sont tels.

§. XXVIII. Oui; mais aussi-tôt que cettede-  
 couverte a été faite, tous les Sçavans, dira-  
 t-on, l'ont reçûë à bras ouverts, la suivent  
 unanimement, & rejettent d'un accord  
 l'autre comme ridicule, ce qui est selon  
 Platon un signe de vérité. Chose étrange  
 qu'aucun d'eux avant toi n'ait découvert  
 que c'est une fausseté! Je répons,

Chançon Nouvelle.

*Que les Anes & les Mulets*

*S'entregrattent, s'entregrattent;*

*Que les Anes & les Mulets*

*S'entregrattent, s'il leur plait.*

Si je dis la vérité: & la montre & la  
 démontre, pourquoi ne la crois-tu pas si tu  
 n'es pas un Mulet?

*Tel qu'un cheval ou une mule*

*Qui n'a en soi intelligence nulle, Ps. 32. 9.*

§. XXIX.

§. XXIX. Les trois cens des Quinze-vingts voyent tous également rien. Les gens d'une Religion croient tous la même chose, & sont tous d'une opinion, quelque fausse qu'elle soit. Ceux, qui ont l'esprit bridé ne le peuvent tous ensemble porter aussi loin qu'un seul, dont l'ame est en liberté. C'est toujours quelqu'homme seul, quelqu'un du nombre de ceux que Christ appelle petits, *Matth. 11. 25.* (pour qui on n'a point d'égard, qui découvre des secrets, & qui sauve la cité.

§. XXX. Qui a oreilles pour ouïr, & yeux pour voir qu'il s'en serve : & donnant gloire à celui qui aveugle tellement ceux qui disent nous voyons, *Jean 9. 41.* qu'ils ne peuvent appercevoir des choses, qui sautent aux yeux ; qu'il aprenne enfin ici, que ce n'est pas le piston, ni le vacuum, ni l'air qui tire ou fait monter l'eau ; mais que c'est Dame nature, c'est à dire, Dieu lui-même (*Natura quasi dicas nascitura*, Dieu naissant, ou bien se manifestant *ad extra*, aux créatures ; ) qui pour prévenir le vuide, & pour suppléer à l'air ( dont l'office est de remplir tous les lieux, que d'autres corps évacuent, quand ils en sortent ) fait monter au lieu de l'air dans la pompe & les lieux vuides, l'eau ou tout autre fluide, qui

se trouve interposée entre ce lieu vuide & l'air : non à proportion du vuide, comme je l'ai déjà dit, mais selon l'ordre & les règles établies par sa sagesse, qui ayant tout distribué par ordre, poids & mesure, (le monde est, dit Aristote, *ordo & distributio*) a donné des bornes à l'air, qu'il ne peut outrepasser : & partant ne permet pas que le fluide qui monte au Tube au défaut de l'air, pour suppléer son Office, & pour être son Vicaire, les passe, en montant plus haut dans le vuide qu'il ne fait : vû que s'il montoit plus haut, en plus grande quantité & poids que trente trois pieds (en cas que ce fût de l'eau) & d'environ 30 pouces (en cas qu'il fût du mercure) & s'il remplissoit le vuide tout entier, pour grand qu'il fût, il s'étendrait au de là des bornes de la nature (par elle assignées à l'air,) en cas qu'il fût dilaté, rarefié, & réduit en une consistance aussi subtile que l'air. L'air même, s'il devenoit aussi dense & resserré que le vif argent & l'eau, ne s'étendrait pas plus loin, & ne monteroit pas haut que chacun d'eux fait. D'où vient, que sage Nature, pour obvier à ces deux inconvéniens opposez, d'un vuide, & d'un trop ou plus du corps montant qu'il n'en faut pour emplir l'air, & s'étendre aussi loin

loin & auffi haut, en cas qu'il fût devenu auffi étendu que lui; se partageant entr'eux deux fubvient à l'un & à l'autre, autant qu'elle le peut faire par fon ordre & par fes règles: rempliffant l'efpace vuide en partie, *fecundum quid*, (vû qu'il y reſte de l'air) mais n'y faiſant monter d'eau ou de tout autre fluide qui prend la place de l'air, & en devient le Vicaire, qu'une quantité égale en poids à ce qu'auroit l'air, s'il étoit auffi ſerré & denſe que ce fluide.

§. XXXI. Car quand à ce, qui le fait hauſſer & baiſſer enfuite, après qu'il eſt une fois réduit à ce poids de l'air, ce n'eſt rien, que la froideur & la chaleur extérieüre qui eſt au dehors du Tube, qui condenſe & rareſie, fait s'étendre & rétrecir, l'air qui reſte dans le Tube au deſſus de la colonne; (où quelque peine qu'on prenne pour l'épuifer & tirer, il en demeure toujours) comme on peut aiſément voir en y appliquant de l'eau & du feu l'un après l'autre (ou quelque choſe de froid & quelque choſe de chaud) l'un faiſant incontinent, hauſſer & l'autre baiſſer ou deſcendre la colonne plus haut ou plus bas au tube qu'elle n'étoit dans le tems de ſa première deſcente & reduction à ce poids.

§. XXXII. D'où je dis pour concluſion, qu'  
cett :

cette invention des leur , qu'ils appellent un Barometre , n'est au plus qu'un thermometre fait avec du vif argent au lieu de l'esprit de vin ; Vieille & ancienne invention ! qui ne sert à autre chose qu'à montrer le froid & le chaud ; ou la condensation & rarefaction de l'air , qu'on trouvoit fort bien sans elle. Découverte incomparable des Sages de nôtre Siècle , qu'on ne sçauroit trop payer ; & qui mérite de reste tous les titres & les pensions que les Princes leur en donnent ! Faites-vous rendre vôtre argent , Messieurs qui aprenez d'eux , ils vous trompent impunément. Mais le trompeur , dit Job 12. 16. *& le trompe sont à Dieu.*

§. XXXIII. Mais quel signe montres-tu toi-même , diraquelqu'un ? Quel avancement des Arts & des Sciences fais-tu ? Quelle invention profitable as-tu découverte toi-même ? Que fais-tu plus que les autres, pour prendre, comme tu fais , à tâche tous les Scavans, trouver à redire à tout, détruire & renverser tout ce que les autres bâtissent ; comme si tu étois l'unique vrai bâtisseur , & comme si la sagesse devoit mourir avec toi ? Job. 12. 2. Si tu sçais plus que les autres montre-le par les effets : & réduis ce que tu sçais de théorie en pratique.

§. XXXIV.

§. XXXIV. A quoi je répons deux choses. (1) Que j'ai déjà fait cela, & le veux bien faire encore : que j'ai déjà justifié & montré la vérité; que je l'ai tirée du puits où ces gens l'avoient cachée, & rectifié leur erreur: ce que je vais faire encore, dans les trois choses qui suivent. *La Sagesse est justifiée ( reconnue ) par ses enfans, Matth. 11. 19. & même écoutée des fols, Prov.* Si tu ne peux en voyant & oyant entendre & voir, c'est ta faute & non la mienne. (2.) Et que la génération tortuë & adulteresse demande toujours un signe aux Domestiques de Christ, tout de même qu' à leur Maître, *Matth. 10. 24. 25.* Mais quoi qu'il n'en donnât point quand on le lui demandoit; & que la Tourbe infidelle de nos Sages en soit indigne; néanmoins par complaisance pour ce peu qui ont l'œil simple & ne sont pas pervertis; & pour qu'on voye que la Science n'est pas une chose oisive, & ne gît pas en paroles, & en certains termes d'Art à quoi on l'a veut réduire, mais en œuvres & en vertus, *1. Cor. 4. 20.* & n'est pas comme on la fait, purement spéculative; je veux bien, quoi que très-peu versé dans la Méchanique, leur donner une invention fondée sur l'expérience & sur les observations mentionnées  
en

en cet Essai, pour lever l'eau tant qu'on veut, par un mouvement qui est naturel & perpétuel, à quoi je ne sçache pas qu'on ait encore pris garde.

§. XXXV. Les trois choses qui réfutent & rectifient d'autres erreurs & faussetez de nos Sages, & montrent trois vérités; & qui sont trois conséquences tirées de l'expérience des deux Tubes en cet Essai, ausibien que les deux autres aux pages 7. & 8. sont celles-ci. La première, que l'air, tandis qu'il est air, ou en consistance d'air, n'apoint cette gravité & pression qu'ils lui assignent, mais semble avoir au contraire beaucoup de legereté. Vû qu'on voit, que quand on tire le Tube hors du stagnum, où il est plein de mercure, & on le pend à un clou la bouche en bas, & en l'air, afin qu'il se vuide en l'air; l'air y monte au même tems que le mercure en descend, non seulement de soi-même, mais même avec telle force & impétuosité qu'en montant il fait sauter le tube avec le mercure un pied & demi de haut, en danger de le casser contre le clou ou cheville où on le tient suspendu pour faire cette expérience. Et qu'il va tout droit au tube, plutôt qu'à quelqu'autre part en l'air à l'entour du tube; prouve qu'il n'y monte par la gravité de l'air ou du mercure y tombant  
en



en descendant hors du tube, mais par *fuga vacui* qui l'y fait voler si vite, & y déterminer sa course plutôt qu'ailleurs, à cause du *vacuum* qui s'y produiroit, alors si l'air ne se remplissoit.

§. XXXVI. 4. La seconde, qui détruit une autre des découvertes de nos Sages, (à sçavoir que les corps fluides en leur sphere présentent, ou ont de la pression & gravité sur eux-mêmes,) est, qu'on voit que tout l'effort du poids & de la pression de l'eau enclose au grand tube n'est pas droit sur le petit, ni sur l'eau qui l'environne, & que l'autre a droit sous elle, en la perpendiculaire; mais contre l'air comprimé & enclos au petit tube, en ligne réfléchissante obliquement vers le haut, poussant en haut l'air enclos & le tube qui l'enferme. D'où il consiste évidemment, que puis que l'eau n'a ici, étant enclose en un tube, nulle pression sur soi-même, elle n'en a point non plus étant libre & en sa sphere: & que puis que sa pression est contre ce petit tube par dessous en ligne oblique, elle n'est pas sur les corps non plus, qui s'enfoncent en l'eau, mais contre & par dessous eux, leur résistant par en bas pour les soulever en haut, & les repousser hors d'eux; afin de se réunir & rejoindre, & prévenir le chasme & vacui-

vacuité [ que nature fuit par tout, nature & le monde étant *plenitudo entium : omnia plena Jovis* ] ou plutôt la solution de leur continuité que ces corps la causent en eux. Et si leur pression étoit en bas sur ce qui s'enfonce, jamais plongeon, ni plongeur, ni poisson, ni chose aucune qui se plonge, & qui s'enfonce jusqu'au fond d'une eau profonde, ne s'en pourroit relever.

§. XXXVII. 5. Et la troisième démontre, contre un troisième Château en l'air des Sçavans du Siècle [ à sçavoir que les fluides éminens & déplacez se réduisent à leur niveau en pressant en ligne droite en bas ce qui est sous eux; & en haut ce qui se trouve à leurs côtez autour d'eux ] qu'ils ne se réduisent pas au niveau par cette voye. Vû que quand on laisse aller & descendre la colomne du tube dans le *stagnum* où il trempe & est debout, en ouvrant le petit trou qui y est bouché de cire, on voit qu'en sortant du tube, au lieu de pousser en bas ce qu'elle a droit dessous elle, & en haut ce qui se trouve autour d'elle à ses côtez, & se mêler avec lui; elle ne pousse en bas ni en haut quoi que ce soit; car le *stagnum* hausseroit, ce qu'on voit qu'il ne fait pas; mais que déplaçant ce peu du *stagnum* qui touche au tube en l'endroit où elle passe,

qui

qui n'est qu'autant qu'il en faut pour donner passage libre au peu qui sort à la fois, elle passe droit en haut entre la bouche du tube & la partie du *stagnum*, qu'il touche immédiatement, rejallissant aussi haut par dehors autour du tube, (marque, qu'elle n'employ pas sa force & pression ailleurs contre ce qui est, sous elle) qu'elle est au dedant du tube; & se réduit au niveau de même, que fait la pluye ou d'autre eau qui tombe en l'eau, en tombant dans le *stagnum* & se mêlant avec lui. Et de la même manière les fluides déplacés par des corps qui s'y enfoncent se répandent & s'enmoncelent au tour d'eux à leurs côtes, s'écoulans de dessous eux à mesure qu'ils s'enfoncent, & tâchant de retourner & se réduire au niveau en prestant de tout leur poids & leur pesanteur contr'eux. Et si l'éminence d'eau se réduisoit au niveau de la manière qu'ils disent, il s'ensuivroit que son poids, si elle se réduisoit au niveau en l'Océan ou autre grande eau profonde, en élèveroit un autre infiniment plus pesant & plus grand qu'il n'est lui même. Et jamais corps qui s'y noye, pour grand & pesant qu'il fût, si la chose étoit ainsi, ne s'y pourroitsumerger. Ce sont là cinq des travaux de nos Hercules modernes, qui depuis

A a

tren-

trente-cinq ant ont tans fait de bruit entr'eux ; mais que cette expérience de trois sols rend inutiles : tirant avec fes deux tubes plus de vérité du puits où ils les avoient cachées, qu'ils n'ont la mine de faire en trente-cinq autres années avec tout leur apparat.

§. XXX VIII. L'invention, que j'ai promis de donner pour lever l'eau à la hauteur qu'on voudra, est fondée sur la dernière de ces trois observations. Car en observant, que l'eau déplacée monte à l'entour du corps qui s'enfonce en elle ; & que le corps qui s'enfonce de place autant d'eau qu'il pèse , je considèrai en outre, que si cette eau là étoit resserrée en un Vaisseau & ne pouvoit se répandre & hausser tout à l'entour de ce corps qui la déplace , il faudroit qu'elle baissât en sortant , de dessous lui , si on lui ouvroit un trou ou passage par ailleurs , qu'ainsi en le lui donnant par quelque canal ou Tube au côté de ce Vaisseau dans lequel on l'encloreroit ; elle sortiroit par là & monteroit , si ce Tube alloit droit de bas en haut.

§. XXXIX. D'où concluant qu'il falloit resserrer l'eau en un lieu , & que ce lieu fermât juste avec un bouchon flottant ; je fis faire un Puits de bois, fort rond , avec son

son bouchon ou piston qui s'emboîtoit exactement en sa bouche ; & qui flotloit, étant creux, comme un tambour ou tonneau ; à peu près de la figure que le piston d'une pompe, je veux dire plus étroit par un des bouts que par l'autre : & fis mettre à un côté du puits, & fort près du fond, un tuyau de 30 pieds plus élevé que le Puits. Et puis laissant entrer l'eau, j'y mis le bouchon de bois le bout le plus large en bas ; & en le chargeant de poids je trouvai, qu'il s'enfonçant chassa l'eau hors du Puits par le Tube ou le tuyau au côté, avec une force égale à la pesanteur du poids que j'avois mis dessus lui : en sorte que le tuyau n'étant pas d'une grosseur ni d'une hauteur capable de tenir toute cette eau, il la jettoit au dehors avec force & violence plus haut que son orifice supérieur, ou bout d'en haut. D'où il conste, que l'eau monte, & peut monter aussi haut que la quantité qui est déplacée se peut étendre.

§. XL. Le Puits doit être profond, & avoir la bouche ronde, de bois, de fer ou de bronze, afin qu'elles s'use moins ; & soit unie & polie, pour fermer d'autant plus juste : Et le Puits doit être fait en l'endroit même où l'eau sourd : & avoir à un côté

té au bas deux tuyaux ou Tubes, de la hauteur nécessaire ; & avec chacun sa clef pour les ouvrir & fermer quand l'eau croît ou diminuë. Et son bouchon ou biston doit estre moins haut que large, ou plat ; & bien relié pour qu'il ne fasse point d'eau ; & moins large à son sommet qu'à sa base ou bout d'embas ; pour boucher & presser l'eau en bas uniformement, & pour laisser vers son haut ou sommet, entre le Puits & soi, un espace vuide, ou l'eau qui passe & qui hausse entre-deux étant reçûë ne le fasse pas sitôt abaisser & s'enfonser que si elle le couvroit. Enfin ce piston doit estre chargé de poids plus ou moins, justement à proportion de la quantité de l'eau que les tubes contiendront ; & de celle qui sourdra : mettant & ôtant du poids à meme qu'elle croitra ou baïssera dans le puits ; ce que la situation du piston indiquera.

§. XLI. Comme ce poids & piston chasseront incessamment hors du puits l'eau qu'ils repoussent, elle sortira toujours par les tubes, & montera à meme qu'elle sourdra ; ou bien il n'en sourdra plus. Et montera aussi haut, que cette quantité là qu'ils déplacent en s'enfonçant pourra aller & s'étendre. Ensorte qu'il n'en faudra déplacer qu'à proportion du contenu

tenu des tuyaux ; autrement de la grosseur & de la hauteur dont on verra qu'il faudra qu'ils soient ; en proportionnant les poids à cette quantité là. Et il n'y a point à craindre ici que la tuyau creve ; vû que l'eau y montera toujours , & non par reprises , comme elle fait dans la pompe ; & parce que ce qui monte à son mouvement en haut & ne peut au même tems en avoir un tout contraire , elle ne descendra point , & n'aura par consequent ni pression , ni force aucune ; ni éfort contre le tube ; qui partant pourra durer autant qu'une pompe fait , sans s'ouvrir , ou sans crever. Quand à l'eau qui rejallit , ou plutôt qui monte & passe tout à l'entour du piston , ( parce qu'il n'est pas possible de faire qu'il bouche & ferre le puits si exactement qu'il n'en rejallisse un peu ) elle demeurera dans l'entredeux du piston & du puits , où elle monte , jointe à celle de dessous ; & aidera avec elle , par son poids & sa pression , à supporter le piston , & à le faire floter.

§. XLII. Par cette invention , qui met la terre , ou les poids ou pierres pesantes , au dessus de l'air ; ce qui fait que l'air aussi met l'eau au dessus de soi ; on peut faire monter l'eau à la hauteur qu'on la veut ; & en grande quantité : ce qui sort par l'entre-

deux du puits étant peu de chose, & bien moins que ce qui sourd. Outre qu'en mettant du feutre tout à l'entour du piston, comme à celui d'une pompe; il en bouchera bien mieux; & laissera d'autant moins passer d'eau par l'entredeux. Au pis aller, tant cette eau, que celle qui vient d'ailleurs que du puits, comme en des mines; peut rentrer; non dans le puits; (parce que pour cet effet il y faudroit faire un trou pour y laisser entrer l'eau; par lequel il est à croire qu'elle fortiroit plus vite qu'elle ne pourroit entrer) mais dans un des deux tuyaux; à cause que l'eau y monte, & en y montant fera aussi monter avec soi, par son mouvement en haut, toute celle qui y entre. Et il faut l'y faire entrer par un troisième tuyau qui d'un bout recevra l'eau, qui sortira par un trou ouvert en l'entredeux même, & l'introduira de l'autre dans l'un desdits deux tuyaux. Mais ce troisième tuyau doit être courbé au bout par où il l'introduira, & couvert d'une soupape; la soupape, & la courbure (qui doit aller vers le haut) étant pour empêcher l'eau qui vient du puits, d'y entrer.

§. XLIII. Et s'il est besoin de force pour introduire cette eau, il n'y aura qu'à faire un



une fosse auprès du puits; où tant cette eau que toute autre qui vient d'ailleurs puisse entrer: & la couvrant d'un plancher sur quoi on fera deux puits qui se toucheront l'un l'autre, & de la même façon que l'autre, mais plus petits, avec chacun son piston flottant, & qui soient tous deux d'une même pesanteur; on pendra ces deux pistons aux bouts d'une même barre, par le milieu de laquelle une cheville, fixée en l'entredeux de ces puits, passant, la laïsse jouer librement des deux côtez, comme le bras d'une balance. Et au fond de chaque puits, qui sera le pancher même, il faut mettre un bout de pompe qui entre en l'eau par en bas, & soit par en haut égal, ou au niveau du plancher: & couverte d'une soupape; qui s'ouvrant laïsse entrer l'eau, quand les pistons haussent ou montent; & se fermant la retienne quand ils s'abaissent & descendent. S'ils sont bien contrepelez & en un juste équilibre, l'eau qui monte en un des puits en haussera le piston, & fera en même tems baisser l'autre en l'autre puits. Ainsi chacun tour à tour en haussant & en baissant chassera l'eau des deux puits dans le troisième tuyau qui l'introduira dans l'autre; l'y faisant entrer par force, & mon-

ter incessamment avec l'eau qui vient du puits : ces deux eaux montant ensemble, par un mouvement qu'on peut appeller, perpétuel. Mais il faut à ce troisième tuyau mettre des soupapes, pour que quand les pistons haussent, l'eau qui entre & vient des puits n'y puisse pas retourner.

§. XLIV. Si cette invention ici pouvoit servir toute seule j'aurois donné au Public deux inventions au lieu d'une. Et selon les aparences elle le pouroit bien faire ; sa force étant suffisante pour ouvrir le passage & donner entrée à l'eau des deux puits dans l'un des tubes ; n'étant besoin tout au plus, par l'observation cinquième, que d'une force capable de lui ouvrir le passage, en déplaçant seulement cette eau là qui couvre & touche immédiatement la bouche du tube par où l'autre entre. Mais comme en la mécanique, on ne peut dire qu'on sçait avant d'avoir fait l'épreuve ; & que mon expérience n'est pas venue jusqu'ici, je laisse à nos Inventeurs de choses toutes trouvées cette découverte à faire ; si le digne Docteur Wall, qui en sçait plus que Wallis, ne l'a pas faite avant eux.

§. XLV. J'ai tiré cette Invention de l'observation cinquième qui est à la pag. 368. à sçavoir de la manière dont les fluides s'élèvent

levez se réduisent à leur niveau. Et comme de ce principe j'ai déduit des choses utiles, parce qu'il est véritable : ainsi sur les fondemens que nos Sçavans ont posé, leurs disciples ont bien la mine-de bâtir des fausfètez. & des inventions pareilles à celle du Barometre, ou bien d'un Areometre ; c'est à dire bonnes à rien. De ce retour des fluides emmoncelez au niveau j'ai aussi déduit la cause du Reflux & des Merées ; comme on verra en l'Essai du mouvement de la terre.

§. XLVI. Au reste, quand ceux qui trouvent que je ne sçai pas écrire le François corectement, m'obtiendront la permission d'aller demeurer en France sans y être inquiété pour les chimères d'autrui, j'y retournerai l'apprendre : car en étant sorti jeune je ne l'ai jamais bien sçu ; ni meme (tant, parce que je ne l'ai point exercé, que parce que j'ai appris quelques autres Langues depuis, dont les unes ont chassé les autres de ma mémoire,) pû retenir ce que j'en sçavois quand j'en ai sorti.

§. XLVII. Proposuéram quidem citius dare orbi literario observationem hanc ad me transmissam, sed impediuit hætenus, propositum effectui dare, partim quod sperarem, autorem & reliqua capita suarum meditatio-

num editurum ac ita integrum volumen publicaturum esse, vt ita non opus sit nostra publicatione; partim quod vellem eam curare in idioma Latinum transferri, vt eò magis conueniat cum reliquis obseruationibus. Sed cum haftenus cessauerit Autor e-  
dere tractatum suum, & videatur saltem pauca exemplaria primi huius capituli curare imprimi, & displicuerint versiones Latinæ mihi exhibitæ, difficile etiam sit, varios loquendi modos, quibus Autor subinde vsus est, cum illa emphasi & vi significandi in lingua latina exprimere, quam habent in idiomate Gallico: malui eius obseruationem in ea lingua, qua eam transmisit, communicare erudito orbi, quam rem diutius differre. Habebunt hic defensores Philosophiæ corpuscularis, in quo se exerceant, quorum in gratiam potissimum obseruatio illa in Tomo hoc locum sibi vindicavit, cum sciam, eos esse nouorum inuentorum insignes fautores.

## OBSERVATIO XXXI.

## IVS BELLII ET FOEDERVM STATVVM IMPERII GERMANICI.

## SVMMARIA.

**S**tatus controuerſiæ. §. I. Ius quid hic denotet.  
§. II. De Iure fœderum statibus competente dispositio Instrumenti pacis. Ex hac etiam Ius Belli metiendum. §. III. Imo bellum, offensivum: expresse

*presse in legibus fuit prohibitum §. IV. An mores Imperii huic prohibitioni obstant? §. V. Aliæ rationes pro licentia belli offensivi. §. VI. Ostenditur eas nihil inferre (1.) quoad bella ciuilia, §. VII. (2.) quoad bella socialia. Diffidationes antiquæ hodie non amplius in usu. §. IIX. Quid iuris, si Constat nolit satisfacere Instrumento pacis aut legibus imperii? §. IX. Eiusmodi coërcitionem, non esse bellum offensiuum. §. X. In causa dubia status non possunt vindicare bello iura sua §. XI. Quid si bello aperte iniusto status constatum turbet? §. XII. (3.) quoad bella externa. Extraneos bello petere nequeunt ordines imperii §. XIII. Loca eam in rem ex Puffendorffio. §. XIV. De fœderibus quid olim in Comitibus sit actum §. XV. Sententia Obrechtii de fœderibus statutum. §. XVI. Fœdera fieri debent saluo Imperatore & imperio, olim etiam saluo Papa §. XVII. Exemplum ex fœdere Rhenano nouissimo §. XIIX. Limitatio dictorum & Conclusio §. XIX.*

§. I.

**A** Cris hætenus inter Dd. disceptata controuersia, *An status Imperii habeant Ius belli offensivi, a) & an inscio Imperatore possint fœdera cum exteris pangere? Qui*  
af-

---

a) Quæstionem hanc accuratè tractauit vir quidam Illustris in Tomo IV. Observ. 8. Ego verò cum in Dissertatione de collisione morum

cum jure scripto, afferaissem, observantiam Imperii tollere posse leges scriptas observantiam contrariam vetantes, inter alia apposui: etiam legem de pace publicâ moribus hætenus fuisse mutata, ut plerique Status Imperii præter jus belli defensivi, quod ibi concessum est, utantur etiam jure belli offensivi (ex iusta videlicet causâ) quod tamen ibi sit prohibitum. Hanc autem mutationem & experientiam testari, & rationem defendere, quia iubeatur in constitutione pacis publicæ, quod quilibet offensus debeat esse contentus, ut causam suam in iudicio debito modo agere liceat. At per nœnos statûs hodierni Imperii Germanici, factas esse lites immortales in Dicafteriis Imperii. Hinc idem esse in effectu intuitu statuum potentum, ac si iudicia cessent: Ubi autem cessant iudicia, ibi licere etiam bello offensivo vindicare iniuriam illatam. Simul tamen notavi, Limnæum sententiam, de iure belli offensivi statibus competente malè probare voluisse ex legibus imperii, cum tamen leges imperii potius doceant contrarium. Igitur addidi, videri totam hanc quæstionem commodissimè ea methodo tractari posse, ut (1.) causæ explicantur, cur constitutiones præcedentum Imperatorum de pace publica nullum effectum habere potuerint: inter illas potissimum eam esse (2.) quod ob nimis tum turbatum statum diffidationes sub certis conditionibus fuerint permiffæ. (3.) An possibile sit, bello defensivo subditis permissio pacem publicam in regno procurare? (4.) Cur tamen id in constitutione Maximiliani fuerit permissum? (5) Sine rationabili administratione iustitiæ non potuisse etiam efficaciter prohiberi bella offensiva. (6.) An ipsa institutio ac

affirmatiuam tuentur partim fundamenta quærun-  
 in ipsis legibus contrariis, partim  
 in ipsa formâ Reip. necessitatem hisce bellis  
 foederibus offensivis indulgente: Econtra-  
 rio in diuersam partem abeunt alii: Nos po-  
 sterio-

ac ordinatio Cameræ, eius emendationes subse-  
 cutæ, & praxis hodierna ita sint comparatæ, ut de-  
 inceptus potens contrà potentem principem ratio-  
 nabiliter administrationem iustitiæ cum effectu  
 sperare possit? (7.) Quam difficile & fortè impos-  
 sibile sit, bella offensiuæ & defensiuæ in expli-  
 catione ad casus obuenientes exactè secernere.  
 (8.) Ex historiis omnium bellorum post constitu-  
 tionem pacis publicæ ortorum constare, ab utra-  
 que parte semper, & utrobique quidem cum ma-  
 ximâ plerumque verosimilitudine præsum-  
 fuisse, bellum defensionis causâ esse susceptum.  
 (9.) An leges effectum habere possint, quæ medi-  
 um subministrant, dispositionem legum cavillan-  
 di? (10.) Quænam sint rationes status, cur in  
 nouioribus legibus, ut instrumento pacis, capi-  
 tulationibus ac Receslibus res quædam obsoletæ,  
 aut quarum effectus nullus sperari potest, repe-  
 rantur. Hæc à me ibi dicta videntur occasio-  
 nem dedisse dubiis hic adversus illam meam sen-  
 tentiam propositis. Cum vero tum quidem tem-  
 pus non habuerim, thema istud difficillimum,  
 pro dignitate exponendi, & fortè breuitas ibi  
 dictorum, & cum breuitate conjuncta obscuritas  
 in causâ sit, ut fortè mea sententia nondum di-  
 stinctè percipere possit, licebit ad observationem  
 hanc Amici honoratissimi nonnulla adjicere, non

ut

steriorem sententiam legibus & moribus b) omnino esse conuenientiore credimus) & quidem ante omnia monemus statum controuersiae recte ponendum esse: Non enim disputamus. *An non Principes nonnulli Imperii haëtenus bellis offensiuis impune c) se petierint?* Neque hoc sub incudem vocamus, *An oblenta auxilia & morbos Imperii Comitiales, ferme impossibile sit via juris à constatu suo sua acquirere?* d) Sed hoc tantum quærimus, An Status Imperii IVS HABEANT BELLI OFFENSIVI, & an Fœdera possint licito iure cum exteris sine consensu Imperatoris sancire? Quod omnino nobis negandum videtur.

## §. II.

ut dissentientem à me refutem, sed, ut saltem mentem meam distinctius explicem. Nam saltem extemporanea sunt, quæ hic annoto, & dum hæc scribo, ad nihil minus aptus sum, quam ad illam animi dispositionem, quam requirit meditatio quæstionis tanti momenti.

- b) De Legibus non dubito: nam & hoc ipse assero. At de moribus res ulteriorem disquisitionem meretur. Ea enim quæ in hac observatione adducta sunt exempla, vereor an sufficientia sint ad mores constituendos.
- c) Rectè. Hinc etiam dixi, eos id iustè & cum ratione fecisse.
- d) Sed si hæc quæstio non vocatur sub incudem, frustranea erit omnis disputatio, cum per dicta initio ratio omnis assertionis meæ in eius discussione nitatur.



§. II. Vt itaque eo dilucidius mentem nostram possimus declarare, primo explicabimus, quid nobis sit *Ius habere vel non habere*. Est quippe Ius nobis qualitas moralis actiua ex concessione superioris personæ competens ad aliquid ab altero homine, cum quo in societate viuimus, iuste habendum vel agendum, quæ concessio cum vel tacita, vel expressa sit, videbimus, an Status Imperii illam habeant an non.

§. III. Et quidem præsuppono statum Imperii nostri Germanici nouam ideam & formam quasi recepisse post. I. P. O. itaque si de Iuribus Statuum Imperii hodiernis iudicium ferre volumus, necesse est, vt non ad antiquiora tempora sed ad tempus I. P. O. recurramus *Obrecht in Expos. I. P. C. art. 8. pag. 174.* Sic ut merito statuamus, quod Principes Imperii ea tantum iura habeant quæ in *I. P. O. art. 8* vel expressis verbis vel sub vocabulo *similia e)* continentur. Jam verò si evoluimus tabulas prædictas, præ-

- 
- e) Sed hoc vocabulum tam latè patet, & tam obscurum est, ut, si non adiungatur expositioni instrumenti pacis Historia præcedentium incrementorum superioritatis territorialis, sola Instrumenti pacis consideratio insufficiens aut certè valdè obscura norma sit iudicium ferendi de iuribus statuum.

præsertim ubi agitur de Jure belli statibus competente, statim offendimus mirum in modum & variis sub repagulis illud esse inclusum, & non nisi salvis illis repagulis esse concessum credendum. Ita enim de foederibus bellum plerumque antecedentibus d.l. cauetur. Cum primis verò jus faciendi inter se, & cum exteris fœdera, pro sua cujusque conservatione, ac securitate singulis statibus perpetuò liberum esto; ita tamen, ne ejusmodi fœdera sint contra Imperatorem & Imperium, pacemque ejus publicam vel hanc imprimis transactionem, fiantque salvo per omnia juramento, quo quisque Imperatori & Imperio abstrictus est. f.)

§. IV. Imò quod bellum offensivum attinet, expressis verbis hoc statibus esse interdictum reperimus, in tabulis pacis art. 17. §. 7. hisce verbis; *Et nulli omnino statum licet jus suum vel armis persequi, sed si quid controversie jam exortum sit, sive post inciderit, unusquisque iure experiatur, secus faciens sit reus fractæ pacis: Quæ vero judicis sententia definita fuerint, sine discrimine statuum, executioni mandentur, prout Imperii Leges de exequendis sententiis consi-*

---

f) Vti nunquam negavi, verba legum imperii statibus denegare ius belli offensivi, ita ultro addo, quod eadem hæc clausula Instrumenti pacis repetita sit in Capitulatione Iosephi art. 10.

*fituunt.* Et si acta, quæ in compositione tabularum in Osnabrugensium confecta, & quæ inter alios collegit *Lundorpius P. 5. p. 1075. seqq.* evolvimus, statim offendimus, nullam aliam mentem, neque petitionem fuisse statutum, quam ut *jus fœderis defensivum* (quod ipsis antea in pace Pragensi de anno 1635. §. 75. denegatum, *vid. Aut. Hist. Pac. Westph. l. 2. c. 12. §. 28.*) illis saluum redderetur, g) quod & Capitulatione Leopoldi *art. 6. & 10.* & Josephi *art. 10.* ut omnis scrupulus adimeretur, quasi renovatum, verb. *zu ihrer defension Sicherheit und Wohlfarth*; nihilq; magis tunc curarunt, quàm quò & occasiones belli præscinderentur:

§. V. Expresso itaque iure cum prohibitum statibus bellum & fœdus offensivum suscipere, videndum, an regula exceptionem patiatur, vel an tacite hæc prohibitio abolita. Non nego moribus contrariis posse aboleri legem & abrogari, adeo ut illud Plauti in *Trinumo Act. 4. Scen. 3. vers. 30.* nihil insipidi sapiat, *Mores LL. perduxerunt tam in potestatem*

B b

*suam*

g) Ostendunt hæ circumstantiæ, ideò saltem petitum fuisse ius fœderum defensivorum, quia antea & hæc fuerant denegata, & quia si diserue fœdus offensivum petiissent nihil obtinuissent, parum etiam, quia facillè videbant, obtento iure fœderis defensivi, se etiam revera obtenturos esse ius fœderis offensivi, ob difficilissimam secretionem belli defensivi & offensivi.

*suam, Magis queis sunt obnoxiosi, quam parentes liberis, Ex misera ad parietem sunt fixa clavis ferreis, Vbi malos mores h.) affigi nimis fuerat equum; nostroque seculo possit applicari, sic ut cum Dn. Hertio de superior. territ. th. 20. §. 15. inclamare liceat: Leges summâ sapientia & consilio lata i) verum sine moribus parum profecerunt; neque hoc nego, esse nœuum non minimum, qui deformem reddit nostram Remp. quod lites in illa Statuum fiant immortales, & quod contra potentem Statum iudicia & sententiæ non possint semper tuto exequi, l) quod & quondam Illustr. Forstnerus Epistola ad Ill. Baron de Boineb. scripta agnuit, quando, Statum Germaniæ corruptum inter alia hisce depingit: Bonas sed vanas sine auxilio leges,*  
*ma-*

- h) Hoc tertium comparationis in dicto Plautino non agnosco. Nam loquor de moribus non malis, sed qui ex hypothese status Imperii neque boni, neque mali sunt.
- i) Id forte adhuc in questione est. Quæritur nimirum, an prudens sit consilium & lex, quod ad Statum Reipublicæ, cui aptari debet, non est aptum? Sed istam quidem litem iam non faciam.
- l) Atqui hanc confessionem accepto. Exinde enim ni fallor, firmissimo nexu sequitur, cessare iudicia in Germania, idem enim est, nullum iudicium, & iudicium effectu carens. At cessantibus iudiciis, quemlibet, etiam, privatum, habere ius belli, offensivi quoque, ex principiis iuris naturæ & Gentium constat.

*malos mores, lites ac controuersias, quæ iudiciis habebantur, armis vindicatas, elusam denique potentia rerum iudicatarum vim & auctoritatem quis tangat?*

§. VI. Cum itaque ratio legis qua bella offensiva denegantur Statibus, hæc sit, quod iudicia imperii restaurata, quibus læsis occurrere debeat, hæc autem ratio plerumque cesset, hinc dicunt cessante ratione legis prohibitiua ipsam cessare legem, armisque dari locum, ceu & argumentatus Dn. Cocceius m) *Jurispr. publ. c. 23. §. 29. p. 369*, & ipsam necessitatem porrigere legem dicit Dn. Hertius *Diff. de superior. territ. th. 31. p. 299*. Et fortassis non deerunt exempla contradicentibus, quibus demonstrare possunt, post Tabulas pacis confectas Principes Imperii inuicem se bello petiisse, & impune n) quidem, ex quo & porro argumentabuntur cum *Furstenorio de Suprem. c. 22. Ex facto sepe permissso, quod iuri diuino atque naturali contrarium non est, multare petitione ius fieri*. Et omnino ex hisce rationi-

B b 2

bus

m) In eo saltem est differentia, quod Illustris Dn. Cocceius saltem eum casum facere exceptionem putet, ubi iudicis iustitiæque obtinendæ copia non sit: ego vero putem, statum Imperii hodiè talem esse, ut ordinariè inter potentes non sit iudicis iustitiæque obtinendæ copia.

n) At sic ego non argumentor, per dicta lit c. Ac nolim sapientiam Philosophiæ Furstenorianæ comparari cum simplicitate meæ doctrinæ.

bus videtur polle concludi ipso iure licita esse bella offensiuain Imperio.

§. VII. Verum enim vero hi scrupuli quamvis ingentis momenti, me tamen non potuerunt hactenus a negatiua dimouere. Et vt eo facilius me explicem, distinctius erit procedendum. Scilicet notum, triplex dici bellorum genus (1) Ciuile, (2) locale, & (3) externum; Ciuilia bella ea appellari, quando Princeps rebelles & refractarios subditos ad obedientiam redigit, notum, o) hæc bella Principibus Imperii esse concessa non ambigo, dum utraque *Capitulario Leopoldi & Iosephi art. 7.* id sat dilucide probet. Verum dubito an hæc vis Principum armata bellum dici possit offensivum, cum potius in indubitato iure Principatus se defendant Principes ceu contra ciuitatem Magdeburgensem Serenissimus quondam Elector Brandenb. vrsit. vid. Pufendorff. *L. 9. Rer. Brand. §. 83.* Sed si Princeps Imperii vel contra Capitulationem vel alia pacta faciens, subditos & Status armata manu adigere velit vt sibi non obstantibus pactis id, quod ab illis exigit, concedere debeant, & vt suæ licentiæ velificari possit, externum quoque militem ad se allicit, illi sua præsidia

- o) Hoc genus belli non propriè bellum ciuile dici, patet ex iis, quæ mox sequuntur. Magis propriè ciuilia bella aliàs dicuntur, quæ in Republica Aristocraticâ aut Democratica, vel mixta Proceres cum Proceribus, aut cives cum concivibus, aut status cum statibus gerunt.

fidia concedit, & ut in Status & subditos suos defœuiat, permittit, hic omnino peccat, & legibus Imperii reus fit, eoque casu S. C. M. oppressis opem ferre & iustitiæ brachium armatū illis porrigere potest & debet, ceu vltima verba dictarum Capitulationum *art. 7.* edocent.

§. IIX. (2) Sociale quod attinet p) id maiorem dubitationem iniicit. Ast bene circa ilud facies & antiqua & recentior Imp. Rom. vel potius regni Germanici erit inspicienda : Ea pro stabilienda su a sententia ad antiquiora iura, & imprimis Constitutionem Maximiliani provocant, & ex illa Jus Belli offensiui deriuare volunt q) illi meo, quidem iudicio non tuto procedunt, diffidationes r) potius & contentiones ciuiles, imò nonnumquam latrocinia gentis in gentem erant, quam bella iusta & legitima : *Autor. Animaduers. in Fürsten.*

B b 3

de J.

p) Sociale bellum aliàs dicitur, quod pro focis confœderatis geritur. Igitur si Dominus autor rempublicam Germaniæ habet pro systemate irregulari confœderatarum Rerumpublicarum, utique bellum statuum cum Constatibus poterit vocari suo modo bellum sociale. At convenientius videtur bellum statuum Imperii ad classem bellorum Civilium referri, præprimis si habeat remp. Germ. pro Republicâ simplici & unâ

q) Hoc ego quidem non facio.

r) Sed diffidationes per constitutionem illam Maximiliani sunt sublatae, & fortè respexit Dn. Autor ad tempora Caroli IV. & ea, quæ de diffidationibus illorum temporum habentur in Aurea Bulla.

*de 7. supr. c. 21.* Scilicet papali astu germani Principes à litteris & studiis alieni ense & ferro, non legibus sua iura dirimebant; temporibus itaque aliquid dandum, & ut quædam mora priuatis illis dimicationibus injiceretur, Maximilianus cauit, ne ante denunciations solennes, quas diffidationes vocabant, inuasiones à pœna essent imunes, quæ diffidationes nomen belli, quod inter gentes liberas obtinet, non merentur, non secus ac illæ depredationes & barbaricæ inuasiones, quibus se hodie lacerant Lithuani, quas ad iura belli non referimus.

§. IX. Ast hodie illis diffidationibus in Germania abolitis aliter iudicandum: Aut enim vel ex instrumento pacis vel ex sententia à supremo iudicio lata status contra constatum agit, hic vero omni legis & iudicis autoritate posthabita iusta petentis postulata spernit, seque opponit. Aut iura adhuc sunt illiquida, quæ status contra constatum urget; Aut tertio, in possessione sua notoria vel ex nudo odio quis à Constatu turbatur & insectatur, Priori casu quod tunc possit arma capessere Princeps, & in societatem vocare vicinos vel alios Principes, suæque iura à renitente repetere, non ambigo, ita enim clavis verbis cautum in *I. P. O. art. 7. §. 6. Veruntamen si neutro borum modorum intra spatium trium annorum terminetur controversia, teneantur omnes ac singuli huius transactionis consortes, junctis cum parte la-*  
*sa*



*ſà conſiliis viribusque arma ſumere ad repellendam iniuriam à paſſo moniti, quod nec amicitia nec iuris via locum invenerit &c.*

§. X. Sed nec hanc coercitionem ad iura belli offenſui refero ſ) quod Nicolaus Damascenus olim pro deſenſione Herodis, maxime urgebat; de quò Ioseph. Antiquit. Judaic L. 16. c. 16. p. 575. & Grot. Epist. ad Gall. p. 226. Edit. Geſen. Tum vero Nicolaus narrans de quingentis illis, quæ Herodes Obada per Syllæum dederat mutua, & de cautione, cui & hoc ineſſet, ut liceret Herodi, ubi dies ceſſiſſet, pignora capere ex uni-verſa Arabia, non illud bellum, ut inimici dicerent, fuiſſe aiebat, ſed, jure legitimo res eſſe repetitas. Neque tamen buc feſtinanter decurriſſe Herodem, ne tum quidem cum formula cautionis id permitte-ret, ſed poſt aditos Syria Præſides Saturninum & Volumnium, poſt, his coram datis à Syllæo, juſju-randum per genium ipſius Caſarisque intra trigefi-mum diem ſe & nomen exſoluturum, & dediturum, qui ex ditione Herodis in Arabiã profugerant. Quibus pactis juratis cum non ſteſiſſet Syllæus, iterum ab Herode appellatos Præſides, cumque hi permiſiſſent pignora capere, vix tandem cum ſuis proſectum in Arabiam. Hoc, inquit, illud eſt, quod bellum, quod expeditionem, conquiſitis in atrocitatem vocabulis appellant. At quomodo bellum dicatur juris perſe-cutio poſt impetratam à præſidibus à te datis veni-am &c.? Cui aſſerto & adſtipulatur R. I. Ra-biſb. de anno 1567. §. ſo halten wir/ quo Exaſtio

*hecce contra refractarios minimè audit bellum.*

§. XI. Quodsi verò dubia adhuc sint jura Principis, quæ contra alium prætendit, t) tunc nequaquã ad arma ptovolare potest, nisi prius legum axilio implorato, u) neque ante sententiam expectatam x) dici potest, esse sic comparatum statum nostræ Reip. ut ab. eo jus expectari nequeat, affectib9 y) modo non indulgeamus, à ui abstineamus, & impartiali aliorum iudicio res nostras submittamus, & non opus erit arma violenta velamento defensionis naturalis obtegere: Bene *Schüzius*, V. 2. disp. 10. §. 3. in hanc rem differit: *In omnibus fere bellis ejusmodi utriusque partis, licite defensionis & pacis publicæ assertionis & conservationi s'colorem*

*eam-*

t) Hic casus maximè est huius loci.

u) Sed frustra imploratur auxilium legis, cuius finis & executio frustra expectatur.

x) Quamdiu vero expectandum erit? Cum habeamus exempla possessoriorum summariissimorum, quæ ultra sæculum durarunt. Notum est, JCum celebrem, quem honoris causa non nomino, qui cum vocatus fuisset in consilium intimum cuiusdam principis Imperii, in quo deliberabatur de reparatione damni, quod vicinus dederat, & cum ordo eum tetigisset votum suum eò direxerat, ut diceret, habere Principem actionem legis Aquiliæ, postea nunquam vocatum fuisse ad Consilium, tanquam qui sententiam parum pertinentem dixisset.

y) De affectibus planè hic non est sermo, nec de partialitate iudicum, sed de iis, quæ suprà §. 5. Dn. Autor iam concessit. vide notata lit. l.

*causæ suæ quæstivisse historiarum aliæque publicæ testari monumenta, quibus nullum fertilius seculum reperiatur ac hoc nostrum : Certe causæ Wildfangiat9 dedit huius tragœdiæ testimonium : Et ea, quæ de facto à quibusdam in alios mota arma, ius non tribuunt, neque à Cæs. Maj. & Imperio approbata vnquam, nisi dicere velis ; ipso facto & ipso iure esse synonyma in LL. Germanis, vid. Schilt. in Instit. I. P. p. 2. p. 279.*

§. XII. Hoc eo magis procedit, si cui Principi ab alio contra pacem publicam notoria vis infertur, sicuti nostris temporibus, à Svecis Potentissimo Electori Brandenb. factum meminimus, Ejusmodi enim arma omni justitiæ & pietati repugnare uniuersa pronunciauit Resp. Germaniæ, ipsaque non tantum C. Maj. sed & Sereniss. Domus Brunsvicensis Luneb. aliique Principes secundū Imperii leges, *vid. Ordin. des Landfriedens zu Worms de anno 1521. t. 2. O. C. pag. 2. t. 9. §. 2.* recte contra hanc aggressionem Serenissimo Electori Brandenb. manus auxiliatrices præbuerunt. Ex quibus & hoc apparet nullum in Imp. R. possi dari casum *vbi Bellum sociale offensuum in Germania locum habeat. 2)*

§. XIII. De tertia specie itaque nempe de Bello Externo & an huic Principes Imperii sequatenus Principes Imperii adiungere & inscio Cæsare foedera cum exteris offensiva inire, possint, dispiciendum. Vix oritur bellum, cui

B b 5 non-

2) Sed hætenus dicta ostendunt, adhuc superesse casum, de quo actum est §. 11.

nonnullos Principes Imperii non reperias admixtos. Notavit venalitatem Germanorum non tantum Thuannis *L. 24. Histor. ad ann. 1560.* sed & ipse personatus ille v. *Herden in Tr. cui titulus Grundfeste des H. R. R. P. 3. c. 9.* taxat illas pensiones, quas nonnulli a coronis exteris, quo suis studiis inferuiant & illis auxiliatrices copias præstent, sibi stipulantur. Quod bella exteris Principibus non possint inferre & legibus Imperii & ipsi Statui publico Germanicæ Reip. hodierno convenit: *Ipse Hyppolitus a Lapide famosus ille autor P. 1. c. 9. p. 133.* hoc vel inuitus fateri cogitur, dum exclamat: *Quemadmodum nullus ordinum privata auctoritate bellum mouere potest, aut debet, ita Imperatori æque ac singulis ordinum, absque communi omnium ordinum, aut certe hodie Electorum consensu id facere prohibitum.* Si enim saluum Imperium esse velimus, neque ea admitenda, quibus per indirectum pax & salus Imperii in discrimen vocatur.

§. XIV. Id quod cum anno 1665. Episcopus Monasteriensis Belgii ordines foederatos bello oppetiisset offensiuo, Serenissimus Elector Brandenb. acriter contra hunc in Comitibus Imperii vrsit. Ita enim Pufendorff. *L. 10. Rer. Brandenb. §. 9.* memorat, Legatum Ratisbonæ dictasse. *Male Præsulem Monasteriensem fecisse, quod inscio Cæsare ac Imperio circuliq; Westphalici ordinibus tam periculosum bellum foederat-*

*deratis Belgis mouerit, per quod vicinis iam multa incommoda inferantur; & mox. Tali modo Imperium bello inuoluere, ne Cæsari quidem per legem Regiam fas esse. Et memorat laudatus Pufendorff. L. 11. Rer. Brand. §. 39. ad ann. 1672. ita tunc in Comitibus disseruisse quosdam; Ferri non posse a Coloniensi & Monasteriensi bellum suscipi contra Leges publicas, quod Germaniam quoque inuoluturum sit, si Belgæ inuasoribus paria reponant: Nam si ipse Cæsar per legem Regiam offensuum bellum mouere non possit insciis ordinibus, ac instrumento Pacis cautum sit, ut ordinum auctoritas in Comitibus declarata accedat, multo minus Principi alicui id permissum, & si quispiam tale quid audeat, Cæsari utique fas esse, id malum in herba opprimere. Et similiter fere ratiocinatur Herde in G. des H. R. p. 336.*

§. XV. Ex quo porro fluit, nec posse *Status Imperii qua Status*, inconsulto Imperatore fœdera cum Exteris pangere: Non me latet, *Bauarum & Coloniensem* quondam in Comitibus Ratisbonensibus, ubi ipsorum sententia de hac re exquireretur, palam dixisse, *ne honoris quidem causa Cæsari de iis significare vellet.* Pufendorff. L. 1. Rer. Brand. §. 7. Egregium iniustæ libertatis Germanicæ exemplum! Sic enim non solum Cæsaris Legati apud Pufendorff. L. 18. Rer. Suecic. §. 95. ratiocinabantur; *Ius Fœderum cum exteris Cæsarem ordinibus quidem concessisse, eadem tamen cause co-*  
gni-

gnitionem requirere, ne ex illis Imperio damnum nascatur. Et iam decreto Comitiorum Wormatiensium Anno 1495. cautum, ut causa fœderum, antequam concludantur, ad Cæsarem & Status Imperii referantur, eorumque consensus adhibeatur. Id quod eo magis ordinibus incumbat, quia ipse Cæsar Lege Regi teneatur, nulla fœdera intra aut extra Imperium nisi expresso consensu Electorum inire. Vnde plus licentia indulgeri ordinibus, quam Cæsari absurdum fore, atque ex his sensum Verborum, modo non sint fœdera contra Imperatorem & Imperium, facile illustrari posse, Sed & alii cordatiores Germani in ipsis Comitibus de hac re ita sentiebant apud Pufendorf. L. 13. Rer. Brand. §. 16. ad ann. 1675. Speciosum sane id ius fœderum & magnificum, & in quo præcipuum libertatis specimen resideat, sed ex quo demum totius Imperii exitium prouenturum sit, si ordines ita proterue eodem abutantur, nec quævis fœdera accurate totius Imperii rationibus attemperent. Quid enim spei superesset, saluam fore patriam, si validissimis ordinum integrum sit, iis Regibus, quæ in enervanda & subruenda Germania Consiliorum summa vertitur, fœdere se innectere, ex quibus vel vires illis sociare, vel saltem quiescere teneantur, dum quam maxime decretum bellum aduersus istos geritur? quos meminisse decebat, ab exteris illis, quicquid blandiantur, non aliud ipsos beneficium manere, quam ut reliquis, oppressis, eandem postremo sortem subeant.

beant. Quin omnem salutem suam, omnem dignitatem ab Imperio pendere, quod quo florentius ac formidabilius sit, eo magis quoque singulorum ordinum dignitatem apud exteros gliscere.

§. XVI. Quibus addenda, quæ habet Ill. Obrecht in Comm. ad I. P. O. p. 179. ad verba saluo per omnia iuramento. Ita autem ingenue Germanum se adhuc profitetur: *Hoc suppledat rationem decidendi questionem; An Status inscio Imperatore & Imperio fœdera facere possint? quod negatur ex his formulis, quamvis sint qui contrarium velint; Quia enim Imperii Statibus non absolute licet fœdera pangere dum Imperium & Imperator excipiuntur, iam autem nemo iudicare possit, an talia fœdera contra Imperatorem & Imperium sint, quam ipse Imperator cum Statibus, sequitur hinc utique illorum consensum esse requirendum, non quidem ut per id Statibus hoc ius competens, imminuatur, sed solum ut de circumstantiis horum fœderum iudicari possit, num scilicet Imperio proficua sint, nec ne. aa)*

## §. XVII.

aa) Sed & contra hæc multa disputari possunt. Unicum id profero. Constat, legibus Imperii permitti fœdera defensiva. Cum vero nunquam desint argumenta satis probabilia, bella offensiva (ista) pro defensivis venditare, & leges nunquam disponant, quod in casu defensionis debeat præcedere Imperii aut Imperatoris cognitio, nec natura defensionis eam cognitionem ad-

§. XVII. Quin'per verba illa : *Saluo Imperatore & Imperio* id denotari, vt foedera prius examinanda sint ab Imperio, an subsistant, & an Imperatori aduersentur, exemplis demonstrat, *Datt. de Pac. Imp. Publ. V. 1. c. 12. p. 84. n. 4.* ostenditque Eberh. a Weihe *medit. pro foeder. c. 2. n. 232.* solenne esse omnibus ordinum Imperii foederibus, vt Imperator excipiat, sed & ex Vnione illa confraternitatis inter domos Saxoniam, Hassiacam & Brandenb. notum in perantiqua ipsum Papam fuisse exceptum, quod pactum cum anno 1537. renouaretur, miros motus inter Georgium Ducem Saxoniae & alios Principes protestantes circa omissionem Papae excitauit, in quam rem videatur Strauch. *in Dissert. Jur. Publ. Diss. 9. tb. 4. 5. p. m. 240. seqq.*

§. XVIII. Et ne quis nobis obiiciat, obsoleta haec esse, prouocabimus ad *foedus illud Rhenanum* nostris temporibus sat famigeratissimum, ex quo patebit, ipsos confederatos agnouisse, eiusmodi foedus non posse aliter subsistere, quam si a S. C. M. prius approbaretur, quo illa supplicata : d. 14. Aug. 1658. S. C. M. exhibita omnino tendunt, insimulque & hoc obseruandum, expressis verbis in illo cautum, vt illud ad nullum of-  
fen-

---

mittat; eadem facilitate sententia doctrinae Obrechtii aduersa defendi poterit.



*fenſuum* bellum debeat porrigi, bb) & quod ſub hac clauſula ſit conſectum, *quatenus non det occaſionem vel directo, vel per indirectum pacem Germania turbandi, & alienis ſe immiſcendi bellis*, quamvis, quod ſœdus hocce Rhenum neque a Cæſarea Maj. approbatum, neque a cæteris Statibus æquo animo fuſceptum fuerit, ex illis, quæ tunc temporis hinc inde ſcriptis ventilata videre licet, de quibus Scriptis videatur *Theatr. Europ. P. 8. p. 561. & Londorpius in Act. Publ. Contin. P. 8. c. 260. ſeqq. p. 417.*

§. XIX. Notanter vero dixi, *Qua Status Imperii*. Nam quod Imperator quatenus Rex Hungariæ, Elector Brand. quatenus Rex Pruſſiæ, Dux Bipontinus quatenus Rex Sveciæ aliis *Exteris Non Statibus Imperii*, poſſint bella offenſiva inferre, & cum Exteris ſœdera pangere offenſiva, modo Imperii Romani tranquillitas illis non turbetur, dubio caret; Ex quibus concludo, cc) & illa ſœdera, quæ a Sta-

---

bb) Hic arbitror, per bellum offenſuum intelligi bellum vel iniuſtum, vel quod certè non habet prætextum plauſibilem belli iuſti.

cc) Ego concludo, ita ſe habere ſtatum imperii, ut modo bellum aliquod offenſuum non ſit evidenter iniuſtum, ſemper poſſint argumenta proferri verosimilia, bellum iſtud iure à ſtatu imperii geri, modo non deſit potentia. Nam uti vis ſine iure eſt latrocinium, ita ius ſine viribus nihil eſt ſeu non ens morale.

a Statibus ineuntur cum exteris, si vicinis diffidentiam, parere apta, omnino esse iniusta neque sine consensu Imperatoris vim habere, imo posse ab Imperatore & Imperio ea cassari & annullari.

## CORRIGENDA.

### *Tomi V.*

Notes velim B. L. in Obseruat. XIII. de Libro Sapientiae, ubi praecipua ratio status controuersiae euoluenda erat, omissa quaedam verba fuisse; quorum defectus facile te turbare potuit. Suppleas igitur quae so linea penultima p. 409. id quod deest, hoc modo: *determinatum est. Apocryphum vero illud est, quod declaratum nondum fuit, sed declarari tamen, ut a DEO inspiratum, potuisset &c.*



## INDEX

# INDEX OBSERVATIONVM.

- I. De Historia Sectæ Machiavellistarum & Monarchomachorum.
- II. De Polygamia fœminarum Locus Bodini expensus.
- III. De Democratica Lege Ephesiorum.
- IV. De ordine Alphabeti literarum conjectura.
- V. Notæ Græcorum numerales & subsidiariæ, ἐπίσημον, κόππα, χαράκτις.
- VI. Nationum laus & vituperium; ex lingua etymologiæ lubricæ.
- VII. De ritu Poëtas laureatos creandi.
- VIII. De Ioh. Isaacio Pontano & hujus originum Francicarum libris.
- IX. Aquam & terram petere, signum Domini apud gentes.

Cc

x. De

INDEX OBSERVATIONVM.

- x. De vita & Scriptis Dan. Casp. à Lohenstein.
- xi. De significatu vocis *ἐξουσία* I. Cor. X. & XI.
- xii. Theologia Christiana in numeris.
- xiii. De Coloss. II. 17. & I. Timoth. V. 13.
- xiv. Philosophus Artista.
- xv. Facultates Academicæ.
- xvi. Artista, Artisticus, vocabula barbara.
- xvii. Technici Artigraphi.
- xviii. Status Academiarum in Seculis barbaris duplex. Academia Parisiensis.
- xix. Artes & Partes quid differant. Garzio, Dictare.
- xx. Status Academiarum, & imprimis Facultatis Philosophicæ postreceptum Aristotelem.
- xxi. Vocis philosophiæ multiplex acce-

INDEX OBSERVATIONVM.

acceptio, & ad Superiores Facultates accommodatio.

xxii. Chymici Philosophi. Lapis philosophorum.

xxiii. Chymici Artistæ. Elias Artista.

xxiv. de Osvaldi Krollii signaturis rerum internis.

xxv. Jacobi Acontii Strategemata Satanæ.

xxvi. de arcto sceminarum cum viris extra conjugium commercio.

xxvii. Natura legis tam divinæ, quam humanæ.

xxix. de sollicita diæta.

xxix. de Philosophia Orphica.

xxx. disputatio contra experimenta pro gravitate aëris inventa.

xxxi. Jus belli & Fœderum Statuum Imperii Germanici.

# INDEX RERVM.

## A.

**A**belardus vocatur Peripateticus Palatinus. Observ. XX. p. 157. & est autor Theologiæ Scholasticæ. p. 158.

Abominatio non involvit coërcitionem Legis universalis pœnalis. XXVII. p. 283.

Academiarum primarum à Scholis vulgaribus & Academiis subsequenteribus differentia. XIV. p. 124. Facultates quatuor, interdum plures, interdum pauciores. XV. p. 127. seqq. Status in seculo barbaro duplex. XIX. p. 142. conditio seculo 6. 7. 8. 9. p. 143. barbaries quotuplex. 144. seqq.

Academiæ Parisiensis status primus. XIX. p. 142.

In Academiis quibusdam alii studiosi Laureæ, alii Grammaticæ, alii Candidati Magisterii. O. XX. p. 162.

Acontii patria, ætas. O. XX. p. 206. vita & studia, mutatioque religionis p. 207. scripta. 209. regulæ de conscribendis compendiis, & varicinium de latiore literarum facie. p. 211. iudicium de Francisc. Patritio. 211. f. Liber de strategematibus Satana, eiusque editiones. p. 213. — item di-

diversa judicia, & horum causa. 214. Epi-  
stola de scribendis libris. p. 213. elogia  
ab Arminianis. 214. censuræ p. 215. s. Accu-  
sationum summa capita. p. 217. origo. p.  
218. ob superbiam accusatio, ut &  
ob indifferentissimum pag. 217. Effa-  
tum de illis, qui non recte de Trini-  
tate sentiunt. p. 217. s. sententia de con-  
fessionibus, earumque necessitate. 221. 2.  
liberatio à suspicione scepticismi & Indif-  
ferentissimi. p. 223. Capita Doctrinæ Chri-  
stianæ ad Salutem necessaria p. 227. Con-  
fessionis formula. p. 228. Acontius à San-  
dio ad Antitrinitarios non refertur XXV.  
p. 217. 18.

Adam non cognovit Evam è signatura  
XXIV. p. 203. ejus *ὀνόμαθ' ἑστία*. p. 198.  
200.

Admonitionis divinæ d. Lev. 18. sensus. O.  
XXVII. p. 284.

Aëris gravitas impugnatur. XXX. p. 339.  
366. non est causa, cur ascendataqua in  
cunctia puteorum, & ibi suspensa maneat. p.  
245. objectionibus respondetur. p. 345.  
non stabilitur experimento Boylei. 359.  
360. Levitas itidem à quibusdam infesta-  
tur. p. 355. quibus resp. p. 356. s.

Æuum barbarum vel nondum Academi-  
cum, I Acad. O. XIIX. p. 144.

Agones Capitolini quousque durauerint.  
VII. p. 54.

Alani Insulensis Epitaphii sensus. XIX.  
p. 152.

Alimenta pauca sufficiunt ad restauratio-  
nem sanguinis. XXVIII. p. 294.

Alimentis variis homo affuefit. O. ead. p. 297.

Alphabeti literarum ordo. IV. p. 16. seqq.

Ebræi, Græci & Lat. parallelismus, p.  
24.

Amor corporis ex Platonis doctrina ad ani-  
mi ascensum aliquid confert. XXVI. p.  
235. seqq.

de Anima Platonis doctrina. ib.

Antiquitates Acad. Conringianæ commen-  
dantur. XII. p. 142.

Appetitus notabilis varietas. XXVIII. p.  
295. imprimis sapidis imminens. p. 296.

Aquæ in tubo barometti modo ascendens,  
modo descendens causa. XXX. p.  
363. 4.

Aquam tollendi quousque quis velit nouum  
inuentum. XXX. p. 365. occasio. 378.

Puteuseum in finem confectus. 370.

Aristotelis Philosophiæ flos in Academia,  
Parisi, seculo XII. O. XX. 156. seq. Ope-

rum versiones duæ primæ vniuersales. 160.

Physica & Ethica floruit in idem seculo XII.  
p. 159.

Arti-



- Artigraphi vsurpatio pro Grammatico, Rhe-  
tore & Dialectico, XVII. p. 139. 140. hu-  
ius ab orthographo distinctio. p. 140.
- Artistæ dicuntur Philosophi, & cur. XIV. p.  
122. non confundendi cum τεχνικοῖς O.e.  
p. 123. vocati post Aristotelem vltimæ facul-  
tatis Doctores. p. 125. Chymici quoque  
appellantur. XXIII. p. 176. quando Phi-  
losophi nominati. XIIIX. p. 142.
- Artista Elias. XIV. p. 126.
- Artista, Artisticus, a facultate artium orta no-  
mina, de Artista locus Th. de Kempis. XVI.  
p. 130. de Artifico ex Epistolis obsc. vi-  
rorum p. 131.
- Artista pro Doctore artium liberalium vsur-  
patur a Zasio. XVI. p. 132.
- Artium & Philosophiæ distinctio quando or-  
ta. XX. p. 161.
- Artium & partium apud scriptores æui har-  
bari distinctio. XIX. p. 148. Senftlebi  
explicatio rejicitur. p. 150.

## B.

- Barbaries est vel non Academica, vel. Aca-  
demica, & hæc iterum l. Aristotelica, l.  
nondum Aristot. XIIIX. p. 144. seq.
- Barometrum Staticum pro gravitate aëris.  
Cc 4 XXX.

XXX. p. 359. quid sit. 364. est inuentum antiquum & parui vsus. ib.

Bellum offensuum Legibus est prohibitum Statibus Imperii. An mores obstant.

XXXI. p. 384. f. rationes in contrarium infirmantur. p. 387. seq. non est, quo coercentur Status nolentes satisfacere Legibus Imperii & Instrumento Pacis. p. 390.

Bellum gerere non licet (1.) Statibus pro vindicandis iuribus in causa dubia.

XXXI. p. 392. (2.) ordinibus Imperii cum extraneis. 393.

Besoldi error in citandis locis Bodini XI. 10.

Bodini de Polygamia, vbi plures sunt foeminae, hypotheses. XI. p. 9.

Bodini lapsus in explicando loco Cæsaris de matrimonio Britannorum p. 11.

Bruta quædam certis alimentis generibus destinata videntur. XXVIII. p. 296.

## C.

Cæsaris de matrimonio Britannorum genuina explicatio. XI. p. 11. 12.

Candidati Magisterii. XX. p. 162.

Character notat numerum nongentenarium V. p. 29. 30. non est litera. p. 34.

Chymici Philosophi, XIV. p. 125. in specie  
 sic

# INDEX RERVM.

- sic dicuntur. 22. p. 172. Philosophiam suam  
 nominant vitalem. 172. seq. & lapidem su-  
 um Philosophicum. p. 173. appellantur et-  
 iam artistæ. XXIII. p. 176.  
 Chymici Magisterii fundamenta. 177.  
 Cicero notatur a quibusdam, quod lauda-  
 verit Latinos præ Græcis, quod illi conui-  
 vium dixerint, quod hi *συνπρόσιον*. VI. p.  
 35. cui consentit Aristoteles p. 36. & Ioh.  
 Saresberienfis. p. 37.  
 Compendiorum scribendorum regulæ A-  
 contii. XXV. p. 211.  
 De Confessionibus, earumque necessitate  
 Acontii sententia. XXV. p. 221.  
 Confessionis universalis conditiones ejus-  
 dem Acontii. p. 222.  
 Confessionis ab Acontio concinnatæ formu-  
 la. p. 229.  
 Consilia vocantur leges. XXVII. p. 260.  
 differunt à monitis, præceptis, pactis &c.  
 261. definiuntur. p. 266.  
 Consuetudo & Lex non scripta differunt.  
 XXVII. p. 291.  
 De Consuetudinario iure communes erro-  
 res. ib.  
 Constatum si legibus imperii aut instrumento  
 pacis satisfacere nolit, quid iuris. XXXI.  
 p. 390.  
 Conviuii Etymologia à Cicerone constitu-  
 ta non

ta non est probabilis. VI. p. 37.

Criminis & vitii differentia. XXVII. p. 288.

Criticæ regulæ ad legendos auctores, XI. p. 101.

Crollius quando claruerit. XXIV. p. 188. veritatem amat. ib. multa in re Medica & Theologia detegit præjudicia: ib. pius est ac devotus. p. 189. scripsit Tractatum de signaturis rerum. ib. in quo ignorantiam suam confiteri necesse habet. p. 190.

## D.

DEVS quatenus sit consiliarius, Doctor, Pater & Rex. XVII. p. 272. quomodo se reuelauerit Adamo & Patriarchis, Israelitis, Gentibus. p. 274. seqq.

Decori & honesti fontes. O. e. p. 287. differentia 288.

Diæta nimis scrupulosa dissvadetur. XXVIII. p. 300. eius incommoda. p. 301. seq. laboriosior commendatur p. 105.

Dictare i. e. fingere. XIX. p. 63.

Diffidationes antiquæ hodie non sunt in usu. p. 389.

Doctoris & Legislatoris differentia. XXVII. p. 278.

Doctrinæ Christianæ Capita creditu necessaria ducta ab Acontio. xxv. p. 227.

Dogmatum distinctio. XXVII. p. 266

Do-

Dominii signa apud gentes varia. IX. p. 78. f.  
præcipue per aquam & terram. p. 82

E.

De Elia Artium vaticinium Theophrasti.  
XXIII. p. 177. 8. quod per jocos explicatur de If. Hollando XXIII. 182. quæ  
narrantur fabula sunt, eiusque fabulæ origo 183. 4.

Elias Artista. XIV. p. 126. tempus aduentus  
ipsius. XXIII. p. 179. 180.

Ephesiorum lex Democratica III. p. 13. luxuria p. 14. 15.

Episimon apud Græcos numerum senarium  
notat. V. p. 29. litera est p. 29. & respondet Latinorum F. p. 32.

Epitaphii Alani Insulensis sensus. XIX. 152.

Errorum communiū in doctrina de natura & diuisione legum commissorum fontes tres. XXVII. p. 259. 260.

Eschenbachii Epigenes de Philosophia Orphica commend. XXIX. p. 318.

Ethica Aristotelica quando floruerit. XX. p. 159.

Etymologia vocum non præbet valida laudis & vituperii argumenta. VI. p. 36.

Extirpatio à populo non semper notat poenam capitalem. XXVII. p. 284.

Exulum cupiditates difficulter explentur. XXV. p. 169.

ἔξοχα quid significet. XI. p. 103.

## F.

Facultates in Academiis quatuor, interdum pauciores, interdum plures. XV. p. 127.

De Fœderum iure statibus competente dispositio Instrumenti Pacis. XXXI. p. 384.

De Fœderibus quid olim in comitiis actum sit. p. 395. Obrechtii sententia. p. 397.

Fœdera fieri debent salvo Imperio & Imperatore, olim etiam salvo Papa. XXX. p. 398-fin.

Fœminarum copia non ubique aequalis. II. p. 10. cum viris extra conjugium varia commercia. XXVI. p. 231.

Fœminæ, συνέισαυτοι. XXVI. p. 243. & earum abusus. p. 246.

Fœminæ viros docuere. e. p. 232. à viris in contubernium receptæ. p. 233. seq.

De Fœminei sexus imbecillitate cautela. XXVI. p. 236.

Fluidi in Barometro modo ascendentis modo descendentis causa. XXX. p. 363. 4.

Fluida corpora in loco sphæræ suæ non gravitant. e. p. 367. extra sphæram suam elevata ad eam non ita defleunt, ut per lineam rectam deprimant, quicquid sub iis invenitur, & elevent, quicquid est ad eorum latera. p. 368.

Francorum origo, sedes ac divisiones. II. X. p. 67. f.

67. f. Reges & nomen. p. 69. 71. res sub  
Imperatoribus Rom. p. 70. ritus, mores,  
instituta, regimen, res militaris, leges ve-  
terum. p. 72.

G.

Garzio, i. e. puer. XIX. p. 153.

Germaniæ antiquæ populi, & termini. VIII.  
p. 66.

H.

Homo assuefcit variis alimentis. XXVIII. p.  
297.

Honesti & decori fontes. XXVII. p. 287. dif-  
ferentiæ. p. 288,

Hostis olim peregrinum designauit. VI, p. 38.  
vt peregrinus tractandus, i. e. iuxta æqui-  
tatem ib.

I.

Imperii ordines bella cum extraneis gerere  
non possunt. XXXI. p. 393. seq.

Incommodis mediocribus qui assuefcunt, du-  
rantur ad maiora, XXIIX. p. 299.

Instrumento pacis si Constatu nolit satisfac-  
cere, quid iuris. XXXI. p. 390

Interpretes Apostolos malunt esse Rhetores,  
quam veraces XIII. p. 116. Iudæi an à bar-  
baris acceperint omnia ad eruditionem  
spectantia. XXIX. p. 319

Ius belli & fœderum statibus competens ex  
In-

Instrumento pacis metiendum. XXXI.

p. 384.

Ius Gentium est lex improprie dicta XXVII.

p. 289

Iuris Nat. lata & stricta acceptio. p. 286.

de Iure consuetud. errores communes:

XXVII. p. 291.

Iureconfulti quando legistæ vocari cœperint.

XIIIX. p. 142. dicuntur Philosophi. XXI.

p. 166.

Iurista vox barbara. XVI. p. 331

Iussa patrum famil. sunt leges improprie dictæ. XXVII. p. 290.

Iustitiæ & virtutis differentia. XXVII. p. 288.

## K.

κόππα est numerus nonagenarius apud Græcos, & littera. V. p. 26. respondet Latin.

Q. p. 30. 31.

## L.

Lanſius commendatur. XIIIX. 147.

Lapis Philosophorum. XIV. p. 126. describitur XXII. p. 173. an sit, in dubium vocatur. p. 174. misere probatur ex Apoc. 175. eius ope Patriarchæ tam diu vixisse dicuntur. 174.

Leges Adamo datæ magis sunt monita paterna, quam Leges dominicæ xxvii. p. 275. seq. Mosaicæ habent se instar Legum despoticarum



INDEX RERVM.

- carum; Matrimoniales fundantur non in bono absoluto, sed maiori XXVII. p. 281. Positivæ vniuersales sunt conclusiones ex regulis honesti & decori O. e. p. 288.
- Legislator & Pater l. Doctor quomodo differant. XXVII. p. 278.
- Legista vox barbara. XVI. p. 131.
- Legistarum nomen quando ICtis cœperit tribui. XII. p. 142.
- Legibus Imperii si satisfacere nolint Constat, quid iuris. XXXI. p. 390.
- De Legum natura & diuis. & erroribus circa has, eorumque tribus fontibus. XXVII. 259. 260. humanarum varia nomina. 260.
- Legum doctrina incaute applicatur Legibus Divinis. p. 259.
- Lex an omnis debeat esse pœnalis XXVII. p. 269. non omnis est disjunctiva. ib. disjunctiva est Lex improprie dicta. ib. Democratica Ephesiorum. III. p. 13. 14. de non comedendo ab arbore vetita fuit monitum paternum. XXVII. 276. adeoque caput Legis N. in illo statu. 277. Divina natur. & pos. non sunt species univocæ. O. e. p. 279. Mosaica naturali opposita notat Legem purè positivam. ibid. Divina positiva univ. non datur. p. 280. seqq. Objectiones contra hanc assertionem refutantur p. 283. s. proprie dicta omnis est civilis & positiva. p. 289. omnis proprie dicta publicari debet. p. 290. hinc est l. Scripta l. non
- D d scri-

scripta, ubi not. error ICtorum. ibid. non scripta & consuetudo differunt. 291.

De Libris scribendis Epistola Acontii. XXV. p. 313. f.

Literarum Alphabeti ordo. IV. p. 16. seqq. Literarum & Philosophiæ duplicis studii ortus. XX. p. 161.

Lohensteinii nativitas, patria, educatio. X. p. 85. Studia Scholast. & Academ. ut & peregrinatio. p. 856. matrimonium, munia p. 87. sublime dicendi genus, Arminius & Thusnelda, de quo iudicium fertur. p. 88. encomium. 89. mors. 16. Tragediæ cum notis eiusdem. Varia poemata fforum nomine prodita. p. 90. f. Poemata Sacra, Orationes funebres, de edit. Opp. Poët. p. 94. f. de iis iudicia. De Edit. Arminii. p. 95. f. mores & amici. 97-100.

Lutherus quo sensu sit Elias tertius. XXIII p. 184. f.

M

Machiaueli laus & vituperia. I. p. 3. accusatio Atheismi. Ib. Scripta noxia legentibus & practicantibus. p. 4.

Machiauellistarum ortus novus. I. p. 7. 8. comparatio cum Monarchomachis. Ib. ante Machiauelum vigor. p. 2. Doctrina & eius finis. p. 1. Doctrinæ propagatio & facta. p. 5.

Magisterii candidati. XX. p. 162.

Malum, quod voluntas hominis alio inclinans me-

metuit. est vel naturale, vel arbitrarium.

XXVII. p. 264. f.

Medici dicuntur Philosophi. XXI. p. 66. f.

Mariti Imperium non est lex vniuersos maritos obligans. p. 285.

Metus in obligatione externa triplex. XXVII p. 267. f.

Monachorum & Monialium in vno eodemque Monasterio viuentium non datur exemplum. XXVII. p. 256. seqq.

Monasteria duplicia quid? ibid.

Monarchomachorum doctrina, eiusque finis. I. p. I. cum Machiavellistis comparatio. p. 7. 8. aperta secta post nuptias Paris. p. 6. varii scriptores. p. 7. 8. secta Machiavellistis antiquior. p. 6.

Monita dicuntur Leges. XXVII. p. 260. differunt à consiliis, præceptis, pactis: p. 261. definiuntur. XXVII. p. 266.

N.

Nationum laudes & vituperia ex lingua desumpta. VI. p. 36. non ex Etym. desumenda p. e.

Notæ Græcorum numerales subsidiariæ tres, eorumque nomina. V. p. 25. seqq.

Numeri variis modis considerantur. XX. p. 108. monadici quid mystice significant in primo ordine Tab. Pyth. p. 110. III. quid in secundo ordine. p. III. compositi ad simplices reducuntur. 109. 110.

Nutritionis necessitas. XXVIII. p. 293.

## O.

Obligatio & persuasio differunt. XXVII. p. 262. ut & inclinatio ad bonum. p. 263. nec minus vis. p. 264. est vel interna, vel externa p. 264. interna metuit malum verum & apparens. 265. externa tres habet gradus. 268. f.

Obligationis internæ neglectus est inter fontes errorum communium circa Doctrinam de Legibus. XXVII. p. 259.

De Oeconomia divina Doctrina inconuenienter ex natura Paſtorum illustratur. XXVII. p. 273. seq.

Orpheus quis & an unquam fuerit. XXIX. p. 308. seq. non idem est cum Mose. p. 317. eius Philosophia. 318. seqq.

Orthographi distincti ab Artigraphis. XVII. p. 140.

## P.

Pacta definiuntur. XXVII. p. 267. eorum natura, quibus Imperiū transfertur. p. 269. variæ differentiæ, ibid. de voluntate DEI improprie prædicantur. 272. à consilio, monito & præcepto differunt. p. 260. f.

Palatini vox in loco Saresb. non est titulus honoris. XX. p. 157.

Per partes quid intelligatur. XIX. p. 150. f. earum ab Artibus distinctio. p. 148. f.

Petrarcha examinatur à Roberto, Sicil. Rege. VII. 54. f. accipit formulam potest. dum poëta coronatur. p. 55. 60.

- Patrum Ecclesiæ Somnia refutarunt multi.  
 XXIII. p. 184. f. de stilo Apostolico judi-  
 cium. XIII p. 117.
- Pauli stylus habet quædam inusitata &  
*δυσνόητα*. O. e. p. 113. Exempla. p. 114. 115.
- Peregrinum pro inimico habent Romani, in-  
 deque vituperantur. VI. p. 40. Ebræi non  
 accipiunt pro hoste contra Ambrosium. p.  
 41. nec Græci contra Bodinum. 42. seq.
- Peripatetic9 Palating, i. e. Abelardus. XX. 157.
- De Patricio F. Acontii judicium. XXV. p.  
 211. 212.
- Pater & Doctor s. Legislator quomodo dif-  
 ferant. XXVII. p. 278.
- Permittere non est virtus Legis. xxvii p. 271.
- Per suasio & obligatio differunt. O. e. p. 262. f.
- Philosophorum varia nomina ex Hornio.  
 XIV. p. 119. in ordinem digesta. p. 120. Ar-  
 tistæ cur dicantur p. 122. quando. XIIIX. p.  
 142. *Τεχνικοί* vocantur à Græcis, quæ vox  
 non confundenda cum Artistis. p. 122.
- Philosophi dicuntur doctores ultimæ facul-  
 tatis. XIV. p. 125. & Chymici. p. 126. XXII.  
 p. 72. moderni non superant antiquos.  
 XXX. 339.
- Philosophia olim omnem eruditionem com-  
 plexa est. XIV. p. 125. distinguitur ab Arti-  
 bus. XX. p. 161. variè accipitur. XXI. p.  
 164. seqq.
- Philosophiæ & literarum studium duplex  
 quando ortum. XX. p. 161. Principalis &  
 instrumentalis disciplinæ XXI. p. 170.

# INDEX RERVM.

- Physica Aristot. quando floruerit. XX. p. 159.  
 Platonis doctrina de anima. XXVI. p. 335. seqq.  
 Poetæ laureati quomodo creentur, & huius rei origo.  
 VIII. p. 47. seq. noniores & antiquiores quomodo  
 conueniant & disconueniant. O. e. p. 51. non po-  
 terant olim creari ab Academiis p. 56. cur à solis Im-  
 peratoribus, & hodie non. p. 57.  
 Poetam facere quid olim notauerit. VII. p. 50.  
 Poeta ante Petrarcham coronatus Alb. Musatus. VII. 59  
 de Poetarum coronatione locus Vosii. VII. p. 61.  
 Poetæ cuidam A. 1661 data priuilegii formula. VII. 62.  
 Poetica & Hist. artis coniunctio. VII. p. 55.  
 Poena omnis proprie dicta est ex Leg. posit. hum.  
 XXVII. p. 275. f.  
 Poenæ diuinæ late sic dicuntur. O. e. p. 178. ante Mo-  
 sen fuisse extraordinariæ. 291. 2.  
 Politici modo sub Philosophorum nomine comprehen-  
 si, modo iis oppositi XXI. p. 168.  
 De Polygamia hypoth. Bodini. II. p. 9. an sit iure  
 Nat. licita. p. 10. non legitimatur per abundan-  
 tiam sceminarum ib.  
 De Polyg. Britannorum Clem. Rom. p. 12.  
 Pontanus quis fuerit. VII. p. 65. Originum eius con-  
 tenta. 66. 7. seqq. ob quas Pontificii ei aduersantur.  
 p. 76. controuertit cum Philippo Cluero. p. e. &  
 aliis. p. 77.  
 Præceptorum honesti & decori fontes. XXVII. p. 287.  
 varii generis definitio p. 267. dominicorum ad præ-  
 cepta diuina nimis præcipitata applicatio. p. 259.  
 Professionum Theologicarum ortus in Acad. Paris.  
 XIX. p. 147.  
 Protoplasti in statu innocentiae non habuerunt noti-  
 tiam rerum naturalium XXIV. p. 197. Obiectioni-  
 bus resp. 197. seqq.  
 Putci ad aquam quolibet tollendam inuentum. XXX.  
 p. 370. sq.

## S.

Sanguinis restauratio poscit alimenta pauca XXIX.  
294. 295.

Scholarum antiquarum ab Academiis primis differ-  
rentia. XIV. p. 124.

Scriptores Francici præcipui. VIII. p. 64.

Semiotica non est imaginis div. particula. XXIV.  
p. 195. seqq.

Signatura non omnium plantarum & corporum est a-  
nalogia membris humanis, at plerorumq; tamen XIV.  
p. 191. 2. unde petenda, semiologis non satis constat  
p. 194. animalium est incerta p. 194. in inanimatis  
est occulta maximam partem. 195.

Somnia patrum Ecclesiæ multi refutarunt. XXIII.  
184. f.

Somnium Theophr. euentus refutauit. O. e. p. e.

Somnus certis horis non adstringendus. XXVIII. 304. f

Status non possunt vindicare bello iura sua in causa du-  
bia. XXXI. p. 392. si bello turbent Constans, quid  
fiat. p. 393.

de Stilo Apostolico iudicium Patrum. XIII. p. 117.

de Strategematibus Satanæ liber Acontii. XXV.  
p. 213. diuersa de eo iudicia. p. 214.

Studioſi Grammatices & Laureæ. XX. p. 162.

Sybaritarum Lex explicatur. Nemo nostrum fru-  
gi esto III. p. 14.

## T.

Technicus etiam substantiue capitur XVII. p. 133. pro  
Artifice Theoretico lb. artem liberalem compen-  
diose proponente, & vocatur Technographus. p. 34.  
f. it. pro Scriptore Rhet. System. lb. Grammatico &  
Dialectico. 136. f. non vero pro Scriptore de Scien-  
tiis, aut interprete Auctorum. 137. f. in contem-  
ptu est apud Auctores, & cur? interdum etiam con-  
trouersias tractat. 139.

Theologia Christiana in numeris. X. p. 105. seqq.

Theo-

# INDEX RERVM.

- Theologi dicuntur Philosophi. *XXI.* p. 167.  
 Theologicarum Professionum ortus in Acad. Parif. *O.*  
*XXIX.* p. 147.  
 Theophrasti vaticinium de Elia Artista. *XXIII.* p. 177. f.  
 quod per iocum de If. Hollando a Penotto explicatur. p. 182. Somnium euentus refutauit. 184. f.  
 de Trinitate qui non recte sentiunt effatum Acontii  
*XXX.* p. 217.  
 de Tubis vitreis duobus experiment. *XXX.* p. 241.-f.

## V.

- Vacui fuga veterum est causa compressionis aeris in  
 experim. secundo. *XXX.* p. 344. impugnata defenditur. p. 349. seq. est vacui repleti causa. p. 363.  
 Vaticinium Theophr. de Elia Artium. *XXIII.* p. 177.  
 quod per iocum applicatur If. Hollando.  
 Victus simplicior æqualitatem sanitatis ceteris paribus  
 præbet. *XXIX.* p. 298.  
 Victui vario dediti incommode sæpe habent *O. c.* p. c.  
 vt & simpliciori dediti si defleant. p. 298.  
 Virtutis & iustitiæ differentia. *XXVII.* p. 288.  
 Vis & obligatio differunt. *O. c.* p. 264.  
 Vitii & Criminis differentia. *O. c.* p. 288.  
 Voluntatis inclinationis natura. *XXVII.* p. 262.  
 Voluntas humana appetit natura verum malum. *O. c.*  
 p. 263.

## Z.

- Zafius a Vossio notatur, quod Artista vsus est, pro  
 Doctore artium liberalium, *XVI.* p. 137. excusatur. *ibid.*



